

II. (16), 271, (1) pp

20 numbered engr.

(2 fold. plates, 16 full-page, 2 half-page in the text)

+ 5 fold. tables.

III. (2), 281, (1) pp

25 (of 28?) pl.

2 fold. tables

4

1000-10

1000

TELEOPTER

1000

1000

1000

1000

1000


1000

1000

1000

1000

1000



R. P. F. JOANNIS ZAHN

CAROLOPOLITANI,

Sacri Candidi Canonici Ordinis Præmonstra-
tensis in Superiore CELLA DEI Professi,

PRO

EXPLICANDO ET DEMONSTRANDO

Cartasia O C U L O

ARTIFICIALI TELEDIOPTRICO

S I V E

TELESCOPIO,

FUNDAMENTUM II.

MATHEMATIO-DIOPTRICUM,

In quo

Comprimis de materiâ & formâ Artificiali apti Diaphani ad
perfectionem Oculi Artificialis Teledioptrici :

Deindè de variâ lentium diaphanarum tam inter se quam cum
Oculo Naturali combinatione:

Tandem & de ipsis machinis sive instrumentis Teledioptricis
cum Oculo Naturali comparatis Methodicè, Genuinè, ac
Mathematicè tractatur.

Cum Facultate Superiorum

Ex Donatione



Adm. R. D. Domini Daniber

HERBIPOLI, *Canonici Ad S. Crucem*

Sumptibus QUIRINI HEYL, Bibliop. Aulico-Academici.

Francofurti ad Mœnum, Typis JOH. GEORGII DRULLMANNI.

ANNO M DC LXXXVI.

R. P. F. JOHANNIS ZAHN

CAROLOPOLITANI

Sacri Candidi Canonici Ordinis Praemonstratensis

regis inspectoris CELLAE DEI Profess.

PRO

EXPLICANDO ET DEMONSTRANDO

O C U L O

ARTIFICIALI TELEDIOPTRICO

212

TELLESCOPIO

FUNDAMENTUM II

MATHEMATICO-DIOPTRICUM

in quo

Compositio de materia & forma Artificialis apud Diaphani ad
perfectiorem oculi Artificialis Teledioptrici;

Deinde de variis levis diaphanum tam inter se quam cum
Oculo Naturali combinatione;

Tandem & de ipsis machinis sive instrumentis Teledioptricis
cum Oculo Naturali comparatis Methodis, Genere, ac
Machinamentis tractatur.

Cum Facultate Superiorum



HERBIPOLIS

Sumptibus G. H. R. I. N. I. H. E. Y. L. Biblioth. Aulico-Academicae

Transmissum ad Museum, 7. April. 1801. H. O. G. H. D. R. I. L. M. A. N. N.

ANNO M. DC. LXXXV

Reverendissimo, Amplissimo, & perquam Gratioso
DOMINO,

DN. BENEDICTO,
S. Ordinis Cisterciensis in Monasterio speciosæ vallis Præsuli & Abbati dignissimo, &c.


Domino suo perquam gratioso

GAUDERE, VIVERE, SOSPITARE.

Reverendissime, Amplissime, & perquam Gratiosè
Domine, &c.



Uem oculum nuper cæpi publico typo & luci submittere, nunc etiam ante oculos tuos demittit sese, vel sic observaturus primam modestiæ regulam, quæ docet oculus demittere in conspectu virorum prælutrium. Ardebat equidem hic oculus, ut primum gratiosum tuum nomen in audit, erecto supercilio, in sublimia montium excurrere, juxta vetus illud & celebre; *Bernardus valles, montes Benedictus amabat*: Sed postquam intellexit in valle tuas hospitari gratias, & speciosa quidem, tam facilè intra hos modestiæ cancellos sese composuit, ut ad hanc Demissionem raperetur quasi suomet pondere. Quid enim oculo gratius accadat, quàm vallis, & speciosa quidem, qualis Tua est? in qua vernant omnes melioris ævi gratiæ, ubi nivescunt primi candoris lilia, serpunt demissionis violæ, purpurascunt divini amoris rosæ, se inflectunt manû veteris obsequii solsequia, colorantur mutue pacis irides, verbo, totus virtutum explicatur clypeus, ut non pabulum oculo, sed oculus tam lætæ pascuæ satis dispiciendæ deesse videri possit. Auribus multas delicias valles ingerunt, ut, cum undarum lusus, silvarum cantus, columbæ gemitus, alaudæ laudes per mutas rupes & scopulos vocalis Echo gratâ reflectit imagine. Non inferiores delicias in Tua speciosa



valle meus hic leget oculus, quando, præter beatam illam sanctioris veris copiam, mirabitur illos ignes, non fatuos, qui amant loca depressa & humida, sed ignes prudentes, quos virgineus tuus chorus fovet devotionis oleo; Quando percipiet amoenissimas umbras, quæ cadunt de celsis contemplationum cœlestium montibus; quando persentiscet pelluentes illas lacrymarum gemmulas, quas è Tuo & Tuorum vultu, velut è constantiæ petristantâ dulcedine cœli suavitas exprimit, ut cœnobium Tuum iis jam sæpius irrigatum, quasi à lacrymarum acerbarum valle secretus, vel ideo speciosa vallis compellari promeruerit. Profectò vero nomine hic liber deinceps dici poterit oculus, postquam in hac valle sese oculuerit, imitatus naturæ ingenium, quæ in carnea & ossea valle recondidit oculum, ut vel ab omni vulnere tutior, vel ad colligendos ignes & radios federet aptior. Quid enim in hac valle lædat oculum, cum juxta *Benedictum* excubat, qui etiam spinis obsepsit corporis moenia, ne pars meliortraheret vulnera. Quidni aptè colligat ignes & radios, cum Te videt, qui pietatem cum litteris, Musas cum virtutibus, Parnassum cum Calvaria, Apollinem cum Deo sic amicare nōsti, ut ubique exemplo luceas, ardeas charitate. Credo satisfecerit hic oculus magnis naturæ mystis Platoni & Aristoteli, quorum hic volebat oculos naturæ esse aqueæ, ille igneæ, cum cœlestes ignes Benedicti quos volvis animo, & mellifluos fontes Bernardi, quos stillas moribus, sibi instillaret. Authori suomet satisfecerit, qui cum sit ex ordine candido, gratulabitur, hunc suæ scientiæ mathematicæ Candidatum ad Tuam Vallem promotum esse, quæ candorem suum modestâ distingvit scapularis nigredine, ut possit esse ceu pupilla hujus oculi. Jam, si juxta vulgi sensum, oculus est index animi; si secundum Hippocratis mentem, ex oculis metimur universi corporis habitum, quem habeam in Te animum, quod corpus, ex hoc oculo facile conjectabis Præsul Reverendissime. Mihi satis erit, si cum mystica illa sponsa in Canticis gloriari possim, quod in uno oculorum meorum vulnerarim cor tuum & animum. Hicce hunc claudo sermonem & oculum, cum hoc ardenti voto meo, ut ad Ecclesiæ Dei in terris ornamentum, ad Tui ordinis & cœnobii immortalem gloriam, serò ex speciosa valle ad cœlestes æternitatis montes pertranseas. Herbipoli, die 11. Sept. Anno 1685.

Reverendiss. Ampliss. Et perquam gratiosa

Dominationis Vestræ

Devotissimus & obsequiosissimus Servus

QUIRINUS HAYL, Bibliop. Aulico-
Academicus Herbipoli.



SERIES ET ORDO

eorum, quę in Fundamento secundo Mathematico-
Dioptrico tractantur.

FUNDAMENTUM II. MATHEMATICO- DIOPTRICUM

*Oculus Artificialis Teledioptricus explicatus atque cum
Naturali Physico comparatus.*

PROOEMIUM.

Syntagma I.

DE Materia & formâ Artificiali Diaphani apti ad perfectionem oculi Ar-
tificialis Teledioptrici.

Caput I. De vitro generaliter ejusque naturâ, & variis proprietatibus.
Vitri proprietates.

Proprietates vitri ex Kircherō.

Caput II. Quomodo in vitro quantitas Refractionum sit inquirenda, & ad
Tabulas reducenda.

Instrumentum Anaclasticum ad observandas Refractiones vitri.

Tabulę Refractionum ab aëre in vitrum, & à vitro in aërem.

Caput III. De vividâ & ordinatâ Refractione, formaque Artificiali apti
diaphani sive vitri, ac variis ad eandem plenius explicandam re-
quisitis.

Definitiones, sive termini Lentium sphaëricarum.

Definitiones sive termini circa Lentium dioptricarum effectus.

Hypotheses & Axiomata circa Lentes dioptricas ad earum proprietates
indagandas, quę ab omnibus facillè admittuntur.

Caput IV. Lentium convexarum proprietates Dioptrico - Mathematicę
proponuntur & demonstrantur.

§. I. De simplici unicâ Refractione, quę fit, dum radii paralleli incidunt
ad convexam superficiem vitream in continuatâ soliditate.

§. II. De Refractione, quę fit in Lentibus plano-convexis, cum radii inci-
dentes sunt paralleli.

§. III. De Refractione, quę fit in Lentibus utrinque convexis, cum radii
incidentes sunt Axi paralleli.

§. IV. De Naturâ Refractionis Lentium convexarum, cum radii ab obje-
ctis magis aut minùs distantibus incidentes Axi paralleli non
censentur.

Caput V. De præstantiori Lentium convexarum effectū, qui est, imagi-
num per plures radios ab objectis antea diversimodè disper-
sos, post Lentes verò in una basi distinctionis collocatos effor-
matio.

Caput VI. De Naturâ Refractionis, quę fit in Lentibus concavis.

Caput VII. De specillis mixtis sive Meniscis, & eorum in refringendo pro-
prietatibus.

Series & Ordo rerum II. Fundamenti.

Caput VIII. De sphaeris integris ac dimidiis & earum in refringendo proprietatibus.

Caput IX. Trigonometrica focos quarumlibet Lentium inveniendi methodus & praxis ostenditur unà cum variis Tabulis ad eosdem in pedibus Romanis & eorum particulis centesimis facillimè indagandos accuratè supputatis.

§. I. Focos principales quarumlibet Lentium convexarum trigonometricè reperire.

Tabula I. & II.

§. II. Quarumlibet Lentium concavarum focos virtuales determinare.

Tabula III.

§. III. Meniscorum sive Lentium mixtarum focos trigonometricè reperire.

Tabula IV.

Caput X. Varia consuetaria practica ex haftenus demonstratis adducuntur.

Syntagma II.

De quarumvis Lentium Dioptricarum tam inter se, quàm cum oculo naturali combinatione, ac de cujuslibet talis combinationis proprietatibus & effectibus Dioptrico-Mathematicis.

Caput I. Hypotheses & suppositiones ex præcedentibus collectæ pro faciliiori tractatione Capitum sequentium.

Caput II. De variâ Lentium convexarum combinatione cum proprietatibus & earum effectibus dioptricis.

Caput III. De Lentis cavæ ad quamcunque Lentem convexam habitudine & effectibus ex combinatione.

Caput IV. De variâ combinatione Lentium convexarum cum oculo naturali, & modo videndi per Lentes convexas.

Caput V. De variâ Lentium concavarum combinatione cum oculo naturali, ac modo per eas videndi.

Caput VI. Lentes polyedræ quas habeant proprietates, & quem effectum producant in oculo, declaratur & demonstratur.

Caput VII. De oculo materiali, ejus Artificiosa constructione, tractatione & usu ad varias per eum experientias practicè demonstrandas.

Syntagma III.

De variis machinis & instrumentis Teledioptricis ad oculum naturalem applicatis, ac visione modoque per illa videndi.

Caput I. Hypotheses & suppositiones quædam præmittuntur.

Caput II. Simplex commune Microscopium proponitur & demonstratur.

Caput III. Microscopia plurium Lentium convexarum proponuntur & demonstrantur.

Caput IV. Telescopium commune Hollandicum sive Galilæanum proponitur & demonstratur.

Caput V. De Tubo Astroscopico sive Astronomico, ejusque demonstratione.

Caput VI. Telescopia terrestria melioris notæ plurium Lentium convexarum proponuntur & demonstrantur.

Caput VII. Indicantur varii alii Tubi, in quibus plurimæ Lentes pro distinctâ objectorum dissitorum in situ recto exhibitione disponuntur.

Caput VIII. Proponitur & explicatur Tabula combinatoria compositionis partium Telescopicarum ad construenda varia eaque diversa cum pluribus Lentibus Telescopia.

Series & Ordo rerum II. Fundamenti.

Partes priores Telescopicae explicantur.

Partes mediae Telescopicae explicantur.

Explicantur reliquae partes Telescopicae.

Caput IX. De longioribus aliis Tubis Teledioptricis sive Telescopicis plurimum imaginum.

Tubus trium imaginum ostendens objecta eversa.

Praxis ordinandi ejusmodi Tubum.

Tubus quatuor imaginum ostendens objecta erecta.

Paradoxa Teledioptrica.

Caput X. De Tubis incurvis Catoptrico-dioptricis, & eorum in repraesentando natura.

Descriptio & explicatio curiosi Panscopii Polemici.

Usus Panscopii Polemici.

Caput XI. De Tubis binoculis ac eorum construendorum ratione.

Caput XII. Proponuntur varii modi, quibus admirandum solaris corporis opificium tuto inspicere & explorari potest.

Apparentiae imaginis solaris in camera obscura ex immixtione naturali aliquot proprietates.

Utilitates & proprietates Artificialis immixtionis.

Caput XIII. Fundamenta Mathematica Catoptrico-Dioptrica projectionis quarumlibet imaginum & figurarum proferuntur & declarantur.

Caput XIV. Variarum quaestiones circa Lentem & Tubos Teledioptricos proponuntur & resolvuntur.

Quaestio I. Quomodo per Lentem plano-convexam refractiones vitri dimetiri possumus?

Quaestio 2. Cur specillum cavum in Telescopio communi auget objecti diffusi apparentiam, extra Telescopium vero minuit?

Quaestio 3. Quare Lens convexa, quod erit minoris sphaerae portio, eodem objecti diffusi imaginem minorem exprimit in oculo: objecti vero vicinioris ad certam distantiam imaginem majorem efficit?

Quaestio 4. Quare specillum cavum rei visae situm in oculo nunquam evertit, sicut convexum solet?

Quaestio 5. Quare aliqui convexis specillis non juvantur, si naso, ut fieri solet, eadem admoveant: juvantur autem, si paululum a naso removeant?

Quaestio 6. Quare aliqui etiam acutissimis specillis cavis utentes nihilominus rem videndam oculo quam proximè admovent?

Quaestio 7. Quare aliqui adhibitis specillis cavis omnia per nebulam & cum dolore oculorum vident?

Quaestio 8. Cur oculis Presbytarum ætate majori aptiores sunt Lentem majoris convexitatis ad objecta vicina cernenda?

Quaestio 9. Unde sit ut aliquando per specillum cavum oculo propinquum nihil videamus: si tamen paulisper removeamus?

Quaestio 10. Quid sentiendum de Lentibus sectionum conicarum in usum Teledioptricum maximè, ut volunt, accommodis, velut ellipticis, parabolicis, ac hyperbolicis?

Quaestio 11. An & quomodo ope pilae vitreae constitui potest horologium Heliocausticum, sive solare ustorium, quod non solum luce velut indice quodam horas demonstret, sed etiam singulis horis succenso igne strepituque facto non secus ac usitata horologia rotarum subsidio sonando horas denuntiet?

Quaestio

Series & Ordo rerum II. Fundamenti.


- Questio 12.* Quem effectum in oculo præstare debent instrumenta Teledioptrica, ut censeantur esse perfectæ bonitatis?
- Questio 13.* Quantum Telescopium quodcunque censetur augere diametrum apparentem cuiuscunque objecti?
- Questio 14.* An objectum quod est minus alio potest per idem Telescopium eodem loco similiter adhibitum comparere majus altero?
- Questio 15.* Quomodo ex quovis Telescopio fieri potest Engyscopium?
- Questio 16.* An prodest Tubos opticos plurimum intus esse ampliatos, denigratos, & pluribus annulis obscuratos?
- Questio 17.* Cur radii à transitu Prismatis triangularis colorati Lente concavâ excepti dilatantur; Lente polyoptrâ separantur, retinentque suum colorem; Lente verò convexâ, in ipso foco amittunt colorem, eumque post focum recuperant?
- Questio 18.* An Artificio Dioptrico ex Lentibus convexis dari potest linea uestoria infinita?
- Questio 19.* Cur per lucernam Thavmaturgam sive Megalographicam lampas aut speculum non etiam in pariete exprimitur?
- Questio 20.* An ex inventis hætenus Artificiis Dioptricis principia habemus ad alia plura & rariora detegenda?

Caput XV. Varia confectaria ex hætenus declaratis & demonstratis collecta ad usum potissimum & informationem practicum sive Mechanicorum Artificum.

- §. I. De Refractione in genere.
- §. II. De Lentibus convexis.
- §. III. De Lentibus concavis.
- §. IV. De Lentibus mixtis sive Meniscis.
- §. V. De sphaëris integris & dimidiis.
- §. VI. De Lentium convexarum combinationibus inter se.
- §. VII. De combinatione Lentium concavarum cum convexis.
- §. VIII. De Microscopiis.
- §. IX. De Tubis opticis in genere.
- §. X. De Telescopiis ac aliis quibusvis instrumentis dioptricis in specie.



¶) o (¶



Reverendissimo Præsuli, Amplissimo

DOMINO

D N. EUCHARIO,

Ordinis S. Benedicti Herbipoli ad S. Stephani &
Banthi ad S. Dionysium Abbati
dignissimo &c.

DOMINO SUO PER QUAM GRATIOSO.

GAUDERE, VIVERE, SOSPITARI.

UT felicem coronidem imponerem huic Operi, quod ab Autore suo dictum est, *Oculus artificialis*, illud in cœnobio coronati Protomartyris sancti Stephani, ad pedes Reverendissimæ, Amplissimæ, & perquam gratiosæ Dominationis vestræ deponere volui, gravi ad hoc inductus pondere, persuasus argumento non simplici. Cùm enim, juxta probabilem Philosophorum sententiam, visio fiat in tunica reticulari seu retina, quorsum aliò, hac ultima quasi totius operis lineâ collimare poteram, quàm in illud rete, quod mihi struxit & præfixit Tua insignis cum virtute conjuncta Humanitas? Oculi retina hinc dicta, quod rerum species omnes facilè irretiat, sive quod in hemisphærii figuram, retis non contexta sit, illam certè non pictam aut fictam, sed artifice virtutis manu factam Reverendissima Amplitudo Tua suis dotibus exprimit. Quis neget linguam Eucharim rete esse, quod suaviter palabundos pellicit, quod blandè trahit non invitos, solatur moerentes, jacentes erigit, offensos placat, exulceratos delinit, dulcissimis nexibus omnium animos non tam hamando, quam amando illaqueat, verbo, quod juxta Scripturæ oraculum in bono homine semper abundat. In Reverendissimo Euchario quis hanc linguam, hoc rete non persentiscit? Experiuntur illud bina DEo dicata Monasteria, S. Stephani Herbipolense, Banthense S. Dionysii, quibus sic præes Laudatissimus Præsul, ut adsis omnibus, desis nemini: Loquuntur illud tot in his sacris septis DEo devoti animi, qui vel

))(


ideo

ideo felices se prædas autumant, quod tam gratiosis tuis trahantur plexibus: Deprædicant illud hujatis urbis Magnates & cives, summi & infimi, quibus nunquam veles, vel audis aliud quam *Eucharis*, hoc est, his gratiosus, illis gratus. Nec hemisphærium in Te desideret Philosophus opticus, cùm perfectæ virtutis & prudentiæ orbem sic consummaveris, ut Julio-Eo-francia Universitas orba esset, nisi Te Patre, Capite, Rectore magnifico gaudere & gloriari posset. Te omnes facultates venerantur suum delictum, decus & columen; Poetæ suam Laurum, Rhetores suam florem, Philosophi suum campum, Medici suum Libanum, Jurisconsulti suum forum, Theologi suum coelum, omnes suum Eucharium, cùm omnibus blandæ aspirent tuæ Charites, & omnes regantur tuis gratiis. Hæc erant quæ & me invitabant, ut nusquam aliò hunc oculum quàm in tantæ virtutis radios, vel hos characterum radios nusquam aliò, quàm in gratiosum tuum oculum & rete voluerim reflectere. Et certè ipsa dies, quâ hæc molior, hujus me admonuit officii: Erat illa sancti Benedicti Sacra, qua Sol ingressus æquinoctialem gradum Zodiaci, æquam diem dispensat orbi, & orbis magno Benedicto festivos triumphos iterat. Quidni tanto Benedicti Clienti & ego aliquid impendam obsequii? vive igitur Benedicti & Benedictinorum gloria! si minus bene dixisse, cujus artis me fateor inscium, saltem benefecisse videbor, tam gloriosæ virtuti tuæ statuendo hoc quale quale monumentum, quod si non in hac charta, saltem in corde meo stabit ære perennius. Atque ut in hac tua virtute, felicitate & gloria perennes quàm omnibus gratus, tam tuis gratiosis Eucharis, hoc voto artificialem hunc claudò oculum. Herbipoli ipso festo die S. Benedicti, 21. Martii Anno 1686.

*Reverendissima, Religiosissima & perquam
gratiosa Amplitudinis Vestre*

officiosissimus Servus

QUIRINUS HAYL.



SERIES ET ORDO

Eorum, quæ in Fundamento Tertio Practico-Mechanico
tractantur.

FUNDAMENTUM III. PRACTICO-MECHANICUM.

Fabrica Oculi Artificialis Teledioptrici

PROOEMIUM.

Syntagma I.

DE perfectâ superficie sphæricâ tam concavâ in patinas, quàm convexâ in globos inducendâ.

Caput I. Arcus sive lamellas recurvas pro determinandâ & consignandâ scutellarum figurâ ac magnitudine præparare.

Caput II. Quomodo formæ sive moduli pro fundendis patinis ad exactam eorum figuram præparari debeant.

Caput III. De modo & praxi fundendi scutellas ex plumbo aut stanno.

Caput IV. Quomodo ex ære vel cupro similive metallo duriori scutellæ fundi queant.

§. I. De luto ejusque præparatione ad formas sive modulos bene pro fusionem aptandos.

§. II. Quomodo fornaces sive furni, tam pro modulis ad fusionem adaptandis, quàm eliquandis metallis construi debeant.

§. III. Practica quædam experimenta circa æris aut cupri fusionem indicantur.

§. IV. Quomodo eliquatum æs aut cuprum formis præparatis infundendum, & quid circa hanc fusionem observandum.

Caput V. Variæ quædam aliæ praxes ab aliis Autoribus præscriptæ, lances ac patinas Telescopicas efformandi adducuntur & explicantur.

Caput VI. Machinamenta tornatilia P. Maignan pro patinis & sphæricis quibuslibet segmentis torno elaborandis proferuntur & exponuntur.

Machinamentum I. Pro patinis concavis è ferro, chalybe, ære, cupro &c. opere tornatili facillimè elaborandis.

Machinamentum II. Pro segmentis sphæricis convexis ex ære, cupro, ferro, chalybe opere tornatili facillè elaborandis.

Caput VII. Alia quædam machinamenta tornatilia, tam pro concavis, quàm convexis modulis torno parandis, indicantur & explicantur.

Machinamentum I. tornatile pro concavis modulis torno perfectissimè elaborandis.

Machinamentum II. tornatile pro convexis modulis torno perfectissime elaborandis.

Syntagma II.

Vera, expedita, certaue methodus elaborandarum quarumvis Lentium proferatur & dilucidè exponitur.

Caput I. De aptâ materiâ Lentium, sive vitri aptioris delectu ad Lentas inde efformandas.

Vitri melioris seligendi proprietates.

Series & Ordo eorum, quæ in Fundamento III. tractantur.

Caput II. Facilis, genuina, ac vera praxis elaborandarum quarumlibet Lentium convexarum exponitur.

§. I. Preparatio vitri sive aptatio ad trituram.

§. II. Attritio seu tritura vitrorum extra scutellas.

§. III. Attritio perfectior in scutellis docetur.

§. IV. Quomodo dispositio ad polituram peragenda.

Caput III. De convexarum Lentium perfectâ expolitione seu politurâ.

Cautiones quædam in expolitione Lentium observandæ.

Caput IV. De perfectâ Lentium convexarum expolitione, quæ fit extra scutellas.

Signa bonitatis figuræ in Lentibus & specillis convexis.

Signa probati lævoris, & perfectæ expolitionis in Lentibus convexis.

Signa bonæ materiæ, sive internæ bonitatis Lentium.

Caput V. De mechanicis quibusdam instrumentis, sive machinis, quarum ope Lentes convexæ facilius & perfectius elaborari posse putantur.

Caput VI. De perfecta concavarum Lentium extritione ac expolitione per machinas & instrumenta tornatilia ab aliis præscripta.

Caput VII. Vera ac genuina praxis elaborandarum Lentium concavarum per machinas proprias clare proponitur & explicatur.

Praxis operationis in exterendis & perfecte disponendis Lentibus concavis.

Politura specillorum concavorum.

Caput VIII. De vitris planis debite formandis.

Caput IX. Quomodo Prismata diaphana seu vitra trigona æquilatera conficienda, cum adnexis aliquot observationibus & proprietatibus eorundem.

Caput X. Trigona circularia sive annularia, quomodo conficienda.

Caput XI. Vitra polyedra sive polygonal elaborandi praxis.

Caput XII. Curiosæ observationes, experimenta & proprietates polyedrorum convexorum adducuntur.

Caput XIII. De Lentibus sectionum conicarum in usum Teledioptricum maxime accommodis, & ellipticis, parabolicis, ac Hyperbolicis.

Appendix de artificiosa quarumlibet imaginum & figurarum incisione in quælibet vitra oblata.

Symbola Joco-seria, quæ vitris potioriis artificiose interi possunt.

Syntagma III.

De Usu, applicatione & varia combinatione Lentium ad machinas & artificia dioptrica.

Caput I. De Lentium dioptricarum delectu ad perspicilla tam pro Presbytis quam Myopibus.

Caput II. Variæ microscopiorum species proponuntur cum certâ eorundem construendorum methodo & praxi.

Caput III. Experimenta & variæ observationes per Microscopia. Observationes Microscopica.

Caput IV. Varia ludicra curiosa Microscopia proponuntur.

Caput V. Telescopii communis Hollandici sive Galilæani sic dicti, Lente convexâ & concavâ constantis constructio enucleatè proponitur & explicatur.

Tabula proportionis Lentium concavarum ocularium ad convexas objectivas in Tubo communi cum augmento diametri apparentis ac superficiæ objecti.

Caput VI. De Tubis opticis melioris notæ, sive Telescopiis convexo-convexis & practica eorundem constructione.

Caput

Series & Ordo eorum, quæ in Fundamento III. tractantur.

Caput VII. De Tubis binoculis, eorumque aptissima constructio & fabrica.

Caput VIII. De variis aliis quibusdam Tubis Telescopicis, eorumque artificiosa constructio & fabrica.

§. I. Telescopiorum in baculis ambulatoriis aptissima constructio & fabrica.

§. II. Fabrica Tubi, per quem plures simul idem objectum spectare possunt.

§. III. Artificium Tubi Anglicani, qui ad unius pedis longitudinem constructus tantum præstat, quantum Tubus 16. pedum.

§. IV. Artificium constructionis Telescopiorum ex meris speculis indicatur.

Caput IX. Proferuntur variæ praxes & artificia pro Teledioptricis instrumentis secundum externam fabricam aptius apparandis & exornandis.

§. I. Cornua, ebur, ossa, & ligna emolliendi & colorandi praxis pro capsis perspicillorum & Tuborum, ac maxime pro Tubulis minoribus.

§. II. Quomodo Arundines & Tubi ex laminis stanno-ferreis, æreis, cupreis aut orichalceis parari possint.

§. III. Quomodo Tubi ex charta aptissime confici queant.

§. IV. Chartæ Turcicæ pingendæ praxis optima.

Tabula præcipuorum colorum seu pigmentorum, cum eorum triturâ, mixtura, temperatura, & duratione in aëre.

§. V. Vernicis Sinensis optime præparandæ praxes variæ declarantur.

§. VI. Usus vernicum indicatarum pro variis rebus eximie illustrandis declaratur.

§. VII. Vernices alias oleagineas valde præstantes præparandi praxes variæ indicantur.

§. VIII. Quomodo Tubi coriis vel membranis obductis colorandi, & malleato auro sint inaurandi.

§. IX. Specula qualiacunque ad usum Teledioptricum aptissime conficiendi praxes proferuntur.

Syntagma IV.

De Tubis Astronomicis, ac quibuslibet machinis & instrumentis Teledioptricis ad cœlestia corpora detegenda accommodis.

Caput I. Aptissima Tuborum Astronomicorum constructio & fabrica docetur.

Caput II. Aptatio Tuborum Astronomicorum specialis ad tria corpora planetaria inferiora accuratius observanda, qua & usus practicus Tuborum eorundem magis in specie explicatur & declaratur.

§. I. Tuborum Astronomicorum aptatio & usus pro Lunari corpore accuratius observando.

§. II. De Venerei globi per Tubum opticum commodissima inspectione & observationibus inde compertis.

§. III. Quomodo Telescopium ad aucupandum Mercurii globum fit apparandum, & quod de ipso per observationes Telescopicas hætenus fuerit compertum.

Caput III. Practicum Artificium ope Telescopii solare phænomenon exactissime observandi proponitur & explicatur.

§. I. Modus immisionis solarium radiorum pro maculis & faculis indagandis.

§. II. Quidnam hætenus per observationes Telescopicas detectum ex solertissimis Observatoribus adducitur & recensetur.

Caput IV. Tuborum Astronomicorum apparatus ad tres Planetas superiores accuratius observandos, quidve hætenus de iisdem per Telescopia observando compertum.

Series & Ordo eorum, quæ in Fundamento III. tractantur.

§. I. Inspectio Martis per Telescopia, & quænam ab ita armatis oculis in ejus corpore hætenus detecta sint, paucis recensetur.

§. II. Jovialis globi phænomena per Telescopium comperta recensentur.

§. III. Quomodo ope Telescopii Saturni corpus investigandum, & quid hætenus de eodem compertum.

Caput V. De stellarum fixarum observatione Telescopicâ, & quid de his ab oculis Telescopio armatis in cœlo detectum.

§. I. Quædam pro aptatione & usu Tuborum Astronomicorum ad stellas fixas accuratius pervestigandas utiliter scienda proponuntur.

§. II. De Phænomenis novis stellarum fixarum ope Telescopii detectis.

Caput VI. Quomodo Telescopia apparari & practice usurpari debeant ad observandas diametros apparentes quorumvis corporum cœlestium.

§. I. Quomodo diameter apparens Solis exactior per Telescopia investigari queat.

§. II. Lunæ diameter apparens quomodo ope Telescopii requirenda.

§. III. Quomodo reliquorum Planetarum diametri apparentes ope Tubi optici exactius observari queant.

§. IV. Quomodo stellarum fixarum diametri ope Telescopii melioris deprehendi queant.

Syntagma V.

Magia Teledioptrica, in qua reconditiora magisque admiranda technasmata Teledioptrica proferuntur & explicantur.

Caput I. Technasmata varia circa magis artificiosam & admirandam specierum immissionem referuntur & explicantur.

Technasma 1. Arculæ catoptrico-dioptricæ constructio, in quâ ejusdem objecti foris existentis multiplices imagines, tam everse, quam erectæ curiose exhiberi possunt.

Technasma 2. Constructio cistulæ parastaticæ, in quâ imagines satis magnæ repræsentari possunt.

Technasma 3. Arculæ artificiosæ constructio, in quâ per duplicem specierum immissionem unica objecti imago formari & vivacissime exhiberi possit.

Technasma 4. Constructio machinæ parastaticæ, quæ objecta foris à tergo constituta curiosissime erecta exhibere potest.

Technasma 5. Fabrica alterius machinæ parastaticæ, in quâ ad album planum trajectæ species curiose videri possunt erectæ vel everse.

Technasma 6. Constructio machinæ, in qua ad alterutrum latus oculo inspectanti objectorum imagines comparere possunt erectæ.

Technasma 7. Quomodo specierum immissio per aquam curiosissime fieri possit.

Technasma 8. Poculum potorium Magico-dioptricum, in cujus fundo vel vino eidem infuso curiosissime imagines qualescunque exhiberi possunt.

Caput II. De variis Microscopicis artificiis valde mirabilibus, eorumque practica constructione seu fabrica.

Technasma 1. Converso Telescopio in Engyscopium valde ludicra & curiosa inde spectacula exhibere.

Technasma 2. Horoscopium curiosum magico-dioptricum, quod in horto vel quovis alio loco ope Telescopii in Engyscopium conversi artificiose construi potest.

Technasma 3. Anemoscopium Teledioptricum, quo tempore quovis lucido ventus à quacunque regione spirans unâ cum qualitatibus & effectibus curiose repræsentari potest.

Tech-

Series & Ordo eorum, quæ in Fundamento III. tractantur.

Technasma 4. Microscopii binoculi constructio & fabrica.

Technasma 5. Fabrica novi Microscopii præstantissimi, sicut & Telescopii plurimum vitrorum aliundè transmissa.

Caput III. Horographia curiosa, in qua reconditiora quædam Artificia horographica proferuntur & explicantur.

Technasma 1. Instrumentum horographicum construere pro horologiis quibusvis cuilibet superficiei facillimè inscribendis.

Technasma 2. Quomodo Lenti vitreæ aut crySTALLINÆ convexæ horologium qualecunque artificialiter inscribi possit.

Technasma 3. Quomodo multiplex horologium Hyalinum artificiose constructui possit.

Technasma 4. Horologia Sciatherica globis & cylindris vitreis aut crystal-
linis curiose inscribere.

Technasma 5. Horologia hyalina ex tenuioribus vitreis tabulis construendi praxis indicatur & declaratur.

Caput IV. Technasmata varia circa tabulas vitreas stanno terminatas sive specula plana proferuntur & exponuntur.

Technasma 1. Cistulæ specularis constructio, in qua res eadem valdè jucundè multiplex repræsentari potest.

Technasma 2. Machinæ catoptricæ polygonæ constructio, in qua diversæ quidem res in diversis loculamentis repositæ, singulæ tamen totam machinam occupare cernuntur.

Technasma 3. Fabrica mensæ catoptricæ, in qua repente horti, choreæ, & alia huiusmodi gratissima spectacula curiosissimè exhiberi possunt.

Technasma 4. Machinæ catoptrico-dioptricæ valdè miræ constructio, in qua plura diversissima spectacula curiosissimè exhiberi possunt.

Technasma 5. Horologium catoptricum illusorium.

Caput V. Artificia catoptrico-dioptrica valdè mira circa projectionem luminis & imaginum curiosarum proferuntur & declarantur.

Technasma 1. Lucernæ Magicæ catoptrico-dioptricæ lumen valdè intensum projicientis fabrica, & usus.

Technasma 2. Lucernæ Magicæ catoptrico-dioptricæ, sive Thaumaturgæ Megalographicæ imagines ac quascunque figuras in grandi formâ projicientis aptissima constructio & usus.

Technasma 3. Mirabilem congeriem variorum Animalium sese moventium, item serpentum & similium in albo pariete ad stuporem omnium intuentium curiosissimè exhibere.

Technasma 4. Lucernæ Magicæ apparatus ad horas in plano albo quocunque tempore exactissime demonstrandas.

Technasma 5. Quovis tempore in obscurato conclavi, suspenso gladio vel baculo ad parietem album, horam tempori competentem exactissimè demonstrare.

Technasma 6. Artificium Anemoscopicum, quo ope Lucernæ Magicæ ventus quocunque tempore spirans in obscurato cubiculo ex suspenso ad parietem gladio vel scipione, vel etiam aliâ re quacunque pendula addisci potest.

Technasma. 7. Lampas Anatomica mirabilis indicatur.

Caput VI. Artificium dissipationis imaginum seu quarumlibet figurarum per vitra polyedra, & dissipatarum recollectionis proponitur & declaratur.

Technasma 1. Vitro polyedro imagines seu picturas variè dissipare & dissipatas recolligere.

Series & Ordo eorum, quæ in Fundamento III. tractantur.

Documenta practica pro aptius perficiendo Artificio dissipationis imaginum,
& dissipatarum recollectionis per vitra polyedra.

Technasma 2. Horoscopium Magico-dioptricum eo Artificio describere, ut
in infinita linearum confusarum multitudine, stylorumque, & utcun-
que positorum situ, hoc tamen confusum rerum chaos ex certo puncto
horologium ordinatum & exactè horas demonstrans exhibeat.

Technasma 3. Mira & jucunda parafrasi rem unam per vitrum polyedrum
curiose multiplicem representare.

Technasma 4. Microscopia valdè mira & ludicra adhibitis vitris polyedris
artificiosè conficere.

Caput VII. De Panscopiis artificiosis, eorumque constructione & fabricâ.

Technasma 1. Panscopium Teledioptricum, quod unâ Telescopium, Mi-
croscopium, Polemoscopium, Helioscopium, cameram obscuram,
& plura alia complectitur, artificiosè construere.

Technasma 2. Panscopium catoptrico-Magicum, ejusque fabrica.

Partis primæ superioris in Panscopio internus apparatus.

Secundæ partis in Panscopio structura exponitur.

Tertiæ partis in Panscopio structura & fabrica.

Quartæ partis hexagonæ in Panscopicâ machinâ apparatus.

Infimæ partis in Panscopio apparatus.





FUNDAMENTUM

I I.

MATHEMATICO-DIOPTRICUM OCULUS

ARTIFICIALIS TELEDIOPTRICUS

*Explicatus atque cum Naturali seu
physico comparatus.*

PRO O E M I U M.



Acto priori fundamento Physi-
co-naturali, in quo oculi natura-
lis seu physici constitutionem
ejusq; admirandam videndi fa-
cultatem à supremo Artifice
Deo teroptimo concessam intimè
perspeximus, jam aliud fundamentum aggre-
dimur. Artificiale Mathematico-Dioptricum, u-
bi oculo naturali ad ea pervidenda, quæ naturali
suo acumine contingere nequit, artificialiter
providere conamur. Hanc autem comprimis
methodum sectamur, ut primò omnium mate-
A riam

P R O O E M I U M.

riam oculi artificialis perscrutemur ejusque naturam & aptitudinem pro oculo quovis artificialiter armando pervestigemus : deinde & formam Artificialem eidem inducamus, ut dioptriciis machinationibus quovis modo subservire queat. Ubi varias proprietates & affectiones ita artificialiter formatorum diaphanorum profereamus : Dum juxta varias combinationes factas, quæ machinamenta hinc adaptanda sint & eorum applicatione ad naturalem oculum, quomodo eundem perficere, & adjuvare possint, ut ea quæ vel parvitate visum eludunt, vel distantia suâ effugiunt, aut quovis modo ita constituta sunt, ut naturali vigore debite perspicere nequeant, prehendere possit, succinctè in medium producemus. Unicum tantum hoc loco præmonendum duximus, ut quicumquè profectum aliquem ex hoc fundamento Mathematico-Dioptrico haurire cupit, is eo omnia ordine, quo disposita sunt, persolvat : sunt enim omnia ita connexa & harmonico quodam ordine digesta, ut posteriora sine prioribus nullâ ratione aut rectè intelligi, aut cum fructu ad usum praxinꝰ ullam deduci facile queant. Faxit Deus, ut omnia sicut intendimus dilucidè & ad captum quorumlibet explanare possimus.

SYN.

SYNTAGMA I.

De materiâ & formâ Artificiali Diaphani apti ad Perfectionem oculi Artificialis Tele- Dioptrici.

Præsenti syntagmate inprimis aptissimum Dioptrici praxibus Diaphanum, quod est vitrum, exponemus, quâ præsertim ratione lucis radios diversimodè incidentes & in se receptos refringat. Ex varia deinde forma Artificiali spherica sive lenticulari eidem inducta, qualiter eosdem radios aliter atquè aliter densitate suâ in usum instituto nostro congruum deducat, & propaget, pervestigabimus.

CAPUT I.

De Vitro generaliter, ejusq; natura, & variis proprietatibus.



Primè Kircherus in *Mund. sub. tom. 2. lib. 12. sect. 5. part. 3. de arte vitraria*. Vitrum ait, est ultimum, in quod mixtum aliquod reduci potest, cujus natura adeò miranda est, ut vix sufficientibus verbis describi possit. Si nativam fragilitatem adjunctam non haberet, certè nihil ad ejus pretium accedere posset. Quid enim substantiâ ejus clarius? quid limpidius? quid pulchrius? De vitro etiam scripsit D.

Christophorus Merret Expertissimus Medicus, & Societatis Anglicanæ confederatus, dum in Notis ad Antonii Neri Florentini Artem vitrariam circa initium hæc profert. Vitrum descendit à *visum* haud aliter atquè *aratum* & *rutrum* ab *aratum* & *rutum*, ultimâ syllabâ mutatâ in *trum* quod juxta *Isidorum* lib. 16. c. 15. visui perspicuitate transluceat. Artis etiam quod sit pulchus, nec naturaliter vitrum producat, innuit ipse Nerus statim initio suæ præfationis, dum ait: *Dubium nullum est, quin inter veros Artis igniaria fructus vitrum sit, utut enim compositum & Arte factum sit.* In quem locum D. Merret: *Id quod verissimum est; totum enim Artis non naturæ opus est; nec sine vehementi igne produci potest.* Undè subnectit: *Egregium Artificem audi vi facete dicentem, Artem vitrariam Artium omnium toto orbe postremam fore, quandoquidem Deo hoc universum ignis violentiâ consumente, omnia in vitrum abitura essent: id quod suppositâ rationabili misturâ salis & arenæ vel lapidum omnino eventurum esset.* Vitrum igitur verissimum opus Artis est, non naturaliter ex se existens, sed Arte compositum, ignisque violentiâ ad eam, qua præditum est, diaphaneitatem seu pelluciditatem adductum. Quò verò ejus natura melius cognoscatur, visum est ex eodem Merret, præcipuas aliquas proprietates subjicere, quibus facile ab omnibus aliis corporibus discerni possit.

Vitrum naturaliter non producitur.

Ars vitraria est ultima in orbe.

*Vitri proprietates.*Proprieta-
tes Vitri.

1. Concretum est ex fale & arena, vel lapidibus.
2. Artificiale est.
3. Igne vehementi funditur.
4. Fusum tenax est & cohæret.
5. Igne non absumitur.
6. Ultimus ignis effectus est.
7. Fusum ferro adhæret.
8. Ubi benè incaluit, ductile est, & quamcunque figuram assumit : malleabile tamen non est, sed flatu in concavitatem formatur.
9. Cum tenuius est, citra annihilationem frangitur.
10. Ubi friget, friabile est. Unde nostrum proverbium æquè ut vitrum fragile.
11. Sive frigidum sit, sive calidum, translucet.
12. Flexibile est, & in fila ductum habet motum rectitudinis.
13. Frigido & humido dissolvitur, præsertim si liquor falsus sit, & vitrum de repente calefiat.
14. Solo Adamante & Smiride sculpitur.
15. Æquè ut pretiosi lapides diaphanum est & coloratum.
16. Aquâ forti, Regiâ & Mercurii non dissolvitur.
17. Succu acidu, & res aliæ quævis colorem, gustum, vel qualitatem aliam ab eo non recipiunt.
18. Polituram recipit.
19. Ponderi ejusdem à frequentissimo usu nihil decedit.
20. Fusionem aliorum metallorum promovet, eademque teneriora facit.
21. Quemcunque colorem metallicum internè simul & externè suscipit, ideoquè picturis magis aptum est, quàm res alia quævis.
22. Omnium quæ in toto Orbe sunt maximè flexibile est, & quamcunque formam suscipit, & susceptam servat.
23. Liquefcit, non calcinatur.
24. Vitrum patens si æstatis tempore aquâ repleatur, in externo latere guttas aquæ colligit, idque ad eam altitudinem, ad quam aqua ascendit, & ab animâ hominis manifestè humectatur.
25. Globuli vitrei nucis magnitudine, si Mercurio impleantur, & in ignem conjiciantur, haud secus, ac gutta vitri viridis quaquà versum non sine sonoro & acuto strepitu dissiliunt.
26. Vini, cerevisiæ vel cujuscunque alterius liquoris saporem non recipit, neque colorem mutat, aut rubiginem contrahit.
27. Lapidum & Metallorum instar cæmentari potest.
28. Vitrum potorium affusâ aquâ, si digito circa marginem dextrè fricetur, tonum musicum reddit, acutum vel gravem, pro aquæ majore vel minore copia, ipsumque liquorem subsilire facit.

Proprietates Vitri ex Kircherò loco sup. cit.

1. Vitrum sulphuri concoctum in lapidem induratur.
2. Albugo ovorum calci vivæ admixta in gluten evadit ad vitrorum conglutinanda fragmenta aptissimum.
3. Vitrum calore ignis liquefcit, frigore verò, sive aqueum, sive aërem fuerit, congelascit.

4. Vitrea vasa solum argentum vivum continere possunt, cæteris quibuscunque tandem ab eo exes.

5. Vitrum candefactum in aquam frigidam coniectum ita morbidum redditur, ut manibus in minutum pulverem conteri possit.


6. Potest vitrum certâ aquâ ita attemperari, ut unum vitri frustulum in extremitate ruptum totam massam in insensibilem pulverem reducat. Fit autem hoc, si frustulum iteratò candefactum igni sæpè sæpius in aqua frigidissima extinxeris.

7. Vitrum additum fusioni metallorum, ea reddit fluxibilia ob ingentem calorem quo tùm ipsum in fusione pollet, tùm aliis liquefactilibus præbet.

8. Vitrum in igne lentum & ductile est: frigefacto verò nil fragilius est.

Verùm his obiter tantùm indicatis unica restat proprietas, quæ nobis hoc loco potissimùm in considerationem venit, & instituto nostro conformior est, nempe quantitas refractionum, quâ lucis radios diversimodè incidentes, secundum exactam quandam proportionis regulam, densitate sua aliter atque aliter pro ratione graduum incidentiæ solet refringere. Quæ proprietas, ut perspicuè innotescat, sequenti capite modum planiorem, eam tam organicè inquirendi, quàm etiam ad certas tabulas reducendi proponemus.

Vitri Refra-
ctio hic
præcipuè
considera-
tur.



CAPUT II.

Quomodo quantitas Refractionum in vitro sit inquirenda, & ad tabulas reducenda?



E actum agere dicar, non adducam hic ab aliis jam demonstrata, ut ab *Emanuele Maignan. lib. 4. perspect. Horar. prop. 34. & 43. Dechaes Diopt. lib. 1. prop. 1. & 2.* ubi clarè demonstrant, quod radii diversi incidentes in idem diaphanum diversæ rationis, eam habeant proportionem ad refractos, quam eorum sinus. Unde dato quocunque angulo refracto cum angulo inclinationis, cui ille respondet, facile erit cæteros refractos cæteris inclinationibus respondentes in quavis proposita diaphanorum differentia invenire, & in tabulam redigere.

Deinde, quia reciprocum est lucis incidentis & refracti iter, ita ut, ex. gr. Sicut eadem est differentia inter vitrum & aërem, quæ inter aerem & vitrum; ita quoque eadem ratio sit radii refracti, si fiat incidens ad prius incidentem, si fiat refractus: adeoque qualis est ratio inter sinum radii Refracti ad sinum inclinationis; ita eadem sit ratio cujuslibet alterius Refracti ad sinum radii incidentis respondentis. Si jam refracti in densò cogitentur incidentes, & radii in raro, qui prius erant incidentes, fiant refracti, proportio æquè habebitur, facillimumque erit tabulas construere pro singulis gradibus inclinationis; sive angulus quiscunque refractus quærat ab aëre in vitrum, sive à vitro in aërem: semper enim, (ut sinus dati anguli inclinationis ad sinum anguli Refracti, ita erit sinus alterius cujusvis anguli ad sinum anguli refracti, qui quæritur,) operandum erit quod verò operatione factâ prodibit, indicabit angulum refractum quæsitum.


Quomodo
Refractiones
ad tabu-
las reduci
possint.

Verùm difficultas haud modica est in ipsâ invenienda ratione, quæ refractionem aliquam lucis in vitro exactè dimetiatur, utpote, quæ experimento

Kepleri mo-
dus Refra-
ctionem
inquirendi.

in vitro potius organicè five instrumentaliter inquirenda est, quàm ratione ullâ possit investigari. Quocirca plures ab Authoribus modi sunt excogitati, quorum aliquos adducit *Dechales Diopt. lib. 1. prop. 3.* Kepleri tamen modus in *Diopt.* magis arridet, qui talis est. Fiat parallelepipedum $AB C D E F$ ex vitro sed angulo recto, capsulæ, verb. grat. lignæ, quæ sit ejusdem præcisè altitudinis, sed latitudine & longitudine major, ita accommodatum, ut figura monstrat.

Instrumentum sic constructum, cum Solis radiis directè obvertitur, radii $a K$ $C A$. $e f$. radiatione sua præcisè radent lineam $K A f$, & quidem $a K$ & $c A$ cum illis nullum occurrat medium diversæ rationis, rectà procedent, nempe $a K$ in b , & $c A$ in d , quod umbræ in fundo capsulæ satis indicabunt. Radii verò, qui cadunt inter $c A$, & $e f$, cum medium diversæ rationis, nempe vitrum pertransire debent, ab ingressu vitri frangentur, ita ut ob densitatem ejus ad perpendicularem $I A F$ magis accedant, progredianturque versus $h g$. Cum igitur angulus $F A d$ indicet angulum inclinationis, (quia per 15. primi Euclid. æqualis angulo $c A i$, qui verus angulus inclinationis est:) & angulus $F A h$, vel $k f g$ indicet angulum refractum, facile jam notari poterit differentia, adeoque ratio alicujus anguli incidentis ad angulum refractum observari, & dimetiri. Unde, subdit Keplerus, docuit crebra horum observatio in quacunque radiorum inclinatione, quæ sit infra 30. gradus, angulum $F A h$ (quem refractum dicunt,) esse una tertia parte minorem angulo $F A d$, vel æquali huic $c A i$, quem inclinationis angulum appellant. Econtra, si radius $h A$ ex vitro in aërem excurrat, angulum refractum $c A i$ esse unâ tertiâ majorem angulo inclinationis $h A F$. Ita Keplerus physicè ad sensum advertit. Paulò exactior ratio invenitur infra in tabulis, & observari potest in instrumento mox exponendo.



Hunc Kepleri modum per vitreum parallelepipedum Refractiones dimetiendi, etsi non rejiciam, sed satis aptum judicem; aliud tamen persimile instrumentum multò accommodatius excogitavi, practicèque construxi, quo uno intuitu mox cujuslibet anguli inclinationis & refracti correspondentis ratio five differentia possit expeditissimè observari. Instrumentum autem simile, si parare libeat, ita procedatur.

Alius mo-
dus Refra-
ctiones in-
quirendi.

Problema.

Problema.

*Instrumentum Anaclasticum ad observandas Refractiones
vitri construere.*

Paretur imprimis parallelepipedum vitreum, quale in figurâ primâ literis HIKLG repræsentatur, quod quantò altius est & longius, tantò melius erit. Latera KG, & HG sint tersissimè polita, reliqua verò, modò æqualiter attrita sint; ut sint expolita, necesse non est. Habito parallelepipedo vitreo, in planissimâ aliqua tabula candida describatur quadrans circuli ABC, dividaturque in suos gradus & minuta, si fieri potest. Porro descripto quadrante ABC intervallo HL altitudinis parallelepipedi vitrei ab A in D mensurato ducatur linea DE parallela lateri ABF ut vides in figura, & posita regula super centrum A & singulos gradus, aut graduum decades, notentur puncta intersectionis in linea DE, adscribanturque numeri, ut figura monstrat. Exactè omnibus punctis in linea DE notatis ponatur parallelepipedum vitreum super basin Dabc, & cera piceata tenuissima affigatur, ut latus HI parti Da præcisè incumbat & cohæreat, nec loco moveri possit: antè verò latus HIKL tenuis lamella quadrata MN, sive ex charta illa sit sive aliundè, præfigatur, ita ut altitudo ejus præcisè adæquet altitudinem lateris IL, & ex æquo respondeat supra in eadem linea ipsi KL, ut non tantum latus IL, sed & propinquam partem tabulæ planæ ad lineam DE debite possit inumbrare. Atque ita habebis instrumentum Anaclasticum ad vitri refractiones observandas constructum.

Instrumentum ad Refractiones observandas, quomodo parandum?



Instrumentum Anaclasticum.

USUS Instrumenti.

Cum Refractiones vitri ad quoscunque inclinationis gradus correspondentes volueris observare, obverte instrumentum radiis solaribus, ita ut umbra lamellæ MN projiciatur rectâ viâ per lineam DE, & singulartiter observa, ubi extremitas umbræ radit in linea DE gradum inclinationis assumptum: mox hoc observato, vide quis gradus in ipso vitreo parallelepipedo ab umbra pariter in linea DE abscindatur; is indicabit radium refractum assumptæ inclinationis gradui respondentem.

Hujus instrumenti
usus.

Hoc instrumento cum invenissem, angulo inclinationis grad. 70. respondere proximè, quantum physicè advertere potui angulum refractum grad. 38. min. 50. ac hanc ipsam refractionem convenire cum eâ, quam Kircherus Art. Mag. Luc. & umb. lib. 8. parte. 1. c. 2. summo sanè labore, ut ait, ac eâ diligentia, quanta in physicâ materia fieri potuit, observatam tabulæ suæ Anaclasticæ inseruit, eandem præ cæteris aliis observationibus assumere volui, indeque tabulas sequentes juxta doctrinam prius indicatam construere.

Annotanda.

I.

Potest instrumentum Refractorium in formâ & per modum Regulæ aptius construi, si nempe singula puncta radiorum quadrantis in linea DE inventa circino exactè transferantur in Regulæ P. Q. lineam de, totumque instrumentum transversis lineolis parallelis, & adscriptis notis numeralibus ordinetur, ut figura secunda monstrat.

Annotanda
ad expedi-
torem præ-
xin.

II.

Ut umbra præcisiùs adverti queat, valdè conveniens est, observationem instituere in camerâ obscurâ, ubi omnibus benè occlusis solum tubus aliquis lentibus suis munitus fenestræ convenienter impositus est ad radios solares trajiciendos: dici enim vix potest, quàm nitide iidem radiis instrumentum debite oppositum umbra sua particulas in linea DE, vel de, præscindat.

III.

Cum inventis angulis Refractis etiam desiderantur anguli Refractionis, facile possunt ii haberi per subtractionem; si nempe anguli Refracti subducantur ex angulis inclinationis: quod enim residuum erit, indicabit angulos Refractionis, atque hoc in casu, dum radiatio procedit à medio rariori in densius, scilicet ab aëre in vitrum: quando verò radiatio fit à denso in rarius, ut à vitro in aërem, subductio fieri debet angulorum inclinationis ab angulis Refractis, ut anguli Refractionis habeantur.

B

Tabula



Tabula Refractionum ex aëre in vitrum ad singulos inclinationum gradus secundum proportionem, quam habet sinus anguli refracti per instrumentum nostrum propria observatione inventi Grad. 38. min. 50. ad sinum anguli inclinationis Grad. 70. supputata.

Angulus Inclinat.	Angulus Refractus ab aëre in vitrum.			Angulus Refractionis ab aëre in vitrum.			Angulus Inclinat.	Angulus Refractus ab aëre in vitrum.			Angulus Refractionis ab aëre in vitrum.		
G.	G.	M.	S.	G.	M.	S.	G.	G.	M.	S.	G.	M.	S.
1.	0.	40.	5.	0.	19.	55.	26.	17.	0.	34.	8.	59.	26.
2.	1.	20.	6.	0.	39.	54.	27.	17.	38.	9.	9.	21.	51.
3.	2.	0.	3.	0.	59.	16.	28.	18.	15.	28.	9.	44.	32.
4.	2.	40.	5.	1.	19.	55.	29.	18.	52.	35.	10.	7.	25.
5.	3.	20.	3.	1.	39.	57.	30.	19.	29.	29.	10.	30.	31.
6.	3.	59.	50.	2.	0.	10.	31.	20.	6.	8.	10.	53.	52.
7.	4.	39.	48.	2.	20.	12.	32.	20.	42.	33.	11.	17.	27.
8.	5.	19.	49.	2.	40.	11.	33.	21.	18.	43.	11.	41.	17.
9.	5.	59.	35.	3.	0.	25.	34.	21.	54.	39.	12.	5.	21.
10.	6.	39.	16.	3.	20.	44.	35.	22.	30.	18.	12.	29.	42.
11.	7.	18.	55.	3.	41.	5.	36.	23.	5.	39.	12.	54.	21.
12.	7.	58.	32.	4.	1.	28.	37.	23.	41.	21.	13.	18.	39.
13.	8.	38.	2.	4.	21.	58.	38.	24.	15.	29.	13.	44.	31.
14.	9.	17.	25.	4.	42.	35.	39.	24.	49.	57.	14.	10.	3.
15.	9.	56.	46.	5.	3.	14.	40.	25.	24.	6.	14.	35.	54.
16.	10.	35.	59.	5.	24.	1.	41.	25.	57.	49.	15.	2.	11.
17.	11.	15.	3.	5.	44.	57.	42.	26.	31.	17.	15.	28.	43.
18.	11.	54.	5.	6.	5.	55.	43.	27.	4.	19.	15.	55.	41.
19.	12.	34.	36.	6.	25.	24.	44.	27.	37.	0.	16.	23.	0.
20.	13.	11.	35.	6.	48.	25.	45.	28.	9.	19.	16.	50.	41.
21.	13.	50.	10.	7.	9.	50.	46.	28.	41.	11.	17.	18.	49.
22.	14.	28.	35.	7.	31.	25.	47.	29.	12.	43.	17.	47.	17.
23.	15.	6.	52.	7.	53.	8.	48.	29.	43.	49.	18.	16.	11.
24.	15.	44.	56.	8.	15.	4.	49.	30.	14.	27.	18.	45.	13.
25.	16.	22.	51.	8.	37.	9.	50.	30.	44.	35.	19.	15.	25.

Angulus Inclinat.	Angulus Refractus ab aëre in vitrum.			Angulus Inclinat.	Angulus Refractus at aëre in vitrum.			Angulus Refractionis ab aëre in vitrum.		
G.	G.	M.	S.	G.	G.	M.	S.	G.	M.	S.
51.	31.	14.	19.	71.	39.	7.	18.	31.	52.	42.
52.	31.	43.	30.	72.	39.	23.	40.	32.	36.	20.
53.	32.	12.	17.	73.	39.	39.	18.	33.	20.	42.
54.	32.	40.	30.	74.	39.	54.	5.	34.	5.	55.
55.	33.	8.	10.	75.	40.	8.	0.	34.	52.	0.
56.	33.	35.	20.	76.	40.	21.	10.	35.	38.	50.
57.	34.	1.	55.	77.	40.	33.	26.	36.	26.	34.
58.	34.	27.	58.	78.	40.	44.	50.	37.	15.	10.
59.	34.	53.	20.	79.	40.	58.	45.	38.	1.	15.
60.	35.	18.	12.	80.	41.	5.	5.	38.	54.	55.
61.	35.	42.	29.	81.	41.	13.	49.	39.	46.	11.
62.	36.	6.	0.	82.	41.	21.	45.	40.	38.	15.
63.	36.	28.	56.	83.	41.	28.	43.	41.	31.	17.
64.	36.	51.	15.	84.	41.	34.	45.	42.	25.	15.
65.	37.	12.	48.	85.	41.	39.	59.	43.	20.	6.
66.	37.	33.	46.	86.	41.	44.	10.	44.	15.	50.
67.	37.	53.	58.	87.	41.	47.	20.	45.	12.	40.
68.	38.	13.	20.	88.	41.	49.	40.	46.	10.	20.
69.	38.	32.	5.	89.	41.	51.	7.	47.	8.	53.
70.	38.	50.	0.	90.	41.	51.	40.	48.	8.	20.



Angulus Inclinacionis.	Angulus Refractus ab aëre in Vitrum.	Angulus Refractionis ab aëre in Vitrum.	Angulus Inclinacionis.	Angulus Refractus ab aëre in Vitrum.	Angulus Refractionis ab aëre in Vitrum.
G.	G. M. S.	G. M. S.	G.	G. M. S.	G. M. S.
1.	0. 40. 0.	0. 20. 0.	36.	23. 4. 12.	12. 55. 48.
2.	1. 19. 59.	0. 40. 1.	37.	23. 39. 14.	13. 20. 46.
3.	1. 59. 58.	1. 0. 2.	38.	24. 13. 57.	13. 46. 3.
4.	2. 39. 56.	1. 20. 4.	39.	24. 48. 22.	14. 11. 38.
5.	3. 19. 52.	1. 40. 8.	40.	25. 22. 26.	14. 37. 34.
6.	3. 59. 45.	1. 0. 15.	41.	25. 56. 11.	15. 3. 49.
7.	4. 39. 37.	2. 20. 23.	42.	26. 29. 34.	15. 30. 26.
8.	5. 19. 25.	2. 40. 35.	43.	27. 2. 36.	15. 57. 24.
9.	5. 59. 10.	3. 0. 50.	44.	27. 35. 16.	16. 24. 44.
10.	6. 38. 52.	3. 21. 8.	45.	28. 7. 35.	16. 52. 28.
11.	7. 18. 29.	3. 41. 31.	46.	28. 39. 24.	17. 20. 36.
12.	7. 58. 2.	4. 1. 58.	47.	29. 10. 51.	17. 49. 9.
13.	8. 37. 30.	4. 22. 30.	48.	29. 41. 53.	18. 18. 7.
14.	9. 16. 53.	4. 43. 7.	49.	30. 12. 29.	18. 47. 31.
15.	9. 56. 9.	5. 3. 51.	50.	30. 42. 37.	19. 37. 23.
16.	10. 35. 19.	5. 24. 41.	51.	31. 12. 17.	19. 47. 43.
17.	11. 14. 23.	5. 45. 37.	52.	31. 41. 28.	20. 18. 32.
18.	11. 53. 19.	6. 6. 41.	53.	32. 10. 10.	20. 49. 50.
19.	12. 32. 8.	6. 27. 52.	54.	32. 38. 21.	21. 21. 39.
20.	13. 10. 49.	6. 49. 11.	55.	33. 6. 0.	21. 54. 0.
21.	13. 49. 20.	7. 10. 40.	56.	33. 33. 7.	22. 26. 53.
22.	14. 27. 43.	7. 32. 17.	57.	33. 59. 40.	23. 0. 20.
23.	15. 5. 56.	7. 54. 4.	58.	34. 25. 40.	23. 34. 20.
24.	15. 43. 59.	8. 16. 1.	59.	34. 51. 4.	24. 8. 56.
25.	16. 21. 52.	8. 38. 8.	60.	35. 15. 52.	24. 44. 8.
26.	16. 59. 33.	9. 0. 27.	61.	35. 40. 5.	25. 19. 57.
27.	17. 37. 3.	9. 22. 57.	62.	36. 3. 36.	25. 56. 24.
28.	18. 14. 20.	9. 45. 40.	63.	36. 26. 30.	26. 33. 30.
29.	18. 51. 25.	10. 8. 35.	64.	36. 48. 44.	27. 11. 16.
30.	19. 28. 16.	10. 31. 44.	65.	37. 10. 18.	27. 49. 42.
31.	20. 4. 54.	10. 55. 6.	66.	37. 31. 10.	28. 28. 50.
32.	20. 41. 17.	11. 18. 43.	67.	37. 51. 19.	29. 8. 41.
33.	21. 17. 25.	11. 42. 35.	68.	38. 10. 45.	29. 49. 15.
34.	21. 53. 17.	12. 6. 43.	69.	38. 29. 26.	30. 30. 34.
35.	22. 28. 53.	12. 31. 7.	70.	38. 47. 22.	31. 12. 27.

Angulus Inclinacionis.	Angulus Refractus ab aëre in Vitrum.	Angulus Refractionis ab aëre in Vitrum.	Angulus Inclinacionis.	Angulus Refractus ab aëre in vitrum.	Angulus Refractionis ab aëre in Vitrum.
G.	G. M. S.	G. M. S.	G.	G. M. S.	G. M. S.
71.	39. 4. 3.	31. 55. 28.	81.	41. 10. 57.	39. 49. 3.
72.	39. 20. 55.	32. 39. 5.	82.	41. 18. 49.	40. 41. 11.
73.	39. 36. 30.	33. 23. 30.	83.	41. 25. 46.	41. 34. 14.
74.	39. 51. 16.	34. 8. 44.	84.	41. 31. 49.	42. 28. 11.
75.	40. 5. 13.	34. 54. 47.	85.	41. 36. 56.	43. 23. 4.
76.	40. 18. 20.	35. 41. 40.	86.	41. 41. 8.	44. 18. 52.
77.	40. 30. 36.	36. 29. 24.	87.	41. 44. 24.	45. 15. 36.
78.	40. 42. 0.	37. 18. 0.	88.	41. 46. 45.	46. 1. 15.
79.	40. 52. 32.	38. 7. 28.	89.	41. 48. 9.	47. 11. 51.
10.	41. 2. 11.	38. 57. 49.	90.	41. 48. 37.	48. 11. 23.

Tabula IV. Refractionum à vitro in aërem ex Eodem.

Angulus in clinat.	Angulus Refractus à vitro in aërem.	Angulus Refractionis à vitro in aërem.	Angulus in clinat.	Angulus Refractus à vitro in aërem.	Angulus Refractionis à vitro in aërem.
G.	G. M. S.	G. M. S.	G.	G. M. S.	G. M. S.
1.	1. 30. 0.	0. 3. 0.	21.	32. 31. 2.	11. 31. 2.
2.	3. 0. 3.	1. 0. 3.	22.	34. 11. 17.	12. 11. 17.
3.	4. 30. 9.	1. 30. 9.	23.	35. 52. 50.	12. 52. 50.
4.	6. 0. 22.	2. 0. 22.	24.	37. 35. 50.	13. 35. 50.
5.	7. 30. 43.	2. 30. 43.	25.	39. 20. 26.	14. 20. 26.
6.	9. 1. 15.	3. 1. 15.	26.	41. 6. 50.	15. 6. 50.
7.	10. 31. 59.	3. 31. 59.	27.	42. 55. 15.	15. 55. 15.
8.	12. 2. 59.	4. 2. 59.	28.	44. 45. 56.	16. 45. 56.
9.	13. 34. 16.	4. 34. 16.	29.	46. 39. 12.	17. 39. 12.
10.	15. 5. 53.	5. 5. 53.	30.	48. 35. 25.	18. 35. 25.
11.	16. 37. 53.	5. 37. 53.	31.	50. 35. 3.	19. 35. 3.
12.	18. 10. 19.	6. 10. 19.	32.	52. 38. 38.	20. 38. 38.
13.	19. 43. 13.	6. 43. 13.	33.	54. 46. 53.	21. 46. 53.
14.	21. 16. 38.	7. 16. 38.	34.	57. 0. 41.	23. 0. 45.
15.	22. 50. 40.	7. 50. 40.	35.	59. 21. 27.	24. 21. 27.
16.	24. 25. 20.	8. 25. 20.	36.	61. 50. 44.	25. 50. 44.
17.	26. 0. 43.	9. 0. 43.	37.	64. 31. 6.	27. 31. 6.
18.	27. 36. 53.	9. 36. 53.	38.	67. 26. 31.	29. 26. 31.
19.	29. 13. 56.	10. 13. 56.	39.	70. 43. 52.	31. 43. 52.
20.	30. 51. 57.	10. 51. 57.	40.	74. 37. 7.	34. 37. 7.
			41.	79. 45. 56.	38. 45. 56.
			41.48.37.	90. 0. 0.	48. 11. 23.

Suppositis his, aut aliis persimilibus tabulis ex aliâ præcisiore ratione inventâ inter aliquem angulum inclinationis & ei correspondentem angulum refractum supputatis facile erit colligere.

Corollaria.

1. Quod angulus Refractionis ad vigesimum Gradum inclinationis competentem sit propè tertia pars anguli inclinationis, cum refraction sit ab aëre in vitrum, & consequenter media pars anguli refracti; ac etiam, quod angulus refractus sit propè unâ tertia minor angulo inclinationis. E contra, dum refraction sit à vitro in aërem, quod angulus refractus sit una tertia major angulo inclinationis, sitque angulus refractionis una tertia anguli refracti, & media pars anguli inclinationis.

Angulus refractionis
quantus respectu anguli inclinationis.

2. Quod radius, qui directè ingreditur in vitrum ita ut nullam habeat inclinationem sitque ad superficiem refractionis perpendicularis, nullam patiatur refractionem.

Radius directus perpendicularis transit inrefractus.

3. Quod radius superficiei communis utriusque diaphani parallelus etiam nullam patiatur refractionem: cum enim procedat parallele & nullum inveniat impedimentum, semperque in eodem medio progrediatur, nulla est ratio cur una sui parte retardetur, & consequenter incurvetur.


4. Quod quantò major est inclinationis angulus, tantò sit etiam conformiter major angulus refractus; & quantò minor est angulus inclinationis, tantò proportionaliter etiam minor sit angulus refractus. Similiter est de angulo refractionis judicandum.

5. Quod licet nullus sit angulus inclinationis in aëre, cui in vitro non respondeat angulus refractus; sit tamen aliquis angulus inclinationis, imò plures, in vitro, cui nullus respondeat in aëre angulus refractus. Prius clarè patet in tabulis; alterum etiam ostenditur. Nam dum à vitro in aërem sit refraction, proceditur à medio densiore in rarius; undè angulus refractus semper erit major angulo inclinationis, quia ab egressu magis à perpendiculari recedet, adeoque fieri deberet, ut aliquando esset major Recto: sed si sit major Recto, manebit in medio denso: igitur aliquandò angulo inclinationis in vitro nullus respondet angulus refractus in aëre, ita (sicut videre licet in tabulis) à gradu inclinationis 41. cum dimidio nullus radius amplius egredi à vitro in aërem, eique refractus aliquis respondere potest.


Aliqui radii in vitro ita possunt inclinari esse, ut non respondeat eis angulus refractionis in aëre.

6. Quod

6. Quod radii diversæ inclinationis in idem secundi diaphani punctum incidentes se interfecent. Sic si fuerint radii AB & CB diversæ inclinationis, ad idem punctum B ingredientes diaphanum densius DE: cum AB procedat in G, & CB in F, necessario se interfecabunt in puncto B. Idem continget, si cogitetur refractione fieri à medio densiore in rarius & diversæ inclinationis radii sumantur FB. & GB quia FB à perpendiculari HI recedet in puncto B, & progredietur in BC. item radius GB in BA iterum se in eodem puncto B interfecare debebunt.



7. Quod quotiescunque refractione fit per duos radios in duobus diaphanis existentibus, reciprocè fiat per eosdem. Nam idem supponi potest radius incidens, qui prius erat refractus, & consequenter idem angulus inclinationis, qui erat angulus refractus: ergo idem esse potest in aëre angulus refractus, qui prius erat inclinationis: & idem incidens in vitro, qui erat ante refractus ibidem. Nam eadem semper est ratio vitri ad aërem, quæ aëris ad vitrum. Sed de hoc jam supra ad initium hujus Capituli.



CAPUT III.

De vivida & ordinata Refractione, formaq; Artificiali apti Diaphani sive Vitri, ac variis ad eandem plenius explicandam requisitis.



On sufficit medium diaphanum præsentis aptum negotio, quod est vitrum, radios lucis & objectorum acceptos quomodocunque refringere, sed imprimis requiritur, ut refractione vivida & ordinata in eo contingat; deinde ut radios dictos ita artificialiter colligere vel dispergere valeat, quatenus oculo naturali pro exprimendis in eo vivacissimis objectorum simulachris sive speciebus ad ea sentienda, quæ acumine suo contingere nequit, perfectè obsecundare possint. Quocirca vitrum ad certam formam sive artificialem figuram oculo naturali pro obtinendo indicato effectu accommodatam redigi debet: deinde vitrum tam interius quàm exterius ita debite accommodatum ac constitutum esse oportet, ut vivide & ordinate omnia per illud effici possint. Ea propter comprimis duæ in vitro conditiones pro vivida & ordinata refractione requiruntur.

Dux conditiones pro vivida & ordinata refractione. Prima conditio.

Prima est, ut internè tota vitri materia sit homogenea, æqualiter nitide perspicua, & uniformiter continua ac solida per totum: Si enim hoc non esset, certè radii diaphanum ingressi huc illucque distorti invicem sese turbarent, nec rectè procedere possent, quocirca nihil vividum, nihil ordinatum per illos effici posset, ut facile cuivis consideranti patebit. Sed quia de hoc infra Fund. tertio Syntag. 2. c. 1. plura dicturus sum, ultra verba facere hic intermittam.

Secunda

Secunda conditio est, ut superficies exterior vitri sit æqualissimè ex-
polita. Vitrum enim etiam limpidissimum omniquè carens nævo, si ta-
men impoliturum sit, vix pellucidum & diaphanum videbitur, nec magis
lumen admittet, quàm charta. Politura tamen nullam inducit qualita-
tem, sed figuram perficit. Cum igitur vitrum impoliturum facieculis quam-
plurimis constet, fit inde, ut, sicut propter variam hujusmodi superfi-
cierum inclinationem radii variè reflectuntur, ita perturbato ordine, ut
multum de viribus illorum decedat; ita etiam radii difformiter, & va-
riè inclinentur, ex quo deindè etiam sequitur inordinata ac minus vivi-
da refraction. Et hoc quidem non tantum contingit, dum radii ex aère
in vitrum ut medium densius ita minus politum ingrediuntur, sed etiam
dum ex eodem in aërem egrediuntur. Cum enim aër sit maximè flui-
dus & ambiat exactè corpus durum, ubi superficies corporis densioris
scabritiem aliquam induet, aëris quoque superficiem exasperari, necesse
est, undè rursus perturbato ordine minus vivida & ordinata refraction
enasci debet.

Secunda
conditio.

Hinc etiam ratio reddi potest, quare charta oleo inuncta magis per-
spicua ac transparens efficiatur. Cum enim charta per se scabritiem ha-
beat, imò facieculas plures in superficie interruptas ac minus cohæren-
tes, ex quo necesse est, ut inordinata ac minus vivida refraction, quæ
lumen circumquaque dispergat, sequatur. Dum oleo imbuitur, ideò
magis perspicua redditur, quòd oleum cavitates ejus impleat, superfi-
ciem explanet, & partes molliendo etiam melius extendat; undè plures
radii luminis ordinatius penetrare possunt. Verùm hæc, cum potius
physica sint, quàm Mathematica, ad figuram vitri artificialem pro-
grediamur.

Quare char-
ta oleo im-
buta magis
perspicua?

Forma artificialis sive figura vitro conferenda ad radios quosvis
aptius in usum Tele-dioptricum provehendos est sphaerica; licet alii alias
conicæ sectionis figuras præferant; cum tamen ad praxin minus accom-
modæ sint, nec ab ullo etiam peritissimo Artifice debite elaborari, ac
diaphano cuicunque induci queant, ideò illas hoc loco nullatenus attingere
libet. Hujus porrò figuræ vitra elaborata cum lentes efforment,
& ita dici communiter meruerint, ut deinceps quid per eas in nego-
tio dioptrico effici possit, sagaciùs perscrutemur, terminos aliquos ac de-
finitiones prius de lentibus in communi hic adferre & exponere pla-
cuit.

Forma arti-
ficialis est
sphaerica.

Lentes vit-
reæ



Definitiones seu termini lentium sphaericarum.

Lens sphae-
rica quid
sit?

1. Lens ob figuram lenticularem sic dicta intelligitur sphaerae segmentum

sectione plana vel sphaerica factum. Ut si sphaera $EABC$ secetur alia sphaera $FGDH$, sectio communis $ABCD$ erit segmentum solidum utriusque sphaerae commune $ABCD$ duabus superficiebus sphaericis $ABCI$, $ADCI$ circulari peripheria AIC semet interfecantibus comprehensum: & quia ejusmodi segmentum figuram lenticularem praefert; solet appellari Lens. Componitur autem e duobus segmentis sphaericis $ABCI$, & $ADCI$, sectione plana AIC factis.

Lens integra.

2. Lens dicitur integra, quae conflatur e duobus segmentis, quorum communis basis est circulus, ut $ABCD$ conflatur ex $ABCI$ & $ADCI$. Basis communis est AIC .

Lens utriusque aequalis.

3. Lens ex segmentis aequalibus dicitur, cum sectio est a sphaeris aequalibus, ut $ABCD$ monstrat; nam segmenta ABC & ADC sunt aequalia.

Lens inaequalis sphaericitatis.

4. Lens ex segmentis inaequalibus est, cum sectio est ex sphaeris inaequalibus, ut $KLMB$ constat enim segmentis KLM , & KBM .

Lens dimidia.

5. Lens dimidia seu segmentum sphaerae simplex dicitur, cum sphaera secatur plano, estque segmentum sphaericam superficie, & circulo plano

comprehensum. Sic GDH est Lens dimidia, quae comprehenditur superficie GDH , & circulo GTH sive cujus linea GTH est diameter.

Lens convexa.

6. Lens convexa dicitur, vel convexo-concava sive convexa utrinque, quae ex duabus superficiebus sphaericis convexis componitur, ut $ABCD$, quae componitur ex ABC & CDA . Vel etiam dicitur plano-convexa, quae ex superficie sphaerica convexa, ut GDH , & altera plana GTH constat, estque Lens $GDHTG$.

Lens concava.

7. Lentes concavae sunt segmenta sphaerarum ex solido diaphano ablata, vel duabus superficiebus ad verticem oppositis, vel sphaerica & plana terminata, ut videre est in cava utrinque KLM , & YXU , & plano-cavis $GABCHT$, vel $KLMCEB$.

Lens mixta.

8. Lens mixta dicitur, quae superficie cava & convexa constat, ut ADC cava, & MLK convexa.

Centrum lentis.

9. Convexum, cavum, mixtum oculare objectivum in genere neutro intelligitur specillum, vitrum, aut corpus lentis, sonatque idem, quod lens convexa, cava, mixta, ocularis vel convexa.

Magnitudo, amplitudo & latitudo lentium.

10. Centrum convexae aut cavae lentis est id, ex quo forma vel figura lentis effecta est.


Altitudo lentium.

11. Magnitudo, amplitudo & latitudo lentium desumitur a circulo, qui est superficierum sphaericarum basis, cujus magnitudinem offert AI , vel IC , quae semper aequatur sinui verso dimidium, arcus maximi superficiei lenticularis subtendenti.

Altitudo lentium.

12. Altitudo lentium est perpendicularis linea a centro baseos ad superficiem lentis emissa, qualis est linea ID vel IB .

13. Craf-



13. Craffities lentis spectatur penes majorem vel minorem altitudinem, quâ crescente crescit superficies in eadem specie lente decresciente decrescit.

Craffities
lentium.

14. Eâdem specie lentes sunt, quæ sunt ejusdem sphæræ segmenta, ut ABC, & KBM.

15. Superficies lentis æstimatur penes semidiametrum sphæræ, cujus lens segmentum est, ut GDH superficies censetur ex semidiametro FD, & ex ER semidiametro æstimatur superficies ORQ.

Superficies
lentis.

16. Lentis globositas sive sphæricitas spectatur ex comparatis ad se invicem sphærarum diametris vel semidiametris, non ex magnitudine aut craffitie lentis. Unde minorum sphærarum segmenta seu lentes dicuntur globosiores quàm majorum, non curando magnitudinem aut craffitiem.

Lentis
Sphærici-
tas.

17. Minorum sphærarum convexitates aut cavitates, quæ ex minori diametro vel semidiametro proveniunt faciunt lentes acutiores, quàm majorum. Hinc Lens cava vel convexa acutior dicitur, quæ minoris sphæræ cavitatem vel convexitatem habet.

Lensacu-
tior.

18. Lens obtusior dicitur, sive cava illa sit sive convexa, quæ majoris sphæræ cavitatem aut convexitatem habet, quia ejusmodi segmenta obtusiores lentes formant.

Lens obtu-
rior.

19. Gradus in lente sumuntur ex distantia partium à radio perpendiculari, id est, si per medium segmenti lentis, ejusque centrum Recta ducta fuerit, dicetur radius perpendicularis, ex quo gradus utrimque sumuntur.

Gradus in
Lente.

20. Lens ocularis est, quæ oculo vicina in tubo applicatur.

Lens ocula-
ris.

21. Lens objectiva, quæ ultima in tubo & ab oculo remotior objectum respicit.

Lens obje-
ctiva.

22. Apertura lentis dicitur, circulare foramen excisum, per quod radii lentem intrant, aut exeunt.

Apertura
lentis.

23. Lens objectiva unius pedis 2.3.10.20. aut plurium pedum dicitur à diametro, quæ longitudine suâ unum, 2.3.10.20, aut plures pedes Romanos exæquat.

Lens 10.20.
aut plurium
particula-
rum.

24. Lens ocularis 10.20.40.50. aut plurium particularum dicitur à diametro, quæ tot particulas centesimas pedis Romani adæquat.

Lens 10.20
aut plurium
particula-
rum.

25. Similes lentes sunt, quæ totidem partes suarum sphærarum continent. Ut dum duæ lentes quæ continent 20. gradus maximi circuli suarum sphærarum, quamvis diameter magnitudinis unius sit dupla alterius, & consequenter quadruplo plures radios excipiat (hoc est, in duplicata ratione diametrorum fiat) erunt tamen similes.

Similes
Lentes.

*Definitiones sive termini circa Lentium Dioptricarum
effectus ac virtutem.*

26. Radius dicitur linea recta naturalis, quæ rei speciem unde venit, deferat. Appellatur etiam ab aliis Linea radialis, Linea extensionis formæ, Linea multiplicationis formæ, Linea diffusionis formæ. Unde

Radius quid
sit?

27. Radiare, est per radios sui speciem diffundere.


Radiare;

C 2

28. Radii

Radii convergentes.

28. Radii convergere dicuntur, quando à fonte progressi coeunt inter se magis ac magis: ut radii BA & CA magis ad A dum coeunt, dicuntur



convergere. Divergere verò dicuntur radii, quando à fonte suo progrediendo digrediuntur magis ac magis à se invicem, ut ex A puncto digressi vel in B & C vel in D & E. Qui ergò radii in puncto concursus convergunt, sectione factâ deinceps divergunt, ut BA & CA ab A factâ sectione divergunt in AE & AD.

Decussatio radiorum.

29. Decussatio radiorum dicitur, dum radii, qui prius convergebant, post convergentiam sectione factâ divergunt, ac rectâ ab invicem recedunt, ut in priori exemplo.

Radius à propinquo.

30. Radius à propinquo procedens ducitur à cono, ex quo radii in lentem progressi divergunt tanquam in basim incidentes.

Radius à longinquo.

31. Radius à longinquo in lentem incidens concipitur perpendicularis, vel ei parallelus.

32. Dum nominatur concursus radiorum simpliciter sine addito, intelligitur processus à longinquo.

Focus lentis.

33. Focus lentis dicitur punctum illud, in quo radii lucis paralleli post refractionem unam aut alteram in lente factam coeunt: sive est punctum concursus radiorum à longinquo post lentem vitream in axe factum. Vocatur etiam punctum unctionis, quia lens solis radiis opposita in illo puncto ex radiorum collectione ignem excitare & comburere solet.

Pyramis aut conus radialis.


34. Pyramis aut conus radialis dicitur, cujus basis est in superficie corporis radiantis ac suam formam diffundentis, & vertex in puncto alterius cujusque corporis, ad quod appellit.

Illuminationis.

35. Pyramis aut conus illuminationis dicitur, cujus vertex est in puncto corporis luminosi, & basis in superficie rei illuminatæ.

Directa Pyramis.

36. Pyramis directa sive conus directus dicitur, cujus basis in objecto, vertex



vertex autem in lente opposita, ut in figura sunt ABC & ABD. ABG, quorum vertex sunt CDG.

37. Pyramis eversa aut conus eversus est, qui eversa. verticem habet in lente ad factam convergentiam: basin verò ulterius in quolibet opposito. Ut hic EFC, EFD, EFG, quorum vertex sunt CDG, basin verò EF.

38. Basis sive statio communis ordinata dicitur, in quam omnes totius objecti coni radiosi sese ita expandunt & æqualiter dilatant, ut formas sive species nitidè deponant ante verò & post ipsam sese interfecant. Dicitur etiam basis distinctionis, ut hic in figura est EF.

Basis sive statio communis.

39. Basis confusionis sive inordinata statio confusionis vocatur ea, in quam vel omnia puncta objecti confluunt in unumquodvis ejusdem basis aut stationis punctum, vel quodlibet objecti punctum sive aliud quodvis intermedium dispergitur in totam eandem basin aut stationem, & singula ejus puncta: uti sunt hic CGD, & H.I.

Basis confusionis.

40. Penicillus est aggregatum radiorum omnium ad eandem objecti partem pertinentium, cujus figura conica est, basis verò ipsa lens.

Penicillus.

Hypotheses sive suppositiones & Axiomata circa lentes dioptricas ad earum proprietates indagandas, quæ ab omnibus facile admittuntur.

1. Omnis radius perpendicularis ad superficiem lentis transit irrefractus. Unde etiam omnis radius per centrum lentis transiens, quia est perpendicularis, erit absque refractione. Axiomata.

2. Omnis radius parallelus Axi lentis cujuslibet in superficie sphæricâ, est inclinatus.

3. Ad omnem radii inclinationem per lentem dioptricam sequitur refractione, ad majorem inclinationem major, ad minorem minor, ad similem similis: & quidem in medio densiore ad perpendicularem; contra in medio rariore à perpendiculari.

4. Angulus qui fit ad communem superficiem in eodem puncto per radium incidentem, & perpendicularem mutuo concurrentes, determinat inclinationem.

5. Eadem est refractione radiorum in ingressu & egressu lentis ejusdem figuræ, & refractione fit in duobus diversis diaphanis reciprocè per eosdem radios.

6. Crystalli ac vitri refractiones censentur proximè eadem.

7. Angulus refractionis in vitro vel crystallo usquè ad 30. grad. inclinationis est quam proximè tertia pars inclinationis in aëre,

8. Radii à diversis punctis procedentes, & in idem superficiem punctum incidentes se mutuò secant; incidentiumque situs permutatur in refractis non minùs, ac si sectio contingeret sine refractione.

9. Omnis refractione fit secundum lineas Rectas, adeoque radius refractus in medio refractivo rectà procedit, non secùs ac radius directus extra medium refractivum.


10. Si lux luci & color similis simili colori similiterque in eodem subiecto superaddantur, lucidius & coloratius efficitur objectum inhaesionis.

11. Coloris diversi species diversi coloris speciei superaddita, mutat speciem, & confusionem inducit.

12. Lux major luci minori, vel vice versa, superfusa facit lucem majorem absquè confusione: superaddita speciei à colore delatà aut omninò extinguit illam speciem, aut mixtionem quandam aliam coloris apparentis causat, vel certè ita obliterat, ne visus illam colorationem discernat.

13. Cum quodlibet objecti punctum radiet in sphæram, radiabit objectum totum in totam lentis oppositæ superficiem: itè quodlibet ejus punctum in totam eandem superficiem, & singula ejusdem superficiem puncta. Undè in prima qualibet lente objecto oppositâ erit totius objecti imago confusè, quia quodvis punctum ab objecto radians erit in totâ lente, & qualibet ejus parte.

14. Operationes naturæ ad perpendicularem sunt fortiores; & tantò debiliores, quantò à perpendiculari remotiores.



CAPUT IV.

Lentium convexarum proprietates Dioptrico-Mathematicæ proponuntur & demonstrantur.

§. I.


De simplici Unica Refractione, quæ fit, dum Radii paralleli incidunt ad convexam superficiem vitream in continuata soliditate.

Ante omnia præmittere oportet unionem Radiorum parallelorum cum axe considerata tantum unica Refractione, quæ fieret in vitro, si post convexam ejus superficiem continuaretur eadem soliditas.

Propositio I. Theoremæ.

OMnis Radius axi parallelus incidens in superficiem convexam sphericam quocunque loco facit angulum inclinationis æqualem angulo, qui est ad centrum convexitatis, & ab arcu in superficie spherica inter axem & punctum incidentiæ, hoc est, ab axe & perpendiculari incidentiæ comprehenditur.

Sit




Sit enim radius DE axi ICG parallelus incidens in puncto E ad convexam superficiem ACEB. Dico angulum inclinationis DEF æqualem esse angulo CGE, qui ab arcu CE comprehenditur.

Demonstratio. Educatur enim ex centro convexitatis G ad punctum incidentiæ E perpendicularis GEF. Quia igitur ex hypothesi & constructione ICG & DEH parallelæ; fient anguli per 29. primi Euclid. DEF & IGE æquales, quod erat demonstrandum. Demonstratio.

[Propositio II. Theoremæ.

Radius parallelus incidens in superficiem convexam diaphani densioris in transitu frangitur, & cum axe concurrat ultra centrum.



Sit radius luminis DE ex aëre incidens in superficiem convexam AECB medii densioris, ipsique axi IC parallelus. Dico Radium DE in transitu ad punctum E ita refringendum, ut uniatur cum axe IK ultra centrum G.

Demonstratio. Ducatur enim ex centro G recta GEF quæ erit perpendicularis per suppos. 1. supra. & DEF erit angulus incidentiæ, cui per præcedentem æqualis angulus EGC.

Non procurrit autem radius incidens DE ex E in G, quia per 2. supposit. incidens est inclinatus, ac consequenter etiam per conversam suppos. 1. non poterit per centrum G transire. Neque etiam procedet ex E in H per suppos. 3. cum medium supponatur densius, undè ad ingressum medii in E ad perpendicularem EG frangitur, & per axioma 11. primi Euclid. inter parallelas EH & CGH ad axem ICGK aliquando ad punctum K concurrat: Sed punctum K est ultra centrum G, ergo Radius parallelus axi incidens in superficiem convexam diaphani densioris in transitu frangitur, & cum axe concurrat ultra centrum quod erat ostendendum.


Corol.

Corollarium.

Angulus ergo EKG five angulus, quem facit radius re-
fractus in medio densiore ad axem, cum incidens est
parallelus, per 29. primi Euclid. erit æqualis angulo
 HEK , hoc est, angulo Refractionis.

Propositio III. Theoremæ.

Etiam radius parallelus ex medio densiori sphaerico erumpens in medium rarius, & incidens in concavam ejus superficiem concurrat cum axe, cui parallelus est.



SIt diaphanum densius $A E C B$.
 sitque radius incidens $H E$ erumpens
 in aërem. Dico, radium $H E$ per re-
 fractionem uniendum cum axe $K I$.

Demonstratio. Linea $G E F$ perpendicularis est ad superficiem $A E C B$, cum per centrum ejus G transeat. Quare angulus inclinationis est $H E G$. Recedit autem in egressu E radius $H E$ à perpendiculari $E F$ per suppos. 3. supra, dum fit transitus à medio densiori ad rarius: igitur radius Refractus magis recedet à linea $E D$, sed $E D$ est parallela axi $I K$; & $E I$ inter parallelas $E D$ & $I C$ procurrit; ergò necessariò iterùm cum axe $K I$ debet concurrere per idem Axioma II. prim. Euclid. quod erat ostendendum.

Corollarium.

Etiam angulus $E I C$ quem faciet ad axem Radius refractus $E I$, erit æqualis angulo refractionis $D E I$, per eandem 29. primi Euclid.

Propositio IV. Theoremæ.


Cum radius axi parallelus in diaphanum sphaericum incidit, & deinde Refractus in diaphano densiori cum axe concurrat, est ut sinus anguli Refractionis ad sinum anguli inclinationis, ita sinus totus sive radius aut semidiameter convexitatis ad Radium refractum sumptum usque ad concursum cum axe producto.

Sit

Sit Radius incidens DE ab E autem Refractus transeat in K, dico ita esse radium GE five semidiametrum convexitatis ad radium refractum KE, sicut est sinus anguli refractionis HEK ad angulum inclinationis DEF.

Ducatur enim ex centro G ipsi KE radio refracto parallela Gd, item ex punctis E & d ducantur perpendiculares ad axem, nempe Ea, & db.

Demonstratio. Angulus EGC per **Demonstratio.** primam hujus erit æqualis angulo incidentiæ DEF, & angulus EKC æqualis angulo Refractionis HEK per corollar. secundæ hujus. Cum itaque etiam ipsi EKC sit æqualis dGC per 29. primi Euclid. & anguli EaG, dbG recti, erunt etiam reliqui anguli æquales: unde consequenter triangula erunt æquiangula. Sed per 4. sext. Euclid. ut bd sinus anguli dGC æqualis angulo Refractionis ad aE sinum æqualem angulo incidentiæ, ita est dG vel ei æqualis EG Radius aut sinus totus ad EK Radium refractum. Ergo cum radius parallelus incidit ad diaphanum sphaericum & deinde refractus cum axe concurrat, ut sinus anguli Refractionis est ad sinum anguli inclinationis, ita est sinus totus ad radium refractum, quod erat demonstrandum.



Corollarium.

Cum per hypoth. 7. angulus Refractionis in vitro usque ad 30. gradum inclinationis sit quàm proximè tertia pars inclinationis in aëre, sequitur vi primæ Refractionis radios ex aëre in vitrum convexum incidentes uniendos ad sesquidiametrum, ut melius hic in exemplo demonstratur.

Sit angulus inclinationis Grad. 15. angulus refractus erit Grad. 5. semidiameter autem sit $\frac{30}{100}$ pedis Romani: fiet

Ut 894030. Logarith. sin. Refracti Grad. 5. ad 941300. Logarith. sinus inclinat. Grad. 15. ita 147712. Logor. sin. Tot. five Radii $\frac{30}{100}$. ad aliud: factâ operatione proveniet Logarith. 194982, cui proximè respondet in tabulis 194939. Logarith. Num. 89. paulò minor Numero 90. five sesquidiametro, cui in tab. respondet Logor. 195424. qui est major invento.

Verum hoc ipsum adhuc melius invenitur, Radios scil. ex aëre in vitrum convexum incidentes ad sesquidiametrum uniri, si nempe fiat ut sinus anguli Refractionis ad sinum anguli Refracti, ita semidiameter, five sinus totus fiat ad reliquum. Nam quia angulus Refractionis est dimidia pars anguli refracti, ut suprâ docuimus, & refractus angulus est duplus anguli Refractionis, respondebunt sinus proportionales, five latera opposita proportionalia; Hinc angulo Refracto duplum latus ejus quod angulo Refractionis sub-

Radius axi parallelus incidens in lentem convexam vi primæ refractionis cum axe concurrat ad distantiam sesquidiametri. Arithmetice quo modo hoc inveniaturs


D

tenditur.

tenditur. Quocirca linea GK angulo refracto KEG opposita dupla erit lineæ EG, hoc est semidiametri convexitatis, quæ opponitur angulo EKG æquali angulo Refractionis HEK, ut ostendimus. Adeoque punctum unionis K erit in distantia a C. tripla semidiametri, sive ad sesquidiametrum. Atque hoc verum est, si gradus inclinationis sint circa initium quadrantis ad 20. circiter gradum, & quidem in vitro seu in medio eodem continuato.

Propositio V. Theorema.

Cum usque ad 20. gradum inclinationis in ingressu ab aëre in vitrum angulus refractionis est tertia pars anguli inclinationis in egressu à vitro in aërem angulus refractionis erit media pars anguli inclinationis.



Demonstratio,

clinatio ad superficiem AB erit 10. graduum, cum ab angulo HDE æquali angulo inclinationis FDC detractus sit angulus HDG prior nempe angulus refractionis 5. graduum. Sed per suppos. 5. supra cum sit eadem refractionis radiorum in ingressu, & egressu, radius GD refringetur in D, & refractionis angulus erit IDG, æqualis angulo HDG graduum 5. igitur angulo inclinationis 10. graduum respondebit angulus Refractionis graduum 5. nempe dimidius huius anguli inclinationis, quod erat ostendendum.

Corollarium.

Ab aëre in vitrum angulus inclinationis est triplus anguli Refractionis: A vitro in aërem est duplus anguli Refractionis,

In ingressu ab aëre in vitrum usque ad 20. grad. angulus inclinationis est triplus anguli refractionis & sesquialter anguli Refracti; in egressu verò in aërem, angulus inclinationis est duplus anguli refractionis, & angulus refractus est sesquialter anguli inclinationis, & triplus anguli refractionis, quod supra quoque cap. 2. huius indicatum est.

§. I I.

De Refractione quæ fit in lentibus plano-convexis,
cum Radii incidentes sunt paralleli.


Propositio V I. Theoremæ.

In lentibus plano-convexis Radii non nimis distantes ab axe incidentes paralleli in quamcunque superficiem concurrunt cum axe in extremitate diametri suæ convexitatis quomodocunque obvertantur.

Sit Lens plano-convexa A C B, quæ primò directè secundum planam superficiem A B soli vel alteri lucido objecto satis diffito obvertatur, ita ut radii in eam incidentes veniant à longinquo ; adeoque reputentur pro parallelis. Cogitetur jam radius D E axi parallelus incidens ita ut convexitas E C non sit ultra 20. gradus. Dico, radium refractum E G uniendum cum axe F G producto ad distantiam ferè diametri in G, ita ut linea C G sit ferè dupla radii sive semidiametri C F aut eidem æqualis E F.

Demonstratio. Cum radius D E incidat axi F C parallelus, adeoque perpendicularis ad planam superficiem A B in ingressu vitri manebit directus, nec frangetur, per Axioma I. supra, pertransiens autem à vitro ad aërem faciet angulum Refractionis H E G medium ipsius anguli inclinationis D E F in vitro per præcedentem. Undè procurrens ad axem productum F C G ad punctum concursus G angulum E G D faciet æqualem angulo refractionis H E G per 29. primi Euclid. Erit igitur & angulus E G C dimidius anguli inclinationis D E F. Cum verò angulo inclinationis D E F per eandem 29. primi Euclid. æqualis sit angulus E F C, erit angulus E F C duplus anguli E G C ; adeoque cum sicut sinus ipsis oppositi, ita etiam se habeant latera iisdem opposita, idcirco latus E G oppositum angulo E F C duplum erit lateris E F, quod est oppositum angulo E G C : Sed E F est radius sive semidiameter, eiquè æqualis C F ; & cum E G duplum sit E F, sive C F, ut demonstratum, constituit latus E G æquale diametro : proindè etiam quia E G non multum distat à C G, erit ita C G penè æ-

Demonstratio cum Lens convexo plana secundum planitiam radianti objecto opposita.



qualis E G. Concursus ergo propè G ad distantiam ferè diametri convexitatis continget, quod erat demonstrandum.

Corollaria.

I.

SI Lens plano-convexa Solis radiis opponatur, & ad distantiam diametri fomentum aliquod apponatur, facile ignis excitabitur: nam radii Solis cum à longinquo veniant, & ideò censeantur paralleli; in superficiem lentis incidentes plures radii ad idem punctum concursus distantiam diametri remotum convenient, ubi se mutuò intendentes ignem facile excitabunt.

Lens ustoria.

II.

In Lente plano-convexa si lucidum in axe ponatur ad punctum concursus radorum parallelorum antea incidentium diametri distantiam remotum, radii in lentem incidentes, ac per eam refracti transibunt paralleli: cum enim reciprocum sit lucis iter per Axioma 5. supra: si loco concursus parallelorum radorum per lentem refractorum ponatur lucidum simili refractione vicissim lumen parallelum transfunder.

Lucidum in foco Lentis positum quomodo radiet?

III.

In Lente plano-convexa si lucidum in axe positum minus distet ab eâ, quàm totâ diametro, radii in lentem incidentes post refractionem divergent; minus tamen, quàm lente sublatâ. Nam quia tunc inclinationes fiunt majores per Axioma 3. supra etiam majores refractiones respondebunt. Item quia per Axioma 8. supra radii incidentes in idem punctum secundi diaphani ulterius producti, licet refractionem patiantur, se intersectant, idcirco radii jam aliter incidentes cum radiis ex puncto diametri distantiam remoto (qui soli paralleli post refractionem procedunt) non coincident, sed eosdem intersectabunt, & ulterius propagati ab iisdem parallelis magis recedent, adeoque longius divergent: minus tamen, quàm lente sublatâ, quia sine lente directe progredientur; per lentem verò transeuntes ob vitri vim refractivam, magis adhuc ad axem retinentur. Unde etiam, quantò Lucidum erit magis propinquum Semilenti, tantò radii refracti magis divergent; & vicissim, quantò magis radii refracti per lentem divergent, tantò lucidum erit propius lenti: & quantò minus divergent, tantò lucidum in axe positum erit inter focum & lentem remotius ab ipsâ lente, donec cum paralleli transmittantur radii, Lucidum ipsum in puncto diametri distantiam remoto consistat.

Lucidum distans minus, quàm totâ diametro.

IV.

Si Lucidum in axe positum distet à Semilente plus quàm diametro convexitatis ejusdem, radii ad Semilentem incidentes, perque eandem refracti convergent, & in eodem physice puncto concurrent. Nam per idem Axioma 8. supra, cum radii se debeant ad idem punctum incidentiæ interfecare, nec possint procedere paralleli (cum iis tantum radiis ex puncto diametri distantiam remoto exortis hoc conveniat) neque possint divergere, (cum id possint soli radii ex punctis inter focum & semilentem prognati) necessario ergò aliquando convergent, atque in eodem physice puncto concurrent: & quidem, quantò Lucidum erit remotius à foco in axe positum, tantò propius post punctum diametri sive post focum semilentis concurrent. Quantò verò vicinior erit Lucidum ipsi foco, tantò concurr-

Lucidum distans plus quàm diametro.

fus remotius continget : & vicissim, quantò radii longius in axe post focum concurrent, tantò Lucidum propius erit positum ad focum in axe, & quantò propius ad focum (post ipsum tamen, ut semper intelligendum,) radii concurrent; tantò Lucidum erit longius in axe à foco remotum.

§. III.

*De Refractione quæ fit in Lentibus utrin-
què convexis cum Radii incidentes axi
sunt paralleli.*

Admonitio
ad Lecto-
rem.


ANtequàm ulterius procedatur, opportunè præmoneri debet ingenuus Lector, ut Demonstrationes, quæ hic adducuntur, in rigore Mathematico non assumet aut disquirat : dum enim in materiâ physicâ Mathesin applicamus, latitudo aliqua permittenda est. Nam, licet supponatur, angulum Refractionis ab aëre in vitrum esse tertiam partem anguli inclinationis usque ad 20. gradus; omninò tamen præcisè & Mathematicè certum non est : siquidem, si post illos gradus aliter refractione contingat; etiam ante dictos sensim certè immutari debet. Deindè ob vitri ipsius naturam aliquid indulgendum : sicut enim, uti non dubito, unum vitrum alio densius est, prout ejus materia magis aut minus fuerit excocta ac præparata; ita etiam unum alio magis aut minus refractivum erit. Cum deniquè etiam crassities major aut minor negligenda non sit, illamquè præcisè determinare nimis foret exquisitum, hinc omnia præter propter intelligenda volumus, ita ut quidquid circa hanc materiam concludi possit, cum aliquâ latitudine physicâ sit acceptandum. His præmonitis sit



Propo-

Propositio VII. Theorema.

Concursus Radiorum incidentium axi parallelorum in quamcunque Lentem convexo-convexam fit in distantia breviori, quam sit utriusque convexitatis diameter.



Sit Lens utrinque convexa æqualiter sive inæqualiter perinde est, ACBL, ad quam incidat radius DE axi FC parallelus; Dico quod radius dum incidit in superficiem convexam ACB post secundam refractionem cum axe post lentem concurrat in distantia minori, quam sit diameter CH.

Demonstratio. Nam quia per præcedentem radii paralleli in Lente plano-convexa concurrunt ad axem in extremitate diametri: si jam intelligatur in Lente convexo-convexa plana superficies AaB, & ad punctum a egressus è vitro perpendicularis bac, erit in vitro prius quam radius Ea egredere- tur planam superficiem AaB angulus inclinationis Eab, cui per præcedentem deberet respondere radius refractus aH.

Addatur jam altera convexitas ALB: cum igitur idem medium permaneat; pro- curret in vitro radius prius incidens DE ab E in e, hoc est, ab E in eK per corollar. 4. hujus. Ducatur jam ad punctum e perpendicularis FeI, fiet in vitro angulus inclinationis EeF, sed hic angulus major est angulo Eab; ergò etiam per Axioma 3. supr. major refractione se- qui debet ab egressu è vitro in aërem. Ergo dum magis refractus secundâ refractione re- fringetur, citius cum axe concurret, adeoque incidens Radius axi parallelus post secundam refractionem unietur cum axe in distantia, quæ est minor diametro CH convexitatis ACB, in quam incidit, nempe in G, quod erat demonstrandum.

Similiter etiam obversa altera convexitate ALB ostendam, quod radius in eam incidens axi parallelus citius diametro suæ convexitatis cum axe con- currat. Ergo.

Propositio VIII. Theorema.


Lens utrinque similiter convexa radios axi parallelolos unit circa centrum suæ convexitatis.

Hæc

HÆc propositio ab aliis valdè obscurè & intricatè, ita ut difficulter intelligi queat, demonstratur. Ego pro captu cujuslibet facilius ita demonstro.

Sit Lens utrinquè similiter convexa $A C B$, in quam incidat radius $D E$ axi $F C$ parallelus. Dico, post duplicem refractionem futurum, ut radius refractus $O N$ propè centrum G convexitatis suæ $A C B$ cum axe $F K$ concurrat in N .

Demon-
stratio.



Demonstratio. Radius incidens $D E$ vi primæ refractionis in vitro dirigitur ab E in $O K$ per corollar. 4. hujus. Ducatur jam ad punctum O egressus è vitro in aërem perpendicularis $L O F$, eritquè incidentiæ in vitro angulus $E O F$, & per 15. primi Euclid. æqualis illi $L O M$. Describatur jam ex puncto O tanquam centro arcus $L M P$, & secetur bifariam angulus $L O M$, & dimidia pars a M transferatur ab M in P . Cum itaque ex vitro in aërem refractione fieri debeat à perpendiculari per Axiom. 3. supra & angulus inclinationis sui dimidiâ parte crescere per 5. hujus, hocquè ex constructione fit factum ad punctum P . Quapropter radius $O P$ per P productus cum axe $F K$ concurrent ad N . Sed punctum N propè est puncto five centro G , ut figura monstrat, & aliundè etiam demonstrari potest.

Nam si cogitetur ad punctum O ducta $I O H$ parallela axi $F K$, erit angulus $O K C$ æqualis $H O M$, per 29. primi Euclid. Est autem $a O M$ five æqualis $M O P$ ferè duplo major angulo $H O M$ aut æquali $O K N$. Undè angulo $K O N$ latus oppositum $K N$ etiam debet esse ferè duplum lateris $O N$, quod opponitur angulo $O K N$. Si itaque linea $K N$ dupla fuerit lineæ $N O$, & hæc sit propè æqualis semidiametro, punctumquè K sit remotum ad sesquidiametrum, ut demonstratum, necessariò $K N$ propè adæquabit diametrum. Ergo propè attinget centrum G Radius igitur refractus $O N$ cum axe concurrent propè centrum, quod erat demonstrandum.

Propositio IX. Theorema.

Lens plano-convexa minor æqui valet lenti æqualiter convexo-convexæ duplo majori.


Sint duæ Lentes, & ex iis plano-convexa ex diametro unius pedis, altera verò sit utrinque æqualiter convexa, habeatque suæ convexitatis diametrum utrinque duorum pedum. Dico, illas lentes æquivalere & unire radios axi parallelos incidentes ad æqualem distantiam.

Demon-

Demonstratio. Prima enim Lens plano-convexa unit radios in extremitate suæ diametri per 6. hujus; altera verò convexo-convexa per præcedentem unit radios ad distantiam semidiametri sive propè centrum, & cum hujus diameter sit duorum pedum, erit centrum unius pedis distantia remotum. Ergò æquivalent, quod erat ostendendum.

Propositio X. Problema.

Lentis cujuslibet convexo-convexæ focum determinare, cum radii in eam incidentes supponuntur paralleli.



Si Lens Ex. gr. convexo-convexa inæqualium convexitatum, sitquæ convexitatis AHB semidiameter FH, convexitatis verò ACB semidiameter GC, & hujus semidiametri tripla sit linea CK; radius verò incidens axi parallelus sit DE, qui ab E procedat in K; per punctum verò O egressus in aërem ducatur FOL, & ab L ex centro ducatur arcus LP fiatquæ MP dimidius LM. Dico radium ab O per P in N ductum determinare focum.

Demonstratio. Nam quia per coroll. 4. hujus vi primæ Refractionis Radius incidens DE dirigitur ab E in OK, & in egressu è vitro per 5. hujus angulus Refractionis est dimidius anguli inclinationis in vitro: NOK verò per constructionem factus est dimidius LOK sive ei æqualis in vitro EOF, radius ergò ON in puncto N cum axe concurrens determinabit focum, quod erat faciendum.

Corollarium I.

Lentis æqualiter utrinque convexæ cum focus sit propè centrum convexitatis, & lentis cujuslibet plano-convexæ circa extremitatem diametri convexitatis; erit focus Lentis utrinque convexæ inæqualium convexitatum intra centrum sive semidiametrum obtusioris & diametrum convexitatis acutioris. Nam si Lentis inæqualiter convexæ acutior convexitas utrinquæ foret æqualis, focus esset circa centrum ejusdem convexitatis per 8. hujus. Et si ejusdem Lentis acutior convexitas foret cum plana superficie conjuncta, focus esset propè diametrum ejus convexitatis per 6. hujus. Non est autem Lens inæqualiter convexa utrinque; nec æqualiter utrinque convexa, nec plano-convexa, quod similiter implicat. Cum itaque ex hypothese inæquales habeat convexitates, si acutiori convexitati addatur alia convexitas obtusior quæcunque, non poterit focum sistere ad diametri extremitatem, nec ad centrum, undè necessario intra hæc tanquam terminos. Et quidem acutiori convexitati quantò addita altera quæcunque convexitas erit conformior aut similior, tantò focum centro prioris propiorem habebit Lens: quantò autem dissimilior, ita ut magis accedat ad superficiem planam, tantò focum ultra removebit & propius

Proprietas
Lentium
convexa-
rum ratione
focorum.

pius ad extremitatem diametri acutioris convexitatis habebit. Ex quo rursum sequitur.

Corollarium I I.

Quod Lens convexo-convexa inæqualiter focum habeat semper à centro convexitatis obtusioris versùs ipsam convexitatem obtusio-rem. Nam si æqualem haberet eam utrinquè convexitatem, focum haberet propè centrum ejusdem per 8. hujus. Sed cum addita convexitas altera sit acutior, erit jam focus intra centrum prioris convexitatis acutioris, & ipsam convexitatem obtusio-rem.

Corollarium I I I.

In Lentibus inæqualiter utrinquè convexis eadem est foci distantia, quæcunque obvertatur objecto æquè dis- sito convexitas, quia simili modo facile invenitur & determinatur ad eandem distantiam focus.

§. I V.

De Natura Refractionis Lentium convexarum, cum Radii ab objectis magis aut minus distantibus incidentes axi paralleli non censentur.


QUæ hætenus proposita sunt, unicè Radios incidentes axi parallelos, & eorum in refringendo naturam concernunt. Nunc habito respectu magis aut minus distantis objecti ejusdem radios obliquè etiam incidentes in quaslibet Lentes convexas cum subsequente Refractione per- vestigare & paucis explicare conabimur.

Radii obli-
que inci-
dentes cum
respectu di-
stantiæ ob-
jecti.



Propositio XI. Theorema.

In Lentibus convexo-convexis Radii ab extremitate unius diametri proximæ convexitatis prodeuntes in alterius diametri averſæ convexitatis extremitate uniuntur.



Sit Lens convexo-convexa quomodocunque ABCD, diameter EB proximæ convexitatis ABC : averſæ verò convexitatis ADC diameter ſit DF. Dico, quod Lucidum poſitum in extremitate E diametri BE omnes radios ab E prodeuntes uniat in F extremitate diametri DF averſæ convexitatis ADC.

Demonſtratio. Nam per corollar. ſecundum 6. hujus in ſemilenticibus cum Lucidum ponitur in axe ad punctum in extremitate diametri radii in ipſis, & inde dum rurfus egrediuntur, pergunt paralleli. Item per eandem 6. hujus, cum radii in ſemilentem incidunt paralleli, egreſſi deinde uniuntur in extremitate diametri convexitatis ejusdem. Si itaque cogitentur duæ ſemilentes ſibi ita conjungi, ut unam lentem convexo-convexam conficiant; planum eſt, radios ab extremitate unius diametri proximæ convexitatis in ipſa Lente fieri parallelos: & quia dum radii paralleli in ſemilente alterius convexitatis averſæ fuerint in egreſſu ſunt conjungendi in extremitate diametri ejusdem convexitatis per 6. hujus. Quocirca radii à puncto E prodeuntes per Lentem convexo-convexam deducti in puncto F concurrent: aut è contra, cum à puncto F prodierint, in puncto E convenient. Quod erat demonſtrandum.

Expressius idipsum videtur in 2. figura : ubi duæ semilentes sunt invicem semotæ , quæ quomodocunque removentur aut admoventur, semper continget, post secundam convexitatem in extremitate diametri radios uniri, si Lucidum fuerit positum in extremitate diametri primæ convexitatis.

Corollarium.

Lucidum
ab extre-
mitate unius
diametri
cum sensim
versus len-
tem move-
tur, quomo-
do fiat con-
cursus ra-
diorum ?

Si Lucidum ab extremitate unius diametri sensim propius Lenti admoveatur, concursus radiorum ab F sensim etiam magis protrudetur, donec dum Lucidum venerit ad G centrum primæ convexitatis, tunc enim remittentur radii paralleli. Et cum adhuc propius Lenti post centrum G Lucidum fuerit positum, radii fient divergentes, tantoque magis, quanto in centro G Lucidum Lenti propinquius extiterit. E contra, si Lucidum fuerit ante vel ultra E punctum extremitatis diametri, adeoque remotius à Lente collocatum; accedet concursus radiorum ab F versus H centrum, & tantò propius, quanto Lucidum fuerit magis elongatum ab E. Nunquam tamen concursus radiorum mathematicè in ipso puncto H fieri poterit, cum tanta requiratur distantia Lucidi ab E, ut radii inde egressi etiam mathematicè sint paralleli, quod fieri repugnat. Undè nunquam ad ipsum punctum H mathematicè loquendo, concursus fieri poterit.

Propositio XII. Theorema.

In Lentibus plano-convexis, ut est excessus distantie objecti supra diametrum ad diametrum convexitatis, ita est distantia objecti à Lente ad distantiam foci.



Sit Lens plano-convexa EDC , cujus semidiameter FE vel ei æqualis FD , diameter autem sit DB , sitque objectum luminosum in A . Si porro fiat, ut AB ad BD , ita AD ad DK . Dico, punctum K esse distantiam foci.

Demonstratio. Fiat enim KL dimidia lineæ DK , sicut FD est dimidia DB ; erit ut AB ad BF , ita AD ad DL . Unde vi primæ Refractionis radius AE dirigi debet ad punctum L . Cum enim ita sit AB ad BF ut AD ad DL , erit componendo AF ad BF triplam semidiametri FE , aut ei æqualis FD , ut tota AL ad DL etiam triplam ipsius AD . Porro radius incidens cum sit AE , erit angulus inclinationis GEA ; radius idcirco AE vi primæ Refractionis refringetur in L : nam angulus HEL erit tertia pars anguli inclinationis GEA , vel ei æqualis per 15. primi Euclid. HEF . Consequenter erit angulus Refractionis tali inclinationi competens per Axioma 7 supra. Nam in triangulo AEL , cum ita sit AL ad LE seu LD , ut sinus anguli AEL supplementi ejus HEL ad sinum anguli A : ut autem sinus, ita & anguli, cum sint valde acuti: & ut AL ad DL , ita AF ad BF triplam radii FE : ergo ut angulus HEL ad angulum A , ita AF ad triplam FE ; & ut triplus anguli HEL ad angulum A , ita AF ad radium FE : sed in triangulo AEF ita est AF ad FE , sicut sinus angulorum oppositorum, nempe, ut sinus anguli AEF seu GEA ad angulum A . Ergo ita se habet triplus anguli HEL ad angulum A , sicut angulus GEA ad eundem A . Igitur verè refractionis prima dirigetur ad punctum L , quod erat primò demonstrandum.

Demonstratio.

Ducatur jam linea MEN axi parallela; erit hæc perpendicularis ad superficiem EC ; unde inclinationis angulus NEL erit æqualis ei, qui fit in vitro, fietque angulus Refractionis LEK ; angulus Refractus NEK , quem ostendo esse triplum anguli Refractionis LEK . Nam ita est in triangulo LEK linea LE seu LD ad LK , sicut sinus anguli EKF , seu alterni NEK ad sinum anguli LEK : ut autem sinus, ita & anguli, & LK per constructionem facta est tertia pars lineæ LD . Ergo angulus NEK est triplus LEK : ergo angulus LEK est angulus Refractionis tali inclinationi competens. Ergo si sit ut AB ad BD , ita AD ad DK , refractionis fiet in K . Si ergo Lucidum fuerit in A , & focus in K , ita erit AB ad BD , sicut distantia AD ad DK distantiam foci, quod erat secundo demonstrandum.

Demonstratio.

Corollarium 1.

Si objectū
in distantia
duplā d a-
metri, ubi
focus?

Si objectum in distantia fuerit, quæ sit dupla diametri, focus etiam erit in distantia dupla diametri, & in hoc casu objecti, & foci distantia sunt æquales. Si objectum sit in distantia diametri, nempe in B, cum nullus sit excessus supra diametrum, etiam nullus erit focus, adeoque radii remittentur paralleli.


Corollarium II.

Regula pro
focis inve-
niendis.

Cum Lentes utrinque convexæ idem præstare possint, quod Lentes plano-convexæ per 9. hujus, ad inveniendum focum universaliter servit hæc regula; *Vt differentia distantia objecti supra distantiam foci ordinariam, nempe quæ est respectu radiorum parallelorum, ita distantia objecti ad quartum: habebitur distantia foci.* Quæ regula etiam valet pro Meniscis.

Propositio XIII. Theorema.

In Lente plano-convexâ, si objectum ponatur inter focum & lentem, ita erit distantia objecti à centro Lentis ad diametrum Lentis, ut distantia ejus à Lente ad distantiam foci imaginarii.



Sit enim Lens plano-convexa EDC, cujus semidiameter FE: objectum autem lucidum sit in A, sitque AD minor quam lentis diameter DK, qui est focus naturalis, nempe radiorum parallelorum. Certum est; Quod si esset objectum in K extremitate diametri, refractus esset ER parallelus axi per coroll. 2. sextæ hujus. Sed radius Refractus erit divergens EH, qui ita procedit, ac si veniret ex puncto K, hunc voco focum virtuale. Dico ergo sicut se habet AF ad diametrum convexitatis, ita esse AD ad AK: atque si hoc ita sit, ut lineæ hæc ita se habeant, ostendam radium incidentem AE post duplicem Refractionem ita refringi & propagari per EH, ac si rectâ veniret ex puncto K.

Sit enim KL tertia pars lineæ DK, vi primæ refractionis radius AE refringetur in EG, quasi procederet ex puncto L. Ducatur jam FEQ & radius parallelus MER; producanturque radii AE in I, KE in H, & LE in G; cum sit ut AF ad diametrum seu duplam FD, ita AD ad AK, erit etiam, ut AF ad sesquidiametrum seu triplam FD, ita AD ad DL.

Demonstratio. Nam in triangulo AFE, ita est AF ad EF, ut sinus anguli FEA seu supple-

supplementi ejus QEA , ad sinum anguli EAF ut autem sinus, ita & anguli, cum sint valdè acuti. Ergo ita est angulus inclinationis QEA ad angulum EAF , sicut AF ad FE seu FD , ergò ut tertia pars anguli QEA ad angulum EAF ; ita AF ad triplam FD seu sesquidiametrum: Sed ut AF ad sesquidiametrum, ita AD seu EA ad LD seu LE ; & in triangulo LEA ita est AE ad LE , sicut angulus L seu alternus MEL ad angulum EAF . Ergò ita est tertia pars anguli QEA ad angulum EAF , sicut MEL seu illi oppositus GER ad eundem EAF . Unde angulus GER est angulus Refractionis respondens angulo inclinationis QEA in ingressu ac aëre in vitrum. Ergò per primam refractionem divergit in EG , quasi procederet ex L , quod erat primò ostendendum.

Secundò dico, vi secundæ Refractionis radium AE dirigendum in EH , quasi procederet ex K . Cum enim KL sit tertia pars lineæ LD seu LE & in triangulo KEL ita sit KL ad LE , ut angulus LEK ad angulum EKF . seu alternum MEK ; erit angulus MEK seu oppositus HER triplus anguli LEK , seu oppositi HEG . Sed in egressu vitri in aërem angulus Refractus triplus est anguli Refractionis, & consequenter sesquialter anguli inclinationis per corollar. 5. hujus. Ergò angulus REH est angulus refractus respondens inclinationi GER . Ergò radius dirigitur in H , quasi procederet ex K , quod erat demonstrandum.


Corollarium.

Quod dicitur hic de Lente plano-convexâ, intelligendum etiam est de Lente convexâ utrinquè, aut de Menisco, assumendo pro diametro distantiam foci ordinarii; & pro distantia objecti à centro Lentis, distantiam objecti à semifoco. Nempe, sicut in hac propositione primus terminus fuit linea AF composita ex distantia objecti à Lente, & semidiametro FD , quæ est semidistantia foci ordinarii: in aliis Lentibus fiat linea composita ex distantia objecti à Lente, & ex distantia semifoci, non habitâ ratione diametri.

Propositio XIV. Theorema.

Quiscunque Radius quomodocunque ex aëre intrans vitreum medium, quod superficies habet parallelas, si ve refringatur in eo, si ve non, egreditur similiter.





Sit vitrum AB habens superficies Aa & bB invicem parallelas. Sitquè primò radius CE perpendiculariter incidens in puncto E , per Axioma I. hujus, irrefractus transibit ab E in d , & rursus incidens in aërem, sive egrediens vitrum in puncto d , perget rursus irrefractus in L , adeoque similiter ac incidit, egredietur.

Sit secundò Radius DE obliquè incidens angulo inclinationis DEC in superficiem Aa puncto

E . Dico, etiam post duplicem Refractionem in E & F factam egressurum similiter ac incidit, angulo scilicet æquali.

Demonstratio.

Cum enim angulo inclinationis DEC in primâ refractione respondere debeat angulus Refractus dEF unâ tertiâ minor angulo inclinationis DEC : atquè hic se ad angulum Refractus habere, ut 3. ad 2. per Coroll 5. hujus. Radius igitur DE vi primæ refractionis dirigetur in F . Puncto F ducatur ipsi LEC parallela KFI ; fiet angulus EFI , scilicet inclinationis in vitro æqualis ipsi dEF per 29. primi Euclid. Porro dum in egressu è vitro in aërem rursus angulus Refractus fieri debeat unâ tertiâ major, angulusquè inclinationis in vitro ad Refractus in aëre se habere, ut 2. ad 3: Angulus itaque KFH æqualis nempe inclinationis angulo EFI in vitro per 15. primi Euclid. crescens unâ tertiâ fiet angulus KGF iterum æqualis angulo incidentiæ primæ DEC , qui similiter unâ tertiâ major erat angulo dEF , vel æquali EFI . Itaque anguli KFG & DEC erunt æquales. Radius igitur DE , obliquè incidens in vitrum quod habet superficies parallelas, à vitro in aërem similiter egreditur, quod erat demonstrandum. Idem hoc ostendimus supra. Fund. 1. Syntagm. 2. cap. 4. prop. 8.

Corollarium I.

Cum ambæ virri superficies sunt parallelæ, radius obliquè incidens restituitur parallelus.

Radius quiscunque obliquè incidens in vitrum cujus ambæ superficies sunt parallelæ, post duplicem Refractionem restituitur parallelus: quare pro uno radio ferè sumi potest intercedente solum differentia, quæ tamen sit multò minor, quàm crassities vitri aut Lentis. Hoc facile ostenditur dum producto radio GF in M & DE in N patebit fieri angulos alternos MFE , & FEN , adeoque radios GF & DE verè esse parallelos, per 29. primi Euclid.


Corollarium II.

Quid accidat Radio obliquè incidenti, cū duæ superficies sunt concentricæ

Etiam si duæ superficies in vitro fuerint concentricæ (velut in meniscis, quorum cavitas & convexitas ex æquali radio sive semidiametro) radius quiscunque quomodocunque incidens similiter egreditur.

Corolla-

Collorarium III.




In Lentibus quoque plano-convexis, aut plano-concavis radii incidentes & per verticem transeuntes similiter egrediuntur, aut post duplicem Refractionem remittuntur paralleli. Si enim sit Lens plano-convexa ABC, & radius EB incidat in verticem B, hic radius eodem modo refringetur per Lentem, atque refringeretur, si incideret in planam superficiem ab contingentem Lentem in puncto B. Similiter fieret, si radius FB incideret in Lentem plano-con-

Radii ad verticem transeuntes in Lentem plano-convexa.


cavam ABC: nam ita in puncto B verticis incidet, ac si ad planam superficiem aBb incideret: cum deinde & alia plana superficies parallela sequatur, necessario similiter egredi debet ex hic demonstratis. Atque consideratio hujus necessaria est ad determinandam basim distinctionis, ejusque magnitudinem.

Corollarium IV.

Etiam in Lentibus convexo-convexis & compositis quibuslibet Lentibus aliquis radius non longè à vertice in Lentem obliquè incidens habet refractum correspondentem post duplicem Refractionem sibi parallelum, ideoque egreditur similiter. Nam sum-



ptis duobus aliquibus Radiis CD & FG parallelis ac obliquè incidentibus, cum inter ipsos infiniti radii cadant, erit aliquis, cujus radius, velut hic OI hinc inde arcus æquales vel similes OD & IH abscindet, adeoque constituet refractum OI duobus aliis refractis DE, & GH parallelum. Cum ergo si radius OI ponatur incidens, hoc est Luminosum sit in vitro verb.gr. in centro P, fiant æquales anguli Refractionis hinc inde MON, & LIK, cum sit eadem inclinatio, erunt anguli MOI & OIL æquales, qui cum sint alterni, erunt radii MO, & IL paralleli.



CAPUT V.

Dé præstantiori Lentium convexarum effectu, qui est, imaginum per plures radios ab objectis antea diversimodè dispersos post Lentes verò in unâ basi distinctionis collectas efformatio.



Implices radios hætenus tam paralielos axi quàm obliquè in convexas quaslibet Lentes incidentes unà cum concursu radiorum ad axem post ipsas ceu foco principali proposuimus & demonstravimus. Jam plures radios, sive totius objecti radiationem per conos seu pyramides radiosas in Lentes convexas deductas unà cum collectione radiorum refractorum seu aliorum conorum dispositione post ipsas expendere volumus, ut imaginum per radios hosce conos sive pyramides in unâ basi ordinatâ collocatos efformatio, & quæ ad eam pertinent, plenè intelligi queant.


Propositio XV. Theorema.

In Lente plano convexâ radii plures inter se paralleli quomodocunquè incidentes uniuntur in aliquo puncto ad distantiam diametri.

DE Radiis axi parallelis sive directè in Lentem convexo-planam incidentibus patet ex supra demonstratis propos. 6. hujus. Porro, quod etiam radii plures inter se quidem paralleli, sed obliquè incidentes in Lentem plano-convexam post duplicem refractionem uniantur ad distantiam diametri, jam venit demonstrandum. Sit enim Lens plano-convexa ABG, quæ primò obvertat planam superficiem AB ad objectum: sintque duo radii paralleli CD & EF obliquè incidentes in superficiem planam AB. Dico, post lentem uniendos hos radios ad distantiam diametri GK vel æqualis HL.

Demonstratio.


Demonstratio. Cum enim anguli EFB & CDB sint æquales, etiam anguli inclinationis erunt æquales, adeoque iisdem angulis æqualibus etiam in ipsa Lente anguli Refractionum æquales respondebunt, ipsique radii refracti DH & FG ex æquo inter se procedent, eruntque paralleli. Cum porro tot sint radii refracti intra Lentem, ut eam totam occupent, aliquis igitur radius ex iisdem productus per Lentis centrum I. transibit. Sit igitur hic



hic radius HD , qui utrinquè producatur in I & L . Cum itaque hic sit perpendicularis ad superficiem AGB per Axioma I. supra, irrefractus transibit, ac consequenter in egres-
su Lentis nullam patietur Refractionem. Consideretur jam alter radius refractus FG , & refractione quæ fit dum radius FG puncto G egreditur à vitro in aërem. Erit ergò angulus inclinationis in vitro FGI æqualis alterno GIH ; & angulus Refractus KL , qui debet unâ tertiâ crescere & esse sesquialter ipsius FGI vel ei æqualis GIH . Intelligatur jam triangulum IGL . In hoc triangulo cum ita sit latus LI ad LG ut sinus anguli LKG ad sinum anguli LIG , & ut sinus, ita etiam anguli, cum sint valdè acuti: Latus ergò LI erit sesquialterum lateris LG seu LH : cumquè HI sit semidiameter, erit HL duplum illius, & consequenter æquale diametro, quod erat demonstrandum.

Sit secundò Lens eadem AB quæ ob-
vertat superficiem convexam ad luminosum,
incidantquè in eam plures radii, velut EF &
CD inter se paralleli obliquè tamen ad
axem. Dico fore similiter, ut uniantur præ-

dicti radii in aliquo puncto distante post Lentem diametro convexitatis.



Demonstratio. Inter radios parallelos in Lentem incidentes cogitetur unus productus per I centrum convexitatis, sitque hic $EFIK$; fiet per coroll. 4. hujus vi primæ refractionis, ut quicumque alii radii huic paralleli incidentes in eam superficiem convexam uniantur ad punctum K nempe distantiam sesquidiametri, ita ut FK sit sesquialtera diametri. Ducatur jam ex K ad superficiem planam AB perpendicularis KN , & ductus ab N radius NO intelligatur reliquis FE & DC parallelus. Hic ipse etiam ON vi primæ refractionis dirigetur ad punctum K : ac quia in Lente radius NM perpendicularis est ad superficiem planam AB , irrefractus procedit per ML : assumpto autem quocunque alio refracto velut FH ostendam vi secundæ refractionis refringendum in L . Du-

Demon- stration.

F 2

catur

catur enim radius HL , & ad punctum egressus II ipsi LM perpendicularis PHQ , eritque angulus inclinationis in Lente FHQ , cui æqualis PHK per 15. primi Euclid. & huic PHK rursus æqualis HKL per 29. primi Euclid. Porro angulum KHL inclinationis angulo respondere, esseque semissem PHK , vel eidem æqualis HKL , ita demonstro.

In triangulo HLK ita est sinus anguli HKL ad sinum anguli KHL ut HL ad KL , seu KR (sunt enim ferè æquales) sed HL est ferè dupla KL sive KR . Ergo angulus KHL est circiter semissis anguli inclinationis PHR , cui HKL æqualis. Ergo est angulus refractionis ipsi competens. Unde radius EFH vi secundæ refractionis uniatur cum radio sibi parallelo in L . Idem ostendam in dato quocunque alio radio. Ergo radii paralleli oblique incidentes uniuntur post Lentem in distantia diametri, quoderat demonstrandum.

Corollarium I.

In Lente
plano-con-
cavâ, quo-
modo radii
divergant?

Eodem modo facile ostendi potest in Lente plano-concavâ cum plana superficies objecto lucido obvertitur, non tantum radios axi parallelos divergere ab uno puncto axis distante à Lente per diametrum; sed etiam alios quoscunque parallelos divergere ab eodem puncto assumpto irrefracto transiente per centrum Lentis. Item cum concavitas objecto obvertitur, similiter ostendi potest, radios quoscunque parallelos divergere ab eodem puncto distante à Lente per diametrum. Quod tamen intelligendum de iis, qui angulum valde acutum cum axe principali comprehendunt: si enim valde oblique incident in Lentem, nec fieri potest unio tam exacta, nec præcisè in eadem distantia.

Corollarium II.

Penicillo-
rum effor-
matio.

Hinc quoque patet penicillorum seu radiorum ad eandem objecti partem pertinentium, & imaginem objecti exprimentium distinctionemque efficientium formatio. Sed de hoc uberius, & melius in sequentibus.

Propositio XVI. Theorema.

In Lentibus Convexo-convexis radii paralleli quicunque inter se concurrunt ad æqualem circiter foci principalis distantiam.

Sic

Sit Lens convexo-convexa A B, cujus convexitatis A a B centrum G, & convexitatis A b B centrum D, axis verò C E. Quod si incidant in Lentem hanc quicumque radii, ita ut sint axi paralleli, ex supra demonstratis certum est eos uniri in puncto aliquo axis post Lentem. Incidant ergò plures radii inter se quidem paralleli, obliquè tamen respectu axis C E, uti sunt F G & H I. Dico illos concursuros post duplicem refractionem in distantia foci principalis, velut hic est b M.

Demonstratio. Cum plurimi radii incidere possint paralleli inter se in superficiem convexam $A b B$, erit unus absque dubio incidens, qui ita procedat, ut productus transeat per centrum D . Sit igitur hic $F G$ transiens per centrum D , itaque producat in L , ut $D L$ sit dupla ipsius $D G$. A puncto L deinde ducatur ad C centrum convexitatis $A b B$ recta $L C$, & puncto I incidat radius $H I$ parallelus radio $F G$. Certum est vi primæ refractionis factæ in convexitate $A b B$ (cum $G D L$ per centrum transeat ideoque pro axe principali assumi possit juxta Axioma 1. hujus) radios $F G$ & $H I$ concursuros per propos. 4. hujus in puncto L , ad distantiam scilicet sesquidiametri.

Ponatur jam focus principalis hujus Lentis, quod sit in M , ducaturquè ex centro C arcus MK secans radium LC in puncto K ; fiet ut radius HI refringatur quidem ad punctum I , refractus tamen IK cum sit perpendicularis ad superficiem

A a B ex constructione ab f irrefractus tendat in K; radius verò F G d à puncto d refractus procurrat in K ibiquè uniatur cum radio I K. Quod hoc contingat, ita ostendo. Ducatur ex C linea C d P erit angulus P d D æqualis angulo inclinationis G d C in vitro; adeoque si d K verè sit refractus, debeat angulus P d D esse duplus anguli D d K, quod sic ostendo.

Supponatur radius O e parallelus axi principali CDE ; hic vi primæ refractionis factæ in puncto e dirigetur ad punctum E , ita ut linea bE fit sesquidiameter sive tripla ipsius bD , adeoque æqualis lineæ GL . Idem O e refractus ab E in N supponitur vi secundæ refractionis concurrere cum axe in puncto M foco scilicet principali ex suppositione. Quo casu necessariò angulus inclinationis erit eNC in vitro, cui æqualis QNE ; refractionis autem angulus erit ENM , adeoque primus QNE erit duplus secundi ENM , cum refractionis sit facta ex vitro in aërem. Ut autem QNE ad ENM , ita se habet PdD ad DdK , quod ita demonstro.

F 3

Nam

Nam in triangulo NCM ita est sinus anguli QNM ad sinum anguli NMC , ut CM ad NC ; & in triangulo dCK ita est sinus anguli PdK ad sinum anguli dKC , sicut KC ad dC . Sunt autem NC & dC æquales, cum sint semidiametri ejusdem convexitatis per defin. 15. prim. Euclid. Sicut etiam CM & CK pariter æquales, cum ejusdem arcus MK æquè semidiametri sint. Igitur ita est sinus anguli QNM ad sinum anguli NMC , sicut sinus anguli PdK ad sinum anguli dKC . Pari modo ita est sinus anguli NMC ad sinum anguli ENM , ut NE ad ME , & sinus anguli CKd ad sinum anguli LdK sicut dL ad KL . Sunt autem ME & KL æquales, & NE ac dL sunt etiam proximè æquales, ita ut sola Lentis crassities differentiam aliquam minus computandam invehat. Ergo ita est sinus NMC ad sinum anguli ENM , sicut sinus anguli dKC ad sinum anguli KdL ; & ex æquo ita est sinus anguli QNM ad sinum anguli ENM , sicut sinus anguli PdK ad sinum anguli KdL . Ergo radii paralleli quicunque inter se in lentibus convexo-convexis concurrunt ad æqualem foci principalis distantiam, quod erat demonstrandum.

Corollarium.

Quid fiat in
Lentibus
concavo-
concavis, si
radii paral-
leli luci
dunt obli-
què.

Similiter demonstrari potest in Lentibus concavo-concavis radios parallelos etiam obliquè incidentes, & axi minimè parallelos ita divergere post duplicem refractionem in Lente factam, quasi procederent ab eodem puncto distante secundum distantiam foci principalis. Idem etiam in Meniscis seu concavo-convexis ostendi potest secundum varias convexitatum combinationes.

Propositio XVII. Problema.

*Cujuslibet convexæ Lentis data locum concursus radiorum si-ve basin distinctionis aut imaginem per radios delatam practicè
& mechanicè reperire.*

Praxis I.

DAtam quancunque Lentem convexam in loco etiam tantum sub obscuro obverte parieti albo, aut chartam post eam obtende, Lentemquè eò usquè remove, quousquè imago objecti lucidi oppositi, velut fenestræ valdè nitidè exprimitur: distantiam deindè Lentis à charta vel pariete dimetire, hæc indicabit locum concursus, & basin distinctionis quæsitam.

Praxis II.

Vel Lentem convexam datam oppone solis radiis, eamquè eò usquè remove ab opposito quocunque corpore, donec lucidissimum aliquod punctum post se in eodem subjecto efformet; quod ipsum aliud non est, nisi imago Solis ibidem expressa diciturquè ideò focus, seu punctum combustionis, quia Solis radii per Lentem transmissi, ibiquè collecti aptam concipiendi ignis materiam facile solent accendere. Eadem distantia reperiri potest de nocte, cum ad lumen candelæ remotiori loco collocatæ Lens convexa simili modo ante chartam aut parietem album obtinetur, donec flamma cum elychnio quàm fieri potest distinctissimè ibidem exprimitur. Undè facile etiam practicè colliges, & experimento addisces, quæ sequentibus corollariis indicantur.

Corolla-

Corollarium I.

Lentes quæ sunt majoris sphaeræ segmenta habent concursum radiorum, seu basin distinctionis magis distantem, & imaginem projectam majorem sive ampliorem; minoris sphaeræ Lentes habent minus distantem concursum cum minore imagine. Majoris siquidem sphaeræ Lentes minus obliquam recipiunt radiorum ab objecto incidentiam, minoris magis; hinc istæ plus refringunt, illæ minus: quò autem radii minus refringuntur in vitro, hoc rectius post vitrum exeunt, & in sectionem mutuam seriùs concurrunt, ideòque longius à vitreâ Lente communem concursum perficiunt, quam qui plus refracti fuerint. Deindè, quod etiam ampliorem & majorem imaginem præbeant, patet experientia: & ratio à priori est, quia radiorum concursus est obliquior in segmento majoris sphaeræ, quàm minoris, ob incidentiam sic loquendo rectiorem.

Lentes majoris sphaeræ, quem focum aut imaginem habeant.

Corollarium II.


Imago sic expressa valdè vivida est, eò quod plurimos radios ejusdem partis objecti transmissos colligat in unum physicè punctum, & quò minus hoc punctum existit, hoc acutius & tersius simulacrum totum evadit. Item distincta est imago, quod singulæ partes alios radios respuant. Magis verò vivida, & distincta est, quæ à Minoris, quàm quæ à Majoris sphaeræ Lentibus provenit, tum quia illæ breviori distantia, ideoque fortiorum radiorum concursum parant, nec à Luminis alterius incurfu multum oblitterantur; tum etiam maximè, quod Lentes minoris sphaeræ plures gradus convexitatis contineant, sicquè etiam radios plures ad idem physicè punctum colligant, atquè ita pyramides radiosas in vertices acutiores desinentes efforment.

Imago vivida & distincta.

Corollarium III.

Concursus hic non æstimatur in indivisibili: nam in primis experimento id constat, dum mota etiam paulisper Lente vel charta post eam vix discerni possit, quandonam vivacissima & distinctissima imago chartæ oppositæ adhæreat. Deinde, cum omnis linearum sectio aliquam in rebus physicis habeat laxitatem, ita ut non sit necesse ipsum scopum in puncto inclinationis centralis mathematicè attingere, sed sufficiat sensu saltem à veritate non multum aberrare, adeoque etsi mathematicè fiat sectio in indivisibili, sensu tamen discerni non potest, aut parum refert. Hoc modo præsens duarum linearum obliqua sectio satis notabilem amplitudinem habet, ut cernere est in lineis AB & CD, quorum sectio communis sensibili-

Concursus radiorum non fit in indivisibili.



ter spectata continetur lineola EF, etsi Mathematicè

maticè in medio puncto a consistat. Nam tanto spatio mutuam illarum divergentiam sensus discernere non valet. Igitur cum physicè ad sensum concursum hunc spectemus, in indivisibili eum requirere necesse non est.

Corollarium I V.

Lentes quales minus comburant.

Inter Lentes æquales quoad magnitudinem illæ minus comburant, quæ sunt majoris sphaeræ segmenta, & longius concursum radiorum efficiunt: quoties enim totidem radii magis aut minus congregantur, eò etiam est major aut minor intensio caloris; in æqualibus verò Lentibus quoad magnitudinem cum totidem radii excipiantur, ac porro in majoris sphaeræ Lentibus radii minus uniantur (cum latiore Solis exprimant imaginem) minor necesse est, ut intensio caloris sequatur, adeoque hujusmodi Lentes ad comburendum præ minoris sphaericitatis Lentibus sint ineptiores.


Corollarium V.

Imago nonnihil convexa.

Imago quæcunque post Lentes convexas in chartâ oppositâ expressa nonnihil convexa est. Patet experientia. Nam in chartâ planissimâ post Lentes positâ dum mediæ partes circa axem nitidè exprimuntur, obscurius præsentantur laterales: & contra, dum extremæ laterales vivacius comparent, minus distinguuntur mediæ: & ita fieri debere facile potest deduci ac demonstrari per præcedentem. Imago tamen cæteris paribus quæviscunque per Lentes convexas in oppositâ chartâ expressa semper distinctior & vivacior comparet circa medium, quàm circa partes quovis modo longius ab axe remotas, cum imago circa medium per plures radios minus refractos, ideoque fortiores & ordinatiores deponatur & exprimatur.

Propositio XVIII.

Præcipuum quarumlibet Lentium convexarum effectum (qui est imaginis per radios ab objectis lucidis trajectos, & vi Lentium refractos certo quodam modo collectos ac in basin quandam communem ordinatos efformatio) genuinè explicare.



Sit Lens convexa ACB sive utrinque, vel plano-convexa aut mixta, in qua prævalet convexitas, perinde est; sitque opposita situ parallelo objecto lucido DEF . Dico ad certam distantiam, velut hic signatur in GHI tanquam ad communem ordinatam basin, ut constat ex præcedenti, imaginem objecti valde dilute & nitide depingendam. Quomodo autem hoc contingat, ita demonstro.

Demonstratio. In objecto visibili lucido DEF , quia quodlibet illius punctum ex se Demonstratio.emittit sphaeram radiosam, ut patet ex Fund. 1. Syntag. 3. c. 1. Item Axiom 13. supra. Si itaque in exemplum assumantur tria puncta spectabilia DEF non est dubium ex D casuros radios infinitos in totam Lentis ACB convexam superficiem, qui sint Exempli causa, DA, DC, DB & omnes possibiles intermedii, & sic unicum punctum D effusum est in totam superficiem convexam ACB . Eodem modo punctum visibile E radio suo penicillo $EACB$ occupat eandem superficiem ACB . Similiter quoque punctum F mittit conum radiosum FAB . Et quia radiationes istæ non sunt figmenta phantastica, sed verissimæ & naturales specierum visibilium ex objecto effusiones sive emanationes: hinc verissimum est, quodvis punctum visibilis objecti DEF esse cum alio quovis in superficie ACB , & omnia rursus ac singula collecta cum quolibet. Quæ res haud dubie simulacrorum visibilium summam confusionem parit; unde etiam ob omnigenam istam specierum colluviem hæc statio prima confusionis dici meruit, propterea, quod omnium prima sit, quæ ab objecto procedat & efficiatur, sicut in ipso objecto

est omnium prima ordinatissima statio earundem.

Pari modo, quia totum objectum DEF mittit conum vel pyramidem radiosum in quodvis punctum superficiæ convexæ ACB , cujus coni sive pyramidis basis sit visa objecti superficies DEF , vertex autem quodlibet punctum, uti sunt A vel C vel B superficiæ ejusdem; hinc rursus necesse est totum objectum DEF convenire in unum punctum A per radios DA, EA, FA , & quoslibet alios intermedios coni radiofi $DEFAD$. Neque aliter idem totum objectum DEF affluet in punctum C radiis DC, EC, FC , & quibuslibet aliis intermediis coni radiofi $DCFED$. Pariratione idem objectum colligetur in puncto B beneficio coni radiofi $DBFED$; sicque totum objectum affluet in totam superficiem ACB , & in singulas ejus partes possibiles, adeoque objectum ita erit totum in tota Lentis superficie, & totum in quâlibet ejusdem superficiæ parte, cum summâ, ut dictum, visibilium specierum confusione.

G

Porro

Porro cum Lens convexa diaphana A C B sit densior aëre utrinque circumstante, radii quoque ad eam allapsi plerique incidant oblique in ejus superficiem A C B, & intersectione facta post Lentem præcurrant ulterius, fiet, ut post duplicem refractionem per hætenus demonstrata ad invicem convergant, ac in certâ basi seu statione uniantur. Sic radius D A post Lentem perget ad punctum I, quo etiam radii D C & D B ulterius post Lentem progressi procurrent & unientur: adeoque totus conus radiosus cum quibuscunque radiis in se conclusis ad punctum I colligetur. Simili modo omnes radii ab E progressi colligentur in H, & omnes radii ab F in Lentem A C B prolapsi ibique dispersi colligentur in G: sicque omnes radios singulorum punctorum visibilium penicilli qui fuerunt in Lente A C B confusi & per totam Lentem dissipati ejusdem refractionis beneficio iterum situ ordinatissimo disponentur in unam basin communem cum imagine distinctissimâ, quam imitari nullus pictor poterit. Sicut autem hæc tria puncta assumpta post primam confusionis stationem in Lente A C B factam in partes contrarias summo ordine atque elegantia disponuntur, ita de singulis atque omnibus aliis intermediis inter D & E, ac E & F ratiocinandum est. Totum ergo objectum per Lentem convexam qualemcunque radians in unâ basi communi collectum ipsius objecti imaginem perfectissimam exhibet, quod erat explicandum.

Corollarium I.

Imago est
inversa.

Imago objecti in basi distinctionis sic depicta inverso & converso situ exprimitur, ita ut superiora appareant inferiora, & inferiora superiora, similiter dextra repræsententur sinistra, & vicissim.

Corollarium II.

Foci &
imaginis eadem ratio.

Quæcunque de foco seu concursu radiorum hætenus sunt demonstrata, de hac basi distinctionis intelligenda sunt; ut quia probavimus radios parallelos axi in Lente plano-convexâ uniri ad distantiam diametri, in convexo-convexâ æqualiter ad distantiam semidiametri. Hinc objecta ita disposita, ut radii ab iis procedentes paralleli habeantur, imaginem expriment post Lentem plano-convexam ad distantiam diametri; in convexo-convexâ æqualiter utrinque, ad distantiam semidiametri, secundum ea quæ supra sunt demonstrata.

Corollarium III.

Si objectum fuerit vicinior Lenti, quàm ut ejus radii paralleli censeantur, basis distinctionis longius recedet à Lente, fietque major, quia & angulus, qui fit in vertice Lentis fit major, & ei oppositus ad verticem ex aliâ parte Lentis illi æqualis major erit; Imago igitur longius recedens & sub majori angulo comprehensa major erit.

Corolla-

Corollarium I V.

Si objectum fuerit ante focum principalem seu basin distinctionis ordinariam, cum radii post Lentem convergant & concurrant; haberi poterit imago & quidem diversimodè ante duplam distantiam foci, minor objecto ac magis ad ipsam Lentem accedens; si objectum fuerit in duplâ distantia foci à Lente, imago etiam erit in duplâ distantia à Lente, ipsique objecto æqualis: Si objectum magis accedat, imago recedit sitque semper major, donec objectum sit in foco, tunc nullam exprimet imaginem, cum radii ab eadem objecti parte prodeunt futuri sint axi paralleli. Quo verò objectum vicinius erit Lenti, cum punctum à quo radiat objectum, magis accedat ad Lentem; radii etiam magis post Lentem divergent, nec species ullam valebunt imaginem exprimere: Siquè objectum fuerit vicinius Lenti, quàm ejus focus, radii ejusdem divergent, minus tamen, quàm si nulla intercederet refraction, ideòque ita procedent, ac si ex loco remotiore venirent; hoc est, ac si objectum esset remotius, & per lineas rectas radiaret.

Ex diversa
objecti di-
stantia ubi-
nam imago
formetur.

Corollarium V.

Ex his sequitur vicissim, quod si radii ad eandem partem objecti pertinentes convergant quasi ad formandam aliquam imaginem & in Lentem incidant, sint formaturi aliquam imaginem, in minori tamen distantia, quam habuissent, si in Lentem non incidissent; nam per Lentis refractionem concursus radiorum acceleratur.

Corollarium VI.

Cum objectum ponitur loco baseos distinctionis, radiabit & colliget imaginem à se trajectam in loco, quo prius positum fuerat objectum; cum refraction fiat reciprocè per easdem lineas, & per eosdem radios.

Objectum
translatum
ad locum
baseos di-
stinctionis
quomodo
radiet.


Corollarium VII.

Cum radii post ordinatam communem basin distinctionis ulterius prolabantur, iterum digrediuntur ac divergunt, & confunduntur species, nec ordinatam amplius imaginem præsentare poterunt.

Corollarium VIII.

Si Luminosum objectum radians per Lentem convexam debite oppositam fuerit divisibile & simile per totum, ac constitutum in ipso foco Lentis, radios omnes à quibuslibet objecti punctis diductos non remittet parallelos inter se. Quia licet quodlibet punctum objecti divisibilis radios quidem à se dimissos post Lentem remittat axi ab eodem hoc puncto producto parallelos; non tamen erunt hi radii paralleli alteri axi ab alio puncto divisibilis objecti producto, ut patet in figura.

Lumino-
sum in foco
constitutum
quomodo
radiet.



ubi flamma AB in foco Lentis IK constituta remittit quidem post Lentem radios ID & KE axi AC parallelos, sed hos ipsos radios IG & KH ab alio flammæ puncto B profluxis minimè parallelos, cum hi suo axi BF sint solum paralleli, & non axi AC à puncto A producto.


Corollarium I X.

Quid circa
Lentis aper-
turam con-
tingat.

Lens convexa quanto magis aperitur tanto objectorum imagines exhibet lucidius; at confusius & minus distinctè: quanto verò minus aperitur, tanto quidem cum minori lumine obscurius, attamen distinctius & præcisius. Cujus ratio clara est. Quò enim magis Lens convexa detecta erit, eò plures à singulis objecti punctis radios excipiet & post se dimittet, singulique penicilli plures quoque radios continebunt. Sed quò pluribus radiis objecti imago depingitur, eò fortior & vegetior, objectumque exhibet quasi majori lumine perfusum: periculum tamen est confusionis, quia radii magis remoti ab axe minus exactè cum aliis concurrunt in eadem axis parte; sed hoc generat confusionem: igitur si nimium detegatur Lens convexa, fiet confusio.

Propositio XIX. Theorema.

In Lentibus quomodolibet sphaericè convexis, ubi convexitas prævalet, ut distantia objecti à Lente ad distantiam imaginis, ita diameter magnitudinis objecti ad diametrum magnitudinis imaginis.



Sit objectum lucidum AB , imago verò post Lentem E in basi distinctio-
nis collecta CD . Dico, ita esse AE distantiam objecti à Lente E ad
 ED distantiam imaginis ab eadem Lente, sicut AB diameter magnitu-
dinis objecti ad CD diametrum magnitudinis imaginis.

Demonstratio. Cum per supra demonstrata propos. 14. radii à qua-
cunque parte objecti prodeuntes & incidentes aut in verticem Lentis, aut Demon-
stratio.
non longè à vertice, habeant refractum sibi respondentem parallelum, ita
ut neglectà Lentis crassitie hi radii pro unico & eodem radio assumi possint,
fient ergò duo triangula ABE & CED eundem physicè verticem habentia,
quorum latera aut sunt parallelà, aut pro unà & eadem continuatà phy-
sicè lineà sumi possunt. Latus ergò AE parallelum erit lateri ED , & latus
 BE parallelum lateri EC . Unde anguli AEB & CED erunt æquales.

Quia igitur supponitur, quod imago intercepta loco CD & objectum
 AB sitibus parallelis sibi respondeant; fient necessariò triangula ABE &
 CED æquiangula; undè sequitur, etiam latera AE & BE esse proportio-
nalia lateribus DE & CE . Ut igitur latus AE ad latus AB , ita erit DE
ad DC , & permutando, ut AE ad ED , ita erit AB ad CD . Sed omnes
radii à puncto A profluxi concurrunt in puncto D , & AE est distantia ob-
jecti à Lente, & ED est distantia Lentis ab imagine; item AB est diame-
ter magnitudinis objecti, & DC diameter magnitudinis imaginis: ergo ut
distantia objecti à Lente ad distantiam imaginis à Lente, ita erit diameter
magnitudinis objecti ad diametrum magnitudinis imaginis, quod erat de-
monstrandum.

Corollarium I.

Cum foramen minutum clausi cubiculi instruitur Lente convexâ, Fiunt ima-
gines æquæ
magnæ sive
foramen
Lente mu-
niatur, sive
non.
imagines depinguntur in chartâ distinctè everso licet situ æquæ magnæ, ac
exprimerentur objectorum umbræ per simplex foramen in eadem chartæ à
foramine distantia. Cum enim radii per verticem lentis aut saltem ferè per
eundem transeuntes virtualiter sint irrefracti, eò quòd habeant refractum sibi
respondentem parallelum ferè in directum sibi jacentem, nisi quantum cras-
sities Lentis obliquè inter utrumquè interjecta obstat, quò minus unam li-
neam rectam efficiant, eodem modo determinabitur ab his radiis imaginis
magnitudo, ac si simpliciter rectà per foramen trajicerentur.

Corollarium I I.

Imago Solis per Lentem etiam perfectissimam expressa æqualis est ei, quæ per nudum foramen à radiis solaribus transmissis in eadem distantia quæ est æqualis distantia foci illius lentis exprimitur: Sic imago Solis cum sit subtensa minut. 30. Si fiat, ut radius ad subtensam 30. minut. ita distantia foci ad quartum, habebitur diameter imaginis.

Corollarium I I I.

Similes
Lentes in
æqualis
sphæricita-
tis æqualem
luminis in-
tensionem
habent.


Similes Lentes inæqualium sphærarum æqualem tamen luminis intensionem efficiunt. Voco Lentes similes, quæ totidem partes suarum sphærarum continent, ut duæ Lentes, quæ continebunt 20. gradus maximi circuli suarum sphærarum, quamvis diameter magnitudinis unius sit dupla alterius, & consequenter quadruplo plures radios excipiat, sive sit in duplicatâ ratione diametrorum. Nam diametri imaginum cum se habeant, ut distantia focorum, & hæ respectu ejusdem objecti se habeant, ut diametri sphæricitatum diameter igitur imaginis in Lente majore erit dupla alterius diametri: sed ipsæ imagines sunt in duplicatâ ratione suarum diametrorum: ergo se habebunt imagines, ut magnitudines ipsarum Lentium: sed radii quadruplo plures uniti in spatio quadruplo majori, quàm spatium in quo uniuntur radii quadruplo pauciores, debent præcisè eandem luminis intensionem efficere. Ergo si excipiantur hæ imagines, erunt æquè intensæ, solum tamen quoad luminis intensionem, non autem quoad caloris aut combustionis effectum, ut experientia constat.

Propositio XX. Theorema.

Quolibet Lentis convexæ occultato puncto, imago tamen per eam transmissa manet eadem in quantitate & figurâ, non tamen eadem in intensione luminis, sed magis aut minus obfuscatur prout magis aut minus occultatur & tegitur.

SIt Lens convexa qualiscunque CD, quæ quomodolibet magis aut minus tegatur opaco scilicet corpore HG, vel IG. Dico, objecti AB imaginem per Lentem trajectam loco FE eandem permanere in quantitate FE & figura ut hic est crucis, non tamen cum eadem luminis intensione.

Demon-



Demonstratio. Ponatur enim corpus opacum HG occultare seu te-
gere partem aliquam Lentis a C, illud quidem intercipiet radios eos, qui in-
ter B C F & B F procedunt, non desinet tamen pars objecti B adhuc repræ-
sentari in eodem loco F per alios radios non interceptos, qui scilicet inter
BF & BCF ab eodem puncto B procurrunt ibidemquæ uniuntur. Idem
dicendum de objecti parte A & aliâ quacunque, si opacum aliquod cor-
pus vel in ipsâ Lente, vel propè Lentem eidem apponatur. Undè licet ali-
qui radii impediuntur, non desinet tamen objectum vi radiorum aliorum
ab opaco corpore non interceptorum à quolibet sui puncto profluxorum si-
mili ratione ad eadem puncta, & loca concursus in basi distinctionis ima-
ginem efformare. Porro, quod etiam imago cum majori luminis claritate
& intensione compareat, quantò major est Lentis apertura, minus tamen
distinctè, quàm si plus tegatur ac minus aperiatur Lens convexa, dictum est
jam supra coroll. 8. prop. 18. Cum igitur ad eadem loca & puncta concursus
in basi communi ordinata distinctionis imago formetur, sive per plures sive
per pauciores radios efformetur, manebit eadem quantitas & figura, & quo
magis tegitur, minus lucidè repræsentatur, sed plus obfuscatur & inumbra-
tur, quod erat ostendendum.

*Demon-
stratio.*

Corollarium 1.

Bullæ & quivis alii defectus in materia Lentium occurrentes in imagine
non comparent, quia licet intercipient aliquos radios uniuscujusque par-
tis, non refunduntur in unam potius imaginis partem quàm aliam, sed totam
imaginem æqualiter inficiunt. Undè etiam opaciores particulæ ipsis Len-
tibus inhærentes minus nocent in imaginum præsentatione, quàm diversitas
densitatis diaphanæ vitri; qualis est ea, quæ vortices, spiras, variosquæ gy-
ros intimè in ipso vitro exhibet. Ratio enim est, quia opaciores illæ parti-
culæ, cum tantum aliquos radios transire prohibeant, interim alios radios
speciem objecti eandem deferentes liberè ad loca ordinata transire permit-
tunt, nec quovis modo post Lentem turbant. Quando autem diversa est
diaphana densitas vitri, radii omnes transire permittuntur; at propter di-
versam refractionem aliqui hinc inde vagantes ad debita loca ordinata non
procedant, sed insidendo basi communi aliorum radiorum se les & concur-
sus imaginem confundunt & turbant.

*Cur bullæ
alique de-
fectus Len-
tis non
compareant
in imagine*

Corolla-

Corollarium I I.

Lentes ob-
jectivæ mi-
nus aperi-
ent in tubis.

In telescopiis rectè Lentes objectivæ non nimium aperiuntur, ut radii solum fortiores, qui nempe sunt ad axem propiores, permittantur: dum enim nimium aperiuntur, radii ab axe magis distantes cum debiliores sint, & ob minimam medii aut figuræ diversitatem facile ab ordinato tramite defleant, ideoquè loca & puncta concursus debita non attingant, sed aliorum radiorum sedes invadant, hinc imaginem mirè confundunt & deturpant. Quo etiam Lentes objectivæ sunt sphaeræ minoris segmenta, eò minus detegi debent, quia sub majori apertura, dum radios pluribus ab axe gradibus distantes excipiunt, juxta modò dicta minus distinctè imaginem deferre possunt.

Corollarium III.

Lentes ex
diversis
convexita-
tibus elabo-
ratae.

Eadem superficies Lentis alicujus pluribus distinctis convexitatibus affecta, & per modum annulorum in pluribus diversis patinis elaborata etiam potest diversis locis ac distantis imagines diversimodè repræsentare, prout Lens plus minusquè conformiter ad cujuslibet annuli focum à chartâ remotetur.

Corollarium IV.

Oculus cir-
ca focum
Lentis con-
stitutus
quomodo
videat ob-
jecta.

Dum oculus circa focum Lentis alicujus convexæ versatur, hoc est, circa imaginem ab objecto trajectam, totidem videbit objecta, sive Lens tota detegatur, sive non: nempe videbit ea objecta, quorum imaginem pupilla excipiet: percipiet autem semper eorundem objectorum imaginem, sive parum Lens detegatur, sive multum. Quare in tubis spiciliis etiam si detegatur multum Lens objectiva, non tamen plura videntur objecta: undè & per foramen acus tot objecta videntur Lente illâ objectivâ, ac si tota pateret. Sic possumus tubis spicilio Solem ipsum spectare integrum per exiguum planè foramen.

Corollarium V.

Quomodo
oculus circa
focum Len-
tis minoris
sphaericita-
tis constitu-
tus videat.

Per Lentem minoris sphaeræ oculus plura simul videt objecta, si nempe circa focum versetur. Cum enim imago sit minor, plurium objectorum imagines pupillam subibunt, quàm si imago major esset, ut fit per Lentem majoris sphaeræ.





CAPUT VI.

De Naturâ Refractionis quæ fit in Lentibus concavis.

HOC nunc capite naturam Refractionis, quæ fit in specillis seu Lentibus cavis explorabimus, siue ex sint ex una tantum parte concavæ, hoc est, plano-concavæ, siue utrinquè, nempe concavo-concavæ, æqualiter item vel inæqualiter. Sit ergò

Propositio XXI. Theorema.


*Radius axi parallelus incidens ex aëre in superficiem concavam Lentis vitreæ
habet focum virtualem vi primæ refractionis ad
distantiam sesquidiametri.*

SIt radius DE axi GK parallelus incidens puncto E in cavam superficiem AEB. Dico vi primæ refractionis radium DE ita refringendum in vitro, quasi procederet ex G distantia scilicet sesquidiametri cavitatis AB.

Demonstratio. Producat^rur enim DE in F, & ducatur etiam ex ^{Demon-}centro C cavitatis linea CEI, quæ erit perpendicularis: undè angulus ^{stratio} inclinationis erit CED, cui per 15. primi Euclid. æqualis FEI. Debet autem per Axioma 3. supra refractioni fieri ad perpendicularem in vitro,

H

medio




medio scilicet denfiore & per coroll. prop. 5. supra angulus inclinationis esse triplus anguli refractionis. Unde radius DE dum in vitro refringitur, diverget ex E in H, adeoque angulus FEH erit tertia pars FEI vel ei æqualis CED. Producto autem radio HE in G fiet angulus CGE æqualis angulo FEH; & angulo HEI æqualis angulus CEG: cum igitur anguli hi sint valde acuti, habebunt se in triangulo CEG latera angulis opposita sicut sinus angulorum, & rursus sinus ut anguli: sed angulus CEG duplus est anguli CGE, igitur & latus CG oppositum angulo CEG erit duplum lateris CE quod opponitur angulo CGE: cum quoque CK & CE æquales quia radii sive semidiametri ejusdem cavitatis: igitur KG erit distantia sesquidiametri ejusdem cavitatis, sive focus virtualis erit in G, unde vi primæ refractionis radius DE in cavo vitro refractus procedere cogitandus, quod erat demonstrandum.

Propositio XXII. Theorema.

In Lentibus plano-concavis, cum radii incidentes axi sunt paralleli, focus virtualis est in distantia diametri concavitatis.






It Lens plano-concava AB cujus cavitatis semidiameter HG linea verò HK sit dupla ipsius HG sive æqualis diametro. Dico, focus virtuale hujus Lentis esse in distantia lineæ HK sive diametri cavitatis. Obvertat enim primo Lens AB planam superficiem ad parallelos, sitquè radius ad eam incidens DE axi HK parallelus.

Demonstratio. Quia radius DE incidens axi HK est parallelus, erit etiam perpendicularis ad planam superficiem EB, unde per Axioma I. supra transibit irrefractus ad punctum I concavitatis, angulusquè inclinationis in vitro erit DIF: ac quia dum radius à vitro egreditur à medio scilicet densiore in rarius, refractione fiet à perpendiculari per Axioma 3. supra, radiusquè refractus DI non procedet ab I in L, nequè spatio aliquo inter L & G, sed versus M, ita ut angulus GIL æqualis angulo inclinationis in vitro per 15. primi Euclid. debeat esse duplus anguli LIM per 5. supra. Porro cum etiam per 37. primi Euclid. externus angulus MIG sit æqualis duobus internis & oppositis, nempe G &

K: ac quidem angulo G interno æqualis sit LIG, & interno K æqualis MIL per 29. primi Euclid. Quare totus angulus MIG triplus erit anguli K. Sunt autem ut anguli, ita sinus eorum; & cum in triangulo GIK ita sit sinus anguli GIK sive supplementi MIG ad sinum anguli K ut GK ad GI: erit etiam GK tripla ipsius GI sive GH: ablatâ igitur lineâ GH remanebit HK dupla ipsius GH: sed GH est semidiameter, & dupla hujus HK est diameter. Focus ergo virtualis qui est ad K, erit in distantia diametri, quod erat demonstrandum.





Sit Lens utrinque æqualiter concava AB nempe ex semidiamentris utrinque æqualibus GN & MC, incidatque in eam radius DE axi KC parallelus. Dico post duplicem refractionem ita radium prius incidentem ab I in H propagandum, quasi procederet ex centro M, centro scilicet concavitatis obversæ ad parallelos, ita ut punctum M sit focus virtualis.

Demonstratio. Fiat enim CK tripla ipsius CM, ducaturque linea KEI, per 21. hujus vi primæ refractionis radius DE in ipsa Lente procedet ab E in I quasi veniret à puncto K. Ad punctum I deinde ex centro G ducatur perpendicularis GIF, erit tunc in ipsa Lente angulus inclinationis EIF, cui per 15. primi Euclid. respondet angulus æqualis GIL. Porro cum refractione post Lentem fieri debeat à perpendiculari, ita ut angulus LIG sit duplus ipsius HIL sive æqualis KIM: hoc facto cum in triangulo KIG ut sinus anguli KIG vel ejus complementi LIG ad sinum anguli G, ita sit KG ad IK vel NK, nempe ut 4. ad 3. & ut sinus ita sint & anguli cum sint

valdè acuti: hinc etiam sicut 4. ad 3. ita erit angulus LIG ad angulum G. Addito jam HIL ad LIG, fiet HIG ad G sicut, 6. ad 3. sed 6. ad 3. sunt ut 2. ad 1. sive ut duplum ad simplex, unde etiam GM erit ad IM vel NM neglectâ Lentis crassitie ut 6. ad 3. sive ut 2. ad 1. focus ergo virtualis erit in M distantia scilicet semidiamentri in centro concavitatis, quod erat demonstrandum.

Corollarium.

Lens concavo-concava utrinque æqualiter majoris sphaeræ æquivaleret Lenti plano-concavæ sphaeræ duplo minoris: cum enim Lens concavo-concava æqualiter utrinque focum virtualem habeat ad distantiam semidiamentri, quæ æqualis est diametro duplo minoris sphaeræ, habebunt ergo focum virtualem in eadem distantia.

Lens utrinque concava æquivaleret lenti plano-concavæ.

Propositio XXIV. Problema.

Lentis cujuslibet utrinque concavæ quomodocunque, in quam radii incidunt axi paralleli, focum virtualem reperire.


Sit data Lens AB utrinque concava ex æqualibus vel inæqualibus semidiamentris CM & GN, sitque radius incidens DE, oporteat verò focum ejus virtualem reperire.

H 3

Fiat

Fiat inprimis CK tripla distantia centri CM concavitatis obversæ ad parallelos, ducaturquè ex puncto K linea KEIL; item per punctum I ex centro G alterius cavitationis ducatur perpendicularis GIF, fiatquè HIL semissis LIG, ac producat HI in O. Dico punctum O esse focus virtuale, à quo radius axi parallelus incidens post duplicem refractionem divergens propagaretur, si rectà procederet.

Demonstratio.



Demonstratio. Radius incidens DE vi primæ refractionis ita refringitur in Lente per 21. supra, ac si rectà veniret ex puncto K. Ductâ itaque ex centro G lineâ perpendiculari GIF cum angulus GIL æqualis sit angulo inclinationis EIF in Lente pro secundâ refractione; in egressu autem è vitro in aërem, cum supra angulum inclinationis debeat angulus refractus crescere unâ tertiâ, sitquè jam ex constructione hoc factum (nam angulus HIL est una semissis ipsius LIG, unde angulus HIG erit verè angulus refractus) producto igitur radio HI in O determinabitur punctum, à quo radius duplici refractione propagatus procedere deberet. Punctum igitur O erit focus virtualis quæsitus, quod erat faciendum.

Corollarium I.

Focus virtualis in Lentibus inæqualiter concavis.

In Lentibus quomodolibet utrinquè inæqualiter concavis focus virtualis continetur spatio inter utriusquè cavitationis semidiametros. Nequè enim ad obtusioris cavitationis centrum ascendere potest, cum ex hypothese altera cavitas sit acutior, solum verò id fieret, si æqualis esset utrinque: neque etiam ad acutioris cavitationis centrum sive semidiametrum descendere potest, cum hoc solum contingeret, si æqualis acutior utrinquè foret cavitas: est autem obtusior ex suppositione. Ergo &c.

Corollarium II.

In Lentibus quomodolibet utrinquè cavis eadem est foci virtualis distantia, quæcunquè cavitas obvertatur ad parallelos, quia simili modo facile invenitur & determinatur ad eandem distantiam focus virtualis.

Corolla-

Corollarium III.

Si radius aliquis ita incidat in Lentem quomodolibet cavam, ut productus à puncto incidentiæ rectà procedat ad focum virtuale, post duplicem refractionem factam ex Lente egredietur axi parallelus, cum reciprocum sit Lucis iter. Quod si ita incidat, ut productus ultra & post focum virtuale cum axe concurrat, egressus è Lente magis fiet divergens, nec unquam cum axe poterit concurrere. Quod si verò ita incidat radius aliquis, ut à primo ingressu Lentis rectà productus ante focum sive ad spatium intra focum & Lentem procuret, egressus post duplicem refractionem è Lente cum axe concurret.

Propositio XXV. Theorema.

In Lente plano concava si punctum ad quod convergit radius incidens fuerit distans à Lente plus quàm diametro cavitatis, ita erit excessus distantiae illius puncti supra diametrum ad eandem diametrum, ut distantia puncti illius ad distantiam alterius foci imaginarii, à quo post Lentem facta duplici refractione radius divergit.



It enim Lens plano-concava AB, cujus semidiameter EN vel CN: linea verò CF sit æqualis diametro, sitquè G punctum ad quod incidens radius DE convergit, sive quo productus dirigeretur, nisi vi refractionis aliò detorqueretur. Cum igitur certum sit, quod si ita incideret radius DE ut dirigeretur in F, fieret per conversam 22. supra, & coroll. 3. præced. ut post refractionem factam egredere- tur axi parallelus, necessario nunc, cum ultra punctum F directio convergentiæ fiat, egressus magis diverget, ac à parallelo in axem supra declinabit, adeoque dabitur in ipso axe pun- ctum H, ad quod ceu focum imaginarium ra- dius secundò refractus dirigi potest. Hic ergò focus inquitur, à quo nempe radius DE pun- ctò E incidens post secundam refractionem fa- ctam ita egreditur è Lente, quasi ab H pro- grederetur.


Dico itaque, si fiat, ut GF excessus supra diametrum CF ad ipsam diametrum CF; ita composita GF & FC seu tota GC distantia scilicet puncti G ad quod incidens radius DE primo ingressu in Lentem dirigitur, ad CH distantiam alterius puncti H seu foci imagina- rii; erit punctum H illud ipsum, ad quod ra- dius DE incidens, postea verò post duplicem refractionem productus in axe concurrit. Sive per numeros hoc ipsum melius indicando: Si diameter CF sit partium æqualium 20, exces- sus FG supra diametrum 10. si fiat ut FG 10. ad CF 20, ita CG 30. ad CH 60. Erit distantia puncti H seu foci imaginarii partium æqua- lium 60.

Demonstratio. Fiat enim PH dimidia ipsius HC seu tertia pars totius PC: vi primæ refractionis radius DE ita refringetur à puncto E, ut dirigatur à puncto E in K quasi procéde- ret à puncto P. Cum enim ita sit GF ad FC, sicut GC ad CH; ita erit GF ad FN sesquial- teram ipsius FC, sicut GC ad CP sesquialte- ram ipsius CH; & componendo, ita erit GN

ad FN sicut GP ad CP seu PE.

Porro in triangulo GEN ita est GN ad NE seu NC, ut sinus anguli NEG seu complementi DEN ad sinum anguli G; ut autem sinus, ita & anguli; quare erit ut una tertia anguli DEN (qui est angulus inclinatio- nis) vel anguli ei æqualis OEG per 15. primi Euclid. ad angulum G, ita erit GN

Demon-
stratio.



GN ad triplam lineæ EN, seu sesquidiametrum. Ut autem GN ad sesquidiametrum, ita est GP ad PC seu PE: & ut GP ad PE in triangulo PEN, ita est angulus DEP ad angulum G. Igitur angulus DEP seu KEG se habet ad G ut tertia pars anguli DEN ad eundem G: ergo est tertia pars anguli inclinationis DEN; ergo est angulus refractionis illi competens: quare fiet in ingressu Lentis refractionis in EK, quod erat primò ostendendum.


Secundò in triangulo PEH, ut PE ad PH, ita est angulus EHC aut alternus IEH aut etiam oppositus LEM ad angulum HEP seu alternum MEK: sed PH est tertia pars lineæ PC ex constructione: ergo angulus MEL, est triplus anguli MEK: ergo in egressu è Lente in aërem, cum KEL sit inclinationi æqualis, MEK erit angulus refractus: ergo radius procedet per EM quasi procederet ex H, quod erat demonstrandum.

Corollarium.

In Lente plano-concava si punctum ad quod convergit radius incidens fuerit remotum à Lente in distantia duplâ diametri concavitatis, ita ut excessus supra diametrum sit æqualis diametro; etiâ alterius foci imaginarii punctum, à quo post Lentem factâ duplici refractione radius divergit, in æquali distantia erit. Nam exempli causâ, ut FG excessus supra diametrum partium 20. ad FC diametrum 20. ita erit composita 40. ad CH 40. ergo distantia CG & CH erunt æquales.

Propositio XXVI. Theorema.

In Lente plano concava, si punctum ad quod convergit radius incidens fuerit vicinius Lenti quàm diametro: ita erit excessus diametri supra ejus distantiam à Lente ad diametrum, ut ejus distantia à Lente ad distantiam veri & realis foci à Lente.



Demon-
stratio.

SIt Lens plano-concava AB, radius incidens DE tendens in F punctum, quod sit vicinius Lenti, quàm diametro GC. Dico, si fiat ut GF excessus diametri supra distantiam FC puncti F à Lente ad ipsam diametrum GC, ita FC ad FH, quod punctum H sit focus verus & realis, quo radius prius incidens DE post secundam refractionem factam in egressu à Lente dirigatur.

Demonstratio. Fiat enim HP dimidia ipsius HC , hoc est, PC sit sesquialtera lineæ HC . Ostendam vi primæ refractionis radium DE refringendum in EP , & vi secundæ refractionis in EH , ita ut habeat focum realem in H . Nam sicut NEF seu supplementi DEN ad sinum anguli EFN ; ita quoquæ erunt sinuum anguli; & consequenter ita erit tertia pars anguli DEF ad angulum EFN , sicut FN ad triplam EN seu ad sesquidiametrum. Ut autem FN ad sesquidiametrum, ita supponitur esse FE ad FP . Nam cum ita sit GF ad GC sicut CF ad CH , addendo utrinquæ tertiam partem consequentibus, ita erit GF ad GN sicut FC ad CP ; & per conversionem rationis ita erit FN ad GN triplam semidiametri ut FP ad PC . In triangulo siquidem FNE ita est FN ad EN , sicut sinus anguli NEF sive complementi DEN ad sinum anguli EFN : ut autem sinus, ita & anguli. Ergò ut angulus inclinationis DEN ad angulum EFN , ita FN ad radium sive semidiametrum NE : ergò ut una tertia DEN ad angulum EFN , ita NF ad triplam NE seu GN . Sed, ut vidimus, ita est FN ad GN sicut PF ad PC ; & in triangulo EPF ita est PF ad PE seu PC , sicut angulus PEF

ad angulum EFN . Ergò ita se habet tertia pars anguli inclinationis DEN ad angulum EFN , sicut angulus PEF ad eundem EFN . Ergo PEF est tertia pars anguli inclinationis DEN , ergò est angulus refractionis illi respondens: ergò in ingressu Lentis radius DE vi primæ refractionis refringetur in EP , quod erat primò ostendendum.

Deinde vi secundæ refractionis, cum in triangulo EPH ita sit PE ad HP sicut sinus angulorum oppositorum, & ut sinus ita quoquè & anguli. Idcirco ita erit PE seu PC ad HP, sicut angulus EHC seu alternus IEH ad HEP. Quare angulus IEH est triplus anguli PEH, & consequenter IEP angulus inclinationis in egressu Lentis erit duplus anguli refractionis PEH.

PEH. Ergò verè refringetur radius DE post duplicem refractionem in H, quod erat demonstrandum.

Corollarium I.

Quòd si objectum ponatur in H, ita per Lentem concavo-planam refringetur, ut radius post duplicem refractionem procedat in D, quasi veniret ex F.

Corollarium II.

Ex his etiam datur intelligi, quomodò se habeat objectum respectu Lenti concavo-planæ. Si enim objectum supponatur esse in tantâ distantia, ut radius incidens sit parallelus IE, refringetur ita, ut divergat ex puncto G foco scilicet ordinario. Et è contra si incidens aliquis radius ita convergat quasi productus pergeret ad focum, ita refringetur, ut fiat in egressu parallelus. Quod si sensim admoveatur Lenti, punctum ad quod diverget, semper etiam magis ad Lentem accedet secundum datam proportionem. Quod si ponatur esse in puncto G extremitate diametri concavitatis, punctum à quo diverget radius erit in M. Tunc enim ita erit GM ad diametrum ut CM distantia puncti divergentiæ à Lente ad CG. Quòd si accedat adhuc magis, etiam punctum, ex quo radius diverget, magis ac magis ad Lentem accedet. Atquè sic facile omnes casus intelligi possunt, quibus objectum cum Lente concavo-planâ valet comparari.

Quo modo
se habeat
objectum
respectu
Lentis con-
cavo-pla-
næ.


Corollarium III.

Quia idem præstant Lentes concavo-concavæ, quod concavo-planæ, si competentem majoris sphaeræ portionem habeant, item etiam, quod convexo-concavæ, in quibus debita concavitas prævalet, hinc eadem regulæ iis applicari possunt, modò pro diametro assumatur distantia foci ordinarii.

Propositio XXVII.

Lens quomodolibet cava, in quâ nempe prævalet cavitas, objectum visibile per species acceptum trajicit confusè ad quamcunque distantiam.

SIt Lens cava vel utrimquè, vel convexo-concava, ubi tamen prævalet concavitas, vel plano-concava, ut hic est AB, in quam radiet objectum visibile CDE. Dico, quod objectum CDE per species acceptum post se trajiciat semper obscurè & confusè ad quamcunque distantiam.



Demon-
stratio.

Demonstratio. Nam quia per Axiom. 13. supra totum objectum CDE radiat in totam Lentis oppositæ superficiem FGH, & quodlibet ejus punctum in singula ejusdem Lentis puncta: assumptis solum tribus his punctis CDE pro exemplo, punctum C radiabit & faciet penicillum FCH, sicquæ occupabit totam superficiem concavam FH: nec dissimili modo punctum D penicillo suo radiofo FDH totam eandem Lentis cavæ superficiem FH vendicabit. Idem præstabit punctum E penicillo radiofo FEH: sicquæ ratiocinandum est de singulis punctis objecti CE. Undè tota visibilis objecti superficies insidebit cuilibet cavæ superficiæ puncto, & quodlibet visibilis objecti punctum diffundetur per totam cavæ Lentis superficiem. Quocirca clarum est, summam hic esse conorum, penicillorum & radiorum confusionem.

Quia porro radii CF, DF, EF in ingressu Lentis franguntur ad perpendicularem, procedent iidem secundum lineas Fc, Fb, Fa in alteram Lentis superficiem a e i, & inde rursus ex iisdem punctis c b a egressi in aërem utpotè medium rarius refractione novâ factâ à perpendicularibus discedent, ideoquæ

ideoquè amplius à se invicem abibunt lineis cM , bL , aK . Eodem modo progredientur radii CH , DH , EH in vitro lineis Hi , Hh , Hg , ex vitro autem in aërem per lineas iS , hR , & gQ . Non secus radii CG , DG , EG provehantur secundum Gf & abf in P , secundum Ge in O , item secundum Gd in N : unde solus radius DGO per T centrum cavitatis transiens à refractione immunis est.

Cum igitur uniuscujuslibet puncti radii post duplicem refractionem egressi in aërem non colligantur, sed majore ex parte amplius dispergantur, in nullam unquam sedem communem seu stationem ordinatam convenire poterunt. Nam radii qui ex puncto C procedunt, progrediuntur lineis FcM , & HiS , itaque post Lentem egressi coire nequeunt. Sic radii quoque puncti D , qui sunt DF , & DH per lineas FbL & HhR prolabuntur; & radii puncti E , nempe EF & EH per lineas FaK & HgQ propagati, etiam coire non possunt propter incidentiarum diversitates, cum itaque sic singulorum punctorum penicilli & radii nunquam post Lentem progressu facto cōniri queant, sed mutuis irradiationibus implicati sese invicem invadant, necessariò chaos & perpetuam confusionem in quacunque distantia causabunt. Lens igitur cava una & sola species acceptas semper dissipat & confundit ad quamcunque distantiam, quod erat demonstrandum.

Quod hic de Lente plano-concava dictum, similiter id ipsum de quacunque alià Lente concavâ vel utrinquè vel mixtâ, ubi concavitas prævalet, demonstrari potest.

Corollarium I.

Hinc apparet, quæ sit differentia inter Lentem convexam & cavam : Differentia inter Lentem convexam & concavam, Lens siquidem convexa confusas species acceptas transmissasquè distinguit & benè ordinat, cava verò easdem trajectas perpetuò confundit.

Corollarium II.

In Lentibus quomodolibet cavis ratione situs objecti si illud positum sit tam longè, ut ejus radii censeantur in Lentem cavam incidere paralleli; ita post Lentem radii divergent, quasi objectum esset positum in foco ordinario ejusdem Lentis, ut patet etiam ex coroll. 2 præcedentis. Quantò autem magis objectum erit Lenti propinquum ante ejus focum, tantò radii erunt magis divergentes, quasi ex puncto semper ad Lentem propiore inter ejus focum & Lentem provenirent.



CAPUT VII.

De Specillis mixtis sive Meniscis , & eorum in refringendo proprietatibus.

Post explicatam Lentium convexarum atque concavarum in refringendo naturam , nunc ordine sequitur indaganda Lentium mixtarum (in quibus scilicet convexitas cum concavitate combinata) sive Meniscorum dioptrica quoscunque radios ab objectis visibilibus trajectos refringendi facultas , quam per sequentes propositiones in medium producere , & quàm clarè fieri potest , demonstrare conabor.


Propositio XXVIII. Theorema.

Meniscus, cujus cavitatis radius æqualis sesquidiametro convexitatis quomodò uniat radios parallelos.

Lens mixta , cujus concavitatis radius sive semidiameter æqualis est sesquidiametro convexitatis , unit radios incidentes axi parallelis ad distantiam indicatæ æqualitatis sive sesquidiametri convexitatis vel semidiametri concavitatis.

Sit Lens mixta $ACBHA$, cujus convexitatis ACB centrum I , diameter KC , sesquidiameter FC : concavitatis AHB semidiameter sit FH æqualis propè ipsi FC , nisi quantum crassities Lentis occupat. Dico radium DE incidentem axi FCG parallelum post Lentem cum axe concursurum in puncto F , distantia scilicet sesquidiametri convexitatis, aut semidiametri concavitatis.

Demon-



Demonstratio. Radius D E vi primæ Demon-
refractionis per coroll. pro: 4. hujus ten- stratio.
dit directè ad punctum F distantiam scilicet
sesquidiametri convexitatis: sed & punctum
F est centrum concavitatis ex suppositione,
erit ergò F L E perpendicularis ad superfi-
ciem concavam A H L B: & quia per Axio-
ma 1. hujus radius perpendicularis transit de
medio in medium irretractus, idcirco radius
D E factâ solùm unicâ refractione in E rectâ
procedet ad punctum F. quod erat osten-
dendum.

Corollarium I.

Idem est, si dicatur: Lens mixta cujus
concavitatis diameter tripla est diametri con-
vexitatis, unit radios axi parallelos ad di-
stantiam sesquidiametri. Nam, ut hic in fi-
gurâ apparet, linea H N vel neglectâ Len-
tis crassitie C N tripla est lineæ C K diame-
tri convexitatis.

Corollarium II.

Sequitur hinc, atquè ex supra demon-
stratis, si semidiameter concavitatis fiat ma-
jor, quàm sit distantia æqualis cum sesqui-
diametro convexitatis (quia major circulus
magis accedit ad planam superficiem) quod
uniat radios dicto modo incidentes in aliquo
puncto inter sesquidiametrum, & diametrum
convexitatis constituto, sive inter puncta K
& F. Si verò fiat semidiameter concavitatis
minor sesquidiametro convexitatis, quod ra-
dii paralleli axi incidentes ad majorem di-

Quid con-
tingat si ra-
dius cavitatis
major sit
sesquidia-
metri con-
vexitatis.

stantiam uniantur, quàm sit sesquidiameter convexitatis, donec tandem
si essent diametri vel semidiametri utrinquè utriusquè sphæricitatis æqua-
les, secunda refractione in concavitate restitueret radios parallelos. Undè
tota latitudo concursûs radiorum, dum semidiameter concavitatis major
est sesquidiametro convexitatis extenditur aut continetur intra spatium
diametri & sesquidiametri convexitatis, nec ultrâ esse poterit; sive intra
puncta F & K. cum convexo-plana Lens per 6. hujus radios parallelos
uniat in extremitate diametri convexitatis. Contrâ autem, quantò mi-
nor est concavitas quàm semidiameter ejus, ut sit æqualis sesquidiametro
conve-

convexitatis, semper concursus ultra sesquidiametrum convexitatis protrudetur, donec dum ex eadem semidiametro ambæ superficies constituentur, ubi tunc radii incidentes axi paralleli post Lentem iterum paralleli procedent, hoc est, in infinitum. Quocirca ratione sphericitatum tota latitudo protrusionis foci sive concursus radiorum versatur inter semidiametrum concavitatis dum est æqualis sesquidiametro convexitatis, & semidiametrum concavitatis, donec æquetur cum eadem semidiametro convexitatis.


Propositio XXIX. Theorema.

Meniscus
ambas su-
perficies æ-
qualis
sphericitatis
habens uti
refringat ra-
dios.

In Meniscis si ambæ superficies sphericæ ex æquali fuerint semidiametro, radius incidens axi parallelus post secundam refractionem factam restituitur parallelus.

Sit Meniscus AB cujus convexitas & concavitas ex æquali semidiametro Cb vel aF, dico, quod radius DE axi CK incidens parallelus per secundam refractionem in I factam è vitro in aërem egrediatur parallelus. Fiat enim ipsius Cb vel aF tripla Cc vel aG neglectâ Lentis crassitie Ca, ducaturque EIG: item à centro F per punctum I ducatur perpendicularis FIL rursus à puncto I ducatur IH parallela ipsi CG.





Demog-
stratio.

Corollarium 1.

ita ut sit æqualitas, radius refractus procedet parallelus. Si descendat centrum concavitatis inter F & G velut in N, cum angulus inclinationis NIG fiat minor, etiam minor refractione respondere debet, adeoque radius re-

K

fractus

Mira diver- fractus inter parallelas IH & CG converget ultra G versus O. Si rursus
 fitas menif- centrum concavitas sit ultra G velut in O, focus ascendet versus F inter
 corum ex G & F, nunquam tamen perveniet in F, nisi sit tanta ejus distantia, ut
 sola centri radii incidentes pro parallelis habeantur, ex quibus igitur mirabilis apparet
 concavitas mutatione. diversitas refractionum in meniscis ex solâ centri concavitas mutatione.

Corollarium II.

Menisci æqualium sphaericitatum perindè est, quæcunque super-
 ficies ad objectum obvertatur: nam sicut radius DE incidens remittitur
 sphaericita- parallelus in IH, ita è converso, si IH fiat incidens, vicissim remittetur
 tum æquè parallelus in ED, cum reciprocum sit lucis iter.
 benè obje-
 ctis obver-
 tantur.

Propositio XXX. Theorema.

Quomodo Cum in Meniscis amba superficies concentricæ ab eodem
 menisci qui centro ex æquo sibi invicem respondent, radii axi paral-
 concentricas habent leli incidentes non egrediuntur paralleli, sed divergentes,
 superficies refringant tantò magis, quanto ob crassitiem Lentis major inter
 radios. utriusque sphaericitatis radios seu semidiametros in-
 æqualitas existit.




Sit Meniscus A C cujus ambæ superficies aut sphaericitates A B convexa & O C, concava ex eodem centro F sibi invicem ex æquo respondent. Dico primò, radium D E incidentem axi parallelum post duplicem refractionem non egressurum parallelum, sed divergentem.

Demonstratio. Cum enim concavitate O C radius sive semidiameter F C minor sit radio F B per coroll. 1. præced. radius refractus fiet divergens, quod erat primum.


Dico secundò, quòd tanto magis fiat divergens, quanto Lentis mixtæ crassities major est.

Demonstratio. Sit enim eadem manente convexitate A B e cavitas a b ex majori radio F a, quàm cavitas O C ex radio F C, ducanturquè ex centro F utrinquè perpendiculares F i m, & F I M. cum igitur super eandem basin GF angulus F i G acutior sit angulo F I G, hoc ille necessariò minor erit, unde eidem minor etiam semissis pro refractionis angulo respondere debet: Sed à parte concavitate O C ex radio minore F C, cum major sit angulus H I G, quàm à parte a b angulus G i h, necessariò radius i h minùs diverget, quàm I H, quod erat demonstrandum.



Propositio XXXI. Problema.

Datâ quâcunque Lentis convexitate invenire concavitatem, quæ addita ex altera parte radios parallelos uniat ad quâcunque distantiam.



Demon-
stratio.

It data Lentis convexitas AIB , cujus semidiameter FC : addenda sit illi ex alterâ parte concavitas, quæ ita radium DE incidentem axi NC parallelum refringat, ut concurrat cum axi ad quâcunque assignatam distantiam velut hic in exemplo est CK .

Fiat inprimis HC tripla ipsius FC semidiametri: vi primæ refractionis per coroll. pro 4. hujus radius DE ab E dirigetur in H . Seligatur jam in linea EH punctum quodcunque I , ita ut EI adæquet crassitiem Lentis futuræ, ducaturque linea MIK ; puncto I tanquam centro intervallo quocunque ducatur arcus acb , fiatque angulus aIb triplus ipsius aIc , vel KIH , adeoque HIG duplus ipsius KIH . Dico punctum G esse centrum concavitatis AIB , quæ addita datæ convexitati ita radium DE incidentem axi parallelum refringat, ut post duplicem refractionem uniat cum axi in assignato puncto K .

Demonstratio. Cum enim radius DE incidens axi parallelus vi primæ refractionis tendat in H , erit pro secundâ refractione radius incidens MIH ; & quia linea GIL venit ex G centro concavitatis AIB , erit angulus inclinationis MIL , cui æqualis est ad verticem G GIH . Quia porro angulus refractionis in egressu in aërem debet esse una tertia anguli refracti, & media pars anguli inclinationis per dicta superius; angulus vero KIH ex constructione est una tertia anguli refracti KIG , & media pars anguli HIG æqualis angulo vero inclinationis LIM ; erit ergo angulus refractionis tali inclinationi competens: concavitas ergo AIB ex centro G descripta erit quæsitâ, quæ nempe addita datæ convexitati radium DE axi parallelum incidentem refringit in IK distantie assignatæ puncto K quod erat demonstrandum.

Corol-

Corollarium I.

Cum angulus KIH semper sit tertia pars anguli, qui à K puncto foci & G puncto centri concavitatis addendæ ad convexitatem continetur, facile erit G centrum concavitatis in quâcunque assignatâ foci distantia trigonometricè invenire hoc modo.

Fiat ut IK ad HK, ita angulus IHF grad. 1. min. 40. ad KIH angulum secundæ Refractionis. Quo subducto ab angulo IHF nempe grad. 1. min. 40. ut notus fiat angulus K: tripletur deinde angulus KIH, ut sciatur angulus KIG, & addatur illi angulus K: eveniet angulus IGC æqualis scilicet per 32. primi Euclid. duobus internis & oppositis, Fiat tandem ut I G K vel ejus complementum I G C ad I K aut propè illi æqualem C K, ita angulus K ad G I radium sive semidiametrum concavitatis quæsitæ. Ratio operationis supponit assumptum angulum incidentiæ DEM 5. graduum (pro quo tamen etiam alius supponi & conformiter procedi potest) cui per primam hujus aut per 29. pri: Eucli: angulus externus EFC æqualis: Et quia in triangulo FIH angulus externus EFC etiam æqualis est duobus internis & oppositis, nempe HEF & EHF per 32. primi Eucl. anguli autem illi se habent ut FE radius ad FH duplum radii; adeoque angulus FEH duplus sit ipsius EHF cum necesse sit; ille igitur erit grad. 3. min. 2. hic verò utpotè tertia pars anguli incidentiæ grad. 1. min. 40. reliquæ operationis ratio similiter ostendi potest. Sed jam in exemplo Trigonometricam hanc praxin elucidemus.

Exemplum.

Supponatur semidiameter FC convexitatis esse pedum 6. & assignetur distantia foci pedum 30.

Exemplum
operationis
Trigono-
metricæ.

Operationis Trigonometricæ

Membrum I.

Fiat ut IK 30. pedum ad HK 12. pedum
Logarithmi 147712 ————— 107918

ita

Angulus IHF grad. 1. min. 40. ad Angulum KIH grad. 0. min. 40.
Logarithmi. 846366 ————— 806572.

Membrum II.

Ut Angu: IGC grad. 3. ad IK 30 pedum
Logarithmi. 871880 ————— 147712.

ita

Ang: K grad. 1. ad IG 10. pedum
Logarithmi. 824185 ————— 100017.

K 3

Semi-

Semidiametri igitur concavitatis addendæ centrum pro assignatâ foci distantia erit pedum 10. Hâc praxi facillè quoque invenitur, si diameter concavitatis sit dupla diametri convexitatis, quod focus sit ad distantiam diametri concavitatis : si verò tripla, focus sit ad distantiam semidiametri concavitatis : & sic cum eâdem semidiametro convexitatis 6. pedum.

Semidiameter	Concavitatis	18	pedum	dat	foci distantiam	18	pedum.
		12				24	
		10				30	
		9				36	
		$8\frac{5}{16}$				42	
		$7\frac{2}{3}$				48	
		$7\frac{1}{2}$				60	

Corollarium II.

Quantò magis recedit focus à puncto H distantie sesquidiametri convexitatis, tantò magis centrum concavitatis accedit ad punctum F distantie semidiametri : & quantò magis focus K accedit ad punctum H, tantò magis centrum concavitatis recedit à puncto F, donèc dum focus incidit in ipsum punctum H, ibidem sit & centrum concavitatis.

Propositio XXXII. Theorema.

Si Meniscus cujus concavitatis radius triplus est radii convexitatis concavitatem obvertat ad parallelos, distantia foci erit equalis radio concavitatis.

Sit Meniscus A K B C A cujus convexitatis A C B radius sit C F, concavitatis autem A K B radius K G prioris C F triplus, dico, quòd radii paralleli axi incidentis D E in cavitatem obversam focus sit in L distantia, quæ sit æqualis radio K G concavitatis A K B producat enim radius D E in M, & ex G centro concavitatis perpendicularis G E O.

Demon-

Demonstratio. Cum! radius GEO ex Demon-
centro concavitatis procedens sit perpendicu- stratio.
laris ad concavitatem, erit angulus inclinationis
DEG, cui æqualis ad verticem OEM: &
quia radius DE in ingressu Lentis frangitur ad
perpendicularem, ita ut unâ tertiâ minuatur
angulus inclinationis, ideò angulus refractionis
erit NEM, aut huic æqualis utpotè oppositi ad
parallelas EHG: item, quia anguli DEG,
EGK sunt alterni in parallelis, etiam æquales
erunt; idcirco angulus EGK etiam erit triplus
anguli EHG. Sed ut anguli, ita & sinus, & ut
sinus, ita latera. Quare ut angulus EGK ad an-
gulum EHG, ita latus EH sive KH ad EG.
Igitur HK est tripla ipsius EG, & consequenter
GH dupla ipsius GE vel æqualis GK. Ducatur
jam ex F centro convexitatis perpendicularis
FIP ad convexitatem AIC. Cum igitur HG
dupla sit ipsius GK, & GK tripla ipsius FC aut
FI, erit HF octupla ipsius FI, & angulus incli-
nationis pro secunda refractione HIF erit octu-
plus anguli H. Huic autem HIF est æqualis,
utpotè oppositus ad verticem PIN, & quia in
egressu Lentis in aërem angulus refractus unâ
tertiâ debet crescere, fiet angulus NIL semissis
ipsius PIN, adeoque sicut PIN octuplus est an-
guli H, sic semissis hujus NIL erit quadruplus
ipsius H. Sed totus PIL æqualis est duobus
internis & oppositis, nempe IFL & L: & cum
IFL ad angulum H sit ut HI seu HK ad IF,
nempe ut 9 ad 1; hinc angulus L erit ad angu-
lum H, sicut 3. ad 1. hoc est, ut EH ad EG; qua-
re anguli L & EGL sunt æquales: & cum ne-
glectâ Lentis crassitie in triangulo EGL sint
EL, & EG seu CL, & KG æquales, & KG
sit radius concavitatis, cui CL æqualis; ergò si
meniscus ut supra concavitatem obvertat ad
parallelos, distantia foci erit æqualis radio con-
cavitatis, quod erat demonstrandum.


Corollarium I.

Perindè est quæcunque facies Menisci
prius descripti ad radios axi parallelos inciden-
tes obvertatur.

Corollarium II.

Si in concavam superficiem radius axi pa-
rallelus incidat, ut hic DE, vi primæ refractionis
dirigetur in punctum H, ita ut HK sit tripla
ipsius GK.

Corolla-



Corollarium III.

Praxis inveniendi focum pro Menisco, cujus concavitas ad radios parallelos obvertitur, eadem est, ac dum convexitatem obvertit ad parallelos.


Propositio XX XIII. Theorema.

Meniscus
cujus con-
vexitatis ra-
dius est tri-
plus radii
concavita-
tis.

Si Meniscus, cujus convexitatis radius triplus est radii concavitas, concavitate obvertat ad parallelos, distantia foci virtualis erit æqualis radio convexitatis.

Sit Meniscus $A b$, cujus concavitatis $A C B$ radius aut semidiameter $C F$, convexitatis autem $a K b$ radius $H K$ triplus sit ipsius $F C$. Dico, quod radius $D E$ axi $H K$ parallelus incidens ad concavitatem obversam, facta refractione post Lentem ita divergat, quasi procederet ex puncto H centro convexitatis $a K b$. Ducantur enim perpendiculares $H E I N$ ad convexitatem $a K b$, & $F E G$ ad concavitatem $A C B$.

Demon-
stratio.



Demonstratio. In triangulo FEH ita est FE ad FH , ut sinus anguli FHE seu DEH illi æqualis ad sinum anguli FEH : ut autem sinus, ita & anguli: sed FH dupla est ipsius FE , ergo etiam angulus FEH duplus erit ipsius FHE . Quia porro angulus FED est angulus inclinationis, ideo triplus erit anguli DEH , æqualis per 29. primi Eucl. ipsi FHE ; item etiam æqualis ad verticem oppositi LEN per 15. primi Euclid. Ergo LEN erit angulus refractionis tali inclinationi competens, unde DE in ingressu vitri procedet ab E in IN , erit ergo $NIEH$ radius refractus. Quia verò is perpendicularis est ad convexam superficiem $a K b$, cum ex centro procedat, in egressu vitri irrefractus procedet per Axioma 1. supra. Focus itaque virtualis erit in centro convexitatis, quod erat demonstrandum.

Corolla-

Corollarium.

Si femidiameter convexitatis fuerit minor triplo semidiametri concav-
 vitatis, foci virtualis distantia major erit triplo concavitatis. Ut si cen-
 trum convexitatis esset inter H & F, velut in M, perpendicularis à centro
 M ducta per punctum egressus I faceret angulum inclinationis cum lineâ
 IN pro secunda refractione, & radius secundò refractus IN deberet ma-
 gis à perpendiculari versus L recedere, undè consequenter radius NI pro-
 ductus ultra H cum axe concurreret.

Radius con-
 vexitatis
 minor triplo
 radii conca-
 vitatis.

Econtra, si centrum convexitatis fuerit ultra punctum H, focus virtualis
 erit inter H & F, quia perpendicularis à centro convexitatis per punctum I
 ducta procederet inter N & L, ac consequenter radius secundò refractus
 NI deberet ad partem G magis removeri, undè productus cum axe citius
 concurreret, nempe inter H & F.


Aliæ radii
 convexita-
 tis determi-
 nationes.

Si verò centrum convexitatis esset inter F & C, esset alia species Meni-
 fci, cujus nempe convexitas prævaleret, atque adeò haberet verum & realem
 focum ad partes K, ut supra ostendimus.



L

CA



CAPUT VIII.

De Sphæris integris ac dimidiis, & earum
in refringendo proprietatibus.

Quid per
sphæras vi-
treas intelli-
gendum.


Sphære vitreæ, quarum in refringendo naturam præsentis capite investi-
gamus, intelligi debent solidæ ejusdem diaphaneitatis ac densitatis per
totum, item perfectæ sphericitatis, non quales eæ sunt, quæ obiter in
officinis vitrariis efflantur intus vacuæ, aqua deinde limpida aut quovis alio
purior liquore impletæ, paulò aliam ob medii diversitatem in refringendis
radiis naturam habent: radii quoque in eas incidentes supponuntur non ni-
mium ab axe distantes, ad 20. gradus scilicet, nec omnino ultra 30. gradus.

Propositio XXXIV. Theorema.

Sphæra in-
tegra.

*Integra sphæra radios à longinquo si ve axi parallelos incidentes unit post
sphæram ad distantiam quartæ partis diametri.*

Demon-
stratio.



Sit sphæra AB ad quam incidat pun-
cto E radius DE axi HK paralle-
lus. Dico, quòd factâ duplici re-
fractione post sphæram concurret cum
axe in puncto G ad distantiam B quæ
æqualis est quartæ parti diametri AB.
Sit enim AK sesquidiameter & BG di-
midia ipsius BK.

Demonstratio. Radius DE vi pri-
mæ refractionis per coroll. pro. 4. hujus
dirigitur ad punctum K, adeoque pro-
cedet linea EF K. Ad punctum F à cen-
tro C ducatur perpendicularis CFI;
erit pro secunda refractione angulus in-
clinationis CFE, cui per 15. primi Eucl.
æqualis KFI. Quia verò in egressu vi-
tri refractionis fit à perpendiculari, & an-
gulus refractionis debet esse media pars
inclinationis per 5. hujus. Quod autem
angulus GFK sit media pars dicti an-
guli KFI, sic ostenditur. Angulus GKF
est media pars dicti anguli inclinationis,
sed GFK & GKF æquales sunt. Ergo
etiam

etiam angulus GFK est media pars anguli inclinationis. Cum enim lineæ CB & BK sint æquales, & perpendicularis ducta à puncto F ad axem HK ferè coincidat cum puncto B, fient triangula CBF & KBF per 4. primi Eucl. æqualia, adeoque CF & FK æquales. Item anguli KCF & CKF æquales: est autem angulus KFI æqualis duobus internis & oppositis FCK & FKC per 32. primi Eucl. undè quilibet eorum dimidius ipsius KFI; sed in triangulo KGF linea KG cum sit etiam æqualis GB, & ipsi GB propè rursus æqualis GF; undè per 5. primi Eucl. etiam anguli GKF, & KFG erunt æquales: & quia GKF est dimidius ipsius KFI, ut jam demonstratum, etiam GFK erit dimidius; ergò angulus refractionis competens; & quia BG est distantia quartæ partis diametri, (cum sit dimidia BK, quæ æqualis semidiametro,) integra igitur sphæra radios, ut dictum, unit in distantia quartæ partis diametri, quod erat demonstrandum.

Corollarium I.

Cum radii Solis à longinquo progressi in ejusmodi sphæram incidentes censeantur pro parallelis, ad eandem distantiam dum colliguntur mutuò sese intendentes, facile ignem in materiâ aptâ accendent, & comburent. Undè etiam focus cujuslibet sphære vitreæ solidæ æqualiter per totum, facile sciri poterit. Sic sphæra, cujus diameter $\frac{20}{100}$ pedis Romani habet focum distantiam $\frac{1}{100}$ ejusdem pedis; & cujus diameter $\frac{12}{100}$ focum $\frac{1}{100}$ atque ita de aliis.

Corollarium II.

Sphæra vitrea tenuiter crassa impleta aquâ limpidissimâ focum amplius removet: nam radii axi paralleli, quia vi primæ refractionis uniuntur ad distantiam propè duplam diametri, & consequenter accedente secunda refractione concurrunt cum axē propè ad sesquidiametrum. Focus igitur erit propè ad distantiam semidiametri post sphæram, sicque fieri potest, ut ignis ab aquâ suo aliàs capitalissimo hoste accendi possit. Quod si ejusmodi vitreæ sphære alio diaphano liquore, velut oleo, vino, aut simili impleantur, pro ratione densitatis ad aërem aliter focum removebunt: nullum autem corpus perfectè diaphanum propius colligit aut unit radios parallelos, quàm vitrum aut crySTALLUS, quia nullum est densius adeoque magis refractivum.


Potest ignis
ab aquâ ac-
cendi.

Corollarium III.

Si Lucidum constituatur in axe ad punctum G in distantia quartæ partis diametri post sphæram, radii post vitream sphæram egredientur paralleli: si longius in axe distet quartâ parte diametri, radii post sphæram aliquando convergent. Si propius inter G & B, omnino post sphæram fient divergentes, nec unquam convenire poterunt.

Propositio XXX V. Theorema.

sphæra di- *Radius axi parallelus incidens in Hemisphærium vitreum*
midia. *sive dimidiam spheram, cum axe concurrat ultra distan-*
tiam diametri unâ prope tertiâ semidiametri.



SIt hemisphærium ACB, cu-
 jus diameter CG, sesqui-
 diameter CF: radius incidens
 DE axi MF parallelus. Dico
 primò, quòd factâ duplici re-
 fractione radius incidens sic
 puncto I egrediatur ut concur-
 rat cum axe MF ultra G distan-
 tiam diametri.

Demonstratio. Nam quia
 DE vi primæ refractionis diri-
 gitur ab E in IF per coroll. pro.
 4. hujus, erit I punctum egres-
 sùs in aërem. Puncto I ad pla-
 nitiam AB ducatur perpendi-
 cularis HIK: erit pro secundâ
 refractione angulus inclinatio-
 nis HIE in vitro, cui per 15.
 primi Eucl. æqualis FIK. Item
 rursus ipsi FIK etiam erit æqua-
 lis GFI per 29. prim. Eucl. Sed
 si radius refractus in egressu
 Lentis foret IG, cum IG &
 GF proximè æquales per 5.
 prim. Eucl. forent etiam anguli
 GIF & GFI æquales. Debet
 autem in egressu vitri angulus
 refractionis esse dimidius anguli
 inclinationis per 5. hujus: unde
 minor GIF, qui ut demon-

stratum proximè æqualis GFI, sive etiam FIK: at si minor erit angulus
 refractionis, radius refractus ultra diametri distantiam CG cum axe con-
 curret; ergò radius DE incidens factâ duplici refractione ultra diametri
 distantiam cum axe concurrat, quod erat primò demonstrandum.

Dico secundò, quod radius refractus IL propè unâ tertiâ semidiamet-
 ri post diametrum CG proximò in puncto L cum axe MF concurrat. Sit
 enim GF tripla ipsius GL, sive GF dividatur in tres partes æquales, qua-
 rum una sit GL,

Demon-

Demonstratio. Cum NG sit æqualis GF addita una tertia GL ad GN erit LN dupla ipsius LF: Verum in triangulo LIF linea LI est propè æqualis ipsi LN, idcirco & LI sicut NL etiam erit propè dupla ipsius LF: sed ut LI ad LF, ita sunt sinus, & ut sinus, ita etiam anguli oppositi: igitur angulus LFI etiam erit propè duplus anguli LIF. Est autem angulus LFI æqualis angulo secundæ inclinationis, ut demonstratum: ergo LIF erit angulus refractionis tali inclinationi competens. Porro GL est una tertia ultra diametrum CG; igitur radius DE duplici factâ refractione cum axe ultra distantiam diametri concurrat proximè in puncto L unâ circiter tertiâ semidiametri remoto, quod erat demonstrandum.

Corollarium.


Hinc patet, quod licet Lens plano-convexa, ut supra propos. 6. fuit demonstratum, radios parallelus uniat ad distantiam diametri convexitatis, id præcisè non ita se habeat, sed quantò Lentis crassities major est, quod etiam paulò remotius ultra diametrum convexitatis focus ordinetur; usquè dum convexitas, si tanta sit, ut dimidiam sphaeram adæquet radius secundò refractus IL proximè ad punctum L unâ tertiâ semidiametri distans ultra convexitatis diametrum accedat.

Propositio XXXVI. Theorema.

Si sphaera integra cuicunque objecto quantumvis magno & disito ac quomodolibet figurato obvertatur, à quolibet ejus puncto radius quidam eam pertransit irretractus.

Sphæra integra cui-
cunque ob-
jecto ob-
versa ra-
dium acci-
pit irretra-
ctum trans-
euntem à
quocunque
puncto.





Sit objectum HIK radians in obversam integram sphaeram CAD. Dico, quod ab omnibus & singulis objecti punctis radius aliquis sphaeram fixè loco manentem pertranseat irrefractus.

Demonstratio. Nam cum ab omnibus punctis quidam radius incidens currat per sphaeræ obversæ centrum E, erit is perpendicularis, ergò per Axioma 1. supra transit irrefractus. Sic radius à puncto H dum in C ingreditur sphaeram, transit per centrum E, & rursus irrefractus sphaeram egreditur in G: item radius à puncto I prolapsus in A similiter irrefractus transit in B, & radius K D procedit irrefractus in F, quod erat demonstrandum.

Corollarium I.


Si radius aliquis irrefractus ingreditur sphaeram, etiam irrefractus egreditur: & si radius aliquis inclinatè ingreditur, etiam inclinatè seu refractè egreditur: nec potest radius irrefractè ingredi sphaeram, & refractè egredi; ac vicissim nullus radius potest inclinatè ingredi, & irrefractè egredi.

Corollarium II.

Radii irrefracti transeuntes determinant locum & singula puncta imaginis ab objecto per species transmissæ: quia cum se habeant ut axes aliorum radiorum ab iisdem punctis profluxorum & inclinatè incidentium, per sphaeram autem refractorum concursum denuo recipiunt, adeoque ex radiorum collectione imaginem distinctè efformantes locum singulis radiis pro concursu designant.

Propositio XXXVII.

Sphæra vitrea integra objecta dissita alterno situ depingit ad distantiam quartæ partis diametri.



Si sphaera vitrea ABCD, cujus centrum E, objectum vero FG sit ita distitum, ut omnes radii ab eodem puncto pro physicè parallelis habeantur. Dico fore ut post sphaeram ad distantiam quartæ partis diametri objectum FG distinctè & inverso seu alterno situ depingatur.

Demonstratio. Nam quia per Demonstratio.
Axioma 13. supra quodlibet objecti punctum radiat in totam sphaeræ obversæ superficiem, & per præcedentem à quolibet puncto aliquis radius irrefractus transit sphaeram, qui singulis radiis ab eodem puncto profluxis locum concursus designat. Item quia dum objectum ponitur longius distare, omnes radii incidentes pro physicè parallelis habentur; idcirco quilibet radii à puncto F prolapsi transeuntes sphaeram determinantur radio F A C I ad concursum per 34. hujus, ad quartam partem diametri in I, ubi ob plurium radiorum proximè ad perpendicularem unitorum per Axioma 14. supra, punctum F nitidissimè depingitur. Similiter accidit cum puncto G, quod axe BE D H designatur, & collectis in puncto H radiis fortioribus etiam vivacissimè exprimitur. Et quod de his duobus punctis dictum, idem sentendum de aliis quibuscunque intermediis. Unde tota objecti FG imago in distantia quartæ partis diametri spatio H I exprimitur; & quia puncti F radiationis collectio transit in I, puncti verò G in H, etiam inverso & converso seu alterno situ imago exprimitur, quod erat demonstrandum.

Corol-

Corollarium I.

Si objectum minus distet, ita ut radii ab eodem puncto progressi pro parallelis non habeantur, cum radiorum ab eodem puncto procedentium concursus longius fiat post sphaeram, etiam imago longius à sphaerâ efformabitur. Undè si objectum sit in HI, imago ejusdem efformabitur in distantia & magnitudine FG. Quòd si objectum sit nimis propinquum, ita ut intra quartam partem diametri existat, cum radii secundò refracti post sphaeram fiant divergentes, nulla imago haberi poterit.

Corollarium II.

Sequitur etiam, quòd si magnum aliquod objectum radians in sphaeram sit concavum & concentricum sphaeræ vitreæ, omnium objecti punctorum per conos five pyramides radiosas translatorum apices in æquali distantia à sphaerâ collocari. Si verò objectum sit convexum aut æqualiter longum jacens in directum, partes medias longius à sphaerâ exprimi, quàm exteriores.

Corollarium III.

Ut distantia objecti ad ejus diametrum, ita distantia imaginis etiam ad ejus diametrum: & ut distantia imaginis ad distantiam objecti, ita diameter imaginis ad diametrum objecti. Ratio est, quia triangula quæ ab axibus sese in centro sphaeræ interfecantibus utrinque efficiuntur, sunt æquiangula, adeoque & latera proportionalia per 4. sexti Eucl.

Corollarium IV.

Vitrea sphaera vivacissimè exprimit imagines.

Vitrea sphaera præ omnibus Lentibus vivacissimè exprimit imagines: quia, ut supra propos. 17. corollar. 5. deductum, imago per quascunque Lentes convexas efformata ob radios magis refractos ideoque debiliores circa exteriores partes minùs præcisè & distinctè deponitur, adeoque semper circa marginem obscurior apparet. Per sphaeras autem integras transportata ope radiorum, tum perpendicularium à singulis objecti punctis egressorum, ut constat ex præced: tum proximè ad eosdem accedentium, adeoque per Axioma. 14. supra fortiorum vivacior imago exprimitur, ideoque in omnibus sui partibus distinctior apparere potest.

Tabula I. Combinationis duarum convexitatum aut concavitatum æqualium vel inæqualium in diametris per particulas centesimas pedis Romani indicatarum cum assignatione foci respondentis cuilibet combinationi per easdem particulas pro Specillis ocularibus.

rali
cur
Ur
gni
tar
ve

fi
pe
spl
ce

Vitrea sphæ
ra vivacissi-
mè expri-
mit imagi-
nes.

Quantitas 3. 1. 2. 3. 4. 5. 6. 7. 8. 9.									
1	2	3	4	5	6	7	8	9	10
11	12	13	14	15	16	17	18	19	20
21	22	23	24	25	26	27	28	29	30
31	32	33	34	35	36	37	38	39	40
41	42	43	44	45	46	47	48	49	50
51	52	53	54	55	56	57	58	59	60
61	62	63	64	65	66	67	68	69	70
71	72	73	74	75	76	77	78	79	80
81	82	83	84	85	86	87	88	89	90
91	92	93	94	95	96	97	98	99	100
101	102	103	104	105	106	107	108	109	110
111	112	113	114	115	116	117	118	119	120
121	122	123	124	125	126	127	128	129	130
131	132	133	134	135	136	137	138	139	140
141	142	143	144	145	146	147	148	149	150
151	152	153	154	155	156	157	158	159	160
161	162	163	164	165	166	167	168	169	170
171	172	173	174	175	176	177	178	179	180
181	182	183	184	185	186	187	188	189	190
191	192	193	194	195	196	197	198	199	200
201	202	203	204	205	206	207	208	209	210
211	212	213	214	215	216	217	218	219	220
221	222	223	224	225	226	227	228	229	230
231	232	233	234	235	236	237	238	239	240
241	242	243	244	245	246	247	248	249	250
251	252	253	254	255	256	257	258	259	260
261	262	263	264	265	266	267	268	269	270
271	272	273	274	275	276	277	278	279	280
281	282	283	284	285	286	287	288	289	290
291	292	293	294	295	296	297	298	299	300
301	302	303	304	305	306	307	308	309	310
311	312	313	314	315	316	317	318	319	320
321	322	323	324	325	326	327	328	329	330
331	332	333	334	335	336	337	338	339	340
341	342	343	344	345	346	347	348	349	350
351	352	353	354	355	356	357	358	359	360
361	362	363	364	365	366	367	368	369	370
371	372	373	374	375	376	377	378	379	380
381	382	383	384	385	386	387	388	389	390
391	392	393	394	395	396	397	398	399	400
401	402	403	404	405	406	407	408	409	410
411	412	413	414	415	416	417	418	419	420
421	422	423	424	425	426	427	428	429	430
431	432	433	434	435	436	437	438	439	440
441	442	443	444	445	446	447	448	449	450
451	452	453	454	455	456	457	458	459	460
461	462	463	464	465	466	467	468	469	470
471	472	473	474	475	476	477	478	479	480
481	482	483	484	485	486	487	488	489	490
491	492	493	494	495	496	497	498	499	500
501	502	503	504	505	506	507	508	509	510
511	512	513	514	515	516	517	518	519	520
521	522	523	524	525	526	527	528	529	530
531	532	533	534	535	536	537	538	539	540
541	542	543	544	545	546	547	548	549	550
551	552	553	554	555	556	557	558	559	560
561	562	563	564	565	566	567	568	569	570
571	572	573	574	575	576	577	578	579	580
581	582	583	584	585	586	587	588	589	590
591	592	593	594	595	596	597	598	599	600
601	602	603	604	605	606	607	608	609	610
611	612	613	614	615	616	617	618	619	620
621	622	623	624	625	626	627	628	629	630
631	632	633	634	635	636	637	638	639	640
641	642	643	644	645	646	647	648	649	650
651	652	653	654	655	656	657	658	659	660
661	662	663	664	665	666	667	668	669	670
671	672	673	674	675	676	677	678	679	680
681	682	683	684	685	686	687	688	689	690
691	692	693	694	695	696	697	698	699	700
701	702	703	704	705	706	707	708	709	710
711	712	713	714	715	716	717	718	719	720
721	722	723	724	725	726	727	728	729	730
731	732	733	734	735	736	737	738	739	740
741	742	743	744	745	746	747	748	749	750
751	752	753	754	755	756	757	758	759	760
761	762	763	764	765	766	767	768	769	770
771	772	773	774	775	776	777	778	779	780
781	782	783	784	785	786	787	788	789	790
791	792	793	794	795	796	797	798	799	800
801	802	803	804	805	806	807	808	809	810
811	812	813	814	815	816	817	818	819	820
821	822	823	824	825	826	827	828	829	830
831	832	833	834	835	836	837	838	839	840
841	842	843	844	845	846	847	848	849	850
851	852	853	854	855	856	857	858	859	860
861	862	863	864	865	866	867	868	869	870
871	872	873	874	875	876	877	878	879	880
881	882	883	884	885	886	887	888	889	890
891	892	893	894	895	896	897	898	899	900
901	902	903	904	905	906	907	908	909	910
911	912	913	914	915	916	917	918	919	920
921	922	923	924	925	926	927	928	929	930
931	932	933	934	935	936	937	938	939	940
941	942	943	944	945	946	947	948	949	950
951	952	953	954	955	956	957	958	959	960
961	962	963	964	965	966	967	968	969	970
971	972	973	974	975	976	977	978	979	980
981	982	983	984	985	986	987	988	989	990
991	992	993	994	995	996	997	998	999	1000

A

Tabula II. Combinationis duarum convexitatum æqualium vel inæqualium
in diametris per pedes Romanos ejusque particulas centesimas indicatarum cum assignatione
Foci respondentis cuilibet combinationi per eosdem pedes & particulas
centesimas pro Specillis & Lentibus objectivis.

1	0.	50																																														
1 ½	0.	60	0.	75																																												
2	0.	66 ½	0.	85	1.	0																																										
2 ½	0.	71 ½	0.	94	1.	11	1.	25																																								
3	0.	75	0.	99	1.	20	1.	36	1.	50																																						
4	0.	80	1.	9	1.	33	1.	54	1.	71	2.	0																																				
5	0.	83 ½	1.	15	1.	43	1.	67	1.	87	2.	22	2.	50																																		
6	0.	85 ½	1.	20	1.	50	1.	76	2.	0	2.	40	2.	72	3.	0																																
7	0.	87 ½	1.	23 ½	1.	55 ½	1.	84	2.	10	2.	54	2.	91 ½	3.	23	3.	50																														
8	0.	88	1.	26	1.	60	1.	90	2.	18	2.	66	3.	7 ½	3.	42 ½	3.	73	4.	0																												
9	0.	90	1.	28	1.	63	1.	95	2.	25	2.	77	3.	21	3.	60	3.	93 ½	4.	23	4.	50																										
10	0.	91	1.	30	1.	66	2.	0	2.	30	2.	85	3.	33	3.	75	4.	11 ½	4.	44	4.	73 ½	5.	0																								
12	0.	92	1.	33	1.	71	2.	7	2.	40	3.	0	5.	53	4.	0	4.	42	4.	80	5.	14	5.	45 ½	6.	0																						
15	0.	93	1.	36	1.	76	2.	14	2.	50	3.	15 ½	3.	75	4.	28 ½	4.	77	5.	21 ½	5.	62	6.	0	7.	20	7.	50																				
20	0.	95	1.	39	1.	81	2.	22	2.	61	3.	33	4.	0	4.	61 ½	5.	18 ½	5.	71	6.	20 ½	6.	66 ½	7.	50	8.	57	10.	0																		
25	0.	96	1.	41	1.	85	2.	27	2.	68	3.	44 ½	4.	16 ½	4.	85 ½	5.	46 ½	6.	6	6.	61 ½	7.	14	8.	11	9.	12 ½	11.	11	12.	50																
30	0.	97	1.	42	1.	87	2.	30 ½	2.	72 ½	3.	53	4.	28 ½	5.	0	5.	67 ½	6.	31 ½	6.	92	7.	50	8.	57	10.	0	12.	0	13.	63 ½	15.	0														
40	0.	97	1.	44	1.	90	2.	35	2.	79	3.	63 ½	4.	44	5.	21 ½	5.	95 ½	6.	66 ½	7.	34 ½	8.	0	9.	23	10.	91	13.	33	15.	38 ½	17.	14	20.	0												
50	0.	98	1.	45	1.	92	2.	38	2.	83	3.	70	4.	54	5.	31 ½	6.	14	6.	89 ½	7.	62 ½	8.	33	9.	68	11.	53 ½	14.	28 ½	16.	66 ½	18.	75	22.	22	25.	0										
60	0.	98	1.	46	1.	93 ½	2.	40	2.	85 ½	3.	75	4.	61 ½	5.	45	6.	26 ½	7.	6	7.	82 ½	8.	57	10.	0	12.	0	15.	0	17.	64 ½	20.	0	24.	0	27.	27	30.	0								
70	0.	98	1.	46	1.	94 ½	2.	41	2.	87	3.	78	4.	66 ½	5.	52 ½	6.	36	7.	18	7.	97	8.	75	10.	24	12.	35	15.	55 ½	18.	42	21.	0	25.	45 ½	29.	16 ½	32.	30 ½	35.	0						
80	0.	98	1.	47	1.	95	2.	42	2.	89	3.	81	4.	70 ½	5.	58	6.	43 ½	7.	27	8.	9	8.	89	10.	43	12.	63	16.	0	19.	4 ½	21.	81 ½	26.	66 ½	30.	77	34.	28 ½	37.	33	40.	0				
90	0.	98	1.	47	1.	95 ½	2.	43	2.	90	3.	83	4.	73 ½	5.	62	6.	49	7.	34 ½	8.	18	9.	0	10.	59	12.	85 ½	16.	36	19.	56 ½	22.	50	27.	69	32.	14	36.	0	39.	37 ½	42.	35	45.	0		
100	0.	99	1.	47	1.	96	2.	44	2.	91	3.	84 ½	4.	76	5.	66	6.	54	7.	40 ½	8.	25 ½	9.	9	10.	71	13.	4	16.	66 ½	20.	0	23	7 ½	28.	57	33.	33	37.	50	41.	17 ½	44.	44	47.	36 ½	50.	0
B	1	1 ½	2	2 ½	3	4	5	6	7	8	9	10	12	15	20	25	30	40	50	60	70	80	90	100																								



CAPUT IX.

Trigonometrica focos quarumlibet Lentium inveniendi methodus & praxis ostenditur una cum variis tabulis ad eosdem in pedibus Romanis & eorum particulis centesimis facillimè indagandos accuratè supputatis.

Hoc capite scitu dignissima proferimus, quo quarumlibet Lentium focos principales, tum reales & veros uti habent omnes Lentes convexæ, & mixtæ illæ in quibus convexitas prævalet, tum virtuales quos habent concavæ, & mixtæ illæ, in quibus concavitas prævalet, Trigonometricè invenire, & ex inventis tabulas construere docebimus: Quæ tabulæ, quantum ad praxin deservire possint, non est quod ultra pluribus deducamus.

S. I.

Focos principales quarumcunque Lentium convexarum trigonometricè reperire.

Quando Lens est plano-convexa, semper focum habet ad distantiam diametri convexitatis, ut patet ex propo. 6. supra: quando verò Lens est utrinque convexa quomodocunque, focus ita poterit inveniri.

Propositio XXXVIII. Theorema.


Ut aggregatum radiorum convexitatum ad radium convexitatis obversæ ad parallelos, ita diameter reliquæ ad distantiam foci.

Sit Lens utrinquè convexa, sed Ex gr. inæqualiter, cujus convexitatis obversæ ad parallelos AFB radius sit FG, sitquè 6. pedum, convexitatis autem ACB radius sit 3. pedum. Fiat CK tripla ipsius CH, erit K punctum quo vi primæ refractionis radius DE in vitro dirigitur. Ad punctum I egressus in aërem ducatur perpendicularis LIG: erit angulus LIK æqualis angulo inclinationis in vitro duplus anguli refractionis KIM, ut supra demonstratum.

Ostendendum jam aggregatum radiorum utriusquè convexitatis, quod est GH pedum 9. ita esse ad HF pedum 9. radium convexitatis obversæ ad incidentes parallelos, sicut dupla GF, quæ foret 12. pedum ad CM distantiam foci pedum 4. In quibus tamen moneo crassitiem Lentis non computandam,

M

Demon.

Demon-
stratio.

Demonstratio. Ut angulus KIM ad angulum K, ita est KM ad MI seu proximè æqualem MF; & ut duplus MIK qualis est LIK vel GIE ad angulum K, ita dupla KM ad MF, vel dimidia KM ad mediam MF: Et dividendo, ut angulus G ad angulum K, ita excessus KM super dimidiam MF seu MC ad dimidiam MC. Ut autem angulus G ad angulum K, ita est IK ad IG vel KC ad FG: ergo KC ad GF est ut excessus KM supra dimidiam MC ad dimidiam MC: & componendo erit KC & GF ad GM ut KM ad dimidiam MC; & erit KC cum GF ad duplam GF ut KM ad MC. Ac iterum componendo erit KC & tripla GF ad duplam GF, ut KM cum MC. Est autem KC tripla ipsius CH; quare ita erit simplex CH cum simplici FG seu aggregatum radiorum ad duplam GF sicut CH subtripla ipsius CK seu triens compositæ KM & MC ad MC distantiam foci à Lente, quod erat demonstrandum.

Corollarium I.

In Lente utrinque æqualiter convexâ cum aggregatum radiorum ad diametrum convexitatis obversæ ad radios parallelos fit ut 2. ad 1. & pariter duplus radius alterius sit æqualis aggregato, ac etiam 2. foci, ergo distantia erit I, nempe æqualis radio.

Corollarium II.

Regulæ igitur generales sunt pro convexis utrinque specillis & eorum focus principalibus inveniendis.

1. Ut aggregatum semidiametrorum ad alterutram semidiametrum, ita altera diameter integra ad distantiam foci.

2. Vel per diametros: ut aggregatum diametrorum ad alterutram diametrum, ita altera diameter ad distantiam foci.

3. Vel si per semidiametros operatio placeat. Ut aggregatum semidiametrorum ad unam semidiametrum, ita semidiameter altera ad semisem distantiam foci. Sed jam exemplum supra indicatum & in figura positum practicè per numeros demonstramus.

Exem-

Exemplum Regulæ primæ per semidiametros & diametrum.

Ut aggregatum semidiam: GH 9. pedum ad semidiam: CH 3. pedum

Logarithmi. 0. 95424 ————— 0. 47712.

ita

Semidiameter GF 6. pedum ad foci distantiam CM, 4. pedum.

Logarithmi. 1. 07918 ————— 0. 60206.

Exemplum Regulæ secundæ per diametros.

Ut Aggregatum diametr: 18. pedum ad diametrum 6. pedum

Logarithmi. 1. 25527. ————— 0. 77815.

ita

Diameter 12. pedum ad foci distantiam 4. pedum.

Logarithmi. 1. 07918. ————— 0. 60206.

Exemplum Regulæ tertiæ per semidiametros.

Ut Aggregatum semidiam. 9. pedum ad semidiam. 3. pedum.

Logarithmi. 0. 95424 ————— 0. 47712.

ita

Semidiameter altera 6. pedum ad dimidiam foci distantiam 2. pedum.

Logarithmi. 0. 77815. ————— 0. 30103.

Ad secundæ regulæ sive praxis exemplum sequentes tabulæ sunt constructæ; quarum prior inservit pro minoribus specillis ocularibus, secunda vero pro vitris objectivis.

Usus Tabularum.

In latere & basi triangularis tabulæ continentur diametri convexitatum: undè dum ab eorum locis sit ingressus in tabulam, in communis concursus areolâ reperitur focus illi convexitatum combinationi respondens. Debet autem majoris diametri numerus semper in latere AB, minoris vero in basi BC inquiri: undè si focum inquiras Lentis ocularis, quæ ex unâ parte habet convexitatem, cujus diameter est $\frac{80}{100}$ altera verò $\frac{40}{100}$ reperies in communis concursus areolâ, focum esse similiam particularum centesimarum 26 & $\frac{80}{100}$ unius particulæ, quæ accuratius computatæ faciunt centesimas pedis Romani 26 & $\frac{1}{2}$; adhuc unius centesimæ. Ita etiam in secundâ tabulâ, si inquiratur focus Lentis, cujus convexitatis diameter major est pedum 5, altera verò minor 3. pedum, reperies focum esse unius pedis & $\frac{87}{100}$ nempe unius pedis.

Tabula I.
combina-
tionis.

Tabula II.

Notandum me assumpsisse in primâ tabulâ diametros continua progressionem Arithmetica per differentiam quinarum ascendentes ad specillorum ocularium focos inquirendos, quia illo præcipue ordine diversæ scutellæ à peritioribus Artificibus solent ad praxin apparari. Sicut etiam juxta secundam tabulam pro Lentibus objectivis tali ordine convenit plures aut pluresque ad usum præstare habere. Intermediarum autem convexitatis qualiscunque diametrorum foci facile ex proximis duabus arguuntur. Apparet etiam perfacile in tabulis istis causa defectus unius scutellæ, quales aliæ possint adhiberi ad eandem foci distantiam procurandam. Sic Ex. grat. ad vertes foci distantiam eandem $\frac{12}{100}$ dari per diametros $\frac{60}{100}$ utrinque, vel per diametros $\frac{75}{100}$ & $\frac{60}{100}$ combinatas, vel per $\frac{90}{100}$ & $\frac{45}{100}$ similiter combinatas.

§. II.

Quarumlibet Lentium concavarum focos virtuales determinare.

Ex supra demonstratis propos. 22. constat Lentem plano-concavam radios axi parallelos ita divergere, ut focus virtualis à quo procedere judicantur, sit ad distantiam diametri concavitatis. Item ex propos. 23. liquet, concavo-concavam utrinque æqualiter eisdem radios similiter incidentes ita post duplicem refractionem refringere & divergere, quasi procederent à foco virtuali in distantia semidiametri alterutrius concavitatis ab ipsâ Lente remoto. Sed nunc universaliter hic indicatur praxis, quâ combinatione datâ quarumlibet concavitatum sciri possit focus virtualis, atque supponit sequens Theorema.

Propositio XXXIX. Theorema.

Ut aggregatum semidiametrorum concavitatum in specillis concavo-concavis ad semidiametrum obversæ concavitatis ad parallelos; ita diameter integra reliquæ concavitatis ad distantiam foci virtualis à Lente.

SIt Lens concavo-concava inæqualiter, cujus concavitatis ACB obversa ad parallelos semidiameter sit CF , & ejusdem tripla CK ; concavitatis autem aOb semidiameter OL , diameter OM . Cum itaque vi primæ refractionis radius incidens DE axi KC parallelus ita refringatur ad ingressum Lentis concavæ, quasi procederet à K , sic ut directio radii primò refracti sit $PIEK$ per 21. hujus vi secundæ refractionis radius secundò refractus HIG ita diverget, quasi procederet ex G . Dico jam ita esse FL aggregatum semidiametrorum, nempe FC & OL sicut OM diameter integra reliquæ concavitatis aOb ad CG distantiam foci virtualis.

Demonstratio.

Angulus GIK seu illi æqualis per 15. primi Euclid. HIP refractionis ad angulum GKI est ut KG ad GI , seu neglectâ Lentis crassitie ad GC ; & consequenter erit ut duplus anguli GIK , qualis est PIL ad IKL ita KG ad dimidiam GC : Auferatur consequens ex antecedenti. Sublato angulo K ex PIL restat angulus ILK : erit ergo ut angulus ILK ad IKL , ita excessus KG supra dimidiam GC ad dimidiam GC : sed ut angulus ILK ad angulum IKL , ita in triangulo KLI est KI seu neglectâ Lentis crassitie KC ad IL seu LO : ergo ita est KC ad OL sicut excessus KG supra dimidiam GC , ad dimidiam GC : & componendo erit KL ad OL ut excessus lineæ KG supra dimidiam GC : hoc est KG ad FC : & consequenter erit ut KL ad duplâ OL , nempe ad OM , ita KG ad GC : & iterum componendo erit KL ad OM seu LN , hoc est tota IN ad OM sicut OM ad GC . Est autem prima tripla aggregati semidiametrorum & KC tripla radii FC . Ut autem tripla, ita & trientes eorum. Ergo ita erit aggregatum FL semidiametrorum

rum FC & OL ad FC radium concavitatis obversæ ad parallelos, ut OM diameter alterius concavitatis ad GC distantiam foci virtualis, quod erat demonstrandum.

Corollarium I.

Ex hic demonstratis confirmatur propositio 21. supra, quâ dicitur, quod si concavitates utrinquè sint æquales post duplicem refractionem radii axi paralleli Lentem pergressi ita procedant divergentes, quasi ex centro obversæ concavitatis ad parallelos progredierentur.

Corollarium II.

Hinc etiam sequitur incidentem radium convergentem, ita ut tendat ad focum virtuale, post duplicem refractionem fieri in egressu Lentis axi parallelum: uti radius HI remittitur per ED : Et è contrâ incidentem parallelum remitti divergentem, quasi procederet ex foco. Quod si tendat ad aliquod punctum ultra G , verbi grat. in K , uti est: PI , remittetur divergens, habebitquè focum virtuale ad partes N . Si convergat ad aliquod punctum inter G & C , adhuc unietur cum axe ultra punctum G .

Corollarium III.


Regulæ igitur generales pro utrinquè concavarum Lentium focis virtualibus inveniendis sunt eadem, quæ pro convexarum utrinquè focis veris & realibus præcedenti §. indicatæ sunt. Discrimen solum est, quod hæ realem & verum habeant focum; illæ verò virtuale, sive talem, ex quo dum post duplicem refractionem divergunt, ita progrediuntur, quasi ab eo foco procederent. Sint itaquè pro praxi focos ejusmodi trigonometricè inveniendi hæ regulæ.

Regulæ pro Focis virtualibus Lentium utrinque concavarum.

1. *Per semidiametros & diametrum.* Ut aggregatum semidiametrorum ad semidiametrum cavitatis unius, ita diameter alterius cavitatis ad distantiam foci.

2. *Vel per diametros.* Ut aggregatum diametrorum ad diametrum cavitatis obversæ ad parallelos, ita diameter alterius cavitatis ad distantiam foci. Aut melius: ut aggregatum diametrorum ad unam diametrum, ita alia diameter ad distantiam foci.

Regulæ pro focis concavarum Lentium inveniendis.



3. Vel per semidiametros. Ut aggregatum semidiametrorum ad unam semidiametrum cavitatis, ita semidiameter cavitatis alterius ad semissem distantiam foci.

Ex his regulis perspicuum est præcedentes tabulas etiam servire ad utrinque concavarum Lentium focos virtuales inveniendos, potissimum primam. Nam Lentes utrinque concavæ quæ diametrum habent ultra pedem non ita frequenter veniunt ad usum, nisi in perspicillis. Sic Exempli causâ, si velis scire datæ Lentis cujusdam concavæ focum virtuale, cujus concavitatis unius diameter sit $\frac{10}{100}$, alterius $\frac{30}{100}$, invenes in tabulâ primâ pro foco in communi concursu dictarum diametrorum respondere $\frac{70}{100}$ & insuper $\frac{20}{40}$ unius adhuc centesimæ, sive focum virtuale esse in distantia à Lente ad particulas centesimas septem cum dimidiâ. Quia verò acutiores cavitates potissimum ad tubos communes Hollandicos interserviunt, earum combinationis ad diametrum usque utrinque quartæ partis pedis Romani sive $\frac{25}{100}$ specialem tabulam accuratè supputatam hic apponere volui, ut unico mox intuitu cujuslibet talis combinationis diametrorum minorum foci respondentis distantia per particulas centesimas ejusdem pedis Romani indicata una cum adjectis, si quæ sunt, minutis sive fractionibus facillimè addisci possit. Eadem tabula potest quoque ad persimilium convexitatum combinationem pro inquirendo foco eidem competente servire.

Tabula III.

§. III.

Meniscorum
variæ differ-
entia.

Meniscorum sive Lentium mixtarum focos trigonometricè reperire.

Meniscorum ut supra vidimus coroll. 1. prop. 29. variæ possunt esse differentia ex solâ concavitatis mutatione, prout ejus radius sive semidiameter cum radio convexitatis aliter atque aliter se habet.

Differentia
prima.

Prima differentia esse potest, cum centrum concavitatis continetur inter radium convexitatis & ejus triplam; tunc focus realis, quem habet talis Meniscus, erit ultra sesquidiametrum convexitatis.

Secunda.

Secunda differentia: cum semidiameter concavitatis extenditur ultra sesquidiametrum convexitatis; & tunc focus realis erit ante convexitatis sesquidiametrum. In his duabus differentiis semper prævalet convexitas, adeoque ambarum istarum differentiarum menisci habent focum verum & realem ad axem, ubi radios parallelos perfectè unire & colligere possunt.

Tertia.

Tertia differentia est, cum radius concavitatis minor est radio convexitatis: & in hac differentiâ prævalet concavitas, nec hujus differentia Menisci habent focum verum & realem, sed virtuale, radiique paralleli incidentes non colliguntur & uniuntur, sed disperguntur & divergunt post Lentem: ideoque ad concavas Lentes reduci possunt.

Quarta.


Quarta differentia est, quando ambæ sphericitates sunt æquales sive ex æquali radio: tunc nullus erit focus, sed radii in talis differentia Meniscos incidentes remittuntur paralleli, ut demonstratum supra prop. 29.

Vidimus quoque supra prop. 28. & 32. quod dum radius concavitatis triplus est radii convexitatis, foci distantiam esse æqualem radio concavitatis. Item patet ex prop. 33. quando in Menisco aliquo radius convexitatis triplus est radii concavitatis, distantiam foci virtualis esse æqualem radio convexitatis. His obiter repetitis jam universaliter inquiritur, quomodo dato quocunque Menisco qualiumcunque sphericitatum accuratè sciri possit ejus focus, sive ille sit realis, ubi nempe convexitas, sive virtualis, ubi concavitas prævalet: quod ut sciri probè possit, sequens Theorema venit demonstrandum.

Propo-

Propositio XL. Theorema.

In Meniscis quibuscunq; ita est differentia inter radios convexitatis & concavitatis ad radium convexitatis, ut diameter concavitatis ad distantiam foci.



S It primò Meniscus A C B cujus concavitatis centrum G versatur intra radium F C convexitatis A C B & ejus sesquidiametrum C H, sive intra F & H. Dico ita esse F G differentiam radiorum ad F C radium convexitatis, sicut dupla G L sive diameter concavitatis ad C K distantiam foci. Certum enim est, quòd vi primæ refractionis radius D E in ingressu Menisci dirigatur ad punctum H, ideoquè inclinationis angulus pro secunda refractione erit G O H, & angulus refractionis prioris semissis erit H O K.

Demonstratio. In triangulo H O G ita est Demonstratio.
angulus H O G ad angulum O H G sicut H G ad G O seu G L : & ita est dimidius G O H ad angulum O H G sicut dimidia G H ad G F ; vel sicut tota G H ad duplam G L : ut autem semissis anguli G O H seu angulus H O K refractionis ad angulum O H G, ita H K ad O K seu L K per trigonometriam sumendo angulos pro sinibus, quia sunt satis acuti: ergò ita est H G ad duplam G L sive diametrum concavitatis, sicut H K ad L K ; & permutando, ut dupla G L ad L K, ita G H ad H K sicut G K ad H K.

Est autem dupla L G cum L K æqualis triplæ L G cum G K : igitur ita est tripla L G cum G K ad L K sicut G K ad H K. Si itaque auferatur ex primo termino G K, relinquitur tripla L G, & ex secundo L K si auferatur K H, relinquitur L H. Cum ergò ut totum ad totum ita sit ablatum ad ablatum : erit reliqua seu tripla L G ad reliquam L H seu triplam L F sicut tota ad totam nempe dupla L G cum L K ad L K : ut autem tripla ad triplam, & dividendo ut L G ad L K, ita excessus triplæ L G ad triplam L F : sed ut excessus triplæ L G ad triplam L F, ita excessus simplicis L G ad simplicem L F : hic autem excessus est G F, ergò ut G F ad L F, ita dupla L G ad L K : & quia G F est differentia radiorum, L F (non computatâ Lentis crassitie) sive C F est radius convexitatis, & dupla L G æqualis diametro concavitatis, & foci distantia est L K, ergo ut est differentia inter radios convexitatis & concavitatis ad radium convexitatis, ita est diameter concavitatis ad distantiam foci, quod erat demonstrandum.

Sit

an-
feu
d fe-
upla
Kur
ad
HG
GL
nte-
ntes
mpè
upla
do ,
feu
K L:
a e-
cef-
nea
ML
mod

Sir

Tabula IV. Combinationis duarum Sphæricitatum diversæ rationis in diametris per
 particulas centesimas pedis Romani indicatarum cum assignatione foci sive veri & realis cum prævalet con-
 vexitas sive virtualis cum concavitas respondentis cuilibet combinationi per easdem par-
 ticulas centesimas pro Meniscis sive lentibus mixtis.

Tabula IV. Combinationis duarum Sphæricitatum diversæ rationis in diametris per
 particulas centesimas pedis Romani indicatarum cum assignatione foci five veri & realis cum prævalet con-
 vexitas five virtualis cum concavitas respondentis cuilibet combinationi per easdem par-
 ticulas centesimas pro Meniscis five lentibus mixtis.

Handwritten text at the top of the page, possibly a title or header.

Handwritten text below the header, possibly a date or location.

Handwritten text below the date/location, possibly a name or subject.

Handwritten text below the name/subject, possibly a description or notes.

Handwritten text below the description, possibly a list or table.

Handwritten text below the list/table, possibly a conclusion or summary.

Handwritten text below the conclusion/summary, possibly a signature or date.

Handwritten text below the signature/date, possibly a page number or reference.

Handwritten text below the page number/reference, possibly a footer or note.

Handwritten text below the footer/note, possibly a final remark.

Handwritten text below the final remark, possibly a closing or end of the page.

Handwritten text below the closing, possibly a final signature or date.

Handwritten text below the final signature/date, possibly a page number or reference.

Handwritten text below the page number/reference, possibly a footer or note.

Handwritten text below the footer/note, possibly a final remark.

Handwritten text below the final remark, possibly a closing or end of the page.


Handwritten text below the closing, possibly a final signature or date.

Handwritten text below the final signature/date, possibly a page number or reference.

Sit tertio Meniscus cujus concavitas ALB radius LF minor sit radio NC convexitatis ACB : in tali casu quia concavitas prævalet, radius DE post secundam refractionem factam in egressu Menisci à puncto I diverget in H quasi procederet ex puncto K . Dico rursus, quod ita sit differentia FN radiorum ad NC radium convexitatis, vel neglectâ Lentis crassitie ad NL sicut diameter sive dupla FL radii concavitatis ad IK vel LK distantiam foci virtualis. Nam radius DE vi primæ refractionis dirigitur in M : est enim LM tripla lineæ NL adeoque sesquidiameter: erit item EIG angulus inclinationis, cui æqualis FIM utpotè ad verticem, unde duplus anguli MIH ; adeoque angulus HIF sesquialter anguli FIM .

Demonstratio. In triangulo MIF ita est angulus MIF ad angulum M , sicut FM ad FI sive FL : & ita est dimidius angulus FIM seu angulus HIM ad angulum M sicut FM ad duplam LF . In triangulo autem MIK ita est angulus MIK seu HIM ad IMF , ut MK ad IK seu KL : ergo ita est FM ad duplam LF , ut MK ad KL vel KC : rursus dividendo erit excessus ipsius MF super duplam FL ad duplam FL ut ML ad LK seu MC neglectâ Lentis crassitie ad KC . Si porro adjungatur ipsi MF linea LF , & eadem LF addatur duplæ FL , erit excessus ipsius MF super duplam LF idem ac excessus ipsius MF super triplam LF . Erit ergo excessus MC super triplam LF ad duplam LF ut MC ad CK : & permutando, ut hic excessus ad MC ut dupla LF ad MC , ita sunt trientes: hoc est, ita est excessus NC super FC seu NF ad NC . Ergo ut NF differentia radiorum convexitatis & concavitatis ad CN radium convexitatis, ita erit dupla ipsius LF , quæ est æqualis diametro concavitatis ad LK vel CK foci virtualis distantiam; quod erat demonstrandum.

Corol-



Corollarium.

Regulæ pro
Menisco-
rum focis.

Ex hæcenus demonstratis regulæ practicæ certificantur consequentes pro Meniscorum quorumlibet sive Lentium mixtarum focis inveniendis, quæ sunt

Regula I.
per semidia-
metros &
diametros.

I. Ut differentia semidiametrorum ad semidiametrum convexitatis, ita dupla semidiameter sive diameter concavitatis ad distantiam foci.

Exemplum.

Si datus Meniscus cujus convexitatis radius partium 20, radius verò concavitatis sit partium 30, erit differentia partium 10, & diameter concavitatis partium 60. Fiat ergo

Ut differentia radiorum partium 10. ad radium convexitatis partium 20. ita diameter concavitatis partium 60. ad distantiam foci, quæ erit partium 120.

Regula II.
per diame-
tros.

II. Per diametros. Ut differentia diametrorum ad unam diametrum, ita alia diameter ad distantiam foci.

Exemplum.

Resumatur præcedens, sitque Meniscus cujus sphæricitatum diametri considerentur, sitque diameter convexitatis partium 40, concavitatis partium 60, erit differentia diametrorum partium 20. Fiat jam

Ut distantia diamet. part. 20. ad diametrum convexitatis 40. part. ita diameter concavitatis 60. part. ad distantiam foci, quæ erit ut supra part. 120.

Regula III.
per semidia-
metros.

III. Per semidiametros. ut differentia semidiametrorum ad unam semidiametrum, ita alia semidiameter ad semissem distantiam foci.

Exemplum.

Eodem resumpto Menisco fiet differentia semidiametrorum ut in primo exemplo, loco tamen diametri ponatur semidiameter, ut hic factum vides.

Fiat ut differ. Rad. part. 10. ad Radium convexitatis 20. part. ita semidiameter concavitatis 30. ad semissem distantiam foci, quæ erit part. 60. hæc autem duplicata dat veram distantiam part. 120, ut in prioribus exemplis.

Tabula IV.

Juxta secundæ Regulæ practicæ operationem præsens Tabula quarta pro Meniscis est supputata: supponit autem combinatorum sphæricitatum diametros in particulis centesimis notæ alicujus assumptæ mensuræ; velut pedis Romani continuâ progressionem per differentiam quinarum sese excedentes usque ad integram mensuram quæ sit partium centum, quia Menisci longioris diametri sphæricitatum non satis commodè praxi subservire posse videntur: qui tamen alias combinationes requirit, ex regulis modò traditis facile pro iis focos determinare poterit. Usus Tabulæ est persimilis præcedentium Tabularum, modò attendatur, qualis sphæricitas prævaleat ex minori quantitate diametri, pro eâ siquidem prævalentiâ focus, vel realis & verus, aut virtualis esse debet. Sic dum Meniscus foret, cujus concavitatis diameter esset 60. partium, convexitatis autem 40. partium, ingressu ab his numeris facto in Tabulam, dum venit in communem areolam, reperitur numerus 120. pro foci distantia in partibus similibus: unde talis Meniscus, quia diameter convexitatis minor est diametro concavitatis adeoque convexitas prævalet, habebit focum realem & verum in assignatâ per parti-

particulas illas distantia, ubi radios axi parallelos incidentes perfecte colligere ac unire poterit. E contra, si diameter concavitatis sit 40. partium, & convexitatis diameter 60. Meniscus in tali combinatione non habebit focum realem & verum, sed virtuale; nam radios à longinquo sive axi parallelos incidentes non colliget, sed diverget in secundâ refractione, quasi procederent à puncto axis 120. partibus remoto.

Annotatio generalis pro usu tabularum præcedentium.

ET si in tabulis præmissis omnibus diametros assumam in pedibus Romanis ac particulis centesimis ejusmodi pedum: possunt eæ nihilominus accommodari ad quamcunque aliam mensuram famosam, sive illa sit palmus Romanus, sive pes geometricus, aut Regius Parisiensis, aut Rhynlandicus aut alius quiscunque, modò intelligatur mensura illa persimiliter in tot æquales particulas divisa, ac hic cum pede Romano factum vides. Sic assumptâ & suppositâ divisione palmi in 100. particulas æquales, si foret Meniscus, cujus una diameter esset 60, altera 40. particularum, æquæ ad tot, ut supra dictum, particulas, nempe 120. focum ordinaret, quæ tamen tales sint, in quales, ut dictum, palmus divisus supponitur. Deindè si loco diametrorum per numeros particularum centesimarum indicatarum assumantur semidiametri in similibus particulis à latere & in basi singulorum tabularum collocatis, & lubeat respondentes focos exquirere; oportebit numeros in communi areolâ duplicare, ut habeatur competens foci distantia in iisdem particulis numeralibus indicata. Sic in ultimo nostro exemplo proximè allato si sumantur semidiametri 20. & 30. particularum, loco 40. & 60, respondet quidem illis in communi concursu numerus 60, qui si dupletur dat veram foci distantiam respondentem illi combinationi, nempe part. 120. Nil amplius dico, sagax Lector ipse plura advertet, quam ego vel multis verbis explicare valeam. Sed jam ad praxin aliqua proferre lubet. Sit ergò

Notanda
pro diversis
aliis Meniscis.






CAPUT X.

*Varia consuetudina practica ex hactenus
demonstratis adducuntur.*

EXpeditis iis omnibus, quæ ad varias Lentium quarumlibet proprietates probè intelligendas quovis modo conducere videbantur, nunc aliqua utilissimè ad praxin conducentia ex iis deducere conabor. Invenient hic practici quod ament, erunt Mechanicis objecta, quibus applaudant. Sed quò distinctius procedam, divisim singula ita præpono.



1. Cum radii axi paralleli incidentes in quamcunque Lentem vitream, quantò minus post eam refringantur, tantò fortiores & efficaciores sint ac distinctius & præcisius focum ordinant, adeoque quantò minus ab axe distent, tantò magis probentur; hinc Lentes convexæ oculares, quæ ad tubos opticos melioris notæ adhiberi debent, non excedant utrinquè ab axe gradum vigesimum: ita ut tota superficies ultra 40. gradus in latitudine suâ de circumferentia non contineat. Licet enim majoris superficiei Lentes plures radios trajiciant, quia tamen eadem parte eos non cœnunt & colligunt, confusionem pariunt, nec distinctè imagines proferunt. Sic in præfenti diagrammate facillè patebit, quantæ Lentes quælibet oculares esse possint.

Quales Lentes convexæ sint eligendæ pro tubis opticis.

2. Ad focum aut imaginem in æquali distantia ordinandum cæteris paribus satius est uti Lente convexo-convexâ, quàm plano-convexâ; quia cum illa utrinquè majoris sphaeræ portionem contineat, radios mitius refringet, & consequenter exactior erit. Idem est de concavo-concavâ respectu concavo-planæ. Contrarium sentit Scheinerus in Rosâ Vrsinâ: nam dicit quod Lens plano-convexa minus refringat radios & mundiùs colligat in basin communem rerum visibilium species. Rationem desumit à refractione minus violentâ, quia superficies plana lineas radiosâs indulgentius tractat, quàm curva. Quod ultimum quidem admitto, non tamen concedo, quod ideò etiam altera superficies convexa mitius & indulgentius tractet lineas radiosâs; sed quia hæc duplò minoris sphaeræ debet esse portio, adeoque plures gradus sub æquali magnitudine cum Lente convexo-convexâ continere; ideò refractione nimis violentâ & magnâ ac radius etiam ab axe magis distantibus ac consequenter debilioribus, qui facilius aberrare possunt, species ad basin communem deferre debet; quocirca & radios exactiùs colligere, ad species rerum visibilium mundiùs repræsentandas ut credam adduci non possum.

3. Benè docet tamen Scheinerus in oculolib. 3. part. 1. c. 15. quomodò Lentes convexæ examinari possint, an exactè singula rei objectæ puncta eodem modo refringant, an verò diversas convergentias secundum diversas ab objecto distantias efficiant, hoc modo: *Laminam aliquam secundum Lentis convexa capacitatem in diversis punctis perforabis, quorum unum centro Lentis directè respondeat, alia autem ab eodem centro inæqualiter distideant. Videbis enim primo species per foramina centro viciniora lentius quidem moveri, sed citius tamen in centrum coire, quàm remotiora quæ velocius quidem moventur, tardius tamen in unum cœunt; unde longior ipsis distantia debetur in basi communi, quàm illis. Post concursum eodem modo celerius moventur & vehementius divaricantur, quàm centro vicina. Omnia hæc fiunt ob refractionem majorem vel minorem &c. Ratio hinc sumitur, cur in tubo optico concava acutiora longiorem à convexo distantiam exigant, minus tamen de objecto ostendant &c.* Hæc ille.

Lentes convexæ quomodo examinari possint.

4. Major perfectio requiritur ad Lentes convexas objectivas longioris diametri probè elaborandas pro tubis majoribus, quàm ad Lentes brevioris diametri. Nam licet radii minus refringantur in illis, & propius ad axem progrediantur, ubi tamen vel minimum initio egressus è Lente deviant à competenti progressu, in distantia majori notabiliter aberrant, adeoque citius vel longius ac decet, concurrunt, vel aliorum concursum in basi communi distinctionis invadunt, atquè ita imaginem trajectam confundunt. Secus fit in Lentibus brevioris diametri, ubi ob minorem

Ad quas lentes elaborandas major perfectio requiritur.

distantiam ab imagine talis radiorum distractio non tam facile contingit ; nisi figura valdè depravata sit : Undè etiam hæ semper vivacius objecta præsentare solent. Patet etiam hinc ratio , cur aliqui Artifices Mechanici , qui licet præstantes tubos minores conficere sciant ; majores tamen minus excellenter elaborare possint , cum obitaneo ac minus perfecto labore sua conficiant , quem Lentes majoris diametri non ferunt , sed accuratorem manum adhiberi volunt.

Bullæ &
alii defectus
in Lentibus
quantum
noceant.

5. Bullæ & alii defectus in materia Lentium occurrentes , etsi in imagine non compareant ; quia licet aliquos radios intercipient uniuscujusquæ partis , & non refundantur in unam potius imaginis partem quàm in aliam , sed totam æqualiter imaginem afficiant , vivacitatem tamen imaginis quàm plurimum impediunt ; undè quam possunt maximè devitari debent.

Modicæ
scissuræ in
Lentibus an
noceant.

6. Lentibus quibuscunque vitreis cæteris paribus minus noxiæ sunt modicæ scissuræ in superficie externâ , aut minutæ particulæ opacæ ipsis Lentibus inhærentes , quàm aut bullæ aëreæ majusculæ , aut diversæ densitatis immixtæ venulæ , gyri , vortices , sive striæ qualescunque : quia illæ dum transitum aliquibus radiis occludunt , non ita tamen trajectam imaginem turbare ac confundere possunt , quam hæ , quæ radios aliò detorquent , & in communi basi distinctionis ad indebitas sedes deducunt. Lentes ergò , quò clarioris sunt substantiæ & politiores , sphericamque figuram perfectius obtinent , hoc melius imaginem exhibent : quò amplius autem à superficie sphericâ defecerint , ac impurioris sunt substantiæ , hoc vitiosius rerum species in aspectum deducunt. Sed de his plura , cum de materiâ Lentium agemus in Fundamento Tertio pratico-Mechanico.

Lentes in
tubis debent
orthogona-
liter poni.

7. Lens quæcunque non orthogonaliter sed obliquè in tubo ad objectum visibile collocata , non potest genuinè rerum species repræsentare ob distortam radiorum refractionem , etsi in Lente aliàs nullus defectus existat. Ratio clara est : quia propter obliquitatem radiorum incidentium concursus cum perpendiculari impeditur , & major radiorum inclinatio ob sequentem refractionem minus ordinatam , etiam magis specierum vivacitatem turbare solet. Simili ratione non probantur Lentes , etsi probatissimè elaboratæ , quæ superficies ex æquo ad se mutuo non convertunt , sive æquali conversione sibi mutuo non respondent.

Cur Lentes
convexiores
circa margi-
nem minus
distinguant.

8. Cum imago post Lentem convexam , ut suprâ diximus , nonnihil convexa sit , nec ex æquo per lineam rectam deponatur , frustra laboratur , si quærat in tubo ex meris convexis Lentibus constructo nunc huc nunc illuc diducto æqualis in vivacitate imaginis per totam proximæ ocularis Lentis superficiem repræsentatio. Ratio etiam hinc patet , cur Lentes magis convexæ ex minori scilicet diametro semper circa marginem minus distinctè species præsentent , quàm quæ minus sunt convexæ sive ex majori diametro.

Quænam
Lentes ma-
gis com-
burant.

9. Inter Lentes æquales quoad magnitudinem illæ minus comburant , quæ sunt majoris sphaeræ segmenta : quoties enim totidem radii ma-
gis

gis aut minus congregantur eò etiam major aut minor fit intensio: sed Lentes æquales quoad magnitudinem totidem radios excipiunt; quæ verò sunt majoris sphaeræ, eos minus uniunt, cum solis imaginem majorem expriment; igitur sunt ad comburendum ineptiores.

Similiter minus efficaciter radiorum concursus focum excitat Lens in portione exilis, quia radii rariores in parvâ vitri portione non sufficiunt ad focum excitandum. Circa materiam fomitis aptius concipiendi flammam singulare aliquid in colore notavit P. Traber Diopt. lib. 3. cap. 15. prob. 2, dum ait, materiam candidiorem nonnihil accensioni obistere, quoniam cum lumine symbolizat, ideòque nigriorem aptiorem esse ad comburendum. Quod mihi tamen non omninò probatur. Nam pannus laneus, sive niger sit sive albus, à joculantibus juvenibus per vitra ustoria æquè citò ac facillè amburitur. Item lana alba circa herbam Fussilaginis seu Farfaræ in lixivio decocta in quo pauxillum nitri dissolutum, & rursus exsiccata albescit, & tamen, ut refert Ioach. Becher. in suo Parnass. Medic. ignitabulum præstat, quod ad momentum quàm citissimè præ omni ferè aliâ materiâ ignem concipit. Et cæt.

10. Omnis Lens convexa à speciebus visibilibus quibuscunque confusis & perturbatis infessa, easdem post se in debitâ distantia ordinat ac distinctè præsentat, sive species illæ sint acceptæ immediate ab ipso objecto, sive ab aliâ aut aliis Lentibus convexis inter objectum & dictam Lentem interceptis. Contra omnis Lens convexa à speciebus visibilibus quibuscunque tandem ordinatis & distinctis infessa, easdem post se confundit, & sine ordine trajicit, sive illæ sint ab objectis immediate, sive ab aliis Lentibus allapsæ. Ratio utriusque facillè ex suprâ demonstratis patet, ac diversæ refractioni assignanda est, qua hic specierum ordinarum singula puncta sese post Lentem expandunt, nec uniri possunt: ibi autem, dum confusè hærent in ipsa Lentis superficie, post Lentem ita ab objecto vel aliis Lentibus determinantur, ut coire & uniri debeant. Quocirca etiam pro regulâ tenendum est: Confusissimus radiorum in quacunque Lentem convexam effluxus parit imaginem ordinatissimam; & ordinatissimus confusissimam; minus verò ordinatus minus confusam, & minus confusus minus dat ordinatam & distinctam imaginem. Quæ regula pro debite collocandis Lentibus convexis ocularibus in tubos plurium Lentium convexarum benè notanda.

Species visibiles infidentes Lentem vel confusè vel distinctè.

11. Vitrum oculare convexum magis apertum in tubo præstat minori cæteris paribus & consideratis considerandis: Nam in majori aperturâ, quia ex singulis convexitatis objecto obversæ punctis procedunt totius objecti coni radiosi in unicam basin communem, & singuli unam speciem deferunt, semper intensiorem quælibet superaddita auget: unde quò Lens est major adeòque magis aperitur, eò plures ejusmodi coni suos radios & per radios picturas conglobant; atque hoc imaginem valdè vegetat. Aliud sentiendum est de Lentibus objectivis.

Oculare vitrum magis apertum quid præstet in tubo.

12. Lentes objectivæ melius elaboratæ possunt & magis detegi, & acutius in tubis patiuntur specillum oculare, hoc est, quod sit minoris sphaeræ: quoties enim accidit, ut non servetur figura circularis, adhuc minus exactè

Lentes melius elaboratæ, quantum pro radiis sint.

radii uniuntur: ergo erit major confusio; quæ ut vitetur, debent pauciores radii adhiberi, nisi fortè per accidens à circulari figura in Hyperbolicam degeneret, quod rarissimè accidit. Propter quam rationem cum perfectiores Lentæ magis detegantur, plures colligent radios; etiamsi adhibeatur specillum oculare acutius præsertim concavum, & hoc licet aliquos radios avertat, nihilominus adhuc alii sufficientes esse poterunt ad objectum clarè repræsentandum.

13. Licet certum sit, quod Lentæ objectivæ, quarum convexitas, quantò est ex majori diametro, adeoque focus magis distat, tantò etiam in tubis collocatæ magis aperiri possint ac debeant. Quantum tamen aperiri quælibet possit ut ita fortiores solùm radios atque idcirco efficaciores cum sufficienti lumine trajiciat ad satis claram distinctamquè imaginem procurandam, difficile mihi videtur determinari posse. *De Chales lib. 1. diopt. prop. 26. corol. 2.* sufficere putat utrinque gradum unum cum 40. minutis ab axe, adeoque tota apertura de circumferentia convexitatis foret grad. 3. min. 20. *Libro deinde 2. diopt. prop. 44.* profert sequentem tabulam, quæ tamen ex eo fundamento non est supputata. Subjungit autem, debere hanc tabulam intelligi de Lentibus mediocribus quoad perfectionem; si enim imperfectæ essent, minùs detegi debere; si perfectissimæ, paulò magis. Sed has aperturas in schemate placuit exhibere secundum similem divisionem pedis Romani, ut Author præfatus habet in suo pede vel qualicunque mensura, quam tamen non indicat.



Tabula

*Tabula aperturae diametri pro Lentibus convexis
objectivis ex Dechales.*

Longitudo Telescopii five distantia basis distin- ctionis à Lente convexa.		Diameter aperturae Lentis convexae,	
Pedes	Digiti	Digiti.	Lineæ.
0	4	0	4
0	6	0	5
0	9	0	6
1	0	0	7
1	6	0	8
2	0	0	10
3	0	1	0
4	0	1	2
5	0	1	4
6	0	1	5
8	0	1	8
10	0	1	10
12	0	2	0
16	0	2	4
20	0	2	7
30	0	3	0
40	0	3	5
50	0	4	0
100	0	5	0
150	0	6	0




Iconismus
II

ICONISMUS


II

Schema amplitudinis diametri aperturae pro Specillis obiectivis


Semis pedis Romani divisi in digitos et lineas.



Digiti



Semis pedis Romani divisi in 10000 particulas.



P. Antonius de Rheita parte I. pag. 35. Oculi Enoch & Eliæ, longè aliam P. Rheita
 tabulam amplitudinis diametri aperturæ profert, quæ juxta divisionem aliam tabu-
 pedis Romani in 10000 æquales particulas eâ industriâ constructa est, ut vi- lam profert.
 tro objectivo ex diametro convexitatis unius pedis tribuat 130 ejusmodi par-
 ticulas pro amplitudine diametri aperturæ; convexo verò duorum pedum
 diametri 260, & sic in continuâ progressionem Arithmetica, dum per pedes
 Romanos procedit, semper differentiam 130 particularum adhibet, ut in
 tabulâ sequenti melius videri potest: quo autem fundamento aut qua ratio-
 ne huc adductus sit, non indicat. Vide Tabulam unâ cum aperturis in
 Schemate.

*Tabula Amplitudinis Diametri aperturæ si ve foraminis in convexo
 sphaerico objectivo secundum Rheitam.*

Longitudo five Diamet. vitri object.	Partes 10000 pedis Romani pro Diametro aperturæ	Longitudo five Diamet. vitri object.	Partes 10000 pedis Romani pro Diametro aperturæ
1	130	60	7800
2	260	70	9100
3	290	80	10400
4	520	90	11700
5	650	100	13000
6	780		
7	910		
8	1040		
9	1170		
10	1300		
11	1430		
12	1560		
13	1690		
14	1820		
15	1950		
16	2080		
17	2210		
18	2340		
19	2470		
20	2600		
21	2730		
22	2860		
23	2990		
24	3120		
25	3250		
30	3900		
40	5200		
50	6500		

Indicatur
differentia
inter praxin
de Chales
& Rheitæ.

Certè maxima differentia est inter praxin de Chales & alteram de Rheita, ut in schemate satis apparet: ille enim ubi vitro objectivo 150. pedum diametri concedit digitos 6. sive pedem dimidium pro apertura diametro, nedum sufficit Rheitæ ad diametrum apertura, quæ concedenda est convexo objectivo ex diametro 40. pedum. Quid ad hæc sagax Lector? ego hic iudicium tuum non moror, & experientiam pro certissimâ regulâ adhibendam dico; est enim praxium omnium Magistra: melius equidem in tubis præsertim longioribus ea applicatur apertura, quæ experimento addiscitur probatissima. Nam ut benè I. C. *Argumentum ab experientiâ sumere bonum est*; & recolendum hic, quod canit Poëta:

Solus & Artifices qui facit Vsus erit.

Lente convexâ quomodo quantitas solaris Eclipsis indagari possit.

14. Potest Lente convexâ quantitas Solaris Eclipsis optimè indagari hoc modo. Observare cupiens Eclipsin Solis inferat Lentem convexam majoris sphaeræ sive ex diametro longiori tubulo breviori, eamquæ foramini obscurati cubiculi ita imponat, ut radii perpendiculariter in tabellam dealbatam planissimam incidentes refracti concurrant, & imaginem Solis exhibeant; videbit tanquam penicillo defectum Solis nitidissimè adumbrari, & quemadmodum in cælo initium, progressus, regressus finisq; contingit, circino omnem quantitatem experimentaliter ad oculum habere poterit: & si orbiculi illuminati, sive Eclipsis apparentis diametrum in 12. partes divisam habuerit, singulorum digitorum quantitatem durationemquæ perfectè assequetur.

Lentium convexarum usus ad imagines scenographicè depictas.

15. Per Lentem convexam (quæ species utcunque amplificat) dum imagines ex Artis Scenographicæ, sive ejus quam perspectivam vocant, regulis depictæ debito loco & modo inspiciuntur, valde curiosè in præclara magnitudine repræsentari possunt; quod obiter hic indico, Artifici suadens experimentum & praxin relinquens, undè multa curiosè deducere & præparare potest.

Imago in Lente convexâ depicta quomodo ad certas distantias trajici possit.

16. Si imago qualiscunque in Lente convexâ dilutis ac diaphanis coloribus depingatur, potest ea diversimodè ad certas distantias trajici. Nam si lampas accensa sit in puncto foci, fit ut imago in pariete æqualis prototypo videatur: cum enim radii luminis à face imaginis coloribus tingantur, & per refractionem ita detorqueantur, ut incedant paralleli, non miscebuntur cum aliis, nec colores confundent. Si verò fax sit propior Lenti, quia radii remittuntur divergentes, fiet imago major prototypo, per simplicem etiam radiorum trajectionem idem habebitur: imago tamen non erit adeò distinctè expressa. Si candela longiùs distet à Lente, fieri poterit in aliquo situ, ut facis flamma inverso situ distinctè in muro opposito appareat; in quo casu imago erit confusissima: nam candela apparet distinctè in pariete, quando radii ab eodem facis puncto in diversas Lentis partes incidentes uniuntur, qui cum tingantur in singulis partibus, erunt radii omnium colorum. Denique, si fax esset remotior, uniretur in foco Lentis, & post unionem rursus separarentur, possentquæ imaginem referre. Hoc modo, si imaginem perlucidam Lenti convexæ apponas, & radios Solis transmitti facias, habebis in duplâ foci distantia imaginem in chartâ oppositâ æqualem prototypo, in majori distantia majorem, sed confusorem, prout

prout libuerit, sed sensim languentem, eò quod radii sensim remittuntur ob maiorem distractionem. De Lucernis magicis, quæ singulari ejusce-
modi artificio construi solent, dicitur infra in Fundamento practico. Item
de praxi quælibet vitia Lentium facillimè deprehendendi, & bonas à ma-
lis discernendi, dicitur ibidem.

17. Profunt acutæ Lentes convexæ ad minutos labores, & ad opera minima valdè artificiosa elaboranda; sed cavendum, ne diu nimis oculis præfigantur, ut indè visus ex nimia assuetudine depravetur. Profunt Me-
dicis ad securissimè & utilissimè amburenda in corporibus, quæ illis ita videntur amburi debere. Profunt Anatomicis mirificè ad minimas venulas ac arterias aliaquè hujusmodi detegenda. Profunt Literatis, dum luce aliàs destituuntur, ut vel à præclara aliqua & præfulgida stella, vel à remoto quantumvis lumine terrestri in ipsâ mediâ nocte facem ad illustrandas fa-
cilèque perlegendas literas accommodent. Plura alia de convexis Lenti-
bus supra jam clariùs sunt indicata, & plurima adhuc sagax Lector infra reperiet.

Ufus Len-
tium acuta-
rum ad mi-
nutos labo-
res,

18. Specillum nimis cavum, sive cujus cavitatis diameter est nimis parva in tubis communibus collocatum, licet valdè augeat objectum; cæ-
teris paribus tamen ita distrahit penicillorum radios, ut paucissimi Retinam ingredi possint. Undè ratio aliqua patet, cur Lentes nimis cavæ in tubis
adhibitæ debiliùs & obscuriùs objecta præsentent.

Specilli ni-
mum cavi.

19. Ad cujuscunque Lentis cavæ sphaericitatem facilè dignoscen-
dam, De Chales Diopt. lib. 2. prop. 54. has praxes præscribit.

*Obverte concavitatem ejus ad objectum, & recede, donec appareat omni-
moda confusio: distantia oculi à specillo erit quarta pars diametri concavitatis. Vel
objecti remoti & valdè conspicui imaginem per reflexionem formatam in
charta distinctam exhibe; chartæ distantia à Lente erit quarta pars diametri
concavitatis. Deniquè recede à specillo concavo, donec seipsum oculus distinctè
videat, erit tunc in centro concavitatis. Verum alia praxis infra dabitur.*



SYNTAGMA II.

De variâ quarumvis Lentium dioptricarum, tam inter se, quam cum oculo naturali combinatione, ac de cujuslibet talis combinationis proprietatibus & effectibus dioptrico-mathematicis.



Uæ præcedenti Syntagmate prælusimus; ad cognoscendam Lentium qualiumcunq; solitariè & seorsim sumptarum inrefringendis radius naturam & efficaciam spectant: quæ modò præsumimus, ex varia Lentium quarumlibet combinatione ad construenda affabrè machinamenta & artificiosa varia instrumenta Tele-dioptrica collineant, quæ oculo naturali applicata eundem mirabiliter armare possunt, ut ea planius perlustrare queat, quæ vigore naturali contueri minimè valet. Ordo autem hæc exactius tractandi postulat, ut prius generaliter varias combinationes afferamus cum earundem inrefringendo proprietatibus: deindè, ut varias Lentes cum oculo naturali comparemus, & earum effectus inquiramus ac demonstremus. Præmissis igitur nonnullis suppositionibus ad faciliorem tractationem rei præsentis de Lentium combinationibus sit.

CAPUT



CAPUT I.

*Hypotheses & Suppositiones ex præceden-
tibus collectæ pro faciliore tractatione Capitulum
sequentium.*

ANtequàm negotium combinationis quarumlibet Lentium ordiamur, pro meliori tractatione aliqua præsupponere libuit, quæ vel aliundè & antecedenter à nobis demonstrata sunt, velex hætenus demonstratis facilè deduci queunt.

Suppositio I.

Concursus radiorum post Lentem quaslibet convexas situ parallelo oppositas, objecto ad distinctam imaginem exhibendam fit in iis radiis, qui per centrum, propè verticem cujuslibet Lentis transeunt.

Deduci potest ex prop. 14. Synt. præced. & corollariis ibidem. Cum enim radii per centrum Lentis propè verticem transeunt virtualiter sint irrefracti, eò quòd habeant refractum sibi respondentem physicè parallelum; seu ferè in directum progredientem, nisi quantum crassities Lentis obstat, eodem modo ab his radiis magnitudo imaginis determinabitur, ac si simpliciter rectà per foramen minutum trajiceretur, ut supra in coroll. i. prop. 19. præc. Synt. protulimus. In praxi igitur neglectâ Lentis crassitie, si ab extremitatibus objecti duo radii, velut A G F & B G E per centrum G seu verticem Lentis C G D quasi G esset minutum foramen ducantur, determinabunt diametrum E F imaginis transmissæ.

Suppositio II.

Cum post Lentem aliquam convexam alia Lens applicatur, radii primæ Lentis diametrum imaginis non determinabunt, sed alii ab axe aqualiter tantò magis remoti & ad centrum propè verticem secundæ Lentis concurrentes sesequè intersecantes, quantò secunda Lens à prima Lente ad hujus communem basin distinctionis sive imaginem trajectam magis accedit, ut patet in figurâ. Nam posito, quòd alia secunda Lens inter Lentem primam C D & ejus imaginem E F applicetur puncto c, radii ibidem concurrentes & sese intersecantes à prima Lente C D refracti velut A b c E & B a c F determinabunt diametrum imaginis.

Si ea-

Si eadem Lens secunda ponatur loco e, cum jam Lens secunda propius accedat ad imaginem EF, erunt radii diametrum imaginis determinantes AfeE & BdeF ab axe Lentis primæ remotiores &c. unde & sequitur


Suppositio III.

„ Quod quanto Lens secunda propius
 „ accedit ad imaginem primæ Lentis, tanto
 „ major sit angulus ad verticem concursus
 „ radiorum determinantium imaginis dia-
 „ metrum, per prop. 21. primi Euclid.
 „ uti angulus g major est angulo e, &
 „ hic major angulo c, hic rursus major
 „ erit angulo G, qui licet sit minimus;
 „ determinabit tamen simpliciter maxi-
 „ mam imaginis diametrum, si Lens alia
 „ convexa qualiscunque inter Lentem
 „ primam & ejus imaginem interponatur.
 „ Sed hoc clarius infra.

Suppositio IV.

„ Cum plures Lentes convexæ post
 „ aliquam primam Lentem convexam &
 „ inter ejus basin communem distinctionis
 „ collocantur, sola ultima Lens determina-
 „ bit veram imaginis diametrum per eos
 „ radios, qui propè verticem ultimæ Lentis
 „ ad ejus centrum physice irrefracti trans-
 „ eunt.

Suppo-



Suppositio V.

Imago ab aliqua Lente artificialiter expressa eodem modo radiat in aliam Lentem post imaginem expressam collocatam, ac si ipsa esset lucidum aliquod sive objectum verum eodem loco collocatum. Nisi quod singula ejus puncta in totam Lentis alterius superficiem radiare sæpè non possit, cum radii similiter post puncta concursus in imagine etsi diverso ordine progrediantur in Lentem alteram; siquidem idem punctum concursus in imagine expressum libere radiare non possit, sed solum ita prout à radiis ante illam imaginem in directum denuò prolabantibus, usque dum Lentem secundam attingant, determinantur. Itaque dum plures Lentes convexæ coniunguntur, non possunt omnes radii semper in imagine ad secundam Lentem appellere; ut patet in figura, ubi imago FG æque in Lentem KLM radiat, ac lucidum AB Lentem CDE: radii autem CGI & EFH ad secundam Lentem non appellant. Sic nec ex puncto imaginis F aliquis ad M locum secundæ Lentis potest radiare, quia nullus radius huic determinatur.

Suppositio VI.

Post distinctam imaginem alicujus Lentis præposita cum Lens alia convexa statuitur in distantia foci sui, radii omnes post eandem Lentem egredientur paralleli. Ut si Lentis KLM foci distantia foret LG, radii ab imaginis FG puncto G veluti sunt GL & GM post Lentem egredientur ab L in N & ab M in O, eruntque LN & MO & quicunque alii inter ipsos paralleli per coroll. 4. prop. 18. syntag. præc. Cum verò Lens secunda ponitur propius quàm sit distantia sui foci, radii ab aliquo imaginis puncto progressi post Lentem fiunt divergentes; at si lon-

gius collocetur quàm sit distantia foci sui, radii post eam procedent convergentes; Ut patet ex eodem coroll. cit.

Suppositio VII.

Diametri imaginum objectorum multum distantium, quorum nempe radii incidentes sunt physice paralleli, se habent inter se ut diametri sphaerarum, quarum Lentes sunt portiones ceteris paribus; Patet ex coroll. 1. prop. 17. syntag. præced.

Suppositio VIII.

Cum Lenticum mysterium plurimum consistat in perfecta & sincera radiorum refractione, non poterunt ab objecto transfusa species perfecte sese communicare, nisi Lentes perpendiculariter fuerint opposita. Repræsentatio enim perfecta contingit per radios ab objecti singulis punctis procedentes, si per utramque Lentem refracti lineis rectis ultimamè transferantur: si verò Lentes distortè sibi mutuò obversæ fuerint, radii à punctis objecti in primam Lentem incidentes non possunt deferri debite in secundam, sed extra ejusdem superficiem in aëre dispersi ad locum destinatum pertingere non poterunt: consequenter species ex lateralibus & insinceris radiis consurgentes non nisi confuse apparebunt.

Suppositio IX.

Oculus naturalis in usu & applicatione Lenticum quarumlibet dioptricarum habet se per modum Lentis plurimum convexa: ut tamen sensationem facere possit, requirit imaginem formari in retina. Vide dicta fund. I. syntag. 3.

Suppositio X.

Quantò angulus radiorum determinantium imaginis diametrum in retina formata ad centrum seu verticem humoris crystallini major est; tantò objectum per species adductum foris apparet majus. Et è contra, quantò angulus minor est, tantò etiam minus objectum comparet.

Suppositio XI.

Actus videndi sequitur modum & qualitatem repræsentandi; Undè dum repræsentatio visibilium antecedit confusa, sequitur etiam visio confusa. Si repræsentatio est clara, ordinata & distincta, similiter talis visio consequitur. Si objecti alicujus imago in oculo repræsentatur eversa, objectum videtur erectum; si verò erecta, eversum: & quod repræsentatur ad sinistram, foris existit ad dextram; & quod dextrum, foris erit ad sinistram juxta Lentis convexæ naturam & vim repræsentandi, ad cuius modum se habere tutò supponitur.

Suppositio XII.

Oculus naturaliter ita constructus est, ut si distincta imago in retina formanda sit, debeant radii objectorum ante ejus ingressum esse vel paralleli, vel divergentes. Nec enim ullus oculus sanus ita dispositus est ad videndum distinctè objecta, quorum radios excipit convergentes.





CAPUT II.


De varia Lentium convexarum combinatione cum proprietatibus & earum effectibus dioptricis.

Propositio I. Theorema.

Lens convexa in puncto foci alterius primæ Lentis sive in ejus basi distinctionis collocata ab utraque sic juncta, distinctionem imaginem non exhibet.

Sit Lens convexa AB quæ præcisè sit collocata in foco E seu basi distinctionis Lentis CD. Dico per duas ita conjunctas Lentes imaginem exprimi non posse.

Demonstratio. Ponamus objecti radiantis punctum F colligi post Demonstratio
Lentem CD in puncto E; quia per coroll. 6. prop. 18. synt. præc. radii ab Ravio.
eodem puncto ulterius prolapsi divergunt etiam posita refractione in puncto E radii ulterius producti se in eodem puncto E interfecabunt, unde necessario fient divergentes, licet ob refractionem minus divergant, quam si liberè procederent; manent tamen ita divergentes, quasi ex remotiori loco provenirent: Non possunt autem radii divergentes imaginem exprimere, cum ad hoc requiratur concursus radiorum. Ergo dum Lens secunda collocatur præcisè in foco seu basi distinctionis primæ alicujus Lentis convexæ imago non potest exprimi; quod erat demonstrandum.




Corollarium.

Similiter ostendi potest, si secunda Lens distet à foco E primæ Lentis CD in distantia sui foci, quod nulla possit exprimi imago. Nam quia per suppos. 5. hujus, imago formata ad punctum E focum primæ Lentis eodem modo radiat, ac si ipsa esset lucidum aliquod verum objectum: atque cum hæc ipsa imago supponatur esse in distantia foci secundæ Lentis, per suppos. 6. hujus, aut per coroll. 4. prop. 18. præc. synt. radii Lentem secundam transgressi fient paralleli, adeoque formare nullam imaginem poterunt. -- Item neque si secunda Lens propius quàm sit ejus focus admoveatur ad focum E Lentis primæ (ita tamen ut post focum E existat) imago exhiberi poterit, quia per eandem suppos. & idem coroll. citatum, radii egrederentur divergentes, qui imaginem etiam formare non possunt.

Propositio II. Theorema.

Lens convexa secunda post focum primæ alicujus Lentis convexæ collocata in ea distantia, quæ major sit sui foci distantia, habere potest distinctam objecti imaginem.



Sit Lens convexa secunda HIK quæ statuatur post basin distinctionis sive imaginem FG aut focus primæ Lentis CDE eo in loco, qui & sit ultra imaginem FG in distantia, quæ major sit OI distantia scilicet foci Lentis secundæ HIK, ut si secunda Lens sit plano convexa, distantia imaginis FG à Lentē HIK major sit diametro convexitatis ejusdem secundæ Lentis HIK. Si verò utrinq; æqualiter convexa sit major semidiametro secundæ Lentis. Dico post Lentem HIK aliquam imaginem depingendam.

Demonstratio. Cum exempli gratia punctum F imaginis FG per suppos. 5. hujus eodem modo radiet in Lentem HIK, ac si esset lucidum ibidem collocatum; punctum autem F, ut supponitur, magis distet à Lentē HIK, quàm hujus focus O, radii per suppos. 6. supra, post Lentem illam convergentes aliquando cum eo radio, qui per I centrum Lentis HIK transit, concurrent: igitur convenient in puncto M. Similiter ostendam, quòd radii à puncto G profluxi conveniant post secundam Lentem in L: idem eveniet quibuslibet aliis punctis radiantibus ab imagine FG; nam certis locis intra basin LM unientur. Ergò imaginem expriment, quod erat demonstrandum.

Demonstratio.

Corollarium I.

Imago secunda LM post Lentem HK est imagini priori FG contraposta eundem nempe situm habens, quem habet ipsum objectum AB. Undè facile datur intelligi praxis per duas Lentes convexas in camera obscura species erigendi: debet enim distantia utriusque Lentis ab invicem major esse, quàm sit composita distantia utriusque Lentis focorum una junctorum.

Praxis in camera obscura per duas Lentes convexas species erigendi.

Corollarium II.

Quò propior Lens HIK admovebitur imagini FG [modò tamen adhuc distet majori distantia, quàm sit focus proprius] eò magis secunda imago LM di-

LM distabit, & consequenter major erit, cum radii ad verticem secundæ Lentis majorem angulum comprehendant. Quia per coroll. 4. prop. 18. synt. præc. si lucidum (ad cuiusmodum se habet imago FG per suppos. 5.) magis accedet ad Lentem HK, eò imago ejus magis recedit & fit major, donec FG sit in puncto foci Lentis ejusdem HK, tunc imago ejus infinitè distabit nec exprimi poterit per præced. Quando verò imago FG est in dupla distantia foci Lentis HK, imago LM erit æqualis priori imagini F, & æqualiter distabit à Lente HK sive in distantia dupla foci ejusdem Lentis.

Corollarium III.

Praxis ad
quamcunq;
datam di-
stantiam
imaginem
præsen-
tandi.

Hinc etiam praxis addiscitur, ad datam quamcunque distantiam, modo illa major sit distantia foci Lentis HK, imaginem secundam exprimendi. Lens secunda HK firmiter ad datam aliquam distantiam IP teneatur ante chartam vel parietem album; dum Lens prima CE ita ante secundam Lentem applicetur, ut focus primæ Lentis semper existat ante distantiam foci secundæ Lentis, ac tam diu huc illucque moveatur, donec distinctissima imago LM in charta vel pariete compareat: quâ conspecta Lens CE firmari poterit. Lucidum enim exempli gratia punctum F, si sensim admoveatur, recedit ejus imago in M; si verò removetur magis accedit.


Corollarium IV.

Cur imago
distinctior
circa me-
dium.

Imago secunda per duas Lentès convexas trajecta semper circa medium vivida magis & distincta existit, quàm circa marginem. Nam in imagine LPM punctum P pluribus radiis iisque ordinationibus ac magis directis adeoque fortioribus à puncto N objecti ANB profectis depingitur. Dum enim punctum N se in totam Lentem CDE expandit, rursus omnes radios à se profluxos dirigit & unit in puncto medio S imaginis FSG: inde verò dum novâ digressionē in totam Lentem secundam HIK radii sese expandunt, denuo omnes factâ refractione per Lentem secundam prolapsi in puncto P colliguntur. Quod non ita contingit in aliis punctis objecti ANB remotioribus: nam licet punctum A radiatione suâ se expandat super totam Lentem CDE & rursus colligatur in puncto G primæ basis distinctionis; radii tamen non omnes Lentem HK transire possunt, neque punctum illud G noviter sese super totam Lentem H expandere potest; verum illi radii, qui sunt inter K & R abscedunt, solum autem ii qui à puncto G per radios GIL & KGL in punctum L prolabuntur & ibidem colliguntur. Sunt autem ii radii obliquiores plerique, adeoque debiliores; item pauciores, ac ideò minus vividi, ideò ibidem circa marginem imago necessariò minus vivida & ordinata existit.

Propositio III. Theorema.

Lens convexa post alteram convexam ante punctum concursus radiorum incidentium parallelorum si-ve focum realem principalem collocata accelerat concursum penicillorum & facit distinctam distantium objectorum per ambas Lentes radiantium imaginem minorem.



SIt objectum distans A B, Lens prima C D cujus focus si-ve basis distinctionis G H: Lens secunda E F posita intra Lentem C D & basin G H. Dico primò, quòd radii ex quolibet objecti A B puncto provenientes & per ambas ita dispositas Lentes pergressi citius uniuntur, nempe ante basin G H primæ Lentis soliùs, velut in I K, ita ut radii puncti A colligantur in K; puncti verò B in I.

Demonstratio. Nam quia radii omnes ab A prodeuntes vi primæ Lentis post ipsam convergunt & uniuntur in H: item radii omnes ex B prodeuntes in G; undè necessariò post Lentem primam C D convergentes procedent. Interposità itaque secundâ Lente inter primam & ejus imaginem seu basin distinctionis G H, omnes radii multò obliquius incident in secundam Lentem E F, quàm in primam C D, idèoque à perpendiculari fient magis divergentes in egressu secundæ Lentis; cum per Axioma 3. præced. syntag. quo major fit inclinatio quorumlibet radiorum, eò etiam major refractione fieri debeat. Citiùs igitur radii post secundam Lentem concurrent, quod erat primò demonstrandum.

Dico secundò, quòd imago distincta I K, dum indicatà combinatio fit Lentis E F cum C D, fiat minor imagine G H per solam Lentem C D trajectâ. Nam dum concursus penicillorum propiùs contingit ob majorem refractionem, & imaginis diameter per radios illos determinatur, qui per centrum Lentis ad verticem L secundæ Lentis E F transeunt, necessariò imago I K minor erit, quod erat etiam demonstrandum.

Corol-

Corollarium 1.

Quomodo
imago ma-
jor aut mi-
nor fiat.

Secunda Lens, quantò magis distat à primâ Lente intra hujus basim distinctionis, tantò major erit quidem imago, semper tamen minor, quàm si sola Lens minor poneretur: & quantò magis Lens secunda ad primam applicatur, tantò minor erit imago, usquè dum ambæ Lentes se mutuò contingunt, ubi imago omnium fit minima. Ratio est, quia dum secunda Lens, quantò ita magis intra primæ Lentis basim distinctionis abest ab eadem Lente primâ, tantò radii determinantes diametrum imaginis majorem angulum comprehendunt per suppos. 3. supra. Dum autem proximè ad Lentem primam constituta est Lens secunda, omnium minimum habet ut ex eadem suppos. constat. Undè etiâ, cum radiorum aliorum concursus ad ipsos radii determinantes per hanc propos. acceleretur, necessariò imago semper minor existere debet, quàm si Lens prima sola poneretur: omnium autem minima cum angulus ad verticem minimus est, quod contingit, quando Lens secunda proximè ad Lentem primam juncta est.

Corollarium II.

Qualis
imago ab
æqualibus
lentibus ef-
ficiatur.

Cum duæ Lentes quæ sunt æqualium sphaerarum portiones intra focum alterutrius conjunguntur, imago quæ per has Lentes ita junctas exhibetur, erit minor imagine utriusquè Lentis seorsim spectata. Cum enim quæ à duabus Lentibus producit imago, sit minor eâ, quæ à Lente primâ solâ seorsim procedit; altera porro sit primæ æqualis, etiam minor erit eâ, quæ à secundâ solâ seorsim procedit per Axiom. I. primi Euclid. Imago igitur orta ex duabus Lentibus æqualibus minor est imagine utriusquè Lentis seorsim spectatâ.

Corollarium III.

Qualis
imago fiat
cum lens
secunda fu-
erit majoris
sphaericitatis.

Etiâ si secunda Lens majoris sphaeræ portio sit, quàm prima, imago ex utraque simul orta minor est illâ, quæ ab utralibet seorsim sumptarum procedit. Cum enim imago duarum Lentium simul junctarum minor sit imagine primæ Lentis seorsim sumptæ, & imago primæ Lentis sit minor imagine secundæ (cum illa sit minoris, hæc autem majoris sphaeræ portio) erit etiam duarum simul junctarum Lentium imago minor imagine secundæ seorsim sumptæ.

Corolia-

Corollarium IV.

Quò plures Lentes invicem junguntur, tantò imago minor exhibetur : ut si adhuc tertia vel quarta Lens adhibeatur, semper minor imago fiet ; modò tamen constituentur ante concursum proximè præcedentis cujuslibet Lentis.

Imago
qualis fiat
post plures
lentes.

Corollarium V.

Dum plures Lentes convexæ se invicem tangunt, semper per eas minima imago ex illis ita simul junctis producitur.

Quid acci-
dat si plures
lentes se tan-
gant.

Corollarium VI.

Imago seu basis distinctionis post aliam aut plures simul Lentes intra primam aliquam Lentem & ejus basim distinctionis collocatas efformata, minus distat ab ultimâ Lente ; quàm hujus basis ordinata, si solitariè ponetur. Nam dum post plures Lentes ultima aliqua dicto modo collocatur, radiis plus refractis & ad concursum magis properantibus efformatur : quod non contingit, dum solitariè ponitur, cum radii sint directiores, ac minus refringantur, adeòque tardius cum determinantibus imaginis diametrum uniantur.

Distantia
imaginis.

Corollarium VII.

Duæ Lentes convexæ majoris sphæricitatis possunt æquivalere uni Lenti convexæ minoris sphæricitatis.

Corollarium VIII.

Si objectum vel aliqua objecti imago collocetur eo loco, quo per ita combinatas Lentes intra primæ alicujus Lentis focum à radiis à longinquo progressis procuraretur imago, radios vicissim post illam combinationem inde remittet parallelus sive in longinquum directos, cum reciprocum sit Lucis & radiorum iter.

Objectum
loco imagi-
nis collo-
catum.

Propositio IV. Theorema.



Si Lens convexa secunda, quæ sit minoris sphæræ portio, intra focum sive basim distinctionis post aliquam primam, quæ sit majoris sphæræ portio collocetur, potest diverso situ exhibere imaginem, nunc minorem, nunc æqualem, nunc majorem eâ, quæ à secundâ Lente sola seorsim pingitur.

Sit Lens convexa prior AB majoris sphæricitatis sive ex majori diametro ; cujus basis distinctionis HK : Lens verò minoris sphæricitatis sit FG.
Dico

Q

Dico quod Lens secunda FG possit diverso situ inter Lentem primam AB & ejus basim distinctionis HK collocata, imaginem projicere; nunc minorem eâ quam projiceret, si sola Lens secunda poneretur, & quidem tunc, quando proximè ad primam Lentem AB statuitur: nunc æqualem, situ aliquo intermedio inter Lentem primam & ejus focum, ut patet in figurâ secunda: nunc etiam majorem, tunc scilicet, quando propè basim distinctionis HK collocatur.

Ita rem se habere meliùs practicè ab experienciâ addisces, quam sic institues. Sume duas Lentes convexas oculares, quarum una utrinque sit æqualiter majoris sphæricitatis, sive ex majori diametro; altera verò sit minoris; adeoque una basim distinctionis longiùs protrudat, quàm alia. Deinde juxta *pro. 17. synt. præc.* minoris Lentis inquire basim distinctionis ad album aliquem parietem ut fenestræ alicujus imago distinctissimè ibidem compareat. Porro hujus imaginis in pariete comparentis magnitudinem plumbagine, atramento vel quovis alio modo ibidem nota. Deinde amotâ lente minore appone ibidem similiter alteram lentem majorem & inquire ejus basim distinctionis super notatam antea imaginem. Hâc inventa rursus intra Lentem majorem & ejus basim distinctionis applica Lentem minorem diversis locis, ut suprà indicatum. Notandum tamen, quia per *præced.* concursus penicillorum acceleratur, debet major Lens etiam paulò propior parieti applicari, ut melius ipsâ experienciâ advertes. Videbis ita, si Lens minor proximè apponatur parieti, quod imago per ambas Lentes trajecta major sit illâ, quæ priùs per Lentem minorem solam seorsim notata fuit. Quod si circa mediam distantiam Lentis majoris à sua basi distinctionis applicetur, videbis imaginem aliquo loco trajici justè æqualem priori ex solâ Lente minore appictæ. Si denique Lentem minorem jungas immediatè cum Lente majore, & trajectam imaginem super notatam primò magnitudinem radiare permittas, multò minorem illâ advertes.



Demonstratio. Nam primo dum Lens minor propè basim distinctionis indicato modo interponitur, Lentis FIG minoris seorsim sumptæ radii diametrum imaginis determinantes, cum per suppos. 1. supra. sint E Ia & DI b, erit a b basis distinctionis. Et quia per suppos. 2. supra illa basis distinctionis ex interpositione secundæ Lentis non manet, sed alii radii ab axe C Lentis majoris A C B magis remoti, & in Lente hâc refracti, qui veniunt Ex. gr. ex objecti puncto E per BI in c, & ex puncto D per AI in d, determinabunt diametrum basis distinctionis c d, fietque angulus c I d major angulo a I b. Cum quoque per præc. concursus radorum ad determinantes acceleretur, fiet imago c d à duabus Lentibus ita collocatis efformata major a b, quæ à sola Lente minore seorsim sola formatur, ut in figura patet.

Secundò ostendam facile, si Lens minor FIG immediate post Lentem majorem A C B collocetur, quod imago à duabus Lentibus ita conjunctis efformata sit minor ea, quam quæ eo loco à solâ Lente minore depingitur: quia radii determinantes diametrum imaginis, qui ad axem C primæ Lentis majoris proximè accedunt, adeoque penè conveniunt, angulum etiam propè æqualem ad verticem constituunt. Cum deinde acceleretur concursus penicillorum post secundam Lentem minorem interpositam, propius contingeret basis distinctionis, fietque imago c d necessario minor eâ, scilicet a b ibidem, quæ pingeretur, si sola Lens minor poneretur.

Tertiò interpositâ Lente minore spatio aliquo medio inter Lentem majorem & ejus basim distinctionis, quod depingatur imago æqualis ei, quæ à solâ Lente minore seorsim pingitur, accidit ex radiorum determinantium utramque basim ad accelerantes concursum penicillorum secundæ Lentis minoris appositæ certâ proportionē, ita ut quantò angulus determinantium ad centrum secundæ cum majore Lente præposita major est angulo ex sola Lente secunda seorsim ibidem positâ, tantò basis hujus longiùs ab alterâ basi per combinationē efformatâ distet; ut ita ambæ bases æquales quasi inter parallelas procedant, velut figura altera seorsim appicta clarè monstrat. Transitus etiam dum fit à minore ad majorem imaginem intra basim distinctionis primæ Lentis & ipsam Lentem primam, dum secunda Lens interposita movetur ab uno termino ad alium necessariò aliquo loco mediare debet imago æqualis, ergo, &c.

Corollarium I.

Ab accessu
secundæ
Lentis ad
primam
quomodo
distet basis
distinctionis
à Lente
prima.

Ex hac & præcedenti sequitur, quod quantò inter Lentem convexam aliquam priorem & ejus focum seu basim distinctionis Lens alia convexa secunda propius Lenti priori apponitur, tantò distantia basis distinctionis ex utrâque Lente efformata à priori Lente minùs distet: quantò verò longiùs inter indicatam distantiam Lens secunda applicatur, tantò etiam remotior ab eadem primâ Lente fiat basis distinctionis.

Corollarium II.

Quomodo
à secunda
Lente eadem
basis
distet.


Considerata tamen solâ Lente secundâ in combinatione duarum Lentium convexarum, quantò Lens secunda magis distat inter indicatam distantiam, tantò propior Lenti secundæ fit basis distinctionis. Quia dum angulus determinantium diametrum imaginis fit major, adeoque radii determinantes plus divaricantur, alii radii ad punctum propinquius convergunt, unde eò propior Lenti concursus radiorum contingit. Quantò autem Lens secunda minùs distat à primâ, tantò angulus determinantium minor est, & radii convergunt ad punctum à secundâ Lente remotius, unde concursus longiùs distabit, adeoque basis distinctionis longiùs ordinabitur.

Propositio V. Theorema.

Objectum in puncto foci primæ alicujus Lentis convexæ constitutum, adhibitâ secundâ Lente convexâ aliquam habere potest imaginem.

SIt objectum AB constitutum in puncto foci Lentis CED, quod singulorum partium radios remittat parallelos illis, qui per E centrum Lentis transeunt. Dico fieri posse, ut adhibitâ secundâ Lente FGH objecti AB imago IK depingatur post Lentem FH.

Demon-



Demonstratio. Nam quia ^{Demon-} ex hypothesi objectum statuitur ^{ratio.} in distantia foci primæ Lentis, per coroll. 4. prop. 18. synt. præced. radii post eam progredientur paralleli; sed dum paralleli incidunt in secundam Lentem, quæ si est plano-convexa radii post eam colligentur in distantia diametri convexitatis; si verò utrinque convexa æqualiter, in distantia semidiametri; vel si convexa utrinque sed inæqualiter in aliâ competente, ut supra vidimus: atque ita dum colliguntur radii, formari poterit imago, quod erat demonstrandum.

Corollarium I.

Quò major in amplitudine seu latitudine fuerit Lens secunda FH, hoc plures radios excipiet, & consequenter vivaciorem imaginem formare poterit. Nam Exempli causa radii CL & DM & plures ante istos etiam à Lente secundâ apprehendi possent, qui aliàs abscederent & perirent. Quod verum circa objecti exteriores partes, non verò medias.

Amplitudo seu latitudo lentis secundæ quid conferat.

Corollarium II.

Quò Lens secunda FH magis admovebitur Lenti primæ CD, eò plures radios, & quò magis removebitur, pauciores excipiet. Nam dum magis admovebitur, radios ab exterioribus partibus objecti post Lentem primam ad latus abscedentes etiam admittere poterit; quod fieri non potest, si longius remota sit. Hoc ipsum etiam solum de partibus exterioribus objecti radiantibus, non verò de mediis intelligendum.

Admotio secundæ lentis ad primam quid præstet.

Corollarium III.

Quò Lens secunda amplior in latitudine fuerit, vel quò magis Lenti primæ admovebitur, eò plurimum objectorum imaginem exprimere, siue plus de objecto majori representare poterit. Sic radius NEO ex puncto N objecti majoris per E centrum primæ Lentis directus, quia determinat diametrum imaginis, ac majorem eandem efficit, si Lens secunda FH aut propior Lenti CD fuerit, aut amplior in latitudine, radium EO apprehendere poterit: quòd tamen fieri nequit, si aut Lens secunda fuerit remotior à Lente prima, vel minor in amplitudine seu latitudine. Hinc etiam ratio patet, cur quantò magis Lens secunda à primâ Lente removeatur, tantò minus de objecto ostendatur.

Quomodo plus de objecto majori representari possit.

Corollarium 1 V.

Unde ob-
jecti imago
major fieri
possit.

Quò secunda Lens FH erit majoris sphaeræ portio, eò major erit imago objecti. Nam per suppos. 7. diametri imaginum objectorum multum vel ita distantium, ut eorum radii reputentur pro physicè parallelis, se habent inter se ut diametri sphaerarum, quarum Lentes sunt portiones: dum itaque radii ante secundam Lentem sunt physicè paralleli; igitur Lens sphaeræ majoris majorem exhibebit imaginem. Item quò prima Lens fuerit majoris sphaeræ portio, eò minus objectum repræsentabitur. Et si æquales ambæ Lentes in sphaericitate fuerint, imago æqualis objecto ita situato procurabitur.

Corollarium V.

Imago à secundâ Lente FH semper eadem distantia proprii sui foci distabit, sive Lens secunda propior sive remotior à primâ Lente extiterit, aut fuerit qualiscunque in amplitudine seu latitudine apertura, cum semper à radiis parallelis formetur, qui focum, ut supra vidimus, determinatum habent.


Propositio VI. Theorema.

Objectum propius Lenti primæ admotum, quàm sit ejus focus, adhibitâ secundâ Lente aliquam potest imaginem habere.

Sit objectum AB propius Lenti CD admotum, quàm sit ejus focus Q, adhibeaturque secunda Lens EF. Dico fieri posse, ut post Lentem EF formetur aliqua distincta imago.

Demon-
stratio.

Demonstratio. Per Coroll. 4. prop. 18. Synt. præc. objecti radiantis punctum A inter focum Q Lentis primæ & ipsam Lentem primam CD positum, post refractionem in Lente CD factam habet radios ita divergentes, quasi venirent ab aliquo puncto ulterius in protracto radio FIA G posito. Sit illud punctum G. Quare omnes radii DM, IF, CO, & alii quicunque inter illos producti concurrent in puncto G. Removeatur jam Lens CD, & cogitetur objectum esse positum in GH, & à punctis



punctis G & H per O centrum Lentis EF prolabi radios determinantes diametrum imaginis, nempe GOP & HON. Cum igitur verbi gratia punctum G radians in solam Lentem EF habeat imaginem per idem Coroll. 4. citatum post Lentem EF: interpositâ autem Lente CD ad distantiam ab objecto AB, ut ea sit minor distantia sui foci Q, cum punctum A similiter radiet per Lentem CD in Lentem EF atque punctum G in solam Lentem EF; etiam similiter post Lentem radii ex puncto A prolapsi ac diversimodè refracti, ut sunt radii AIFP, ACOP & quicunque alii inter ipsos in puncto P concurrent. Eodem modo ostendam radios ex puncto B prolapsos in puncto N concursuros: atque ita distincta imago efformari poterit, quod erat demonstrandum.

Corollarium I.

Quò Lens secunda EF magis recedit à Lente primâ CD, eo ipsi fit propior imago NP & minor. Nam per idem Coroll. 4. prop. 18. supra, quò Lens EF magis recedit ab objecto G radiante, eò ipsi fit propior radiorum concursus. Item, quò magis removebitur Lens CD, eò minor erit angulus GOH, & ad verticem oppositus ei æqualis NOP, adeoque radii NO & PO minorem diametrum imaginis determinabunt.

Corollarium II.

Si Lens EF sit ita magnæ sphaeræ, ut distantia GO sit æqualis vel minor distantia ejus foci, nulla imago haberi poterit: quia post Lentem EF ita collocatam procederent vel paralleli vel divergentes

per idem Coroll. 4. prop. 18. supra. Quòd si distantia GO dupla sit distantia foci Lentis EF, imago ordinabitur ad duplam distantiam foci à Lente EF per idem Coroll.

Corolla-

Corollarium 111.

Imago ma-
jor & in
majori di-
stantia
quomodo
exprimen-
da.

Ut imago ad majorem distantiam & major exprimatur, Lens secunda EF propius Lenti CD admovenda est: quia tunc propior fiet punctis radiantibus G & H; adeoque longius post se protrudet basim distinctionis.

Corollarium IV.

Quomodo
plures radii
ad aliquam
imaginem
dirigendi,

Quò Lens EF propior erit Lenti CD, eò plures excipiet radios; cum radios DM & CL, & qui intra ipsos sunt, quique in longiori collocatione Lentis secundæ aliò deviarent, etiam recipere possit. Undè etiam illud hinc emolumenti haberi potest, quòd ex tali Lentium collocatione plures radii ad aliquam formandam imaginem dirigi possint, quàm si ad unicam Lentem directè solùm progressi indè aliam similem imaginem, minus tamen vivacem procurarent.

Corollarium V.

Quò Lens prima CD fuerit minoris sphaeræ portio, eò radios minus emittit divergentes. Cum enim in minore Lente major fiat refractione, radii refracti magis accedent ad parallelos, ideòque detorquebuntur, quasi puncta G & H essent remotiora. Quarè etiam tantò magis imago NP ad secundæ Lentis focum propius accedet.

Corollarium VI.

Quomodo
major ima-
go procu-
randa.

Quò prima Lens fuerit minoris sphaeræ portio, eò major cæteris paribus imago à secundâ majori Lente formari poterit. Nam quia per præcedens Coroll. quò Lens prima minoris est sphaeræ portio, eò radii post eam minus sunt divergentes, procedentque quasi ex remotiori loco venirent, undè puncta G & H erunt magis distracta, quàm sint puncta a & b: quantò autem magis distrahuntur, tantò magis radii determinantes diametrum imaginis post centrum O secundæ Lentis transeuntes, angulum O majorem efficient, quàm sit is, qui ab aliâ Lente minus convexâ fieret, cum puncta G & H magis versus B existerent, velut in a & b, undè angulus b o a minor necessario fieret angulo H O G. Ergo

Corollarium VII.

In casu propositionis imago semper ultra focum secundæ Lentis formatur; cum enim Lens EF, si parallelos radios accipiat incidentes, eos uniat ad distantiam foci sui; hic autem accipiat divergentes, non aliter nisi ultra focum unire poterit.

Corolla.

Corollarium VIII.

Manentibus in eâdem distantia inter se Lentibus CD & EF, quò propius Lens prima CD objecto AB intra foci sui distantiam apponitur, eò imago NP fiet major, & longius à Lente secundâ EF, removebitur.

Propositio VII. Theorema.

Si objectum paulò magis distat à Lente aliqua prima convexa, quàm sit focus ejus, admota alia secunda Lente aliquam potest habere imaginem.

It objectum præcedentis figuræ AB paulò magis à primâ Lente CD remotum, quàm sit ejus focus Q. Dico, si admoveatur Lens secunda EF, fieri posse, ut procuretur aliqua imago distincta post Lentem EF.

Demonstratio. Nam quia per coroll. 4. prop. 18. synt. præc. radii refracti ad eandem objecti partem pertinentes convergunt quantum volueris pro majori vel minori objecti AB distantia. Sed si radii convergentes in Lentem convexam EF incidant, post eandem adhuc magis convergent per coroll. 5. ejusdem prop. 18. ergò post EF poterit haberi aliqua objecti imago, quod erat demonstrandum. Demonstratio.

Corollarium.

Hic imago propior fiet Lenti secundæ, quàm sit ejusdem secundæ Lentis focus. Nam quia, si parallelos acciperet radios incidentes, eos uniret ad focum: quia verò accipit convergentes, necessariò ante focum unire debebit.

CAPUT III.

De Lentis cavæ ad quamcunque Lentem convexam habitudine & effectibus ex combinatione.

Plures Lentis concavæ quomodocunque combinentur, cum solum tantò majorem causent radiorum divergentiam, quanto vel in sphericitate aucutiores, vel in numero plures sibi invicem fuerint additæ per unicam verò sæpissimè in acutissimâ figurâ ac sphericitate æquivalentem talis combinatio compensari possit, nullatenus hic earum tractationem parùm aut nihil præsentis instituto congruam ulterius morabor; sed combinationem specilli concavi cum qualicunque Lente convexâ diversimodè institutam & demonstrabo.

R


Propo

Propositio VIII. Theorema.

Specillum concavum immediatè Lenti convexæ præfixum, si ejus concavitas est minoris sphaeræ portio, quàm convexitas Lentis, aut sit æqualis, imaginem convexam post Lentem non obtinet.

Notabile
circa con-
cavitatem
vel conve-
xitate æ-
qualem
majorem
aut mino-
rem.

Demon-
stratio.



NOta. Quando dicitur *concavitas aut convexitas æqualis, major aut minor*, dici in simili ab unâ vel utrâque Lentis cujuslibet externâ superficie; aut ratione foci sive virtualis in Lente cavâ, sive realis in Lente convexâ. Ut si Lens cava est plano-concava, similiter intelli-genda est plano-convexa, vel ejus effectui æqui-valens; aut è converso.

Sit specillum concavum AB præfixum immediatè Lenti convexæ CD, sitque utra-que concavitas specilli concavi minoris sphæ-ræ portio, quàm utraqùe convexitas Lentis CD: vel sit utraqùe concavitas & utraqùe convexitas in sphæricitate æqualis. Dico, nul-lam posse objecti diffiti EF imaginem post Len-tem CD formari.

Demonstratio. Sit enim sphæricitatis con-cavi specilli centrum G, erit ejus focus virtualis ibidem per 23. præc. Synt. adeoque radios à lon-ginquo ita refringet, quasi venirent ex eodem centro; undè post Lentem fient divergentes. Quia porro Lens convexa majoris est utrinque sphæricitatis, aut æqualis, ejus focus aut magis distabit à puncto G, ita ut punctum G cadat in-ter Lentem CD & ejus focum, vel conveniet cum eodem puncto G. Sed cum per Coroll. 2. prop. 27 synt. præc. specillum cavum ita distor-

queat post se radios refractos ex objecto longinquo incidentes, quasi objectum vel in ipso foco G, vel post focum, velut ad HI esset positum. Undè radii etiam post Lentem cavam AB ita incident, quasi ab ipso foco Lentis convexæ CD, vel spatio intra focum ejusdem & Lentem CD venirent. Sed si ita ob-jectum collocatum foret, per Coroll. 4. prop. 18. præc. Synt. nulla formaretur imago, cum radii fiant divergentes. Ergo specillum cavum &c. quod erat demonstrandum.

Propositio IX. Theorema.

Specillum concavum, cujus concavitas ad eandem sphaeram pertinet, ad quam convexitas Lentis alterius convexæ, si ab eadem Lente convexa ita removeatur, ut ejus focus virtualis focum Lentis convexæ præce-dat, imaginem objecti, quo minus exprimatur, non impedit.

Sit specillum concavum AB, cujus focus virtualis punctum G, Lens con-vexa CD æqualis sphæricitatis cum concavo, sitquè hujus convexæ Lentis

Lentis focus in K, ita ut focus specilli concavi, in quo virtualemente objecti EF effingit imaginem HI existat ultra punctum K. Dico, objecti cujuscunque distanti imaginem exprimendam post Lentem convexam CD.

Demonstratio. Nam specillum concavum AB ita per coroll. 2. prop. 27. synt. præc. detorquet radios objecti EF in se receptos ac deinde refractos in Lentem convexam CD, quasi objectum EF positum esset in HI: ideòque objectum EF remotum ita radiat in Lentem CD, ac si esset in HI. Sed si objectum remotius à quacunque Lente convexa, quam sit ejus focus, existat, per coroll. 4. prop. 18. synt. præced. aliquam post Lentem exprimit imaginem: igitur objectum quodcunque remotum radians per specillum cavum ita combinatum cum Lente convexa aliquam sui imaginem exprimit, quod erat demonstrandum.

Demonstratio.


Corollarium I.

Ex hoc sequitur, quod si specillum concavum AB fuerit æqualiter distans, aut magis quam focus ejusdem Lentis convexæ CD, non impediat, quo minus post Lentem CD aliqua exprimatur imago. Nam in tali casu objectum radiabit post specillum AB eodem modo, ac si esset circa centrum concavitaris specilli: sed centrum concavitaris ejus invenitur esse magis remotum, quam sit focus ejusdem Lentis CD, cum specillum ipsum sit in tali foco: igitur objectum radiabit, quasi esset ultra focum Lentis CD: igitur per idem coroll. 4. prop. 18. synt. præc. Lens CD aliquam imaginem exprimit. Imò hoc in casu distantia foci concavi specilli, & distantia foci convexæ Lentis cum sint æquales, specillum verò existat in foco Lentis convexæ, adeòque imago virtualis objecti tanquam verum objectum radians existat in dupla distantia foci Lentis convexæ: imago igitur post Lentem convexam in dupla distantia foci efformabitur per idem coroll. 4. prop. 18. synt. præced.

Corollarium II.

Hinc etiam sequitur, quod specillum concavum Lenti convexæ præpositum retardet penicillorum concursum, ac longius protrudat communem basim distinctionis. Nam specillum concavum, cum sistat objectum virtualiter circa distantiam sui foci, illud propius adducit, quam revera sit. Sed objecti propioris Lentis convexæ imago à Lente fit remotior per coroll. 4. prop. 18.


Specillum concavum ante Lentem convexam retardat radiorum concursum.



sæpius cit. ergò adhibitâ Lente concavâ, si non impeditur concursus radio-
rum, saltem retardatur & longius protruditur.

Propositio X. Theorema.

*Specillum concavum post Lentem convexam & ante huius
focum positum potest imaginem majorem, & ad majorem
distantiam exprimere.*



Demon-
stratio.

Insignis
combinatio
Lentis con-
vexæ &
concavæ ad
majorem
imaginem
procuran-
tum.

Sit objectum AB radians per
Lentem convexam CD ex-
primens per 18 præc. synt. imagi-
nem EF . Constituatur jam specil-
lum concavum GH ita post
Lentem convexam CD , ut ima-
go EF Lentis convexæ sit illi
aliquantò propior, quàm pun-
ctum M centrum concavitatis.
Dico, aliquam ejusdem objecti
 AB distinctam imaginem effor-
mandam ad majorem distantiam,
quàm sit imago EF post solam
Lentem convexam CD effor-
mata, & consequenter etiam ma-
jorem, eò quòd concursus peni-
cillorum retardetur, ac basis di-
stinctionis protrudatur in KL .

Demonstratio. Si objectum
esset KL magis remotum, quàm
 M centrum specilli GH , post il-
lud ita radiaret, ac si existens in
 EF radiaret directè in Lentem
 CD per coroll. 2. prop. 27. synt.
præc. Sed si esset in EF , radia-
ret directè per radios EC , ED ,
item FC , FD , qui radii post
Lentem convexam CD habe-
rent imaginem AB , cum obje-
ctum virtuale esset ultra focum
Lentis CD per coroll. 4. prop.
18. synt. præc. Verùm cum re-
ciprocum sit Lucis ac radorum
iter per axioma 5. synt. præc. &
radii vicissim eadem relegant ve-
stigia: ergò si AB fiat objectum,
 KL fiet imago, quod erat de-
monstrandum.

Corollarium I.

Specillum concavum ita in-
tra Lentem convexam & ejus
imaginem collocatum, dum imaginem trajicit, potest eam exprimere majo-
rem, quàm alia Lens convexa sola qualiscunque ad eandem distantiam. Nam
si Lens

si Lens aliqua convexa sola adhiberetur ad imaginem in eadem distantia exhibendam, si esset plano-convexa, OR foret diameter convexitatis; si convexo-convexa æqualiter utrinque, OR foret semidiameter convexitatis utriusque: radii autem transeuntes per O centrum Lentis convexæ, qui determinarent diametrum imaginis forent BOP , $A O Q$: foret autem PQ diameter imaginis in eadem distantia multo minor diametro KL imaginis per combinationem harum Lentium procurata. Ergo &c.

Corollarium II.

Hinc discitur secretum & mirum artificium pro cistulis specierum & cameris obscuris in parvâ distantia plurimum imagines trajectas amplificandi. Sed de hoc artificio alibi plura.

Corollarium III.

Item patet hinc, quomodo per similem combinationem loco Lentis objectivæ longiori distantia imaginem formantis major nihilominus imago in breviori distantia procurari possit, itaque tubus contractior & brevior fieri, qui tamen æquivaleret, imò præstaret tubo longiori cum Lente ordinariâ objectivâ.

Quomodo
Tubus brevior æquivalens majori confici possit.

Corollarium IV.

Quanto specillum cavum cæteris paribus (habito scilicet respectu ad centri ejusdem & imaginis Lentis convexæ situm, ut dictum) propius accedit ad imaginem, tanto penicilli magis distrahuntur, & imago necessario fit major in longiori distantia; & quanto remotius ab imagine Lentis convexæ collocatur, ita ut propius Lentem convexam accedat, tanto minor imago procuratur in distantia breviori.

Propositio XI. Theorema.

Specillum concavum immediate post Lentem convexam applicatum, si sit ejusdem sphaeræ portio, nullam permittit imaginem.

Demonstratio. Si enim Lens convexa sola esset, radios parallelos uniret in centro suæ convexitatis: sed cum ex supposito idem sit centrum concavitate specilli cum centro convexitatis Lentis, radii verò paralleli incidentes in specillum concavum divergant, quasi à centro progredierentur, & consequenter qui ex aliâ parte convergunt quasi ad centrum, remittentur paralleli: non possunt ergo concurrere ad imaginem exhibendam, quod erat demonstrandum.

Demonstratio.

Corollarium.


Si specillum concavum ejusdem sphaeræ portio, cujus Lens convexa est segmentum, removeatur à Lente convexa, potest imaginem habere: nam tunc locus imaginis per solam Lentem convexam exprimendæ erit vicinior specillo, quam centrum ejus, ideòque radii possunt remitti convergentes.

Propositio XII. Theorema.

Si specillum concavum post Lentem convexam statuatur ita ut focus ejus virtualis cum loco imaginis à convexa Lente solâ seorsim exprimendæ conveniat, imaginem non exprimit, sed remittit radios parallelos.

Sit Lens convexa CD , quæ imaginem aliunde non impedita exprimeret in EF . Collocetur jam post hanc Lentem concavum specillum

Demon-
stratio.



cillum GH, ita ut focus ejus virtualis sive centrum concavitatis utriusque æqualis sit in eodem loco imaginis EF. Dico, radios ab objecto AB in tali combinatione post duas Lentas transmissos egressuros parallelos, nec ullam imaginem expressuros.

Demonstratio. Ponamus radios IO, FM, EL & KN, ac quosvis alios in specillum GH incidere parallelos: per 23. synt. præc. ita post specillum divergent, quasi venirent ex foco concavitatis: adeoque Ex. gr. radius IO procedet in D quasi veniret ex F, atque ita de cæteris. Sive ita post specillum cavum in Lentem convexam radii paralleli procurrent per coroll. 2. prop. 39. synt. præc. quasi venirent ex foco concavi specilli GH. Sed si ita procurrunt, venient in Lentem CD, quasi EF esset objectum & directè radiaret in Lentem CD, adeoque imago foret AB. Si itaque fiat permutatio, atque objectum statuatur esse AB, per axiom. 5. supra præc. synt. post specillum concavum radii egredientur paralleli, quod erat demonstrandum.

Corollarium I.

Simili modo ostendi potest, quod si specillum GH statuatur aliquo loco intra Lentem CD & ejus focum realem sive imaginem EF, ita ut imago EF ultra focum sive centrum concavitatis specilli existat, quòd radii ab objecto AB in tali combinatione provenientes excurrant divergentes. Nam factâ suppositione quòd radii incidentes in specillum concavum sint convergentes, ita ut factâ competente refractione specillum transgressi divergant, quasi provenirent ab aliquo puncto posito ultra centrum concavitatis, quod ipsum punctum cum foco seu loco imaginis Lentis convexæ conveniat, ita ut si radii KN & EL ita convergant, quasi post specillum GH egressi, KN procederet ex N in C, & EL ex L etiam in C; similiter quasi IO ex O procurreret in D, & FM ab M etiam in D: convenirent tandem in A & B. Factâ jam permutatione, ita ut AB sit objectum per Axiom. 5. supra, radii penicillorum post specillum ab invicem separabuntur & fient divergentes.

Corolla.

Corollarium II.

Hinc generaliter addiscitur ad praxin : quod si specillum concavum ita collocetur post Lentem aliquam convexam, ut utriusque foci sive locus imaginis à Lente convexâ, cum centro, seu melius, foco specilli concavi conveniant, radii objectorum longius remotorum transmittentur paralleli. Si focus specilli concavi sit intra focum sive imaginem Lentis convexæ & ipsam Lentem convexam, radii transgressi fient divergentes: si verò focus specilli fuerit ultra locum imaginis seu focum Lentis convexæ, radii in tali combinatione remittentur convergentes ad aliquam imaginem exhibendam.

Doctrina
generalis
pro praxi
circa combina-
tionem
Lentis con-
cavæ cum
convexæ.

Corollarium III.

Hinc rursus sequitur, si specillum concavum majoris sphaeræ sit portio, quàm Lens convexa, eamque tangat, quòd possit dari imago: quia in tali combinatione focus specilli cum sit ultra focum Lentis, radii erunt convergentes: multò magis, si specillum removeatur; & quò plus removebitur, eò citius radii unientur, & imago fiet minor.

Insignes
proprietates
combina-
tionis Len-
tis concavæ
cum con-
vexâ.

Si verò specillum concavum sit minoris sphaeræ portio, quàm Lens convexa, illique propius admoveatur; cum imago Lentis convexæ existat ultra centrum sive focum specilli, radiique penicillorum fiant divergentes, nulla imago formari poterit: si tamen specillum ita removeatur post Lentem convexam, ut ejus focus seu centrum ultra locum imaginis collocetur, cum radii possint fieri convergentes, imago formari poterit.

Item si specillum concavum sit æqualis sphaeræ portio cum Lente convexâ, hancque tangat, cum foci propè respondeant, radii fient paralleli, & iterum imago haberi non poterit. Si tamen specillum removeatur à Lente convexâ, imago formari poterit, cum focus specilli etiam ultra focum seu imaginem Lentis convexæ ponatur, radii poterunt egredi convergentes, sicque colligi ad experimendam imaginem. Atque ita licet omnes casus combinationis cujuslibet concavi specilli cum convexâ aliquâ Lente post ipsam intelligere.

Corollarium IV.

Patet hinc etiam praxis indagandi focum virtualement alicujus concavi specilli. Nam si hoc applicetur immediatè ad aliquam convexam Lentem, cujus focus per 17. synt. præc. sit notus, & simili modo ut in citatâ propositione duæ hæ Lentes conjunctæ versùs album aliquem parietem teneantur, aut Solis radiis opponantur, ut projiciatur aliqua imago, vel focus realis ordinetur. Quòd si compareret aliqua imago, certum est, focum virtualement concavi specilli longius distare, quàm Lentis convexæ focum, adeoque sphaericitatem concavi specilli ex majori diametro esse, quàm Lentis convexæ. Quantò etiam in ea conjunctione imago efformata longius projicitur, quàm sit imago seu focus solius Lentis convexæ, tantò concavum specillum in portione sphaeræ magis accedit ad Lentem convexam ejusque sphaericitatem, sive tantò propius ambarum Lentium foci invicem congruunt. Quantò autem imago propius ad focum solius Lentis convexæ

Praxis in-
dagandi fo-
cum virtua-
lem Lentis
cujuslibet
concavæ.

convexæ in tali immediatâ combinatione formatur, tantò portio sphaeræ concavi specilli est ex majori diametro respectu Lentis convexæ, & focum virtualem longius habet distantem. Quod si verò omninò nulla imago formari possit per talem combinationem & praxin observandi focum, signum est, concavum specillum in portione sphaeræ æquari cum Lente convexâ, aut sphaericitatem specilli saltem minorem esse, quàm sit sphaericitas Lentis convexæ, adeoque focos vel æquari, vel focum concavi minus distare, quàm Lentis convexæ solius.

Corollarium V.

Si alia tertia Lens, eaque convexa applicetur post talem combinationem Lentis convexæ cum specillo concavo: casus verò combinationis sit, in quo radii aut convergunt, aut egrediuntur paralleli post specillum: imago formari poterit, quia Lens convexa radios parallelos unit, multoque magis convergentes. Si verò radii ultimi divergant, quasi à puncto viciniore Lenti superadditæ, quàm ejus focus, nulla amplius imago formari potest: quia per coroll. 4. prop. 18. præc. synt. Lens convexa radios ab ejus foco procedentes remittit parallelos: qui verò à puncto propiore procedunt, eos facit divergentes.

Problema XIII. Theorema.

Datis specillo concavo & Lente convexa, quæ ad majorem sphaeram pertinet, quàm specillum concavum, assignare distantiam, in qua concavum specillum post Lentem convexam collocatum radios ab objecto diffito profectos remittit parallelos.

HOc problema plurimùm servit ad praxin, ut Lentes quis in tubo communi Hollandico sive Galilæano in competente distantia mox collocare sciat. Quocirca hæ regulæ observentur.

Regulæ
præcæ
constituen-
dis Lentibus
in tubo
Hollandico

1. Si Lentes ambæ sunt plano-sphæricæ, subducatur diameter cavitationis à diametro convexitatis; residuum dabit Lentis cavæ à convexâ distantiam pro radiis remittendis parallelis.


2. Si Lentes ambæ sunt utrinque æqualiter sphæricæ, subducatur semidiameter concavitationis à semidiametro convexitatis, residuum ostendet distantiam earum.

3. Si sint utrinque quidem sphæricæ, & inæqualiter; inquiretur in utraque Lente distantia sui foci primarii, & concavæ Lentis distantia foci subtrahatur à distantia foci, quam habet Lens convexa: remanebit earum distantia pro debitâ collocatione, ut radios remittant parallelos.

Sic in figura, si Lens plano-convexa sit ALB, ejusque diameter LE; specilli verò plano-concavi CFD diameter sit FE: si ab EL diametro Lentis convexæ tollatur diameter EF specilli CFD, remanebit FL distantia harum Lentium pro remittendis radiis parallelis.

Si verò

Si verò Lens prima sit convexo-convexa æqualiter, ut ALBMA, erit ejus semidiameter KL: utrinque autem concavi specilli GIH semidiameter erit KI. Hâc subductâ à KL restabit IL distantia quæsitâ.



Demonstratio. Quia Lentis plano-convexæ focus est in E distantia diametri per 6. præc. synt. erit ibidem locus imaginis. Statuatur jam Lens plano-concava CD ad locum F, ita ut punctum E distet à concavâ Lente distantia diametri concavitationis: erit per 22. præc. synt. FE distantia foci; adeoque focus Lentis concavæ in loco E imaginis à convexâ Lente exprimendæ. Atque ita per præc. radii in tali combinatione ab objecto diffi-
to profecti post Lentem CD egredientur paralleli. Dematur jam EF dia-
meter concavitationis ab EL diametro convexitatis, remanebit FL distantia,
quâ duæ Lentes sic combinatæ distare ad remittendos radios parallelos,
quod erat demonstrandum.

Demon-
stratio.

Similiter ostendi potest, si Lentes utrimque sphæricæ ALBMA convexo-convexa, & GIH concavo-concava combinentur, ut figura monstrat, quòd ablatâ semidiametro KI remaneat IL pro distantia quæsitâ.

Corollarium 1.

Doctrinæ
practicæ
circa com-
binationem
Lentium
concava-
rum & con-
vexarum.

Hinc patet, datâ Lente aliqua convexa, & assignatâ distantia ad quam egredi debeant radii paralleli, quale specillum concavum sit adhibendum. Nam si Lentis convexæ distantia foci prius inquiratur; deinde ab hac distantia reperta abstrahatur distantia assignata pro egressu parallelorum; remanebit diameter plano-concavi, aut semidiameter æqualiter utrinque concavi specilli aut saltem distantia foci virtualis specilli quomodocunque per combinationem sphæricitatum cavi.

Corollarium II.

Patet rursus, quomodò scitâ diametro, semidiametro, aut generalius loquendo, distantia foci virtualis alicujus specilli quomodolibet cavi, ac assignatâ simul distantia, ad quam radii post specillum egredi debent paralleli; qualis Lens convexa præponenda sit ad hunc effectum obtinendum. Addatur enim ad distantiam foci virtualis specilli concavi, etiam assignata distantia pro egressu radiorum parallelorum; & præponatur in hac eadem distantia Lens convexa qualiscunque, quæ ad compositam illam distantiam, ut modò dictum, ordinet focum; eveniet petitum.

Corollarium III.

Quantò specillum concavum acutioris erit cavitatis, tantò magis à convexâ Lente distare debet, ut radios ab objecto diffito per similem combinationem perfectos remittat parallelos: Et quantò cavitas est minùs acuta, tantò propius ad Lentem convexam specillum accedet. Item quantò convexa Lens erit majoris sphæræ portio respectu Lentis cavæ, tantò magis ab eadem distare debet, ac quantò minoris, tantò propius ad eandem locari. Similiter duæ Lentes ejusdem cavitatis sibi mutuò junctæ à convexâ Lente magis distabunt, quàm earum una solâ. E contra duæ Lentes convexæ ejusdem convexitatis minus distabunt ab una eadem Lente cavâ, quàm earum una sola.

Annotatio.

Quæ hætenùs dicta sunt de varia Lentium convexarum & concavarum combinatione, etiam accommodari facile possunt Meniscis sive Lentibus mixtis: cum enim menisci, prout in iis prævalet convexitas aut concavitas, certis Lentibus convexis aut concavis æquipollegant, earundem etiam effectus ac proprietates habent: quare specialem eorum combinationis tractationem cum necessariam non judicem, ad alia progredior.

CAPUT IV.


De varia combinatione Lentium convexarum cum oculo naturali & modo videndi per Lentes convexas.



Um oculus naturalis habeat se per modum Lentis plurimum convexæ, ut vidimus fund. primo, & suppos. 9. cap. I. hujus tanquam indubitatum præsentis tractatui prælusimus: opportune Lentis cujuslibet convexæ cum oculo naturali combinatio nunc venit tractanda, modusque per quamcunque Lentem convexam quomodolibet oculo naturali applicatam videndi explicandus est. Sit igitur

Propositio XIV. Theorema.

Oculus post Lentem convexam positus intra ejus basim distinctionis objecta remota, licet eversa in Retina depingantur, videt tamen situ erecto, quo foris existunt, si ve Lenti propior, si ve remotior applicetur.



Sit objectum AB, Lens convexa CD, cujus basis distinctionis GH, oculus autem EF si intra Lentem CD & ejus basim distinctionis GH quomodocunque si ve Lenti CD si ve basi GH propius collocetur, modò intra dictam distantiam existat. Dico, quòd licet everso situ objecti AB imago b a in oculo depingatur, oculum tamen visurum objectum AB in situ erecto.

Demonstratio. Nam quia per prop. 3. hujus Lens convexa post aliam convexam intra distantiam sui foci quomodocunque collocata tantum accelerat concursum radiorum; oculus autem per suppos. 9. hujus etiam sese habeat per modum Lentis convexæ, idcirco etiam radiorum concursus tantum accelerabitur, nec situs variabitur. Porro cum & per suppos. II. hujus synt. actus videndi sequatur modum representandi, & quæ in oculo inversè representantur, oculus videat foris erecta: itaque oculus in tali combinatione videbit objectum AB foris erectum, licet ejus imago b a in Retinâ representetur eversum, quod erat demonstrandum.

Demonstratio.

Corollarium.

Cur non
omnis Lens
convexa
oculo præ-
posita juvet
visionem.

Cur qui ob-
jecta bene
videre vo-
lunt Len-
tem huc il-
lucque mo-
veant.

Cum per suppos. 9. ad perfectam visionem requiratur imaginem ob-
jecti præcisè in Retinâ formari : Non igitur quælibet & cujuslibet oculi
applicatio ad eandem Lentem convenit pro distincta visione objecti in eo-
dem foris loco existentis. Nam per coroll. 2. prop. 4. hujus, cum quantò
secunda Lens remotior existit à primâ Lente convexâ, tantò propior exi-
stere debeat basis distinctionis ; & è contrâ, quantò secunda Lens minùs re-
moveretur à primâ, tantò magis distet ejus basis distinctionis : oculus autem
habeat se per modum secundæ Lentis ; debeat verò imago præcisè in Reti-
na exprimi, per ea, quæ supra supposuimus : oculi deinde etiam in diversis
hominib. non sint ejusdem sphæricitatis ; necessariò sequitur, certam aliquam
& proportionatam nec qualemcunque ejusdem Lentis secundæ sive oculi
ritè videndo pro objecto æque distito à primâ Lente distantiam requiri. Un-
dè perspicuè patet, cur aliquæ Lentes convexæ oculis applicatæ obiectum di-
stinctè non repræsentent in propiore applicatione ; si tamen longius ab
oculo removeantur, illud clarè repræsentent ; & è contrâ &c. quia scilicet
distantia concursus radiorum in una applicatione Retinam attingit, in aliâ
non. Hinc qui obiectum aliquod benè videre volunt, Lentem huc illuc-
que movendo experimentaliter inquirunt ejus collocationem pro forman-
dâ visione distinctâ.

Propositio XV. Theorema.

*Oculus post Lentem convexam intra basim distinctionis
ejusdem positus obiectum remotum videt confuse majus, & quidem
tantò majus & cum tantò majori confusione, quantò magis
ab eadem Lente intra dictam distantiam
removetur.*

Sit obiectum remotum CD radians per Lentem convexam AB in ocu-
lum constitutum intra Lentem AB & ejus basim distinctionis FG ,
velut in I , vel O , vel E , vel quocunque alio loco. Dico primò, obiectum
remotum CD videri confuse.


Demon-

Demonstratio. Cum enim per sup-
 pos. 12. supra quilibet oculus ita sit con-
 stitutus, ut ad videndum distinctè ob-
 jectum aliquod remotum, radios ab obje-
 cto profluxos debeat excipere aut paral-
 lelos aut divergentes: appositâ autem
 Lente convexâ, cum per coroll. 4.
 prop. 18. synt. præc. oculus excipiat ra-
 dios convergentes; distinctè itaque ob-
 jectum remotum videre non poterit, er-
 go confusè, quod erat primò ostenden-
 dum.

Dico secundò, eam confusionem
 tantò majorem futuram, quanto magis
 oculus intra assignatam distantiam à
 Lente convexâ recesserit. Ut si oculus
 collocetur in O, dico majorem futuram
 confusionem, quàm si constitutus sit in
 I, & adhuc majorem, si collocetur in E,
 quàm si in eodem I collocatus sit.

Demonstratio. Nam oculus dum est
 vicinus Lenti AB ob pupillæ angustiam
 excipiet tantum eos radios singulorum
 penicillorum, qui sunt minùs inclinati,
 & ad principales directos magis acce-
 dentes; undè erunt etiam minùs con-
 vergentes, ideòque vel adhuc uniri po-
 terunt in Retina, vel non multum abe-
 runt ab eâ unione. Hinc dum oculo ad-
 movemus Lentem convexam, vix di-
 gnoscimuseam adesse, quia radii valdè
 vicini in quolibet penicillo etsi post Len-
 tem parùm convergant, à parallelis ta-
 men non multum absunt. Quòd si ve-
 rò oculus à Lente magis recedat, cum
 singuli penicilli fiant contractiores, ad-
 eòque oculus plures singulorum peni-
 cillorum radios excipiat, quique conse-
 quenter ad invicem magis sunt inclinati
 sive convergant; fiet ut qui longiùs
 aberrabunt, citiùs quàm par sit, unian-
 tur: undè tanto major confusio nasci
 debet, quanto oculus remotior extite-
 rit, cum singulorum penicillorum tanto

plures radios diversimodè concurrentes ante Retinam excipiat; quod erat
 secundò ostendendum.



Dico tertio, objectum CD remotum videri tanto majus etsi confusè, quanto magis oculus à Lente remotus extiterit. Nam quia per suppos. 9. supra, oculus se habet per modum Lentis plurimum convexæ, & angulus visorius determinans magnitudinem imaginis est in vertice aut propè verticem Lentis vel oculi; dum itaque oculus remotior extiterit intra Lentem AB & ejus imaginem FG ; juxta suppos. 3. angulus ad verticem, qui erit visorius, fiet major; sicut in figurâ angulus AOB major est angulo HIK : adeoque oculus constitutus in O majus videbit objectum, quam si constitutus foret in I per suppos. 10. supra. Ergo oculus, quanto magis à Lente remotus extiterit, tanto majus videbit objectum licet confusè; quod erat tertio ostendendum.

Corollarium I.

Objectum
quomodo
cum majori
vel minori
lumine vi-
deri possit.

Quanto magis oculus intra distantiam assignatam removeretur, tanto cum majori lumine videt objectum; & quanto propius ad Lentem convexam existit, tanto cum minori lumine illud videt. Quia ibi tanto pluribus radiis à singulis objecti punctis singuli penicilli formati oculum ingrediuntur; hic autem à tanto paucioribus singuli effecti penicilli eundem oculum subintrant.

Corollarium II.

Quomodo
oculus ex-
tremities
majoris ob-
jecti videat.

Quanto oculus remotior à Lente extiterit intra eandem distantiam, tanto minus videbit de exterioribus objecti majoris partibus. Uti si oculus consistat in E , extremities CD videre non poterit, sed tantum partes intermedias.

Corollarium III.

Licet convexa Lens cuicunque oculo apposita ad objectum remotius ultra focum Lentis convexæ existens distinctè videndum sit inutilis ac inidonea: Si tamen objectum in distantia foci Lentis appositæ, vel etiam viciniùs adhuc collocatum existat, cum radios parallelos vel divergentes oculo intromittat, distinctè videri poterit.

Corollarium IV.

Cur oculus
objectum
quod distin-
ctè alias vi-
det, adhibi-
ta lente il-
lud videat
confusè.

Si oculus objectum dissitum distinctè sine Lente videat, adhibitâ Lente aliquâ convexâ illud obscure videbit. Ratio est. Si enim objectum sine Lente distinctè videat, signum est, quod basis distinctionis radiorum per crystallinum humorem transmissorum præcisè cum Retinâ congruat, ac quod radii ab objecto dissito per oculum trajecti debito loco concurrant ad exprimendam distinctam imaginem: dum autem adhibetur Lens convexa, basis distinctionis fit propior humori crystallino, adeoque penicilli in loco formandæ imaginis non ponuntur: cumque radii formantes quemlibet penicillum post concursum rursus ab invicem discedant, necessario erit in Retinâ imago confusa; & consequenter visio etiam confusa & obscura consequi debebit.

Corollarium V.

Presbyta
cur non
æquè bene
videant ob-
jecta pro-
pinqua ac
dissita.

Presbyta qui objecta dissita distinctè vident, non ideo etiam propinqua sine Lente distinctè videbunt. Nam quia objecta dissita radios propè parallelos trajiciunt, qui præcisè in Retinâ vi refractionis uniuntur, ideo illa distinctè vident: objecta autem propinqua, cum à singulis suis punctis radios divergentes transmittant ad oculum, hi ultra Retinam ordinationem basis distinctionis instituent; quocirca dum

dum radii nondum uniti ad Retinam deveniunt, imaginem perfectam & distinctam exprimere non poterunt : necessario igitur obscura visio consequi debet. Ut itaque præcisè basis distinctionis ad Retinam adducatur, congrua Lens convexa præponi debet, quæ addita convexitati oculari eam virtutem conferat, ut radios immisos præcisè in Retinâ pro distinctâ imagine formandâ colligat & uniat.

Propositio XVI. Theorema.

Oculus post Lentem convexam positus in ipsâ basi distinctionis sive in foco ejusdem, objectum dissitum non videt.

Si Lens convexa A B sicut prius, cujus focus F G, in quo existat oculus per Lentem prospiciens in objectum C D longius distans. Dico, nihil videri de objecto, cum confusio maxima efficiatur in oculo.

Demonstratio. Nam cum convergentia radiorum ingredientium oculum sit causa confusionis, erit summa convergentia maxima causa confusionis : Sed nulla convergentia major esse potest, quàm in ipso aliquo puncto concursus radiorum sive foco : ergo oculus in illo puncto seu foco constitutus patitur summam & maximam radiorum confusionem, ergo nihil videbit de objecto, quod erat demonstrandum.

Corollarium I.

Hinc patet praxis explorandi focum datæ alicujus Lentis convexæ : dum enim sic oculo versus objectum remotum obtinetur, ut prorsus nihil de illo præter purissimam lucem conspiciat, distantia Lentis ab oculo indicabit distantiam foci.

Praxis explorandi focum alicujus Lentis convexæ.

Corollarium II.



Item patet etiam hic praxis investigandi minutissima vitia alicujus Lentis convexæ, & quæcunque illi intimè inhærent : Si enim similiter versus lucidum aliquod objectum tenetur, ita ut oculus confusissimè illud videat, omnia etiam minima vitia deteget. Vide infra fund. 3. cap. 4. circa finem hanc praxin meliùs explicatam.

Praxis minutissima vitia in Lente convexâ detegendi.

Propositio XVII. Theorema.

Si oculus magis à Lente convexa, objectum verò minus ab eadem distet, quàm sit ejusdem basis distinctionis, videri potest objectum distinctè situ invariato sive erecto majus ; & tantò quidem majus, quantò vicinius objectum ad focum Lentis, aut oculus quantò remotius fuerit applicatus.

Si Lens convexa A B, cujus basis distinctionis sive focus in distantia E & F. Dico primò : Si objectum C D ponatur inter Lentem A B & pun-

Demon-
stratio.Demon-
stratio.

& punctum E; oculus verò GH ad punctum I ultra focum F applicetur, objectum illud distinctè videri posse situ invariato sive erecto.

Demonstratio. Cum enim per 6. hujus objectum propius convexæ Lenti alicui primæ admotum, quàm sit ejus focus, adhibita secundâ Lente aliquam possit habere imaginem: oculus autem habeat se per modum secundæ Lenti convexæ; quocirca etiam imaginem in Retinâ habere poterit, adeoque distinctè videri, & quidem situ invariato sive manente tali, quo objectum extra compareat erectum. Nam radii juxta Coroll. 4. prop. 18. Synt. præc. quia post primam Lentem divergentes procedunt ad oculum nec ante secundam Lentem sive oculum factâ sectione colliguntur, sed modò post secundam Lentem sive humorem crySTALLINUM in oculo ad Retinam uniuntur: ac licet objectum situ ibidem eversò repræsentetur, tamen juxta suppos. II. supra, dum ita objectum repræsentatur, videbitur extra situ invariato sive erecto, quod erat primò demonstrandum.

Dico secundò; quod objectum CD quantò vicinius erit collocatum foco E, tantò majus videri possit ab oculo GH ultra focum F collocata. Constat experientiâ, & demonstrari potest ita.

Demonstratio. Objectum CD quo vicinius est foco E, eò radii post Lentem convexam AB magis ad se paralleli progredientur; & quantò remotius foco E adeoque vicinius Lenti AB existit objectum, tantò magis divergentes post eandem Lentem procedunt per Coroll. 4. prop. 18. Synt. præc. Sed quò magis post Lentem AB procedunt paralleli, eò radii determinantes diametrum imaginis in oculo formandæ ab axe Lentis AB juxta suppos. 2. supra, remotiores inde procedunt ad centrum seu verticem I secundæ Lenti sive oculi (cum magis à principalibus radiis per centrum seu verticem primæ Lenti physicè irrefractis progredientibus in ipsâ primâ Lente distent) adeoque majorem angulum ad I constituunt. Econtra verò, quò radii post Lentem magis divergentes procedunt, eò radii ad secundæ Lenti sive oculi verticem progredientes minus ab axe distant in Lente AB (cum à principalibus determinantibus radiis per primæ Lenti AB verticem

verticem longius in progressu debeant divergere, adeoque in ipsâ Lente A B necessario propiores erunt) fiet angulus ad I centrum oculi minor. Unde per suppos. 10. supra hinc necessario objectum majus videri poterit, quod erat secundo demonstrandum.

Nota. Volebam hoc ipsum melius in figurâ ostendere, sed quia ob multiplices lineas nimis sibi invicem propinquas vix benè in minori chartâ exprimi poterat, eandem prætermisi. Sagax Lector si præcedentia benè ceperit, facile quid dicatur, intelliget.

R. P. Traber Diopt. lib. 3. cap. 18. pro. 5. hoc ipsum sic nititur adfirmare. *Quod verò objecto remotius collocato à Lente intra centrum tamen permanendo visibile majus appareat ad oculum remotiorem, Ratio est, quia pars solummodo visibilis irradiatione suâ totam Lentem occupat, quam prius totum visibile occupaverat: quare & refractionis radii in oculum remotiorem illapsi è parte tantum objecti procedentes sese extendent ad quantitatem totius. Unde cum singula partes objecti multum excrescant, totum in immanem quantitatem extendetur.*

Dico tertio, quòd existente objecto C D intra Lentem A B & ejus focum E etiam quantò oculus remotius ultra focum F applicatur, quòd tantò majus objectum videre possit: ut ex. gr. oculus constitutus ad punctum K videbit per Lentem A B objectum C D majus, quàm si constitua-
tur loco I.

Demonstratio perfimilis est præcedenti. Nam quantò oculus remo-
tius applicatus videt per Lentem A B, tantò radii determinantes diame-
trum imaginis à Lente A B prolapsi, & per punctum I sive verticem oculi
transeuntes in Retinam procurrun-
t à partibus Lentis A B exterioribus ma-
gisquè ab axe remotis: sed quantò ita procurrun-
t, angulum determinan-
tium diametrum imaginis ad punctum I majorem constituunt, adeoque
necessario objectum majus videbitur, quod erat demonstrandum.

Demon-
stratio.

Notandum tamen, quòd objectum C D vel minutum esse debeat, cum remotius oculus applicatur, si integrum videri velit: vel si majus sit, non multum de medio solum ejusdem detegi poterit, ut in corollario sequenti melius patebit.

Corollarium I.

Hinc patet cur quantò oculus remotius applicatus per Lentem convexam aspicit objectum intra Lentem & ejus focum constitutum, tantò minus de ipso objecto distinguat, partesquè ejus exterius tantò obscurius cognoscat. Nam quia determinantes radii principales deberent à tantò Lentis A B remotioribus ab axe punctis procedere, illa autem puncta excedunt Lentem; hinc soli quidam minus principales, laterales plusquè in oculo refracti, qui cum principalibus exclusis in Retinâ concurrere non possunt, circa oculi partes laterales appellant, adeoque confusè ibidem exprimuntur.

T

Corolia-

Corollarium II.

Objectum
inversum-
dè à lente
collocatum
quomodo
videatur.

Cum objectum in ipso foco Lentis convexæ collocatur, ab oculo ultra focum remoto in competente magnitudine maximum, & immediatè contiguum Lenti minimum ratione suæ distantiae à Lente videri potest. Cum verò oculus immediatè Lenti apponitur, constituto objecto in ipso foco, videbit illud quidem majus, minus tamen auctum magnitudine, quàm in applicatione oculi remotiori quâcunque: maxime verò auctum latitudine secundum plurimas partes distinctè comparentes, quàm in quâcunque aliâ remotiori applicatione.

Propositio XVIII. Theorema.

Oculus post Lentem convexam applicatus in distantia, quæ sit ultra basim distinctionis siue focum ejusdem, objecta longinqua videre potest eversa.

Sit Lens convexa A B in præcedente figurâ, cujus basis distinctionis E F, objectum verò C D. Dico, quod si oculus G H applicetur ultra E F velut in I, videbit objectum C D inversum.

Demon-
stratio.

Demonstratio. Cum per suppos. 5. supra imago E F habeat se per modum lucidi, siue objecti radiantis, & illud sit eversum per coroll. 1. prop. 18. Synt. præc. accedente oculo velut aliâ Lente convexâ, imago rursus in oculo erigetur. Sed dum imago in oculo est erecta, per suppos. 11. objectum comparet eversum: ergo oculus post imaginem seu basim communem distinctionis applicatus videbit objectum longinquum eversum, quod erat demonstrandum.

Corollarium I.

Cum tamen oculus distat ab imagine E F intervallo quod est æquale distantiae foci ocularis convexitatis, siue ipsius oculi; vel quod est minus eodem intervallo, nulla poterit in oculi Retinâ imago formari, adeoque nullo modo objectum videri, cum radii in oculo post humorem crystallinum procedant aut paralleli, aut divergentes per suppos. 6. supra, & coroll. 4. prop. 18. Synt. præc.

Corollarium II.

Quomodo
oculus ap-
plicandus ut
per lentem
convexam
distinctè
videat obje-
ctum.

Item cum oculus distat tantum in duplâ sui foci distantia ab imagine E F eversâ, distincta imago iterum haberi non poterit, sed solum confusa, cum radii post duplam modò distantiam foci concurrant post humorem crystallinum; adeoque ultra Retinam procurrant: unde in ipsâ Retinâ adhuc radiorum confusio erit per idem coroll. 4. prop. 18. Synt. præc. igitur ad hoc ut oculus distinctè videre possit objectum longinquum in situ everso, debet oculus applicatus esse ultra duplam distantiam sui foci siue basis distinctionis, & ultra focum Lentis convexæ.

Propo-

Propositio XIX. Theorema.

Quò magis oculus à Lente convexâ ultra hujus focum & in distantia, quâ distinctè videt objectum eversum removebitur, eò minus at vivacius videbit objectum eversum.

Demonstratio Nam quò magis oculus removebitur à loco I (qui sit ex. gr. primus situs, in quo oculus videt distinctè objectum C D eversum) eò concursus determinantium radiorum ab extremitatibus E & F imaginis ulteriori loco velut M efficitur, adeoque per 21. primi Euclid. constituetur angulus E M F minor ipso E I F. Porro per suppos. 10. supra quantò minor est angulus radiorum determinantium diametrum imaginis, tantò minus videbitur objectum, ergo &c.

Quòd etiam vivacius oculo repræsentetur objectum dissitum C D, cum oculus remotior est à Lente, accidit à radiis minùs refractis & ad parallelos magis accedentibus, adeoque fortioribus, qui præcisiùs cum radiis principalibus irrefractis sive determinantibus diametrum imaginis uniuntur, adeoque penicillis acutioribus imaginem in Retinâ exprimunt. Ergò quò magis &c. quod erat demonstrandum.

Propositio XX. Theorema.

Si oculus magis distet à Lente convexâ, quàm ejusdem Lentis basis distinctionis, ita ut objecta videat eversa; quò Lens erit majoris sphaeræ portio, eò majus objectum longinquum videbit.


Sit oculus G H in præcedente figurâ positus post basim distinctionis E F Lentis convexæ A B eo in situ, quo objecta videt eversa, spectetquè per Lentem A B objectum satis dissitum C D. Dico, quò majoris erit sphaeræ portio Lens A B, eò objectum C D ab oculo G H videbitur majus.

Demonstratio. Quoniam quò Lens A B majoris est sphaeræ portio, per coroll. 1. prop. 17. Synt. præc. eò imaginem E F majorem efformabit: Sed quò major erit imago E F, eò radii ab ejus extremitatibus profecti ad verticem oculi transeuntes

Demonstratio.

T 2

majo-



majorem imaginem K L in Retinâ determinabunt, adeoque angulum ad verticem I oculi G H majorem habebunt. Quò autem major est angulus ad verticem, eò majus objectum videbitur per suppos. 10. supra. Ergò oculus ità applicatus videbit objectum majus, quod erat demonstrandum.

Propositio XXI. Theorema.

Quò Lens convexa fuerit majus suæ sphaeræ segmentum, eò plura simul ab eodem oculo spectabuntur in eo situ, in quo videntur distinctè eversa.

Demonstratio.

Demonstratio. In eadem præcedente figurâ sit Lens convexa A B, de quâ abscindatur seu tegatur pars A O, ita ut intercipientur radii A E, O E, & quicunque inter ipsos procedunt. Licet eadem adhuc imago objecti D formetur in puncto E, pauciores tamen radii illam componunt, qui si producantur, nullus eorum in oculum G H incidet, cum radius B E procedat ab E in N, & radius O E ab E in P: igitur rectâ parte A O non poterit videri punctum D; quod tamen detectâ eadem parte A O videri potest. Quocircâ si Lens fuerit majus sphaeræ suæ segmentum, in eo situ de quo loquimur, plura simul ab eodem oculo objecta videri poterunt, quod erat demonstrandum.

Nota tamen, in segmentis quæ longiores habent diametros, sive ad majores sphaeras pertinent, ex. gr. duorum, trium, quatuorvè pedum, quæ serviunt ordinariè pro Lentibus objectivis, illud incrementum esse parvum, ut facilè negligi possit: in segmentis tamen, quæ ad acutiores sphaeras pertinent, & serviunt pro ocularibus specillis, plurimum prodest, eas multum detegere.

Propositio XXII. Theorema.

Dum oculus objecta per Lentem convexam everso situ spectabit; quò Lens fuerit minoris sphaeræ portio cæteris paribus, eò plura simul objecta videbit.



Sint duæ Lentes æquales in magnitudine inæqualium tamen sphaerarum portiones A B & C D, quæ ità successivè oculo objiciantur, ut per illas objecta distinctè, situ tamen everso videat. Dico, quod per eam, quæ erit minoris sphaeræ portio, ut est Lens A B, plura simul objecta videat, sive plus de majori objecto detegat, quàm per Lentem C D, quæ sit majoris sphaeræ portio.

Demonstratio.

Siquidem per coroll. 1. prop. 17. Synt. præc. Lens convexa quæ est minoris sphaeræ portio, objectorum imagines exhibet minores, & in minori à se distantia; ideò singuli coni efformantes singula imaginis puncta majorem angulum comprehendunt, quàm coni Lentis, quæ majoris est sphaeræ portio; nam hi imaginem majorem magisque distantem efficient, adeoque ad singula imaginis puncta anguli conorum

mino-

minores erunt. Cum porrò illi coni seu penicilli ab ambabus Lentibus effecti habeant pro basi ipsas Lentes, quæ ex suppositione quoad magnitudinem æquales sunt, erunt illi penicilli acutiores, qui sunt longiores & imaginem majorem exprimunt, ut sunt ii qui veniunt à Lente obtusiore; è contra illi penicilli erunt ampliores & distractiores, qui sunt breviores, & imaginem minorem efformant, & à Lente convexiore procedunt. Imago itaque vi Lentis convexioris AB expressa à penicillis majorem angulum continentibus efformatur. Quocirca fiet, ut plus de objecto majori detegere, aut plura objecta oculo afferre possit. Nam quia anguli penicillorum singulorum majores sunt, hinc singuli penicilli post concursum in imagine factum se rursus latius expandent; ideò etiam objecta ab axe plus remota dum pupillam I occupare possunt, ibidemque subingressi factà competente Refractione in Retinâ unientur, & imaginem sistent. Quod non contingit in Lentibus minus convexis, cum habeant angulos penicillorum nimium acutos, adeòque objecta quæ ab axe remotiora sunt, licet imaginem post Lentem majorem efficiant, inde tamen digressi minus se dilatabunt; unde qui remotiores sunt in imagine, pupillam I intrare non valebunt, ut vides in figuris hic appictis. Nam penicillus Ex. gr. AEB Lentis



convexioris AB post punctum concursus E, dum se denuò dilatantim Q & R, cum pupilla I intra Q & R existat, radios aliquos à puncto digressionis E in imagine EF admittet, & post se in Retinâ colliget: quod nequit fieri per Lentem CD obtusiorè, cum penicilli CGD & CHD post imaginis puncta G & H minus se dilatent, ita ut pupillam I occupare nequeant, adeòque nec in-

gredi valebunt, sic nec ab oculo videri etiam poterunt. Ergò quò Lens fuerit minoris sphaeræ portio, eò oculus per illam in situ indicato plura objecta videre poterit, quod erat demonstrandum.

Corollarium.

Hinc patet ratio, quare telescopia minora cæteris paribus plura simul objecta detegant, quàm majora, quia nempe Lentibus convexioribus constructa sunt.

Telescopia minora plus detegunt de objecto.



CAPUT V.

De varia Lentium concavarum combinatione cum oculo naturali, ac modo per eas videndi.


Differentia
inter conca-
vam &
convexam
Lentem.

Lentium concavarum per se, hoc est, dum solæ considerantur in ordine ad objecta, acceptas ab iis species semper dissipare & confundere; ac in hoc Lens concava, ut benè meminit *Scheinerus in Rosa ursina*, à convexâ semper discrepat, quod convexa confusam speciem acceptam & transmissam distinguat & benè ordinet; Lens autem cava eandem trajectam perpetuò confundat. Respectu verò oculi, cum solæ concavæ adhibentur, eidem, qui se habet per modum Lentis plurimùm convexæ, semper radios divergentes adducunt, quasi ab objecto, quod sit vicinius collocatum, procederent. Quid nunc virtutis & efficaciz in repræsentando contineant hæ solæ, dum oculo præponuntur, præsentis capite paucis ostendam.

Propositio XXIII. Theorema.

Oculus post specillum concavum positus objecta videt minora, & eò quidem minora, quò magis à Lente recesserit.

Demon-
stratio.



Sit oculus GH, Lens concava AB, objectum CD. Dico primò, objectum minus videri per Lentem concavam AB, quàm si oculus sine Lente adhibitâ directè illud aspiceret.

Demonstratio. Si enim sine Lente adhibitâ directè objectum CD oculus aspiceret, angulus determinantium imaginis diametrum ac per verticem I transeuntium in oculum foret CID; interpositâ autem Lente concavâ AB radii CI & DI, qui priùs erant determinantes, refringentur ac divergent, adeoque amplius non pervenient ad punctum I, ut ad verticem I transeuntes determinent imaginem: ergò sub iisdem objectum CD videri non poterit. Debebit igitur objectum CD videri per alios radios, qui, ut facta divergentia perveniant ad punctum I, debent inter radios CI, DI procedere sive comprehendi. Sed si inter ipsos comprehendantur, eorum sic procedentium angulus ad I fiet minor priore, qui erat, dum oculus directè sine Lente objectum CD aspiciebat (uti a Ib minor est KIL in figura) ideò

ideò juxta suppos. 10. supra etiam objectum CD per Lentem concavam minus videbitur, quàm si directè videretur, quod erat primò ostendendum.

Dico secundò, quod quanto oculus GH magis recesserit à Lente AB, velut in M, tantò minus videat idem objectum CD.

Demonstratur similiter. Nam quantò magis recesserit oculus, à Lente concavâ, tantò etiam angulus directorum radiorum CMD erit minor angulo priori CID per 21. primi Eucl. sub quo etiam directè objectum CD oculus videbat. Cum autem Lens concava fuerit interposita, radii CM, & DM imaginem determinare iterum non poterunt sub angulo CMD, sed debent ob refractionem in Lente factam indeque ortam divergentiam radii rursus alii medii ad punctum M procurrentes id efficere: sed si qui radii intermedii hoc efficiant, angulum rursus minorem constituent, sub quo objectum videbitur. Ergò quantò magis oculus à Lente removetur, tantò minus semper objectum videbit. Sicut ergò, quo magis oculus removetur ab objecto CD, tantò minus directè videt objectum: ita etiam interpositâ Lente concavâ tantò multò minus refractè videbit objectum CD, quod erat demonstrandum.

Demonstratio.

Propositio XXIV. Theorema.

Oculus Myopum post specillum concavum positus potest objectum dissitum distinctè videre, quod sine specillo non potest.

DEffectus Myopum consistit in hoc, quòd cum iis humor crySTALLINUS, ut supra fund. I. diximus, sit nimium convexus & globosus: ideò licet vicina objecta basim distinctionis longius protrudant, ut in præc. Synt. demonstravimus, adeòque satis benè eam ad Retinam promoveant, itaque oculus illa distinctè videre possit; objecta tamen dissita non ita, quæ basim distinctionis abbreviant, videre poterit; unde hujusmodi oculo citius in ipso vitreo humore ea basis ordinatur, nec æquè procurrat ad Retinam, ut prius, uti tamen fieri decet pro distincta visione formanda. Debet ergò oculus Myopum artificialiter adjuvari, ut ita basis distinctionis ad ipsam Retinam moveatur, quod concavo specillo fieri posse sic demonstratur.

Demonstratio. Cum enim radii ab eadem parte objecti dissiti procedentes vi Refractionis in Lente concavâ ita refringantur, ut fiant divergentes, quasi à viciniore objecto procederent: oculus autem Myopum possit objectum in aliquâ viciniâ directè sine Lente videre distinctè. Si itaque ejusmodi oculo specillum concavum præponatur, quod ita dissitum objectum per radios refractos repræsentet, ut vicinum sine Lente, quod directè potest videre; etiam dissitum videre poterit per concavum specillum distinctè; concavum enim specillum objectum sistit virtualiter in centro seu foco suæ concavitatis: ergò si centrum concavitatis alicujus specilli ponatur in eâ distantia, in quâ oculus Myopis distinguit objecta, benè etiam illud dissitum distinguet; itaque oculus Myopum post concavum specillum positus potest objectum dissitum distinctè videre, quod erat demonstrandum.

Demonstratio.

Corolla-

Corollarium I.

Praxis ap-
plicandi
cujuslibet
Myopi spe-
cillum con-
gruum.

Hinc patet praxis applicandi cuilibet Myopi specillum congruum, quo distinctè videre possit objecta dissita. Si enim in eâ distantia, qua videt distinctissimè sine specillo concavo objectum propinquum, velut characteres aut quamlibet minutam scripturam, applicetur ei concavum, cuius focus virtualis sit in distantia æquali; hoc est, si specillum sit concavitas utrinque æqualis, ejusque semidiameter sit æqualis illi distantia, in qua sine Lente videt objectum propinquum distinctissimè: aut si sit specillum plano-concavum, cuius diameter sit eisdem distantia æqualis, etiam remota objecta distinctè per ejusmodi specilla videre poterit. Quod ad praxin pro specillis Myopum bene notandum.

Corollarium II.

Myopes
quomodo
videant ob-
jecta dissita
ope specilli.

Myopes tamen semper vident objecta dissita ope specilli concavi minoræ, quàm alii, qui distinctè sine Lente eadem videre possunt. Nam per præced. angulus sub quo Myopes vident per specillum objecta remota, semper minor est illo, qui formatur, dum in eadem distantia non interposita Lente eadem objecta directe videntur.

Corollarium III.

Possunt Myopes qualibet Lente concavâ in aliqua distantia distinctè objecta videre. Hoc est, si Lens non est satis concava, ut uniat penicillos in Retina, eam removeant ab oculo, poteruntque eos præcisè unire: ideoque possunt utiliter Lentem satis concavam etiam adhibere, modo illam, ut dictum, convenienter ab oculo removeant, patiuntur tamen aliquod dispendium, quod objecta non ita magna videant, quàm si Lentem oculo proportionatam propius admoveant.

Corollarium IV.


Quod si quis objectum sine specillo concavo distinctè videt, adhibito specillo tali idem objectum in eadem ab eo distantia videbit obscurè. Nam dum distinctè videtur objectum, signum est, penicillos ritè uniri Retina: accedente autem specillo cavo radii longius protrudentur, quàm in Retina valeant uniri, adeoque penicilli nondum uniti ibidem erunt. Ergo nisi Retina recedat, ut præcisè eos acquirat unitos, obscurè oculus per concavum specillum appositum videbit.

Propositio XXV. Theorema.

Si duobus specillis concavis inæqualibus idem objectum distinctè videatur, majus videbitur per specillum, quod erit majoris sphaeræ segmentum.

Sit oculus Myopis GH, qui distinctè videat objectum diffusum AB tum specillo concavo CD, quod est minoris utrinque sphaeræ portio, tum etiam specillo EF, quod utrinque majoris sphaeræ portio, sitque focus virtualis sive centrum amborum specillorum ad KL. Dico objectum AB majus videri per specillum EF, quàm per CD.

Demonstratio. Cum enim specillum concavum sistit virtualiter objectum in centro seu foco suæ concavitatis, & oculus Myopis tale requirit concavum, quod sistat objectum in eâ distantia, in quâ sine Lente videt distinctè objectum propinquum: sit igitur KL distantia illa, adeoque debebit utriusque specilli centrum ibidem esse; item objectum per ambo illa specilla visum virtualiter ibidem existeret. Sed si objectum ibidem existat tanquam in centro cujusque specilli, videbit illud oculus GH majori angulo, dum videt per specillum EF, quod est majoris sphaeræ portio, quàm dum videt per specillum CD, quod est segmentum minoris sphaeræ. Nam quia specillum CD est minoris sphaeræ segmentum, plus refringit radios, ac eos post se facit amplius divergere; adeoque radii AP & BP ut procedant versus I verticem oculi, ibique intrantes determinent diametrum imaginis, arctius coibunt, adeoque ad I minorem angulum constituent, quàm radii AO, & BO qui paulò laxius procedunt per specillum EF ad verticem I, ibique majorem angulum efficiunt: unde etiam objecti virtualiter in foco suo existentis per specillum majoris sphaericitatis visi magnitudo erit MN, per specillum verò CD minoris sphaericitatis magnitudo erit KL: est autem MN major ipsâ KL. Ergo objectum per specillum EF, quod est majoris sphaeræ portio, majus videbitur, quod erat demonstrandum.



Demonstratio.

Corollarium I.

Specillum concavum immediatè oculo præpositum ita ut tangat oculum, si per illud distinctè videt objectum diffusum, est maximum in sphaericitate, quo uti potest oculus Myopis. Si enim majus esset, hoc est, majoris sphaeræ portio, collocari non posset inter oculum GH & locum KL, in quo distinctè sine Lente videt objecta propinqua.

Concavum specillum immediatè oculo præpositum.

Corollarium II.

Lens valde
cava oculo
præfixa.

Si Lens valde cava oculo nimis propinqua præponatur, objecta faciet comparere confusa: nam radii ab objectis procedentes & in eam incidentes, dum nimium divergunt, conos specierum ultra Retinam terminare cogentur; ideoque pictura non nisi obscura & confusa in Retinâ subsequi debet. Secus fit, dum ea ab oculo remotius applicatur; ibi enim radios minus divergentes & ad parallelos magis accedentes excipiet, qui propè Retinam vel in ipsâ Retinâ uniri, adeoque satis distinctam picturam exprimere poterunt.



CAPUT VI.

Lentes polyedræ quas habeant proprietates, & quem effectum producant in oculo, declaratur & demonstratur.

Quid sint
Lentes po-
lyedræ.

Diversæ
earum spe-
cies expli-
cantur.

Lentes polyedræ quæ & vitra polyedra, aut polygonæ, aut etiam uno vocabulo polyoptræ dicuntur, diversarum specierum esse possunt. In genere autem de iis loquendo sunt Lentes non omnino sphericæ eadem continuâ superficie, sed imitantes corpus solidum multangulare ad convexitatem aut concavitatem adductum diversis planis aut superficiebus aliis præditum, quod circulo inscribi regulariter possit. Primæ speciei Lentes communissimæ sunt eæ, quæ passim habentur, vel unâ parte planæ per totum, & ex altera pluribus constantibus planis inclinatis ad invicem, vel ex utraque parte similibus pluribus planis affectæ sunt. Atque hic rursus duæ emergunt species: nempe possunt ea multiplicia plana vel ad convexitatem esse inclinata, quæ communissima sunt & ordinaria; vel ad concavitatem, qualia vix Lentibus interi possunt, cum paratu sint difficillima, & non nisi in officinis vitrariis, dum materia est mollis, liquida, & facile tractabilis per certos modulos impressos deberent efformari: sed tunc illa plana vix satis ordinatè & regulariter efformari poterunt, cum difficile sit cavos angulos solidos probè acutos efficere. Ambarum rursus istarum specierum Lentes possunt vel ex utraque parte tales multiplices superficies habere, vel inter se esse commixtæ, ut ex una parte cavitatem, ex alterâ parte convexitatem habeant: vel ex una quidem parte possunt esse multiplicium superficialium, ex alia verò totâ parte æqualiter planæ, vel æqualiter convexæ, vel concavæ; ubi earum plurimæ differentię rursus esse possent secundum maiorem aut minorem convexitatem vel concavitatem. Item rursus alia species polyoptrarum juxta superficies multiplices dari potest, quæ ipsæ vel planæ, de quibus hætenus diximus, vel concavæ, vel convexæ: hæ ultimæ rursus paratu sunt difficillimæ, & non nisi dum materia diaphana liquida est; sic ope modulorum parari possent. Conca- væ communiores sunt, & in usu habentur passim. Ex his omnibus differentiis duas assumemus, quæ vulgariter notæ, & nos infra fund. 3. Synt. 2. cap. II. etiam elaborare docebimus, ac sunt vitra illa solida convexa multiplicibus planis ex una parte affecta, ex alterâ verò æqualiter per totum complanata: item ea, quæ in cavum elaborata non tamen planis superficiebus, sed acutis cavitatibus ordinatè constant, ex alia quoque parte similiter plana sunt per totum, licet etiam convexa vel concava esse possint. De his igitur aliqua nunc in medium proferemus & demonstrabimus.

Pro-

Propositio XXVI. Theorema.

Radii in planam aliquam superficiem plano-convexi ordinati & regularis polyedri ita incidentes, ut sint axi paralleli, similiter deinceps paralleli procurrunt, etiamsi refringantur.

SIt enim polyedrum plano-convexum ordinatum ACB , cujus axis GCD . Sit autem inprimis plana superficies lo parallela ipsi AB , ita ut axis DC perpendiculariter eidem insistant, ad quam radii a & b ipsi axi atque ita etiam inter se paralleli incident. Quia igitur & lo ac AB parallelæ per prop. 14. cap. 4. Synt. 1. hujus etiam post polyedrum radii a & b progredientur similiter, nempe a in L & b in M , adeoque paralleli procurrent. Deinde sit alia superficies ef obliquo situ respondens ipsi AB , ad quam etiam incident radii c & d axi DC paralleli. Dico radios dictos ita incidentes tam in polyedro, quam post polyedrum egressuros parallelos.

Demonstratio. In tangente ef ad punctum contactus I erigatur axi CD parallela IH . Si cogitetur hæc procurrere in vitrum; vi primæ refractionis procedet HI ex I in K quasi pergeret in G per coroll. prop. 4. cap. 4. Synt. 1. hujus, ad distantiam videlicet sesquidiametri convexitatis ACB . At quia per axiom. 3. cap. 3. Synt. 1. supra, ad similem inclinationem similis fit refraction, cum radii c & d similiter ac parallela HI incident ad idem planum, similis etiam necessario refraction sequetur, adeoque similiter in ipso polyedro c & d & f g paralleli procedent. Deinde vi secundæ refractionis, cum radius IK in egressu procedat in F distantiam diametri convexitatis per prop. 6. cap. 4. Synt. 1. hujus, sint quoque radii e & h & f & g paralleli ipsi IK , adeoque similiter inclinati, iterum factâ simili refractione procurrent h & o & g & N similiter, hoc est paralleli, quod erat demonstrandum.

Demonstratio.

Corollarium I.

Cum radii ab objecto longinquo progressi reputentur pro physicè parallelis, fit ut quotquot ab eadem aliquâ parte objecti profluxi per eandem faciem sive superficiem planam polyedri procedunt, etiam post illud paralleli procurrant.

Corollarium II.

Polyedrum plano-convexum cum est regulare & ordinatum, si plures radii axi paralleli per singulas planas superficies prolabantur, circa distantiam diametri convexitatis veluti in F fig. 1. aut melius in fig. 2. circa KOL concurrunt non quidem præcisè in puncto O , sed in una parte KOL , quæ sit propè æqualis uni faciei polyedri: inde verò decussatim digrediuntur, ut in fig. 2. satis liquet. Et, si excipiantur plano aliquo superficiem AB parallelo, figuram suarum facierum, quas perlabuntur, exhibent.

Radii paralleli in polyedrum regulare incidentes quomodo uniantur.

ICONISMUS

III

figura 1.
Icon. III.




fig. 2.





fig. 3.



fig. 4.



fig. 5.



Corollarium III.

Hinc patet differentia inter Lentem polyedram & sphæricam in eo sitam esse, quod Lens sphærica radios omnes parallelos incidentes vel ab uno objecti puncto venientes præcisè uniat in puncto, quod est vertex alicujus coni: unde si post decussationem radii excipiantur, nulla fit interruptio, sed haberi potest circulus integer luminosus. In Lente autem polyedrâ datur interruptio, & diversa configuratio secundum variam facierum configurationem. Evenit hoc, quia in sphæricâ Lente sensim mutatur inclinatio superficiei, in polyedro autem tota subito mutatur simul.

Differentia
inter Len-
tem polye-
dram &
sphæricam.

Corollarium IV.

Hinc rursus patet, quomodo Lens polyedra plures radios ab eodem simplici objecto acceptos eo modo, ut dictum est, non tantum unire, sed & dispergere queat. Quocirca fieri potest, ut idem objectum non tantum pluries in eodem loco, sed etiam in diversis locis à diversis simul videri possit, ut mox ostendetur.

Corollarium V.

Non tantum radii paralleli per multiplices facies polyedri multiplicari possunt, sed etiam, qui ab eadem parte objecti quomodolibet diffusi procedunt; modo tamen objectum magis distet à Lente polyedrâ, quàm sit distantia ejus foci. Unde quod dictum supra de Lentibus sphæricis, idem dici potest de radiis præcisè in medium sive punctum contactus cujuslibet superficiei incidentibus, cum id habeant commune. Reliqui verò radii in easdem superficies impingentes non nihil ab invicem erunt divergentes. Quicquid igitur dictum est de Lentibus sphæricis, proportionem quâdam polyedris accommodandum est, sive ex sint convexæ, sive concavæ.

Conformitas
Lentium
polye-
drarum
cum sphæ-
ricis.

Corollarium VI.

Lentes utrinque polygonæ radios ad easdem facies sive planas superficies incidentes difformius & inordinatius trajiciunt; cum qui per eandem faciem ingrediuntur, ob figurationem alterius oppositæ partis dissimiliter per diversas facies egredi debeant, unde amplius & inordinatius dispersuntur.

Lentes
utrinque
polygonæ.

Propositio XXVII. Theorema.

Lens convexa post polyedrum collocata colligit radios per singulas superficies trajectos in distantia sui foci.

Lens con-
vexa post
polygo-
nam quid
præster.

Sit, ut patet in fig. 3. Lens convexa DE, cujus focus ad G, cui præponatur polyedrum AB. Dico quod objecti C radios per singulas facies polyedri trajectos colligat ad efformandas imagines in locis F. G. H. Sicque objecti C apparentiam ibidem multiplicet pro numero superficierum polyedri.

Demonstratio. Nam quia per præcedentem & ea, quæ exinde collecta sunt, radii à singulis objecti diffusi punctis ita per singulas superficies radiant, ut

Demon-
stratio,

egrediantur physicè paralleli, vel saltem ita divergentes, aut cum eadem habitudine, sicut prolaberentur, si non refringerentur, atque directè procurrerent; unde solùm ob diversas facierum inclinationes ad diversa loca plures simul radii detorquentur. Cùm verò Lentis cujuslibet convexæ, in quâ prævalet convexitas, proprietas sit, radios ita illapsos ad focum colligere, ut supra Synt. 1. hujus satis demonstratum est. Igitur Lens convexa post polyedrum collocata radios à quacunque facie ad se prolapsos colliget & in unam basim ordinatam constituet. Sic plurimos radios venientes per faciem a b obversam objecto C, uti sunt omnes inter C a k, & C b l colliget ad locum G: similiter radios C e, C f progredientes per i m uniet in loco F; item eos, qui à puncto C objecti radiant per planam superficiem c d & procurrunt ad g h, colliget ad locum H. Quod autem hic de solo puncto C objecti demonstratum est, etiam de aliis quibusvis similiter demonstrari potest. Unde sicut punctum C pro superficie polyedri numero ope Lentis convexæ diversis locis pingitur: ita de aliis quibuslibet totalis objecti punctis sentiendum. Quocirca objecti imago per Lentem convexam post polyedrum collocatam non tantùm efformari, sed & sæpius exhiberi diversis locis, adeoque multiplicari potest, quod erat demonstrandum.

Corollarium I.

Ejusdem objecti quotcunque imagines ita adhibitâ unicâ Lente convexâ dum diversis locis depinguntur, sunt eæ semper & comparent eversæ. Cùm enim ante ingressum Lentis omnes radii per quamcunque planam superficiem ita progrediantur, ut non decussentur, sed maneant in eadem habitudine, quasi directè pergerent: Lens autem convexa evertat modo imaginem post decussationem radiorum; ita etiam manebunt & comparebunt.

Corollarium II.

Possibile est ope polyedri & Lentis convexæ, si debitè soli obvertantur, diversis locis ignem excitare. Cum enim possint plurimi radii solares diversis locis uniri, poterunt esse tam efficaces, ut in materiâ facilè combustibili ignem excitent.

Propositio XXVIII. Theorema.

Oculus
post poly-
edrum quo-
modo vi-
deat.

Oculus post Lentem polygonam constitutus videt objectum idem semper erectum multipliciter in diversis locis.

SIt enim oculus D E G fig. 4. constitutus post Lentem polygonam A B aspi-
ciatque objectum C, Dico, visurum illud multipliciter semperque erectum
in diversis locis.

Demon-
stratio.

Demonstratio. Cum enim per suppos. 9. supra hujus Synt. oculus in usu
& applicatione quarumlibet Lentium habeat se per modum Lentis plurimùm
convexæ: per præcedentem autem si Lens convexa post polyedrum constitua-
tur, imago ejusdem objecti eversa multipliciter in diversis locis exprimitur; et-
iam in oculo hoc fiet: adeoque imago ejusdem puncti objecti velut C fig. 4.
per radios C a D & C b E ad fundum Retinæ in loco G pingetur. Similiter ejus-
dem puncti C radii per faciem c d procurrentes unientur in H: & alii rursus
ab eodem puncto C progressi per superficiem planam e f deducuntur ita per
D E,

DE, ut uniantur in F. Et quod de uno objecti puncto dicitur, de aliis quoque facile demonstratur. Quocirca idem punctum multipliciter in Retinâ exprimeretur. Et quia per suppos. II. Synt. hujus supra, actus videndi sequitur modum representandi, dum illud punctum eversum in diversis Retinæ locis representatur, oculus illud in diversis locis multipliciter & erectum videbit, quod erat demonstrandum.

Corollarium I.

Si oculus constituitur in foco polygoni (velut exhibet K O L fig. 2.) Oculus in foco polygoni. quot latera habet polygonum, toties objectum videbit multiplicatum: quod non ita contingit, dum paulò ante vel post focum oculus applicatur, cum radiationes eæ, quæ per facies sive latera polygoni magis inclinata procurrunt, ab ingressu pupillæ excludi possint.

Corollarium II.

In polyedro ordinato regulari si facies aliqua plana fuerit parallela majori plano polyedri, ita ut axis polyedri transeat per medium illius; oculus in foco polyedri constitutus per unicam illam faciem poterit videre objectum in loco vero suo, non autem per alias facies inclinatas. Si verò polyedrum ita sit ordinatum, ut neutra facies sit majori plano polyedri parallela, sed omnes sint inclinatae (sicut ordinariè fieri solent) nunquam oculus per illud polyedrum objectum aliquod videre poterit in loco suo vero, unde quotiescunque videt objectum, videt illud extra suum locum verum. Sic in fig. 5. si facies a b sit parallela ipsi plano C D, ita ut axis A B perpendiculariter transeat planam superficiem a b, oculus in B constitutus videbit stellam A in loco vero; per alias autem facies inclinatas videt stellam illam extra suum locum verum, nempe in locis G, E, F. item H, I, K. Quod si autem facies a b non sit parallela plano C D, sed extet in medio ad angulum solidum; nunquam oculus videre poterit stellam A in loco suo vero, sed proximè in locis G & H. Quando objectum videatur in loco vero, & quando non.


Corollarium III.

Sicut unus idemque oculus per Lentem polygonam potest idem objectum multiplicatum videre ac sæpius in diversis locis: ita etiam diversi oculi in diversis locis constituti post eandem Lentem idem objectum simplex, at in alio semper loco videre possunt, ita ut unus oculus videat illud ad sinistram, alius ad dextram, alius sursum, alius deorsum, &c. prout nempe oculi illi post digressionem à loco unionis factam velut K O L fig. 2. in majori aliquâ distantia possint. Plures oculi ex diversis locis idem objectum ut videri possint. certis locis, ut H I, vel F G, vel D E applicantur. Similiter idem oculus diversimodè applicatus poterit nunc aliis atque aliis locis idem objectum etiam diversimodè videre. Plura alia circa ejusmodi Lentes polyedras afferemus infra in Fund. 3. Synt. 2. cap. 12.

Propositio XXIX. Theorema.

Radii axi paralleli incidentes in polyedrum concavo-planum secundum multiplices facierum inclinationes divergunt, & more, ut in concavo-vis specillis fieri solet, ab axe digrediuntur. Specilla polyedra concavo-plana.

Sit

Demon-
stratio.

etiam radii a I, & b K similiter divergent. Atque ita quod de inclinata facie a b demonstratum est, de aliis quoque quibuslibet superficiebus inclinatis similiter demonstrari potest. Ergo radii, ut dictum in propositione divergunt, quod erat demonstrandum. Quod si tamen aliqua planities velut f g sit parallela majori plano A B, radii axi C D paralleli (ut hic sunt E f, & F g) pertransibunt irrefracti in G & H, ut figura ostendit.

Corollarium I.


Lentes polyedre convexo-concavae.



Quia difficillimum est elaborare huiusmodi specilla polyedra concavo-plana; solent eorum loco adhiberi convexo-concava, ut figura monstrat, quae secundum exteriorem superficiem sunt polyedra convexa, secundum interiorem vero concava minoris sphaerae.

Corollarium II.

Polyoptrae cavae pro communibus tubulis Hollandicis.



Etiam distans curiosè multiplex ostendere queant. Sed haec de Lentibus concavis polyedris sufficiant, quae quia minùs ad usum veniunt, ideo pluribus ut exponantur, non indigent.



CAPUT VII.

De oculo Materiali, ejus artificiosa constructione, tractatione & usu ad varias per eum experientias practicè demonstrandas.

UT ea quæ hætenus circa combinationem variarum Lentium cum oculo Naturali demonstravimus, facilius intelligi queant; plurimum servit artificium fabricæ oculi cujusdam Materialis, cujus ope omnia ea, quæ oculo Naturali ob Lentes quaslibet eidem præfixas conveniunt, perfacile, organicè & practicè ad oculum demonstrari possunt. Compositionem hujusmodi structuræ talem tradit *Dechales lib. 1. opt. pro. 10.*

Sit Lens vitrea convexa satis exquisita, quæ sit portio minoris Sphæræ, hoc est, quæ ad distantiam unius aut alterius digiti radios solares uniat. Hæc Lente instruatur tubus aliquis satis amplus, cujus diameter sit duorum circiter digitorum, longitudo sit quatuor aut quinque digitorum. Huic tubo inferatur alius tubus, qui adduci possit ad libitum. Hic secundus tubus tegitur unâ sui parte chartâ albâ, tensâ, & oleo etiam inunctâ; potest etiam hic tubus desinere in tubum minorem, ut melius repræsentet caudicem ipsius oculi, seu nervum opticum. Primus tubus adhuc inferitur alteri instructo septo aliquo perforato ad modum pupillæ, & adhuc si velis, cujus exterior pars habeat foramen aliud instructum folio Selenitidis, aut vitro convexo-concavo, nempe frusto alicujus phialæ. Imò depingere potes oculum Naturalem, & aliquo artificio palpebras efformare, quæ relinquo Artificis ingenio. Essentialia tantum persequor. Singularem igitur partium imaginem hic subjicio & explico.

Comprimis tubus A B non longè ab extremitate A B habet septum chartaceum C D instructum Lente vitreâ F E. Huic inferitur alius tubus, cujus caput G I tegitur circulo chartaceo benè extenso, & inuncto oleo. Hic tubus desinat in tubum minorem K L apertum in K L, ut videri possit circulus G I. Sit tertius tubus M N, cui primus inferi possit eo modo, quo pixis inferitur suo operculo, ex parte nempe N O inferatur, habeatque intra se diaphragma chartaceum Q P perforatum in V X. Aliam item faciem M R habeat tectam, perforatam foramine S T; instruatur autem S T folio Selenitidis aut frusto phialæ alicujus, depingaturque oculus exterior.

Hanc autem habet analogiam cum oculo Naturali. Tubus B H K L, repræsentat nervum opticum vacuum & apertum, ut per illum videri possit, quid agatur in Retina; hæc autem erit circulus chartaceus G I, quem volui inungi oleo, ut contraheret aliquam perspicuitatem: volui item, ut tubus B H moveri posset ad exhibendum Retinæ motum, cum necessario accidere debeat in videndis objectis vicinioribus, ut vel Retina recedat, vel humor crystallinus coarctetur; utrum contingat, perinde est.

Tota capacitas C G I D est vitreus humor, repletur in hoc oculo aëre; & licet substituatur aër pro humore vitreo, nihil tamen erit incommodi in ordine ad effectus, quos inquirimus. Lens vitrea convexa F E repræsentat crystallinum humorem, & benè quidem: Superficies utraque illius Lentis vitreæ erit Aranea: circulus chartaceus D E, cui inferitur Lens vitrea repræsentat processus ciliares, quibus constringitur crystallinus humor.

Alius tubus, qui imponitur tubo A B tanquam ejus operculum, constat primo

X


dia-

Structura
oculi ma-
terialis
juxta De-
chales.

Analogia
cum oculo
naturali.

ICONISMUS

IV



diaphragmate Q P perforato in V X; est igitur uvea, & V X pupilla, quæ quia aliquando coarctatur, aut dilatatur, habeantur duo aut tria hujusmodi septa, quorum foramina sunt inæqualia, & ad libitum apponi possit quodlibet ex illis.

Circulus M R, qui etiam convexitatem habere posset ad ornatum, repræsentat exteriorem oculi superficiem, ideoque volui, ut instrueretur foramen S T folio Selenitidis repræsentante corneam. Tota cavitas, quæ est inter superficiem M R & crystallinum humorem, repræsentat aqueum humorem, ideoque fiat quàm brevissima poterit. Hæc de structurâ sui oculi materialis *De chales*.

Pro experimentis autem ope hujus ocularis fabricæ faciendis, suppellectilem aliquam requirit. Primò, ut habeantur perspicilia quibus utuntur senes, nempe convexa, sed majoris sphæræ segmenta, habeanturque alia aliis magis convexa. Habeantur item perspicilia concava, quibus utuntur Myopes, seu ii, qui non multum vident in magnâ distantia. Habeatur Lens polygona saltem convexa. Item habeatur tubus opticus aut communis Hollandicus, aut quod melius esset, tubus ille, qui duabus Lentibus convexis constat. Licet enim objecta in verso situ nobis ostendat, parum interest, nam erecto situ ea in oculo artificiali depingeret.

Requisita
pro experi-
mentis.

Addit his Auctor, si quis non habeat Lentem satis convexam, ut parvum oculum conficiat, assumat Lentem perspiciliorum communium, quibus utuntur senes, vel duas aut tres, tantum non contiguas, & habebit oculum forsan longiorem, sed tamen optimum, imò in quo melius imagines appareant.

Ego neglectis aliis minùs ad effectum conducentibus ejusmodi oculum materiale in globo ligneo hoc modo curiosè soleo construere.

Constructio
oculi
materialis
juxta Au-
ctorem.

In primis fit globus torno è ligno arido beneque desiccato probè elaboratus in ea magnitudine, ut major figura Schematismi ostendit, qui ad medium A B D C rotundam cylindricam cavitatem habet, ut tubus G E, H F eidem probè commissus huc illucque diduci queat. Hic tubus loco G H munitur vitro orbiculari plano, aut concavo-convexo, ita ut cavitas respiciat versus I K, quod ex unâ quidem parte tersè politum esse potest, ex altera tamen parte debet esse æqualissimè attritum, attamen impolitum, ut instar cornu nebulosum aliquantulum obfuscatumque compareat: estque vitrum hoc modo paratum melius, quàm charta quævis oleo imbuta ac quomodolibet protensa, sustinetque vices Retinæ in hoc oculo materiali. Ad partes R S habet hic tubus satis amplum foramen, ut oculus circa M applicatus possit ad vitrum G H loco chartæ protensum perspicere. Potest foramen hoc, dum reponitur instrumentum, operculo Q occludi, sicut & foramen L ipso P. Tubus H E & cavitas A B debent intus denigrari, ut tantò nitidiùs imagines in vitro G H compareant. Ad A D agglutinatur capsâ annularis cum vitro multum convexo, quale ego adhibere soleo utrinque ex diametro convexitatis 25. aut 30. partium centesimarum pedis Romani, ut ita radios parallelos pro distinctâ imagine circiter ad medietatem globi colligat. Hæc capsâ habeat operculum T V cum foramine L, per quod objecta radiare possint. Exterius etiam in tubo H E potest scala quædam mensoria N O adscribi pro usu, ut infra dicitur. Potest autem hæc scala in quocunque particulas minutas æquales dividi, prout longitudo permittit. Insuper potest etiam secundus aliquis tubus ductilis b B a C, qui cum annulo B C extrahi potest, intus in globi cavitate recondi, ut vitrum G H cum necesse fuerit, tantò magis etiam extra globum à Lente convexâ I K removeri possit. His ita constructis erit totum instrumentum pro fabricâ oculi materialis paratum. Vide figuram. Sed nunc tractationem usumque pro variis experienciis practicè demonstrandis aperiam.

Usus huius Oculi Materialis in variis experimentis indicatur.

Indicantur
plures con-
gruentia
oculi mate-
rialis cum
Naturali.

I. **Q**Uod si instrumentum hoc experimentale oculi Materialis in loco parum saltem inumbrato versus objectum illustre ac bene illuminatum teneatur ita, ut patens foramen L illud respiciat; tubus autem H E extrahatur quousque in vitro G H quod Retinam repræsentat, quàm fieri potest, nitidissima objecti imago per alterum foramen R S inspecta compareat; repræsentabitur hæc imago inversa, sicut in oculo Naturali solet contingere.

II. Quàntò objectum magis est illuminatum, & instrumentum in loco magis inumbrato tenetur, tantò illustrior & vivacior imago in vitro G H depingitur. Idem accidit in oculo naturali, dum ex loco multum inumbrato objecta magis illustria conspiciunt, aut in cavum plurimum retractus est, sicut & ipse manibus obtentis solet idè magis obumbrari, ut videat melius & distinctius objecta opposita.

III. Dum foramen L appositis orbiculis minus foramen habentibus arctatur, imago intus comparebit præcisior & distinctior, at paulò obscurior sive attrior: cum verò laxatur ex oppositis chartaceis orbiculis amplius foramen continentibus, imago quidem vivacior ac illustrior intus formatur, at non ita præcisa & distincta. Idem fit in oculo naturali, dum per angustam pupillam distinctius cernit objecta, quàm per latè patentem.

IV. Si objectum, quod per instrumentum radiare debet ad vitrum G H sit valdè propinquum foramini L, imago non nisi nubila cum variis coloribus & indistincta (nisi tubus H E valdè extrahatur) comparet. Ita similiter objecta nimis propinqua oculo naturali nequit distinguere.

V. Si instrumentum obvertatur objectis valdè distantibus, eadem nimis minutè intus pinguntur, ut vix discerni queant. Idè etiam dum oculus naturalis valdè remota objecta intueri cupit, ob parvitatem picturæ imaginis in Retinâ formatæ nequit ea distinguere.

VI. Quòd si instrumentum teneatur versus objectum bene illustratum, sitque illud propinquum, ut objecti distincta imago formetur in vitro G H, debet tubus H E magis extrahi: cum autem objectum est longius distans, & eodem loco obtinetur instrumentum, ut distincta objecti illius imago videatur, debet tubus H E magis immitti, & vitrum G H magis adduci ad Lentem convexam I K; quod in scälâ mensuriâ satis accuratè notari potest. Similiter ut in oculo Naturali contingit, dum enim in propinqua tendit, magis removet Retinam; dum autem ad longinqua, magis admovet eam.

VII. Quàntò Lens I K quæ repræsentat humorem crystallinum, acutioris erit convexitatis, tantò propius requirit vitrum G H pro distinctâ imagine formandâ. Quàntò autem obtusioris convexitatis erit, tantò magis remotum esse debet vitrum G H. Idem contingit in oculo naturali, dum humor crystallinus est magis aut minus globosus, requirit enim pro distinctâ imagine in Retinâ formandâ minus aut magis eandem Retinam admotam.

VIII. Ab eadem Lente convexa I K dum vitrum G H plurimum distat, ita ut illius basis communis ordinata formetur antequam vitrum G H attingat; præpositâ foramini L congruâ Lente cavâ protrudi potest basis ordinata ad ipsum vitrum G H, ut distincta ibidem imago formetur. Cum autem vitrum G H propius admotum est Lenti I K quàm sit distantia basis distinctionis, imago in vitro obscura comparebit; congruâ autem Lente convexâ ad foramen L appositâ basis ad vitrum G H tanquam Retinam adduci poterit, & ita distincta imago comparari. Similiter fit in oculo naturali, dum Lentibus cavis juvantur Myopes, & convexis Presbyta.

IX. In-

IX. Insigni artificio practico per hoc instrumentum deprehendi potest defectus visus alicujus, modò perspicillum, quod illi visui valde convenit, offeratur. Si enim perspicillare vitrum oblatum foramini L præponatur, & tubus ductilis ita accommodetur, ut imago objecti in ea distantia remoti, ad quam ope perspicilli dati visus objecta solet quàm optimè cernere, distincta compareat. Manente ita ductili tubo, si perspicillare vitrum à foramine removeatur, & deinde instrumentum in illo situ permissum successivè ita variè distantib⁹ objectis obvertatur, quousque distincta aliqua imago intus ad vitrum G H compareat. Benè concluditur in distantia illius objecti, quod hoc instrumenti situ omnium clarissimè & distinctissimè intus in tubo comparet, posse visum illum, cui perspicillum datum convenit, absque eo objecta oculo liberè distinguere ac probè videre.

Defectus
visus quo-
modo ad-
vertendus.

X. Item si offeratur perspicillare vitrum quaecunque, concavum, aut convexum perinde est, quod oculo cuidam valde convenit ad probè videndum; & si debeas ex pluribus diversis perspicillis aliquot seligere, quod eidem oculo æquè bene vel melius conveniat, ita procede. Datum perspicillare vitrum applica foramini L materialis oculi, & cum eodem ab aliquo illustri objecto, velut fenestrâ, ad aliquot passus in obscuriorem locum recede, & accommoda ita ductilem tubum, quousque in vitro G H illius fenestræ nitidissima ac fieri potest, imago compareat. Dum in eadem loco remoto priori vitro perspicillari, & relictò in situ illo oculo materiali unum perspicillum post alterum eidem foramini L applica, videque qualis imago compareat. Si nulla: omninò perspicillum illi oculo non convenit: Sin aliqua, at obscurior priori imagine per datum perspicillum projecta; erit quidem pro illo visu, ad deterioris notæ: sin imago in persimili nitore & claritate advertatur; conveniet in efficacità cum dato perspicillo: quod si imago paulò major, clarior & distinctior appareat; dato haud dubie hoc perspicillum melius erit. Sic etiam possunt examinari perspicilla communia, quæ vulgò distrahuntur, ac qualem effectum præstent in oculo; an invicem conveniant & æqualia sint duo perspicillaria vitra, an non. Item possunt quælibet Lentes explorari etiam ex eadem scutellâ vel globo elaboratæ an æqualis, vel cuius in repræsentando virtutis sint. Quem in finem scala mensoria etiam adscripta est, ut non tantum ibidem visuum quorumlibet differentia, sed & qualiumcunque Lentium effectus perfacile observari & annotari possint. Alia non memoro: quilibet facile plura ex hisce ritè intellectis ad praxin colligere poterit.

Praxis in-
veniendi
perspicilla
optime
oculis con-
venientia.

Perspicilla
quomodo
examinan-
da.

XI. Si vitrum polyedrum instrumento huic eo modo, ut sæpè dictum præponatur, similiter ut in oculo Naturali contingit, multiplices imagines in vitro G H ostendet. Si vitrum trigonum; imagines nunc sursum, nunc deorsum repræsentabit coloribus diversis imbutas.

Vitrum po-
lyedrum.

XII. Quòd si tubus suis Lentibus munitus qualiscunque præponatur, advertere licebit imagines inde projectas: ita, ut tubus duorum vitrorum convexorum repræsentet in vitro G H imagines erectas; alii autem qualescunque tubi, qui ad oculum naturalem applicati objecta situ exhibent erecto, illa in instrumento exhibebunt eversa.

Tubo oculi
huic ap-
plicati.

XIII. Si quoque tubi alicujus præstantiam examinare libeat, attendatur in oculo hoc Materiali ad claritatem, distinctionem & magnitudinem imaginis projectæ: Nam tubus ille alteri cuicunque præferendus est, qui nominata continet. Plura alia, quæ hujus instrumenti praxes attinent, non indico: quivis enim facile suomet ingenio hinc eadem advertere poterit.

Præstantia
tuborum
uti exami-
nanda.

Ex his jam indicatis manifestè patet, quàm graphicè hoc oculi Materialis instrumentum in omnibus oculi Naturalis exprimat organum, ut ita nihil penè circa videndi facultatem in oculo naturali accidere queat, quod non aliquo modo in hoc oculi Materialis organo perspicuè exhiberi possit. Sed his nunc relictis jam propius ad hujus operis scopum accedamus.

SYNTAGMA III.

De variis machinis & instrumentis Teledioptricis ad oculum naturalem applicatis, ac visione, modoque per illa videndi.

Nunc tandem propius instituti nostri finem accedimus. Omnino verissimum est, quod dixit *Aristoteles* 1. *Physic.* *Finis est primum in intentione, & ultimum in executione.* Quæcunque potissimum hactenus in medium adducta sunt, finem hunc respexere, instrumenta scilicet Teledioptrica pro oculo naturali fabricandi, ut his adjutus ea possit artificialiter indagando assequi, quæ naturali suo vigore nequit attingere. Pro fine hoc obtinendo seorsim multa contulimus, jam ut cum tandem assequamur, hoc Syntagmate plures Machinas ac fabricas artificiales proferemus, quas oculo naturali applicatas, mirè ut eum acuant & arment, convenire demonstrabimus. Sed quò facilius ac melius sequentia intelligi queant, hic prius aliqua prænotare, & ut plurimum ex demonstratis collectalibet præsupponere.

CAPUT I.

Hypotheses & Suppositiones quædam præmittuntur.

Distantia
ad quam
oculus bene
constitutus
videt.


I. **O**culus communis optimè videt ea, quæ distant uno aut altero pede. Unde si objectum vel aliqua objecti imago ita cæteris paribus radiet in oculum benè constitutum, quasi in distantia tali collocetur, oculus etiam benè & distinctè videbit.

II. Item si objectum aliquod vel objecti imago ita radiet in aliquem oculum defectuosum Myopis aut Presbytæ, quasi sit in eâ distantia, ad quam defectuosus aliquis oculus distinctè solet videre; etiam illud objectum vel illam objecti imaginem distinctè videbit.

Oculus defectuosus
per Lentes
uti juven-
dus.

III. Si ante oculum quemcunque defectuosum proportionata Lens ad tollendum defectum adhibeatur, restitui potest visus ordinatus & procurari communis. Sic cum Myopis oculus Lente concavâ proportionatâ instruitur, æquè valebit videre, ac visus communis ordinatus.

IV. Radii in eo oculo, qui benè & distinctè videt aliquod objectum, vel objecti imaginem, uniuntur præcisè in Retinâ.



V. Licet objectum aliquod radiet in oculum per radios multum refractos, ita tamen oculus apprehendit radios illos, quasi per lineam rectam continuam irrefractam incurrerent. Ita si objectum C radiet per Lentem AB in oculum D radiis multum refractis CAD & CBD; oculus ita apprehendit objectum C, quasi veniret radiis irrefractis EAD & FBD.

VI. Ob-

VI. Objectum etiam quomodocunque in oculum per species deductum videtur in iis radiis, qui propè verticem oculi physicè irretracti transeunt, & imaginis diametrum determinant. Unde objectum per quodcunque telescopium, aut Microscopium aspectum tantum apparet, ad quantum spatium radii ultimi imaginis diametrum determinantes extra oculum, si ad locum apparentem objecti producerentur, extenduntur. Ita si per Lentem A B minoris sphaeræ oculi D videret pulicem C, videret eum quasi in magnitudine E F.

VII. Melius & distinctius oculus semper videt per axem opticum, hoc est, lineam ab objecto ductam & transeuntem per centra omnium humorum, sive perpendicularem ad omnes oculi humores & ipsius pupillæ, itemque centra quarumvis Lentium cujuslibet instrumenti teledioptrici transeuntem. Unde fit, ut eæ tantum partes objecti distinctissimè videri queant, quæ machinis teledioptricis ad oculum applicatis directè obijciuntur.

Visio distinctissima fit per axem opticum.

VIII. Objectorum imagines in oculo se habent, ut anguli, sub quibus per radios principales physicè irretractos transeuntes determinantur. Insuper magnitudines rerum apparentes eo modo se habent, ac imagines, aut anguli, ut jam dictum.

IX. Omnis visio sensibiliter distinguens unum ab alio oritur ab imagine in Retinâ expressâ, quæ sensibiliter magis distinguatur ab eâ, quæ minus sentibilem habet magnitudinem, sive imaginem.

X. Ut oculus partes minutas alicujus objecti distinguat, majori indiget lumine, quàm dum partes magnas distinguit. Unde cum partes minutæ sunt distinguendæ, ita sunt collocandæ, ut lumen ad ipsas procedens, quo distinctam visionem promoveat, sit majus: si enim remissum erit, impotens erit ad visiones effectum, quia minuta pars seorsim sumpta parùm luminis remittit: ergò ut seorsim sumpta (hoc est sine aliarum auxilio) movere possit oculum ad distinctam visionem, multum luminis requirit.

Majus lumen prominis rebus cernendis requiritur.

XI. Instrumenta Teledioptrica velut microscopia aut Telescopia debent augere angulum, sub quo videntur objecta, ut sub sensibili angulo videatur illud objectum, quod prius sub valde minuto adeoque insensibili spectabatur. Hoc est: debet augeri imago expressa in fundo oculi, ut sentibilem ejus partem occupet, cum sine applicatione istiusmodi instrumentorum insensibilem obtineret. Debent item plures radios ejusdem spectabilis objecti colligere, ut si quod objectum seorsim sumptum sufficientes radios in oculum non emittebat, jam per collectionem plurium sufficienter intensos eos in Retinam usque immittat.

Quid præstare debeant instrumenta Teledioptrica.

XII. Cum ea sit circiter maxima distantia distinctioris visus, de quâ nempe possumus vi duorum oculorum judicare: ideò quæcunque etiam magis distantia sunt, comparamus cum eâ distantia, & judicamus esse ad centum circiter pedes: nullius enim majoris distantia experimentalem cognitionem habemus, ut præcisè à visivâ potentiâ deductam; cognitiones enim distantiarum majorum habent aliquid admixtum ratiocinii. Igitur quæcunque magis ab oculo distant, quàm centum quindecim aut centum viginti pedibus, cum ad eam distantiam referantur, ita se habent, ut minores sint magnitudines apparentes, quàm reales. Vide De chales opt. lib. 2. pro. 31.

XIII. Duo oculi communiter melius vident, quàm unus tantum. Unde cum per tubum binoculum objectum aliquod aspicitur, melius videtur cæteris paribus, quàm per tubum simplicem.

Duo oculi melius vident.

XIV. Et si duæ convexæ Lentæ ita combinatæ, ut una intra foci alterius distantiam existat, non multò plus augeant objecti magnitudinem, quàm si una Lens acutior æquivalens, seu quæ sit minoris sphaeræ portio pro duabus illis Lentibus ita junctis substitueretur, majorem tamen objecti partem detegere solent. Nam dicet vi primæ Lentis radii ad eandem objecti partem perti-

Duæ lentæ convexæ pro una æquivalente substitutæ quid præstent.

pertinentes fiant divergentes, unde multi ex iis perirent, & aliò deviantes amitterentur; vi tamen secundæ Lentis in qua excipiuntur, ad concursum aliquem detorquentur, ut ita pupillam ingredi queant. Unde etiam experiëntiâ constat, hujusmodi combinationem (modò materia vitri satis conspicua sit, & lentes ita combinentur, ne una alterius vitia detegat,) valdè conducere ad benè exhibenda objecta, eaq; multò plura. Oculus igitur per duas ita combinatas Lentes prospiciens, etsi objectum non videat majus, (idem est de aliquâ objecti imagine) quàm per æquivalentem unicam Lentem convexiorem, videre tamen plùs poterit de objecto totali. Potest autem Lens prima ocularis majoris esse sphæræ portio. Vide eundem *Dechales lib. 2. Diopt. pro. 22.*

Requisita
ad perfe-
ctionem
Telescopii.

XV. Ad perfectionem cujuscunque Telescopii duo requiruntur. Primum est, ut objecta per ea videantur distinctè, quod fit per præcisam unionem penicillorum in Retinâ. Secundum, ut imago sit magna in oculo.



C A P U T II.

Simplex commune Microscopium proponitur & demonstratur.

Microscopia
quid
sint.

Microscopia, seu ut ab aliis vocantur Engyscopia, sunt illa dioptrica instrumenta, quæ oculo naturali hoc adjumentum præstare solent, ut res propinquas minutissimas & ex se fermè imperceptibiles, eidem non tantùm visibiles reddant, sed etiam in magnitudine ita extendant & augeant, ut facillimè etiam minutissima in iis distingui possint. Hujusmodi autem instrumenta solent esse vel simplicia communia, quæ unicâ tantùm minutâ Lenticulâ convexâ constant, vel composita, quæ subsidio plurium Lentium concinnari aptè solent. Quæ ad praxim constructionis horum instrumentorum pertinent, videri ea possunt Fund. 3. Synt. 3. cap. 2. & 3. Hoc capite assumimus Microscopium commune & demonstramus.

Propositio I. Theorema.

In Microscopio communi, quod constat unica Lenticulâ minuta convexa debet objectum collocari vel in ipso foco, vel paulò ante focum, sive intra focum & Lenticulam; si aliquam distinctam in Retinâ oculi communis & ordinati debeat imaginem exhibere.

Demonstratio.


Demonstratio. Cum enim oculus habeat se per modum Lentis convexæ, ut patet ex suppos. 9. Synt. præc. adeoque in hoc Microscopio sit Lens convexa secunda, atque ideo per prop. 5. & 6. Synt. præc. ita habeat imaginem: debeant porrò per suppos. 12. ejusdem Synt. ad hoc ut in oculo distincta visio contingat, radii ante oculi ingressum vel esse paralleli vel divergentes. Cum igitur non aliter, quàm objecto ita collocato post Lenticulam Microscopam versùs oculum progredi possint aut paralleli, aut divergentes, ut patet ex coroll. 4. prop. 18. Synt. 1. hujus, adeoque similiter in oculum incidere. Itaque non aliter etiam, quàm objecto ita ad Microscopium commune posito in oculo communiter bono procurari poterit distincta imago. Ergò in communi simplici Microscopio objectum debet vel in ipso foco, vel paulò ante focum constitui, quod erat demonstrandum.

Dixi suprà, *in Retinâ oculi communis & ordinati*: quia pro defectuosis oculis paulò aliter objectum collocari potest, ut infrà dicetur.

Pro-

Propositio II. Theorema.

Si objectum fuerit in foco Lentis Microscopæ collocatum, majus videbitur, quàm si non adhibita illâ Lente videretur; & tantò quidem majus videbitur, quantò minoris sphaeræ portio Lens microscopæ fuerit.



It objectum AB, quod in foco Lentis CD constitutum per eandem Lentem oculo EGHF præpositam aspicitur. Dico primò, quòd objectum AB majus videatur.

Demonstratio. Nam quia angulus CLD qui est Demonstratio. angulus radorum determinantium imaginis diametrum in Retinâ, dum Lens microscopæ CD oculo EGHF præponitur, major est angulo ALB, qui foret angulus determinantium radorum, si absque Lente oculus objectum AB respiceret: etiam imago GH anguli GLH major erit imagine KO anguli KLO. Sed quanto imago in Retinâ major est, tanto majus objectum videbitur per suppos. 10. Synt. præc. Ergò dum objectum in

foco Lentis microscopæ constituitur, majus videbitur, quod erat primò demonstrandum.

Dico secundò. Quantò Lens CD majoris est sphaeræ portio, tantò majus objectum videbitur.

Demonstratio. Nam quanto Lens microscopæ fuerit minoris sphaeræ portio, tantò habebit distantiam foci majorem: igitur cum objectum in ejus foco statuatur, magis eidem Lenti & centro I admovebitur. Sed quò magis dicto modo admovebitur, eò major erit angulus AIB, & consequenter etiam angulus CLD illi æqualis (ut facillè ex 29. prim. Eucl. demonstrari potest) ac huic eidem CLD rursus æqualis angulus ad verticem oppositus per 15. prim. Eucl. Unde etiam angulus GLH per Axioma 1. primi Eucl. æqualis erit ipsi ALB. Est autem angulus CLD tantò major angulo ALB, quanto Lens microscopæ erit minoris sphaeræ portio. Ergo etiam tanto major imago in Retinâ procurabitur. Ergo quò Lens microscopæ ad minorem sphaeram pertinebit, eo major erit imago: sed quò major erit imago, eò majus objectum videbitur, quod erat secundò demonstrandum.

Corollarium I.

Hinc sequitur, quòd Lens valde exigua, ut esse potest minimæ sphaeræ portio, mirum in modum possit augere objecti imaginem in Retinâ, adeoq; per minimum videri quid maximum. Vide in Fund. 3. Synt. 3. cap. 2. Lens minimæ sphaeræ portio.


Corollarium II.

Quia per coroll. 7. prop 5. Synt. præc. duæ Lentæ convexæ majoris sphaericitatis ita combinatæ, ut una intra alterius focum existat, possint æquivalere Lenti minoris sphaericitatis; etiam possunt objectum majus ostendere. Duæ Lentæ convexæ debite conjunctæ æquivalent Lenti microscopæ.

Propositio I II. Theorema.

Quòd si objectum propius Lenti microscopæ, quàm sit ejus focus, fuerit collocatum; videbitur illud majus, quàm si non adhibita Lente aspiceretur, & tantò quidem majus, quantò objectum ad focum propius accesserit.

Demonstratio.



Si objectum AB magis propinquum Lenti CD quàm sit ejus focus O . Dico primò objectum oculo E G H F per Lentem CD ita prætentam, majus compariturum, quàm si absque Lente CD aspiceretur.

Demonstratio. Nam quia per coroll. 4. prop. 15. Synt. primi hujus, objecti AB intra focum Lentis CD ita constituti ac radiantis punctum A factâ refractione in Lente CD ita radios dispergit, quasi punctum A Ex. gr. in remotiore loco veluti puncto M collocatum esset, atque inde radii provenirent. Similiter punctum B ita radiabit, ut post Lentem CD radii fiant divergentes, quasi à puncto N procederent. Quocirca totum objectum AB ita radiabit, quasi esset distractum loco MN . Si autem objectum esset MN , radii determinantes diametrum imaginis in oculo forent MLN , & NLG , qui facerent angulum MLN (cui ad verticem oppositus GLH æqualis per 15. prim. Eucl.) majorem, quàm sit ALB , dum absque Lente CD adhibita ob-

jectum AB aspicitur. Ut autem anguli radorum determinantium, sic & imagines per suppos. 8. hujus Synt. cap. præc. Unde imago GH major erit imagine QR . Quocirca etiam adhibita Lente microscopâ CD , dum objectum fuerit propius Lenti collocatum, quàm sit ejus focus, majus videbitur, quod erat primò demonstrandum.

Dico secundò. Objectum, quanto inter Lentem & focum collocatum propius ad ipsum focum accesserit, tanto majus videbitur. Ut si objectum AB sit collocatum in loco P , qui locus propior est foco O , quòd adhuc majus videatur, quàm in priore loco quolibet versus I .

Demonstratio.

Nam quanto objectum fuerit propius foco O collocatum, tanto radii post Lentem CD fient minùs divergentes, atque magis paralleli progredientur, ideoque propius cum angulo AIB in concursu convenient. Quocirca angulus CLD fiet major. Nam DL magis accedet ad BIE sicut & CL magis ad AIF . Unde necessariò angulus CLD major fiet. Ut autem angulus CLD , ita in oculo GLH eidem ad verticem oppositus: & quia ut anguli, ita imagines, & ut imagines, ita visio. Cum igitur angulus CLD major futurus sit, si objectum AB constituatur in loco P , quàm dum est constitutum in loco S , vel quolibet alio versus Lentem CD , etiam majus videbitur, quod erat secundò demonstrandum.

Corollarium I.

Cum objectum aliquod in ipso foco Lentis microscopæ collocatum est, oculo communi cæteris paribus comparet semper maximum in illâ Lentis cum oculo eodem loco applicato combinatione. Et dum immediate objectum Lenti applicatur, semper in minimâ magnitudine, in qua videri potest.

Corolla-

Corollarium II.

In ejusdem microscopio, ubi objectum propius Lenti collocatur, quàm sit ejus focus, cum imago plusculum recedat; convenit illud magis oculo Myopis si-
ve tali, qui aut crystallinum humorem habet convexiorem, vel Retinam à cry-
stallino remotiorem. Potest tamen cuicunque alteri visui accommodari, si mo-
dò oculus ex alia distantia applicetur, ut paulò post indicabitur.

Microscopium Myopibus conveniens.

Corollarium III.

Etiam quanto minoris sphaerae portio hoc in microscopio Lens microscopa fuerit, tanto majus objectum videbitur. Quia facile demonstrari poterit, angulum CLD eò majorem futurum, quò majoris sphaerae portio Lens fuerit; cum ad inclinationem majorem, quæ tunc futura est, sequi debeat etiam major refractione per axiom. 3. Synt. 1. hujus: ubi autem major refractione erit, determinantes diametrum imaginis angulum majorem in oculo constituent, atque ita etiam imaginem majorem efficiet; unde necessario objectum majus videri debet.

Lens microscopa convexior majus objectum ostendit.

Propositio IV. Theorema.

Etiam objectum paulo ultra focum Lentis microscopae collocatum potest ab aliquo oculo videri majus.

Demonstratio. Quia enim per suppos. 6. Synt. præc. objectum ultra focum radios post Lentem convexam remittit convergentes. Item quia per suppos. 2. ejusdem Synt. 2. alii radii ab axe remotiores determinant in secundâ Lente sive oculo diametrum imaginis. Cum igitur hi sint primò refracti in Lente CD, adeoque sic procedant, quasi distractione objecto proveniant: fiet etiam angulus CLD prioris figuræ major ipso ALB; ut verò anguli, sic & imagines. Cum quoque per prop. 7. præc. Synt. possit ita imago haberi, ac in propiori distantia, ut ex coroll. ejusdem prop. constat. Igitur dum ita objectum collocatum est, potest ab aliquo oculo videri majus, quod erat demonstrandum.

Demonstratio.

Corollarium I.

Hujusmodi microscopium solum potest servire oculo presbytae, sive ei, qui vel planiorem habet humorem crystallinum, vel Retinam magis ad eum propinquam.

Microscopium pro presbytis.

Corollarium II.

Etiam in hoc microscopio, quò Lens fuerit minoris sphaerae portio, eò majus objectum dicto loco constitutum potest exhibere; cum ob refractionem majorem à Lente CD convexiori causatam angulus determinantium imaginis diametrum fiat major.

Corollarium III.

In demonstratis hactenus microscopiis simplicibus & communibus objectum semper videtur erectum.

Corol.

Corollarium IV.

Oculus re-
motior
quomodo
videat,

Oculus etiam quanto remotius à Lente microscopâ in dictis hætenus ca-
sibus fuerit applicatus, tantò semper objectum majus videbit in situ erecto; ac
semper tantò minus de exterioribus objecti partibus distinguet, ut patet, & osten-
di melius potest ex Synt. præc. hujus fund. prop. 17. ejusque coroll. 1.

Corollarium V.

Item oculus per quamcunque Lentem convexam minoris sphaeræ, dum
videt objectum in æquali magnitudine in longitudinem procurrens perpendi-
culariter ipsi Lenti insistens, videbit illud inæqualiter magnum. Sic duæ paralle-
læ in chartula notatæ, dum Lenti perpendiculariter apponuntur, oculus quanto
remotius per Lentem aspicit, tanto videt inæqualiter magis à se invicem recede-
re: e contra possunt lineæ inæqualiter distantes hoc modo comparere parallelæ.

Corollarium VI.

Ex hisce etiam universaliter patet, quod oculus per quamcunque Lentem
convexam aspiciens objectum propinquum (idem est de objecti alicujus imagi-
ne) in ea scilicet distantia collocatum, in quâ non apparet eversum (vide prop.
18. Synt. 2. præc. ejusque corollaria) videat illud semper majus; & quidem tanto
majus, quanto Lens convexa fuerit minoris sphaeræ portio.



CAPUT III.

*Microscopia plurium Lentium convexarum proponuntur & de-
monstrantur.*

Licet microscopia simplicia sive communia valdè clarè ac nitidè ostendant
objecta satis aucta: hoc tamen solent incommodi habere, quod nimiam
tum objecti tum oculi viciniam requirant, idque tantò magis, quanto præ-
stantiora sunt ob Lentes quæ sunt portiones minorum sphaerularum; ut adeo
congruè per ea res quævis minutæ inspectari nequeant. Ad hoc incommodum
tollendum, alia ex pluribus Lentibus convexis composita à peritis Artificibus
construi solent, quæ ob insignem quam habent utilitatem ad varia arcana etiam
in minimis incuriis aliàs corpusculis curiosè investiganda meritò nunc ubivis
eximiâ pollent æstimatione. De his itaque hoc capite tractabimus.

Propositio V. Problema.

Microscopium ex duabus Lentibus convexis construere.

Figura 1.

Asumatur Lens objectiva minoris sphaeræ portio A B fig. 1. cujus focus I. Pos-
natur autem objectum minutum C D paulo ultra focum I, ita tamen ut non
accedat ad duplam foci distantiam ejusdem Lentis in L, fiet per coroll. 4. prop.
18. Synt.

18. Synt. 1. hujus imago EF remotior à Lente AB, & quidem etiam major. Applicetur deinde Lens alia convexa GH propè imaginem EF, ita tamen ut pro conditione visûs communis ordinati, vel defectuosi imago EF sit vel in distantia foci Lentis GH, vel paulò ultra aut intra focum Lentis GH, apponaturque debite oculus K. Dico quod oculus K objectum CD multò majus videbit.

Demonstratio. Nam quia imago EF major est ipso objecto CD, ut indicatum, & per suppos. 5. Synt. præc. ita radiat in Lentem GH, ac si ipsa esset verum objectum ibidem collocatum, aspicereturque per Lentem GH ab oculo K. Demonstratio.

Dum autem ita ibidem eo, quo dictum est, modo aspicitur, juxta coroll. 6. prop. præc. videbitur hæc imago EF adhuc major: unde & objectum CD multò majus. Ergò si dicto modo duæ Lentes in tubo aliquo aptentur, fiet microscopium, quod erat faciendum.

Corollarium I.

Cum oculus K mediante Lente GH recipiat imaginem M in situ quo est objectum CD, videbit illud eversum per suppos. 11. Synt. præc.

Corollarium II.

Quò Lens GH amplior fuerit in aperturâ, eò plus ostendere poterit de objecto: & quò eadem Lens paulò majoris sphaeræ portio fuerit, eò vivacius exhibebit objectum.

Propositio VI. Problema.

Microscopium ex tribus convexis Lentibus conficere.

A Pretur in tubo comprimis Lens objectiva AB, quæ sit minoris sphaeræ portio, cui objectum CD admoveatur propius, quàm sit ejus focus I. Addatur deinde alia Lens convexa OP majoris sphaericitatis, procurabitur objecti CD imago EF per prop. 5. Synt. præc. & quidem tanto major & ad majorem distantiam, quantò Lens OP propior fuerit Lenti AB per coroll. 3. ejusdem prop. Post imaginem EF addatur adhuc alia Lens convexa GH, quæ in distantia sui foci distet ab imagine EF. Dico factum. Figura 1.

Demonstratio. Nam quia per coroll. 6. prop. 6. Synt. præc. dum ita duæ Lentes AB & OP combinantur, imago EF major objecto CD procuratur: quæ deinde per Lentem GH ab oculo K inspecta adhuc major in ejus Retinâ formatur nempè MN multò major objecto CD; uti similiter demonstratum in prop. præc. Quocirca microscopium ex tribus ita combinatis Lentibus convexis obtinetur, quod erat faciendum. Demonstratio.

Corollarium I.

Etiam in hoc microscopio objectum videtur eversum, cum ejus imago in oculo formetur erecta.

Corollarium II.

In hoc microscopio non potest Lens secunda OP à prima Lente objectivâ AB tantum removeri, ut radii, qui factâ refractione per eandem objectivam Lentem transeunt, ita procurrant, quasi recti & irrefracti procederent à punctis distantibus ad ejus foci æqualem vel minorem distantiam, ut patet ex coroll. 2. prop. 6. Synt. præc.

ICONISMUS

V

Icon. V.

fig. 1.




fig. 2.




fig. 3.





fig. 4.



Propositio VII. Problema.

Aliud Microscopium ex tribus Lentibus convexis conficere, quod plures simul objecti partes detegat.

Aptetur in tubo Lens A B, quæ sit minoris sphaeræ portio, cujus focus in I fig. Figura 3.
3. objectum autem C D applicetur paulò ultra focum I, fiet in tubo imago E F multò major objecto C D per coroll. 4. prop. 18. Synt. 1. hujus. Adhibeatur deinde alia Lens convexa Q R, quæ sit majoris sphaeræ portio ferè ad ipsam imaginem E F. Addatur item tertia Lens G H paulò minoris sphaeræ portio in eà distantia, ut Lentem Q R adhuc intra focum suum contineat, nec detegi possint vitia Lentis Q R, ac ita quidem etiam, ut radii imaginis E F possint per ambas ita conjunctas Lentes egredi paralleli, quod practicè hoc modo deprehendes. Appone extra tubum Lentem Q R ad maximè propinquum aliquod objectum: dum præposita oculo altera Lente G H perspice Lentem Q R quousque ac fieri potest, distinctissimè discernas objectum suppositum Lenti Q R propinquum. Cum enim tunc in Retinâ perfectè uniantur radii, signum erit, radios post illam Lentium in tali distantia factam combinationem ad oculum egredi parallelos: in eadem deinde distantia Lentes ambas tubo immitte, ut similiter proximè imagini applicari queant. Unde per coroll. 8. prop. 3. Synt. præc. & per suppos. 12. ejusdem videri poterit imago E F, & quidem major ac secundum plures partes, quod ita demonstro.

Demonstratio. Quia imago E F ex demonstratis major est objecto C D, Demonstratio.
& per combinationem Lentium Q R & G H ex constructione, dum ita ad imaginem E F applicantur, ut radii inde ad oculum progrediantur paralleli, fiet per coroll. 7. prop. 5. Synt. præc. ut duæ Lentes conjunctæ æquivalent Lenti, quæ sit minoris sphaericitatis. Sed si Lens minoris sphaericitatis ita applicaretur, foret microscopium, & imago E F compareret major, adeoque objectum C D videretur multò majus. Quod etiam plus detegatur de imagine E F, patet ex suppos. 14. hujus. Ergo si microscopium ita aptetur; objectum multò majus ostendet, & plures simul objecti partes detegat, quod erat faciendum.

Corollarium I.

Cum imago per hoc microscopium in Retinâ pingatur erecta, objectum similiter ut in præcedentibus compositis microscopiis comparebit eversum.

Corollarium II.

In hoc microscopio semper competit mediam Lentem Q R esse paulo majoris sphaeræ portionem, ut ita radii post eam minùs fiant divergentes, sicque facilius Lentem G H ingredi queant: si enim Lens Q R esset minoris sphaeræ portio, radii plus refringerentur, ac ita etiam magis divergerent; unde plures radii abirent, nec Lentem subire possent.

Propositio VIII. Problema.

Microscopium ex quatuor convexis Lentibus construere.

Hujus microscopii constructio facilè patet ex prop. 6. hujus, & ex prop. præc. Figura 4.
Si enim ad Lentem objectivam A B adjungatur alia Lens convexa O P, ponaturque objectum C D paulo propiùs ad Lentem A B, quàm sit ejus focus I, ut in

ut in prop. 6. hujus indicatum: fiet imago EF major, ut ibidem demonstratum. Si deinde etiam duæ Lentes oculares eidem imagini EF præponantur, ut præc. prop. indicatum, necessario eveniet microscopium 4. Lentium convexarum, quod plurimum res minutas augeat.

Confectaria Practica.

Circa Microscopia ex pluribus Lentibus composita.

Materia
Lentium.

I. Quo plures Lentes pro construendo tali microscopio adhibentur, eò materia Lentium debet esse purior & magis perspicua.

Objectiva-
rum Lenti-
um apertu-
ra.

II. Lentes convexæ objectivæ in hujusmodi microscopiis, cum sint minoris sphaeræ portiones, non debent nimium aperiri. Nam quia radii, ut supra dictum ultra gradum 20. ab axe remoueri non adeo probè uniuntur; estq; hæc distantia in minutis Lentibus istis valde parva; hinc necessario laxior apertura illis concedi non poterit, ne radii intus confundantur, ac iridis colores objectis nimium affundantur.

Objecta
debent va-
lidè illu-
strari.

III. Objectum, quod per hujusmodi microscopia inspicitur, debet potenter illuminari. Cum enim res minutæ per se paucos, adeoque debiles radios emittant, & intus in tubis ob violentiorem refractionem valde distrahantur, nisi excellenti lumine roborentur, vix potenter & fortiter fatis, ut experientiâ constat, species ad oculum provehere poterunt.

IV. Hæc microscopia possunt cuilibet oculo facillè accommodari, si vel Lentes oculares imagini propius aut remotius admoveantur, vel oculus paulo aliter applicetur, nempe remotius aut propinquius; vel ipsum objectum paulo propius aut remotius objectivæ Lenticulæ apponatur.

Praxis
aptandi vi-
tra in mi-
croscopiis.

V. Optima praxis aptandi & collocandi vitra in istis microscopiis hæc est. Primò inquiratur focus Lenticulæ objectivæ per prop. 17. Synt. primi hujus, & objectum pro ratione microscopii collocetur vel paulo ante aut post focum inventum. Deinde si plures Lentes oculares sint apponendæ; praxi in prop. 7. hujus Synt. indicatâ, per ambas Lentes objectum valde propinquum inspicatur, quousque distinctissimè cernatur. Quod si deinde in eo situ Lentestulæ omittas, quousque minutum objectum clarissimè perspicias; microscopium erit bene ordinatum. Plura alia circa praxin dabimus in fundamento practico sequenti.



C A P U T IV.

Telescopium commune Hollandicum sive Galileanum proponitur & demonstratur.

Duplex
causa cur
sæpe obje-
cta videri
nequeant,

DEfectus, unde potentia visiva licet vivacissima persæpè objecta sua in medio quantum vis accommo nequit distinctè videre, duplici comprimis de causâ enasci solet. Vel enim objectum est satis propinquum, attamen tam minutum, ut ejus imago per species in oculum delata sensibilis fieri nequeat: vel objectum est satis magnum, veruntamen in tantâ distantia remotum, ut inde radiatione suâ imaginem tam minutam ad oculi Retinam trajiciat, quæ ob parvitatem rursus sit insensibilis. Ad primum defectum tollendum subserviunt Microscopia, quæ duobus præc. capitibus sunt demonstrata. Ad alterum vero amovendum conducunt Telescopia, quæ nunc explanare & demonstrare aggredior. Videtur autem primum ex his locum exigere à prioritate suæ inventionis

tionis commune illud five pervulgatis nominibus ita dictum Hollandicum aut Galilæanum, cum ante alia in adjumentum visus ad longinqua primitus adinventum, usuque suo nunc ubivis notissimum sit. Solet autem confici diversimodè: communiter construitur ex Lente convexâ scilicet objectivâ, quæ majoris est sphaeræ portio, & oculari concavâ, cujus sphaericitas ad minorem sphaeram pertinet: possuntque hæ Lentes esse vel plano-sphaericæ, vel utrinque sphaericæ ex eadem vel diversis sphaericitatibus. Quidam etiam solent secundam Lentem convexam addere, quâ volunt plus de objecti partibus detegere: alii quoque assument duas Lentes concavas, ut in tubi contractione compendium habeant, veruntamen aliunde dispendium acquirunt. Sed quomodo pervulgatum ac commune Telescopium ex Lente convexâ objectivâ & oculari concavâ constructum visum ad longinqua acuat, nunc paucis demonstrare libet.

Propositio I X. Problema.

Telescopium commune construere, quod res longè remotas ostendat distinctè majores.

Sit objectum longius remotum CD , quod ratione distantiae suæ sub minùs sensibili imagine GH fig. 3. ab oculo K distinctè videri nequit. Parandum nunc sit Telescopium commune, quo imago GH in oculo K distrahatur & fiat major, ut ita melius videri queat.

Assumatur Lens convexa AB , quæ fit majoris sphaeræ portio, vel remotiorem habeat focum, quàm Lens cava EF ; quæ proinde si sola versùs objectum CD adhiberetur, haberet imaginem ad locum GH . Adhibeatur jam ante dictam imaginem Lens cava $E F$ minoris sphaericitatis in distantia sui foci virtualis: fiet per prop. 12. Synt. præc. ut radii qui ad locum GH pro formandâ imagine aliàs concurrerent, jam distrahantur & egrediantur paralleli, ut videre licet in $L M$ fig. 1. Applicetur jam propè concavam Lentem $E F$ oculus K , ut figura 2. exhibet; dico futurum, ut oculus K objectum CD longius remotum videat distinctè majus.

Demonstratio. Nam quia per suppos. 12. Synt. præc. ad hoc, ut oculus sensat & bene constitutus distinctè videat objectum remotum, debet radios incidentes accipere parallelos, aut divergentes: cum igitur ex demonstratis hoc ita in talis Telescopii applicatione contingat; idcirco etiam formari poterit distincta imago in Retinâ, adeoque objectum CD distinctè videri, quod erat primò ostendendum. Deinde, quòd id ipsum objectum CD etiam majus videatur, hoc ita demonstro.

Radii ab eodem puncto ab axe paulo remotiore objecti CD ita per Lentem cavam $E F$ distrahantur, ut magis obliquè incident in oculum K , & quidem tantò obliquius, quantò cavitas acutior erit. Sed quò magis ita obliquè incident in oculum, eò vi refractionis (nam ad majorem inclinationem major refractione fieri debet per axiom. 3. Synt. pri. hujus) penicilli in oculo magis disperguntur & distrahuntur: quò magis rursus penicilli distrahuntur, eò imago GH magis item dilatatur & fit major: & quò major erit imago, etiam objectum CD eò majus videbitur, quòd secundò ostendi debebat. Per commune igitur Telescopium ita constructum objectum longius remotum distinctè majus videri poterit, quòd erat faciendum.

Tota itaque ratio Telescopii communis hæc est, ut per figuras melius indicari potest. Objectum CD , cum per determinantes diametrum imaginis CIH , DIG fig. 3. valde exiguum spatium GH in Retinâ occupet, imago illius sensibilis satis esse non potest, adeoque nec objectum longius distans CD videri.

Explicatur
commune
Telescopi-
um melius
per figuras.

ICONISMUS


VI.

Icon. VI.

fig. 1

fig. 2

fig. 3



Quando autem Telescopium commune oculo præponitur, fit ut radii cujusvis puncti sese expandant super totam aperturam Lentis convexæ A B, ut vides in radiis C A B & D A B fig. 1. & 2. à punctis C & D progressis: vi refractionis autem factæ in Lente convexâ, si hæc sola adhiberetur, punctum C post expansionem suam in A B factam procederet in H, ubi colligeretur, & penicillo radiofo pingeretur; similiter punctum D colligeretur in G, atque ita de aliis quibuslibet punctis sentiendum, dum imaginem efformarent in loco G H. Cum porro Lens cava acutior modo, uti supra dictum est, apponitur, radii illi penicilli jam distrahuntur, ita ut qui in punctum confluerent, jam procedant paralleli: divergant tamen diversorum punctorum ita procurentes paralleli profluxus ope acutioris cavitatis in Lente oculari, ut vides in radiationibus L & M fig. 1. Quando itaque jam etiam oculus K apponitur istis ita distractis radiosus profluxibus à singulis objecti remoti punctis derivatis, cum oculus se habeat per modum Lentis convexæ, ut supra docuimus; fit ut in oculo iterum singuli isti radiosus profluxus colligantur, & in penicillos efformentur, qui distinctè imaginem in fundo oculi depingunt, ut vides in fig. 2.

Rursus, quia isti profluxus radiosus tanto obliquius incidunt in oculum, quanto Lens cava acutior est (nam tunc singuli radiosus profluxus magis debent divergere ex natura Lentis cavæ, ut supra demonstravimus) ideò dum oculus eosdem obliquius incidentes accipit, mox paulo illos retorquet & refringit, antequam in penicillos cõniat. Non potest autem illos penicillos nimium retorquere versus oculi axem, sed secundum rationem inclinationis, ita ut tantum unâ tertiâ parte anguli inclinationis ad axem recedere cogantur: unde fit, ut semper in fundo oculi imago major efformetur, quàm si oculus liberè objectum suum intueretur, uti patet in fig. 3. Item fit, ut tanto major illorum penicillorum imaginem efformantium distractio contingat, quanto obliquior ingressus fit per Lentes magis excavatas; quocirca etiam multò majus objectum per illas adhibitæ spectari potest. Cumque rursus, quo objectum majus est & secundum suas partes magis extensum, eò magis divergentes radiosus illos profluxus à Lente cavâ debeat emittere, fit ut ob nimiam obliquitatem radiosus tales profluxus oculum vel nequeant subintrare, vel si quidam subintrent, nihilominus ob angustiam pupillæ cohibeantur, atque ita in aqueo humore aberrare cogantur. Unde causa patet, quare oculus præmunitus tali Telescopio tam parum de objecti partibus possit detegere; & quidem tantò minus, quanto longius Telescopium, aut manente eodem vitro objectivo, quanto cavum specillum oculare fuerit acutius. Sed his ita uberrimè explicatis, subnectam adhuc ex Dechales Diopt. lib. 2. pro. 53. considerationem aliquam, quam ipse maximi momenti existimat, quâq; clariùs ostenditur, quod si specillum concavum cum diversis objectivis in tubo communi jungatur, fore, ut cum Lente majoris sphaeræ objectum majus exhibeat. Ita enim ait.

Lens concava est ferè immediata oculo: ergò potest considerari quasi unicam Lentem cum crystallino componens. Vel enim concavitas ejus est æqualis cum crystallino, & sic aggregata se habet per modum Lentis omninò planæ; vel est minoris concavitatis, quàm sit crystallini convexitas; & in tali casu prævalet concavitas; & aggregatum se habet tanquam specillum concavum; vel est majoris cavitatis, quàm sit convexitas crystallini; & in tali casu aggregatum habet vicem Lentis convexæ, sed majoris sphaeræ, quàm sit crystallinus solus. Neq; alius casus excogitari potest. Sed in omnibus his casibus, quò erit Lens objectiva majoris sphaeræ, erit major imago in Retinâ.

In primo casu non alteratur imago Lentis convexæ per additionem Lentis concavæ & crystallini; certum est autem duarum Lentium objectivarum, illius

Causa cur tam parum per Telescopium commune de objecto videatur.

Consideratio maximi momenti & Dechales.

imaginem esse majorem, quæ est majoris sphaeræ portio. Ergo major erit in oculo. Si secundo modo se habeat aggregatum; cum illud aggregatum ponatur propè basin distinctionis, in quo loco imago totam suam habet magnitudinem, quæ tamen adhuc fit major, quæ jam major est, si augeatur tantundem ac alia, quæ minor est, adhuc major perseverabit.

Denique si aggregatum æqualeat Lenti convexæ majori, majorem habebit imaginem nec ita parvam reddet majorem imaginem ac parvam, ut vidimus supra. Ergo eadem Lens concava cum majori Lente majus objectum exhibet.

Addo eandem Lentem objectivam convexam conjunctam cum oculari cavo minoris sphaeræ objectum majus exhibere. Pariter enim aggregatum ex cavo & oculo considerabo. Cavum enim minoris sphaeræ, si sit æqualis cavitatis cum convexitate crystallini, imaginem eandem relinquet, & aggregatum ex crystallino & majori concavo æqualebit convexo: sed Lens convexa addita convexæ minuit imaginem; ergo si cavum majus fuerit, minor erit imago.

Si aggregata æqualeant cavo: erit aggregatum ex minori cavo & crystallino magis cavum, quàm si additum fuisset cavum majoris sphaeræ: sed vidimus magis cavum magis augere imaginem: ergo semper constat propositio. Vel denique aggregata æquivalent Lentibus convexis, & in tali casu crystallinus junctus cavo minoris sphaeræ æqualebit convexo majori, quod non ita minuit imaginem. Ergo semper constat assertio, nempe minus cavum eidem objectivo copulatum majus exhibere objectum. Ita Dechales loco citato. Sed jam aliqua corollaria ex dictis sunt deducenda.

Corollarium I.

Tubus communis quo magis auget objectum eo minus repræsentat.

Tubus communis quò objectum magis auget, eò minus oculo de illo objecto repræsentat. Non tamen hoc contingit ex natura tubi, sed ex incapacitate oculi, qui totum quod tubus unicâ repræsentatione offert, simul acceptare non potest: unde etiam datur argumentum, eos qui habent oculos grandiores cum pupilla laxiori plus aliis de objectis detegere posse.

Corollarium II.

Lentes acutiores plus attrahunt objectum.

Cum radii ex hoc tubo ita egrediantur divergentes, quasi ab objecto propiore provenirent: idcirco etiam objectum tantò propinquius ostendunt, quanto magis divergentes oculum subeunt. Unde fit etiam, quòd Lentes cavæ acutiores semper propinquius offerant objectum, quia plus radios divergentes remittunt.

Corollarium III.

Oculus remotior vel propinquior quomodo videat.

Oculus quò plus recedit à concavo specillo, eò minus videt de objecti partibus exterioribus, & quò plus accedit ad specillum cavum, eò plus videt: quia dum semper radii amplius divergentes ad latera secedunt, plures abeunt, ut pupillam subire nequeant.

Corollarium IV.

Specillum magis concavum minus detegit.

Pauciores partes objecti videbuntur, si in tubo specillum magis concavum collocetur: cum enim penicilli magis ab invicem separantur, pauciores in pupillam incident, & consequenter etiam pauciores objecti partes videbuntur.

Corollarium V.

Specillum magis concavum licet augeat objectum, itaque penicillorum radios distrahat, ut paucissimi Retinam ingrediantur, ideò debilius & obscurius objectum exhibet.

Item ob-
scurius ob-
jectum ex-
hibet.

Corollarium VI.

Quò Lens convexa majoris erit sphaeræ portio, eò pauciores objecti partes simul videri poterunt: cum enim imago quam exprimit, sit major; magis etiam penicilli extremi ab invicem recedent, atque adeò pauciores in pupillam incident.

Lens ma-
joris sphaeræ
etiam mi-
nus repræ-
sentat de
partibus
objecti.

Corollarium VII.

Cum adhibitâ Lente convexâ nimis magnæ sphaeræ ad concavum specillum acutius pro formandâ in oculo distinctâ imagine radii nimium distrahantur, facilè obscuritas suboritur, unde objectum distinctè nequit videri. Hinc aliqua proportio inter Lentem convexam & cavum specillum inveniri debet; alioquin aut non satis augebitur objectum, aut non satis clarum apparebit; quæ sane vitia multum detrahunt de vi Telescopiorum.

Proportio
inter specil-
lum cavum
& conve-
xum requi-
ritur.

Corollarium VIII.

Idem tubus communis, ut diversis oculis conveniat, aliter accommodari debet ex majori vel minori diductione: Nam myopibus debet fieri contractior & brevior; Presbytis autem longior: myopes enim, ut ex dictis alibi patet, requirunt longiorem distantiam, ad quam intus in oculo penicilli pro distinctâ imagine obtinendâ projici debent: Presbytæ verò propiorem distantiam; videmus enim supra coroll. 2. prop. 12 Synt. 2. quod concava Lens, quò plus ultra focum versus Lentem convexam removeretur, ita ut ejus focus virtualis plus accedat Lentem convexam, quàm sit distantia foci virtualis concavæ Lentis ab imagine convexæ (quod est, distantiam illarum Lentium abbreviari) eò radios plus fieri divergentes: unde necessariò in oculo serius sive remotius concurrere debent; adeoque pro longiori illâ distantia, ad quam imaginis projectionem Myopes requirunt, utiliter servire poterunt. E contra verò, dum paulo propius ad convexæ Lentis focum specillum cavum collocatur, ita ut focus ejus virtualis paulo propius ad imaginem seu focum Lentis convexæ accedat (quod esset distantiam illarum Lentium elongari) cum ita fiant radii convergentes, accedente oculo fit, ut radii plus convergant, adeoque penicilli citius, ut talis visus requirit, uniantur. Debet ergo hic tubus communis cum iisdem Lentibus elongari; Myopibus autem abbreviari.

Tubus
quomodo
diversis
oculis ad-
aptandus.

Corollarium IX.

In hoc tubo specillum cavum rei visæ situm in oculo non evertit, sicut convexum solet; quia scilicet radios nunquam colligit, sicut convexum facit, sed semper eodem modo & ad unam partem dissipando projicit, & humori crystallino tradit. Plura alia circa tubi hujus constructionem & quæ ad praxin pertinent, ubertim Lector inveniet in fund. 3. Synt. 3. cap. 5.

Specillum
cavum non
mutat si-
tum.



CAPUT V.

De Tubo Astoscopico sive Astronomico ejusque demonstratione.

Tubus A-
stronomi-
cus quis
dicatur.

Tubus Astronomicus is dicitur, qui potissimum Astrorum observationibus inservit. Licet quiscunque alius Tubus, qui res longè diffitas augere solet, hunc ad finem utilis esse queat: Tubus tamen singularis pro cœlestium corporum phænomenis observandis aptior est, quem modò proponemus & demonstrabimus. Nam in primis is solet majus cœli spatium detegere & latiorrem ejus partem unà exhibere, adeoque plus de cœlestibus figuris ostendere. Deinde immediatius objectum exhibere solet, dum paucioribus Lentibus adhibitis unica solum imago in Tubo præsentatur, quâ mediante objectum ab oculo perfectius inspicitur. Licet autem inverso situ exhibeat cœlestia corpora, nihil tamen inde incommodi, cum parum sit illa corpora eversa vel erecta ostendi. Quomodò autem ejusmodi Tubus artificialiter construendus, nunc paucis proponendum & demonstrandum.

Propositio X. Problema.

Tubum Astronomicum ex duabus Lentibus convexis construere.


Intelligatur objectum CD esse longissimè diffitum in cœlo, ut radii ejus verè procedant à longinquo, sive habeantur pro parallelis. Construendus jam sit Tubus, qui illud distinctè majus oculo spectatoris exhibere debeat; quod ut fiat, ita Tubus paretur.

Sumatur pro vitro objectivo Lens convexa AB quæ sit majoris sphaeræ portio, ita ut objecti CD imaginem EF satis magnam in Tubo exhibere possit. Applicetur jam etiam vitrum oculare GH , quod sit acutioris sphaericitatis in distantia eâ, quâ radii ab imagine EF post vitrum oculare prolapsi pergunt vel paralleli vel divergentes, (quod fiet, si imago EF sit vel in foco Lentis GH , vel ei paulo propior, quàm sit distantia foci, ut constat ex coroll. 4. prop. 18. Synt. 1. hujus) habebit se Lens GH per modum microscopii simplicis sive communis. His ita peractis, Dico oculum K per duas ita assumptas Lentes AB & GH & in tubo ut dictum collocatas, objectum cœleste CD visurum distinctè majus.

Demon-
stratio.

Demonstratio. Cum enim imago, quæ sit post Lentem objectivam majoris sphaericitatis major sit, quàm ea, quæ sit per aliam quamcunque Lentem convexam minoris sphaericitatis, ut patet ex coroll. 1. prop. 17. Synt. primi hujus: oculus autem juxta suppos. 9. Synt. 2. se habeat per modum Lentis plurimum convexæ: ex constructione verò Lens objectiva AB sit majoris sphaericitatis; etiam imago EF fig. 1. vel 2. erit major imagine IL in oculo K figura 5. quæ fieret ibidem, si oculus liberè sine tubo objectum CD aspiceret. Cum porro additâ eo modo ut dictum Lente GH , radiosi profluxus pergant post Lentem GH , uti figura 1. ostendit. Si jam oculus K apponatur loco O ad concursum scilicet radioforum profluxuum, quia incidunt aut paralleli aut divergentes; distinctè in oculo colligentur, ac penicillos suos pro distinctâ imagine formandâ ordi-

ICONISMUS VII



ordinate in Retinâ deponent. Ac quia Lens GH habet se per modum microscopii communis, ut dictum, fiet ut imago EF adhuc multò major spectetur, quæ, ut jam demonstratum, aliunde major est imagine IL in oculo fig. 5. unde objectum CD longè diffitum multò majus distinctè videri poterit, quod erat demonstrandum.

Corollarium I.

Objectum per ejusmodi Telescopium semper videtur conversum & inversum; sinistra scilicet apparent dextra, infima sursum & e contra, quia imago quæ in Tubo est eversa, in oculo rursus erigitur.

Corollarium II.

Quia homines communiter bene vident ea quæ distant uno aut altero pede, ut dictum supra supp. 1. hujus Synt. Si Lens GH ita aptetur ad imaginem EF, ut radii posteam fiant divergentes, quasi directè procederent à punctis quæ distarent uno aut altero pede, objectum etiam valde distinctè multò majus ostendent per coroll. 6. prop. 6. Synt. præc.

Corollarium III.

Quo Lens objectiva AB fuerit obtusior sive ex majori diametro, & Lens ocularis GH acutior sive ex minori diametro: eo Tubus præstantior construi poterit; nam utrimque imago valde augeri poterit. Quia tamen si Lens ocularis nimis acuta adhibetur, fieri solet, ut objectum paucioribus radiis spectetur, adeoque distinctè satis comparere nequeat: ideo certa quædam proportionis mensura intra ambas has Lentes attendi debet, ne dum quidem objectum satis magnum ostenditur, aliundè confundatur, ita ut ritè distingui non possit. Quanto tamen Lens objectiva in figurâ suâ perfectior erit, ita ut majorem admittat aperturam, tantò acutior etiam Lentem ocularem adhiberi patietur.

Corollarium IV.

Figura 3.

Si imago EF spectetur per duas Lentes oculares (additâ nempe Lente MN ad Lentem GH eo modo ut indicatum prop. 7. hujus Synt.) construi poterit tubus Astronomicus per tres Lentes convexas, qui adhuc plus de objecto de-
regere, & satis magnum illud exhibere valebit. Ordinatio vitrorum patet in fig. 3.

Corollarium V.

Myopes
abbreviant
ejusmodi
tubos.

Myopes debent ejusmodi Tubos contractiores sive breviores facere, hoc est, debent Lentes oculares in istis Tubis imagini propiores statuere. Cum enim ad majorem distantiam in ipsorum oculis penicilli debeant formari; idcirco ante ingressum oculorum debent radii fieri magis divergentes, quod fit à propiore Lentis ocularis accessu ad ipsam imaginem. E contra Presbytæ debent hujusmodi Tubos elongare, ut radios magis convergentes per oculos citius concurrentes provehant pro distinctâ imagine in breviori distantia ordinandâ.

Propo-

Propositio XI. Problema.

Tubum Astronomicum ex duabus convexis Lentibus & specillo concavo construere, qui breviori longitudine mirè aucta exhibet objecta.

Asumatur Lens convexa objectiva, quæ sit mediocris sphaericitatis AB, cujus focus sive locus imaginis, si sola adhiberetur, formaretur ad punctum P. Applicetur jam specillum concavum QR ita post Lentem AB, ut punctum P quod est locus imaginis, sit specillo QR propior, quàm ejus concavitatis centrum S projicietur per ro. Synt. 2. hujus imago EF multò major ad majorem distantiam. Si jam addatur secunda Lens convexa ocularis (aut etiam duæ Lentes, ut in prioribus dictum) per modum microscopii, & ab oculo K illa imago EF spectetur. Dico futurum, ut in breviori distantia Tubus ordinetur, quo valeat objectum longissimè distitum distinctè videri valdè magnum.

Demonstratio. Nam quia imago major haberi potest post illam combinationem Lentis convexæ cum concavâ in minori distantia, ut patet ex Demonstratio. coroll. 3. prop. 10. Synt. 2. qualis aliàs per convexam Lentem objectivam valdè magnæ sphaericitatis in majori distantia deberet ordinari: erunt ergò distantia similis imaginis inæquales, adeòque illa brevior, hæc longior, quæ per solam Lentem convexam talis efformaretur. Si jam Tubis inæqualibus æqualia addantur microscopia, scilicet simplicia sive Lentes convexæ oculares acutiores, per quas oculus K imaginem utrinquè spectare possit: fierent Tubi inæquales. Et quia imago EF in Tubo major esset, ut constat per idem coroll. 3. prop. 10. Synt. 2. & multò major fieret in oculo, quia Lens ocularis habet se ut dictum per modum microscopii, ideò posset per hujusmodi Tubum minoris longitudinis objectum mirè auctum distinctè videri, quod erat demonstrandum.

Corollarium I.

Objectum per hoc Telescopium videtur eversum, cum ejus imago in oculo formetur erecta.

Corollarium II.

Hujusmodi Tubi possunt esse multiplicis longitudinis, semper aliæ & diversæ, etiam adhibitis iisdem Lentibus, prout nempè concavum specillum aliter atque aliter ibidem collocatur: tunc enim imago etiam plus vel minus elongari potest, ut patet ex coroll. 4. prop. 10. Synt. 2. hujus fund. Hi tubi possunt in longitudine variari.

Corollarium III.

Telescopium hoc modo construendum valdè exactam & accuratam manum, magnamque moderationem requirit, si distinctè & clarè satis absque

A a

confu-


Ejusmodi
telescopium
accuratè
fieri debet.

confusione objectum debeat ostendere. Nam quia concavum specillum valdè dispergit radios, fit ut plures aberrant, adeoque extra ordinem vagentur, unde facilè confusio & turbatio suboritur, quæ præcisiori distinctioni plurimum obesse solet. Unde licet objectum valdè magnum hinc præsentari possit, non tamen satis distinctè & clarè. Quocirca potissimum cavendum, ne specillum usque adeò & valdè concavum adhibeatur.

Corollarium I V.

Quomodo
Myopes aut
presbytæ u-
tantur hoc
tubo.

Etiam hunc Tubum Myopes debent contrahere: at Presbytæ eundem prolongare ob causam in priori Tubo datam. Plura alia, quæ ad praxin seu constructionem & usum Tubi Astronomici pertinent, videri possunt in fund. seq. practio seu Mechanico.



CAPUT VI.

Telescopi terrestria melioris notæ plurium Lentium convexarum proponuntur & demonstrantur.

QUæcunque Telescopia hætenus proposita & demonstrata sunt, suo haud carent incommodo. Nam licet communia constantia Lente concavâ & convexâ satis distinctè & nitidè objecta repræsentent, parum tamen de objectis detegunt, & quidem tantò minus, quantò longiora adeoque meliora sunt, ut supra diximus.

Astronomica verò Telescopia, quæ præc. cap. demonstravimus, licet multum de objectis detegant, hoc tamen incommoditatis habent, quod omnia eversa ostendant, quocirca iterum oculus incommodatur, ut objecta terrestria accuratè videre nequeat. Restat igitur, ut modos aliquos adducamus, quibus parari queant Telescopia, quæ non tantum objecta satis magna & aucta ostendant, sed etiam in erecto situ cum pluribus simul partibus five amplioris spatii apparentiâ.

Propositio XII. Problema.

*Telescopium è tribus Lentibus convexis, quod in situ recto distinctè ob-
jecta longè dissita majora exhibet, construere.*

NE sæpius eadem hic repetere cogar, volo pro Lente objectivâ in sequentibus Telescopiis semper intelligi Lentem, quæ sit majoris sphaeræ portio; oculares verò Lentes, aut quasvis alias post Lentem objectivam versus oculum applicatas volo esse acutioris sphaeræ portiones. Quo notato, si Telescopium ex tribus Lentibus convexis libeat construere, ita practicè procedi potest.

Assuma-

Assumatur Lens objectiva AB, cujus focus sive imago in EF: ab imagine EF applicetur Lens media GH convexior paulò remotius, quàm sit focus ejus, exempli causâ in duplâ distantia sui foci: ac quia per suppos. 5. Synt. 2. hujus, imago ita radiat, ac si esset verum objectum ibidem collocatum; hinc alia imago PQ ad eandem distantiam priori etiam imagini EF æqualis post Lentem GH formabitur. Addatur tertia Lens ocularis MN, quæ se habeat per modum microscopii communis, ac per eam oculus K aspiciat imaginem PQ: videbit ita objectum CD multò majus, quàm si libero oculo ibidem constituto aspiceret, quod ita ostendo.

Demonstratio. Cum enim post Lentem objectivam AB objecti CD imago EF major sit eâ, quæ fieret in quocunque oculo ibidem constituto similiter ut priori cap. de Tubis Astronomicis demonstratum. Eidem etiam imagini per coroll. 4. prop. 18. Synt. 1. in duplâ foci distantia remotæ Lentis GH æqualis sit imago PQ, erit etiam imago PQ major eâ quæ in oculo, si liberè objectum CD aspiceret, effici posset. Dum igitur hæc ipsa imago PQ per Lentem MN velut microscopium aspicitur, multò major imago IL in oculo K debite applicato formabitur, adeoque multò majus objectum CD ita spectabitur, quod erat primò ostendendum. Porro, quod etiam in situ recto objectum CD videatur, satis apparet in figurâ primâ, quia imago EF, quæ à primâ Lente objectivâ evertitur, iterum ope Lentis mediæ GH erigitur in PQ: quæquæ dum rursus in oculo K evertitur, in situ est, quo juxta suppos. 11. Synt. 2. objectum erectum conspicitur. Ergo Telescopium ita ut dictum est apparatus objecta longius distita in situ recto distinctè majora exhibet, quod erat faciendum.

Corollarium I.

Quo Lens ocularis MN acutior erit, eò imago PQ major videtur; adeoque etiam objectum. Timenda est tamen obscuritas ab adhibitâ Lente nimis acutâ, undè moderatio aliqua fieri debet.

Corollarium II.

Quæd si Lens media GH propior imagini EF ponatur, quàm sit dupla sui foci distantia, poterit imago PQ in longiori distantia procurari major & distractior per coroll. 4. prop. 18. Synt. 1.

Corollarium III.

Ejusmodi Telescopia fieri solent valdè longa; & licet objecta multum quidem augeant, ea tamen paulisper incurvata & confusa ad marginem præsentant. Debet etiam oculus paulò remotius applicari ad Lentem MN, undè facile ejus defectus & bullæ adverti queunt; quocirca tam probata non censentur.


Non satis probata censentur hæc Telescopia.

Propositio XIII. Problema.

Telescopium melioris notæ ex quatuor Lentibus convexis construere.

Iconismus
VIII.

ICONISMUS VIII.



Hoc Telescopium longè omnibus aliis hætenus explicatis & demonstratis præfertur, cum non tantum aucta & propinqua plurimum objecta in situ recto ostendat, sed etiam cum spatio satis amplo, ita ut communia illa ex Lente cavâ & convexâ constructa jam penè viluerint, nequè amplius fermè æstimentur. Dum enim hæc unum vix hominem & unius turris apicem præsentant, solet tale quatuor convexarum Lentium Telescopium ingentem campum, totum exercitum, urbem totam unâ simul fermè exhibere. Sed nunc quomodo construi possit, paucis exponam & demonstrabo.

Lentis objectivæ AB (videatur figura 2.) imagini EF apponatur in Figura 2.
Tubo Lens ocularis convexa GH in distantia sui foci post imaginem EF: egredientur radii à singulis punctis imaginis post Lentem paralleli per coroll. 4. prop. 18. Synt. 1. Apponatur adhuc alia Lens ocularis RS æqualis vel majoris sphaericitatis cum priore, quæquè sit secunda respectu primæ GH: quia imago EF per suppos. 5. Synt. 2. ita radiat, quasi ipsa esset objectum verum ibidem collocatum; etiam per prop. 5. ejusdem Synt. 2. formabitur alia secunda imago PQ in Tubo. Addatur jam adhuc tertia Lens ocularis MN in distantia sui foci post imaginem secundam PQ; egredientur radii post eam ad oculum K paralleli per idem coroll. 4. prop. 18. Synt. 1. Dico jam, si oculus K debite ad Tubum ita quatuor ejusmodi Lentibus instructum applicetur, quod objecta longè distita possit videre distinctè majora & auctiora.

Sed hic obiter notandum, quando dicitur oculus videre objecta per Tubos majora & auctiora, non est intelligendum, quasi videat majora quam in se sint, ut fit per microscopia, sed respectivè ad locum & distantiam, quam scilicet in eo loco & distantia ab oculo alias non armato videri possint.

Demonstratio. Constat per suppos. 7. Synt. 2. quod diametri imaginum ita se habeant ad invicem, uti diametri, quarum Lentes sunt portiones: undè quia oculus se habet per modum Lentis valdè convexæ, & Lens objectiva AB ex hypothese debet esse Lens minus convexa, sive majoris sphaeræ portio; erit etiam imago EF major eâ, quæ formaretur in oculo, si liberè ex eodem loco objectum CD aspiceret. Certum est autem, si Lens media ocularis RS ita ut dictum est, adhibeatur, quæ nempè sit vel æqualis ipsi Lenti GH, vel paulò major in sphaericitate, quod etiam secunda imago PQ imagini EF sit vel æqualis futura, vel eâ major, ut patet ex coroll. 5. prop. 5. Synt. 2. Et quia deinde imago PQ per tertiam Lentem MN tanquam commune microscopium ab oculo K aspicitur, adhuc multò major imago IL evadet in oculo. Ergò multò majus objectum per Lentes ita in Tubo collocatas videbitur, quod erat faciendum.

Corollarium 1.

Lens ocularis media RS, quantò majoris sphaeræ portio fuerit, tantò major imago PQ exprimitur, ut patet ex coroll. 4. prop. 5. Synt. 2. adeoque majus objectum spectari poterit. At si media hæc Lens ocularis fuerit minoris sphaeræ portio, quam sint reliquæ oculares, objectum non ita magnum videri poterit, quam si ibidem collocata sit Lens æqualis vel majoris sphaericitatis: quia imago PQ minueretur, ut constat per idem coroll.

Lens ocularis media quid præstare possit.

Corollarium II.

Latitudo
lentis me-
diae quid
praestet.

Quantò eadem Lens media RS latior & amplior fuerit in aperturâ , tantò vivaciorem imaginem exprimere valebit , ut patet ex coroll. 1. prop. 5. Synt. 2. Item tantò plus etiam removeri poterit à Lente GH, & plus de objecto ostendere, ut constat ex coroll. 3. ejusdem prop. 5.

Corollarium III.

Arcanum
practicum
aperitur.

Invariatis sitibus duarum mediarum Lentium , nempe GH & RS five distantis inter easdem non mutatis , quantò Lens prima ocularis GH magis ad imaginem EF admovetur , ita ut in minori distantia sui foci eidem imagini appropiet ; tantò magis imago PQ post Lentem RS crescit, fitque major ac longius removeretur , ut constat ex coroll. 8. prop. 6. Synt. 2. Quocirca in ejusmodi Telescopiis mirus consensus inter Lentem objectivam cum distantia sua à Lente primâ oculari , & inter Lentem secundam ocularem cum sua distantia à tertiâ Lente oculari ad praxin notandus est. Quò enim Tubus ibi productior fit , ita ut distantia objectivæ Lentis à primâ oculari elongetur , eò post Lentem secundam Tubus contractior fieri , & distantia Lentis secundæ à tertiâ abbreviari debet, atque tunc in tali dispositione objectum videtur paulò minus. Econtrà , quo magis post Lentem objectivam Tubus abbreviatur , distantia Lentis secundæ à tertiâ elongari debet, ac tunc objectum majus apparet, quod ad praxin benè notandum.

Corollarium IV.

Etiam dum Lens prima ocularis GH propior , ut modò dictum est , imagini EF collocatur , quantò Lens secunda RS viciniùs ad primam ocularem GH admovetur , tantò imago PQ vivacior obtinetur ob plures radios collectos, ut patet ex coroll. 4. prop. 6. Synt. 2. In remotiori autem distantia tantò major procuratur, ut constat ex coroll. 3. ejusdem prop.

Corollarium V.

Lentes ocu-
lares extre-
mas juvat
esse acutio-
res.

In ejusmodi Telescopiis Lentes oculares extremæ (veluti sunt prima versus objectum , & tertia versus oculum) quantò fuerint acutiores , tantò magis objectorum apparentiam augere possunt : cavendum tamen, ne præter morem acutæ assumantur ; solent enim obscurius & confusius , adeoque minus distinctè objecta exhibere ; undè moderamen aliquod in his Lenti- bus adhibendum est , ne dum magnitudinis apparentia nimium exquiri- tur, aliunde dispendium fiat. Plura alia ad praxin pertinentia vide infra suo loco in fund. 3.

Propo-

Propositio XIV. Problema.

Aliter Telescopium ex quatuor Lentibus convexis construere.

POtest ex quatuor Lentibus convexis, unâ scilicet objectivâ & tribus ocularibus aliter Tubus ordinari, ut videre licet in figurâ 3. ubi paulò ante Lentis objectivæ AB focus sive locus imaginis T prima ocularis GH collocatur, ut expressior & collectior imago EF propinquius ad Lentem objectivam AB formetur, ut patet per prop. 3. Synt. 2. hujus. Secunda verò Lens ocularis RS poterit distare à primâ oculari GH in duplâ distantia sui foci, undè formabitur secunda imago PQ ad eandem duplam, vel paulò ultra distantiam foci ejusdem Lentis RS. Addatur deindè tertia ocularis MN post imaginem PQ in distantia quoque sui foci: erit ita tota remotio Lentis MN à Lente RS in distantia compositâ ex duplâ foci Lentis RS, & simplâ foci Lentis MN distantia. Dico, si oculus K per hunc Tubum objecta dissita inspiciat, quòd visurus sit ea distinctè majora.

Demonstratio. Nam dum Lentis objectivæ AB basis distinctionis per dispositam ita Lentem GH paulò ante focus T Lentis AB acceleratur, imago licet paulisper minuatur, erit tamen propè maxima, quæ in tali combinatione fieri potest per prop. 4. Synt. 2. ac major quidem eâ, quæ in oculo, qui se habet per modum Lentis plurimum convexæ, formaretur, si ibidem constitutus objectum CD aspiceret. Deindè quia secunda Lens RS imaginem secundam PQ post se projicit vel æqualem vel paulò majorem per coroll. 4. prop. 18. Synt. 1. appositâ eo modo, ut dictum, Lente tertiâ MN, quæ se habet velut microscopium commune, multò major imago IL in oculo K effici poterit. Ut autem imago, ita & visio: quocirca per Telescopium ita ordinatum objecta dissita distinctè majora videri poterunt; quod erat faciendum.

Annotatio.

Licet putare quis possit hoc Telescopium ferè convenire cum eo, quod tribus Lentibus construi potest, ut prop. 12. hujus demonstratum, & perindè ferè esse, si Lens GH omnino non adhibeatur, cum tantum Tubus paulò productior fieri deberet: absolute tamen melius est, ita Lentem GH adhibere, sicut indicatum, ut per penicillos magis obtusos collectior & præcisior imago EF exprimatur. Quando enim penicilli aliqujus imaginis sunt nimis acuti, nunquam satis præcisâ imago formari potest, uti fieret, si Lens objectiva sola imaginem trajiceret; radii siquidem non ita præcisè in puncto concurrerent, sed aliqui longius sæpè aberrarent. Quando autem penicilli sunt paulò magis obtusi, præcisius in puncto concurrunt, itaque vivaciorem & præcisiozem imaginem exhibere possunt; quod etiam hâc ordinatione intenditur.

Imago præ-
cisior quo-
modo fiat.

Corolla-

Corollarium.

Quo magis Lens media ocularis in ejusmodi Telescopio versus imaginem EF vel Lentem primam ocularem GH admovetur, eò longius imago PQ recedit & fit major; adeoque distantia inter Lentem MN elongatur. Caveri tamen debet, ne Lens RS nimis propè ad distantiam ferè sui foci imagini EF apponatur: imago enim PQ ob majorem elongationem nimium distrahetur, aut radii, qui pro formandâ imagine concurrere deberent, procedent paralleli.

Propositio XV. Problema.

Aliud adhuc Telescopium ex quatuor Lentibus convexis construere.

Ejusmodi Telescopium depictum vides in figurâ 4. estquè persimile ferè illi, quod cum tribus Lentibus convexis perficitur, ut prop. 12. hujus demonstravimus; discrimen tantum est, quod loco unius Lentis ocularis MN fig. 1. (quæ debet poni ab imagine PQ in distantia sui foci) hic duæ Lentes paulò majoris sphaericitatis adhibeantur, nempe RS & MN, ut in fig. 4. apparet. Lens autem ocularis prior RS propè ad ipsam imaginem PQ collocari debet; altera verò Lens MN etiâ propior ipsi RS apponi, quam sit distantia foci sui. Undè duæ Lentes istæ simul ita junctæ se habent per modum illarum Lentium, nempe GH & QR fig. 3. quarum efficacia in microscopio prop. 7. hujus demonstrata est.



CAPUT VII.

Indicantur varii alii Tubi, in quibus plurimæ Lentes pro distinctâ objectorum dispositorum in situ erecto exhibitione disponuntur.



Um Lentes convexæ oculares in Telescopiis præcedenti capite indicatis debeant esse minoris sphaeræ portiones, si objecta longius remota satis aucta & magna in conspectum probè adducere velimus, contingit eas quomodocunque in Tubis collocatas ob superficies ad se invicem valdè inclinatas, indequæ

emergentes refractiones nimium violentas & magnas vivacissimos iridis colores circa limbos repræsentare, quæ colorum vivacitas oculos haud parum perstringere & incommodare solet. Ut hujusmodi incommodum aliquatenus evitetur, loco unius Lentis convexioris solent peritiores Artifices adhibere plures alias Lentes minus convexas, quæ scilicet sunt majoris sphaeræ portiones, adeoque sub eadem magnitudine minus inter se inclinatæ superficies habent, ut ita per mitiores refractiones vehementiorem colorum illorum apparitionem avertant. Deindè quia diximus supra suppos. 14. cap. 1. hujus, quòd duæ Lentes invicem combinatæ, ut ibidem indicatum, plus de objectis detegant: id ipsum hic etiam per plures adhibitas Lentes debitè in Tubo aliquo collocatas intenditur, ut plures nempè objectorum dispositorum partes unà simul detegi queant. Requirit tamen ejusmodi Tubi valdè peritam manum, quâ Lentes ita Lentibus admoveri debent, ne aliud incommodum incurratur, quo scilicet minima vitia priorum Lentium per posteriores oculum versus collocatas detegantur. Undè si aliqua Lens cum alterâ combinetur, debet prior semper intra focum sequentis alterius existere, ac simul caveri, ne objecti imago nimis Lenti priori appropiet, ut adeò ipsa Lens simul cum omnibus in se contentis ad modum objecti radiet per secundam Lentem tanquam microscopium, ubi certè necessario omnia in priori Lente contenta satis aucta & dilatata comparere, adeoque minima etiam vitia ejusdem Lentis detegi debebunt. Porro quia in præcedentibus jam variæ ejusmodi Lentium combinationes pro Telescopiis demonstratæ sunt, idcirco singulorum sequentium Tuborum (cum sint tantum ob aliam combinationem quandam ex prioribus confectarii) constructionem & efficaciam uberius demonstrare necessarium non judicamus. Solùm igitur sufficiet indicare, quomodò plures aliquæ Lentes diversimodè in Tubis collocari queant, ut per eos distinctè objecta disposita repræsentari possint. Sit igitur

Colores circa limbos Lentium quomodò evitari possint.

Propositio XVI. Problema.

Telescopia ex quinque Lentibus construere.

Modi sunt varii ejusmodi Telescopia conficiendi, quorum aliquos adduco,

Modus I.

Primus Modus esse potest, ut in figurâ 1. patet. Adhibeantur scilicet propè imaginem EF duæ Lentēs oculares majoris sphaeræ portiones, ut hic sunt GH & TV quarum GH collocetur propè ferè in ipsâ basi distinctionis sive loco imaginis EF Lentis objectivæ AB. Secunda Lens TV distet minus, quàm sit distantia sui foci, ne vitia prioris Lentis GH manifestet; atquæ hæ Lentēs combinatæ ut dictum ita admoveantur imagini EF, ut radii à singulis imaginis punctis per ambas Lentēs ad tertiam aliam Lentem RS prolabantur ferè paralleli. Undè tunc Lens RS iterum eos uniet, & ordinabit pro imaginē secunda PQ formandâ in Tubo ad distantiam sui foci. Huic secundæ imaginē admoveatur Lens MN in distantia quoquæ sui foci, per quam tanquam microscopium commune oculus K videre poterit imaginē PQ multò majorem, itaquæ etiam ipsum objectum CD multò minus.

Modus II.

Vitra ocularia ordinentur, uti figura 2. ostendit, ac comprimis quidem Lens GH & RS collocentur prout in Telescopio 4. Lentium prop. 13. hujus indicatum. Duæ deindè reliquæ Lentēs MN & TV (quæ possunt esse paulò majoris sphaeræ portiones) ordinentur ut in præc. prop. 15. dictum. Habebunt se duæ hæ Lentēs ita combinatæ iterum per modum microscopii, adeòque rursus imago PQ multò major comparebit, & consequenter etiam ipsum objectum CD multò majus spectari poterit.

Modus III.


Ante primam imaginem EF adhibeatur Lens aliqua convexa, ut vides in figurâ 4. & supra nos etiam demonstravimus in Telescopio 4. Lentium prop. 14. hujus. Deindè post imaginem EF collocentur tria ocularia vitra eo modo, ut in Telescopio 4. Lentium prop. 13. hujus declaravimus.

Modus

ICONISMUS

IX

Iconismus
IX.



Modus I V.

Quartus modus esse potest, si ante focum Lentis objectivæ mediocris sphaericitatis ponatur Lens cava, ut imago EF longius projiciatur & major evadat, sicut prop. II. hujus demonstratum: post imaginem deinde adhibeantur tria ocularia, ut in Tubo 4 convexorum prop. 13 indicatum. Plures alii modi patent infra in Tabulâ combinatoriâ.

Propositio XVII. Problema.

Telescopia adhibitis sex Lentibus, quæ objecta disita in situ recto exhibent, conficere.

Breviter pro exemplis aliquos modos libet indicare.

Modus I.

Post imaginem EF ab objectivo AB projectam, ut in figurâ 3. patet, collocentur in primis tres Lentes oculares, ut in primo modo præced. prop. indicatum: deinde post imaginem PQ apponantur duæ Lentes, ut in secundo modo ejusdem præced. habebitur Telescopium 6. Lentium.

Modus II.

Ante Lentis objectivæ imaginem EF ponatur Lens alia convexa, ut in tertio modo pro præced. indicatum, & signatum vides in figurâ 4. Reliqua hujus Tubi ordinentur, ut in secundo modo ejusdem præced.

Modus III.

Post imaginem EF à duabus Lentibus procuratam, ut præcedenti secundo modo dictum, possunt reliqua quatuor ocularia specilla ordinari, ut in primo modo prop. præc. indicatum.

Modus IV.

Adhibeatur Lens cava post objectivam, ut in 4. modo prop. præc. & post imaginem EF formetur Tubus, ut in primo vel secundo modo ejusdem prop. præc.

Modus V.

Combinari poterit Lens objectiva cum cavâ & convexâ, ut in fig. 6. Iconismi patet: post imaginem verò EF possunt reliquæ tres Lentes ordinari, ut in Tubo 4 convexorum prop. 13. Alios modos vide infra in Tabulâ combinatoriâ.

Propositio XVIII. Problema.

Telescopia septem Lentium conficere.


Explico duos modos; plures alii possunt ex Tabulâ combinatoriâ addisci.

Modus

ICONISMUS.

X

Iconism. X.



Modus 1.

Ante basim distinctionis Lentis objectivæ AB majoris sphaericitatis, ut figura 5. Iconismi repræsentat, adhibeatur alia Lens convexa, ut basis distinctionis acceleretur, & imago EF propior Lenti objectivæ AB fiat, ut dictum in modo 3. prop. 16. hujus. Deinde post imaginem EF ordinetur Tubus, ut in primo modo prop. præc. indicatum. Habebitur Tubus 7. Lentium petitus.

Modus 1 I.

Assumatur Lens objectiva mediocris sphaericitatis, cui ante basim distinctionis applicetur concava Lens, quæ imaginem longius projiciat & distrahat, uti in 4. modo prop. 16. dictum. Ante ipsam tamen imaginem adhibeatur alia Lens convexa, quæ distractam imaginem mundius uniat, & concursum radiorum nimium distractorum acceleret, ut vides in figurâ 6. Iconismi. Post imaginem EF à tribus ita combinatis Lentibus efformatam ordinetur Tubus reliquus, prout in modo 2. prop. 16. indicatum. Eveniet Tubus septem Lentium, velut figura 6. monstrat.

Propositio XIX. Problema.

Telescopia, quæ objecta longius distita in situ erecto distinctè exhibent cum octo & novem Lentibus perficere.

IN Tabulâ combinatoriâ indicamus quinque modos Telescopia cum octo Lentibus perficiendi; quorum primum tantum hic in figurâ 7. repræsentatum pro exemplo explicare libuit. Paratur autem hoc modo.

Pro specillo objectivo adhiberi potest Lens convexa longioris diametri; quæ idcirco, quod sit majoris sphaeræ portio, majorem etiam aperturam permittet. Ne verò Tubus nimium elongetur, & imago prima EF remotius ordinetur, ponatur ante basim distinctionis Lentis objectivæ AB alia Lens convexa GH, ut fig. 7. monstrat; & in primo modo præc. prop. dictum. Post imaginem EF propè ad eandem ordinentur quatuor Lentes oculares paulò majoris sphaericitatis, ita ut duæ priores OZ & TV debite ad se invicem collocatæ radios à singulis imaginis EF punctis acceptos & per se transmissos remittant parallelos ad duas Lentes alias RS & ab similes & similiter combinatas collocatasque, uti duæ priores sunt, quæ imaginem PQ propè Lentem ab denuò erectam sistent. Hæc imago aspiciatur per duas alias Lentes ut in proximis modis præcedentium propositionum indicatum, eritque Telescopium octo Lentium paratum, quod plurimum res distitas augere, & multum de iisdem detegere valebit. Reliquos modos vide in Tabulâ combinatoriâ.

Ad Tubum ex novem Lentibus construendum prima pars usque ad imaginem EF fig. 8. ordinetur cum cavâ Lente interpositâ, ut in modo secundo præc. prop. indicatum est. Reliqua omnia construantur, ut in priori Tubo octo Lentium, ac ita effici poterit Tubus Teledioptricus cum novem Lentibus, sicut figura 8. monstrat. Verum, ut curioso Lectori Artificium Telescopiorum plenius innotescat, sequenti capite proponam & explicabo Tabulam combinatoriam, ex quâ facillimè addisci potest, quomodo varii, iique semper diversi Tubi per plures Lentes construi possint.

CAPUT VIII.

Proponitur & explicatur Tabula combinatoria compositionis & ordinationis partium Telescopicarum ad construenda varia eaque diversa cum pluribus Lentibus Telescopia.



Abula combinatoria quam præsentī capite propono & explico, tribus imprimis partibus constat, quarum infima fundamentalis ac primaria continet partes Telescopicas combinandas pro constructione variorum Telescopiorum, ut mox dicetur. Pars secunda media varias exhibet lineas, quæ ostendunt combina-

Tres partes
Tabulæ
combinato-
riæ.

tiones illarum partium Telescopicarum pro variis Tubis construendis. In superiore parte numeri qui primò occurrunt super lineas jam dictas, designant in continuâ serie variationem sive diversitatem Tuborum semper aliorum; & quidem usque ad novenarium Tuborum Astronomicorum, qui possunt objecta exhibere eversa; à novenario verò usque ad finem, Tuborum terrestrium, qui objecta erecta comparere faciunt. Literæ quæ super singulos numeros collocantur, indicant quomodo lineæ in mediâ parte ad singulas partes Telescopicas infra in parte fundamentalī effigiatas pro designandâ certâ qualibet alicujus Telescopii compositione duci debeant. Ut si Ex.gr. Tubus novenarii numeri construī deberet, qui est Tubus 3. Lentium (ut superior figura numeralis 3. benè etiam indicat) quia super 9. figuram continentur literæ A, E, M, significant illæ imprimis A ejusdem literæ A partem Telescopicam in inferiori parte expressam esse assumendam pro primâ imagine in Tubo procurandâ. Litera E significat unicam Lentem ocularem eo modo & ordinatione, ut figura E exhibet assumendam pro mediâ parte Tubi construendâ. Tertia litera M indicat figuram M in parte inferiori observandam, ad cujus similitudinem oculus cum unicâ Lente ad duas alias præcedentes partes pro integro Tubo ordinando applicari debet, ut habeatur Tubus sive Telescopium trium Lentium petitum. Verùm quia Tabulæ hujus pars infima cum partibus Telescopicis ibidem expressis potissimum hic consideranda est, ac plurimum valoris in præsentī negotio obtinet, ut planius intelligatur, eam paulò fufius, ordinatius & accuratius exponendam duxi.

Pars infima
magis consi-
deranda.

In basi igitur Tabulæ hujus depictæ sunt partes Telescopicæ ab unâ imagine ad aliam, quarum combinatione varia Telescopia effici possunt: Et quidem in primâ areâ quadrangulārī sub literis A B C D indicantur diversæ partes priores Telescopicæ, quæ singulæ seorsim sumptæ radios ab objectis diffitis acceptos possunt in unam basim distinctionis colligere & imaginem literis e f indicatam eversam in Tubo sistere.

Hujus par-
tis area pri-
ma.

In oblongiori secundâ areâ per literas E F G H I K L repræsentantur partes mediæ Telescopicæ cum radiorum per Lentes quaslibet profluxu ad sistendam aliquam secundam imaginem i k erectam in Tubo, quæ singulæ alterutri parti prioris areæ ita applicatæ, ut Lentes eo ordine numero & modo, quo ibidem signantur, apponantur imagini prioris alicujus partis Telescopicæ in distantia, qualis ibidem indicatur, possint post se secundam aliam imaginem i k erectam exhibere.

Area secun-
da.

Areola ter-
tia.

In tertiâ areolâ literis M & N continentur duo Microscopia commu-
nia sive dux aliquæ reliquæ partes, quæ similiter cum oculo, ut ibi videre
licet, ita admotæ imaginis alicui in Tubo esistenti, ac quidem in eâ distantia,
quam ex figuris colligere licet, aliam majorem imaginem in oculo repræsen-
tare valent. Sed has ipsas singulas partes Telescopicas seorsim paulò clarius
explicare libet, ut quomodo apparendæ sint, planissimè pateat.

Iconism. XI

Partes priores Telescopicæ explicantur.

Figura A.

Pars Telescopica prima figuræ A significat Lentem convexam objecti-
vam solam in Tubo collocandam, quæ radios ab objecto distito acceptos
unit ad distantiam sui foci primarii, sistitque imaginem e f si est convexa u-
trinque æqualiter, ad distantiam semidiametri convexitatis: si plano-conve-
xa, ad distantiam diametri: si utrinque convexa, sed inæqualiter, ad compe-
tentem foci sui distantiam, ut supra demonstratum est.

Figura B.

Figura B exhibet Lentem objectivam convexam, quæ est majoris dia-
metri, & si sola in Tubo adhiberetur, efformaret imaginem c d longius, ac
in majori distantia: interpositâ autem Lente aliâ convexâ g h abbreviat
concursum, & imaginem e f citius ac mundius efformat. Hæc combina-
tio hoc commodi habet, quod objectivum vitrum dum est majoris diame-
tri possit magis aperiri; adeoque in eâ distantia quâ aliâs Lens convexa mi-
noris diametri, si sola adhiberetur, minus aperta imaginem paulò obscurio-
rem efformaret, hæc illustriorem exhibere possit. Potest autem Lens secun-
da g h diversimodè in Tubo collocari, ac multipliciter variari; undè etiam
imago e f à Lente a b diversimodè distare, ac nunc major nunc minor ex-
hiberi potest, ut patet ex pro. 2. & 3. Syntagm. 2. hujus supra.

Figura C.

Figura C exhibet objectivum specillum a b minoris aliquantulum
sphæricitatis, quæ dum sola radiaret minorem imaginem c d efformaret, & in
distantia minori: collocatâ autem Lente cavâ g h ante imaginem c d juxta
pro. 10. Synt. 2. hujus, distrahet radios, & imaginem trajiciet majorem & ad
majorem distantiam, ut in figurâ melius patet. Quocirca talis combinatio
hoc commodi præstare potest, ut in minori distantia imaginem nihilominus
satis magnam (qualis alias à longioris diametri Lentibus convexis efformari
deberet, ac Tubum protractiorem ac longiorem requireret) in contractiori
ac breviori distantia efformet.

Figura D.

Figura D exhibet Lentem tertiam c d post Lentem cavam g h positam,
& quidem paulò ante locum imaginis e f, quæ radios nimium distractos,
& imaginem minus mundè tractam melius ordinare ac colligere potest, li-
cet eandem paulò minuat.

Praxis ima-
ginis locum
ac quantita-
tem obser-
vandi.

Practicè autem, quomodo imaginis e f locus, ejusdemquè magnitudo
adverti possit, patet comprimis ex eo modo, quem supra pro. 17. Synt. 1. hujus,
indicavi: dum nempe Lens objectiva vel sola vel cum aliis, ut modò dictum
est, combinata, in obscuriori loco parieti vel chartæ albæ obvertitur, & objecti
aliquantulum distiti velut fenestræ nitidissima imago ibidem depicta obser-
vatur. Melius hanc ipsam imaginem in camerâ prorsus obscuratâ advertere
poteris, aut quod facilius est, in ipso Tubo, si vitrum planum in promptu ha-
beas (quod ex unâ quidem parte potest esse tersissimè politum, ex alterâ verò
parte sit tenuissimâ attritione paululum infuscatum ac impolitum) Tuboque
ita apponas, donec nitidissima imago ibidem depicta transpareat: quâ deinde
distantia vitrorum relictâ possunt reliquæ partes Telescopicæ adungi.

Partes

commu-
bi videre
distantiā,
repräsen-
tatio clarius

n objecti-
acceptos
nvexa uo-
o-conve-
d compe-

oris dia-
gius, ac
bbreviat
ombina-
s diame-
vexa mi-
bscurio-
ns secun-
dè etiam
minor ex-

antulum
ret, & in
ed juxta
em & ad
mbinatio
lominus
fformari
trastiori



positam,
tractos,
otest, li-

gnitudo
r, hujus,
dictum
z objecti
a obser-
lvertere
ptu ha-
erã verò
uboquẽ
deinde
i.

Partes


Tabula Combinatoria Compositionis & Ordinationis partium Telescopicarum ad construenda varia ac diversa cum pluribus lentibus Telescopia.

Tubi Astronomici qui eversa obiecta exhibent								Tubi. qui erecta ostendunt obiecta ex Combinatione plurium lentium																																																															ICONISMUS XI.
Lentium								3	4				5								6												7												8				9																						
Z	3	3	3	4	4	4	5	A	A	A	A	B	C	A	A	A	A	B	B	B	B	C	C	C	C	D	A	A	A	B	B	B	B	B	C	C	C	C	C	D	D	D	A	B	B	B	C	C	C	D	D	D	D	B	C	D	D	D	D												
A	A	B	C	B	C	D	E	E	F	G	H	E	F	G	H	I	K	E	F	G	H	E	F	G	H	E	I	K	L	F	G	H	I	K	F	G	H	I	K	F	G	H	L	L	I	K	L	I	K	F	G	H	I	K	L	L	I	K	L	L											
M	N	M	M	N	N	M	N	M	N	M	N	M	M	N	N	N	M	M	N	M	M	M	N	M	M	M	N	N	M	N	M	N	N	N	M	M	N	N	N	M	M	M	M	N	M	N	N	M	N	N	N	N	N	M	M	N	N	N	N	M	N										
1	2	3	4	5	6	7	8	9	10	11	12	13	14	15	16	17	18	19	20	21	22	23	24	25	26	27	28	29	30	31	32	33	34	35	36	37	38	39	40	41	42	43	44	45	46	47	48	49	50	51	52	53	54	55	56	57	58	59	60	61	62	63									



Handwritten text at the top of the page, possibly a title or header.

1	2	3	4	5	6	7	8	9	10	11	12	13	14	15	16	17	18	19	20	21	22	23	24	25	26	27	28	29	30	31	32	33	34	35	36	37	38	39	40	41	42	43	44	45	46	47	48	49	50	51	52	53	54	55	56	57	58	59	60	61	62	63	64	65	66	67	68	69	70	71	72	73	74	75	76	77	78	79	80	81	82	83	84	85	86	87	88	89	90	91	92	93	94	95	96	97	98	99	100
---	---	---	---	---	---	---	---	---	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	-----



Handwritten text at the bottom of the page, possibly a conclusion or a list of notes.

Vertical handwritten text on the right margin, possibly a date or a reference.

Partes mediæ Telescopicæ explicantur.

Quod partes Telescopicas medias attinet, ejusmodi præcipuè septem adduco, licetque illas in media tabulæ area per figuras ibidem expressas advertere.

Figura E exhibet Lentem $l m$ convexam ocularem minoris scilicet Figura E. sphaericitatis respectu Lentis cujuslibet objectivæ, quæ imaginem $e f$ ever-
sam & à primâ parte aliquâ telescopicâ expressam in dupla sui foci distantia
apprehendit, & denuò in eâdem duplâ distantia rursus secundam aliquam
imaginem æqualem priori & erectam $i k$ exhibet in tubo, ut patet ex co-
roll. 4. pro. 18. Synt. 1. hujus. Si tamen Lens $l m$ paulò propior imagini $e f$
applicetur, imago $i k$ longius recedet à Lente $l m$ & major fiet: si verò
paulò longius accommodetur Lens $l m$, quàm sit dupla distantia foci, ima-
go $i k$ paulò minor ac magis propinqua ad Lentem $l m$ efformari poterit,
ut patet ex eodem coroll. cit.

Figura F ostendit eandem Lentem $l m$ quæ in duplâ distantia foci sui Figura F.
imaginem $e f$ ut antea apprehendit, sed additâ adhuc aliâ Lente convexâ
oculâri $n o$ in breviori quàm sit dupla distantia foci ejusdem Lentis $l m$, ima-
ginem $i k$ minorem projicit, cum per istam combinationem concursus radio-
rum acceleratur per pro. 3. Synt. 2. hujus. Non videtur autem multum con-
ducere talis combinatio & ordinatio Lentium ad tubi præstantiam, cum
imaginem secundam $i k$ minuat, adeoque objectum non satis auctum exhi-
bere possit; quocircâ ejus conversa combinatio aptior est, quæ in figurâ G Figura G.
apparet; apprehendit enim minorem imaginem $e f$ & trajicit eam ad du-
plam distantiam foci Lentis $l m$, magisque ampliat & extendit, ut in figurâ
G exprimitur.

Figura H constat duabus Lentibus æqualiter vel inæqualiter convexis, Figura H.
quarum prior $l m$ distat ab imagine $e f$ in distantia foci sui, & post se radios
acceptos remittit parallelos ad Lentem $n o$, quæ Lens $n o$ eosdem rursus
unit pro secundâ imagine $i k$ in distantia quoque foci sui. Quod si Lens
secunda $n o$ fuerit minoris sphaeræ portio utrinque, imago erecta $i k$ fiet mi-
nor: quòd si verò è contrario Lens $n o$ fuerit majoris sphaeræ portio, quàm
sit Lens $l m$, imago $i k$ major erit. Quocirca observandum in praxi, ut au-
geatur vel saltem non minuat imago $i k$ in Tubo (sicut omninò fieri con-
venit) si $n o$ non sit æqualis sphaericitatis cum Lente $l m$, non debet tamen
esse minoris, cum aliàs secunda imago minueretur.

Figura I distinctionem à priore figurâ tantum parit ex eo, quod post Figura I.
Lentem $n o$ aliam Lentem $p q$ admittat, quò fit, ut imago ad minorem di-
stantiam efformari queat, quàm sit distantia foci Lentis $n o$. Hæc combi-
natio rursus haud apta videtur pro Telescopiis, quia minuit imaginem $i k$,
nisi Lentes $n o$ & $p q$ sint majoris sphaeræ portiones, ut vel imago $i k$ æqua-
lis imagini $e f$, vel paulò major eadem imagine $e f$ efformari queat.

Figura K est conversa præcedentis, ubi Lens $p q$ propè imaginem $e f$ Figura K.
collocata ita cum Lente $l m$ combinatur, ut radii deindè ad Lentem $n o$ pro-
cedant paralleli, qui post eam rursus uniuntur pro secundâ imagine $i k$ effor-
mandâ ad distantiam foci Lentis $n o$. Hæc Lens si sit majoris sphaericitatis
ita ut longius ordinet basim communem, quàm duæ ita invicem combina-
tæ. Lentes priores, imago $i k$ major & ad majorem distantiam projicitur.
Contrarium accidit, si minoris sphaericitatis & efficaciz fuerit.

Figura L.

Figura L constat ex Lentibus ocularibus majoris sphaericitatis, quarum duæ priores p q & l m sicut & duæ posteriores n o & r s duabus convexioribus, veluti figuræ H, æquivalere possunt. Assumuntur solum, ut refractiones mitigentur, ne ita varios colores oculis offundant. Sic autem combinari debent, ut radii post Lentem l m ad Lentem n o procedant paralleli; inde verò progrediantur per Lentem r s, ut citius, quàm sit focus Lentis n o colligantur pro secundâ imagine i k efformanda.

Annotanda
ad praxin.

Tubi qui fiunt adhibita parte Telescopica E vel F haud satis probantur: licet enim possint objecti diffusi imaginem distinctè exhibere, non tamen æqualiter satis clarè & auctè cum amplioris spatii exhibitione. Reliquæ autem partes aptiores censentur, & magis Artificibus sunt in usu. Verùm, ut practicè Lentes priores ordinentur & debitè applicentur imagini e f prioris alicujus partis Telescopicæ, potest id optimè fieri ipsa oculi applicatione. Nam loco Lentis n o adhibeatur oculus, cum hic æque se habeat per modum Lentis convexæ, & ad eum ut videat distinctè aliquod objectum vel objecti imaginem, debeant radii procedere paralleli, sicut supra supposuimus: quocirca, si applicatis ita Lentibus iis ad priorem aliquam partem Telescopicam videat oculus per eas objectum diffusum distinctè eversum (nam imago in oculo erit erecta) erunt illæ Lentes ita applicatæ & aptatæ, ut radii post eas possint progredi paralleli.

Sed ut etiam reliquæ Lentes apponantur & accommodentur ita ut radios parallelos accipientes eosdè colligendo uniant pro formanda secunda imagine i k, id ipsum practicè rursus ipsa oculi applicatione procurari potest hoc modo. Lens n o vel sola, vel dum est cum alia p q conjuncta teneatur ad objectum propinquum, velut scripturam in charta, & oculus iterum applicetur, & tam diu Lens n o objecto propinquo accommodetur, donec oculus etiam distinctè illud pervideat. Erit distantia objecti à Lente n o ea, ad quam imago i k à radiis parallelis in Lentem n o incidentibus efformari potest. Si igitur Lens n o, vel si plures sunt, uti n o & p q conjunctæ in ea dispositione alteri Lenti l m applicentur, imago haberi poterit ad illam distantiam, ut modò dictum. Quod si lens l m propius imagini e f quàm sit distantia foci sui admoveatur, ita ut radii post eam debeant procedere divergentes, imago i k major effici, & ad majorem distantiam efformari potest; quòd plurimum conducit ad Tubi præstantiam, nempe ad hoc, ut objectum auctius & majus compareat. Sed hoc jam superius est indicatum.

Explicantur reliquæ partes Telescopicæ.

Partes istæ unà secum complectuntur oculum, qui se, ut sæpius jam dictum est, etiam habet per modum Lentis convexæ: undè figura M erit per modum figuræ H præcedentis areæ, & figura N per modum figuræ K. Sunt quoque hæ duæ partes velut duo Microscopia communia, de quibus supra cap. 2. hujus synt. abundè dictum est.

Cum oculus per se est sanus & benè constitutus, debet Lens t u figuræ M distare ab imagine i k in distantia sui foci primari. Item duæ Lentes t u & x y figuræ N debent ita esse conjunctæ, ut radii post ipsas ad oculum Z procedant paralleli: debet quoque oculus, dum per Lentes ipsas prospicit, mediocriter distare.

Quandò verò oculus Myopiâ laborans applicatur, debent Lentes priores paulò magis ad imaginem i k admoveari, aut oculus paulò remotius accommodari. Si verò oculus Presbytæ apponatur, Lentes possunt aliquantò amplius ab imagine i k removeri, atque etiam oculus aliquantò vicinior potest applicari, ut imago erecta vel eversa præcise in oculi fundo efformetur.

Dixi,

Dixi, *erecta* vel *eversa*. Nam dum istæ ultimæ partes applicantur simpliciter tantum uni alicui parti Telescopicæ prioris areæ; compositio duarum istarum diversarum partium dabit Tubum Astronomicum, qui secundam imaginem in oculo erectam format. Quando autem ultimæ hæ partes duarum aliquarum diversarum partium Telescopicarum compositionem præfixam habent, efficitur Tubus terrestris, qui tertiam imaginem in oculo eversam efformat, unde etiam objecta possunt conspici foris erecta.

Item quo Lens *t u* minoris erit sphaeræ portio, imago *i k* major videri poterit, sed paulò obscurior; quo verò maioris erit sphaeræ portio, eò quidem imago *i k* vivacior apparebit, at paulò minor: quocirca ut satis autam cum vivacitate eandem imaginem oculus aspiciat, requiritur proportio aliqua ad priores Lentes. Similiter advertendum, quod Lentes *t u* & *x y* figuræ *N* possint esse maioris sphaericitatis, quarum tamen combinatio æquivalet uni Lenti convexiori. Attendi tamen potissimum debet earum collocatio, ne ultima Lens *x y* prioris *t u* minutissima vitia detegat.

Ut duarum istarum Lentium ordinatio cum distantia ab oculo deprehendatur, possunt oculo præfixæ ita ad objectum vicinum accommodari (eas huc illucque tamdiu movendo) donec objectum per eas distinctissime compareat: quod ubi fit, distantia tum oculi à Lentibus, tum Lentium ab objecto vicino observari debet; in qua deinde si imagini ab aliis partibus Telescopicis expressæ in Tubo applicentur, oculusque accommodetur, haud dubiè per eas in cognitionem objecti dissiti venire poterit.

Optima praxis quâ integer aliquis Tubus bene ordinari & partes ejus accommodari possunt [exceptis tamen partibus E. F. G.] est talis. Primò una aliqua pars ex superioribus portionibus figur. H, I, K, vel L applicetur ad aliam quamcunque partem Telescopicam primæ areolæ, ita ut per Lentes in Tubo bene ordinatas & collocatas oculus videat objectum dissitum distinctissime eversum [nam oculus habebit se per modum Lentis convexæ alterius pro imagine *i k* erectâ formandâ.] Hoc deprehensò relinquatur ista ordinatio. Disponatur deinde in alio Tubo una ex partibus inferioribus figurarum H, I, K, L, cui addatur aliqua ex tertia areâ; sicque hæ partes disponantur huc illucque movendo, quousque oculus per utrasque partes additas respiciat objectum remotum iterum distinctè eversum. Quo obtento istam Tubi ordinationem sive dispositionem sensim priori ordinationi admovebis, donec per totum Tubum, & quascunque in eo collocatas Lentes objectum remotum distinctissime in situ erecto conspicias; eritque ita Tubus bene ordinatus. Quòd si distantiam à primâ imagine in Tubo ad Lentem sequentem ocularem paululum abbrevies; debet secunda ordinatio sive distantia ab imagine secundâ *i k* ad Lentem *t u* elongari, quod plurimum ad Tubi præstantiam facit: nam augeri potest imago, & ita objectum dissitum majus videri. Sed hæc pro Tabulâ ista combinatoria dixisse sufficiat; plura alia hinc exquirenda Lectori relinquo.

Optima
praxis Tu-
bos ordi-
nandi.



CAPUT IX.

*De longioribus aliis Tubis Teledioptricis
sive Telescopiis plurium imaginum.*

Tubi plu-
rium ima-
ginum qui-
nam vo-
centur.



Artificis est juxta Artis regulas opera sua diversimodè perficere, ac ad finem perducere posse. Ut igitur oculum naturalem variis aliis modis præter jam indicatos per instrumenta aliter ordinata, Tubos scilicet sive Telescopia, in quibus plures imagines efformantur, armare queat, paucis libet indicare. Voco autem Tubos plurium imaginum, in quibus sæpius radii artificialiter refracti confluunt pro distinctionis basi sive distinctâ aliquâ imagine formandâ; undè diversimodè oculus, si ejusmodi instrumentis applicetur, affici potest potissimum, ut vel everfa vel erecta cernat objecta, eaque distinctè majora, quàm alius inarmatus cernere posset. Verùm ut ordinatius hoc negotium exponam, obiter quædam advertenda præpono.

Tubus
communis
non habet
imaginem.

I. Tubus communis constans Lente oculari cavâ, & objectivâ convexâ, ut supra declaratum, nullam imaginem in Tubo efformare potest; cum radii ante egressum Tubi nunquam in eo distinctè colligantur ac uniantur ad unam communem basim distinctionis sive imaginem formandam.

Astronomi-
cus habet
unam.

II. Tubus Astronomicus qualiscunquè hætenus explicatus, tantum unam habet imaginem in Tubo; quia tantum semel radii in eo sic confluunt, ut distinctè in unâ aliquâ basi communi uniantur antequam oculum sub-
eant; quòcirca etiam objecta repræsentat everfa.

Alii conve-
xarum Len-
tium duas.

III. Tubi qualescunquè alii præcedentes plurium Lentium convexarum, qui ostendunt objecta erecta, duas habent imagines in Tubo, quarum prior everfa, altera erecta existit. Porro etiam quia istæ imagines ab uno confluxu radiorum ad alterum per convexas Lentes alterno situ formantur; hinc consequi necessariò debet, quod, dum imagines in Tubo sunt imparis numeri, applicato oculo objectum debeat comparere eversum; dum verò paris numeri, erectum.

An Tubus
plurium
imaginum
utilis esse
possit.

IV. Licet quoquè quantò pauciores imagines in Tubo aliquo forman-
tur, tantò objectum clarius & præcisius ostendi possit ob diaphanorum invi-
cem additorum & conjunctorum paucitatem, sicut & radiorum in iisdem
refractorum minorem deviationem, quàm confusio aliàs aut obscuritas con-
sequi potest: nihilominus, quia vel ipsa diaphana non admodum crassa ob
inductas iis figuras minus in convexitate obliquas, quæ idcirco à peritiori
manu etiam perfectius elaborari possunt, sicut & in iisdem ob directiorem
radiorum minus refractorum progressum, refractiones plurimum mitigari so-
lent; vel ex vitri materiâ multum pellucidâ & clarâ elaborata adhiberi pos-
sunt;

sunt ; ita omne incommodum facile compensatur. Idcirco etiam ad præstantiam Tuborum conducere poterit, per plures imagines in Tubis efformatas objecta diffita oculo præsentare ; potissimum si Artifex curæ sinat esse, ac præcipuè attendat, ut imagines per mitiores refractiones paulò semper majores successivè in Tubo aliquo ordinentur, quod studiosè observare debet.


V. Ut autem quis imagines successivè semper augeat faciatque majores, dupliciter præcipuè hoc effici potest, adhibendo scilicet Lentes vel in sphæricitate æquales vel inæquales. Si primum : debent Lentes priores, quæ nempe imagini propiores, ita in Tubo collocari, ut post ipsas radii ad alias posteriores Lentes, quæ imaginem aliam formare debent, transeant divergentes ; sic enim imago distractior & major procuratur. Vide pro. 6. Synt. 2. hujus, ejusque corollaria. Si secundum : debent Lentes priores ita situari, ut radii post ipsas ad posteriores Lentes paulò majoris sphæricitatis procedant paralleli ; unde fiet, ut imago post has Lentes majoris sphæricitatis etiam paulò major effici queat, sicut constat ex coroll. 4. pro. 5. Synt. 2. hujus. His prænotatis, paucis jam indicabo, quomodo longiores Tubi etiam cum pluribus imaginibus construi possint, qui objecta remota distinctè majora vel in situ everso, vel erecto repræsentare valent,

Quomodo
imagines in
Tubo suc-
cessivè pos-
sint augeri.

Tubus trium imaginum ostendens objecta everfa.

In figura 2. exhibetur Tubus trium imaginum, nempe EF, MN, & PQ, cujus constructionis ratio talis est. Radii ab objecto CD longius remoto prolapsi ita ut reputentur pro physicè parallelis, progrediuntur à singulis objecti CD punctis ad Lentem AB, ubi vi refractionis post Lentem AB concurrunt in communi basi distinctionis, efficiuntque primam imaginem EF. Inde rursus digrediuntur, ut in figura videre licet ad Lentem HH : ac quia hæc distat ab imagine EF in distantia foci sui (expono primò hunc Tubum simpliciter) radiosi profluxus post Lentem HH ad Lentem OO procedunt paralleli ; unde cum in hanc Lentem OO ita procedant paralleli ; iterum colliguntur pro secundâ imagine MN in distantia foci primarii ; rursusque inde digressi procedent ad Lentem RR in distantia foci sui remotam ; iterumque post RR procedent paralleli & incidentes ita ad Lentem SS ; necessario ad distantiam foci primarii Lentis hujus SS tertiam imaginem PQ efformabunt : quæ radians per Lentem TT ad oculum K, tandem in eo quartam imaginem IL depinget ; & cum hæc sit in situ, in quo est objectum, nempe recto, oculus videbit ita objectum eversum : ac quia imago IL figuræ secundæ major est ea, quæ in figura prima, dum oculus liberè sine instrumento objectum CD aspicit, etiam objectum per talem Tubum comparebit majus.

Explicatio
Tubi trium
imaginum.



Nota. Quod si omnes Lentes oculares in isto Tubo sint æquales in sphæricitate utrinque, hoc est, Lentes HH, OO, RR, SS, sint utrinque similiter convexæ, & ex his priores, HH & RR distant ab imaginibus EF & MN in distantiiis suorum focorum primariorum; fient imagines omnes velut EF, MN & PQ æquales. Quod si autem Lentes HH & RR paulò propius his imaginibus adlocentur, quàm sint focorum distantia, cum radii post ipsas procedant divergentes, fient imagines MN & PQ majores, ita quidem, ut imago MN major imagine EF, & imago PQ rursus major MN, adeoque adhuc major ipsa EF.

Quemadmodum omnes imagines fiant æquales, aut successive semper majores.

Item relictis similiter Lentibus HH & RR in distantiiis suorum focorum, si posterior Lens OO majoris sit sphæricitatis, quàm præcedens HH, ita ut longius colligat radios in se incidentes parallelus; imaginem MN efformabit majorem priore EF. Rursus etiam si Lens SS majoris fuerit sphæricitatis, ita ut focum principalem habeat magis distantem quàm Lens RR; iterum imago PQ major efformabitur media imagine MN; consequenter adhuc major imagine EF. Quod attinet Lentem TT, cum ea se habeat per modum microscopii communis, quantò minoris fuerit sphæricitatis, tantò semper in oculo majorem imaginem IL formare poterit. Habenda tamen est ratio proportionis ad priores partes Telescopicas, ne dum imago quidem valde magna in oculo sic præsentatur, ea minùs clarè & distinctè, sed valdè obscurè exhibeatur; ut ita propter obscuritatem objectum minùs probè videri queat.

Praxis ordinandi ejusmodi Tubum.

Practica ordinatio hujus Tubi fit simili modo, uti circa finem capitis præcedentis indicatum. Nam primò combinantur duæ Lentes AB & HH ita ut oculus loco Numeri applicatus videat per ambas Lentes objectum distinctum distinctè eversum. Secundo sumuntur seorsim Lentes OO & RR, ac ita disponuntur; ut oculus loco numeri 2. applicatus per has etiam Lentes videat objectum distinctum distinctè eversum. Deinde ambæ partes sensim ita admoventur, quousque oculus loco 2. appositus objectum remotius videat distinctè erectum. Tertiò reliquæ Lentes SS & TT etiam sic prius combinantur, ut oculus loco numeri 3. admotus prospiciens per eas videat objectum remotum distinctè eversum. Tandem etiam hæc pars prioribus sensim admoveatur, donec videatur objectum longius distans iterum distinctè eversum, eritque sic Tubus bene ordinatus.

Praxis ordinandi Tubum trium imaginum.

Quod si tamen Lentem TT oculo proximam paulò amplius removeas, & Lentem objectivam AB etiam similiter paulò versus Lentem HH protrudas, fiet Tubus excellentior & imagines semper in Tubo successive crescent, cum radii post Lentem HH, RR, fiant divergentes, atque ita objectum distinctum exhiberi possit multò majus.

Quomodo Tubus excellentior fieri possit.

In hoc Tubo si duæ Lentes velut HH & OO aut RR & SS removeantur, ac in distantia sui foci Lens TT ad imaginem MN admoveatur, ostendet objecta distinctè erecta.

Tubus quatuor imaginum ostendens objecta erecta.

Facile constat ex priore Tubo, qualiter Tubus quatuor imaginum, qui objecta distincta distinctè erecta exhibet, construi possit, additur enim priori Tubo pars Telescopica cum duabus aliis Lentibus TT & UU post imaginem PQ, ut in figura tertia videre licet, quæ deinde quartam imaginem XY in Tubo

Constructio Tubi quatuor imaginum.

Tubo efformant. Tandem Lens paulò minoris sphæricitatis ZZ apponitur, ut in priore Tubo dictum, eritque Tubus paratus.

Nota. In hoc Tubo possunt quatuor Lentes sive duæ partes Telescopicæ tolli, & nihilominus poterit objecta adhuc exhibere erecta. Si duæ vel 6. Lentes tollantur, poterit servire adhuc ad exhibenda objecta eversa.

Corollarium I.

Tubus
quinque
imaginum.

Ex adductis hisce duobus Tubis patet, quomodo quotcunque imaginum Tubi construi artificialiter possint, qui objecta vel erecta vel eversa ostendant; semper enim simili modo plures Lentes aut partes Telescopicæ aliis apponi possunt, ut vides in figura 4. ubi Tubus quinque imaginum repræsentatur. Ordinatio verò & collocatio Lentium patet supra ex praxi subnexa ad Tubum trium imaginum.

Corollarium II.

Non est necesse præcise tales partes Telescopicas assumere, sed possunt etiam aliæ præcedente capite explicatæ adhiberi. Unde patet etiam ex hoc & præcedente capite, quomodo diversissimi Tubi quotcunque Lentium & imaginum ordinari possint, modò Artifex observet ea quæ superius indicata sunt; nec obstat luminis in longiorem distantiam trajiciendi nimia decrefcentia, nec etiam à multiplicium Lentium sese opacantium impositione species sat mundè transire prohibeantur.

Corollarium III.

Quod si ratione nimix diaphaneitatis supperadditæ nulla opacitas contingeret, nec lumen aut species ad nimis elongatam distantiam sensim debilitarentur, vera essent.

Paradoxa Teledioptrica.

Tubus ex
meris Lenti-
bus ocula-
ribus.

I. Possibilis est Tubus, qui careat Lente objectiva longioris diametri, & construatur ex meris Lentibus ocularibus convexis omnino æqualibus etiam satis acutis: is tamen æqualeat Tubo alteri cum objectiva Lente cujuscunque diametri, possitque repræsentare objecta dissita eversa vel erecta. Nam cum possint imagines successivè, ut indicatum, in Tubo aliquo semper magis ac magis augeri; posset per plurium partium Telescopicarum appositionem tandem ultima aliqua imago fieri tanta, quanta aliàs formaretur in alio Tubo, in quo vitrum longioris cujusvis diametri adhibitum est, & in cujus imaginis magnitudine Tubi illius præstantia consistit. Et quia partes Telescopicæ possunt nunc addi nunc demi, & pro imaginum numero pari vel impari objecta nunc erecta, nunc eversa exhiberi, patet paradoxum propositum.

Tubus mi-
nor æqui-
valens ma-
ximo.

II. Possibilis est Tubus longissimus ad quantamcunque longitudinem, qui tamen non sit majoris virtutis, quàm Tubus duorum vel trium pedum, possitque exhibere objecta vel eversa vel erecta. Sive, quod idem est: potest tubus aliquis minor longitudinis duorum aut trium pedum in præstantia æquivalere tubo centum aut mille pedum. - - Nam possunt ad formatæ semel à Lente aliqua objectiva imaginis magnitudinem per continuam additionem similium partium aliarum telescopicarum omnes aliæ ab his formatæ imagines in æquali magnitudine contineri, atque ita ad quam-

quamcunque etiam longissimam distantiam continuari; ac quia partes aliquæ ad libitum eximi possunt, fieri potest, ut nunc erecta, nunc eversa exhiberi queant objecta.

III. Possibilis est Tubus, qui pluribus quocunque partibus abjectis aut sublati in eadem virtute persistat, & æquæ magna ostendat objecta, eaque vel erecta, vel eversa. Clare patet ex præcedenti.

Tubus ad-
huc prima-
neus etiam
abjectis
partibus.


IV. Possibilis est Tubus, in quo objectivum vitrum convexum longioris diametri collocetur in medio, vel quocunque alio assignato loco, aliis Lentibus ocularibus acutioribus alia loca obtinentibus. Quia cum possit per Lentes planè æquales etiam minoris sphaericitatis Tubus alteri cuicunque Tubo æqualis construi per paradoxum primum: Item etiam, cum Lens qualiscunque ita in Tubo situari possit, ut imaginem vel augeat vel minuat, vel æqualem efficiat: potest igitur talis Lens objectiva competentis loco & modo ita situari, ut imaginem æqualem ei, qualis ab aliis quibuslibet ibi constitutis efficeretur, exhibeat.

Tubus ubi
objectivum
in medio.

Hæc & plura alia quivis facile sic arbitrari poterit: verum quia aliunde non subsistunt, nec ad praxin facile reduci possunt, ideo ut vana dimitto. Nam in praxi comprimis obstat, quod nulla detur materia diaphana satis apta, quæ omnem opacitatem excludat; unde multiplex illa diaphanorum compositio tantò majorem obscuritatem inducet, quanto plurium diaphanorum additio fiet. Deinde, cum Lentes objectivæ minorum convexitatum adhibentur, etiam illæ minorem aperturam patientur; quocirca, cum Lumen ad nimis longam distantiam semper magis ac magis hebescat, etiam specierum vivacitas decrescet. Igitur semper utilius est, Lentes objectivas majoris diametri, quæ majorem aperturam patiuntur, cum paucioribus aliis partibus Telescopicis requisitis probè componere, & iis cum Telescopica instrumenta perficere. Volui tamen curioso Lectori hæc plurimum imaginum instrumenta indicare, ut videat saltem, ex parte fecundissimæ Dioptrices, quomodo ope Lentium convexarum artificialiter saltem species quovis modo provehi possint.

Cur practi-
cæ tales Tu-
bi nequeant
fieri.





CAPUT X.

*De Tubis incurvis Catoptrico-dioptricis,
& eorum in representando natura.*

Polemosco-
pia & eo-
rum usus.



Iusmodi Tubi ab eximio quem habent in rebus bellicis usu, vocari communiter nunc solent Polemoscopia: utilissimus equidem & præstantissimus eorum usus videtur esse, dum tempore obsidionis corribus loricalibus, sepi, vel alii ejusmodi velamini quis adstans, aut scabello valli innitens supra & extra lorica omnia, quæ ab hoste geruntur, hujusmodi instrumentis accuratè potest observare; præsertim quando vineæ in fossam jam translatae sunt, ubi aliàs nemo obsessorum audet citra magnum vitæ discrimen vel paululum levatâ supra vallum facie ob præsentiam hostilium militum ad omnia, quæ superius in vallo geruntur, attentorum, fossam intueri. Generalis tamen istiusmodi Tuborum usus est ad commodè videnda ac in aspectum adducenda, quæ directè aliàs videri nequeunt, sive ea à tergo, sive latere quocunque, sive infima sive summa existant, aut quovis modo ita situata sint, ut directè conspici minimè possint. Horum instrumentorum constructio & usus, quo faciliùs intelligi possit, juvat comprimis aliqua præscire, quæ superius in Fund. I. physico. Synt. 2. cap. 5. uberius declarata sunt; hic autem, ut satis nota ac demonstrata supponuntur, veluti sunt

Præscienda.

I. Radii perpendiculariter in corpus speculare incidentes reflectuntur in seipsos; oblique autem incidentes à perpendiculari digrediuntur & deflectunt. Vide Fund. I. Synt. 2. cap. 5. pro. 2.

II. Radii oblique incidentes in quodcunque corpus speculare reflectuntur ad angulos æquales angulis incidentiæ. Ibidem pro. 3.

III. Quò radii obliquius incidunt in corpus speculare, eò minores sunt anguli incidentiæ & reflexionis; & quò directius, eò fiunt anguli utrinque æquales majores. Ibidem. pro. 4.

IV. Ab uno puncto reflexionis cujuscunque corporis specularis ad diversa loca possunt plura puncta luminosi reflecti, & à diversis punctis luminosi possunt radii reflecti ad unum locum. Ibidem pro. 9.

V. Lumen reflexum semper est minus illustre eodem non reflexo atque in directum propagato. Ibidem pro. 10.

VI. Lumen incidens in corpus speculare non simpliciter opacum, sed secundum quid diaphanum sæpius reflectitur, notabiliter autem bis, in utroque scilicet diaphani termino. Vide ibidem pro. 11.

Suppositis his principiis Catoptricis facillimum erit explicare & demonstrare Tuborum incurvorum in representando naturam.

Theore-

Theorema.


Si speculum planum in Tubo radios profluxibus opponatur, eosdem aliò quidem reflectet, sic tamen ut figura radios apost reflexionem factam non mutantur secundum seipsas, sed solum secundum situm & locum.

Sit speculum planum GH radios profluxibus velut AEB ab objecti CD puncto D, & AFB à puncto C profectis oblique oppositum imprimis ante communem stationem ordinatam, sive imaginem EF. Dico radios istos profluxus, velut est Ex. gr. AEB ab interposito speculo GH non immutari secundum figuram in quâ procedit à KL in punctum concursus E, sed solum secundum situm sive locum, ita ut penicillus KEL similiter tendat in punctum concursus e, ac ibidem similiter efformetur, sicut KEL loco E; adeoque imago similiter efficiatur: solum in situ & loco erit differentia. Nam Ex. gr. punctum E quod aliàs infimo loco & situ inverso poneretur, nunc in e loco superiori & recto exhiberi poterit.

Demonstratio. Quoniam per præsciendum secundum supra angulus reflexionis semper est æqualis angulo incidentiæ: erit etiam angulus incidentiæ GKA æqualis angulo HKe angulo reflexionis, sicut & angulus GLB æqualis angulo HLe. Quia autem angulus EKH etiam est æqualis angulo GKA per 15. prim. Euclid. sicut & ELH æqualis ipsi GLB per eandem: item, quia per 13. pr. Eucl. GLe & eLH æquales duobus rectis, sicut per eandem etiam GLE & ELH æqualis duobus rectis: erit ergo etiam GLe & eLH simul æqualis GLE & ELH simul. Abiectis nunc æqualibus eLH & ELH, per axiom. 3. pri. Euclid. remanebunt anguli GLe & GLH æquales. Atque ita, quia anguli EKL & eKL æquales ut demonstratum; item ELK & eLK æquales, latus autem KL commune: etiam reliqua latera erunt æqualia utrumque utrique: nempe EK ipsi eK & EL ipsi eL per 26. pri. Eucl. adeoque etiam triangula KEL & KeL æqualia erunt. Similiter demonstrabo MfI esse æquale MFI. Radiosi igitur profluxus à speculo ante imaginem EF interposito non secundum figuras,

Dd 2

sed



Demonstratio.

sed secundum alium situm ac locum ad quem vi reflexionis detorquentur, solum immutantur, quod erat primò demonstrandum.

Dico secundo, Etiam, quando speculum aliquod planum velut gh post imaginem EF interponitur, radios profluxus immutari secundum figuras, sed solum secundum situm & locum.

Demon-
stratio.

Demonstratio. Nam per præsciendum secundum supra, quia angulus reflexionis æqualis angulo incidentiæ, etiam angulus nkh erit æqualis angulo gkE . Cum autem per 15. pri. Eucl. etiam angulus Nkh æqualis angulo gkE , sequitur per axio. 1. pri. Eucl. etiam angulum Nkh æqualem angulo nkh . Similiter ostenditur, quod angulus Olh sit æqualis angulo $o lh$: undè etiam tota figura $nklo$ æqualis erit $Nklo$. Pari modo demonstratur, quod radiosus profluxus, $miPQ$ non immutetur secundum figuram, sed solum secundum situm & locum, ut in figura apparet. Quod verò de his tantum profluxibus radiosus demonstratum, hoc intelligendum de aliis quibusvis à quocunque alio objecti CD puncto profectis. Ergò etiam post imaginem interposito speculo plano profluxus radiosi non immutantur secundum figuras, quod erat secundo demonstrandum.

Corollarium I.

Cum speculum planum radiorum ordinem non destruat, sed tantum aliò derivet, detorqueat, & situm alternet; patet hinc, quomodo ope speculi plani per aliam & aliam inclinationem aut reclinationem radiosi profluxus quaquà versus possint detorqueri ad formandam aliquam imaginem, ac quomodo radii post imaginem factam iterum digrediantur, haud aliter, quàm si imago directè fuisset projecta; unde oculus similiter affici poterit, ac si directè radii ad eum prolapsi fuissent.

Corollarium II.

Etiam si duo vel plura specula radiosus profluxibus in Tubo opponantur, similiter demonstrari poterit, eos non secundum figuras immutari, sed solum aliorum posse detorqueri.

Corollarium III.

Quò obliquius speculum in Tubo ponitur, imago vel quilibet radiosus profluxus eo etiam obliquius detorqueri poterunt; hoc est, eò minus super speculum imago elevari ac paulò directius formari poterit. Econtra, quo directius opponitur speculum, eò poterit imago etiam magis super speculum elevari, atque versus ipsos profluxus incidentes efformari. Undè si speculum perpendiculariter ipsis radiosus profluxibus opponatur, etiam reflexa imago in ipsos radiosus profluxus reflectetur: si oblique autem opponatur, oblique etiam imago profundetur.

Corollarium IV.

Imago, quæ à speculo præsertim vitreo sic aliorum detorquetur, non potest esse tam vivida & ordinata, quàm fieret, si sine speculo in directum proiceretur. Patet ex præsciendo 5 & 6. Unde ordinariè bis imago comparet, licet altera minus notabilis sit. Si tamen metallica specula politissima adhiberentur, secunda imago caveri posset; Veruntamen aliunde non satis commoda & apta censentur ad praxin: optimum est adhibere vitrea plumbo terminata, at tenuissima & æqualissimè expolita, aut crassissima, eaque tersissima, at plumbo non terminata, quæ tantum in superiori superficie possint radios reflectere.

Corolla-

Corollarium V.

Cavendum, ne speculum in Tubo ponatur eo loco, quo possint illius vitia detegi; unde in foco vel propè focum alicujus Lentis ocularis præsertim ejus, quæ oculo proxima est, nunquam poni debet.

Corollarium VI.

Potest etiam speculum extra Tubum ante Lentem objectivam collocari, quo fiet ut radii a reflexione jam aliter ordinati Tubum intrantes, aliter etiam secundum situm imagines præsentare possint. Similiter si speculum collocetur post Tubum & ultimam Lentem, ita ut oculus reflexè accipiat radios trajectos, aliter secundum situm imagines vel objecta videre poterit.

Corollarium VII.

Situs & locus radiosorum profluxuum aut imaginum ab iis formarum in Tubo variatur ac immutatur pro ratione situationis ac obversionis speculi. Nam cum speculum in Tubo erigitur verticaliter, & reclinatur ita ut obliquè quidem radios excipiat, sed eosdem reflectat in latus: non mutatur profluxus radiatorum ratione situs erecti vel everfi unum in alterum commutando; sed solum mutatur situs lateralis, ita ut quod aliàs progredetur dextram versus, detorqueatur versus sinistram, & è contra, quod sinistrorsum pergeret, nunc dextrorsum pergat. Cum autem speculum elevatur horizontaliter, ita ut inclinetur sive ad horizontem eundem respiciendo, sive ab Horizonte eundem non respiciendo, situs lateralis manet, commutatur autem vel rectus in eversum, vel everfus in rectum, ita ut imaginis pars, quæ formaretur infima, fiat summa, & vicissim quæ summa, fiat infima, sive imago quæ formaretur aliàs everfa, præsentetur nunc erecta, aut quæ aliàs erecta, nunc exhibeatur everfa. Undè etiam si Tubus speculum continens circumvolvatur, ita ut speculum assumat diversum situm, etiam semper diversimodè visum afficere poterit.

Corollarium VIII.

Potest loco speculi plani etiam concavum tersissimè expoliturum adhiberi, sicquè unà supplere vices Lentis convexæ, idemquè efficere, quod aliàs Lens convexa conjunctim cum speculo plano: sicut etiam specillum convexum politissimum potest loco cavæ Lentis cum speculo plano servire. Sed his ita collectis jam aliquot Modos Tuborum incurvorum Catoptrico-Dioptricorum in figuris exhibeamus, ac quomodo visum afficere possint, paucis ostendamus.

Modus I.

In figurâ *u* exhibetur Tubus cum duabus Lentibus convexis A & B, qui directè applicatus exhiberet objectum C D totum inversum & conversum. Quando autem ante Lentem A applicatur & collocatur speculum planum, ut a b, vel c d monstrat, manet quidem inversio objecti, verum situs lateralis convertitur & ad rectum reducitur.

Dd 3

Quod

Quod si tamen Tubus ita cum speculo præposito ordinatus sursum vel deorsum teneatur, potest objectum etiam erectum exhibere, at semper conversum, ita ut sinistra appareant dextra, & dextra appareant sinistra. Simili modo si conficiatur Tubus communis cum Lente objectivâ convexâ & oculari cavâ, qui in situ horizontali objectum terrestre exhibeat erectum, adhibito speculo, ut modo dictum, ostendet objectum erectum at conversum: at si Tubus sursum vel deorsum applicetur, potest pro ratione stationis ac inspectionis objectum exhibere erectum vel eversum. Ut verum tamen fatear, nunquam in applicatione speculi ante Lentem convexam tantam aptitudinem invenire potui, quantam adverti, dum speculum post eandem Lentem debito loco ac situ collocatur.

Modus II.

Figura 2. monstrat Tubum, qui constat Lente objectivâ convexa A longioris diametri, & convexâ oculari B. Hic Tubus ante imaginem eff. collocatum habet speculum planum oblongius a b, quo radiosi profluxus eriguntur, ita ut imago efficiatur erecta in Tubo: inde autem radians per Lentem B necessariò everti debet in oculo E. Idcirco dum Tubus iste horizontaliter adhibetur, objecta ostendit erecta, at conversâ, ita ut sinistra appareant dextra, & è contra dextra appareant sinistra. Aliter etiam potest hic Tubus construi, ponendo Lentem objectivam loco B, & ocularem valde convexam loco A; fiet ut oculus applicatus propè A optimè hoc Tubo uti possit tanquam polemoscopio, quo retrò vallum aut loricam quis consistens securissimè, quid Hostis extra moliatur, observare poterit.

Modus III.

Figura 3. exhibet Tubum, in quo post Lentem convexam ocularem B speculum planum a b collocatum est, ut radios à Lente B egressos ita reflectendo distorqueat & ordinet, ut oculus E possit objectum C D erectum videre, licet situs lateralis convertatur. Hic Tubus insigniter ac præclare servire potest ad objecta terrestria. Nam videtur ea species Telescopii optima esse, quæ alias per duas Lentes convexas objecta remota cum solo everfionis incommodo vivacissimè, & cum magno simul spatio exhibet: addito autem speculo, sicut in figurâ apparet, objectorum erectio obtinetur, itaque Tubus procuratur, qui in contractiori longitudine objecta vivacissimè erecta ostendit cum amplo simul spatio. Potest etiam in hoc Tubo loco B poni Lens objectiva, & loco A poni Lens ocularis, sicque hic Tubus erectus servire pro Polemoscopio.

Modus IV.

Ad Tubum figuræ 4. duo, ut vides, specula plana adhibentur, unum a b post Lentem objectivam A, alterum c d paulò ante Lentem ocularem B Tubus ita ordinatus, ut in figura apparet, si horizontaliter adhibeatur, objecta ostendet everfâ; erectus autem ita ut perpendiculariter ad horizontem teneatur, objecta potest erecta repræsentare.

figura. 1.




figura 2




fig. 3




fig. 4




fig. 5




fig. 6.




fig. 7




fig. 8



Modus V.

Tubus figuræ 5. convenit fermè cum priore, una solùm ejus pars cum speculo convertitur in alteram partem, ut meliùs in figura apparet, estque æqualis virtutis cum Tubo figuræ 1. tantùm contractior; unde semper quovis situ & applicatione objecta repræsentat converfa & everfa.

Modus VI.

Tubus re-
curvus opti-
mus.

In figurâ 6. repræsentatur ordinatio Tubi, quò potest objectum per duò specula, a b & c d ita repræsentari, ut in situ planè recto omni ex parte exhibeatur. Primum speculum a b inclinatur ad horizontem, ut in Tubo figuræ 2. indicatum; undè Tubus sursum versus paulò incurvatur. Secundum autem speculum c d erigitur verticaliter, ita ut perpendiculariter plano horizontis insistat, at Tubus ibidem paulò inflectitur, atque in latus recurvatur. Quò fit, ut sicut ope prioris speculi, dum per duas Lentès convexas objectum radiat, illud compareat erectum, at simul conversum, ut in modo figuræ 2. indicatum. Si jam addatur alterum speculum c d verticaliter erectum paulò post prius, potest etiam converfus radiorum profluxus reduci ad rectum, itaque objectum per duas Lentès convexas ad oculum radiare, ut videatur in situ omni ex parte recto.

Modus VII.

Optimum
Polemo-
scopium.

Tubus figuræ 7. optimum refert Polemoscopium, & fit cum 4. Lentibus, quarum prior A objectum respiciens est longioris diametri: tres reliquæ B F G sunt oculares convexiores, atque ordinantur, ut supra cap. 6. hujus synt. in Tubo 4. Lentium convexarum indicatum. Pars Tubi inter Lentem objectivam A & ocularem B incurvatur, continetque speculum a b. Hic Tubus sic ordinatus, si horizontaliter applicetur oculo, possunt objecta erecta exhiberi, in situ tamen converfo, ita ut dextra appareant sinistra, & è contra sinistra repræsententur dextra. Si pars Tubi cum Lentibus F & G tollatur, potest adhuc servire reliquus Tubus B A verticaliter erectus, quo supra muros protenso quis retrò securus intueri potest objecta exterius opposita erecta, licet converfa, quod parùm officit; cum magis æstimanda sit securitas, quàm conversionis objectorum incommoditas.

Modus VIII.

Tubus val-
dè curiosus.

In figura 8. exhibetur Tubus valdè curiosus, quò quis per duo eadem vitra convexa manente eadem tubi ordinatione in eodem situ & loco potest objecta jam erecta, jam everfa videre, ita ut homines videantur jam capite elevato & erecto ambulare, mox autem pedibus elevatis & capite deorsum verso. Nam si oculus E paulò elevatior ante Lentem B intuitum dirigat versus speculum a b, videbit omnia foris erecta: quòd si verò oculus E per Lentem B directè visum dirigat versus A, videbit omnia foris everfa. Sed his subnectam constructionem & fabricam tubi valdè artificialis & curiosi, qui meritò Panscopium Polemicum curiosum dici potest, cum quis ad omnem quaquà versus partem uti illo possit, cernereque omnia distinctè quovis loco, everfa vel erecta, ut ex ipsa figura & ejus explicatione meliùs patebit.

*Descriptio & Explicatio curiosi Panscopii
Polemici.*

Hoc Panscopium Polemicum, ut figura prima Iconismi XIV. satis declarat, constat 10. Lentibus convexis, quarum tres priores A B C sunt objectivæ omninò similes: reliquæ septem sunt oculares convexiores. Lentes M N O etiam sunt æquales; attamen Lens T potest esse vel æqualis prioribus, aut paulò majoris sphæricitatis, quod melius est. Ultimæ tres oculares V X Y sunt etiam inter se æquales, at paulò minoris sphæricitatis, quàm omnes præcedentes.

Tubi hujus ordinatio supponit artificium ordinationis & constructionis Tubi quatuor Lentium convexarum melioris notæ. Lentes tamen B & C, sicut & M & N, item V & X ita debent ad Tubum adaptari, ut perpendiculariter Tubo Y A insistant, & quidem debent duæ quælibet Lentes e diametro sibi respondentes ad æquale intervallum utrinque distare. Inter has Lentes ita in modum crucis ordinatas circa medium earundem distantia debent pro libitu successivè specula plana ad inclinationis aut elevationis angulum 45. grad. supra axem Y A Tubi primarii posse accommodari, uti vides in D E, & F G, vel H I & K L. Item vel P Q & R S; quæ lineæ designant loca speculorum & modum situationis eorum versus ipsas Lentes, adeoque quomodo imponi vel eximi debeant, cum necesse fuerit. Nunquam tamen simul plura specula imponi possunt, quàm duo, aliquando solum unum, aliquando nullum.

Fabrica exterior Panscopii, quam repræsentat fig. 2. debet ita appareri, ut specula fig. 3. per congruas iis incisuras (quæ in fig. 4. & 5. apparent) superius in quadratis loculamentis g h i fig. 2. factas facillè imponi queant, atque iuste congruant, neque huc illucque vacillent: Juvat easdem incisuras cum specula nulla imponuntur, affixo plano aliquo orbiculari mobili tegere, & ita Tubum occludere. Plura alia relinquuntur Artis industriae & ingenio, quæ pro libitu & arbitrio expedire poterit. Sed jam paucis Tubi hujus usum declaremus.


Exterior
fabrica hujus
Panscopii.

ICONISMUS XIV

Iconismus
XIV.

PANSKOPIUM ARTIFICIALE POLEMICUM

figura 1




Ufus Panfcoopii Polemici.

Cum Tubus iste directè usurpatur, & vilus formatur per Lentes YTOA ^{Panfcoopii} recto ordine se consequentes, oculus Z ante Lentem Y applicatus videt om- ^{hujus usus.} nia in dispositione recta, cum ita sit Tubus supra cap. 6. hujus synt. explicatus & demonstratus. Manens oculus priore loco, cum imponitur speculum ad GF, non videt amplius objectum a b, sed objectum e f adhuc erectum, sed in situ converso: collocato autem speculo ad DE videt objectum c d eadem statione iterum erectum & conversum.

Quod si oculus mutet locum, ita ut inspiciat Tubum horizontaliter applicatum per Lentem X, & speculum sit appositum ad PQ; primò videbit per Lentem A iterum objectum a b erectum quidem, sed conversum. Si alterum speculum ad GF apponatur, videbit ibidem objectum e f eodem modo ut prius: si verò speculum ad locum & modum situationis DE imponatur, videbit objectum c d in situ plane recto. Similiter facile sciri potest, quomodo oculus applicatus ante Lentem V imposito solo speculo SR, aut simul etiam addito speculo ad modum situationis DE vel GF videre possit.

Quod si remotà parte Tubi TVYX oculus ante O applicetur non adhibito aliquo speculo, videbit objectum oppositum a b inversum & conversum. Econtra adhibito speculo ad locum & modum situationis DE vel GF, videbit quidem oculus in situ horizontali objectum adhuc inversum, at minimè conversum, sed rectum. Si sursum Tubus elevetur, aut deorsum teneatur, videre poterit oculus objectum erectum.

Si oculus transeat ad Lentem M vel N, imposito speculo ad locum & modum situationis HI vel KL, in situ horizontali videbit objectum inversum, at non conversum, sed lateraliter rectum: imposito autem simul speculo DE, dum visus formatur per Lentem M, idem obtinebit oculus, ac si videat per Tubum Modi 4. hujus cap. Sin autem speculum aptetur in situ lineæ GF, videbit oculus per talem ordinationem, uti per Tubum 5. Modi hujus capitis. Potest etiam Tubus multifariam accommodari, partes ejus aliter atque aliter vertendo & combinando, unde oculus diversimodè aliter etiam atque aliter perspicere poterit. Plura alia circa hunc Tubum non memoro: sagax Artifex plura hinc advertet, quàm ego possim vel multis verbis describere. Addo tantum, quomodo simili modo communis Tubus ex Lentibus convexis & cavis possit construi, qui diversimodè etiam objecta possit præsentare; ac quoniam ejus constructio ex ipsa figura & hactenus dictis ubertim colligitur, plura desuper verba facere necesse non est: literæ enim appositæ sicut in superiori parte prioris Panfcoopii polemici ordinationem Lentium & speculorum satis indicant: differentia tantum est inter Lentes MNO, quæ ibi sunt oculares convexæ, hic autem sunt concavæ.

Iconismus
XV.

CAPUT XI.

*De Tubis binoculis & eorum constru-
endorum ratione.*



Ubi binoculi hoc tempore habentur pro omnium ferè præstantif-
simis ; & si eorum tractatio & applicatio æquè facilis, ac omni-
bus accommoda foret, nihil amplius videretur in negotio Tele-
dioptrico desiderari posse. Horum constructionis artificium or-
dine sic præscribente ut tantò exactius & luculentius Lectori exponam ;
comprimis aliqua Theoremata ex physicis & opticis delibanda , & paulò
clarius hoc loco explicanda censui: quæ si rectè intelligantur, ratio constru-
ctionis istorum Tuborum, ac quòmodo distinctissimè per eos objecta quæ-
vis remotiora cerni valeant, facillimè cuivis patebit.


Tubi bino-
culi sunt
præstantif-
simi.

Theorema I.

*Duo oculi communiter melius vident objectum positum in ea
distantia, in qua distinctè percipi potest, quàm unus tantum.*

Ratio esse potest, quòd duæ impressiones factæ licet in duobus or-
ganis idem objectum repræsentantes plus possint, quàm una tantum. Vide
etiam pro. 8. cap. 6. synt. 3. Fund. 1. Confirmatur experientiâ luculentissi-
mâ. Ponatur manus, vel quodlibet aliud corpus opacum AB inter utrum-
que oculum C & D, statuaturque objectum HG in debita distantia ita ut
distinctè percipiatur. Oculus C videbit totam lineam HF, & oculus D
totam EG. Igitur linea EF ab utroque oculo videbitur ; HE autem &
FG ab uno tantum. Experientia autem docebit partem EF melius vi-
deri, quàm partes HE & FG, quia nempe in loco, in quo oculus C vide-
bit lineam HE, oculus D videbit corpus opacum AB, quod quia nimis vi-
cinum est oculo D, & valdè oblique ab eo spectatur, non satis distinctè
videbitur. Prævalet igitur visio partis FE facta ab oculo C supra visionem
corporis AB factam etiam ab oculo D. Unde linea EF, quæ ab ambobus
oculis spectatur, clarius & melius videbitur.

Experien-
tia.



Dixi communiter, addidique, si objectum ponatur in eâ distantia, quæ necessaria est, ut distinctè percipiatur: quoties enim confusè videtur objectum, major etiam ex duplici visione oriri potest confusio, quam ex unâ tantum. Ratio est, quia cum est confusio objectorum penicilli non perfectè uniuntur, aut interrumpuntur propter maculas aut defectus in oculis existentes: plures autem possunt esse maculæ ac notæ in duobus oculis, quam in uno tantum; igitur & major interruptio radiorum, ac consequenter major confusio oriri poterit ex duplici visione, quàm ex unâ.

Quod autem dicitur, *Aristotelem & Galenum* sentire contrarium, uno nempe oculo melius & distinctius videri objecta, quam duobus, eò quod clauso uno oculo ad alium spiritus animales confluant, qui virtutem videndi augeant; communiter non admittitur, nec locus ille Aristoteli tribuitur, sed ut affectus rejicitur. Contrarium potius accidere in spiritibus experimento comprobari potest.

Experi-
mentum.

Nam dum per aliquod tempus unus oculus clauditur, ea vi, quæ oculo infertur, ita spiritus impediuntur, ut sensim aperti alterius oculi acies hebescat. Similiter non videtur concedendum, quod jaculatores ideò melius & elarius videant objectum, dum unum oculum claudunt, sed quòd certius, quia nempe certius per unicam scilicet lineam rectam jactum dirigere solent ad scopum.

Theorema I I.

Tantus est consensus oculorum, ut uno motu moveatur & alter.

Ratio patet ab ipsâ fabricâ & constructione oculorum, quæ ita ab Autore Naturæ ordinata est, ut unus oculus alterum adjuvet, itaque ambo mutuo consensu distinctè videant objectum simpliciter unum, non geminatum, cum Deus & Natura semper desiderent id quod est optimum.

Experientia.

Confirmatur experientiâ. Si enim moveri posset unus oculus altero immoto, simul duo objecta distinctè percipi possent; undè etiam quis simul ambas ejusdem libri paginas legere posset: sed hoc est contra experientiam. Ergò immoto uno oculo alter moveri non potest, sed necessario etiam quiescit;

quiescit; & vicissim moto uno alter etiam movetur. Sequela patet: si enim uno oculo defixo in aliquod objectum (hoc est, directo illius axe optico in tale determinatum objectum) alter moveretur, axem opticum dirigeret in aliud objectum: ergò etiam illud distinctè perciperet, quod est omninò contra experientiam.

Corollarium.

Unde ambo oculi se conformare solent ad objectum aliquod, ad quod dirigunt axes opticos, quod in Fund. 1. melius declaratum est.

Oculorum
conforma-
tio ad ob-
jectum.

Theorema III.

Distantia duorum oculorum in omnibus ac quibuslibet hominibus non est eadem, sed diversa.

Ratio patet à proportionem partium ad totum. Cum enim corpora humana non sint omnia æqualis magnitudinis, sed alia minora, alia majora, etiam partes iis proportionaliter conformari debent.

Confirmatur etiam ab Experientiâ & praxi. Si quis enim ante speculum constitutus circinum oculis apponat, itaque extendat, ut apices utrinque perfectè, quantum notari potest, centris pupillarum respondeant, ac deinde in plano aliquo puncta extensi circini imprimat. Similiter autem alios quoslibet, qui staturâ & magnitudine inæquales sunt, facere curet, facile deprehendet differentias distantiarum, quæ sunt in oculis diversarum facierum.

Experientia

Corollarium.

Hinc patet praxis investigandi distantiam oculorum pro certâ aliqua facie, cui binoculus Tubus aptè fabricandus & construendus est.

Theorema IV.

Axes duorum oculorum, dum objectum longius remotum distinctè simpliciter vident, licet physice paralleli procurrere putentur, paralleli tamen non sunt, sed in viso objecto concurrunt.

Ratio est. Quia dum aliquod objectum distinctè in debita distantia percipimus, si claudatur alteruter oculorum alio immoto permanente, deprehendimus adhuc objectum distinctè percipi: ergò per axem opticum; cum ea sola sit distincta visio, quæ fit per axem opticum, ut patet ex pro. 6. & 7. cap. 6. synt. 3. fund. 1. Deinde cum objectum curamus oculis magis admoveri, ut illud distinctius videamus, sentimus difficultatem in convertendis oculis, qui jam aliter conformari debent. Sed nulla esset difficultas, si semper axes optici permanerent paralleli. Ergo axes optici non sunt nec permanent paralleli, dum objectum distinctè percipitur. Item si optici axes essent verè paralleli, duo simul objecta distinctè percipi possent, non quidem quælibet, sed ea quæ distarent ab invicem in distantia, quæ est inter utrumque oculum, quod omni repugnat experientiæ.

Corolla-

Corollarium I.

Aliter oculi
conforman-
di ad obje-
cta propin-
qua, aliter ad
longinqua
videnda.

Hinc sequitur, aliter debere oculos conformari, dum objectum remotius, quàm dum propinquius cernunt, cum ibi concursus axium fiat remotius, hic autem propinquius.

Corollarium II.

Quomodo
duo Tubi
in binoculis
ordinandi.

Non possunt duo Tubi sive axes duorum Tuborum in Tubo aliquo binoculo ita divaricari, ut ultra, vel potius extra parallelismum procurrant, si objectum idem per ita conjunctos Tubos apparere debeat simplum; sed necessariò hi axes debent intra parallelismum procurrere, ita ut aliquando in objecto longius remoto distinctè viso concurrant. Quia tamen in valde distitis & remotis objectis isti axes efformant angulum nimis acutum, ita ut sensibilibus & physicè hic angulus ac magnam distantiam adhuc talis quasi continet (vide coroll. 3. pro. 17. supra. cap. 5. synt. 1. hujus fund.). Item quia oculorum distantia in homine tam parva est, ut axes isti ad magnam distantiam physicè quasi paralleli procedant: ideò benè Tubus binoculus semel ad objectum aliquod satis remotum apparatus & constructus, in eodem situ permitti potest etiam & quævis objecta alia quomodolibet distita & remota; præsertim cum etiam oculi faciliè ad istam differentiam compensandam alia aptatione se conformare possint, ut experientia constat.

Corollarium III.

Experi-
mentum.

Quia per præcedens Theorema practicè faciliè addisci potest, quomodo distantia oculorum dimetiri queat; eà verò in certa mensura compta, cum aliunde constet, quomodo etiam trigonometricè ad datam quamlibet objecti alicujus distantiam qualis angulus in concursu axium, aut è contra dato quovis angulo, quomodo concursus axium, ad quem ille Mathematicè contingit, inveniri possit; idcirco experimentum in propriis oculis meis facere volui. Deprehendi itaque centra pupillarum, quæ sunt in oculis meis, distare propè ad particulas $\frac{22}{100}$ pedis Romani. Inveni deinde ad distantiam 1260 similium particularum centesimarum, hoc est, pedum 12 & $\frac{60}{100}$ fieri angulum unius gradus, quem concursu suo ambo axes optici efformant; adeoque distantiam concursus axium cum angulo unius gradus ad distantiam oculorum meorum habere se proximè ut 57 ad 1, hoc est, eam quinquagies septies propè majorem esse distantia oculorum. Undè patet, quàm necessariò ultra hanc distantiam anguli semper acutiores fieri, adeoque objecta longissimè remota quàm sub minimis, iisque acutissimis axium conjunctorum angulis videri debeant.

Theorema V.

Ut idem objectum simplicum aequè distinctè ab utroque oculo spectari queat, debet imago simillima in utroque etiam oculo efformari.

Ratio est. Nam si in uno oculo fieret imago major, in altero minor: item in uno clarior, & distinctior, in altero confusior & obscurior, necessariò à duabus istis dissimilibus imaginibus anima dissimiliter afficeretur, adeoque circa idem objectum etiam dissimiliter judicaret, ac planè difformem visionis actum eliceret.

Corollarium I.

Hinc patet, cur Tubi binoculi quibusdam minus convenient, cum nempe quidam diversos habeant oculos, in quibus humores & Retinæ collocatio diversimodè disponuntur, ut testatur *Dechales* Opt. lib. I. pro. 49. de fratre quodam Janitore, qui uno oculo fuit Myops, altero Presbyta, ita ut distinctissimè objecta dissita uno oculo perciperet, quæ alio vix distingueret, & vicissim, cum ad legendum altero uteretur.

Cur binoculi Tubi aliquibus non convenient.

Corollarium II.

Item patet hinc etiam, si Tubus binoculus pro utrisque oculis sanis & benè ordinatis parandus sit, quod Lentes omninò similes, & Tubi ex his simillimi adhibendi sint, qui æquales omninò in repræsentando imagines valeant similiter in utrisque oculis efformare. Quod si autem pro oculis dissimilibus talis Tubus construendus sit, etiam Lentes & Tubi dissimiliter ordinari debeant, ut æqualis utrinquè visio procurari possit, quod tamen practicè difficillimum erit.

Quales Lentes pro binoculis adhibendæ.

Ex his ita ubertim indicatis facillè intelligi potest, quomodo binoculus Tubus visui applicatus eundem mirè adjuvare possit ad cernenda objecta dissita longè clarius & melius, quàm per simplicem monoculum Tubum fieri solet. Nam quia imprimis duo oculi melius videre possunt objectum positum in eâ distantia, in quâ distinctè percipi potest, ut patet ex Theor. I. hujus. Item efficacior & clarior est visio ab utroque oculo, dum uterquè in rem unam conspirat, quàm ab alterutro, ut patet ex pro. 8. cap. 6. Synt. 3. fund. I. Tubi autem hujus constructio hoc exigat, ut duo axes duorum Tuborum adhibitorum debeant ad idem objectum concurrere, quod distinctè cerni debet, ut patet ex Theor. 4. hujus. Oculi porrò etiam facillè se conformare possint, ut patet ex Coroll. Theor. 2. hujus. Possint quoque practicè ita duo Tubi ordinari pro duobus oculis, ut simillimas imagines utrisque oculis immittant, cum nihil obstet ita fieri posse, uti etiam patet ex Coroll. 2. Theor. 5. hujus. Si itaque omnia sic in Tubo aliquo binoculo coordinentur & adaptentur, talisque ambobus oculis applicetur, fieri omninò poterit, ut objecta longius remota per illum longè clarius & melius, quàm per simplicem sive monoculum fieri potest, cerni queant. Plura alia quæ ad praxin ac constructionem binoculi Tubi faciunt, ex dictis facillè eruuntur, & alibi melius proferentur & exponentur.

Quomodo binoculi Tubi visum juvent.

CAPUT XII.

*Proponuntur & declarantur varii Modi,
quibus admirandum Solaris Corporis opificium
tutè inspicere & explorari potest.*



Enè dixit Ecclesiasticus cap. i. vers. 8. *non satiatur oculus visu, nec auris auditu impletur.* Non satis est oculo humano res omnes à Sole ut fulgentissimo omnium astrorum Rege collustratas inspicere; sed in ipsum collustrationis principium, quo alia quævis objecta in aspectum producuntur, audet virtutem acuere. Nihil amplius latere potest: omnia scrutatur curiositas; omnia penetrare, & intimè perlustrare conatur. Quis putasset in ipso Sole ut purissimo fonte omnis Lucis latere maculas? quis in Lucis Auctore requisivisset umbras? quis effumantes in clarissimo igneo jubare suspicatus fuisset caligines? dumque hic subintrat occultioris omnis Naturæ solertissimus observator Kircherus, longè impolitior jam meus subticet stylus. Quis unquam credidisset, aut quis Terrigenis unquam persuasurus fuisset, in lucidissimo hoc Mundi oculo, in purissimo lucis fonte tenebras cum Luce, lucidum cum obscuro, caliginem cum Luce omnium intensissimâ tam strictum mutua amicitia fœdus pepigisse? quis lucidum ex tenebroso, & hoc ex illo produci, in omnium purissimo Terrigenarum opinione, Mundi globo concipiat? Quis mihi fidem habebit narranti, augmentationem rei minima maximam, diminutionem summam & velocissimam mox consequi? O si Philosophi mirandas Rarefactionis & condensationis vicissitudines, atque ex alteratione perpetuâ inconstantia summæ junctam summam stabilitatem, opacitatem maximam cum summâ ambientis perspicuitate continuam mutationum successionem sine ulla aut redundantia aut diminutione apparente, Solem præterea eundem semper, nunquam tamen eundem intuerentur; quam aliter de doctrinâ cælesti ratiocinarentur? Certè sanctè affirmare ausim, nullum in universo corpus tot alterationibus & vicissitudinibus obnoxium, ac hic præsens globus, reperiri. Ita Kircher. in Itin. Extat. i. dial. i. cap. 5. §. 2. Hæc ita curiositas detexit, dum visoriam facultatem instrumentis congruis obarmavit, ut etiam ipsum Mundi oculum intimè perlustrando cognoverit, ipsam fontalem Lucem sine ullo damno sine jactu aut aliquo oculorum incommodo perspicacissimè contueri didicerit. Ista verò Helioscopica instrumenta, qualiter ordinari, & ordinata visum juvare possint, ordo jam postulare videtur, ut paucis, quantum fieri potest, dilucidè exponam.

Lucis ful-
gor in sole
noxius o-
culis.

Imprimis igitur notandum est, quod sicut aliàs ad objecta quæcunque cernenda Lucis affusio plurimum prodest, quâ species longè vivaciores proliciuntur, & lucidiores in oculum provehuntur; in lucidissimo tamen Sole iste innatus & proprius fulgor nimius nocere plurimum solet. Omnis enim dicente Philosopho lib. 7. polit. excessus nocet, vel nihil proficit, quod hic verissimum est, dum omne nimium vertitur in vitium. Quocirca radios solares retun-

retundere & castigare, eosdem debilitare ac contemperare oportet, cum directiori via intuitus in solare corpus paratur, ne scilicet organum immodico lumine perfusum hoc ipso reddatur ineptum, aut à vehementioribus imò calidissimis radiis ambustum omninò dissolvatur & destruat.

Modi autem istorum radiorum contemperationis varii esse possunt. Primus est, ratione medii, per quod solare corpus conspicitur; cum nempe Sol manet in exortu, aut vespere in occasu per crassiusculos Atmosphæræ vapores paululum obtenebratus, aut cum tenui nube parumper obvelatus aspici-
Varii modi contemperationis radiorum solarium. Primus modus ratione medii.

Alter modus est ratione organi visorii, cum illud plurimum obtenebratur, ita ut per valde angustum foramen pauci admodum radii transire permittantur: quia enim tunc itidem valde pauci radii admittuntur, ii tamen defatis adhuc validi esse possunt, ut imaginem in fundo Retinæ exprimant, pluribus aliis radiis à foraminis angustia seclusis ac remotis eam satis tolerabilem efficient oculo indemni.
Secundus modus ratione organi visorii.

Tertius modus adhuc melior & securior ex duobus prioribus compositus est, quo non tantum organum visorium obtenebratur, atque solum per angustum foramen pauci radii solares admittuntur & excipiuntur; sed etiam medium immutatur ac paululum obtenebratur; quod practice ita fieri potest. Duo scilicet vitra quomodolibet colorata utrinque plana cerâ piceata vel bitumine; aut quomodolibet agglutinantur ac conjunguntur, ita tamen, ut inter ipsa hæc vitra particula chartæ, vel (quod melius) tenuis auri streperi sive orichalci cum minuto circa medium foramine ab acu tenuissima perforato ponatur. Sic enim oculus transpiciens, dum paucos admodum radios, eosque ipsos parum à colore retusos & obfuscatos accipit, Solem tutius & innoxius contueri poterit. Sed omnes isti modi sunt valde simplices & imperfecti, quibus parum adhuc de admirando solaris corporis opificio detegi ac discerni potest, haud aliter ac naturali visione de quocunque objecto remotiori minus distinguere valemus: unde ipsa oculatis facultas per instrumenta Teledioptrica adjuvari debet, ut remotissimum hoc corpus melius discernere possit. Quocirca
Tertius modus ex duobus prioribus compositus.

Quartus modus esse potest, si oculus instrumentis ad longinqua videnda aptioribus obarmetur, ut sunt Tubi optici sive Telescopia quæcunque meliora præsertim ea, quæ potentia majoris, ideòque objecta longius remota multò auctiora & maiora distinctè repræsentare solent. Quo autem innoxie hæc oculo applicari queant, usum istorum instrumentorum non nisi ad Solem in ortu vel occasu morantem, aut non nisi tenui nubeculâ cinctum adhibendum esse volunt. Verum hic ipse modus valde periculosus est, ut etiam meminit *Hevelius* in Selen. cap. 4. Melius ergo fit: Si Lens objectiva cuiuslibet melioris Tubi fere tota operiatur, relicto solum circa
Quartus modus per instrumenta Teledioptrica.

medium Lentis angustissimo foramine, quod vix lineam adæquet: quo fiet, ut radii admodum pauci per centrum Lentis objectivæ trajecti imaginem distinctam quidem, at plurimum in fulgore lucis retusam atque temperatam oculo præsentare possint. Clarissimum autem est, quod ita Sol, quia per paucissimos radios videtur, oculo non multum nocivus esse possit. Possunt adhuc melius Telescopia quæcunque facile accommodari per impositionem vitrorum coloratorum utrinque planorum, præcipue viridi colore imbutorum, quâ Solis activitatem multum imminuent, itaque lumen temperabunt, ut oculo tolerabile futurum sit. Si colorata vitra defint, illinantur duo æqualia vitra plana quæcunque solum fumo candelæ, ac conjungantur ad eas superficies, in quibus fuligo adhæret, ita ut se ibidem contingant, atque ita circa extremitates conglutinentur & confirmentur, ne facile fuligo abstergi possit. Sic fiet, ut radii Solares difficulter penetrent, neque oculus facile lædi possit. Ita possunt omnia & quæcunque Telescopia in Helioscopia commutari, queis innoxie solares maculæ, omniaque in Solari corpore existentia perfectissimè observari possunt.

Optima
Heliosco-
pia quo-
modo pa-
randa.

Optima tamen Helioscopia fieri solent per meras Lentes coloratas, quæ ex vitris colore aliquo convenienti non nimium tamen saturato imbutis elaboratæ sint. Defectu vitri colorati possunt adhiberi semper duæ Lentes æqualis magnitudinis plano-convexæ, ac pro unâ aliquâ Lente substitui; ad planas autem superficies fumo candelæ illitæ esse possunt, debentque probè conjungi, ut supra dictum. Ex ejusmodi Lentibus fieri possunt Tubi longiores, velut Astronomici supra cap. 5. hujus explicati, qui sint magnæ virtutis, ita ut solare corpus valde magnum exhibeant. Debet autem materia istarum Lentium coloratarum esse pura, homogenea, æqualiter tincta pertotum, nullis venulis, striis, vorticibus, bullis ac similibus quibuslibet imbuta aut alias turpiter vitata: cumque materia est satis proba, possunt ex ea Lentes oculares valde acutæ sphaericitatis efformari & adhiberi ad satis longæ diametri Lentes objectivas. Lumen enim solare cum per se sit valde potens & illustre, poterit etiam per Lentes acutioris sphaericitatis radios ita magis temperatos, satis tamen adhuc vivaces ad Retinam propellere, imaginem valde magnam in fundo oculi efformabunt. Atque hi sunt modi, quibus directo intuitu oculus nudus vel obarmatus innoxie solare corpus perlustrare & curiose explorare potest.

Quintus
Modus ob-
servandi
Solem in
camera ob-
scura.

Restat alius modus longè præstantior, commodior & tutior, qui in camera obscura instituitur; ubi per imaginem Solis ibidem in chartam albam, vel planum quodcunque candidum delatam exinde solare corpus accuratissimè & exactissimè observari ac explorari potest. Hic autem modus imprimis duplex est, naturalis vel artificialis. Naturalis simplicissimus est, & absque ullo fermè apparatu, quo Sol per exile foramen rotundum in locum obscurum satis longum intromissus atque in distantia à foramine debitâ (quæ omnino magna ab eodem exigitur ad plures passus, velut 10. 15. 20. vel plures, ut vult *Scheinerus* in Rosa urfina) radio suo cono in chartam ad angulos rectos oppositam exceptus, totum suum vultum una cum maculis faculisque in eo contentis explicat, ut quidquid in illo notabilius

bilius pro libitu intueri & annotare quis possit. Quod si omnia circa hanc immisionem benè fiant, & imago satis munda in charta obtingat, ejusmodi proprietatibus, ut *Scheinerus* in *Rosa ursina* refert, affecta notari poterit.

Apparentis imaginis Solaris in Camera obscura ex immisione naturali aliquot proprietates.

1. Tota imago Solis erit lucis valdè tenuis & obtusa.
2. Lux tota erit claritatis difformis, intensioris in medio, remissioris in extremo.
3. Tota lux à centro ad marginem usque continua, nunquam interrupta cernitur.
4. Si eodem retento foramine chartam propius admoveas, circulus lucidus minuetur, & margines minus lucidi etiam contrahentur in arctius versus centrum: si amoveas chartam, omnia dilatabuntur.
5. Figura hujus imaginis est semper rotunda, nisi vel foramen non sit rotundum, & cum plano excipiente in legitima distantia; vel Sol in vaporibus contractus.
6. Extremitas hujus figuræ nunquam est præcisa aut munda, sed moliter lacera; ut si quis floccum nivalem, aut lanam circulo expansam spectaret.
7. Imago hæc fiet sensibilibiter major, sed obscurior à foramine minore: minor autem sed clarior à foramine majore; idipsum tamen intra certam magnitudinis metam verum. Nam si foramen notabilis magnitudinis adhibeas, figura Solis major evadet, quàm per foramen minus.
8. Imago hæc cæteris omnibus paribus minima est, Sole apogæum occupante; maxima, perigæum; media, in distantia media.
9. Quo majus est foramen, hoc limbus fit mundior; quo minus, hoc inæqualior.
10. Si locus sit penitus occlusus, ita ut alienæ atque externæ lucis nil penitus intrèt, & foramen physice minutissimum; imago Solis apparebit sub eâ magnitudine, sub quâ potest: si verò alterius lucis vel parum ingrediatur in illam cameram, magnitudini imaginis aliquid decedet. Hæc ex observatione *Scheineri*.

Immissio Solis artificialis est, cum ea non per nudum foramen, sed per Lentem unam convexam in eo repositam, aut plures in instrumento Teledioptrico aptè collocatas & ordinatas ad chartam albam aut planum candidum in debita distantia oppositum trajicitur.

Hæc immissio, ut patet, duplex est, una scilicet simplex, altera composita. Simplex est, cum Lens convexa sola atque unica in foramine collocatur, quæ solares radios in directum alioquin progressuros in se receptos refringit, & refractione factâ cōunit ad basim communem directionis pro imagine mundâ & præcisâ efformandâ. Debet autem

Immissio
Solis artifi-
cialis.

Duplex est,
simplex &
composita.
Simplex
quomodo
fiat.

ejusmodi Lens majoris esse sphaerae portio, nam solaris imaginis basis in factis amplum circulum non explicatur, nisi Lente convexa magnae sphaerae. Quanto ergo majoris diametri erit convexitas Lentis, tanto necesse erit ut & diameter imaginis apparentis efformetur, ut constat ex supra demonstratis. Quocirca bonum erit adhibere Lentes ex diametris 10. 20. 30. 40. aut etiam plurimum pedum: chartae autem remotio à Lente fieri debet ad distantiam foci primarii Lentis convexae adhibitae.

Verum quanto longiori distantia per Lentes majoris sphaericitatis adhibitas imago projicitur, cum radii nimium in Camera obscura protendantur, adeoque facile in remotiori distantia languescant & debilitentur: ideo confert, locum valde obscurari. Item ob commodiorem trajetum imaginis tempus eligere vel matutinum vel vespertinum (quod ceteris paribus melius erit) cum Sol propè Horizontem hæret, adeoque radios commodius in latitudinem projicit. Notandum autem, quod imago (sicut & in priori naturali immisione) semper sit everfa.




Artificialis
composita
quomodo
fiat.

Immissio Solis artificialis composita in camera obscura institui potest per adhibita instrumenta Telescopica plurium Lentium: atque hujus immisionis comprimis iterum duplex erit modus. Vel enim missio fieri poterit per Tubum simplicem Lente objectivâ convexâ majoris sphaerae, & Lente oculari cavâ minoris sphaerae instructum, sive per Telescopium commune Hollandicum debite adaptatum: vel per Tubum ex meris Lentibus convexis apparatus, possuntque oculares Lentes esse duae vel una tantum habebitque se ordinatio Tubi hujus per modum Telescopii Astronomici, quod aliàs oculo applicatum objecta exhibet everfa, hic autem debite aptatum Solem ostendet erectum.

Cum primo modo immissio instituitur, debet Tubus communis sive Telescopium Hollandicum paulò magis produci, quàm opus esset ad ordinariè objecta quaecumque distinctè videnda; sive debet Lens cava paulò amplius à Lente convexâ elongari, quàm communiter fieri solet. Ratio hujus productionis & elongationis patet ex pro. 10. cap. 3. synt. 2. hujus. Et ex coroll. 2. pro. 12. ejusdem capituli. Nam constat ex ibidem demonstratis, quod si Lens cava, velut CD (ut in fig. 1. Iconis XVI. videre licet) ponatur in loco ordinario E, ita ut focus ejus virtualis conveniat cum foco seu loco F imaginis convexae Lentis AB, cum radii à longinquo ita trajecti post Lentem CD progrediantur paralleli, necessario imago haberi non poterit. In hoc tamen actu ordinariè ab oculis sanis talis combinatio Lentis cavæ CD cum objectiva

ICONISMUS XVI.

Iconismus



Regula pro
cavæ Lentis
colloca-
tione.

objectivâ AB requiritur ad distinctam visionem objectorum longius remotorum; unde hic servire non poterit. Quod si autem Lens cava CD magis versus G collocatur, radii procedent divergentes, iterumque imago à radiis ita egressis formari non poterit. Quod si autem Lens cava CD à loco E removeatur, ita ut collocetur magis versus F focum Lentis convexæ AB, imago obtineri poterit, tantoque major at remotior etiam, quanto propior erit collocata loco E: quia à loco E versus F radii semper citius convergent. Quæ omnia patent ex supra demonstratis. Undè pro regulâ tenendum: Lens cava in in Tubo Hollandico ut imaginem exhibeat, non debet ultra distantiam foci sui virtualis E versus Lentem convexam collocari: nec elongari ultra F focum primum Lentis objectivæ AB: & quo magis intra distantiam E & F propè E locatur, eò major at remotior fiet imago: quanto autem magis versus F removetur, tantò minor & propior Lenti cavæ CD imago distincta efformabitur. Atque hæc omnia clarius supra cap. 3. synt. 2. huius sunt demonstrata. Vide etiam fig. 2. ubi Solis AB immissio per Lentes CD & EF ad planum oppositum GH præsentatur, & imago ejusdem inversa major exhibetur.

Hoc artificium immisionis plurima commoda habet, & difficultates in Sole aucupando occurrentes plerasque tollit, etenim unicum præstat, quod magno labore dat Helioscopium & immissio simplex seu naturalis simul; figuram siquidem Solis ita sinceram in chartam defert & maculas ita præcisas ut Solis intuitus directus planè non desideretur. Utilitates etiam huius immisionis sive proprietates hæc enarrat *Scheinerus in Rosa ursina*.

Utilitates & proprietates huius Artificialis immisionis.

1. Omnibus incommodis ex abundantia solaris lucis abortis efficaciter medetur.
2. Tollit omnia impedimenta à Solis parvitate promanantia.
3. Sub unum conspectum dilucidè expresse & bene terminatè collocat quidquid in Sole lateret.
4. Laborem in observando adhibendum plurimum imminuit.
5. Tempore pro signandis inter observandum maculis brevior continetur.
6. Loco quocunque, tempore quovis splendente Sole utiliter exercetur.
7. Opportunior est prioribus pro inducendâ verticali lineâ, & ejus ope indagandis motibus macularum.
8. Observatorem de ratione observandi factisque observationibus & macularum positione ita securum, ita certum reddit, ut omnes errandi anfas amputet, dubitandi scrupulos eximat; dummodò necessaria industria adhibeatur.
9. Difficultates è motu Solis causatas multum sublevat.
10. Pro circulo eodem observatorio retinendo nulla penitus molestia occurrit.

Restat

Restat altera praxis Artificialis immissionis, quæ fit per Tubum convexo-convexum, sive meris Lentibus convexis instructum. Facile ejus ordinatio intelligitur, si propositio 2. cap. 2. Synt. 2. hujus cum suis corollariis bene perpendatur. Nam ut fig. 3. exhibet, quia Lens CD Solis A Bimagnem primam exprimit loco K antequam ad ocularem Lentem EF perveniatur, si removeatur tantisper Lens ocularis EF ita ut paulò magis distet, quàm sit focus ejus I: remittet penicillorum radios convergentes, ut ex supra demonstratis constat: atque adeo ad quamcunque distantiam, variatâ tantùm Tubi longitudine exhiberi poterit Solis imago GH distincta. Hæc imago GH eundem habebit situm, quem habet Sol, ut in fig. 3. apparet.

Praxis Artificialis immissionis per Tubum convexo-convexum.

Pro praxi autem observandum: quod Lens convexa EF, si fuerit in duplâ foci sui distantia à loco imaginis K, quod imago Solis GH efformetur æqualis imagini K; quantò autem remotior Lens EF applicabitur, quàm sit dupla illa distantia, semper imago GH minor futura est. Quò autem à loco duplæ distantie foci Lentis EF ad ejusdem Lentis simplicem foci distantiam à loco imaginis K accedit, tantò semper major & remotior imago effici poterit. Quocirca præter hæc pro hoc immissionis artificio notandum, quod Lens EF nunquam appropiare debeat imagini K ad distantiam sui foci, neque recedere ad duplam sui foci distantiam ab eadem imagine.

Regula practica ordinatio- nis Tubi.

Atque hîc habes Lector varios modos Solare phænomenon aucupandi, quos hoc loco declarare decreveram. Plura alia, quæ apparatus & constructionem, usumque practicum Helioscopicarum machinarum, utilitates etiam atque experimenta inde captanda concernunt, in fundamento tertio uberiorius proferentur.





CAPUT XIII.

Fundamenta Mathematica Catoptrico-dioptrica projectionis quarumlibet imaginum & figurarum proferuntur & declarantur.

UT hoc capite fundamentaliter explicemus & declaremus quarumlibet imaginum seu figurarum projectiones in locum obscurum, ad parietem scilicet album, vel planum quodcunque dealbatum, in quo cum omnibus coloribus, lineamentis & figurationibus nitidissime exprimi, atque expressæ spectari possint, aliqua singulariter sunt præscienda.

Projectio-
nes fieri
possunt
dupliciter.
1. Dioptri-
cè tantum.
2. Catoptri-
co-dioptri-
cè.

1. Comprimis scire oportet, dupliciter ejusmodi projectiones fieri posse. Primò simpliciter & dioptricè tantum; deinde compositè, artificio scilicet catoptrico-dioptrico. Simpliciter & dioptricè tantum projectiones fieri dicimus, cum species coloratæ absque interventu sive adjumento speculi per illustre admodum lumen à subjecto provocatæ & abstractæ per unam aut plures Lentes dioptricas trajectæ vi ordinatissimæ Refractionis in iisdem factæ penicillos post ipsas Lentes remotiùs & ad distantiam longiorem iterum uniunt, ac imaginem subjecto radiante multò majorem efformant. Compositè sive artificio Catoptrico-dioptrico fiunt projectiones, cum res per unam aut plures Lentes traducendæ, vel in ipso speculo situantur, aut depinguntur, vel speculum iis præponitur: ubi res translucendæ in diaphano aliquo solido veluti plano vitro, crystallo, aut folio Selenitidis appictæ sunt, ut intensiori atque efficaciore luminis collustratione afficiantur, speciesque tantò validiores proliciantur, itaque ad majorem distantiam prolabi possint.

Imagines
trajiciendæ
habent se,
ut objecta
verè radi-
antia.

2. Pro fundamento tenemus, res istas, quæ trajici, sive quarum imagines ad longam aliquam distantiam traduci debent, habere se verè pro objectis radiantibus: à lumine autem, sive illud à latere (ut fit, dum res in speculo pinguntur aut describuntur) sive iis retrò apponitur (cum nempe in diaphano solido, veluti vitro appinguntur) stimulari, & ad actinoboliam tantò vehementiùs incitari, quantò intensius lumen (sive illud sit Solare, sive aliud quodcunque) iis competenter fuerit affusum.

Imaginum
radiationi-
bus conve-
niunt pro-
prietates
refractioni-
um.

3. Cum picturæ illæ sive qualescunque figuræ, quæ vel in speculo, vel in diaphano solido pictæ aut potius adumbratæ sunt, habeant se per modum objectorum lucidorum radiantium: etiam convenient eorum radiationibus, dum per dioptricas Lentes progrediuntur, omnes refractionum leges & proprietates, quas supra docuimus & demonstravimus. Unde sequitur, quod speculum planum, cui figura aliqua inscripta; vel vitrum diaphanum, in quo imago dilutis coloribus appicta est, prout aliter atque aliter situatum est, etiam imaginem aliter atque aliter projicere possit.

Imago
quomodo
aliter atque
aliter effor-
metur.

Nam quando imprimis speculum cum figurâ inscriptâ (idem semper dico de vitro, in quo imago aut figura qualiscunque dilutis coloribus est appicta) in ipso foco unicæ Lentis convexæ præponitur, vel intra foci distantiam collocatur, nulla perfectæ & ordinatæ imago exprimi poterit, cum omnes radii post Lentem progrediantur vel paralleli aut divergentes.

Quando verò à foco Lentis convexæ longiùs removeretur, imago exprimi poterit, & diversimodè: omnium scilicet maxima, at inversa & ad maximam distantiam, cum proximè post focum existit speculum; inde verò, quantò magis remo-

removebitur, tantò magis etiam imago decreſcet, & ad minorem diſtanti-
am efformabitur.

Cum ſpeculum ad duplam foci diſtanti-
am adhibetur, imago etiam ad du-
plam à Lente diſtanti-
& quidem æqualis prototypo comparebit. Inde verò à
duplâ iſtâ diſtantiâ, quantò adhuc magis ſpeculum cum figurâ inſcriptâ remove-
bitur, tantò etiam magis imago trajecta ad Lentem accedet, & ſemper minor
exiſtet; quouſque ſpeculum ita removebitur, ut radii ab imagine inſcriptâ repu-
tentur pro phyſicè parallelis; tunc omnium minima imago ad foci diſtanti-
am exprimeretur.

Unde colligitur, ad hoc ut imago longiùs projiciatur, ac nitidè major ex-
primatur, quod ſpeculum cum figurâ inſcriptâ, vel vitrum planum cum imagine
appictâ, debeat ante Lentem ſituari, & collocari in ſpatio, quod eſt intra ſimplam
& duplam foci Lentis conyexæ diſtanti-
am.

Radiantis
figuræ quis
locus eſſe
debeat poſt
Lentem.

Dixi, nitidè major, quia licet imago vitro appicta etiam in ſpatio, quod eſt in-
tra ſimplam foci diſtanti-
am à Lente poſſit imaginem aliquam exprimere, illa ta-
men non erit nitida aut perfectâ, nam ſolùm umbras oſtendet ex radiis lucis ibi-
dem, ubi imaginis ſignaturæ ſunt, præpeditis: quocirca etiam projecta imago per
umbras ſolùm majores ex privatione lucis ibidem deſignabitur. Idem dicendum
eſt de ſituatione vitri plani cum appictâ imagine, ſi poſt Lentem convexam po-
natur: vel enim ſolùm radii vehementiores à coloribus ibidem tingentur, atque
ita coloris aliquid imbibent, ac in loco baſi communis exhibebunt; vel ſolùm
umbras oſtendent, nunquam tamen imaginem ſatis nitidè & præciſè efforma-
bunt. Et quidem, ſi planum vitrum ſtatuatur poſt Lentem ante foci diſtanti-
am, imago comparebit major & inverſa, ut conſtat experienciâ; ſi verò in foco, nulla
exhibebitur; ſi poſt focum imago erigetur, & minor ſolùmq; umbroſa ſpectabi-
tur. Quocirca non bene capio, quod docet Kircherus in *Arte mag. Luc. & umb.*
editionis ſecundæ, lib. ſcil. 10. part. 3. Magia Catoptr. ubi lucernæ Magicæ ſive Thau-
maturgæ conſtructionem exponit, poſt lucernam Tubum eſſe ponendum, in cu-
jus principio lenticulare vitrum melioris notæ inferendum: in fine verò Tubi vi-
trum planum propè, ut dicit, elaboratum, in quo coloribus aqueis & diapha-
nis imago depicta ſit. Item quod paulò poſt ſubnectit, tubulum vel intra vergere
poſſe, vel extra, perindè eſſe, & hoc boni præctici iudicio committit. Ego ſane ali-
ter tam ratione, quàm experienciâ edoctus vitrum planum cum imagine appictâ
potiùs ac meliùs ante Lentem convexam collocandam ſuadeo.

Imagora-
dians non
bene collo-
catur poſt
Lentem.

4. Sciendum, quod ſi per Lentem unicam convexam imago projici de-
beat, ſi Lens minoris ſphæræ adhibeatur, majorem & diſtinctiorem imaginem
poſſe in propiore diſtantiâ exprimi: ſi verò adhibeatur Lens convexa majoris,
ad majorem diſtanti-
am majorem & validiorem exprimi, ad quam diſtanti-
am minoris ſphæræ Lens minùs efficax eſſet. Ratio eſt, quia in Lente majoris ſphæ-
ræ radii ſunt directiores atque ita ordinatiores & efficacioreſ; unde ad majorem
diſtanti-
am ordinatiùs prolabi poſſunt, adeoque etiam imaginem ordinatiorem
exprimere valent: ibi autem radii, cum plurimùm refringantur, idcirco etiam
debiliores fiunt, & plures aberrare, aliſque ſe commiſcere poſſunt; unde imago
tam ordinata exprimi haud valebit.

Lens mi-
noris aut
majoris
ſphæræ
quid præ-
ſtare poſſit.

5. Si projectiones imaginum velimus fieri per duas Lentes convexas (ut in
lucernis Thaumaturgis ac megalographicis ordinariè Artifices faciunt) optimè
attendi debet propoſitio 6. cap. 2. Synt. 2. ſupra cum ſuis corollariis. Unde com-
petit Lentem primam eſſe minoris ſphæræ portionem, cui vitrum planum cum
imagine appictâ propius adlocari debet, quàm ſit ejus focus, ut ita radii per eam
ad ſecundam Lentem majoris ſphæræ poſſint progredi divergentes. Quantò au-
tem magis Lens ſecunda removebitur à primâ, tantò imago minor & propior con-
tinget;

Quid ob-
ſervandum;
ſi duæ Len-
tes conve-
xæ adhibe-
antur.

tinget; & quantò minus removebitur à prima, tantò major, & ad majorem distantiam projicietur, ut patet ex coroll. 1. & 3. ejusdem prop. 6.

Quæ specula adhiberi possint, & quid præstent.

6. Cum ratione collustrationis imaginum in vitris planis depictarum ut species tantò fortiores & efficaciores provocentur, catoptricè adjumentum per specula afferri possit; alia tamen commodè adhiberi nequeant, nisi plana vel concava, de his igitur sequentia notari possunt.

Speculum planum nunquam collustrationem ordinariam sive à Sole sive ab alio lucido procedentem amplius intendit, quia eam non auget plures radios colligendo & aggregando, sed solùm aliter ordinat, ut etiam à lucido quocunq; loco posito suâ interpositione acceptam lucem ad imaginem in vitro appictam reflectere, & ita species ejus animare, provocare, ac quemcunque ad locum trajicere possit. Specula verò concava, cum ad negotium trajectionis imaginum multò commodiora sint, quia lucernæ propinquiùs applicari possunt, itaque radios plures colligendo lucem magis intendere valent, ideo de his speculis istas à Catoptricis probè compertas & demonstratas subjicimus proprietates.

Proprietates Speculorum concavorum.

Speculorum concavorum aliquot proprietates.

Prima. Si lucidum ponatur in centro speculi alicujus concavi sphaerici, radios quoscunque inde acceptos reflectet in seipso.

Secunda. Si lucidum existat inter centrum speculi & punctum foci (quod est in quarta parte diametri, ut mox dicetur) radiabit reflexè per lineas concurrentes cum axe ultra centrum, & vicissim.

Tertia. Quod si lucidum viciniùs speculo concavo apponatur, quàm sit punctum foci, radiabit reflexè per lineas divergentes.

Quarta. Si verò lucidum ponatur loco quartæ partis diametri concavitatis (qui locus censetur ejus focus) radios remittet parallelos. Atque hæ proprietates pro præsentī negotio sufficiunt.

Specula concava minoris sphaeræ aptiora.

Notandum tamen, specula concava minoris sphaeræ segmenta aptiora esse ad reflectendum lumen per lineas parallelas, eò quod lumen intensius, adeoque etiam efficacius remittant. Nam cum non multum decreseat lumen in minori à speculo distantia, sed uniformitatem aliquam affectet, ex alterâ verò parte, quo speculum intensius illuminabitur, eò etiam intensius lumen remittere possit: Specula porrò, quæ sunt minoris sphaeræ segmenta lumen intensius accipiant à luminoso, utpotè viciniùs; necessarium erit, quod illud etiam magis intensum reflectant. Nam quò luminosum propius erit speculo, etiam meliùs ac intensius illuminabit illud: Sed cum luminosum debeat esse in foco, & focus speculorum, quæ sunt minoris sphaeræ segmenta sit etiam viciniùs speculo: ideo etiam tale speculum quod ad sphaeram minorem pertinet, fortius illuminabitur, & consequenter etiam fortius lumen remittere eoque magis illuminare poterit.

Quomodo projectiones imaginum artificialiter fieri possint, per figuras declaratur. Iconismus XVII. Figura 1.

Ex his principiis ac fundamentis Mathematicis catoptrico-dioptricis facile quivis intelligere poterit, quomodo curiosè variarum imaginum, & quarumlibet Scripturarum aut figurarum projectiones institui artificialiter possint. Restat tantùm, ut per figuras, quod hætenus propositum, succinctè paucis elucidemus.

In figura 1. exhibemus schema simplicis trajectionis, ubi vitrum planum A B cum imagine appictâ collocatum est ante Lentem convexam C D, & quidem inter simplam I & duplam K foci illius distantiam. Quantò autem magis vitrum A B accedit ad I, tantò imago ibi depicta per radios Solis E F illustrata ad majorem distantiam projici, & distinctè major præsentari poterit in G H. Quantò autem magis removetur ab I versus K, tantò minor fiet G H & ad minorem distantiam. Quomodo autem practicè totum artificium hujus projectionis institui possit, ostendit figura 2. ubi à Sole, dum propè horizontem versatur, Tubus B illustratur, cui vitrum cum imagine dilutis coloribus appictâ præponitur: quæ dum radiat

Figura 2.


ICONISMALS XVII

figura 1

FIGURA 4

figura 5

Inde suas vires robur et omne capit.





radiat per Lentem convexam in Tubo B introrsum versus collocatam, exhiberi poterit multò major in C.

Verùm quia non semper affulsio lucis solaris E F fig. 1. directè ad vitrum A B ordinari potest; neque, si Tubus inclinetur & Solem versus dirigatur, commodè intus in obscuro loco imago G H præsentari valet: possumus itaque speculo plano velut a b ante vitrum A B debite adaptato & collocato radios solares ex c d exempli gratiâ progressos ita ordinare & dirigere, ut ad locum petatum procurant, veluti melius patet in fig. 3. ubi radii à Sole A progressi ad speculum D ibidem reflectuntur ad Tubum B, atque ita directè intus imaginem deducunt & exprimunt in plano albo C. Figura 3.

Figura 4. ostendit modum trajectionis compositæ scripturarum ac quarumlibet figurarum vel imaginum, cum illæ speculo plano metallico A B adscriptæ vel dilutis coloribus appictæ sunt. Debet autem speculum A B ante Lentem convexam C D ita applicari, ut intra E simplam & F duplam foci Lentis C D distantiam collocetur. Quantò autem speculum A B inter dictam distantiam magis ad E accedit, tantò major scriptura vel imago G H, & ad longiorem distantiam exprimi poterit. Quantò verò magis ab E versus F speculum A B recesserit; tantò minor imago G H & ad minorem distantiam præsentari poterit. Figura 4.

Hujus projectionis artificium mirè deprædicat Kircherus in *Arte sua Magnâ Luc. & umb. circa finem lib. scilicet 10. Magiæ Catoptrica*, dum imprimis in præfatione cryptologiæ novæ sic ait: *Quare hic nihil restat, nisi ut maximum illud arcanum catoptricum manifestemus, quo nullo penè negotio vel etiam ad tria milliaria (ego intelligo & puto milliaria minima, qualia sunt Italica) duo amici tutè & secure inter se tractare possint. Hoc invenium propriè nostrum est, cum apud nullum Authorem, quod sciam, simile quid legisse meminerim. Inventum prorsus admirabile, & solâ curiositate Regiâ dignum, cum hoc unico non occultos tantum animi sui conceptus, sed & literas integras transmittere & muris inscribere possit; imò suam ipsius effigiem umbratilem, aliamque quamvis imaginem summâ facilitate in maximam aliam distantiam, & sub plus quàm gyganteâ magnitudine sistere amico possit.* Hujus projectionis artificium à Kirchero mirè prædicatur.

Deinde c. 3. hujus ejusdem suæ cryptologiæ hæc tradit. *Ego experientiâ doctus vitrum semipalmare formas rerum ad 500. pedes projicere comperi, ita ut in obscuro loco projectas circumstantes distinctissimè legere potuerint* (à Collegio enim Romano, ait Schottus in *Mag. nat. part. 1. lib. 8. Synt. 1. cap. 7. ad domum usque profectam illas transmisit cum perfectione prædicta) Erat autem speculum planum semipalmaris magnitudinis, Lenticulare verò vitrum rotundum diametro constabat unâ tertiâ palmi: unde posito proportionali tum speculi tum vitri incremento tantò remotius rerum reflexas species projiceret, quantò utrumq. fuerit majus. Ita si speculū & vitrum utrumq. fuerit octo palmorum, dico illud in 12. millia pedum distantiam species rerum sensibiliter projicere posse; nec de hac re ullâ ratione dubitandum est. Quo quidem invento, quid divinius esse possit, non video: res enim paradoxa & omnium opinione incredibilis ad tres leucas speculo cum altero loqui, figuras quaslibet atque adeò integras literas legendas coram exhibere. Quæ tamen ita sese habere solus is novit, cui soli in terris secretum revelavi. Hæc quidem satis magnificè Kircherus. Verùm non satis probandum censeo, quod ait: si speculum & vitrum Lenticulare fuerit majus utrumque octo palmorum, quod antea semipalmate, eâ proportionem, quâ utrumque majus futurum est, quod idcirco etiam ad majus spatium imaginem distinctam & bene collectam projicere possit, ut sensibiliter bene percipi queat. Licet enim verum sit, quod Lens majoris amplitudinis plus lucis trajiciat, adeoq. ex plurium radiorum permissione eò vivaciorem imaginem in aliquâ distantia præsentare possit: non tamen ideo ad quamcunq. distantia longiorem satis collectam & præcisam imaginem projiciet. Nam quanto latior & major erit apertura Lentis, eò plures radii ab axe remotiores magis alios confundent, itaq. imperfectam imaginem præsentabunt.*

bunt. Diximus enim suprâ, quod radii ab axe remotiores ultra vigesimū gradum vix bene concurrant cum aliis radiis axi propioribus ad eandem communem basim ac stationem ordinatam: Radii siquidem, quantò ab axe remotiores incidunt, obrefractiones quas faciunt magis oblique, tantò debiliores sunt; & ideò dum vel modicum ab initio aberrant, in tam magnâ distantia, qualis esset 12000. pedum vel trium Leucarum aut milliarium, quamplurimū aberrabunt; unde non video, quomodo in tam magnâ distantia satis perfecta imago colligi, & collecta distinctè ideò, ut supra dictum, præsentari possit.

Deinde licet adhiberetur vitrum Lenticulare sive Lens convexa obtusior, quæ sit amplitudinis octo palmorum sive duorum pedum, quæ gradus 20. utrinque ab axe non excederet (qualis ad minimū deberet esse Lens utrinque æqualiter convexa & diametro convexitatis 6. pedum, ita ut focus ejus primarius esset ad distantiam 3. pedum) tamen obstarent incommoda, quæ ipse *Kircherus* subnectit, dum ait: Solum incommodum illud intervenit, quod species rerum in imensum auctæ, verbi gratia, una litera successivè in turrim crescere videatur. Alterum incommodum, quod quo remotius feruntur rerum imagines, tantò debilius compareant, ita ut nisi conclavetotum obscurum fuerit, nihil penè compareat. Hæc verissima sunt. Quod enim species sive imagines quamplurimū augeantur, si ad magnam valde distantiam projiciantur, clarissimè demonstrari potest.


Quantum
imagines
ad longio-
rem distan-
tiam excre-
scent,

Assumatur enim Ex.gr. Lens vitrea convexa, cujus focus sit ad distantiam unius pedis circiter, adeoque propè focum cogitemus poni debere speculum, ut ad distantiam unius milliari Italici projiciat imaginem, vel scripturam. Sit autem speculo inscripta litera, quæ magnitudine suâ adæquet duo grana hordeacea in longitudinem posita. Si jam velimus scire ad distantiam unius milliari Italici, quanta sit futura magnitudo imaginis literam speculo inscriptam repræsentantis, ea hoc modo facilè indagari poterit. Cum juxta Geometras contineat

Digitus - - 4. grana.
Palmus - - 4. digitos - - 16. grana.
Pes - - 4. palmos - - 64. grana.
Passus - - 5. pedes - - 320. grana.
Milliar. Ital. 1000. passus 5000. pedes. 320000. grana.
Fiat ergò, ut F C 64. grana ad F A 1. granum.

Ita

C G. 320000. grana ad D G. Evenient grana 5000. quorum duplum nempe E D 10000. granorum erit. Hæc grana, si reducantur ad pedes, faciunt D E diametrum imaginis yel literæ projectæ pedum 156 $\frac{16}{24}$.



Quod

Quod si computatio similiter instituat pro indagandâ diametro imaginis vel literæ duorum granorum ad distantiam duorum milliariorum Italicorum projectæ: cum C G 640000. gran. eveniet D G 10000. D E 20000. gran. pedum 312. $\frac{3}{4}$ vel $\frac{1}{2}$ pedis.

Si supponatur C G milliar. trium sive 960000. gran. factâ computatione proveniet D G gran. 15000. D E 30000. gran. quæ faciunt pedes 468. $\frac{48}{100}$ quæ magnitudo fermè adæquat altissimam turrim Viennensem ad D. Stephanum, eminentem ut ajunt, ad pedes 486.

Ratio istiusmodi operationum patet ex pro. 19. cap. 5. Synt. 1. hujus, & ex pro. 4. lib. 6. Euclid.

Ex his colligis Lector, quàm vel unica litera valdè exigua speculo inscripta per longam distantiam trajecta in immensum excreseat; quocircâ quàm difficulter hoc lumen quovis modo tinctum & coloratum, itaque vi refractionis debilitatum & ob distantiam discerptum & distractum etiam in obscurissimo loco sensibiler adverti possit. Idcirco etiam bene adhuc innuit memorato loco idem Kircherus: *Si quis invenerit modum, quo figuras rerum in maximâ distantia in minorem proportionem redigat, clareq; exhibeat, arcanum quo gloriari possit, se invenisse latabitur. Ego cum otio, tum expensis in hujusmodi experimentis faciendis destitutus, hucusque rem deprehendere non valui. Nemo tamen dubitet, id intermediorum dispositione speculorum concavorum fieri posse. Satis ego hoc loco arcanum me aperuisse arbitror.* Sed de hoc alibi. Libet his etiam subnectere, quod dicit Schottus Mag. nat. part. 1. lib. 8. cap. 3. in annot. *Si solum, ait, speculum planum adhibetur sine vitro mesoptico, res non succedit, quia radii à speculo reflexi dissipantur & ferè disparent, antequam ad destinatum locum perveniant. Per vitrum autem mesopticum positum inter speculum & locum destinatum colliguntur post transitum vitrum in conum, & figurantur in alium conum contra positum, ut in figuris apparet. Et hæc est causa, cur litera supra dicto modo inversa inscribi debeant speculo. Si concavum speculum adhibetur, nullo opus est vitro mesoptico.* Ad quæ pauca hæc scrupulosè ingero. Si res adhibito solum speculo plano sine vitro mesoptico ideò non succedit, quia radii reflexi à speculo dissipantur & ferè disparent, antequam ad destinatum locum perveniant: quare non etiam dissipantur & disparent, dum in conum contra positum efformati in hujus basi valde distrahuntur & discerpuntur? Nam si lumen à reflexione deinceps directè prolapsum, & magis compactum non potest ad longiorem aliquam distantiam provehi, quin dispareat: quomodo refractum & refractione debilitatum, & quantò longiori distantia prolapsum, tanto magis discerptum & distractum non disparere debet? Sed hæc fusiùs, quàm par erat: unde iis relictis ad reliqua paucissimis exponenda, ne caput hoc nimium excreseat, transeamus.

Figura 5. exhibet ordinationem lucernæ Thaumaturgæ megalographicæ, Figura 5. ubi lampas K collocata est ad distantiam quartæ partis diametri speculi concavi L, ut ita radii lucis à lampade ad speculum prolapsi indeque reflexi paralleli possint progredi ad vitrum planum A B, in quo imago dilutis aqueis coloribus appicta hæret. Hoc vitrum A B propius Lenti C D adlocatum est, quàm sit focus ejus I, ut radii refracti post Lentem C D ad alteram Lentem E F majoris sphaericitatis possint remitti divergentes. Hæc secunda Lens E F pro ratione distantiae loci, ad quem projicere imaginem volumus, debet nunc propius ipsi Lenti priori C D admoveri, nunc remotius poni, quousque distincta satis imago G Figura 6. H in loco petito compareat. Praxis etiam hujus Lucernæ apparet in figurâ 6. Figura 7. ejus quoque ordinatio mechanica sive constructio in figurâ 7. Verùm, cum de his Lucernis plura in fundamento tertio practico tradituri simus, ibidem ea videri poterunt.

Paretur inprimis instrumentum ex asserculo oblongiori sive regula A B, ut habet Carthesius in sua Dioptr. cap. 10. & hinc in figurâ 1. apparet: cui insistant duo pinnacidia, quæ sint C A & D E perforata in punctis F & G, ita ut si cogetur ducta linea recta F G, ea sit perfectè parallela plano A E. Usus autem hujus instrumenti talis est. Quoties itaque ope hujus instrumenti voles refractiones vitri indagare: applica Lentem aliquam plano-convexam D E fig. 2. ad pinnacidium D E fig. 1. ita ut plana superficies Lentis adhibita perfectè congruat plano pinnacidii. Quod si in tali compositione instrumentum radiis solaribus exponas, & radium aliquem luminis per duo minuta foramina F G, immittas: frangitur is in egressu vitri, & ad lineam I H procedit, ubi designabit angulum H G I refractionis, quem facilè dimetiri possumus, eritque H G N angulus refractus.

Instrumentum pinnacidii constructio. Usus instrumenti.

Ratio hujus praxis est, quia cum angulus inclinationis in Lente plano-convexâ per 1. cap. 4. Synt. 1. hujus sit æqualis angulo ad centrum, ut est F G K ipsi G K L, cui per 15. primi Eucl. M G N æqualis: & vi praxeos, cum refraction fiat ex immisione ad lineam I H, possitque I G H mensurari; etiam hic angulus Refractionis sciri poterit, consequenter & Refractus H G N Carthesius loco Lentis adhibet vitreum prisma triangulare, quale patet in O. Possumus & ope trigoni vulgari in P. expressi similiter refractiones vitri indagare. Melior tamen praxis haud invenietur facilè, quàm sit ea, quæ supra cap. 2. Synt. 1. hujus indicata est.

Ratio hujus praxis indicatur.

Quæstio II.

Cur specillum concavum in Telescopio communi auget objecti dissiti apparentiam, extra Telescopium verò minuit?

Respondeo. Quia certum est ex supra demonstratis, specillum concavum radios incidentes parallelos reddere divergentes, & incidentes divergentes remittere magis divergentes; si verò convergentes incidant, minùs convergentes efficere. Si itaque extra Telescopium adhibetur tale specillum, quia radii, qui à singulis objecti dissiti partibus procedunt, sunt divergentes, eos magis divergentes efficit: ergò quasi ex puncto viciniore in eodem axe posito: sed hoc est facere objectum minus, cum imago in oculo per refractionem radiorum ibidem minor efficiatur. Radii siquidem ad unum punctum objecti pertinentes & penicillos efformantes propiùs ad axem concurrunt. Unde etiam specillum, quò magis erit cavum, eò quod radios magis divergentes efficiat, & quasi à puncto viciniore virtualiter procedentes, eò etiam minus objectum dissitum ostendet. At verò in Telescopio longè aliter res accidit. Nam quia Lens cava ibidem collocata radios ab eodem puncto procedentes excipit convergentes, & ita minùs convergentes efficit, retardat eorum concursum: quò autem magis retardatur concursus, eò magis penicilli ab invicem discedunt, & imago in oculo major efficitur. Et quia cavum specillum minoris sphaeræ magis retardat hunc concursum, etiam majorem imaginem in oculo efficit.

Causa cur cavum specillum extra Tubum minuat objecti apparentiam.

Causa cur in Telescopio augeat.

Quæstio III.

Quare Lens convexa quò erit minoris spheræ portio, eò objecti diffiti imaginem minorem exprimit in oculo: objecti verò vicinioris ad certam distantiam imaginem majorem efficit?

Ratio prioris datur.

Ratio est. Quia quando objectum valdè diffitum distinctè per Lentem convexam minoris sphericitatis videtur, debet Lens convexa distare ultra foci sui primarii distantiam ab oculo. Unde imago jam ante oculum efformatur, à qua deinde radii rursus digredientes versus oculum procedunt divergentes, adeoque minorem imaginem sistere debent in oculo. Vide pro. 17. & 18. Synt. 2. cap. 4. hujus Fund. supra.

Ratio posterioris assignatur.

Quandò autem objectum vicinius in certâ distantia distinctè videre cupimus per Lentem ejusmodi, debet hæc oculo ante distantiam fermè foci sui apponi, adeoque objectum esse vel in foco, aut intra distantiam foci, si distinctè videre velimus. Sed si ita hæc se habeant, habebit se Lens convexa per modum microscopii, adeoque etiam necessario objectum majus repræsentare debebit.

Quæstio IV.

Quare specillum cavum rei visæ situm in oculo nunquam evertit, sicut convexum solet?

Respondeo. Quia cavum radios nunquam colligit, sed semper eodem modo & ad unam partem dissipando projicit, ac humori crySTALLINO uniendos tradit. Convexum verò ultra distantiam sui foci ab oculo debite remotum radios jam ante collectos & eversos oculo præsentat; unde necessario etiam jam aliter oculus affici debet.

Quæstio V.

Quare aliqui convexis specillis non juvantur, si naso, ut fieri solet, eadem admoveant: juvantur autem, si paululum à naso removeant?

Causa est, quia specilla convexa humori crySTALLINO propiora concursum radiorum nimis elongant, & ultra Retinam propagant. Cum verò paululum removentur, curtant & abbreviant concursum, donec tandem ad Retinam perfecte deducant.

Quæstio VI.

Quare aliqui etiam acutissimis specillis cavis utentes nihilominus rem videndam oculo quàm proximè admovent?

Ratio est. Quia ejusmodi homines aut Retinam nimis remotam habent, aut nacti sunt humorem crySTALLINUM nimis globosum, qui etiam adjutus à cavo specillo pro elongandâ specierum ordinatâ basi ad Retinam, eandem tamen nec dum assequitur. Quia verò objectum vicinius adhuc longiùs basim projicit; hinc ipsius ad oculum accessu species sufficienter producit, ut picturam in debito Retinæ loco collocare possit.

Quæ-

Quæstio VII.

Quare aliqui adhibitis specillis ca-vis omnia per nebulam & cum dolore oculorum vident?

ITa mihi ordinariè accidit, dum cavum specillum oculis appono; semper enim per illud obscurè video, & cum dolore: quantò etiam acutius est, tantò sentio majorem dolorem. Ratio igitur est, quam bene etiam *Scheinerus* in oculo suo Ratio datur. circa finem profert: quia cavum specillum additum convexo, ad cujus modum se habet oculus, basim communem protrudit longius, ita ut imago ultra Retinam excurrat, & confusio in Retinâ maneat: dumque potentia videndi intervallum inter crystallinum Humorem & tunicam Retinam producere, aut Humorem crystallinum magis convexare & conglobare conatur, dolor ex nervorum attractione enascitur, ita ut illachrymatio persæpe consequatur.

Quæstio VIII.

Cur oculis Presbytarum ætate majori aptiores sunt Lentes majoris convexitatis ad objecta vicina secernenda?

Mirantur nonnulli diversæ ætatis oculos subindè acutioribus, nonnunquam remissioribus uti specillis. Ratio autem hujus diversitatis est: quoniam in Ratio diversitatis. ætate majori Humor crystallinus in oculis magis exsiccatur & flaccidus redditur, ac nonnihil de figurâ convexitatis remittit. Lente vitreâ convexâ superadditâ refractione decurtatur, quæ sine illâ ultra Retinam excurreret. At quoniam ætate crescente adhuc magis magisque humor crystallinus flaccescit, & amplius quasi complanatur, etiam cum tempore Lentes specillorum minoris sphæræ requiruntur, per quas refractione radiorum brevior adhuc effecta defectum humoris crystallini in deferendis objectorum speciebus ad cavam Retinæ superficiem supplere possit.

Quæstio IX.

Unde fit, ut aliquando per specillum cavum oculo propinquum nihil videamus; si tamen paulisper removeamus, bene omnia videamus?

Ratio est. Quia specillum cavum, dum nimis propinquum est, rem objectam in basim ordinatam modò colligit trans Retinam; unde confusio in Retina permanet. Quando autem nonnihil removetur, basim ordinatam decurtat, & in Retinam debitè coordinat; unde distinctè objectam rem videre potest.

Quæstio X.

Quid sentiendum de Lentibus sectionum conicarum in usum Teledioptricum maxime, ut volunt, accommodis, velut ellipticis, parabolicis ac Hyperbolicis?

HAnc quæstionem, cum practici quid involvat, in sequenti fundamento Practico sive Mechanico Synt. 2. integro cap. 13. expediemus ac resolvemus. Unde Lectorem interim eò remittimus.

Quæstio XI.

An & quomodo ope pilæ vitrea construi potest Horologium Heliocausticum, sive solare uitorium, quod non solum luce velut indice quodam horas demonstret, sed etiam singulis horis succenso igne strepituque facto, non secus ac usitata horologia rotarum subsidio sonando horas denuntiet?

Quæ re-
quirantur
ad hoc ho-
rologium.

HUJUSMODI horologium describit Kircherus in Arte mag. Luc. & Umb. lib. 10. part. 1. cap. 4. & ex ipso G. Phil. Harsdörffer. in delit. Philos. & Mathem. part. 3. Tria autem, ut habet Kircherus, ad hoc horologium imprimis necessaria sunt. Primò pilæ crystallina, vel si illa haberi non possit, phiala sphaerica humore plena. Secundò concha sphaerica. Tertiò delineatio horologii in concha una cum rebus ad incensionem sonationemque peragendam necessariis. Ac loco quidem pilæ crystallinæ phiala sphaerica facile haberi potest hac industria. Ad fornacem vitrariam tibi confari cures pilam, quantum fieri potest, exactè totundam: hæc enim easdem proprietates habebit, quas pilæ crystallina: nam Soli exposita tam potenter urit, ut in comburendo speculo parabolico æquari possit. Hæc igitur procuratâ concham fieri curato, sive hemicyclum vas tantæ amplitudinis, ut pilæ vitrea in centro conchæ posita ustorii coni apice sive foco superficie ejus concavam præcisè attingat. Deinde in hac conchâ horologium delineabis cujuscunque generis: sit verbi gratia Astronomicum intra spatium heliodromum, id est, tropicos comprehensum, ut in figurâ appareat. Ubi concha sphaerica sit LMNO, in cujus concavâ superficie descriptum horologium. A sit pilæ crystallina vel vitrea aquâ plena in centro sphaeræ collocata, ita ut ipsa terram respectu cæli designet. R sit Sol, cujus radii pilam penetrantes uniantur in puncto B, ita ut punctum causticum ustionis B præcisè in concavâ conchæ superficie finiat.

Ordinatis singulis ad horodixin causticam necessariis, ita in opus effectumque machinationem deduces. Singulæ lineæ horariæ à tropico ad tropicum ita subtiliter excindantur, ut tamen latitudinem aliquam retineant rimæ. Hoc peracto vide in spatio heliodromo parallelum Solis currentem; ubi enim is horas intersecat, ibi fomitem ex cono præparato minutim discisso rimis inferes: in convexâ verò conchæ superficie ad eadem puncta applicentur canales tot canaliculis ex laminâ ferri constructis, quot numerus horarum unitates habet instructi. Hosce canaliculos veluti mortariola quædam pulvere impleto: supra mortariola quoque affigantur tintinnabula, habebisque omnia ad mirificam horodixin necessaria.

Usus horarii caustici.

Usus hora-
rii caustici.

Situatam prius magneticè machinam unâ cum pilâ vitreâ exactè centrum obtinentem fulcro tenui sustentatam Soli exponito; fomitem quoque rimis horariis, per quas Sol eo die pertransiturus est, fartis, fiet ut mox cum focus ustorii coni ex pilâ projectus lineam horariam attingere incipiet, in momento fomitem carpat: pulvere verò pyrio, canalibusque vel mortariolis refertis, uti & eodem fomite contiguo fomes accensus pulverem in flammam excitabit: hæc mortariola ingressa tot bombos edet, quod unitates hora currens continebit. Si quoque tot tintinnabula mortariolis superimposueris, impetus in tintinnabula impactus præter bombos distinctos tot ictibus sonoris horam demonstrabit. Hæc de horologio Heliocaustico Kircherus.

Incommo-
da in con-
structione
hujus ho-
rologii.

Verum in constructione ejusmodi horologii incommoditatem haud levem invenio. Nam quia integra sphaera vitrea sive crystallina radios à longinquo

ICONISMUS XVIII.

fig. 1

Icon XIX




fig. 2.



quo, hoc est, axi parallelos incidentes unit post sphaeram ad quartam diametri partem, ut supra demonstratum est pro. 34. cap. 4. Synt. I. hujus. Hinc focus ejusmodi sphaerae, dum Soli exponitur, haud multum ab eadem distare potest, ut patet ex coroll. 1. ejusdem pro. 34. Quocirca facile contingere potest, ut dum a trajectis solaribus radiis fomes nitro-sulphureus incenditur, crassiore fumo suo pilam crystallinam obfuscet; unde nisi semper de novo abstergatur ad similem effectum proximam horam faciendum, omnino inutilis erit. Deinde vel ab ipso fragore, dum pila nimium igni propinqua existit, loco commoveri ac discuti potest. Idcirco etiam parva pila crystallina ad hunc usum omnino non convenire videtur; major autem difficulter haberi potest. Item quia etiam horariae lineae in ipso vase ob minorem ejus compagem sibi nimium appropinquare debent; certe periculum erit, dum fomes ad unam lineam horariam incenditur, ne hoc ipso etiam sese dilatando apprehendat alium proximum fomitem, eumque similiter incendat: quo fieret, ut simul plures fomites incenderentur, adeoque inordinatus effectus consequeretur: nisi forsitan non una vice omnia mortariola onerarentur, sed solum illa, quae proximam horam indicare debent. Sed inde instrumentum tantae admirationis haud erit.

Ex hisce patet, quod figura *Kircheri* loco citato non sit bene depicta, dum conum radiosum ab R prodeuntem ad nimiam a pila longitudinem exhibet: deberet enim proximè juxta sphaerulam A in minima distantia, scilicet quartae partis diametri ejusdem sphaerulae, velut A b contineri. Aut, si sphaera crystallina ejusdem vasis L M N O magnitudini pro hoc effectui competens deberet imponi, haud minor esse posset, quam sit sphaera C E D, cum L C sit quarta pars hujus sphaerae, ad quam focus, ut supra demonstratum est, existit. Non credo facile, quod *Kircherus* per vitream aut crystallinam pilam hujusmodi horologium exhibuerit. Quia tamen tam asseveranter affirmat: *Hujusmodi machinam horodiasticam saepe exhibuimus cum tantâ adstantium voluptate acque admiratione, ut nullum spectaculum Principibus viris dignius exhiberi posse asseverarent.* Facilius credo, eum adhibuisse vitream sphaeram aquâ impletam, quae longius, ut supra in coroll. 2. pro. 34. citata dictum, ad semidiametrum scilicet suae sphaericitatis focus post se projicere solet. Debent autem tales sphaerae in officinâ vitrariâ singulari industriâ effari, ut perfectam acquirant sphaericitatem, quam si non obtinuerint, nullius hic valoris esse possunt. Potest tamen ope sphaerulae vitreae aut crystallinae, ut in fig. 2. apparet, in scypho aut poculo potorio perfecte intus rotundo ac sphaerulae impositae concentrico aliud horologium curiosum construi. Cum scilicet sphaerula debite imposita in medio collocatur, & ad medietatem suae sphaericitatis aquae vel vino affuso immergitur, atque ita Soli exposita longiori & protractiori (ob minorem refractionem a vitro in aquam aut vinum) cono suo lucidissimo horas & lineas horarias artificialiter (ut communiter aliae figurae solent, & nos infra in fund. 3. docebimus) exterius incisae aut intritas ostendet. Sed paucis ita Artificium indicasse sufficiat.

Quaestio XII.

Quem effectum in oculo prestare debent instrumenta Teledioptrica, ut censeantur esse perfecta bonitatis?

Diximus supra cap. 1. hujus Syntag. instrumenta Teledioptrica, velut microscopia aut Telescopia debere comprimis angulum visorium dilatare, ut sub sensibili angulo videatur illud objectum, quod prius sub minuto adeoque insensibili spectabatur: hoc est, debet augeri imago expressa in fundo oculi, ut sensibilem ejus partem occupet, quam non obtineret, si absque tali instrumento spectare-

Imago debet esse magna.

etarerur. Deinde debet ista imago esse clara, distincta & præcisa; quod fit, dum plures radii ad eandem quamlibet objecti visibilis partem spectantes præcisè & distinctè in Retinâ competentibus locis colliguntur. His etiam addimus, quod Telescopia probatiora debeant unâ simul plures objecti partes detegere. Nam licet in Tubis communibus Hollandicis possint objecta distinctè satis magna repræsentari, quia tamen parùm admodum de objecto aliquo totali repræsentant, idcirco hi Tubi jam vilescunt, & iis longè præferuntur, qui ex meris Lentibus convexis construuntur, ac majus spatium, sive majorem visibilis objecti amplitudinem aut latitudinem exhibere solent. Similiter ita Microscopia, quæ non tantùm objectum aliquod minutum satis magnum repræsentant, sed etiam plures ejus partes distinctè detegunt, probatiora censentur. Item ut objecta per quævis instrumenta Dioptrica tanto distinctiùs & clarius videantur, non debent ea peregrinis coloribus, qui à nimia refractione oriri solent, imbuta repræsentari; valde equidem tales colores unâ cum immixtis speciebus commixti imagines turbant, & earum claritatem obfuscant. Quocirca benè etiam *Hevelius* in Senelograph. quatuor hasce notas bonitatis in perfectiori aliquo Telescopio requirit. Quod nempe 1. debeat esse clarissimum. 2. imagines reliquis majores sistere. 3. objecta minùs colorare. 4. omnium minimam Refractionem præbere. Quomodo autem claritas & magnitudo imaginum, quæ per Telescopium aliquod repræsentari possunt, practice indagari queant, hunc modum præscribit idem *Hevelius*.

Clara & distincta.

Cum amplo spatio.

Sine coloribus peregrinis.

Quatuor notæ bonitatis Telescopii ex *Hevelio*.

Modus explorandi Tuborum opticorum differentias secundum claritatem & magnitudinem imaginum, quas repræsentant.

INgredere, ait, cum uno Telescopio cameram obscuram, admove illud foramini fenestræ, & obverte Soli ad eum modum, quo maculæ solares solent observari; ex adverso autem Tubi statuatur tabula alba, in qua circulus observatorio sit expressus ad magnitudinem imaginis Solis. Postea fac Solem per Tubum circulo observatorio tabulæ allabi; quod si discus Solis major fuerit circulo, propius admove tabulam Tubo, donec Sol peripheriâ suâ circulum exactè adimpleat: tunc attende diligenter claritatem Solis, colorem limbi, & maculas, si quæ Soli insint. Hoc facto, alterum quoque Telescopium foramini fenestræ impone in eadem distantia tabulæ albæ, & iterum lumen Solis admitte; sic faciliè perspicias numquid discus Solis major sit delineato circulo, maculæque Solis sint majores prioribus, & utrum omnia magis perspicua vel obscuriora appateant. Quod si ergò notaveris utriusque magnitudinis & perspicuitatis differentiam, tunc inde valorem Tuborum faciliè æstimabis, præsertim si ductus rectè sese habuerint.

Differentiæ Tuborum ex claritate & magnitudine imaginum.

Modus explorandi Tuborum differentias, nūm colorent.

NUm Lentæ colorent, nec ne, hoc modo explorare poteris. Admove Tubos opticos astris, Jovi, Saturno, vel stellis fixis; quod si hæc aspectabilia corpora cœlestia pura nitida, coloris cœrulei, flavi vel rubri expertia, rotundaque exhibuerint, non oblonga, imprimis. Jovem (Saturnus quippè rarò rotundus perspicitur) tunc bonæ notæ sunt Lentæ in suo segmento perfectæ, & benè politæ: sin verò superficies segmenti in specillis fuerit inæqualis, difformis & vitiosa; radii supra modum refringuntur, & colores inducuntur. Refractio quidem aliqua in Lentibus concedenda est, ob quam species rerum visibilium vel ampliantur vel minuuntur: attamen quo minor est refractione Lentis, eò magis ad æqualitatem tendit, nec alienos invehit colores.

Tuborum differentia ex coloratione Lentium.

*Modi varii, quibus explorari possunt virtutes & differentiae Tuborum opti-
corum in refringendo.*

Modus I.

Differentie
Tuborum
ex Lentium
refractionibus.

Certam aliquam maculam in quâcunque disci Solaris parte sive Orientali sive Occidentali hærentem, ipsamque Solis imaginem per Tubum admitte, & maculas Solis fac cadere in horizontem circuli observatorii orientalem, ejusque centrum nota in suâ sede. Post immoto Tubo & instrumento observatorio concede Soli, & maculæ suum liberum cursum diurnum, & per intervalla distincta; donec per centrum ad peripheriam occidentalis circuli observatorii partis macula perveniat; iterum centrum maculæ in charta diligenter signa, quoniam lat temporis suppetit, eò quod Sol suo transitu circa nempè apogæum duo circiter minuta prima temporis consumat.

Hic incessus Solis vel est rectilineus, vel curvilineus: si namq; per centrum circuli observatorii transit, motus ille fit secundum rectam lineam: si verò non-nihil remotior à centro alterutram partem versus circuli incedit, fit secundum lineam inflexam & curvam, curvitatique facies convexa ad centrum semper converteretur. Itaque ex incessu lineæ refractionis non colligitur, sed curvæ. Nam quo major curvatis flexus inæquali distantia à centro circuli observatorii apparet, eò major est istius Tubi refractionis, per hoc examen enim majoris & minoris curvatis refractionisque utrinque peripheriam versus, quæ ex diligenti puncto- rum notatione deprehenditur, Lentium & Tuborum differentia, nec non bona vel mala figura cognoscitur.

Modus II.

Similiter si macula circa horizontem ortivum & occiduum apparet; tunc primùm locus maculæ in circulo observatorio signatur, deinde recta linea per hoc punctum per centrum jam dicti circuli ducitur, ubi distantia maculæ à peripheriâ & à centro ad exactam mensuram revocatur. Discrimen quippè utri- usque quæsitam ostendit differentiam; quæ semper major est utrinque in mar- gine, quàm in medio. Quantò igitur magis minusque Lentis Tuborum in re- fringendo circa margines & centrum excedent, vel deficient; tantò viliores, vel meliores Tubi sunt æstimandi.

Modus III.

Ad hæc, si maculæ secundum diametri Solaris longitudinem nonnihil di- stantes occurrunt, tunc earum interstitium, tam circa horizontem, quàm me- dium notato: siquidem & inde differentiam refractionum perspicies: illud enim intervallum semper in medio (ut & ante dictum) arctius, quàm in marginibus observabitur.

Modus IV.

Insuper vim & naturam Lentium inæqualiter refringentium major quæ- dam macula Solis detegit, si propria ejus longitudo in diametro cum circa hori- zontem, tum circa medium exactè observetur. Nam ex hac nota refractionis differentia, & quinam Tubus optimus atque observationibus corporum cœlesti- um maximè idoneus sit, innotescet. Hactenus *Hevelius*,

Quæ-

Tabula effectus Telescopiorum in cognoscenda objecti diametro apparente ex suppositione rationis lentis ob-
jectivæ convexæ ad specillam oculare secundum rationem diametri vel distantia foci primarii lentis objectivæ ad diametrum vel
distantiam foci lentis ocularis tam convexæ quam concavæ.

Lentes objectivæ & earum diametri aut focorum distantia in pedibus aut aliis famosis mensuris Geometricis indicatæ.

	1	2	3	4	5	6	7	8	9	10	11	12	13	14	15	16	17	18	19	20	21	22	23	24	25	26	27	28	29	30	35	40	45	50
5	20	40	60	80	100	120	140	160	180	200	220	240	260	280	300	320	340	360	380	400	420	440	460	480	500	520	540	560	580	600	700	800	900	1000
10	10	20	30	40	50	60	70	80	90	100	110	120	130	140	150	160	170	180	190	200	210	220	230	240	250	260	270	280	290	300	350	400	450	500
15	6	13	20	26	33	40	46	53	60	64	73	80	86	93	100	106	113	120	126	133	140	146	153	160	164	173	180	186	193	200	233	266	300	333
20	5	10	15	20	25	30	35	40	45	50	55	60	65	70	75	80	85	90	95	100	105	110	115	120	125	130	135	140	145	150	175	200	225	250
25	4	8	12	16	20	24	28	32	36	40	44	48	52	56	60	64	68	72	76	80	84	88	92	96	100	104	108	112	116	120	140	160	180	200
30	3	6	10	13	16	20	23	26	30	33	36	40	43	46	50	53	56	60	63	66	70	73	76	80	83	86	90	93	96	100	116	133	150	176
35	2	5	8	11	14	17	20	22	25	28	31	34	37	40	42	45	48	51	54	57	60	62	65	68	71	74	77	80	82	85	100	114	128	142
40	2	5	7	10	12	15	17	20	22	25	27	30	32	35	37	40	42	45	47	50	52	55	57	60	62	65	67	70	72	75	87	100	112	125
45	2	4	6	8	11	13	15	17	20	22	24	26	28	31	33	35	37	40	42	44	46	48	51	53	55	57	60	62	64	66	77	88	100	111
50	2	4	6	8	10	12	14	16	18	20	22	24	26	28	30	32	34	36	38	40	42	44	46	48	50	52	54	56	58	60	70	80	90	100
55	1	3	5	7	9	10	12	14	16	18	20	21	23	25	27	29	30	32	34	36	38	40	41	43	45	47	49	50	52	54	63	72	81	90
60	1	3	5	6	8	10	11	13	15	16	18	20	21	23	25	26	28	30	31	33	35	36	38	40	41	43	45	46	48	50	58	66	75	83
65	1	3	4	6	7	9	10	12	13	15	16	18	20	21	23	24	26	27	29	30	32	33	35	36	38	40	41	43	44	46	53	61	69	76
70	1	2	4	5	7	8	10	11	12	14	15	17	18	20	21	22	24	25	27	28	30	31	32	34	35	37	38	40	41	42	50	57	64	71
75	1	2	4	5	6	8	9	10	12	13	14	16	17	18	20	21	22	24	25	26	28	29	30	32	33	34	36	37	38	40	46	53	60	66
80	1	2	3	5	6	7	8	10	11	12	13	15	16	17	18	20	21	22	23	25	26	27	28	30	31	32	33	35	36	37	43	50	56	62
85	1	2	3	4	5	6	8	9	10	11	12	13	14	16	17	18	19	20	21	22	24	25	26	27	28	29	30	32	33	34	40	45	51	57
90	1	2	3	4	5	6	7	8	9	11	12	13	14	15	16	17	18	19	21	22	23	24	25	26	27	28	29	31	32	33	38	44	49	55
95	1	2	3	4	5	6	7	8	9	10	11	12	13	14	15	16	17	18	20	21	22	23	24	25	26	27	28	29	30	31	36	42	47	52

Table of Contents

(Table of Contents) - This page contains the table of contents for the book, listing the chapters and their respective page numbers.

Chapter I	1
Chapter II	15
Chapter III	30
Chapter IV	45
Chapter V	60
Chapter VI	75
Chapter VII	90
Chapter VIII	105
Chapter IX	120
Chapter X	135
Chapter XI	150
Chapter XII	165
Chapter XIII	180
Chapter XIV	195
Chapter XV	210
Chapter XVI	225
Chapter XVII	240
Chapter XVIII	255
Chapter XIX	270
Chapter XX	285
Chapter XXI	300
Chapter XXII	315
Chapter XXIII	330
Chapter XXIV	345
Chapter XXV	360
Chapter XXVI	375
Chapter XXVII	390
Chapter XXVIII	405
Chapter XXIX	420
Chapter XXX	435
Chapter XXXI	450
Chapter XXXII	465
Chapter XXXIII	480
Chapter XXXIV	495
Chapter XXXV	510
Chapter XXXVI	525
Chapter XXXVII	540
Chapter XXXVIII	555
Chapter XXXIX	570
Chapter XL	585
Chapter XLI	600
Chapter XLII	615
Chapter XLIII	630
Chapter XLIV	645
Chapter XLV	660
Chapter XLVI	675
Chapter XLVII	690
Chapter XLVIII	705
Chapter XLIX	720
Chapter L	735
Chapter LI	750
Chapter LII	765
Chapter LIII	780
Chapter LIV	795
Chapter LV	810
Chapter LVI	825
Chapter LVII	840
Chapter LVIII	855
Chapter LIX	870
Chapter LX	885
Chapter LXI	900
Chapter LXII	915
Chapter LXIII	930
Chapter LXIV	945
Chapter LXV	960
Chapter LXVI	975
Chapter LXVII	990
Chapter LXVIII	1005
Chapter LXIX	1020
Chapter LXX	1035
Chapter LXXI	1050
Chapter LXXII	1065
Chapter LXXIII	1080
Chapter LXXIV	1095
Chapter LXXV	1110
Chapter LXXVI	1125
Chapter LXXVII	1140
Chapter LXXVIII	1155
Chapter LXXIX	1170
Chapter LXXX	1185
Chapter LXXXI	1200
Chapter LXXXII	1215
Chapter LXXXIII	1230
Chapter LXXXIV	1245
Chapter LXXXV	1260
Chapter LXXXVI	1275
Chapter LXXXVII	1290
Chapter LXXXVIII	1305
Chapter LXXXIX	1320
Chapter LXXXX	1335
Chapter LXXXXI	1350
Chapter LXXXXII	1365
Chapter LXXXXIII	1380
Chapter LXXXXIV	1395
Chapter LXXXXV	1410
Chapter LXXXXVI	1425
Chapter LXXXXVII	1440
Chapter LXXXXVIII	1455
Chapter LXXXXIX	1470
Chapter LXXXXX	1485
Chapter LXXXXXI	1500
Chapter LXXXXXII	1515
Chapter LXXXXXIII	1530
Chapter LXXXXXIV	1545
Chapter LXXXXXV	1560
Chapter LXXXXXVI	1575
Chapter LXXXXXVII	1590
Chapter LXXXXXVIII	1605
Chapter LXXXXXIX	1620
Chapter LXXXXXX	1635
Chapter LXXXXXXI	1650
Chapter LXXXXXXII	1665
Chapter LXXXXXXIII	1680
Chapter LXXXXXXIV	1695
Chapter LXXXXXXV	1710
Chapter LXXXXXXVI	1725
Chapter LXXXXXXVII	1740
Chapter LXXXXXXVIII	1755
Chapter LXXXXXXIX	1770
Chapter LXXXXXXX	1785
Chapter LXXXXXXXI	1800
Chapter LXXXXXXXII	1815
Chapter LXXXXXXXIII	1830
Chapter LXXXXXXXIV	1845
Chapter LXXXXXXXV	1860
Chapter LXXXXXXXVI	1875
Chapter LXXXXXXXVII	1890
Chapter LXXXXXXXVIII	1905
Chapter LXXXXXXXIX	1920
Chapter LXXXXXXXI	1935
Chapter LXXXXXXXII	1950
Chapter LXXXXXXXIII	1965
Chapter LXXXXXXXIV	1980
Chapter LXXXXXXXV	1995
Chapter LXXXXXXXVI	2010
Chapter LXXXXXXXVII	2025
Chapter LXXXXXXXVIII	2040
Chapter LXXXXXXXIX	2055
Chapter LXXXXXXXI	2070
Chapter LXXXXXXXII	2085
Chapter LXXXXXXXIII	2100
Chapter LXXXXXXXIV	2115
Chapter LXXXXXXXV	2130
Chapter LXXXXXXXVI	2145
Chapter LXXXXXXXVII	2160
Chapter LXXXXXXXVIII	2175
Chapter LXXXXXXXIX	2190
Chapter LXXXXXXXI	2205
Chapter LXXXXXXXII	2220
Chapter LXXXXXXXIII	2235
Chapter LXXXXXXXIV	2250
Chapter LXXXXXXXV	2265
Chapter LXXXXXXXVI	2280
Chapter LXXXXXXXVII	2295
Chapter LXXXXXXXVIII	2310
Chapter LXXXXXXXIX	2325
Chapter LXXXXXXXI	2340
Chapter LXXXXXXXII	2355
Chapter LXXXXXXXIII	2370
Chapter LXXXXXXXIV	2385
Chapter LXXXXXXXV	2400
Chapter LXXXXXXXVI	2415
Chapter LXXXXXXXVII	2430
Chapter LXXXXXXXVIII	2445
Chapter LXXXXXXXIX	2460
Chapter LXXXXXXXI	2475
Chapter LXXXXXXXII	2490
Chapter LXXXXXXXIII	2505
Chapter LXXXXXXXIV	2520
Chapter LXXXXXXXV	2535
Chapter LXXXXXXXVI	2550
Chapter LXXXXXXXVII	2565
Chapter LXXXXXXXVIII	2580
Chapter LXXXXXXXIX	2595
Chapter LXXXXXXXI	2610
Chapter LXXXXXXXII	2625
Chapter LXXXXXXXIII	2640
Chapter LXXXXXXXIV	2655
Chapter LXXXXXXXV	2670
Chapter LXXXXXXXVI	2685
Chapter LXXXXXXXVII	2700
Chapter LXXXXXXXVIII	2715
Chapter LXXXXXXXIX	2730
Chapter LXXXXXXXI	2745
Chapter LXXXXXXXII	2760
Chapter LXXXXXXXIII	2775
Chapter LXXXXXXXIV	2790
Chapter LXXXXXXXV	2805
Chapter LXXXXXXXVI	2820
Chapter LXXXXXXXVII	2835
Chapter LXXXXXXXVIII	2850
Chapter LXXXXXXXIX	2865
Chapter LXXXXXXXI	2880
Chapter LXXXXXXXII	2895
Chapter LXXXXXXXIII	2910
Chapter LXXXXXXXIV	2925
Chapter LXXXXXXXV	2940
Chapter LXXXXXXXVI	2955
Chapter LXXXXXXXVII	2970
Chapter LXXXXXXXVIII	2985
Chapter LXXXXXXXIX	3000
Chapter LXXXXXXXI	3015
Chapter LXXXXXXXII	3030
Chapter LXXXXXXXIII	3045
Chapter LXXXXXXXIV	3060
Chapter LXXXXXXXV	3075
Chapter LXXXXXXXVI	3090
Chapter LXXXXXXXVII	3105
Chapter LXXXXXXXVIII	3120
Chapter LXXXXXXXIX	3135
Chapter LXXXXXXXI	3150
Chapter LXXXXXXXII	3165
Chapter LXXXXXXXIII	3180
Chapter LXXXXXXXIV	3195
Chapter LXXXXXXXV	3210
Chapter LXXXXXXXVI	3225
Chapter LXXXXXXXVII	3240
Chapter LXXXXXXXVIII	3255
Chapter LXXXXXXXIX	3270
Chapter LXXXXXXXI	3285
Chapter LXXXXXXXII	3300
Chapter LXXXXXXXIII	3315
Chapter LXXXXXXXIV	3330
Chapter LXXXXXXXV	3345
Chapter LXXXXXXXVI	3360
Chapter LXXXXXXXVII	3375
Chapter LXXXXXXXVIII	3390
Chapter LXXXXXXXIX	3405
Chapter LXXXXXXXI	3420
Chapter LXXXXXXXII	3435
Chapter LXXXXXXXIII	3450
Chapter LXXXXXXXIV	3465
Chapter LXXXXXXXV	3480
Chapter LXXXXXXXVI	3495
Chapter LXXXXXXXVII	3510
Chapter LXXXXXXXVIII	3525
Chapter LXXXXXXXIX	3540
Chapter LXXXXXXXI	3555
Chapter LXXXXXXXII	3570
Chapter LXXXXXXXIII	3585
Chapter LXXXXXXXIV	3600
Chapter LXXXXXXXV	3615
Chapter LXXXXXXXVI	3630
Chapter LXXXXXXXVII	3645
Chapter LXXXXXXXVIII	3660
Chapter LXXXXXXXIX	3675
Chapter LXXXXXXXI	3690
Chapter LXXXXXXXII	3705
Chapter LXXXXXXXIII	3720
Chapter LXXXXXXXIV	3735
Chapter LXXXXXXXV	3750
Chapter LXXXXXXXVI	3765
Chapter LXXXXXXXVII	3780
Chapter LXXXXXXXVIII	3795
Chapter LXXXXXXXIX	3810
Chapter LXXXXXXXI	3825
Chapter LXXXXXXXII	3840
Chapter LXXXXXXXIII	3855
Chapter LXXXXXXXIV	3870
Chapter LXXXXXXXV	3885
Chapter LXXXXXXXVI	3900
Chapter LXXXXXXXVII	3915
Chapter LXXXXXXXVIII	3930
Chapter LXXXXXXXIX	3945
Chapter LXXXXXXXI	3960
Chapter LXXXXXXXII	3975
Chapter LXXXXXXXIII	3990
Chapter LXXXXXXXIV	4005
Chapter LXXXXXXXV	4020
Chapter LXXXXXXXVI	4035
Chapter LXXXXXXXVII	4050
Chapter LXXXXXXXVIII	4065
Chapter LXXXXXXXIX	4080
Chapter LXXXXXXXI	4095
Chapter LXXXXXXXII	4110
Chapter LXXXXXXXIII	4125
Chapter LXXXXXXXIV	4140
Chapter LXXXXXXXV	4155
Chapter LXXXXXXXVI	4170
Chapter LXXXXXXXVII	4185
Chapter LXXXXXXXVIII	4200
Chapter LXXXXXXXIX	4215
Chapter LXXXXXXXI	4230
Chapter LXXXXXXXII	4245
Chapter LXXXXXXXIII	4260
Chapter LXXXXXXXIV	4275
Chapter LXXXXXXXV	4290
Chapter LXXXXXXXVI	4305
Chapter LXXXXXXXVII	4320
Chapter LXXXXXXXVIII	4335
Chapter LXXXXXXXIX	4350
Chapter LXXXXXXXI	4365
Chapter LXXXXXXXII	4380
Chapter LXXXXXXXIII	4395
Chapter LXXXXXXXIV	4410
Chapter LXXXXXXXV	4425
Chapter LXXXXXXXVI	4440
Chapter LXXXXXXXVII	4455
Chapter LXXXXXXXVIII	4470
Chapter LXXXXXXXIX	4485
Chapter LXXXXXXXI	4500
Chapter LXXXXXXXII	4515
Chapter LXXXXXXXIII	4530
Chapter LXXXXXXXIV	4545
Chapter LXXXXXXXV	4560
Chapter LXXXXXXXVI	4575
Chapter LXXXXXXXVII	4590
Chapter LXXXXXXXVIII	4605
Chapter LXXXXXXXIX	4620
Chapter LXXXXXXXI	4635
Chapter LXXXXXXXII	4650
Chapter LXXXXXXXIII	4665
Chapter LXXXXXXXIV	4680
Chapter LXXXXXXXV	4695
Chapter LXXXXXXXVI	4710
Chapter LXXXXXXXVII	4725
Chapter LXXXXXXXVIII	4740
Chapter LXXXXXXXIX	4755
Chapter LXXXXXXXI	4770
Chapter LXXXXXXXII	4785
Chapter LXXXXXXXIII	4800
Chapter LXXXXXXXIV	4815
Chapter LXXXXXXXV	4830
Chapter LXXXXXXXVI	4845
Chapter LXXXXXXXVII	4860
Chapter LXXXXXXXVIII	4875
Chapter LXXXXXXXIX	4890
Chapter LXXXXXXXI	4905
Chapter LXXXXXXXII	4920
Chapter LXXXXXXXIII	4935
Chapter LXXXXXXXIV	4950
Chapter LXXXXXXXV	4965
Chapter LXXXXXXXVI	4980
Chapter LXXXXXXXVII	4995
Chapter LXXXXXXXVIII	5010
Chapter LXXXXXXXIX	5025
Chapter LXXXXXXXI	5040
Chapter LXXXXXXXII	5055
Chapter LXXXXXXXIII	5070
Chapter LXXXXXXXIV	5085
Chapter LXXXXXXXV	5100
Chapter LXXXXXXXVI	5115
Chapter LXXXXXXXVII	5130
Chapter LXXXXXXXVIII	5145
Chapter LXXXXXXXIX	5160
Chapter LXXXXXXXI	5175
Chapter LXXXXXXXII	5190
Chapter LXXXXXXXIII	5205
Chapter LXXXXXXXIV	5220
Chapter LXXXXXXXV	5235
Chapter LXXXXXXXVI	5250
Chapter LXXXXXXXVII	5265
Chapter LXXXXXXXVIII	5280
Chapter LXXXXXXXIX	5295
Chapter LXXXXXXXI	5310
Chapter LXXXXXXXII	5325
Chapter LXXXXXXXIII	5340
Chapter LXXXXXXXIV	5355
Chapter LXXXXXXXV	5370
Chapter LXXXXXXXVI	5385
Chapter LXXXXXXXVII	5400
Chapter LXXXXXXXVIII	5415
Chapter LXXXXXXXIX	5430
Chapter LXXXXXXXI	5445
Chapter LXXXXXXXII	5460
Chapter LXXXXXXXIII	5475
Chapter LXXXXXXXIV	5490
Chapter LXXXXXXXV	5505
Chapter LXXXXXXXVI	5520
Chapter LXXXXXXXVII	5535
Chapter LXXXXXXXVIII	5550
Chapter LXXXXXXXIX	5565
Chapter LXXXXXXXI	5580
Chapter LXXXXXXXII	5595
Chapter LXXXXXXXIII	5610
Chapter LXXXXXXXIV	5625
Chapter LXXXXXXXV	5640
Chapter LXXXXXXXVI	5655
Chapter LXXXXXXXVII	5670
Chapter LXXXXXXXVIII	5685
Chapter LXXXXXXXIX	5700
Chapter LXXXXXXXI	5715
Chapter LXXXXXXXII	5730
Chapter LXXXXXXXIII	5745
Chapter LXXXXXXXIV	5760
Chapter LXXXXXXXV	5775
Chapter LXXXXXXXVI	5790
Chapter LXXXXXXXVII	5805
Chapter LXXXXXXXVIII	5820
Chapter LXXXXXXXIX	5835
Chapter LXXXXXXXI	5850
Chapter LXXXXXXXII	5865
Chapter LXXXXXXXIII	5880
Chapter LXXXXXXXIV	5895
Chapter LXXXXXXXV	5910
Chapter LXXXXXXXVI	5925
Chapter LXXXXXXXVII	5940
Chapter LXXXXXXXVIII	5955
Chapter LXXXXXXXIX	5970
Chapter LXXXXXXXI	5985
Chapter LXXXXXXXII	6000
Chapter LXXXXXXXIII	6015
Chapter LXXXXXXXIV	6030
Chapter LXXXXXXXV	6045
Chapter LXXXXXXXVI	6060
Chapter LXXXXXXXVII	6075
Chapter LXXXXXXXVIII	6090
Chapter LXXXXXXXIX	6105
Chapter LXXXXXXXI	6120
Chapter LXXXXXXXII	6135
Chapter LXXXXXXXIII	6150
Chapter LXXXXXXXIV	6165
Chapter LXXXXXXXV	6180
Chapter LXXXXXXXVI	6195
Chapter LXXXXXXXVII	6210
Chapter LXXXXXXXVIII	6225
Chapter LXXXXXXXIX	6240
Chapter LXXXXXXXI	6255
Chapter LXXXXXXXII	6270
Chapter LXXXXXXXIII	6285
Chapter LXXXXXXXIV	6300
Chapter LXXXXXXXV	6315
Chapter LXXXXXXXVI	6330
Chapter LXXXXXXXVII	6345
Chapter LXXXXXXXVIII	6360
Chapter LXXXXXXXIX	6375
Chapter LXXXXXXXI	6390
Chapter LXXXXXXXII	6405
Chapter LXXXXXXXIII	6420
Chapter LXXXXXXXIV	6435
Chapter LXXXXXXXV	6450
Chapter LXXXXXXXVI	6465
Chapter LXXXXXXXVII	6480
Chapter LXXXXXXXVIII	6495
Chapter LXXXXXXXIX	6510
Chapter LXXXXXXXI	6525
Chapter LXXXXXXXII	6540
Chapter LXXXXXXXIII	6555
Chapter LXXXXXXXIV	6570
Chapter LXXXXXXXV	6585
Chapter LXXXXXXXVI	6600
Chapter LXXXXXXXVII	6615
Chapter LXXXXXXXVIII	6630
Chapter LXXXXXXXIX	6645
Chapter LXXXXXXXI	6660
Chapter LXXXXXXXII	6675
Chapter LXXXXXXXIII	6690
Chapter LXXXXXXXIV	6705
Chapter LXXXXXXXV	6720
Chapter LXXXXXXXVI	6735
Chapter LXXXXXXXVII	6750
Chapter LXXXXXXXVIII	6765
Chapter LXXXXXXXIX	6780
Chapter LXXXXXXXI	6795
Chapter LXXXXXXXII	6810
Chapter LXXXXXXXIII	6825
Chapter LXXXXXXXIV	6840
Chapter LXXXXXXXV	6855
Chapter LXXXXXXXVI	6870
Chapter LXXXXXXXVII	6885
Chapter LXXXXXXXVIII	6900
Chapter LXXXXXXXIX	6915
Chapter LXXXXXXXI	6930
Chapter LXXXXXXXII	6945
Chapter LXXXXXXXIII	6960
Chapter LXXXXXXXIV	6975
Chapter LXXXXXXXV	6990
Chapter LXXXXXXXVI	7005
Chapter LXXXXXXXVII	7020
Chapter LXXXXXXXVIII	7035
Chapter LXXXXXXXIX	7050
Chapter LXXXXXXXI	7065
Chapter LXXXXXXXII	7080
Chapter LXXXXXXXIII	7095
Chapter LXXXXXXXIV	7110
Chapter LXXXXXXXV	7125
Chapter LXXXXXXXVI	7140
Chapter LXXXXXXXVII	7155
Chapter LXXXXXXXVIII	7170
Chapter LXXXXXXXIX	7185
Chapter LXXXXXXXI	7200
Chapter LXXXXXXXII	7215
Chapter LXXXXXXXIII	7230
Chapter LXXXXXXXIV	7245
Chapter LXXXXXXXV	7260
Chapter LXXXXXXXVI	7275
Chapter LXXXXXXXVII	7290
Chapter LXXXXXXXVIII	7305
Chapter LXXXXXXXIX	7320
Chapter LXXXXXXXI	7335
Chapter LXXXXXXXII	7350
Chapter LXXXXXXXIII	7365
Chapter LXXXXXXXIV	7380
Chapter LXXXXXXXV	7395
Chapter LXXXXXXXVI	7410
Chapter LXXXXXXXVII	7425
Chapter LXXXXXXXVIII	7440
Chapter LXXXXXXXIX	7455
Chapter LXXXXXXXI	7470
Chapter LXXXXXXXII	7485
Chapter LXXXXXXXIII	7500
Chapter LXXXXXXXIV	7515
Chapter LXXXXXXXV	7530
Chapter LXXXXXXXVI	7545
Chapter LXXXXXXXVII	7560
Chapter LXXXXXXXVIII	7575
Chapter LXXXXXXXIX	7590
Chapter LXXXXXXXI	7605
Chapter LXXXXXXXII	7620
Chapter LXXXXXXXIII	7635
Chapter LXXXXXXXIV	7650
Chapter LXXXXXXXV	7665
Chapter LXXXXXXXVI	7680
Chapter LXXXXXXXVII	7695
Chapter LXXXXXXXVIII	7710
Chapter LXXXXXXXIX	7725
Chapter LXXXXXXXI	7740
Chapter LXXXXXXXII	7755
Chapter LXXXXXXXIII	7770
Chapter LXXXXXXXIV	7785
Chapter LXXXXXXXV	7800
Chapter LXXXXXXXVI	7815
Chapter LXXXXXXXVII	7830
Chapter LXXXXXXXVIII	7845
Chapter LXXXXXXXIX	7860
Chapter LXXXXXXXI	7875
Chapter LXXXXXXXII	7890
Chapter LXXXXXXXIII	7905
Chapter LXXXXXXXIV	7920
Chapter LXXXXXXXV	7935
Chapter LXXXXXXXVI	7950
Chapter LXXXXXXXVII	7965
Chapter LXXXXXXXVIII	7980
Chapter LXXXXXXXIX	7995
Chapter LXXXXXXXI	8010
Chapter LXXXXXXXII	8025
Chapter LXXXXXXXIII	8040
Chapter LXXXXXXXIV	8055
Chapter LXXXXXXXV	8070
Chapter LXXXXXXXVI	8085
Chapter LXXXXXXXVII	8100
Chapter LXXXXXXXVIII	8115
Chapter LXXXXXXXIX	8130
Chapter LXXXXXXXI	8145
Chapter LXXXXXXXII	8160

Quæstio XIII.

*Quantum Telescopium quodcunque censetur augere diametrum apparentem
cujuscunque objecti?*

Varii sunt modi atque praxes explorandi diametrum apparentem alicujus objecti per Telescopium aspecti. Primus communissimus modus fundatur in hac regulâ, quæ à pluribus traditur: Augeri nempe apparentem objecti diametrum secundum rationem Lentis objectivæ convexæ ad specillum oculare, hoc est, secundum rationem diametri convexitatis aut foci distantia Lentis objectivæ ad diametrum convexitatis aut concavitatis, vel foci realis aut virtualis distantiam Lentis ocularis convexæ vel concavæ. Ex. grat. Si Lentis objectivæ plano-convexæ diameter sit 3. pedum, ocularis autem specilli plano-convexi adhibiti in eodem Telescopio diameter sit $\frac{2}{100}$ unius pedis: augeret Telescopium ex tali combinatione diametrum apparentem duodecies, adeoque superficiem faceret apparere vicibus 144. majorem. Eadem prorsus ratio esset, si ad Lentem priorem objectivam adhiberetur specillum plano-concavum, cujus concavitatis diameter esset $\frac{2}{100}$ augeret siquidem similiter ut antea objecti diametrum apparentem duodenis vicibus.

Primus
modus ex-
plorandi
diametrum
apparen-
tem.

Quia tamen Lentes sæpe sunt compositæ ex dissimilibus sphericitatibus, & focos earum facilius possumus inquirere, quàm earundem compositas diametros, etiam juxta distantias focorum similem rationem possumus instituere, & augmentum diametri apparentis arguere. Unde si foret Lens convexa objectiva, quæ focum removeret ad distantiam 3. pedum, oculare verò specillum focum haberet ad distantiam $\frac{2}{100}$ pedis, augeret iterum Tubus ex talium Lentium coordinatione diametrum apparentem duodecies, ac consequenter superficiem 144. vicibus ampliorem exhiberet. Hinc etiam sequitur, quod si dentur duo Telescopia licet diversarum Lentium, quæ tamen utrinque eandem habeant rationem inter se, quod apparens diameter futura sit æqualis, adeoque duo ista Telescopia etsi ex diversis Lentibus constructa, eundem sint habitura effectum in augmento diametri apparentis. Verùm, ut Lector facile scire possit adhibitis in aliquo Telescopio quibusvis Lentibus, quoties diameter apparens augeri possit, juxta indicatam regulam, præsentem Tabulam ordinavimus, in cujus laterali primâ serie sive columnâ exhibentur Lentes oculares in earum diametris aut focis per centesimas particulas famosæ alicujus mensuræ indicatis; in superiori verò transversâ serie notatæ sunt Lentes convexæ objectivæ per numeros pedum aut quarumlibet aliarum famosarum mensurarum geometricarum; in medio autem abaco quicunque numeri in communi aliquâ areolâ collocati directè hinc inde respiciunt numeros in diversis exterioribus columnis expressos, indicant diametrum apparentem ex ejusmodi Lentium in Tubo collocatarum adhibitione. Negleximus tamen minutias aut fractiones apponere, ne Tabula nimium figuris repleta confusionem potius pareret, aut nimium saltem expandi deberet, cum parum intersit eas scire, nec aliunde tam præcisè hoc negotium pertractare valeamus. Facile igitur ex hac Tabulâ addisci poterit, qui Tubi etiam ex diversis planè Lentibus constructi in effectum tamen esse possint æquales, & quisnam alium in virtute superare possit.

Tabula.

Hæc tamen regula jam exposita, quæ ab aliis etiam demonstratur, non placet Dechales Dioptr. lib. 2. pro. 54. unde ait. Examinatis in rigore geometrico eorum ratiociniis, inveni in omnibus evidentes paralogismos: imò non video, in

Prior mo-
dus impro-
batur à De-
chales.

quo fundari possit suspicio, ita rem se habere. Proferunt igitur tanquam certum & indubitatum, quod si comparentur duo Telescopia, quarum Lentes eandem habeant inter se rationem, sit futura apparens objecti diameter æqualis. Hoc enim non video esse verum, imò si simplex ratiocinatio adhibeatur, contrarium haud dubiè suadebit. Certum est enim imaginem Lentis convexæ majoris majorem esse, cui si adhibeatur concavum oculare proportionatum, augebitur certo & proportionato incremento apparens objecti imago: pariter minoris imago minor est, cui supponitur Lens concava proportionata adhiberi. Ergò incrementum eandem habebit rationem. Quare imago resultans ex majori objectivo cum suo oculari, si eadem proportio observetur, ac in parvo Telescopio, debet necessariò major esse; si nempe secludatur oculus, & comparentur hæc duo Telescopia in ordine ad aliquam imaginem distinctam in chartâ habendam, ut facimus, dum maculas Solares intuemur. Si verò jam adhibeatur oculus: quia idem est oculus, nec alius adhibetur in Telescopio majore, quàm minore: video quidem non observari in hoc omninò eandem rationem, favet enim identitas oculi minori Telescopio. Nam etiam si sit eadem ratio diametrorum Lentium utriusque in duobus Telescopiis, cum conjungitur oculus fit aggregatum Lentis ocularis, & oculi longè diversum. Ponamus enim Lentem ocularem concavam esse minoris concavitatis, quàm sit convexitas crystallini, ita ut aggregatum æqualeat specillo concavo. Crystallinus idem corrigit utramque Lentem concavam, sed non eodem modo, saltem non proportionato, cum idem sit crystallinus. Quod melius adhuc ostendetur, si aggregatum restaret convexum; esset enim in minori Telescopio æquivalentia majoris Lentis convexæ, quæ addita primæ Lenti objectivæ scilicet, minùs minueret ejus basim distinctionis, quàm aggregatum ex Lente majore, & crystallino, quod æquivaleret convexæ Lenti minoris diametri, à qua scilicet minus detractum esset de convexitate per additionem specilli concavi minùs acuti.

Hæc quidem benè *Dechales*, si rigorem Geometricum attendere velimus, in praxi tamen, ac præcipuè in majoribus Tubis, ut ipse expertus sum, nihilominus Regula hæc non multum aberrat ab aliis modis practicis, per quos diameter apparens explorari potest; unde ipse quoque rursus accedens paulo post hæc subnectit.

Si superius allata Regula valeret, nempe augeri apparentem objecti diametrum secundum proportionem diametri sphericitatis specilli ocularis ad diametrum convexitatis Lentis objectivæ, sequeretur inquam, Telescopia majora in eo tantum brevioribus præstare, quod majores Lentes minus segmentum suæ sphæræ contineant, quàm minores, ideoque radios exactius uniant; ex quo fit ut patientes sint acutioris, ut vocant, ocularis, quod consequenter imaginem magis augeat sine dispendio perspicuitatis. Assumptâ tanquam verâ superiore Regulâ faciliè oblatis duobus Telescopiis determinabimus, utrum objecti apparentiam magis augeat, & in qua proportionem id præstet, si nempe utriusque Lentis sphericitatem aut potius focum comparemus: illud enim in quo major erit Lentis objectivæ ad ocularem proportio, objectum magis augebit; quod si præstet sine dispendio perspicuitatis, melioris notæ censendum est. Hæc *Dechales*. Sed nunc & alios modos practicos, quibus apparens diameter cujusvis objecti per quodvis Telescopium deprehendi possit, afferamus.

Modus ali-
us practice
exploran-
di diame-
trum appa-
rentem.

Galileus in Nuntio Siderio hunc indicat modum. Accipe chartam parvam, & aliam quater centies majorem, id est, cujus diameter sit alia vigecupla: infige eas parieti, & inspice unam Tubo, aliam oculo, & oportet ut tibi ejusdem appareant magnitudinis. Hic autem Tubus aptus erit ad videnda in Lunâ, & ea quæ ego vidi. Ita *Galileus*. Melius *Dechales* loco sup, cit. Assumatur regula lignea
cujus.

cujuscunque longitudinis, quæ dividatur in partes quotcunque æquales colore valdè conspicuo distinctas : hæc Regula statuatur in aliquâ distantia 100. verg. gr. passuum, ita tamen, ut oculo nudo videri possit : tunc per Telescopium respiciatur hæc regula, & simul altero oculo aperto sine Telescopio videatur : videbitur duplex hæc regula multoq; major per Telescopium apparebit, quàm sine Telescopio. Si duplex Regulæ apparentia separata apparet; promoveatur sensim Telescopium versus apparentiam simplicem, donec extrema apparentiarum concurrant, videbisque quot partibus Regulæ divisæ & per Telescopium conspectæ respondeat apparentia simplex. Supponamus apparentiam simplicem tegere 5. hujusmodi partes: dices apparentiam simplicem ad apparentiam Telescopio exhibitam se habere ut 5. ad 100. seu 1. ad 20. Augetur ergò per Telescopium diameter apprensæ objecti vigecuplo.

Ego communiter ubi nunc habito, ita soleo explorare diametros apparentes per Tubos ordinarios. Tubum ex. gr. expono versus remotiorem aliquam domum tegulis planis obtectam; itaque dirigo Tubum, ut uno quidem oculo ad Tubum applicato videam omnes superiores tegulas ad rectam lineam dispositas; alterum verò oculum etiam ita accommodo, ut simplici visione eandem domum aspiciam, eandem quoque domum ad easdem tegulas reducam, videamque quot tegulas tota domus simplici visione aspecta obtegat vel occupet. Cum itaque exem. gr. aliquando inveniissem simplicem visionem totius domus occupare tegulas 4. & in recti lineæ superiori numerassem tegulas 64. benè potui ratiocinari, Tubum adhibitum augere objecti diametrum apparentem vicibus 16.

Praxis Authoris.

Alii hoc modo rem expediunt, ut *Dechales* loco sup. cit. tradit. Tubum Telescopicum reticulatis cancellis instruunt, ex filis scilicet tenuissimis se ad angulos rectos interfecantibus rete componunt (ego puto melius fieri per impositionem plani vitri clarissimi, in quo incisuræ colore nigro imbutæ tenuissimè ad modum retis efformatæ sunt) & ante Lentem ocularem statuunt in ipso Tubo: tum objectum præcipuè lucidum Telescopio ita comparato intuentur ut Lunam, cujus discus apparet reticulatus, seu in quadrata divisus: altero oculo Lunam respiciunt, itaque Telescopium sensim detorquent, ut apparentia simplex supra apparentiam Telescopio auctam incumbat, notaturque quot partes diametri auferat: quod quidem facillimum est, cum totus discus Lunæ appareat divisus in partes æquales.

Alia praxis indicatur.

Est adhuc alia æstimandi augmenti ratio, sed parùm ex vero, ut ait *Christianus Hugenius in System. Saturn* cum absque ullâ anguli consideratione apparentem perspicillo alicujus rei magnitudinem determinamus; velut cum Jovis orbem circello duorum aut trium digitorum latitudine æqualem nobis cerni putamus. At enim, cum idem circulus trium puta digitorum diametro major minorve necessario appareat pro diversâ sui ab oculo distantia, nonne etiam adjiciendum sit, quanto intervallo conspectus circulus disco Jovis æqualis conatur? Profecto nisi hoc addatur, nihil certi eâ comparatione designari videtur. Et tamen ratio subest, cur magis una quæpiam, quàm alia magnitudo imagini visæ tribuatur, & quidem à pluribus sæpe spectatoribus eadem. Fallacem omninò esse hoc modo initam æstimationem, inde liquet, pergit *Hugenius*, quod Luna aut aliquo signo cælesti velut Orione propè Horizontem conspecto, idem longè majus visus judicet, quàm ubi altè jam ac supra verticem penè adstiterit, cum tamen hic nihilo minori angulo illud comprehendere certum sit; in his autem quæ Telescopio contuemur, major adhuc error contingit. Nam cum ex. gr. vel triplo latior secundum diametrum appareat Jupiter oculo altero per Telescopium nostrum spectatus, quàm Luna oculo altero vacuo, atque adeo utraque hæc specie

Modus aliquis ab Hugenio improbat.

in unum convenire iussa latè à Jove Luna contegatur: nihilominus cum seorsim Jupiter inspicitur, trium circiter digitorum latitudinem plerisque spectatoribus æquare tantummodo existimatur: quanquam aliquos repererim, qui disco Lunari æqualem faciebant, atque ita tertiam partem saltem tribuebant ejus, quæ re ipsa apparet amplitudinis. Quamobrem de multiplicatione Telescopii malè hoc modo inquiri certum est. Ita *Hugenius*.

Indicatur
praxis
alia.

Sed placet obiter adhuc modum aliquem subindicare, quo curiosè tentavi atque putavi satis accuratè me posse diametros appatentes per quodcunque Telescopium deprehendere. Imprimis in camera obscura exposui Tubum cum Lente objectivâ solâ, & apposito intus ad foci ejusdem Lentis distantiam vitro plano, ex una quidem parte politissimo, ex alterâ verò parte tenuissima attritione obfuscato, ut hoc exciperem imaginem nitidissimam alicujus objecti: exceptam circino diametrum projectæ imaginis transtuli in chartam planissimam, & Lente eâ oculari convexâ, quæ ad objectivam priorem aliàs in Tubo adhibebatur, tanquam microscopio inspexi, ut viderem, quoties hæc translata magnitudo augeri posset, eo modo, ut infra in fund. 3. Synt. 2. cap. 2. dicitur. Verùm semper inveni minus augmentum, quàm per priores alias praxes ac modos, diametros apparentes explorandi invenire potui.

Quæstio XIV.

An objectum quod est minus alio potest per idem Telescopium eodem loco similiter adhibitum comparere majus altero?


Respondeo, omninò id fieri posse. Sint enim duo objecta AB & CD non multum dissita, quorum AB majus ipso CD, ita tamen sint collocata, ut simplici seu naturali visione spectata ex loco E eundem in oculo forment angulum E. Dico quod loco E, si per idem Telescopium ambo ista objecta aspiciantur, CD comparere possit majus ipso AB. Ratio est, quia objectum quò propinquius est foco alicujus Lentis, eò majorem imaginem post Lentem efformat, ut supra demonstratum. Quò autem major est imago, eò etiam majus objectum vi illius imaginis spectari potest. Unde quia CD ponitur propinquius quàm AB, etiam majorem imaginem in Tubo obtinere debet, ac consequenter CD quod minus est AB, potest per idem Telescopium eodem loco E adhibitum majus comparere, quàm AB. Debent tamen hæc objecta non multum esse dissita: quia si nimium distarent, ita ut eorum radii à singulis punctis ad Lentem objectivam progressi censerentur pro physicè parallelis, differentia insensibilis esset.

Nam cum radii penicillorum sensibilibiter sint paralleli, non poterunt fieri magis aut minus paralleli, ac consequenter neque imago sensibilibiter fieri propior aut remotior, minor aut major.

Quæ.

ICONISMUS XIX

Icon. XIX.



Quæstio XV.

Quomodo ex quovis Telescopio fieri possit Engyscopium?

FAcilè quodvis Telescopium in Engyscopium converti potest, præcipuè si duabus duntaxat Lentibus constet, hoc modo. Protrahatur Tubus cum Lente objectivâ, & apponatur objectum vicinius ipsi Lenti objectivæ, non tamèn ita vicinùm, ut intra distantiam foci ejusdem Lentis existat, fiet, ut multò majus objectum conspici possit. Nam quia objectum ita propè locatum removel basim communem distinctionis, ac imaginem majorem projicit; si itaque per Lentem concavam ante concursum radiorum debite excipiatur radiosus profluxus, aut per Lentem ocularem convexam, vel etiam quamcunque Telescopicam posteriorem ordinationem imago in Tubo efformata ad oculum trajiciatur; etiam in fundo oculi imago multò major efformari poterit, adeoque objectum ita ut dictum est, collocatum, multò majus etiam spectari. Hoc igitur modo ex Telescopio Engyscopium facile parari poterit. Hinc patet quoque ad quamlibet Tubi longitudinem & educationem majorem consuetâ (dum nempe ad objecta remota alias adhibetur) posse inveniri distantiam objecti, in quâ distinctè videri possit; & vicissim posito objecto in quâvis distantia (dummodo non sit intra foci objectivæ Lentis distantiam, ut jam indicatum) potest Tubus ita apparari, & adaptari, ut distinctè percipi possit. Quia dum solum ratione distantie objecti aliter atque aliter ad aliam atque aliam distantiam concursus radiorum pro distinctâ imagine efformanda in Tubo perficitur; si Tubus ita accommodetur, ut imago per alias Lentes appositas probè excipiatur, & in oculum inducatur, distincta objecti visio etiam obtineri potest. Ejusmodi apratione Telescopii, dum in Engyscopium convertitur, mira & valdè

Mutatione
Telescopii
in Engy-
scopium
mira spe-
ctacula ex-
hiberi pos-
sunt.

curiosa rerum spectacula exhiberi possunt. Sic quæ minima aliàs sunt, & communis visionis acumen fugiunt, ingenti magnitudine diducta & aucta in conspectum adducere possumus. Ita ligna putrida, festucae, semina, arenæ, cineres, lapilli, sarmenta, pulveres quicunque, minimæ herbulæ, flosculi, animalcula, atque alia quamplurima, quæ sine Tubo aliàs videri in loco aliquo non possunt, mirabiliter augeri, & ita admirandâ magnitudine aucta exhiberi possunt. Hoc modo docet *Kircherus* de Luc. & umb. lib. 10. in Magia parastat. & ex ipso *Schorius* Mag. nat. part. 1. lib. 10. c. 4. montes, flumina, maria, immensas corporum planities, voragines immensas, lacus, sylvas, & in his animalia omnis generis, sicut & *Æthnam* fumantem, coelum etiam, & in ipso Solem, Lunam, Stellas nubes, irides, & alia similia per Tubum opticum ita extractum & apparatus repræsentare. Verùm his ita breviter indicatis ad alia progrediamur.

Quæstio XVI.

An prodest Tubos opticos plurimum intus esse ampliatis, denigratos, & pluribus annulis obscuratos?

Prodest
Tubos es-
se intus
ampliores.

Amplitudo plurimum confert ad Tuborum præstantiam, uti benè etiam observavit *Reyta*, dum ait in oculo: Tubos maxime intus ampliatis & instar camerae suis lamellis obscuratos multò excellentius objecta repræsentare, certâ experientiâ comprobatum habemus: ita ut sæpius convexum, quod in angustiori canali à nobis collocatum nullius momenti videbatur, in ampliori & ritè obscurato tamen optimum apparuerit. De annulis verò & orbicularibus lamellis hæc tradit. In singulorum Tubi canalium orificiis debet collocari lamella in medio aquâ proportionem per circuitum excisa, & perforata, adeò ut suo canali, conoque radioso & apertura vitri objectivi ita sint proportionata assariorum apertura, ut quo magis oculo accedunt, eò magis lata & aperta fiant, ita tamen ut lucem per vitrum objectivum ad latera canalis interioris admissam oculo omnino etiam contegant, Tubumq; undique obscurum instar camerae obscurata reddant. Nam quemadmodum species per convexum objectivum in camera maxime obscurâ multò clarius, distinctius & excellentius despicuntur, quam in luminoso, vel semiobscurato: ita per canalem & Tubum ritè assariis obscuratum objecti species multò excellentius & exactius immittuntur, cernunturque, quam Telescopio aut nullo, aut paucis assariis munito. Hinc sæpius *Artifices Mechanici* in Opticis specularibus minùs versati hallucinantur, dum Tubos sine ullis assariis conficiunt, potius (at revera ineptè) multitudinem lucis in canali, quam objecti claritatem & præcisionem attendentes. Ita *Reyta*. Idem affirmat *Borellus*, dum ait: Tubi intus ampliatum & obscurati esse debent: nam excellentius objecta referent, si sint veluti camerati, ut probatum est. Verùm his ita constitutis rationem aperiamus.

Ratio da-
tur, cur
profit Tu-
bos ita esse
aptatos.

Ratio itaque, cur Tubos præstet esse intus ampliatis, denigratos, & quantumcunque fieri potest, obscuratos, hæc est. Quia per Lentem objectivam unâ cum speciebus lux lateralis subintrans dum angustior & arctior est Tubus, proximè iterum reflectitur, & ita radiosum ordinatum specierum profluxum regressu suo impetit, turbat & diluit, quod non contingit, dum amplior est. Item quia vitrum lenticulare quantumvis probè elaboratum & nitidissimè expolitum, nihilo minus tamen vel intra se aliquas venulas, bullulas, aut quasvis impertinentias, vel in superficie quasdam etiam minimas inæqualitates adhuc continere potest. Unde non omnes radii ordinatè per illud refringi possunt, sed aliqui aberrare coguntur. Si itaq; Tubus amplietur, & perforatis lamellis sive annulis plurimum obscuratur, fit ut illi radii erronei arceantur, & solùm ordinatiores prolabi sinantur; Item etiam, ut lux spuria, quæ aliàs ab unâ Tubi parte ad alterâ resiliendo species dilueret, ampliato spatio faciliùs hebescat & evanescat. Rursus, quia etiam color niger splen-

splendorem maximè retundit & absorbet, sicut è contrario color albus eundem fortius remittit ac repellit: inde fit, ut illo colore si etiam Tubus obscuretur, lux itidem spuria cum radiis specierum erroneis citius absorbeatur, ideoque necessariò radii mundiores & ordinatiores magis præcisam & distinctam speciem deferentes, mundiozem etiam & ordinatiozem imaginem repræsentare possint.

Omninò autem inconueniens est, Tubos intus esse læves ac politos, aut quouis modo splendentes, indeque ad reflectendam lucem magis paratos; sed quantò intus aliquà cum scabritie & nigricante colore sunt inæqualiores, tantò & aptiores erunt. Quocirca in longioribus Tubis præsertim iis, qui semper manent extracti, præstat saltem priores arundines tenui panno nigro, vel saltem asperiori chartâ nigrâ investire. Neque etiam hic reticendum, si adhuc ante Lentem obiectivam Tubus aliquis vacuus præponatur; & quidem, quod tantò mundiores species illabi possint, quantò hic Tubus longior fuerit, cum ab illo sic præposito lux lateralis plurimùm speciebus infesta, jam ante ingressum Lentis obiectivæ arceri possit. Unde etiam semper, quantò ex obscuriori loco prospectum formamus, tantò præcisius & distinctius res videre solemus.

Tubi intus
omninò
non debent
esse politi
& læves.

Quæstio XVII.

Cur radii à transitu Prismatis triangularis colorati Lente concavâ excepti dilatantur, Lente polyoptrâ separantur, retinentque suum colorem; Lente verò convexâ in ipso foco amittunt colorem, eumque post focum recuperant?

Certum est, radios ex transitu Prismatis triangularis coloratos, si Lente concavâ excipiantur, dissipari ac dilatari, suum tamen retinere colorem. Nam proprium est Lentis concavæ (quod etiam supra demonstratum) ut radios parallelos distrahat seu divarioet, divaricatos autem adhuc magis distrahat, & hoc uniformiter. Ergò non magis miscebuntur radii, quàm antea miscebantur, eodem modo inæqualiter ad se accedent; quare suum colorem conservabunt; sicut tamen dilutiores: quia quoties magnum spatium non multo colore tingitur, colorem evadere dilutiorem necesse est.

Radii per
trigonum
trajecti &
colorati
Lente cavâ
excepti.

Quod si iidem radii excipiantur Lente polyoptrâ, distraherentur seu separantur; singulæ tamen partes suum colorem retinebunt: quamvis enim dum deest aut intercipitur unus radius, antequam coloretur seu incidat in Prisma triangulare; alius plerumque suum mutat colorem: id tamen non accidit post colorationem semel susceptam, quam enim in ipso transitu per Prisma etiam ex aliis vicinis impressionem habuit quilibet radius, hanc semper retinet. Verum quod si conjunguntur plures radii diversæ rationis, fit aliqua media & sæpè nulla coloratio; post separationem tamen quilibet suam propriam conservat. Unde si Lentem convexam apponas, radiique uniantur in ipso foco, nullus erit color propter mixtionem radiorum diversæ colorationis. At verò post separationem quilibet radius proprio colore fulgebit.

Iidem radii
Lente polyoptra
excepti.

Lente convexa
excepti.

Hinc patet praxis & Artificium colorandi & mirè exornandi aliquod conclave ope transmissionis radiorum solarium per vitra trigona & Lentes concavas ac polyoptras. Quod si enim plura trigona ita inter se coaptent, ut eundem itum respectu Solis obtineant, transmissosque radios pluribus Lentibus concavis inter se quoque coaptatis excipias, paries radiis oppositus ferè totus diversicolor apparebit. Si Loco Lentium concavarum polyoptras substituas, totum conclave variis quasi margaritis diversicoloribus interstinctum videbis. Vide Kircherum in Art. mag. Luc. & umb. lib. 10. part. 2. cap. 5. vel Schottum Mag. nat. part. 1. lib. 9. Synt. 2. c. 2.

Artificia
practica
projectio-
nis colo-
rum.

Quæ-

Quæstio XVIII.


An artificio dioptrico ex Lentibus convexis dari potest linea ustoria infinita ?

Ratiocina-
tio eorum,
qui volunt
dari lineam
ustoriam
infinitam.

Putant aliqui per duas Lentis convexas certo modo coordinatas fieri posse, ut dum Soli in eâ ordinatione exponuntur, quod radii artificialiter trajecti post secundam Lentem convexam in modum continuæ virgæ sive lineæ ustoriæ progredi possint, ita ut quovis loco, si fomentum interjiciatur, efficaciam ad comburendum habeant. Artificium hæc subornant ratione. Inprimis certum est, omnes radios à Sole remotissimo ad Lentem convexam aliquam incidentes reputari pro physicè parallelis: ac quia natura Lentium convexarum est, radios taliter incidentes colligere in foco; ob collectionem plurium radiorum erit ibi intensissimus calor, ita ut ignem facile in materiâ aptâ excitare, eamque comburere possit, sicut experientiâ constat, & ideò etiam locus iste collectionis radiorum focus Lentis dici meruit. Hic focus autem habet aliquam physicam latitudinem, ita ut non mathematicè & præcisè in indivisibili contingat, sed etiam paulò ante & paulò post mathematicum foci punctum adhuc satis efficax sit ad comburendum. Quocirca si Lenticula minimæ sphaerulæ ibidem adhibeatur in distantia sui foci à priori foco; cum radii ita post ipsam progressuri sint paralleli, ut supra demonstratum; ideò in modum virgæ focus iste continuari poterit, adeoque quovis loco comburere. Sic si Lentis convexæ A B focus esset in C, quia Solis F H radii ob nimiam elongationem in eandem Lentem A B incidentes censentur physicè paralleli; idcirco in puncto C colliguntur. Hoc autem punctum foci C non est indivisibile & mathematicum,

ICONISMUS XX

Icon, XX,



sed

sed physicum cum aliqua latitudine, ita ut paululum elongatum tam ante quam post C satis adhuc intensi coloris remaneat, quo possit comburere. Si itaque loco D E comburere possit, applicetur ibi Lenticula minimæ sphaerulæ, sic ut ejus focus quoque sit in foco C prioris Lentis A B; continuabitur efficacia radiorum à D E & procedet per radios parallelos in modum virgæ in I & K, imò in infinitum: adeoque sicut radii collecti in D E poterunt comburere, sic etiam in I & K aut alio quocunque loco remotiori. Datur ergo Artificium dioptricum, quo per Lentes convexas haberi potest linea ustoria infinita.

Verum hæc ratiocinatio nititur falso fundamento. Nam supposito, quod Lenticula D E esset incombustibilis, nec à vehementiori calore lædi posset; nihilominus dico, radios post eam ita applicatam minimè in modum virgæ cylindricæ, sed potius in modum coni semper magis ac magis in progressu ampliandi processuros, adeoque sic distrahendos, ut minùs apti ad comburendum esse queant. Radii siquidem à Solari corpore projecti, etsi reputentur pro physicè parallelis; reverà tamen paralleli non sunt unde etiam focum indivisibilem non habent, sed solum formant imaginem Solis valde parvam & collectam, quæ ob radiorum collectionem apta est ad comburendum. Unde etiam supra dictum est, focum post Lentem convexam aliud nihil esse, quam ignei Solis imaginem eo loco efformatam. Quocirca etiam patet causa, cur aliquæ Lentes magis, aliæ minùs aptæ sint ad combustionem procurandam, ob imaginem scilicet collectiorem ac minorem, vel minùs collectam ac majorem sive distractiorem. Vide dicta cap. 10. Synt. I. hujus. Num. 9.

Cum itaque focus hic non sit indivisibilis: sequitur necessariò id quod supra coroll. 8. pro. 18. cap. 5. Synt. I. hujus dictum est; adeoque licet punctum Solis G colligatur post Lentem A B in C, & inde rursus per Lentem D E radians procedat in K per modum virgæ cylindricæ: non tamen ita etiam punctum F radiabit, sed procedet ad foci partem a, ubi per D E radiabit versus b. Et quod de hoc puncto F dicitur, similiter de quibusvis aliis punctis corporis Solaris dici potest, nempe aliò radiaturos, nec concursuros cum virgâ cylindricâ D K. Licet itaque radii à corpore Solari conjunctim sumpti circa focum C & ejus latitudinem physicam D E sint apti ad incendendum & comburendum, non tamen ita abinde continuo procedent, sed semper magis distraherentur, adeoque minùs efficaces fient ad comburendum, quod facile quivis ex dictis colligere poterit.

Quæstio XIX.

Cur per Lucernam Thaumaturgam sive Megalographicam lampas aut speculum non etiam in pariete exprimitur?

Quomodo per Lucernam magicam sive Thaumaturgam imago vitro plano appicta ad parietem album projiciatur, præced. cap. declaratum est. Hoc loco inquiritur, cur à lucernâ probè apparatâ & constructâ non etiam facis sive flammæ, item speculi concavi imago in pariete repræsentetur?

Respondeo itaque, & dico. Cum flamma L M debeat magis distare à Lentem C D, quàm sit distantia foci ejusdem C D, ut dictum supra; focus etiam Lentis E F majoris sphaericitatis sit ultra Lentem C D; quocirca imago N O flammæ L M vicinior fiet Lenti E F, quàm sit ejus focus; adeoque radii post eam necessariò procurent divergentes, nec unquam poterunt concurrere pro efformandis penicillis requisitis ad distinctam imaginem repræsentandam. Quare idem apparebit circulus lucidus in I K, qui propagaretur, si flamma per foramen nudum


Ratiocinatio præcedens falso nititur fundamento.

Respondetur ad quæstionem.

K k

E F

EF liberè radiaret: Atqui tunc non exprimeretur imago flammæ in pariete; sic neque cum ita per duas Lentes in Lucernâ radii illius propagantur. Non est autem necesse, ut imago flammæ præcisè exhibeatur in loco NO, sed potest in quovis loco inter ambas Lentes CD & EF exhiberi; imò in ipsâ Lente EF, vel etiam adhuc paulo ultra, veluti in PQ: semper enim radii ita post concursum ibidem factum discedent, ut amplius nunquam sint concursuri ad aliam aliquam imaginem efformandam.



Reflexi radii triplicis generis.

Quod attinet radios à speculo GH remissos, possunt ii tripliciter se habere: quomodocunque autem se habebunt, nunquam turbare poterunt imaginem IK prototypi AB: ostendimus enim supra, quoscunque radios ejusdem partis imagunculæ AB uniri in eodem puncto imaginis IK; ideoque quomodocunque illuminatur AB, & ex quacunque parte, semper eadem manebit imago IK; adeoque si deficient aliqui radii ex unâ parte, & alii augeantur ex alterâ parte, nihil intererit. Possunt autem reflexi radii tripliciter se habere; nempe, vel erunt paralleli, si flamma LM sit præcisè in foco speculi GH; vel erunt divergentes, si flamma sit propior eidem speculo, quàm focus ejusdem; vel erunt convergentes, si nempe flamma magis distet à speculo, quàm focus ejusdem. Intelligendi autem sunt radii ad eandem partem flammæ pertinentes, ideoque etiam tot parallelismi, quot sunt partes in flammâ LM.

Radii paralleli.

Ponantur ergò in primis paralleli. Hi itaque unientur præcisè in basi distinctionis Lentis CD; nempe inter CD & EF, & quia Lens EF debet esse majoris sphaeræ portio, ut supra dictum, ac focum suum habere ultra AB, radii ad eandem partem pertinentes post Lentem EF divergentes erunt; atque adeò reflexi radii paralleli repræsentare non poterunt flammam LM.

Divergentes.

Si radii reflexi supponantur divergentes, tardius post Lentem CD unientur. Quia cum divergunt, ita propagabuntur, ac si flamma LM esset ultra speculum GH. Posuimus autem flammam LM esse ultra focum Lentis CD, ergò multò magis LM reflexè radiabit, quasi esset ultra focum Lentis CD; ideoque post Lentem CD ejus imago exhibebitur inter CD & EF. Sed si ita exhibeatur, radii post Lentem EF fient divergentes, unde rursus in loco IK imago haberi non poterit.

Convergentes.

Si denique radii reflexi fuerint convergentes, dum incidunt in Lentem CD, citius unientur post eam, & semper post Lentem EF divergentes erunt, cum focus Lentis EF sit ultra AB. Flamma igitur, etiam si radiet per Lentes AB, & EF quomodocunque reflexè, non poterit tamen ejus distincta imago in loco imaginis IK

IK prototypi AB repræsentari. Quodque ita de face seu flammâ LM dictum est, similiter ostendi potest de speculo GH. Quomodocunque igitur imago aliqua per Lucernam Thaumaturgam projiciatur, non poterunt in loco imaginis trajectæ unâ simul lampadis aut speculi imagines efformatæ exhiberi.

Quæstio XX.

An ex inventis hætenus Artificiis dioptricis principia habemus ad alia plura & rariora detegenda?

Mirum est à brevi adeò tempore, quo Ars Teledioptrica orbi literario effulgere cœpit, quomodo tam admiranda Artificia jam sint detecta, & eorum beneficio tam multa naturæ arcana ex ignorantia tenebris patefacta, quæ prioribus sæculis omninò abdita, obscura & occultata latuerunt, ut ne vestigium eorum perspectum sit. Quis enim ex veteribus alicujus unquam meminit Artificii, quo minutissima in minimis animalculis, seminibus, lapillis, flosculis, aliisque minutissimis rebus intimè perspicui, ac planissimè pervidendo indagari & observari potuerint? Quis in Limace hermaphroditico illo animali non solum dentes acerrimos, sed etiam oculos in apice cornuum positos musculis suis & tribus humoribus perindè ut in nobis constantes observavit? quis plures oculos in araneis, quis eosdem cancellatos in muscis? quis in pediculis cor, cerebrum, pulmones, ovaria perspexit? Quis ex cadavere unius formicæ innumeras alias nasci, adeò ut totum formicæ cadaver in formicas resolveretur, uspiam advertit? Taceo infinita alia, quæ microscopiorum subsidio modernis temporibus detegi cœpere, & nos uberiùs infra in Fund. 3. Synt. 2. cap. 3. proferemus. Nihil jam amplius in remotissimo æquè ac vastissimo cœli palatio tutum, tectumque esse potest, cum Telescopio oculus armari cœpit. Ipse Sol Lucis pater, qui priscis antea lucidissimus est visus, ad inventum Tuborum Artificium pudorem induit, & maculas abscondere amplius non valens, velut iratus iræ suæ flagrantibus mundo faculas ostendit. Cœlum ipsum magis erubuit, cum plures ubivis stellas suas prodi advertit. Neque solus amplius ille aliàs benignissimus Planeta Jupiter, aut minacissimus alter falciger Saturnus audent comparere, sed regio quasi satellitio muniti prodeunt, cum Tellus suis superba machinis cœli theatra tam curiosè perlustrare tentavit. Rectius jam nostris Astronomis occini potest, quod olim Pelignus vates i. fast. cecinit:

Recensentur aliqua per microscopium detecta.

Quædam per Telescopium in cœlo detecta.

Felices animæ, quibus hæc cognoscere primis,

Inque domos superas scandere cura fuit.

Admovere oculis distantia sidera nostris

Ætheraque ingenio supposuere suo.

Non memoro plura alia Artificia, quæ à dioptricis principiis sagaciter adinventata erutaque sunt, & jam publicata. Solum restat hoc loco, ut respondeatur ad hoc: An ex his ipsis Artificiis, quæ nobis jam perspecta notaque sunt, fundamenta possimus habere ad alia majora & rariora detegenda, ac referenda? Pro quo dubio resolvendo ea ipsa, quæ nobis ex dioptricis Artificiis jam nota sunt, breviter & genericè recolligenda subnectere libet.

1. Constat Arte dioptricâ omnis generis colores exhiberi posse, eosque lucidissimos & vivacissimos, ut patet in vitris trigonis, polyedris & Lentibus convexioribus.

Quænam dioptrica Artificia potissimum nota.

2. Possunt quæ magna sunt, exhiberi parva, & quæ parva sunt, exhiberi magna.

3. Possunt quæ remota sunt & valdè diffica ostendi maximè propinqua; & vicissim quæ propinqua sunt, valdè remota.

4. Possunt quæ obscura sunt valdè potenter illustrari, ideoque ex profundis tenebris advocari, & ad lucem protrahi.

5. Possunt ratione sitûs res ostendi, jam fursûm, jam deorsûm, jam dextrorsûm, jam sinistrorsûm : item erecta exhiberi everfa, & everfa ostendi erecta.

6. Possunt collecta dispergi, & vicissim dispersa recolligi ad unam quandam imaginem repræsentandam.

7. Possunt res simplices multiplicari, & una eademque res multipliciter in diversis locis repræsentari, everfa & erecta.

8. Possunt dioptrico Artificio res frigida calefieri, combustibiles aduri, incendi, inflammari, liquabiles dissolvi, friabiles diffringi, ac etiam per ipsas aquas incendia excitari.

9. Possunt figuræ omnis generis in quasvis alias dioptricè commutari. Sic ope refractionis radii possunt ordinari, ut curva appareant recta, & recta curva, rotunda quadrata, ordinata inordinata, brevior oblonga & producta, æqualia inæqualia, & omnia etiam hæc è contra, ita ut inæqualia appareant æqualia, &c. Horum specimen & exemplum quivis facillè in orbiculis fenestrarum advertere poterit, uti ipsemet non semel experimento notavi, dum per talem orbiculum clarioris vitri stellam aliquam lucidiorem, veluti Venerem circa Horizontem commorantem aspexi : jam enim ex diverso situ & inspectionis loco adverti eam rotundè magnam; ex alio loco oblongam; jam instar trabis protractam, jam in crucis formam effigiatam, jam radiofo jubare circumdatam, jam in annuli formam circumductam, jam multiplicem, &c. ita ut mox cogitatio subierit, quàm mira rerum spectacula ex sola medii refractivi alia atque alia dispositione & constitutione repræsentari possint. His breviter indicatis.

Nō omnia
Artificia
detecta.

Dico 1. Certum est, non omnia Artificia dioptrica etiam à quantumvis hætenus sagacissimis ingeniis quovis adhibito conatu & imperterrito labore esse detecta & eruta; quia quotidie ferè alia adhuc nova reperiuntur, & in lucem publicam protrahuntur.

Quamplu-
rima alia
detegi pos-
sunt.

Dico 2. Quantum ex parte Dioptrices, quamplurima alia magis adhuc admiranda, & ad modum rara Artificia detegi posse. Nam possunt varia media diaphana diversimodè combinari, vel secundum situm, locum, numerum, aut figuram ita aptari, ut radios à quocunque objecto quovis etiam loco collocato diversimodè refractos in oculum trajiciant; quâ trajectione miræ aliæ imagines in oculo exprimi possent. Ita credo, quod si daretur diaphanum solidum, velut est vitrum clarissimè pellucidum, possetque illud facillè æqualissimè, sive torno, sive scalprio, sive quocunque modo instar ceræ molli ad lubitam quamcunque formam sine difficultate & detrimento ullo pelluciditatis redigi: arcanum haberemus, quo gloriari possemus. Nam per refractiones diversimodè ibidem ordinatas, etiam in oculo miras & raras valdè imagines possemus exprimere. Sic facillè concipi potest, quomodo vel ipse Sathanas se in Angelum lucis transfigurare, & per varias apparentias hominibus illudere possit. Similiter, quomodo Spiritus tam boni quàm mali corpora quælibet efformare valeant, quæ hominibus ut vera compareant, ex solâ medii aërci condensatione, aptatione & figuratione, aut quavis immutatione, per quod res quælibet ob radios diversimodè refractos, quamvis aliam repræsentare possit. Ita fortassis jam factum, ut *Arazel* ille Arabs de repente velut in theatro quodam quidquid Auditores vellent, produxerit, ut *Rudolpho II.* Imperatori omnes Cæsares à *Julio* ad *Carolum V.* usque repræsentati fuerint, præter alia innumera. Ita quoque fieri potest, ut quævis ostenta in cælo, sive ea sint ludicra, aut funesta; Phænomena in aëre, spectacula in terris, per Artificia dioptrica repræsentari possint.

Ergo agite Artifices, ullis haud parcite curis:
Dat plura ingenium, continuusque labor.



CAPUT XV.

Varia confectaria ex hætenus declaratis & demonstratis collecta ad usum potissimum practicum & Mechanicorum Artificum.

Coronidis loco breviter hoc capite colligam, & in compendio tradam ea, quæ potissimum ad praxin servire possint; vel saltem Mechanicos Artifices, si quid perfectum in negotio Teledioptrico efficere cupiant, scire convenit. Habebunt Practici hoc loco succum & nervum eorum ferè omnium, quæ opè rosè toto isto fundamento sunt declarata & demonstrata.

§. 1. De Refractione in genere.

1. Ad inveniendas vitri Refractiones non videtur accommodatior modus, quàm *Kepleri*, atque aptius instrumentum, ac est illud, quod supra cap. 2. Synt. I. hujus expositum est.
2. Ad inquirendas refractiones cuicunque gradui inclinationis respondentes videri possunt Tabulæ eodem capite propositæ.
3. Angulus Refractionis in vitro vel crystallo usque ad 30. gradum inclinationis est quàm proximè tertia pars anguli inclinationis in aëre.
4. Ut vivida & ordinata Refractio probè in vitro contingat, hæ duæ requiruntur conditiones. 1. Ut vitri materia internè tota sit homogenea æqualiter nitidè perspicua, uniformiter continua, ac solida per totum. 2. Ut exterior vitri superficies sit æqualissimè expolita.
5. Refractio fit in duobus diversis mediis reciprocè per eosdem radios.

§. 2. De Lentibus convexis.

1. Natura Lentium convexatum est, radios acceptos post refractionem factam colligere.
2. Radii quanto axi alicujus Lentis propiores incidunt, tantò sunt vegetiores & fortiores, ac in mutuum concursum ordinatiùs conveniunt: quantò autem remotiores, tantò debiliores, & inordinatiùs concurrunt.
3. Non expedit Lentem convexam ultra 40. gradus suæ peripheriæ aperiri, cum radii ab axe utrinque remotiores 20. grad. inordinatiùs concurrant.
4. Radii paralleli incidentes in superficiem convexam vi primæ Refractionis concurrunt ad distantiam sesquidiametri.
5. Lens plano-convexa colligit tanquàm in foco radios à longinquo progressos sive parallelos incidentes ad distantiam diametri convexitatis.
6. Lens utrimque æqualiter convexa radios parallelos colligit ad distantiam semidiametri convexitatis.
7. Cujusvis Lentis convexæ focus aut basis distinctionis, sive imago, practicè inquire potest his modis.

Modus 1.

Lens convexa in loco subobscurò obvertatur parieti albo, aut chartæ, atque eo usque huc illucque moveatur, donec objecti paulò remotioris imago distinctissima notetur: distantia Lentis à pariete indicat foci primarii distantiam.

K k 3

Modus

Varii modi explorandi focos Lentium convexarum.

Modus II.

Apponatur Lens convexa Solis radiis, & ita removeatur ab aliquo corpore opposito, donec lucidissimum punctum post se in eodem opposito corpore efformet: hoc punctum erit focus.

Modus III.

Applicetur Lens convexa oculo, donec de objecto remoto prorsus nihil videat, nisi purissimam lucem: distantia Lentis ab oculo indicat distantiam foci.

Modus IV.

Præponatur Lens convexa oculo sano, & prospiciat oculus ad objectum propinquum, donec videat illud distinctissimè: distantia objecti à Lente designat etiam distantiam foci illius Lentis.

Modus V.

Denique potest optimè in camerâ obscurâ cujuslibet Lentis convexæ focus ipsismet oculis notari & observari, si ea ponatur in foramine versùs Solem, & radii solares transire permittantur; advertetur enim in atomis obvolitantibus conus lucidus, ubi is fuerit acutior, ibi erit focus.

8. Inter Lentes æqualis magnitudinis, illæ minùs comburunt, quæ sunt majoris sphæricitatis, quia habent focum latiore & ampliorem.

9. Lens utrinque æqualiter convexa duplo majoris sphæricitatis æqualis est Lenti plano-convexæ duplo minoris sphæricitatis.

10. Focus Lentium utrinque quidem, sed inæqualiter convexarum reperiri potest his modis, qui in adjectâ Tabellâ patent.

Tabella pro focis primariis Lentium utrinque, sed inæqualiter convexarum.

Modus	Ut aggregatum	Ad	Ita altera	Ad
I	Semidiametrorum	Alterutram Semidiametrum	Diameter	distantiam foci
II	Diametrorum	Alterutram Diametrum	Diameter	distantiam foci
III	Semidiametrorum	Unam Semidiametrum	Semidiameter	Semissem distantia foci.

Videri etiam possunt Tabulæ supra. cap. 9. Synt. 1. hujus.

11. Ex diversâ objecti lucidi distantia ab aliquâ Lente convexâ etiam imago aliter & ad aliam distantiam exprimi potest. Nam si objectum distet à Lente in duplâ foci ejus distantia, imago æqualis objecto, & similiter in duplâ distantia post Lentem efformatur. Si objectum sit ante duplam foci distantiam, imago efficietur minor objecto, & ad minorem distantiam, quàm sit dupla foci distantia. Si verò intra duplam foci distantiam usque ad ipsum focum objectum collocatum sit, semper major & remotior imago projicitur: usq; dum si objectum in ipso foco, vel intra focum, & ipsam Lentem existat; ubi nulla imago efformari poterit.

12. In

12. In Lentibus quomodolibet convexis, in quibus convexitas prævalet, ut distantia objecti à Lente ad distantiam imaginis, ita diameter magnitudinis objecti ad diametrum magnitudinis imaginis. Vele etiam, ut distantia objecti ad diametrum magnitudinis objecti, ita distantia imaginis ad diametrum imaginis.

13. Major diligentia adhibenda est in elaborandis Lentibus convexis longioris diametri, quia majorem requirunt perfectionem.

14. Lentes objectivæ melius elaboratæ possunt magis aperiri; ideò etiam in Tubo collocatæ acutiora ocularia vitra admittere, ac meliorem effectum præstare possunt. De aperturâ Lentium objectivarum videri potest caput 10. Synt. 1. supra.

§. III. De Lentibus concavis.

1. Natura Lentium concavarum est radios acceptos dispergere.
2. Focus virtualis in Lente concavâ vi primæ refractionis, cum radius incidens in eam supponitur axi parallelus, est ad distantiam sesquidiametri concavitatis.

3. In Lentibus plano concavis, focus virtualis est ad distantiam diametri concavitatis.

4. In Lentibus verò concavo-concavis utrinque æqualiter, focus virtualis est ad distantiam semidiametri concavitatis.

5. Lens concavo-concava æqualiter utrinque æquivalet Lenti plano-concavæ, quæ sit duplo minoris diametri.

6. Pro inveniendis focus virtualibus Lentium concavo-concavarum inæqualiter servit præced. §. tabella num. 10. proposita, si modò pro sphericitatibus convexis hic intelligantur concavæ. Videri etiam possunt dicta Synt. 1. hujus cap. 9. §. 2.

7. In Lentibus quomodolibet cavis ratione sitûs objecti; si illud positum sit tam longè ut ejus radii censeantur paralleli, ita post Lentem radii divergent, quasi objectum positum esset in foco ordinario ejusdem Lentis: quantò autem magis objectum erit Lenti propinquum ante ejus focum, tantò radii erunt magis divergentes, quasi ex puncto semper propiore inter ejus focum & Lentem provenirent.

8. Ut practicè deprehendatur sphericitas alicujus Lentis cavæ, sive etiam ejus focus, his modis procedi potest.

Varii modi explorandi sphericitatis lentium concavarum.

Modus I.

Obverte cavitatem Lentis ad objectum, & recede, donec appareat omnimoda confusio. Distantia oculi à specillo erit quarta pars diametri concavitatis.

Modus II.

Objecti remoti & valdè conspicui imaginem per reflexionem formatam in chartam dirige usque dum distinctissima appareat; chartæ distantia à Lente erit quarta pars diametri concavitatis.

Modus III.

Inspice concavitatem alicujus specilli concavi, & recede à specillo cavo, donec seipsum oculus distinctè videat; erit tunc in centro concavitatis.

Modus

Modus IV.

Ut sciatur effectus Lentis cavæ, & ubi sit ejus focus virtualis: pone eam in Tubo communi cum Lente convexâ objectivâ, cujus focus tibi sit notus, tamque diu extrahendo Tubum Lentem objectivam remove à Lente cavâ, donec, ut in Tubo communi sive Hollandico solet, advertas distinctè objectum longius remotum. Metire deinde distantiam duarum Lentium, & inventam subtrahe à distantia foci Lentis objectivæ; residuum dabit distantiam foci virtualis Lentis cavæ. Praxis tamen supponit applicatum oculum ordinarium benè constitutum, non Myopis aut Presbytæ. Vid. etiam supra coroll. 4. prop. 12. cap. 3. Synt. 1.

§. IV. De Lentibus mixtis sive Meniscis.

1. Lens mixta, cujus concavitatis diameter tripla est convexitatis, unit radii os parallelos ad distantiam sesquidiametri convexitatis. Inde hæc Tabula supputata est, quæ servire poterit pro perspicillis ex Meniscis conficiendis.

Diameter convexitatis.		Diameter concavitatis		Focus	
pedes.	partes 100	pedes.	partes 100	pedes.	partes 100.
0.	50	1.	50	0.	75
0.	55	1.	65	0.	82 $\frac{1}{2}$
0.	60	1.	80	0.	90
0.	65	1.	95	0.	97 $\frac{1}{2}$
0.	70	2.	10	1.	5
0.	75	2.	25	1.	7 $\frac{1}{2}$
0.	80	2.	40	1.	20
0.	85	2.	55	1.	27 $\frac{1}{2}$
0.	90	2.	70	1.	35
0.	95	2.	85	1.	42 $\frac{1}{2}$
1.	0	3.	0	1.	50
1.	5	3.	15	1.	57 $\frac{1}{2}$
1.	10	3.	30	1.	65
1.	15	3.	45	1.	72 $\frac{1}{2}$
1.	20	3.	60	1.	80
1.	25	3.	75	1.	87 $\frac{1}{2}$
1.	30	3.	90	1.	95
1.	35	4.	5	2.	2 $\frac{1}{2}$
1.	40	4.	20	2.	10
1.	45	4.	35	2.	17 $\frac{1}{2}$
1.	50	4.	50	2.	25

2. Cum diameter concavitatis fuerit triens diametri convexitatis, focus virtualis est in centro convexitatis.

3. Tota latitudo concursus radiorum, dum semidiameter concavitatis major est sesquidiametro convexitatis, extenditur aut continetur inter spatium diametri & sesquidiametri convexitatis. Contra autem, quantò minor est concavitas, quàm semidiameter ejus, ut sit æqualis sesquidiametro convexitatis; semper concursus ultra sesquidiametrum convexitatis protrudetur, donec, dum ex eadem semidiametro ambæ superficies constituuntur, radii similiter egrediantur, ut inciderunt.

4. Cum

4. Cum Meniscus aliquis habuerit utraq; sphæricitates æquales ex æqualibus diametris, radii ut ingrediuntur, ita remittuntur. Quando tamen non sunt ex æqualibus diametris, licet sphæricitates sint concentricæ, dissimiliter tamen ac ingressi sunt, egrediuntur.

5. Regula generalis pro sphæricis utrinque specillis, si sphæricitates sint oppositæ, hoc est, in diversas partes respiciant. Fiat

Modus	Ut aggregatum	ad alterutram	Ita altera	Ad
I	Semidiametrorum	Semidiametrum	Diameter	Distantiam foci
II	Diametrorum	Diametrum	Diameter	Distantiam foci.

Si sphæricitates eandem partem respiciant. Fiat

Modus	Ut differentia	Ad unam	Ita altera	Ad
I	Semidiametrorum	Semidiametrum	Diameter	distantiam foci
II	Diametrorum	Diametrum	Diameter	distantiam foci
III	Semidiametrorum	Semidiametrum	Semidiameter	Semissem distantie foci.

§. 5. De Sphæris integris & dimidiis.

1. Integra sphæra radios axi parallelos incidentes unit post sphæram ad distantiam quartæ partis diametri, siue ad $\frac{1}{4}$ diametri.

2. Sphæra vitrea præ omnibus Lentibus vivacissimè exprimere potest imagines.

3. Si sphæra alicui vitrea quæcunque literæ siue figuræ dilutis coloribus appingantur, & candela præponatur, possunt ea in longissimam distantiam projici; debet tamen candela ante focum ejus poni.

4. Sphæra vitrea, si aqua sit repleta, unit radios à longinquo post se in distantia propè Semidiametri.

5. Ut distantia objecti usque ad centrum sphære ad tres quartas diametri sphære, si objectum sit dissitum: ita diameter objecti ad diametrum imaginis. Dixi, si objectum sit valdè dissitum, ita ut radii ab eodem puncto procedentes reputentur pro parallelis. Quia si admoveatur objectum, recedet imago: idèò absolute & universaliter dici debet. Ut distantia objecti ad ejus diametrum, ita distantia imaginis ad ejus diametrum.

6. Sphæra dimidia radios axi parallelos incidentes unit ultra distantiam diametri unâ propè teritiâ semidiametri; hoc est ad $\frac{2}{3}$ diametri.

§. 6. De Lentium convexarum combinationibus inter se.

1. Duæ Lentæ convexæ ita inter se combinatione conjunctæ, ut una in alterius foco existat, imaginem post se non exprimunt.

L I

2. Lens

2. Lens convexa secunda post focum primæ alicujus Lentis convexæ collocata in eâ distantia, quæ sit major tui foci distantia, habere potest imaginem; & tantò quidem majorem & remotiorem, quantò secunda Lens propior (ultra tamen foci sui distantiam) ad focum prioris Lentis accesserit.

3. Duæ Lentes convexæ majoris sphericitatis conjunctæ invicem possunt æquivalere, imò prævalere Lenti unicæ minoris sphericitatis æqualis alias effectus; cum possint radios minùs coloratos trajicere, & plus de objecto repræsentare.

4. Ut in Camera obscura possit transmissarum specierum imago erecta obtineri; debet distantia utriusque Lentis ab invicem major esse, quàm sit composita utriusque Lentis focorum unà junctorum. Et quidem, dum secunda Lens à foco Lentis prioris distat in duplâ distantia proprii sui foci, exprimeretur imago æqualis primæ Lentis imagini ad duplam quoque ejusdem secundæ Lentis distantiam. Quantò autem secunda Lens propior admoveatur foco prioris Lentis, tantò semper major imago, atque etiam ad majorem distantiam trajicitur.

5. Ut ad quamcunque distantiam, quæ sit major distantia foci secundæ Lentis, facile imago practicè per duas Lentes trajiciatur, hoc modo fiat. Teneatur imprimis Lens secunda ante chartam vel parietem album ultra istam ut dictum est, foci sui distantiam quomodocunque. Deinde Lens prima ita ante secundam applicetur, ut focus primæ Lentis semper existat ante foci secundæ Lentis distantiam; ac tam diu huc illucque moveatur, donec distinctissima imago in chartâ vel pariete compareat.

6. Si Lens convexa constitutam aliam habeat post se ultra foci sui distantiam; poterit imaginem exprimere tantò majorem & remotiorem, quantò secunda Lens foco prioris propinquior fuerit.

7. Si duæ Lentes convexæ ita combinentur, ut secunda sive posterior existat intra distantiam foci prioris Lentis: imago obtinetur, minor tamen & propior, quàm si à solâ Lente priore efformaretur. Tantò tamen semper minor, quantò intra dictam distantiam magis ad priorem Lentem accesserit.

8. Quo plures Lentes ita junguntur, eò minor imago efformatur.

9. Dum Lentes plures conjunctæ invicem se tangunt: semper minima imago efficitur, quàm si paululùm à se removentur.

10. Objectum propinquè admotum, ut vel in ipso foco primæ alicujus Lentis convexæ existat, vel intra focum & Lentem; imaginem tantò majorem & remotiorem exprimere poterit, quantò objectum à foco propius Lenti primæ admotum fuerit; vel etiam quantò secunda Lens priori propius fuerit admotâ.

11. Quò Lens secunda amplior in latitudine fuerit, vel quò magis Lenti primæ admotâ, eò plurium objectorum imaginem exprimere, sive plus de objecto majori repræsentare poterit.

12. Quò secunda Lens in tali combinatione, ut hætenus dictum, erit majoris spheræ; eò majorem & remotiorem imaginem projicere poterit.

13. Si objectum præcisè in foco prioris Lentis existat; & secunda Lens convexa qualiscunque & qualitercunque adhibeatur, non nisi ad sui foci distantiam imaginem efformabit.

14. Etiam si objectum paulò magis distet à Lente aliquâ convexâ, quàm sit ejus focus: admotâ aliâ secundâ Lente adhuc imaginem habere poterit.

§. 7. De combinatione Lentium concavarum cum convexis.

1. Si Specillum cævum cum Lente convexâ immediatè junctum sit æqualis
aut

aut minoris sphaericitatis, ac est sphaericitas Lentis convexae, imaginem efformare non poterit: Si tamen fuerit majoris sphaericitatis, aut paululum removeatur, ita ut cavi specilli focus virtualis focum Lentis convexae praecedat, radios pro distincta imagine efformare poterit.

2. Specillum cavum majoris sphaericitatis Lenti convexae minoris convexitatis immediate praepositum, retardat penicillorum concursum; atque ita duae Lentes conjunctae aequivalent Lenti convexae majoris sphaericitatis.

3. Si specillum cavum ponatur post Lentem convexam ac ante ejus focum, ita ut focus virtualis specilli cum foco Lentis conveniat, radii remittentur paralleli, nec imaginem exprimere valebunt. Quando autem specillum ita ante focum Lentis situatur, ut focus ejusdem specilli praecedat focum Lentis; radii remittentur divergentes, & iterum imago efformari non poterit. Quod si autem specillum cavum ante focum Lentis convexae ponatur, sic ut ejus focus virtualis ultra focum Lentis convexae existat: imaginem tanto majorem & remotiorem efficiet, quanto specillum adhuc remotius a foco Lentis extiterit: quanto autem propius ad focum Lentis convexae accesserit, ita ut longius distet etiam a Lente convexa; tanto imago minor, & in breviori distantia procurabitur.

4. Praxis indagandi focum virtuale specilli alicujus cavi, dum duae Lentes, cava & convexa junguntur, videri potest supra. Synt. 2. cap. 3. pro. 12. cor. 4.

5. Si in combinatione Lentis cavae cum convexa scire velis, in qua distantia a se invicem collocari debeant, ut radii post cavam Lentem remittantur paralleli. Subduc distantiam foci virtualis Lentis cavae a distantia foci primarii Lentis convexae: residuum dat distantiam earundem Lentium ab invicem.

6. Si scire velis datam aliquam distantiam ad quam Lens cava cum convexa adhiberi debeat, ut in ea distantia ab invicem remittantur radii paralleli: ita procede. Si notus sit focus Lentis convexae: subtrahe distantiam datam a distantia foci Lentis convexae: residuum indicat distantiam foci virtualis Lentis cavae. Si notus sit focus virtualis Lentis cavae: adde distantiam foci virtualis Lentis cavae distantiam datam: compositum indicabit distantiam foci Lentis convexae.

§. 8. De Microscopiis.

1. In Microscopio communi, quod Lens convexa erit minoris sphaerae portio, eò objectum majus ostendet.

2. Cum deest Lenticula unica minoris sphaericitatis; possunt duae Lentes duplo majoris sphaericitatis ejus loco adhiberi.

3. Si objectum ponitur in foco Lentis microscopae, serviet ordinario visui bono: ut verò accommodetur defectuoso visui presbytae, debet objectum paulò ante focum collocari: ut Myopis; paulò intra focum versus Lentem admoveri.

4. In microscopiis plurium Lentium convexarum, Lens objectiva minoris sphaericitatis non potest nec debet nimium aperiri, ultra scilicet gradus 40. peripheriae, sive gradus 20. utrinque ab axe.

5. Quo plures Lentes adhibentur in istis microscopiis, eò debet materia illarum esse purior.

6. Vitrum collocatum in Tubo microscopio post imaginem ibidem formatam, ut eandem oculo deinceps transmittat, semper convenit esse latius, sive majoris amplitudinis.

7. Ut objectum per ista microscopia clarè possit videri, debet illud valdè illuminari.

8. Cum in istis microscopiis unica Lenticula objectiva adhibetur, debet objectum paulò ultra focum ejusdem Lenticulae collocari, ita tamen, ut non accedat ad duplam foci distantiam.

9. Cum pro unicâ Lenticulâ objectivâ duæ Lentes objectivæ substituuntur: debet objectum paulò intra focum & Lentem priorem objectivam constitui.

10. Cum post imaginem in Tubo microscopico adhibetur unicum vitrum oculare: debet pro ordinario visu oculare vitrum ab imagine distare ad distantiam sui foci.

11. Cum loco unius ocularis duo vitra ocularia adhibentur, debet imago propior esse priori oculari, quàm sit ejus focus.

12. Quomodo Lentes in istiusmodi microscopiis practicè debeant aptari & collocari. Irem quomodo eadem microscopia cuilibet visui possint accommodari vide cap. 3. Synt. 3. supra.

§. 9. De Tubis opticis in genere.

1. Plurimum prodest Tubos opticos intus esse amplos, denigratos & ex pluribus annulis impositis magis obscuratos.

2. Juvat etiam plurimum ad Tubi alicujus præstantiam, si Lens objectiva non immediatè luci sit exposita, sed ante se adhuc Tubum satis amplum & productum intusq; denigratum & vacuum habeat, vel in arundine priori vacua plus introrsum sit recondita.

3. Quò magis Lens objectiva in quocunque Tubo aperiri poterit, eò præstantior & clarior Tubus constitui valebit.

4. Lentes objectivæ melioris notæ, quæ perfectiùs sunt elaboratæ, acutiora etiam admittent ocularia.

5. In quibusvis Tubis quantò acutior fuerit Lens oculo propior, per quam Tubus inspicitur: tantò majus repræsentare poterit objectum. Proportio tamen habenda est ad priores partes Telescopicas: ne dum quidem imago in oculo major formatur, magis tamen obscurè eadem imago præsentetur.

6. Quò per aliquod instrumentum dioptricum objectum immediatius spectari potest, eò illustrius & clarius comparet cæteris paribus: quò verò mediatus ope plurium imaginum, eò debilius & paulò obscurius, cum faciliè in tot Lentibus defectus aliquis esse possit, unde imagines satis distinctè formari nequeant. Quocirca etiam Tubus Hollandicus omnium clarissimè solet objecta repræsentare: quòd si unà simul plus spatii detegeret, non esset ullus Tubus, qui eidem comparari posset. Deinde Tubus duarum Lentium convexarum etsi inverso situ imaginem præsentet, melius tamen exhibet objecta, quàm alius quicumque plurium adhuc Lentium & imaginum, dum hic per plures imagines objectum videtur, adeoque mediatus; ibi autem per unicam imaginem.

7. In Tubis quocunque imaginum, si primò omnes imagines ita ordinentur, ut in distantis focorum Lentium tam ante, quàm post ipsas positarum collocentur: admoto magis ad primam Lentem vitro objectivo, hoc ipso omnes imagines successivè majores fiunt, & propius ad sequentes Lentes accedant. Ut autem oculus per Tubum distinctè objectum videre possit debet Lens ultima ocularis paulò longius removeri à proxima antecedente in Tubo. Econtra, quantò magis vitrum objectivum removeretur à prima Lente oculari in Tubo; tantò imagines minores in Tubo fiunt, & Lens oculo proxima debet magis ad præcedentem in Tubo admoveri, si objectum distinctè comparere velimus.

8. Ut in quocunque Tubo plurium Lentium & imaginum, imago aliqua versus oculum semper magis augeatur & major procuretur: debet vel Lens ea, quæ radios accipit parallelos à priore aliâ Lente esse majoris sphaericitatis: vel prior Lens debet imagini paulò propius apponi, quàm sit foci sui distantia, ut radii ad secundam Lentem procedant divergentes.

9. In Lentium ocularium impositione & collocatione cavendum, ne Lens posterior ita priori admoveatur, ut possint defectus ejusdem observari.

10. Idem Tubus potest diversis oculis accommodari ex majori vel minori educatione & elongatione. Nam Myopibus prodest contractior, ac esse solet ordinarius; Presbytis paulò productior & longior. Deinde manente etiam Tubo ordinario juvari possunt Myopes, si oculum magis à prima Lente oculari removeant; Presbytæ verò, si eundem magis ad Lentem ocularem admoveant.

11. Objectum quantò magis est illustratum & oculus in loco magis obscurato constitutus; eò per quemcunque Tubum videt acutiùs & distinctiùs.

12. Ut Telescopium quodcunque ad objecta viciniora distinctè videnda aptetur, oportet Lentem objectivam ab aliis Lentibus magis remove.

§. 10. De Telescopiis ac aliis quibusvis instrumentis dioptricis in specie.

1. In Tubo communi sive Hollandico, si idem specillum cavum diversis Lentibus objectivis applicetur, fit ut cum Lente majoris sphaeræ Tubus efficiatur longior, & objectum exhibeatur majus.

2. Similiter si eadem Lens convexa cum diversis specillis cavis in Tubo communi jungatur: cum specillo minoris sphaeræ Tubus fiet major, qui objectum possit etiam ostendere majus.

3. Specillum cavum majoris sphaeræ visionem reddit efficaciorē & clariorem, quàm minoris sphaeræ.

4. Telescopia communia convexo-concava, conducit, unum aut duos pedes in longitudine non superare. Si enim longiora fiant, vix utilia esse ponunt, eò quod exiguam valde partem objecti exhibeant; deinde quod diu versanda sint, ut destinatus scopus attingatur. Quæ verò breviora sunt, licet non multum augeant id quod videndum est, nec ad magnam distantiam ferantur: plures tamen partes objecti simul detegere, & eas cæteris paribus clariùs exhibere valebunt.

5. Regulæ practicæ pro constituendis Lentibus in Tubo Hollandico videri possunt supra cap. 3. Syntag. 2.

6. Telescopia Astronomica, quo fiunt longiora, eò possunt esse efficaciora. Infra pedes 10. vix satis probata censentur.

7. In Tubo trium Lentium convexarum, qui objecta dissita repræsentat erecta, perinde est, qualiscunque Lens convexa media cujuscunque sphaericitatis adhibeatur. Cum enim saltem ea Lens debeat in duplâ sui foci distantia à prima imagine distare, ut ita efformet secundam imaginem in simili distantia post se; constet autem, secundam imaginem ita projectam semper esse æqualem primæ: qualiscunque ergo Lens imponitur, id ipsum præstare potest; Verùm cum solâ differentiâ distantiarum imaginum ac longitudinis Tubi. Si tamen imposita Lens paulò propior imagini primæ apponatur, ut melius est, quàm sit dupla foci sui distantia, imago secunda major & ad majorem distantiam projicietur per Lentem sphaericitatis majoris, quàm minoris.

8. Ut Telescopia trium Lentium probatiora fiant, exacta diligentia adhibenda est, cujus defectu, cum circa marginem objecta nimium ostendant confusa & incurvata, & ob remotiorem oculi applicationem facile pateant defectus Lentium (Adde quod & longiora evadant) vix satis probata effici possunt.

9. Telescopium melioris notæ quatuor Lentium convexarum censetur, cum duæ Lentes oculares mediæ inter duas imagines ejusdem Telescopii collocantur.

10. In tali Tubo Lens ocularis media singulariter est observanda. Si enim fuerit minoris sphericitatis, quàm duæ reliquæ, objectum non ita magnum videri poterit, quàm si ibidem collocata fuerit Lens æqualis, aut majoris sphericitatis. Deinde plurimum prodest, eandem Lentem mediam esse latiore & ampliore in aperturâ.

11. In ejusmodi Tubo, quantò acutiores fuerint duæ Lentes oculares extremæ (veluti sunt prima versus objectivam Lentem, & tertia versus oculum) tantò magis augment objectorum apparentiam. Proportio tamen habenda est, ne dum nimis acutæ Lentes adhibentur obscurius & confusius objectum ostendant. Prima tamen ocularis, etsi acutior possit esse quàm media, non tamen benè fit acutior tertiâ, quæ est oculo proxima.

12. In hoc quoq; Tubo mirus est consensus inter Lentem objectivam cum distantia suâ à Lente primâ oculari, & inter secundam sive mediam ocularem cum suâ distantia ad tertiâ ocularem. Quò enim Tubus ibi fit productior, ita ut distantia Lentis objectivæ magis à primâ Lente oculari elongetur, eò post Lentem secundam Tubus fieri debet contractior, & distantia Lentis mediæ à tertiâ oculari abbreviari debet: atque tunc in tali dispositione objectum videtur paulò minus. Econtra, quo magis post Lentem objectivam Tubus abbreviatur, distantia Lentis mediæ à tertiâ elongari debet; ac tunc objectum majus comparet. Quæ attinet constructionem aliorum Tuborum plurium Lentium, aut imaginum, possunt ea melius supra videri, cum satis compendiosè ibi de his sit actum.

13. Pro Polemoscopiis optimum est adhiberi specula quidem vitrea, sed tenuissima & æqualissimè expolita, plumboque ex unâ parte terminata: & quia tam magna non requiruntur, potest ea quisque facillè proprio Marte ex tenui vitro terere & expolire plumboque terminare, ut infra in Fund. tertio dicitur. Vel eorum loco possunt adhiberi vitra plana & politissima, at crassissima, plumbo autem minimè terminata, quæ ob crassitiem à secundâ alterâ superficie nequeant species reflectere, nec cum aliis à priori superficie reflexis confundere. Omnium optimum esset, si vitrum posset haberi imbutum colore aliquo saturo multum candicante & splendente, veluti est color argenteus, ita ut minimè transparens esset: facillè equidem alteri posset, & expolitione reddi æqualissimum & splendissimum. Mirum sane est, quod hætenus tam multa circa vitri præparationem & colorationem sint detecta, & ab industriis Artificibus inventa, quod nemo tamen adhuc detexerit modum argenteum ita saturum colorem vitro communicandi. Ex tali equidem vitro possent facillè specula quæcunque elaborari, quæ terminatione non indigerent, & longè præstarent calybeis & metallicis, ac potissimum servire possent inscriptionibus quarumlibet figurarum & imaginum, ad eas in longinquum trajiciendas.

14. Non est necesse, ut Panscopium Polemicum supra cap. 10. hujus Synt. utrinque habeat duo brachia in modum crucis exporrecta, ac cum pluribus ita Lentibus construatur. Si enim Tubus fiat circumductilis, sufficit ubi vis tantum unum brachium, & vitra duplo pauciora adhibere. Similiter specula non necessario factis incisuris per planum quadratum imponuntur; sed possunt etiam per factam rimam (quæ tamen, dum specula non imponuntur, facillè claudi possit) circa angulum solidum ad alterum oppositum angulum dimitti, quod multò convenientias est. Reliqua, immissionem Solis in cameram obscuram: Item projectiones quarumlibet figurarum concernentia, videri facillè possunt cap. 12. & 13. hujus Synt.

Atque

Atque hæc sunt potiora, quibus Artis Teledioptricæ moles veluti basibus quibusdam incumbit, quæ ideò etiam ex prioribus denuò recollecta practicis ac Mechanicis Artificibus huc in compendium conferre volui; ut difficultatibus aliorum speculationum libera tantò avidius eadem concipere, conceptaque ad praxis feliciùs auspicandas ac ad optatissimum finem perducendas subordinare queant.

Habes ita Lector benevole nunc & alterum Oculi nostri Artificialis Fundamentum tandem absolutum, Mathematicis ratiociniis stabilitum. Quo firmissimè collocato securè fidenterque tertium practico-Mechanicum superstrui potest. Libet demum, uti vir eruditione Clarissimus *Henricus Regius*, Fundamenta sua physica conclusit; sic & Fundamentum hoc Mathematico-Dioptricum concludere, Lectorique accinere

Vive, vale. Siquid novisti rectius istis,
Candidus imperti: si non? his utere mecum.

F I N I S.

Admonitio ad Lectorem.

EX magnâ incuriâ & imperitiâ Scriptorum, qui Authoris manuscripta aliàs non bene legibilia descripserunt: atque ex nimiâ cum descriptis ad præsum festinatione, plurimi & satis graves errores in Fundamentum Primum irrepsērunt. Contra quos Author hisce reclamationibus, petitque sibi non imputari.



[Faint, mostly illegible text at the top of the page, possibly bleed-through from the reverse side.]

[Faint, illegible text in the middle section.]

[Faint, illegible text in the lower middle section.]



R. P. F. JOANNIS ZAHN
CAROLOPOLITANI,

*Sacri Candidi Canonici Ordinis Præmonstratensis in Superiore
CELLA DEI Professi,*

P R O

PRACTICE CONSTRUENDO ET ELABORANDO

O C U L O

ARTIFICIALI TELEDIOPTRICO,

S I V E

TELESCOPIO,

FUNDAMENTUM III.

PRACTICO-MECHANICUM,

In Quo

Comprimis de perfectâ superficie sphæricâ tam concavâ in patinas,
quam convexâ in globos inducendâ:

Deinde de verâ, expeditâ, certaue praxi elaborandarum quarumvis len-
tium ope præparatarum patinarum vel globorum:

De Usu quoque, applicatione & variâ combinatione lentium ad Machi-
nas & Artificia Teledioptrica, deque variis aliis, quæ quovis mo-
do adeadem requiruntur:

De Tubis item Astronomicis, eorumque usu & tractatione ad quævis
corpora cœlestia accuratius observanda:

Nec non & de reconditionibus quibusdam Artificiis Thaumaturgis ma-
gico-dioptricis;

Practicè & Mechanicè tractatur.

CUM FACULTATE SUPERIORUM.

H E R B I P O L I.

Sumptibus QUIRINI HEYL, Bibliopol. Aulico-Academici.

ANNO M DC LXXXVI.

CAROLOTTANI

OFFICE OF THE DIRECTOR

THESE COPIES

1 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 40 41 42 43 44 45 46 47 48 49 50 51 52 53 54 55 56 57 58 59 60 61 62 63 64 65 66 67 68 69 70 71 72 73 74 75 76 77 78 79 80 81 82 83 84 85 86 87 88 89 90 91 92 93 94 95 96 97 98 99 100 101 102 103 104 105 106 107 108 109 110 111 112 113 114 115 116 117 118 119 120 121 122 123 124 125 126 127 128 129 130 131 132 133 134 135 136 137 138 139 140 141 142 143 144 145 146 147 148 149 150 151 152 153 154 155 156 157 158 159 160 161 162 163 164 165 166 167 168 169 170 171 172 173 174 175 176 177 178 179 180 181 182 183 184 185 186 187 188 189 190 191 192 193 194 195 196 197 198 199 200 201 202 203 204 205 206 207 208 209 210 211 212 213 214 215 216 217 218 219 220 221 222 223 224 225 226 227 228 229 230 231 232 233 234 235 236 237 238 239 240 241 242 243 244 245 246 247 248 249 250 251 252 253 254 255 256 257 258 259 260 261 262 263 264 265 266 267 268 269 270 271 272 273 274 275 276 277 278 279 280 281 282 283 284 285 286 287 288 289 290 291 292 293 294 295 296 297 298 299 300 301 302 303 304 305 306 307 308 309 310 311 312 313 314 315 316 317 318 319 320 321 322 323 324 325 326 327 328 329 330 331 332 333 334 335 336 337 338 339 340 341 342 343 344 345 346 347 348 349 350 351 352 353 354 355 356 357 358 359 360 361 362 363 364 365 366 367 368 369 370 371 372 373 374 375 376 377 378 379 380 381 382 383 384 385 386 387 388 389 390 391 392 393 394 395 396 397 398 399 400 401 402 403 404 405 406 407 408 409 410 411 412 413 414 415 416 417 418 419 420 421 422 423 424 425 426 427 428 429 430 431 432 433 434 435 436 437 438 439 440 441 442 443 444 445 446 447 448 449 450 451 452 453 454 455 456 457 458 459 460 461 462 463 464 465 466 467 468 469 470 471 472 473 474 475 476 477 478 479 480 481 482 483 484 485 486 487 488 489 490 491 492 493 494 495 496 497 498 499 500 501 502 503 504 505 506 507 508 509 510 511 512 513 514 515 516 517 518 519 520 521 522 523 524 525 526 527 528 529 530 531 532 533 534 535 536 537 538 539 540 541 542 543 544 545 546 547 548 549 550 551 552 553 554 555 556 557 558 559 560 561 562 563 564 565 566 567 568 569 570 571 572 573 574 575 576 577 578 579 580 581 582 583 584 585 586 587 588 589 590 591 592 593 594 595 596 597 598 599 600 601 602 603 604 605 606 607 608 609 610 611 612 613 614 615 616 617 618 619 620 621 622 623 624 625 626 627 628 629 630 631 632 633 634 635 636 637 638 639 640 641 642 643 644 645 646 647 648 649 650 651 652 653 654 655 656 657 658 659 660 661 662 663 664 665 666 667 668 669 670 671 672 673 674 675 676 677 678 679 680 681 682 683 684 685 686 687 688 689 690 691 692 693 694 695 696 697 698 699 700 701 702 703 704 705 706 707 708 709 710 711 712 713 714 715 716 717 718 719 720 721 722 723 724 725 726 727 728 729 730 731 732 733 734 735 736 737 738 739 740 741 742 743 744 745 746 747 748 749 750 751 752 753 754 755 756 757 758 759 760 761 762 763 764 765 766 767 768 769 770 771 772 773 774 775 776 777 778 779 780 781 782 783 784 785 786 787 788 789 790 791 792 793 794 795 796 797 798 799 800 801 802 803 804 805 806 807 808 809 810 811 812 813 814 815 816 817 818 819 820 821 822 823 824 825 826 827 828 829 830 831 832 833 834 835 836 837 838 839 840 841 842 843 844 845 846 847 848 849 850 851 852 853 854 855 856 857 858 859 860 861 862 863 864 865 866 867 868 869 870 871 872 873 874 875 876 877 878 879 880 881 882 883 884 885 886 887 888 889 890 891 892 893 894 895 896 897 898 899 900 901 902 903 904 905 906 907 908 909 910 911 912 913 914 915 916 917 918 919 920 921 922 923 924 925 926 927 928 929 930 931 932 933 934 935 936 937 938 939 940 941 942 943 944 945 946 947 948 949 950 951 952 953 954 955 956 957 958 959 960 961 962 963 964 965 966 967 968 969 970 971 972 973 974 975 976 977 978 979 980 981 982 983 984 985 986 987 988 989 990 991 992 993 994 995 996 997 998 999 1000 1001 1002 1003 1004 1005 1006 1007 1008 1009 1010 1011 1012 1013 1014 1015 1016 1017 1018 1019 1020 1021 1022 1023 1024 1025 1026 1027 1028 1029 1030 1031 1032 1033 1034 1035 1036 1037 1038 1039 1040 1

PLASTIC-MECHANICS



OCULI ARTIFICIALIS TELEDIOPTRICI,

SIVE

TELESCOPII FUNDAMENTUM III. PRACTICO-MECHANI- CUM.

FABRICA

Oculi Artificialis Teledioptrici,

Sive

Practicum Artificium elaborationis instrumentorum Teledio-
ptricorum, quibus Oculus Naturalis artificialiter armatus clarè, tutè, distinctè cer-
nere potest, quæ cernendi aliàs facultate naturaliter assequi
non valet.

PROOEMIUM.



Artis est, ut ait Philosophus, finem certum pro-
ponere, & ad eum omnia dirigere. Hanc Ar-
tis Regulam à doctissimo omnium antiquo-
rum sapientum Principe præscriptam in præ-
sentis hujus operis tractatione principaliter
observandam duximus; quæcunque enim ha-
ctenus à nobis tradita, quæcunque in medium prolata, singulari
quâdam dispositione huc finaliter ordinata sunt, ut oculus natu-
ralis artificialiter adjuvetur ad ea cernenda, quæ naturali suo acu-
mine contingere non valet. Hic unicus & principalis dicto-
rum hactenus fuit scopus, hic finis. Ideò in Fundamento primo
Physico seu naturali ocularis fabricæ compages intimè fuit per-
lustrata, modusque naturalis visionis planissimè, ac fieri potuit,
explicatus. Ideò in secundo Fundamento Mathematico-dioptri-

Aristoteles
I. Ethic.
cap. 1.

eo tam studiose Lentium quarumlibet Natura subtili admodum indagine per Mathematica ratiocinia fuit investigata, Tuborumque ex iisdem construendorum Artificium tam operose perquisitum, ut exinde Oculo Naturali ad acutiùs cernendum adjumentum afferri possit. Hoc ipsum igitur, quod ibidem sagaciter indagando compertum, ac Mathematicis rationibus comprobatum, præsentì jam Fundamento aggredimur in opus deducere, & practicè perficere. Quocirca cum primis praxes docebimus perspectissimè præparandi patinas, & globos pro quibusvis Lentibus specillisq; efformandis: Expeditam deinde quarumvis Lentium elaborandarum methodum exponemus. Quibus ritè perfectis, quomodo varia machinamenta, & Artificia Teledioptrica mechanicè construenda sint, dilucidè proferemus. Plura alia, quæ interferemus & subnectemus, talia erunt, quæ curiosos animos non tantùm erudire, sed & plurimùm oblectare valebunt. Igitur

*Huc nunc appropera, quisquis cupis Arte Valere;
Dædalei si te nominis urit amor.*

*Palladis auspicio miros quiscunque labores
Ad varios usus Arte parare studes.*

*Panditur hic series gratorum certa laborum,
Usus monstratur; practica forma datur.*

*Incluta Doctorum gaudebit turba Sophorum
Cum licet in minimis cernere mira nimis.*

*Quidquid habet tectum prætensis musca sub alis,
Quidquid & in tenero viscere vertit apis.*

*Ut pura impura, ut sunt malè putrida quæque;
Vermibus utque scatent, quæ nitida esse putas.*

*Atque etiam ad superas scandendas Ætheris auras
Præpete non opus est Bellerophontis equo.*

*Ocyùs ascendes vitreo manimine tutus,
Et cæli magnas Arte notabis opes.*

*Amplius haud quicquam tectum terraque marique,
Abditum & in cælo nil remanere potest.*



SYNTAGMA I.

De perfectâ superficie Sphæricâ tam concavâ in patinas, quàm convexâ in globos inducendâ.



In verum ullibi sit commune illud ab opificibus jactari solitum: Instrumenta bona etiam bonum Artificem efficere: certè verissimum hoc in Telescopiorum fabricâ comprobatur. Cum enim Telescopiorum constructio à perfectissimâ Lentium dioptricarum formâ ac figurâ omninò dependeat, tantoque præstantius aliquod Telescopium censeatur, quantò illius Lentes præstantiori inductâ figurâ sunt meliùs elaboratæ; figura verò à patinis sive scutellis, in quibus vitra at-
Scutellarum exactissima præparatio debet esse.
runtur & expoliuntur, proveniat. Hinc summa diligentia adhibenda est, ut præ omnibus exactissimæ præparentur & efformentur patinæ, iisque perfectissima superficies sphærica inducatur. Hoc enim neglecto nihil unquam boni præstare poterit Artifex: cum nemo equidem dare possit, quod non habet. Sic nec ipsæ patinæ, si requisitam perfectionem non habeant, ullis unquam vitris eam ibidem efformatis concedere poterunt. Quocircâ imprimis hoc Syntagmate praxes experienciâ certiori comprobatas, omnis generis patinas ac globos ex ære, stanno, cupro, aptâque aliâ quacunque materia fundendi, exactè præparandi & elaborandi, aliaque quæ ad hoc præstandum maximè conducunt, aut quovis modo necessaria sunt, candidè, syncerè ac fideliter aperiâ, ut quivis suomet Marte instrumenta Telescopica exiguis admodum impensis & sumptibus præparare facile possit. Quod ut tantò meliùs fiat, hoc negotium sequentibus Capitibus distinctè proponam.


CAPUT I.

Arcus sive lamellas recurvas pro determinandâ scutellarum figurâ ac magnitudine præparare.

PER Arcus sive lamellas recurvas intelligi volo arcuales quasdam laminas vel segmenta quædam recurva arcuata circularia ex ære, cupro, orichalco, ferro, aut etiam rigidiori chartâ excisa, possuntque esse ex unâ parte concava, ex alterâ convexa, aut etiam plano-concava, vel plano-convexa. Serviunt verò potissimum pro vitrorum convexorum tam ocularium quàm objectivorum patinis, ac pro globosis sive sphæricis segmentis ad specillorum concavorum confectionem accommodis, exactè efformandis ac præparandis. Quomodò autem ejusmodi arcus sint excindendi, paucis indicabo.

Imprimis parandum est aliquod planum secundum æqualem planitiem satis perfectum, sive ligneum illud sit, sive lapideum ex arenaceo scilicet lapide ad regulam satis exquisitè cum alio arenaceo lapide subjectâ minutâ arenâ per cribrum trajectâ elaboratum, quod deindè agglutinatâ superiùs chartâ sit obtectum. Super præparatum planum laminas, undè arcus excindere cupis, debes æqualiter extendere, ac firmiter apprimere, ut ubivis plano congruant, quod sit vel claviculis circa extremitates super ligneum planum infixis, aut aliis compressoriis instrumentis ad lapideum firmatis. Quod si ex chartâ arcus excindere velis, illa sit rigida, dura, compacta ex foliis ad minimum 4. aut 5. ac valdè bene compressa, ut æqualem ubivis crassitiem habeat: quanquam ego chartaceos arcus non probo ob id, quia, ut infra dicetur, cum ad humidos lapides applicari sæpe debeant, facilè vitiari, & figuram deperdere possunt.

Cum arcus excindendi sunt minoris diametri, possunt ii facile circino resecari. Circinus autem ille sit uno pede incisoriis, ut ad lubitam distantiam extensus non tantum designet, sed incidat & resecet arcum petatum. Quod etiam ut probè fiat, ita aptatus esse debet, ut facta extensione quacunque crura ejus possint firmari, ne quovis modo dum lamina premitur, ac arcus rescinditur, cedant aut locum mutant. Quocirca etiam cochleola ex uno pede in alterum protendi debet cum duabus matriculis, quibus facile firmari potest, ut in figura melius patet. Sic in appicto circino AB est cochleola, C & D matriculæ, C quidem interior, D exterior; crura sunt EF.



Pro majorum diametrorum arcubus resecandis adhiberi debet pertica longior, eaque dividi potest in pedes, pedumque semisses & quadrantes, ut figura 1. monstrat. Si

fig. 1.





fig. 2.



Si arcus valdè magnarum diametrorum desiderantur, veluti 50. 60. aut etiam 100. pedum, una pertica non sufficiet, sed plures invicem exactè committi debent, & suppositis infra tigillis vel asserculis G H A I K ita sustentari, ne quicquam incurventur, ut apparet in figurâ 2.

In extremitate verò B sit obelus seu stylus incisori, qui motus ita conjunctis perticis arcum C D perfectè possit exscindere. Claviculus vero A pro quâvis lubitâ distantia infigi queat ad subjectum aliquod planum E F, ut ibidem fixus centrum motarum perticarum pro describendo & refecando arcu contineat.

Cum autem ad istos arcus exscindendos tantum semidiametri sphaerarum requirantur, ut facile sciri possit in certâ quâcunque mensurâ, quæ longitudo conveniat pro arcu aliquo formando, hic duas tabulas apponere volui juxta pedis Romani à Rheita lib. 4. oculi Enoch & Eliæ designati (cujus etiam designationis mensuram ego in omnibus meis scutellis adhibui,) divisionem in 100. particulas æquales pro patinis Lentium, tam ocularium, quam objectivarum convexarum, aut pro sphaeris convexis globosisque segmentis Lentium concavarum. Servit autem prima tabula ad arcus minorum scutellarum pro Lentibus ocularibus convexis, aut sphaerarum convexarum pro concavis specillis: Secunda verò pro arcubus majorum patinarum ad Lentes objectivas in iisdem formandas. Prima etiam columna cujuslibet tabulæ semper exprimit aperturam circini vel distantiam claviculi à stylo incisorio pro arcus alicujus refectione: Secunda verò columna patinarum magnitudines, quæ solent à diametro sphaericitatis quem habent, denominari.

Magnitudines patinarum, unde dicantur?

Usus istarum Tabularum.


Cupis exempli gratiâ arcum cavum 30. partium 100. pedis Romani pro formando aliquo globo, ut in eo possint cavæ Lentes elaborari, quæ cavitatem habeant sphaericam, cujus diameter $\frac{30}{100}$. ejusdem pedis? Quare in primæ Tabulæ columna secundâ 30. videbis eidem numero in primâ columnâ ejusdem Tabulæ respondere 15. Tot ergò particularum centesimarum debet esse semidiameter A D, arcus cavi C B, cujus diameter est D E $\frac{30}{100}$. pedis Romani. Similiter debet arcus convexus F G 30. similium particularum diametri describi, ex semidiametro scilicet K H $\frac{15}{100}$. cujus diameter K I itidem $\frac{30}{100}$. ped. Rom. Pari modo servire potest Tabula secunda ad describendos arcus pro patinis Lentium objectivarum majorum diametrorum, ut ibidem indicantur; nec indiget ampliori expositione.

Nota. Quod modo dictum de pede Romano P. Rheitæ (cujus quarta pars hic etiam expressa est,) id similiter circa assumptum alium quemcunque pedem aut quamcunque mensuram famosam fieri potest: æquè enim quæcunque alia mensura dividi potest, ac juxta divisionem possunt parari arcus, & ad arcuum figuras patinæ vel globi, atque ita etiam qualescunque Lentes effor-


Tabula 1.

Tabula 2.



Partes centesimæ pedis Romani.		Diametri Arcuum pro patinis Lentium oculariũ convexarum, ac pro globis concavorũ specillorum.	Pedes Romani ac eorum semisses & quadrantes.		Diametri Arcuum pro patinis Lentium objectivarum.
Semidiametri ad quarum longitudines Arcus excindi debent	2	4	$\frac{1}{2}$	1	Diametri Arcuum pro patinis Lentium objectivarum.
	$2 \frac{1}{2}$	5	$\frac{3}{4}$	$1 \frac{1}{2}$	
	3	6	1	2	
	$3 \frac{1}{2}$	7	$1 \frac{1}{4}$	$2 \frac{1}{2}$	
	4	8	$1 \frac{1}{2}$	3	
	$4 \frac{1}{2}$	9	$1 \frac{3}{4}$	$3 \frac{1}{2}$	
	5	10	2	4	
	$5 \frac{1}{2}$	11	$2 \frac{1}{4}$	$4 \frac{1}{2}$	
	6	12	$2 \frac{1}{2}$	5	
	$6 \frac{1}{2}$	13	$2 \frac{3}{4}$	$5 \frac{1}{2}$	
	7	14	3	6	
	$7 \frac{1}{2}$	15	$3 \frac{1}{4}$	$6 \frac{1}{2}$	
	8	16	$3 \frac{1}{2}$	7	
	$8 \frac{1}{4}$	17	$3 \frac{3}{4}$	$7 \frac{1}{2}$	
	9	18	4	8	
	$9 \frac{1}{2}$	19	$4 \frac{1}{4}$	$8 \frac{1}{2}$	
	10	20	$4 \frac{1}{2}$	9	
	$10 \frac{1}{2}$	25	$4 \frac{3}{4}$	$9 \frac{1}{2}$	
	15	30	5	10	
	$17 \frac{1}{2}$	35	6	12	
	20	40	7	14	
	$22 \frac{1}{2}$	45	8	16	
	25	50	9	18	
	$27 \frac{1}{2}$	55	10	20	
	30	60	12	24	
	$32 \frac{1}{2}$	65	15	30	
	35	70	$17 \frac{1}{2}$	35	
	$37 \frac{1}{2}$	75	20	40	
	40	80	25	50	
	$42 \frac{1}{2}$	85	30	60	
	45	90	35	70	
	$47 \frac{1}{2}$	95	40	80	
	50	100	45	90	
			50	100.	



ICONISMUS I.



Quarta pars pedis Geometrici cum particulis 2000.



mari. Cuilibet enim licet certam mensuram eligere, ac juxta eam patinas, Lentas, Tubosque conficere. Ut tamen Lector scire valeat, quomodo aliqui pedes usitatiores aliquarum civitatum comparari possint, visum est, eorum aliquos ad eandem quandam mensuram reductos hic subjicere. Illa autem mensura est pes Geometricus in 2000. puncta sive particulas divisus, cujus quartam partem in Iconismo appposito expressam videre licet.

Pes Geometricus continens part. 2000.		Pedis Geometr. puncta sive particulae 2000.		Iconismus I.
Pes Romanus P. Riccioli.	- - - -	1471.	$\frac{9}{10}$	
Romanus Snellii idem ac Rynlandicus		1494.	$\frac{2}{25}$	
Romanus P. Rheitæ	--	1546.		
Parisiensis Antiquus	- -	1605.	$\frac{6}{10}$	
Reformatus	--	1589.	$\frac{4}{10}$	
Græcus Antiquus	- -	1557.		
Babylonius	- - -	1751.		
Venetus	- -	1673.		
Bononiensis	- -	1864.		
Ferrariensis	- -	1984.	$\frac{6}{10}$	
Lugdunensis Galliae	- - -	1672.	$\frac{6}{10}$	
Lovaniensis	- - -	1381.		
Toletanus	- - -	1295.	$\frac{1}{4}$	
Londinensis	- -	1445.		
Amstelodamensis	-	1351.		
Argentinenfis	-	1331.		
Norinbergensis	-	1455.		

Usus explicatorum arcuum & lamellarum arcualium.

1. Serviunt pro modulis scutellarum aut globorum probè formandis, & ad certam iis magnitudinem ac figuram exactè inducendam: nam juxta hujusmodi arcus sæpè applicatos, formæ ac moduli perfectè elaborari possunt.

2. Ad vitra maximè ocularia convexa priusquam in scutellis atterantur, primâ manu extra eas in alio lapide, ut infra dicitur, atterenda, & attrita, num proximè ad scutellarum figuram accedant, examinanda: sic enim & labori parçitur, tum obiter vitra extra scutellas ad petitam figuram aptantur, atque etiam scutellarum perfectioni consulitur, quæ diuturniori attritione in ipsis facta faciliè aliàs lædi aut plane deperdi potest.

3. Ad quasvis oblatas Lentas tam concavas quàm convexas examinandas, earumque diametros cognoscendas. Unde si vel Tubos aliorum, aut perspicilla oblata investigare & imitari cupias; inquire diametros sphaëricarum superficierum; his enim cognitis non erit difficile, similes cavitates ac convexitates aptæ materiæ æquè artificiosè & practicè inducere.

CAPUT II.

Quomodo forma sive moduli pro fundendis patinis ad exactam eorum figuram præparari debeant?

HAbitis ac præparatis arcubus jam venit explicandum, quomodo juxta illos moduli parari queant, in quos eliquata omnis generis metalla ad efformandas patinas infundi possint. Sed antequam ulterius progrediar, indicare libet, miram aliquam videri in Naturâ reperiri appetentiam perfectionis, quippè quæ occultâ quâdam inclinatione perfacile ad eandem capeffendam sese accommodare valet. Sic cum inter omnes figuras circularis sit perfectissima, & inter omnia corpora quâdam excellentioris dignitatis prærogativâ præcellat sphæricum, Natura singulariter non tantum illam encyclicam perfectionem in nobilioribus corporibus velut cœlo, Astris, terrâ aliisque expressam esse voluit, sed ad eandem perfacili Artis Ministerio sese pertrahi & adduci permittit, ut modò practicè declarabimus.

Praxis lusorios globos efformandi.

Si vidisti aliquandò pueros ex marmore vel Alabastro lusorios globos efformare; arcani pro præparandis modulis patinarum Telescopicarum principia vidisti. Hi equidem ut perfectam iis sphæricitatem inducant, prius marmori vel alabastro rudem aliquam rotunditatem conciliant, illud in lapide plano huc illucque commovendo & atterendo; deindè factò in eodem lapide angusto quodam foramine sive scrobulo rotundo marmor vel alabastrum immittunt, ac circulariter per tempus aliquod circumagunt & æqualissimè atterunt, atque ita exactissimæ sphæricitatis globos efficiunt.

Lapides arenacei quales eligendi.

Simili planè modo lapidibus ignis violentiam facile sustinentibus ad efformandos modulos pro patinis Telescopicis perfectam superficiem sphæricam adducere poteris, hâc quidem praxi. Elige imprimis tibi lapides arenaceos vulgò *Sandstein* (hi siquidem aptissimi sunt, quia non tantum facile ad petitam figuram sese adduci permittunt, sed etiam ignis violentiam sustinere commodius valent præ aliis quibusvis lapidibus, neque facile in igne rumpuntur aut dissiliunt,) hâc tamen cum cautelâ, ne assumas lapides rubei coloris, quia istius coloris minutam arenam continentes ignem haud ferunt, sed in igne dissiliunt: neque adhibeas tales, qui rimas aut venas aliquas habeant, aut qui abundant quibusdam quasi argenteis emicantibus particulis, quia igne violento albicans ejusmodi materia colliquatur ac diffluit, unde figura lapidi antea inducta vitatur & deperditur. Alii verò arenacei lapides qualescunque & cujuscunque coloris, maximè si mollioris sint substantiæ, aptissimi probantur.

Quomodo moduli lapidei pro patinis ocularium Lentium efformari debeant.


Selectos ita lapides opifice manu sic efformabis. Instrumentis ferreis huic operi congruis, velut malleis acutis ac aliis fabrilibus armis, uti hic exprimuntur, primò pro assumpto arcu, ad cujus magnitudinis figuram modulus est elaborandus, lapides ruditer aptare oportet: & quidem si modulum lapideum pro minoris sphæricitatis scutellâ, ut ocularia vitra inde efformare possis, efficere cupis. Sume duos lapides, quorum unum ad arcûs convexi figuram ruditer concavabis pro matrice formâ; alterum verò ad ejusdem sphæricitatis arcum concavum convexabis. Hoc factò, adhibe arenam communem siccam per secerniculum prius trajectam, ut omnes arenulæ sint penè æqualis magnitudinis affusâque aquâ invicem comprime duos lapides, & attere, convexum superiorem semper in orbem ducendo & apprimendo, quousquè videris omnes ferè inæqualitates ad perfectam sphæricam superficiem reductas. Ubi hoc præstitum, viderisquè ambos lapides proximè arcubus suis, nempè inferiorem concavum convexitati, & superiorem convexum concavitati convenire; tunc ablutis lapidibus nullam amplius arenam adhibe, sed affusâ solùm aquâ ipsos lapides solos invicem committe, & orbiculariter sicut antea contere, absterfâ sæpè abrasa materiâ lutosâ, donec ambos lapides suis arcubus perfectè videris congruere. Quantâ verò facilitate ejusmodi lapides ad perfectam sphæricitatem adducantur, sola experientia melius te docebit, quàm ego vel multis verbis declarare possim. Hoc totum negotium cum instrumentis accommodis satis clarè expressum vides in sequentibus figuris.

Quod



Quod si verò modulum lapideum formare velis, qui non sit admodum globosus, ut servire queat pro clypeis ad objectiva vitra ibidem atterenda, quorum scilicet sphaericitatis diameter sit ultra pedem Romanum: tunc lapis eligatur aliquantulum planior, isque ad arcum concavum assumptum rudi priùs manu convexetur, terendo ipsum super planum alium lapidem subjectâ quacunque arenâ quantumvis grossa. Alio deindè lapide pressorio longiore quàm latiore, qui longitudine suâ medietatem sive centrum sphaericæ superficiei formandæ excedat, comprimatur, ac sensim orbiculari ductu cum arenâ, ut supra dictum, exteratur, ita ut undique lapidi formando inferiùs subjecto adhæreat, atque exactè ubivis congruat. Examinatâ etiâ ad arcum selectum convexitate, cum videris eidem proximè conformem esse, nullâ ampliùs arenâ adhibitâ, ipsos solos lapides invicem committes, & factâ attritione circulari secundum omnes lapidis partes ita dextrè efformabis eundem lapidem, ut nullæ scissuræ aut quæcunque inæqualitates compareant, sed æqualem ubique sphaericitatem obtineat; & habebis modulum paratum. Possunt ejusmodi lapides nullius aquæ affusione perfectissimè efformari, quod sæpè etiam præstat.

Quomodo moduli lapidei pro patinis ad objectiva vitra accommodari debeant.



Quæ lati-
tudo sin-
gulismo-
dis conve-
niat.

Sed quæres, quantæ latitudinis necesse sit singulos modulos conficere? Resp. Licet indicatâ praxi facillimè possint integræ sphæræ ac perfectissimi globi formari, aut majores saltem portiones sphæræ pro formis ocularium scutellarum; id tamen non requiritur (quamvis majoris perfectionis causâ conducere possit,) sed pro ratione diametri sphæricitatis aliam etiam atque aliam latitudinem habere queunt. Itâ quæ parvam habent diametrum, requirunt majorem portionem de sphæricitate sua; quæ verò longiorem, cum sphæræ ipsæ, cujus sunt portiones, sunt majores, non tantam portionem exigunt. Pro directione servire potest, formas pro minoribus scutellis, quorum scilicet diameter est infra longitudinem $\frac{60}{100}$. pedum Rom. bene in latitudine habere possunt portionem, quæ sit tertia pars integræ sphæricitatis, sive cujus chorda sit latus trigoni, aut subtendat gradus 120. Indè verò aliis usque ad modulum, cujus sphæricitatis diameter sit unius pedis aut paulò ultra, latitudo minor concedi potest, ita ut chorda subtenfa possit esse latus Tetragoni, aut etiam Pentagoni.

Si tamen aliquæ istarum formarum servire solùm debeant ad scutellas pro vitris objectivis minorum Tubulorum communium, cum ejusmodi vitra non debeant esse magna, & parvam admodum aperturam requirant, etiam ipsas formas & scutellas juxta eas formatas præstat minorem habere latitudinem, quàm sit ea, quæ jam assignata est.

Modulis lapideis pro scutellis vitrorum objectivorum, quorum sphæricitatis diameter à longitudine 2. pedum ad longitudinem 8. pedum Rom. se extendit, sufficit chorda longitudinis dimidii pedis Romani. Si verò diameter sit ultra 8. pedum longitudinem; subtenfa chorda poterit esse $\frac{75}{100}$. ped. Rom. sive $\frac{75}{100}$. aut longitudinis integri pedis Romani. Globosæ portiones concavendis vitris aptæ quantò majores fieri possunt, tantò meliores censentur.

CAPUT III.

De Modo & praxi fundendi scutellas ex plumbo aut stanno.

Praxis fun-
dendi scu-
tellas ex
plumbo
aut stanno.

Modum faciliorem fundendi scutellas ex plumbo aut stanno ope formarum præparatarum, ut superiori capite indicatum est, præmitto difficiliorem ex materiâ duriori, velut ære aut cupro parandi, sequenti capite exponam. Si itaque libeat, scutellas ex plumbo vel stanno fundere, habeasque modulos tam foemineos, aut vocant, quàm masculinos, hoc est, concavos & convexos sibi conformes præparatos, infuso plumbo aut stanno facilè scutellas obtinere poteris hoc modo. Duos modulos conformes ita inter se committe secundum concavam unius, & convexam alterius superficiem, ut inter utrumque tantum spatium intercedat, quantum scutellæ formandæ spissitudini convenire judicaveris; quod optimè præstabis, interponendo crassiorem annulum ferreum aut ligneum, aut etiam chartaceum convenientis magnitudinis ad extremitatem modulorum invicem conjunctorum, qui exterius etiam luto obduci potest, aperto & relicto solùm ore, per quod plumbum aut stannum infundi debet, & aliquibus spiramentis, quibus aer exhalare potest. Hoc præstito, curabis, ut moduli ita commissi sint bene desiccati, & aliquantulum calidi; cavendum, ne ullus humor eos afficiat. Hoc etiam obtexto, liquefactum probè plumbum aut stannum infundes, sicquè patinas desideratas acquires. Has deindè cum refrigerint, è formis eximes, ac superfluas circa extremitates extantes impertinentias limâ abrasas, aut cum scutellæ sunt profundiores, eas in plano aliquo lapide subjectâ arenâ circa extremitates atterere poteris; atque ita perfectas scutellas obtinebis.

Indicantur
aliæ pra-
xes.

Faciliori praxi possunt etiam omisso annulo scutellæ concaviores fundi, tria scilicet aut quatuor parva tigilla æqualis spissitudinis inter commissos ambos modulos circa extremitates superius imponendo; factâ deindè appensione moduli convexi potest ad latus liquefactum stannum vel plumbum infundi, quousque ad tigilla prædicta ascendat. Etiam potest stannum vel plumbum in foemineum prius modulum infundi,

fundi, sed antequam rigeat, debet celeri admodum & expeditâ manu masculinus imponi ac fortiter apprimi. Potest etiam lapis convexus cribratis cineribus imprimi, & ad extrema annulus chartaceus circumponi, sicque stannum infundi, ac imprimi modulus, ut antea dictum. Possunt etiam convexi lapides, præsertim planiores, qui modulum fœmineum non habent, argillæ vel luto imprimi, quod faciliè formam fœminei moduli induet. Hoc lutum deindè, si bene deficcatum fuerit, similiter poterit annulo aut quovis alio modo cum lapideo masculino modulo conjungi, plumbumque aut stannum infundi pro patinâ formandâ, ut supra indicatum. Hos omnes modos experientiâ propriâ aliquando comprobatos novi. Sed alia quædam hic occurrunt, quæ pro facilitandâ meliùsque expediendâ fusione diligenter observanda sunt.

Observanda pro faciliiori & expeditiori fusione.

1. Dum stannum eliquatur in vase liquatorio, observandum, ne nimiùm incalcescat, quia si præter modum calet, fusioni aptum non erit. Color itaque in superficie stanni eliquati attendatur; qui si post factam omnis stanni in vase contenti eliquationem, adhuc albus ac candens fuerit, bonus esse poterit: alii autem colores, qui ordine succedunt, ut flavus, rubeus, purpureus, cæruleus, & tandem ater (cum aucti graduum caloris dent signum, ita ut tantò magis censeatur stannum calere, quantò propinquior est color atro, qui summæ incalcescentiæ argumentum præbet,) indicant eliquatam substantiam optato successu in præparatas formas vix decisuram.

Color in eliquato stanno quis probetur?

2. Ad stannum indurandum proderit addere partem aliquam æris; sic scutellæ substantiæ durioris & solidioris effici possunt.

3. Conducit etiam stannum in vase suo liquatorio eliquatum à scoriâ aliisque sordibus repurgare, quod fiet tartaro cum arsenico albo injecto, ita ut ad unam libram materiæ eliquatæ adhiberi possit uncia tartari circiter cum dimidiâ Arsenici. Ab istorum tamen fumo tibi præcaveas.

Quomodo stannum eliquatum repurgandum?

4. Pro facilitando fluxu conducit ipsos modulos hoc aut simili illinimento priùs afficere, nempe ex cretâ aut cinere cum lacte recenti subacto. Servit etiam terra illa alba, ex inferiori Germania huc afferri solita, de qua omnis generis pocula & vasa alba patoria, mensalesque patinæ fieri solent. Optimum expertus sum, quod & lavorem eximium lapidibus adducit, præsertim si crassiori consent arenâ, calcem vivam communi aqua dilutam, & ad pastam redactam superlinire. Probatur etiam valdè bolus rubeus, si communi aquâ, vel, quod meliùs, recenti lacte in marmore, sicut colores solent, molatur, & penicillo deindè formis probè illinatur. Ad fluxum etiam cujuslibet metalli commendant aliqui suffumigium ex charta vel bombyce oleo & Therebinthinâ imbuto atque accenso, si fumo inde emissio afflentur formæ: cum quid fumi superfluum fuerit, leporino pede tollatur, ut loca, quæ nimio fumo oppleta sunt, æquentur. Verùm ego relictis aliis solam eligo calcem vivam, ut dictum; nam lapides non tantùm æquali hinc probè lavore affici possunt, sed etiam calx in igne contumaciùs & pressius adhæret, ac quodvis metallum aptè per omnes moduli partes præcipitari sinit, arcèque moduli figuram prehendere facit, ut quivis experientiâ faciliè addiscet. Lac etiam recens & adhuc dulce calci superlitum ob contentam in se pinguedinem multum ad fluxum conducere solet.

Quomodo per illinimenta fluxus facilitandus?

CAPUT IV.

Quomodo ex Ære vel Cupro similique metallo duriori scutellæ fundi queant?

ÆRæ vel cupræ scutellæ longè plumbeis ac stanneis ob substantiæ duritiem præstant, ideò quod acceptam semel figuram diutiùs retinere, nec eam facile deperdere, vitrisque intritis citiùs eandem communicare queant. Hoc igitur loco veram praxin modumque perfectum cum omnibus requisitis circumstantiis ejusmodi patinas fundendi aperiam. Quod ut ordinatiùs fiat, dicam priùs, quomodo ipsæ formæ disponendæ ac præparandæ sint. Deindè, quomodo æs vel cuprum ignis violentiâ eliquari & cogi debeat: ac denique, quomodo ipsis formis probè infundi queat.

§. I.


*De Luto ejusquè præparatione ad formas seu modulus
benè pro fusione aptandos.*

Praxis lu-
tum præ-
parandi.

Pro disponendis formis ac modulis oportet imprimis lutum figurare singulariter præparatum hoc similivè modo adhibere. Sume lutum commune, vulgo *Leimen* unde scilicet lateres communiter fieri solent, illudquè per cribrum trajice, ut si qui lapilli ac aliæ quæcunque fordes insint, secernantur. Deindè ligno aliquo in vase laxiori cum aquâ remisce, ut in tenuissimam pulvem redigatur, ac facilè per secerniculum strictiorum foraminum cogi possit. Luto sic repurgato & in aliud vas amplum per secerniculum acto immisceatur stercus equinum benè discerptum, quantum sufficere judicatur. Item addantur pili vitulini, quos tamen in pavimento priùs per duos bacillos probè percutiendo distrahere debes, atquè etiam si longiores sint, securi vel alio præcisorio ferro conscindere. Tandem si lutum antiquum habeas ejusmodi miscellâ præparatum, quod jam usui fuit, ac in igne duravit, illud benè comminutum ac contritum priori mixturæ etiam incorporabis, ac in tenacem pastam reduces injecto etiam pulvere ex comminutis & contritis carbonibus, vel contritis tegulis aut lateribus, cribroque trajectis. Omnibus ita ritè commixtis, & in tenacem pastam redactis, eam variè agitando, huc illucquè torquendo, planiori etiam ligno diffecando diligenter elaborabis, itaque habebis lutum præparatum, quod loco humido collocabis, & ad usum servabis, qui talis erit.

Aptatio
formarum
pro infun-
dendo æ-
re.

Cum formas aptare cupis pro infundendo ære, ita procede. Sume lapideum modulum invexum, cui conformem exoptas scutellam efficere, & circino describe in eo circa extremitatem circulum pro lubitâ magnitudine futuræ scutellæ, posito scilicet uno pede in medio moduli lapidei convexi, & quidem supposito frustulo chartæ crassioris ac durioris, ne nimium lapidi pes acutus imprimatur, ac ita modulus vitiatur; alterum pedem extende ad lapidis extremitatem tanto intervallo, quantò majorem vel minorem scutellam fundere cupis, & circumacto circino designa circulum: quo signato, per instrumentum aliquod ferreum, velut scalprum, tolle quod extra circuli designationem jacet, ac fac, ut lapis indè aliquantulum humilietur, ibidemque depressa quædam cavitas rotunda circumducatur, ut vides in figura A.



Hoc peracto opus habes ligno volutorio B, quod ita torno paratum sit, ut circa extremitates habeat duos quasi annulos C & D; intra verò dictos annulos in æqualem cylindrum protendatur. Annulorum verò altitudo ad lubitam scutellæ formandæ spissitudinem extendatur. Vide figuram B.

Quomo-
do lutum
ligno vo-
lutorio
compla-
natum ap-
plicandum
sit.

Volutorio isthoc ligno lutum super mensam aut aliam complanatam tabulam æquabis, deindè de complanato ita luto insperfo priùs lateritio pulvere crustam lapideo modulo induces, quæ vicem formandæ scutellæ supplebit. Quod si planiores sunt lapides, uno continuo luteo orbiculo eos integes: si globosiores; in partes longiores lutum complanatum discindes in morem ligularum, ac unâ ad alteram junctâ lapideum modulum teges. Tandem cultro circa designatam antea cavitatem ex-
tantes


antes partes præscindes; aliquantulum deinde ad carbones vel ignem siccari curabis. Insperfo rursum postea lateritio pulvere vel illita pinguedine, ut facile separari queat, iterum lutum pro integumento obduces, lapidique probè apprimes, ut cavitati in lapide excisæ undiquaque insistas; ac si rursum parumper relinques, donec aliquantulum exsiccet. Tandem factis signaturis, ubi lutum lapideo modulo committitur, tectum luteum amovebis, ac fictam scutellam eximes & abjicies. Habebis ita concavum modulum priori lapideo satis conformem.

Peractis hisce ita ambos invicem modulos compones ac committes. Purgato prius ab omnibus sordibus lapide, sicut & tecto luteo, illines lapidem pigmento aliquo ex his, quæ præcedenti capite indicata sunt pro fluxu metalli facilitando. Communiter tamen adhiberi solet creta cum lacte recenti ad Porphyritem trita, & ritè attemperata penicillo illinitur ita tenuiter, ut cavitates quidem minutæ expleantur ac perfectè coæquantur; diligenter tamen cavetur, ne crassè nimium alicubi appingatur, ut figura moduli vitietur. Hoc pigmento illito tectum luteum lapideo modulo impones, attendesque, ut ad factas signaturas invicem perfectè committantur. Deinde filo ferreo ambos modulos colligabis, ne facile dissolvi queant; lutum etiam undiquaque tam ad commissuras, quam ad fila dicta obducendo. Os etiam pro aëre infundendo una cum spiramento, per quod aër exhalare possit, alicubi formabis, uti commodius innoxiiis ligaturis fieri posse judicaveris. Habebis ita modulum pro infundendo aëre vel cupro præparatum.

Modulus
lapideus,
quomodo
illiniendus.

Quomodo
reliqua pro
dispositio-
ne moduli
perficienda.


Nota. Si lapides sunt planiores (ut sunt omnes ii, quorum convexitatis diameter ultra pedem Romanum extenditur) posse expanso super eos linteolo apprimi lutum, ut figuram acquirat; rejecto deinde linteolo, lutoque remoto potest annulus ferreus, ut in fig. 2. apparet, adhiberi, & luteum tectum modò præparatum superponi, filisque ferreis, ut antea dictum, conjungi. Sic labori parcitur, nec opus est, lapides circa extremitates decavare. In minoribus tamen & globosioribus modulis non suadeo: cum hoc modo scutellæ non æqualis ubique spissitudinis formarentur, sed crassiores forent circa medium, graciliores verò circa extremitates; quod haud probatur, ob periculum contractionis metalli circa partes inferiores crassiores & spissiores, quo casu scutellæ valdè imperfectæ formarentur. In planioribus tamen, ut dictum, talis inæqualitas non facile officere poterit.



Quomodo fornaces sive furni tam pro modulis ad fusionem adaptandis, quàm eliquandis metallis construendi debeant.

Antequam proferamus modum duriora metalla eliquandi, priùs furnorum apparatus & constructionem edocere debemus. Duplici imprimis furno opus habemus, uno scilicet, in quo formæ eo modo ut jam dictum præparatæ reponi debent, ut probe exurantur, exinde excandescant, sicque metallum infusum omnes moduli cavitates perfectè influere atque explere possit. Hic furnus facilè ex lateribus intùs luto cum aqua communi præparato obiter oblitis construitur, potestque ad libitum major vel minor effici. Hoc tamen attendendum, ut furnus intùs tam latus efficiatur, ut impositas formas undiquaque quadrante circiter pedis excedat, ut carbones aptè circumponi queant. Tam altus autem fiat, ut pedis longitudine supra formas protendatur. Extrui potest facilè in quovis lapideo aut terreo solo, ad murum etiam, nec indiget magna opera aut singulari artificio, qui dum usui fuit, mox rursus dirui ac removeri potest.

Cum furnus præparatus est, debent formæ inverso modo, ita ut os ac spiramentum illarum horizonti incumbant, super frusta quædam lateritia imponi, velut in fig. 1. apparet, ne quid de carbonibus vel cineribus, ac quibusvis aliis sordibus incidere possit: carbonibus deinde omninò obtegi debent, iisque incensis sic exuri, ut præparato ad infusionem metallo formæ totæ excandescant. Interim autem, dum furnus ardet, supra lapidibus aut tegulis occludi debet, velut in fig. 2. apparet.



Furnus pro
eliquando
metallo
quomodo
construen-
dus.

Alter furnus pro eliquando metallo simili ferè modo construitur ex lateribus. Eriguntur enim quatuor muri lateritii, quorum ab invicem latitudo unius pedis, altitudo verò duorum circiter pedum esse potest; intùs verò luto cum aqua præparato obliniuntur & conjunguntur, quo igneus calor contineri meliùs queat. Potest etiam infra conisterium sive cinerarium confici; sed si tantùm pro una alterave fusionem servire debent, etiam omitti potest. Quando deinde in hoc furno metallum eliquandum est, ponitur illud in crucibulum sive vas fusorium, ac collocatur in furno supra frustum lateritium: circumjectis deinde carbonibus iidem incenduntur dato imprimis lento igne, ne vas fusorium statim rumpatur (quod bene observandum est) aucto deinde igne furnus totaliter usque ad summum carboni-

bonibus oppletur, tegiturque lapidibus. Factâ una alterave oppletionem, ut dictum (nam in apponendis carbonibus non oportet esse parcum) cum videris metallum igneo emicante fulgore, ac coloribus rubeo-sulphureis rutabulo adhærentibus esse perfectè eliquatum, adhuc tres successivè carbonum cumuli ad summum usque fornacis apponi debent, ut metallum omninò ferventissimum & aquæ instar fluidissimum reddatur, sicque ex commotione facillè subsultet: habebis ita metallum ad infundendum formis paratum. Verùm hic plura occurrunt speciatim annotanda ad præxin.

§. III.

Practica quædam Experimenta circa æris aut cupri fusionem indicantur.

I. Cuprum difficilius eliquatur, quàm æs; unde ignis violentior eliquando cupro adhibendus. Si tamen hoc citius fusile ac ductile habere cupias, crucibulum prius per se optimè igneas, deinde cuprum injicias, & subitaneum fortem ignem applies. Et hæc est causa, quod pauci extiterint, qui cuprum per se liquefacere norint. Vel equi ungulas inter eliquandum addere potes. Idem judicium est de ære: nam præter hoc ajunt & fluidius reddi.

Cuprum
difficilius
quam æs
eliquatur.

II. Optimè repurgabis metallum, si inter eliquandum Tartarum & Arsenicum album cum paxillo picis Græcæ injeceris atque effumare permiseris, quorum tamen injectorum fumus valdè cavendus est.

Quomodo
metallum
repurgan-
dum.

III. Crucibula sive vasa fusoria, ut melius & diutius durent in igne, intus cinere cum aqua subacta (melior autem est cinis, qui jam usui fuit pro lixivio, quàm qui recens à foco transfertur) incrustari possunt; exterius verò luto præcedenti §. descripto obduci queunt: sic enim non tam facillè rumpuntur vasa, & si quo casu rumperentur, metallum tamen eliquatum adhuc contineri posset, ne diffunderet, cinere scissuras ac rimas occludente.

Crucibula
quomodo
diutius in
igne du-
rent.

IV. Consultissimum est, ollas fusorias sive crucibula ad evitandum periculum rupturæ primùm lento igne adhibito calefacere. Item, cum metalla ex lisdem in modulos sunt transfusa, non debent extra furnum in patente aëre nimium frigido relinqui, sed ad ignem etiam vacua rursus transferri, ut sensim ibidem deferveant ob idem periculum.

Circa vasa
fusoria
quid ob-
servandum

V. Ollæ fusoriæ non quovis loco debitè parari possunt; sed meliores è Silesia aut Passaviensi solo huc transportari solent. Licet enim quidam putent, parari posse quocunq; loco; ex arena nempe rubea, sale communi, arena vulgari, ac quâlibet terra alba; optimis tamen consultis Artificibus Aeramentariis minimè probârunt. Ex relatione tamen cujusdam in officio fusorio satis experti testatum habeo, qui se compertum esse asseruit, ollas fusorias, quales vitriarii in parando & eliquando vitro adhibent, probè etiam ad eliquandum metallum servire posse. Facillè autem tales ollæ parari possunt hoc modo; Sumuntur imprimis testæ ollarum communium & conteruntur, ac ad pulverem rediguntur. Deinde sumitur etiam argilla optimè lota & purgata ac per cribrum acta, eaque in igne calcinatur & exurit, ut ubivis omninò excandeat. Refrigerata in minutissimum pulverem redigitur, qui pulvis aquâ communi cum priore testaceo pulvere commiscetur ac in tenacem pastam reducitur: manibus demum elaboratur, vasculaque sive ollæ fusoriæ rotundæ vel angulares efformantur; quæ sic formata convenienti loco siccantur, ac tandem in fornace figulina uti alia fictilia vascula excoquantur. In commixtione pulveris testarum ollarium major potest esse quantitas, quàm alterius pulveris argillacei.

VI. Partes metalli grandioris debent ferrâ minutari, vel quocunq; alio modo in minora frustula redigi. Pulvis tamen æreus limis abrasus non ideò citius liquefit, quia minor est, sed ideò penè inutilis censetur, quia comburitur & absumitur, ita ut de quatuor libris vix unam fluidam aptamque fusioni excoquere possis.

Pulvis mi-
nutus æ-
reus non
est aptus ad
fusionem.

VII. Egregiè indurantur metalla pro patinis inde formandis, si ad tres partes æris repurgati una pars optimi stanni Anglicani addatur: vel, si ex cupro, quod est

Metalla
quomodo
induranda.

rena-

tenacioris substantiæ scutellæ formari debeant, ad duas partes cupri una ejusdem stanni addatur. Verum quia etiam metallum unum altero melius & præstantius in substantiâ esse solet; si ipsâ experienciâ exquirere velis, quantum stanni addere debeas, ut maximam duritiem acquirat; Dum portiones commixtæ jam eliquatæ sunt, potest instrumento ferreo aliquid eximi; quod si friabile ac nimium fragile fuerit, æs addi: si tenax admodum & ductile adhuc; stannum adjici debet. Libet etiam hic inferere, quæ de mixturâ æris tradit *Kircherus* in *Mundo* subt. lib. 10. sec. 4. cap. 9. Quemadmodum cætera metalla suam habent misturam, quam Opifices *Legam* vocant: ita pariter æs ab hac non est alienum, non ut æris massa augeatur, sed ut ab illo quædam visciditas auferatur, quæ impedit, quo minus rectè ad varia opera fundatur. Miscetur ergo cum stanno & Aurichalco: propriâ tamen & optimâ misturâ vel *Legâ* perfectum, stannum esse traditur, ut opera sine metallo parentur: nam operibus malleo & dilatatione egentibus æs purissimum & perfectum esse debet, quoniam æs mistum malleo frangitur. Hæc mistura pro varietate operum varia esse debet: nam aliam statuæ, aliam bombardæ, aliam campanæ, aliam demum mortaria & lebetes expostulant; quandoquidē centū libræ æris cum duodecim stanni pro tormentis bellicis majoribus metallum conficiunt; sed centum libræ æris cum viginti stanni metallum pro campanis constituunt. Hæc mistura ab opificibus aliquando metallū, aliquando *Bronzum* appellatur juxta majorem vel minorem stanni quantitatem, quam recipit. Nonnulli pro minori impendio Aurichalcum vel plumbum & similes, quod *Bronzum* vocant, pro variis operibus conflare nituntur. Hæc *Kircherus*.

Mixtura
metallorū
ex *Kircherus*
10.

In æris fu-
sione quæ-
dam digna
considera-
tione.

Rubigo æ-
ris unde
proveniat.

VIII. Tria maximè consideratione digna sunt, ut habet idem *Kircherus* ibidem, in ære fuso. Primò hoc à natura illi insitum est, referente *Plinio*, ut ingruente magno frigore melius & citius fundatur, quamvis vehemens flammæ examen non toleret: nam totum comburitur, unde colligendum est, multum exhalationis combustibilis ei inesse, præterquam quod in comparatione ad cætera metalla odorem sulphureum & fætidum spargit. Deinde, si lapillus vel lutum vel lignum vel carbo madidus, teste *Agricola* in æs adhuc infusum in catino inciderit, tunc catinus fervens instar tonitru omne æs contentum evomit, & quicquid tetigerit; lædit & incendit. Rursus, si æs factum consideret, notandum erit, quod æs sæpius detersum citius quam neglectum, rubiginem contrahat, & ab hac labe immune, teste *Plinio*, pice liquidâ servatur; verum oleo linitum, vel sale & aceto madefactum illico ærugine vexatur, quamvis ab hac postea non consumatur.

Quando
æs mollius
aut durius
reddatur.

IX. Si cuprum vel æs semel refrigeratum igni rursus imponatur, ita ut cande-scat, & de se rursus refrigerari permittatur, fit mollius, ac eò quidem magis, quò sæpius hoc repetitur. Unde quia teneritudo ac mollities ista pro negotio præsentis non conducit, præmoneri debes, ut caveas. Potest tamen fortè servire ad vitiatarum scutellarum figuras emendandas cum metallo molliori appresso lapide convenienti, ut infra dicetur, figuræ citius restitui possunt. At contrariâ deinde ratione rursus scutellas indurare poteris, si nempe eas valde ignescentes ac plurimum candescentes in aquam frigidam immittas ac refrigerari sinas.

Metalla
duriora in
furnis ven-
tosius citius
coguntur
ad eliqua-
tionem.

X. Metalla duriora in ventoso furno citius cogi, fluidaque reddi possunt compendio temporis ac laboris, minoriq; carbonum impendio. Ejusmodi autem furnus hæc ratione construi potest; Erigantur ex lateribus quatuor muri pedali ab invicem intervallo distantes altitudinis supra conisterium seu cinerarium, quod literâ A signatum, bipedalis. In altero conisterii pariete fiat ostiolum B, per quod ignis aërem attrahere, cinisq; eximi possit. Supra conisterium autem ferramenta ad craticulam C carbones & vas cum metallo impositum D sustentem collocantur. Sub crate ad digiti latitudinem parvum fiat foramen E, per quod follis G rostrum transeat. Furnus deinceps à crate in divexitatem pedalis fiat ad focum F. constituendum. Hic tandem satis exsiccatus cum pulvere carbonum ac luto aquâ diluto inungitur, ac follis G apponitur; eritque furnus ventosus paratus. Vide fig. 1. Potest etiam furnus ventosus absque folle adhibito metallis eliquandis aptus construi, ut fig. 2. exhibet. Nam aër aut ventus per foramen B conisterii A attractus impositos super ferream craticulam C carbones mirum in modum sufflare poterit. Dum ignis

ignis suo fungitur officio, conducit furnum operculo aliquo lapideo vel lateritio D obtegere, relicto solum uno vel altero foramine, velut in E, per quod ignis exhalare possit.



XI. Quod si in furno alicujus fabri ferrarii æs aut cuprum eliquare libeat, citissime ac commodissime hoc modo præstabitur. Imponatur crucibulum popèro-
strum folliis ad distantiam quadrantis circiter de pede Romano, ac aliquantum ele-
vatum super lateritium frustum ita collocetur, ut ventus efflatus mediam propè
ollam directè oppositam offendat: circum verò ollam fusoriam undique ad distan-
tiam circiter quadrantis de pede Romano erigantur lateres in altitudine quâ pos-
sunt ollam excedere ac superare uno pede Romano. Hoc factò circumponantur
carbones, & incendantur, trahatur follis, citissime metallum eliquabitur.

Quomo-
do in fur-
no ferra-
rio eliqua-
ri æs oportet.

§. IV.

Quomodo eliquatum Æs aut Cuprum formis præparatis infundendum, & quid circa hanc fusionem observandum.

Eliquato metallo & præparatis formis jam restat dicendum, quomodo illud in formas præcipitari ac transfundi debeat. Cum itaque metallum probè eliquatum omnis humoris sit impatiens, totumque igneo non tantum fulgore, sed etiam vehementissimo ignis æstu intus affectum esse, atque ab actuosissima vi caloris ex-
candescere debeat, ne frigidi cujuspiani vaporis aut cujusvis humoris velut infesti ini-
mici occurssu in ingressu novi hospitii mox horreat & obrigescat; convenit modu-
los omni vapore penitus resolutò & quovis humore etiam in abditissimis partibus
absumpto non tantum calere, sed intensè ignitos, atque ab ignis virtute plurimum
cale-

calefactos esse. Ad hoc præstandum superius §. 2. hujus capituli, vulcanium carcerem descripsimus, in quo interea, dum metallum in suo quoque carcere eliquatur, formæ concludi, accendi & exuri debent.

Locus pro
reponen-
dis formis
ante infu-
sionem.

Ipsa fusio
quomodo
peragenda.

Porrò quo tempore hæc contingunt, aptatur locus reponendis formis, qui vel effosa terrâ vel glebâ communi in vas aliquod etiam ligneum translata factis fossulis præparatur. Dum omnia ritè in furnis peracta, ope forcipum eximuntur lapidei moduli sive formæ, & rursus erecto situ in fossas terreas transferuntur, ubi terrâ undique per circuitum constringuntur & constipantur: quod ideò fit, ut si metallum fluidissimum fortè formis ad commissuras igne relaxatis inde transitum quærat, occursu glebæ frigidioris statim rigeat, atque ita hospitio suo concludatur. Manibus deinde per chyrothecas etiam si opus est frigidâ madefactas ab ignis æstu præmunitis eximitur ope forcipum olla fusoria cum metallo liquefacto è furno, & repurgatur metallum per instrumentum ferreum ab omnibus sordibus & quovis pulvere carbonum: tandem sensim in modulos transfunditur. Cum deinde refrixerint formæ, solutis ligaturis eximuntur scutellæ, & quæcunque impertinentiæ ferrâ vel limâ tolluntur, habenturque scutellæ desideratæ.

Moduli in
positione
versus lu-
tum incli-
nari de-
bent.
Conducit
plus me-
talli affun-
dere, quàm
necesse sit.

Sed hic ad praxin meliorem observa 1. Quando moduli calefacti imponuntur terræ, debent aliquantulum versus illam partem inclinari, à quâ parte hæret luteus modulus. Nam cum illius figura haud multum curetur, si in influxu metalli (quod facillè contingit) aliqua impuritas aut inæqualitas unâ subiret, illa ad partem minùs principalem divergeret, puritate & æqualitate ad lapideum modulum utpote principaliorem partem transvectâ.

Quomo-
do scutellæ
imperfe-
ctæ sint
emendan-
dæ.

2. Melius, imò optimum semper est, plus metalli formis affundere, quàm ipsis intus formandis patinis necessarium sit: nam sic gravitate exteriorum partium interiores magis premuntur, ut moduli cavitatem exactius permeare cogantur.

Quomo-
do figura
deperdita
in scutellis
reparanda.

3. Si scutella aliqua non obtinuerit perfectam ubique æqualitatem, aut illius figura deprehendatur quovis modo vitiata (forsan ex contractione lapidei moduli ab ignis nimia violentiâ, ut mihi aliquando accidisse scio) facto glutino ex commixtione æqualium partium ceræ & picis scutella vitiata asserculo convenienter excavato agglutinetur, ac firmetur. Quo præstito sumatur lapis arenaceus, qui scutellæ magnitudinem penè adæquet, ac prius in alio plano aliquo lapide subiecta arenâ ad convenientem propè scutellæ figuram atteratur: deinde ipsi scutellæ affusa aquâ interatur, & repurgatis sæpè sordibus sic huc illucque trahatur, donec ipsi scutellæ perfectissima ubique omnium partium æqualitas, & desideratæ figuræ cavitas ad votum accidisse comperiatur. Hujus procuratæ figuræ non leve argumentum erit, si post plures lapidis circumductiones firma ubique cum scutella cohæsiō advertatur, ita ut difficulter ab ea lapis abduci queat. Atque ita (quod etiam bene notandum) semper scutellarum quarumlibet figuram quovis modo deperditam reparare licet. Ideò etiam ejusmodi lapides asservari, ac cum necesse judicatur, rursus indicatâ praxi interi queunt; sicque facili negotio perfecta figura denuò restitui potest.

4. Ex dictis hætenus de patinis in usum Telescopicum fundendis & ad justam ex voto perfectionem adducendis, facillè etiam intelligitur globorum aut segmentorum illorum sphaericorum pro concavandis vitris aptorum præparatio, fusio & perfectio. Facillè etiam colligitur, quomodo ex ferro aut chalybe qualescunque patinæ aut globosa quæcunque segmenta, quæ vitris primâ manu atterendis valde conducunt, fundi queant. Sed hinc ingenioso & sagaci Lectori ulteriùs ad indicatarum praxium telam continuandam, ansam præbuisse sufficiat.

CAPUT V.

Varia quadam alia praxes ab aliis Authoribus præscriptæ, lances ac patinas Telescopicas efformandi adducuntur & explicantur.

VT Artifex Lector selectum habere queat practicè construendi ac elaborandi lances ac patinas Telescopicas, modos etiam ab aliis præscriptos hic proponam.

Imprimis P. Antonius Maria Schyrlæus de Rheita in oculo, & ex ipso Schottus in *P. Rheitæ praxis,* *Magia Telescop. Synt. 4. cap. 1.* Item Kolhansius tract. Opt. lib. 3. sec. 2. cap. 1. hunc modum præscribunt. *Habeas prius, ait Rheita, arcum tam convexum quam concavum ex circulo perfectè spherico præcisè excisum. Accipe propterea perticam tot pedum, quot fieri vis semidiametrum futurae Lentis. Quæ retro axi seu claviculo volubiliter infixo, pugillari in altera ejus extremitate firmiter infernè prominente, in supposita tenui lamina cuprea aut ferrea arcum tanta longitudinis designa, quanta amplitudinis volueris habere patinam tuam. Hoc factò arcum jam dictum ruditer ex lamina illa excisum limâ subtilissimè & exactissimè usque ad lineam curvam convexam elaborato. Paretur deinde dictus arcus in modum limæ. Fiat tum torno ex ligni solidopatina ad proportionem arcus convexi, quo velut lima ita etiam undique patina aequetur ut tornata arcui præcisè in circuitu congruat, ne quidquam spatii inter hanc & illam in linea contingentia relinquatur. Quod deinde in patinarum excavatione etiam observabis. His factis conficias ex ligno quadratam cistam sine fundo, cui deinde asseri portatili prius imponenda, illam patinam ligneam secundum proportionem arcus torno exactè elaboratam impone, ita ut extremitates cistæ tres aut quatuor quasi digitis extremitatem & altitudinem patinæ lignæ excedant. Tunc cribratum cinerem madefactumque sæpè dictæ cistæ ac patinæ ei impositæ usque ad summitatem infunde, & paulò post asserem post cineris infusionem cistæ imponendum cum inferno asserere verte. primoque asserere amoto etiam patinam ligneam cultri cuspide leniter infixo extrahe, & exactum modellum pro futura fundenda patinâ habebis: cui deinde æs, plumbum vel stannum infusum scutellam dabit, in qua deniq; (prius tamen arcu illo recto undiq; exlimata eidemq; adequatâ) vitra convexa parantur.*

Hæc Rheita.

Hic modus, ut ex dictis colligitur, servit pro formanda una tantum parte alicujus scutellæ, non pro utraq;e. Item comprimis pro patinis majoris diametri: & quidem si scutellæ alicujus cavitas sit efformanda, modellum ligneum torno præparatum debet esse concavum, si convexum segmentum sphericum excavandis vitris aptum petitur, debet modellum impositum etiam esse convexum. Indico tamen praxin, quâ potest etiam ab utraque parte scutella scilicet concavo-convexa simili artificio unica fusione parari.

Parentur duæ cistæ similes, quæ sibi invicem commissæ omninò congruant, & factis etiam signaturis ad commissuras justissimè invicem conjungi possint. Deinde modo jam dicto in prima cistâ disponatur modellum pro una parte efformandâ, ac comprimatur bene cinis, ut ita compactus compressusq; cum prominentia alterius partis modelli ipsi superiori limbo cistæ æquetur. Hoc factò sumatur charta tenuis oleo olivaceo bene inuncta ac circa medium in magnitudine modelli prominentis excindatur, & reliqua chartâ cinis compressus juxta modellum tegatur: purgatoq; modello prominente altera cistâ priori planè conformis apponatur, ac cinis madefactus immittatur, comprimatur, & siccari permittatur. Cum cinis exsiccatus est, superior cistâ sensim ab inferiori cum cinere in se contento removeatur, & modellum cautè eximatur, atque circa latius uniûs cistæ foramen cum fossula, per quam metallum infundi queat, paretur. Hoc etiam peracto iterum duæ cistæ invicem, ut prius erant, jungantur, ac ita collocentur, ut os sive foramen, per quod metallum infundi debet, superius existat. Poterit ita scutella ab utraque parte una fusione perfici. Sed quid si quis perfectas scutellas ex cera haberet, easque in cineres humidos sepeliret, & ita resiccati curaret: relictis deinde scutellis in ipsis cineribus canaliculos, per quos metallum infundi posset, ad scutellas efficeret;

Praxis Rheitæ servit tantum pro una facie scutellæ.

Quomodo simili praxi scutellæ ab utraque parte satis bene sphericæ fundi queant.

Praxis alia nondum experimento committenda indicatur.

annon scutellas perfectas utrinque efformare posset? dū enim liquefactum metallum infunditur, an non cera omnis mox cineres subiret, locumque vacuum novo hospiti pro perfectā scutellā efformandā cederet? Sed hæc obiter indicāsse sufficiat.

Sirturi mo-
dus pati-
nas for-
mandi.

Alium modum fabricandi patinas Telescopicas indicat Sirturus his verbis; Deligatur ferrum, quale præscripti, quum verba facerem de laminā planā. (Scilicet debet huiusmodi ferrum, ut ait, omnis vitii, quod in ferro reperiri solet, esse exfors, & si cudendo aliquod retegatur, rejiciendum est.) Deindē utcunque fieri potest, malleo formæ proportionali diligenter cudatur, ut proximē accedat proportioni. Post hæc cura limam ipsā formā maiorem fabricari ad lineam proportionis, (quam sagma concavum in limā examinare poterit,) ita ut pars etiam transversa inferior eandem servet proportionem, quamvis brevem & exiguam. Huius limæ operā, quæ non sit admodum rudis aut aspera, sed lenior ipsā cote, inæqualitates arroduntur, sæpè explorante sagma, quomodo cedat negotium: ubi videris proximē accedere ad perfectionem, & sagmæ utcunque convenire, committes torno, qui magis adhuc perficiat, centrum constituat, utcunque læviget. Postremò quærendus est Artifex aliquis crystallinæ Artis peritissimus, s' habebit in suā officinā omnia, quæ sufficiant huic negotio, modò artem tuam ipse bene possideas, ut doceas illum. Ac primū paratur sagma examinans ex ære aut ferro accuratè abscissa, quæ ambiat convexum proportionale. Deindē massa plumbi liquefacta curabit Artifex. Novit enim suam Artem, ut coalescat forma requisite quam proxima, & fuso ferreo firmiter affixa. Massa hæc prægrandi rotā versetur, tunc scalpello cuspidato & perindē ac torno plumbum illud violento rotæ raptu circumvolutum ab Artifice diligenter ad lineam sagmæ adaptatur. His peractis forma allaboranda capulo ligneo tenaci bitumine sive glutino, quali utuntur illi Artifices, affigitur, nec opus est, ut capulus totam formam complectatur, sufficit tertiam aut quartam partem, quā centrum clauditur, occupare, ut manibus constringi possit. Diligens operarius postremò assidet, sursum deorsumque lineā rectā sensim devolvens formam, atque dum plumbum raptim versatur, tenuissimo smyri guttatim cadente perficit. Nullā aliā faciliiori aut certiori viā unquam perficias. Si plumbum absumatur, toties repetitur opus scalpelli, quoties necessum erit, donec adaptetur ad lineam sagmæ. Ubi absolutum fuerit opus, examinabis formam alterā sagmā exploratrice, an rectè quadret, nam ita coherere debet formæ, ut videatur pars indē abscissa, & forma remanebit tersa, nitida, lævigata instar speculi. Ita Sirturus laboriosè nimis & sumptuosè.

Praxis alia
refertur.

Hunc eundem modum cum retulisset ex Sirturo Kolhansius tract. opt. lib. 3. sec. 2. cap. 1. subnectit & indicat sequentia. Verū ut minus laboris impendatur & sumptus, existimo satius esse formam ligneam sibi parandam curare, & valdè lævigandam à tornatore sagmatibus adhibitis, at quæ non ex metallo, sed ligno vel aliā re minoris pretii facta sint & excisa. Forma autem lignea vel sic parari potest, ut instar patellæ ex unā parte convexa fiat, ex altera concava, vel gemina fiat ex ligno forma, una concava, altera convexa, sed ita ut conjungi possint. Deindē super utramque partem formæ lignæ formetur ex gypso alia duplex, convexa & concava similiter ut adunari queant, facto tamen seu relicto foramine, per quod materia quædam possit infundi formæ ex gypso factæ & adunatæ. Fac denique infundatur materia ferro durior illa, quàm parare docetur, (tract. opt. lib. 2. sec. 3. cap. 4.) & habebis patinam satis lævigatam, & operi tuo maximè idoneam. Vel si ex plumbo aut orichalco aut stanno patinam parare tibi velis, idem Author cap. 2. subsequente, membro 4. hanc praxin præscribit.

Lutum fi-
gulare pro
modulis
patinarum
ærearum.


Sumatur lutum figulare, (quod Germanicè *Leimen* vocatur, non argilla,) ce-
revisiā secundaria sterco equinum, pili vitulini, & ovi albugo, fiatque ex his massa, quæ materia præparata erit ad modulos illos conficiendos: quibus vel sagmatum vel modulorum ex ligno formatorum ope factis & siccatis liquefiant metalla in ollā tali, quali campanarum fusores sive æramentarii utuntur. Hæc olla fornaculæ, quam dixi, imponitur, & inter vehementiores flammæ candentium carbonum metalla excandescunt. Ex duabus autem partibus consent moduli, & quum infundi me-
talla

talla debent, partes illæ materiâ dictâ conjungantur, modulique in ipsis foramine factò in terram maximâ ex parte defodiantur. Ista materia seu luti massa integrum annum durare potest, & quò veterior, eò melior. Si duruit, contunditur & cerevisiâ reparatur. Modulum deindè, qui ex metallo factus est, lavigandum curabis ab Artifice, qui arma expolire solet. Hæc Kolhanfius.

P. Zacharias Traber in Nervo suo optico lib. 3. cap. 24. annot. 1. scutellas ita præparandas docet. Pro formâ, ait, inducendâ Lentibus multum interest, scutellæ materiâ non esse ineptam, quæ formam segmenti sphericæ ad modum excavatæ scutellæ ita perfectè contineat, quasi ex spherâ cavâ perfectissimè elaboratâ frustum excisum fuisset: eaque potest esse ex stanno Anglicano, cupro, metallo, chalybe, aut ferro; si etiam ex his selectus accipiendus sit, prævalet ex metallo, ferro, aut chalybe effecta; quia durior vitris plus resistit, & citius formam inducit, neque ita facilè à formæ perfectione depravari potest. Si materia fusilis adhibenda est è stanno aut metallo: oportebit singularem modelam ad hoc præparare ex durissimo & bene siccato ligno ope tornatoris ad normam futuræ scutellæ tornatam, aut certè ex cerâ, plumbo, aut etiam argillâ solidâ per accuratum Artificem confectam; quæ fusori tradenda est, poteritque ea confici ex unâ parte convexa, vel utrinque: & si utrinque convexa fuerit, sit ex diametro majoris & minoris circuli pro diversis Tubis. Sin autem materia ex cupro, ferro, aut chalybe sit conficienda, ea tradenda erit Mechanico perito, qui eam malleo ad desideratam formam redigere poterit, pro quâ sufficiet segmentum circuli è ligno aut chartâ spissiore excisum mediante ligneâ regulâ ad longitudinem semidiametri Lentis, cujus pars claviculo firmata est, altera cultro transversali & peracuto infixò mobilis relinquatur ad normam segmenti excindendam. Qualiter autem juxta dictas formas scutella aliqua ad perfectionem sit reducenda, ita tradit annot. 3. ejusd. capit. Postquam, inquit, scutella fusa aut cusa est juxta materiæ exigentiam, & sagma, sive forma convexa aut cava rudi quasi minervâ jam præparata, ut eadem ad ultimam perfectionem deducatur. Oportet primò eandem per tornatorem, aut etiam fusorem torno curare elaborari, quantum fieri potest ad formam circuli jam prius ad hoc ex asserculo præparati, applicando eam toties, donec potiores partes ad formam reductæ videantur. Sublatis denique rasuris aut eminentioribus pustulis adhibeatur ex optimo chalybe lima ad eandem formam confecta, ubi patet ex figurâ, quæ non sit nimis aspera, vel certè circularis lamina crassior etiam convexa per modum limæ secta; vel etiam annulus gibbus non-nihil latior ex selecto chalybe, sectoque per modum limæ, eoque sive ingyrum sive sursum deorsumque fricando scutella ad perfectionem aliquam deducetur: deque plumbeo capulo juxta formam tornato mediante arenâ substratâ totaliter expurgabitur. Verùm neque tunc statim selectiora & minoris portionis vitra terenda sunt, sed & viliora, donec æqualitas convexitatis perfectissima sit inducta. Vide figuras.

Modus P.
Traber
scutellas
præparan-
di.

Scutellas
ad perfe-
ctionem
reducendi
modus e-
jusdem.



Sed nunc etiam, quid Gallicæ Nationis Artifices pro practico hoc fabricandarum patinarum negotio præscribant, videamus.

Modus &
praxis De-
chales.

P. Milliet Dechales in digress. mechan. pro. 1. post lib. 2. suæ Dioptr. hæc nobis præscripsit Materia, ait, ex quâ fiunt hujusmodi patinæ, erit ferrum & cuprum, non rigidum, sed quantum fieri potest, molle, ut torno elaborari possit. Patinæ utraq; convenientem habeant crassitiem, ne dum torno elaborantur, elaterii instar resiliant, & figuram destruant. Ferreo quidem malleo prima figura inducitur, ad quod necessarium est, ut Artifici segmentum circuli in materiâ durâ tribuatur, ut in laminâ æreâ. Cupræ autem, quæ ex cupro puro seu, ut vocant, flavo (*Leton jaune*) constare debent, & non ex cupro mixto (*potin.*) fusiles sunt. Debet autem primò fieri exemplar vel ligneum, ut ex pyro, quercu, vel ex stanno, & torno elaborari, tum ad fusorem deferri; & ut omnia melius succedant, ne ulli restent pori, crenafusoria, ubi in lancem efformata fuerit, conspergatur calcinatâ lapidearum Scandularum triturâ, *d'ardoises calcinees.* Patinæ ita formatæ torno ad perfectam sphericitatem revocari debent. Hic tornum non describo: figuli vasorum stanneorum, formam appositam habent, ideoque si illis segmentum circuli in materiâ solidâ tribuatur, satis appositè figuram absolvent, eamque patinis inducent.

Alius mo-
dus.

Hic modus aliquibus non arridet, ideoque aliam methodum usurpant; nempe tornus exem satis longum habeat, acuminatum ex unâ parte, ut inserto in exiguum foramen acumine facilè circumvolvatur, aliud extremum cylindricum, quod in foramen septi alicujus immobilis inseratur; & ne vacillet, debet totum septum constringi, quantum potest. Huic extremo perforato seu cavo in helicem, inseritur cardo pariter in convexam helicem formatum, cui circulus patinas sustentans connexus est. Patinis ita firmatis, ut verticaliter disponantur, seligitur punctum remotum pro centro secundum semidiametrum spheræ, cujus portio patina debet esse. Hoc centrum debet in directum jacere cum axe torni, & in eo determinando est satis magna difficultas: potest tamen ita inveniri. Erigatur perpendiculum per acumen axis torni transiens: erigatur & alterum per centrum disci seu orbis elaborandi, collinendo per hujusmodi fila invenes planum ut ita dicam verticale, in quo locandum est tale centrum, debet autem esse immobile, quantum fieri potest: si enim vel tantillum consentiat retrocedendo, nunquam perfectum discum, hoc est, sphericè excavatum habebis. Huic centro affigitur regula ferrea scalprum deferens, quod ita disponi debet, ut fulcro impositum motu circa centrum circulum describat per centrum paropsidis seu disci transeuntem. Eodem artificio orbibus convexitas tribui potest, si nempe centrum quæras immediatè supra axem torni; quæ omnia vix concipi possunt, nisi in praxin deducantur. Non dissimili methodo aliquos orbes planos efficies; si nempe scalprum imponatur asserculo, quod currat secundum lineam ad axem torni perpendicularem. Monco adhuc iterum, totam difficultatem in eo sitam esse, ut nihil vel tantillum vocillet, sed omnia maneant firma & inconcussa. Ista ex Gallia Dechales.

Habes hic Lector propriis ipsismet verbis modos aliorum Artificum, quibus lances sive patinas Telescopicas fabricare & perfectè elaborare docent. Sed nunc quædam practica adhuc & mechanica documenta subijciam, quibus indicati modi expeditius ac felicius in effectum perducì queunt.

Documenta Practica sive Mechanica.

lignæ scu-
tellæ non
probantur

1. Non probantur scutellæ ex ligno quantumvis duro ope torni elaboratæ, quæ fusori traduntur, ut juxta earum formas scutellæ similes ex ære, cupro, aut orichalco fundantur. Quia ligna quantumvis dura ac quomodolibet torno elaborato, dum humido luto imprimuntur & obteguntur, mox formam remittere aut distendere, indeque figuram perdere solent. Undè scutellæ æreæ juxta eas formatæ, nisi diligenti manu emendentur & ad perfectionem adducantur, probæ esse non possunt. Si tamen ejusmodi scutellæ ex metallo molliori, velut plumbo tornatæ aramentariis

tariis dentur, multò perfectiores deinde ac planè similes ex ære, cupro vel quovis duriori metallo fundere poterunt.

2. Metalla quæ torno in patinas aut globosa segmenta elaborantur, debent esse aliquantulum mollia ac tenacia; quia sic scalpris faciliè iis forma petita inducitur. Sin autem rigidiora sint, & ex adducto stanno duriora, torno difficulter elaborantur, sed limis ac tandem arenaceis lapidibus probè intritis perfici debent.

Qualia metalla esse debeant, ut ex iis tornentur patinæ.

3. Scutellæ ex orichalco vel cupro, quæ malleo priùs ad formam aliquam adducuntur, torno autem meliùs perfici debent, non sint nimium tenues, ut faciliè cedant appressò scalpro. Quod si timetur, congruis ligneis capulis ad tornum agglutinari debent, ne quovis modo in tornando vacillent, atque ita vitium contrahere queant.

Scutellæ non debent esse nimis tenues.

4. Attemperatio ferri pro scalpris ad incidenda metalla ita perfici potest. Ferreum instrumentum candefactum extingatur in liquore præparato ex aquâ, alumine & urinâ admixto pulvere è borace nigrâ, corticibus cochlearum, & osse sepiæ; in extinctione observentur diligenter colores ferri: sicut enim color violaceus indicat temperamentum ferri pro ferris faciendis, & cineritius pro hamis; ita fulvus temperiem pro scalpris aptissimam significat. Paulò aliter indurari potest ferrum ad scalpra, si in aceto distillato, aut urinâ aut aquâ ex salnitro, & sale Ammoniacò educatâ, vel in frigidissimarum herbarum succis extingatur, præ cæteris autem succus Aconiti commendatur.



Ferri attemperatio pro scalpris.

5. Ferrum pro limis præparandis, ut ex quævis metalla limare queant, ita temperari poterit. Sumatur fuligo summitatum cornu vel ungularum bovis, portio vitri triti, & salis communis, omniaque aceto misceantur: deindè hâc misturâ lima imbuatur, & igne candefiat. Postquam tota candefacta est, in aceto, vel urinâ, vel aquâ frigidâ extingatur.

Ejusdem attemperatio pro limis.

6. Scutellæ quæcunque & globosa segmenta ad optimam perfectionem adducuntur ferreis instrumentis annularibus circa extremitatem, quâ metalla sphæricè aliquam aptata radere debent, valdè acutis & in scalpri morem induratis. Oportet autem incisoriâ sive potius deraforiâ eorum aciem, quantum fieri potest, ad perfectam circularem figuram accommodare. Profunt etiam similiter limæ annulares, quæ ex eâ parte quâ limant, possunt esse graciles, ex posteriori verò parte crassiores, ut ita sint fortiores & durabiliores. Conducit etiam istiusmodi annularia instrumenta plura in promptu habere, majora & minora, prout sphæricitates elaborandæ requirunt. Vide figuras.

Quomodo ultima perfectio scutellis inducenda.



In horum defectu possunt adhiberi lapides arenacei intùs circa centrum parùm excavati, ut ita annularem figuram exhibeant. Debent autem lapides seligi, qui prædurâ crassiusculâ arenâ constant.

7. Scutellarum perfectio examinari potest fidiculâ valdè tenui, aut longiori pilo per scutellæ latitudinem distento, si ita cum pilo aut fidiculâ solis radiis expendantur: cum enim omninò æqualiter excavatæ fuerint, umbra fidiculæ æqualiter ubivis in scutellâ exprimetur: sin autem vitium aliquod inæqualitatis insit; umbra

Quomodo examinanda perfectio scutellarum.

non-

Praxis me-
lior indi-
catur.

nonnihil distorta, inordinata ac flexuosa comparebit. Optimè hujusmodi examen instituitur in camerâ obscurâ, ubi per Tubum aliquem suis vitris munitum radii solares immittuntur, ut ludissimum aliquem conum intus projiciant: huic cono radiofo, si scutellæ cum fidiculâ obtentâ, ut dictum, apponantur, facilè perfectio aut imperfectio deprehendi poterit. Hæc tamen praxis scutellarum perfectionem indagandi prævalet, quæ fit lapidibus arenaceis intritis, quousque figuram scutellæ ali-cujus examinandæ obtineant. Hæc obtentâ fiat appressio lapidis arenacei bene siccati, non in gyrum, sed in latitudinem scutellæ, & notentur lineæ ab arenâ crassiusculâ ejusdem lapidis impressæ: ubi enim illæ desinunt, & minùs expressæ cernuntur; cavitas justo major est: ubi magis comparent; extuberat superficies: sin verò lineæ ubivis æqualiter intritæ & paululum incisæ cum æquali planè impressione, scutellæ superficies perfecta est. Sed his breviter indicatis, nunc etiam tornatilia machinamenta explicanda sunt, quibus scutellæ Telescopicæ vel quæcunque globosa segmenta sphaerica perfectiùs elaborari possunt.

CAPUT VI.

Machinamenta tornatilia P. Maignan pro patinis & sphaericis quibuslibet segmentis torno elaborandis proferuntur & exponuntur.

R. P. Emanuel Maignan perspect. Horar. lib. 4. prop. 70. & 71. profert duo artificialia machinamenta tornatilia, quorum ope qualescunque patinæ Telescopicæ aut convexa quæcunque sphaerica segmenta ex ferro, chalybe, ære, cupro, aut quocunque duriori metallo ad optatam quamcunque diametrum opere tornatili facillimo & expeditissimo perfectissimè elaborari possunt: ac quia gratiam me facturum putavi præsertim his, qui præfatum Authoris opus non habent, hoc loco eadem machinamenta ipsismet Authoris verbis proferam & exponam.

MACHINAMENTUM I.

Pro patinis concavis è ferro, chalybe, ære, cupro &c. opere tornatili facillimè elaborandis.

Imprimis machina construenda est, cujusdam torni ad rem nostram idonei, qualis in proximâ figurâ repræsentatur: compaginem autem & usum breviter explico.

Machinæ
constru-
tio.


Basin efficiunt solida duo tigna (quorum anteriora Capita A A) invicem æquidistantia connexa transversariis aliis duobus sub asserè plano perperuo C, qui ferè à c d usque ad partem posteriorem in S ducitur,) hærentibus; è basi quatuor ad angulos rectos firmis commissuris assurgunt fulcra c D, d E anteriora tum longiora tum crassiora: r r verò posteriora. Tabula F G prædictis fulcris hinc infecatis, ut in I. I. hinc ligulatis, ut in G imposita æquidistat inferiori asseri, & totam cum eo & cæt. confirmat compaginem.

Iconismus
II.

In fronte Tabulæ F G videlicet K geminæ capita proferunt cochleolæ penetrantes in intimam tabulam, eidemque firmissimis spiris inhærentes continent torquis (vulgò dicunt oculum) cui torni collum inditur anteriorem semicirculum posteriori (qui eidem tabulæ confixus est,) immobiliter copulatum: inferiorem torni polum l interiori inter l & z cochleâ urgente meabilem, directâ in torquem K cuspide, optato loco reponendum gerit tabella Z, quæ in crenas A & A utrinque inserta impactis desuper hinc indè cochleis firmari potest.

Torni fusus K retinente versatilis profert in summo & idoneo quodam cochlearum vi, ambulatorio artificio, & amplectitur modulum excavandum a m e: vertitur autem idem tornus, cum opus est, velocissimè nervo continuo geminis per ambitum rotis L & M circumvoluto; tardius verò & firmitus, cum etiam opus est, tympano claviculato N in locum rotæ M substituto, & rotam O denticulatam torquente.

Porro





Porro axis rotæ M (seu dispositi ejus loco tympani N) torquem habet Y ambulatoriam, cochleâ scilicet X illam adducente vel reducente in crenâ Y X; & similiter habet inferius polum in tigillo R S æque ambulatorio, aptisque confirmato cochleis in q. q. quod quidem ideo providi, ut hâc arte commode possit tum intendi resticula, quæ ipso usu laxatur, tum etiam tympanum N dentibus rotæ O ut oportet, committi.

Geminæ fulcris c D, d E commissæ ad angulos rectos tabellæ Q & P in modum rostri aliquantulum extent ita infecata à parte anteriori, ut ad medium vel ulterius in ipsas earum crenas hinc inde inferantur geminæ cochleolæ, quales in p. p. cernere est: hæ verò sic insertæ regulam rectilineam Q P (cujus expressior similitudo cernitur in T) confortis cochlidiiis (qualia exprimuntur in f f.) optato in loco ad opus mox dicendum dispositum firmissimè retinent supra modulum a m e tali intervallo elatum, ut ejus tornatæ oræ æquidistans tantum eam non tangat.

Terebrentur ambo fulcra anteriora ad puncta D & E intervallis nimirum à basi hinc inde æqualiter propè tabellam Q & P. & in foramina E & D quadrangula indantur compares claves (qualium forma est in U n) antè annulum habentes, posterius striatæ & cochlidiiis (ut o o) contortis prius immixtis tessellis t t. ferreis coërcendæ, ita tamen ut capita & annulos antè æqualiter proferant, ipsis verò annulis commissos, eosdemque justâ mensurâ implens extremâ utrinque parte cylindricus, mediâ quadrangulus axis D E firmus & solidus (cujus expressius forma seorsim in V cernitur) continent triplici trajecto clavo aut cochleâ transversarium cum eo pariter versatile tignum t h. cui firmis commissuris copulata alia duo longiuscula i f, h g, insistant, aliquanto à se invicem intervallo dissita ac parallela, supernè iterum superiore solido axe cylindrico per crassitiem mediam ducto connectitur tigillus C B à parte inferiori B inter duo firma repagula commodè meabilis, quem adaucta cochlea G coërceat, ac in optato situ immotum teneat, cum opus fuerit.

Solidissimo Æ b rostro inter duo tigna i f, h g ambulatorio adaucta à tergo cochlea firmissimè ad optatam elevationem coërcendo teneatur placido motu & minimè titubanti circa suum axem versatile manubrium b H, ita tamen, ut idem axis (qui in medio rostro Æ b esse intelligitur, ad planum f h rectus (sit in plano quod per poli verticem l & centrum torquis K incedit) manubrio optatæ longitudinis b H mediâ coërcente cochleolâ firmiter aptetur chalybeum acutissimum optimè temperatum scalpellum H a, quocircâ centrum b per latus rectilineum regulæ Q P axi D E æquidistans paulatim deducto modulus cupreus, ferreus, aut è simili materiâ etiam lapideâ versatus circa torni axem i K deradatur, excavetur, formetur in portionem perfectæ sphæræ.

Perpicuum autem est 1. lineolam e a in concavâ superficie moduli descriptam Usus ma-
chinæ. ab extremâ cuspide scalpelli H a circa centrum b esse arcum circuli, [cujus centrum est b; 2. etiam evidens est, eandem scalpelli cuspidem in a ex hypothesi (ita & in quibuslibet aliis punctis) existentem immobiliter describere in eâdem superficie moduli circa torni axem l K conversi circulum. At ex hoc sequitur, ut hujusmodi lineis perfectè circulariter composito motu hinc cuspidis a per lineam a e (quam suppono per moduli centrum, quod in axe torni est, incedere) hinc moduli circa axem l K decussatim ductis; concava perfectè sphærica superficies ejusdem moduli efficiatur: & quidem, ut patet, ductu certissimo, adde facillimo, expeditissimo.

Moneo tamen, quod omninò observes, videlicet, ut cum aliquantulum in gyro partem moduli a m e tolveris, cuspis a ex eodem a traducta m e, æque radat seu tangat in e, sicut prius in a, sic enim axis rostri Æ b circa quam vertitur cuspis a, erit (ut antea requirebam) in plano per polum l, & centrum torquis K. incedente; & tunc perfectè fiet sphærica moduli cavitas, alias minimè.

Hujus autem machinæ beneficio ut optas, perficies æquè facile & æquè certè modulos ad quamlibet sphaeræ diametrum: ad minorem quidem, quam sit $b a$, si rostro $\mathcal{A} b$ deorsum adducto manubrium $b H$ brevius adhibueris, quod potes ut volueris, saltem circiter usque ad H . Si autem adhuc brevius optaveris, & sphaeram minorem; poteris tu ipse jam invenire ex his modum; neque necesse, ut uno schemate omnia exprimam. Ad majorem autem, quam sit eadem $b a$ diametrum, eodem etiam nullatenus aucto manubrio $b H$ modulos excavabis, si tantum laxata cochlea G sinas tigillum $C B$ effluere deorsum ex parte B : sic enim machinæ superior pars fg circa axem $D E$ inclinabitur simul cum rostro $\mathcal{A} b$, ipsoque manubrio $b H$ versus posteriorem B . Cum autem eam ad propositum inclinaveris, adactâ iterum cochleâ G obfirma, ut prius eundem tigillum, & simul cum eo reliquam machinam; deinde regulam $Q P$ adduces versus $D E$ vel reduces æqualibus utrinque intervallis, donec cuspis a lineam $a e$ vel similem describat, quæ per moduli centrum incedat, & sic demum torno circumacta sphaeræ cujus aptaveris, portionem obtinebis, ita ut quo magis dictam machinam inclinaveris, eò majorem sphaeram habiturus sis, quod fortè nonnemo mirabitur. *Rationem hujus vide in Authore.*

Rotam N claviculatam eique comparem denticulatam O apposui expertus tornum nimia agitatione concuti, & vix firmitatem habere, quam desidero: quando rota M valde magna, rota verò L exigua est: Si autem supponerem eas æquales, ut fieri potest, nihilominus & nervus ipse utcunque restrictus reddit motum difficilior: & latus, nullum motum efficit. Ut igitur motum habeam prorsus liberum & expeditum & imprimis imperturbatum, rotas adhibeo N & O , istam denticulatam, illam claviculatam eâ proportionem magnitudinis diametri inter eas servatâ, quæ sufficit ad velocitatem; quamvis autem eam determinare melius possint, qui sunt hæc in parte exercitiores, mihi tamen commodius cessit proportio æqualitatis; sic enim & vis major est, & velocitas sufficiens, & scalpri acies longè durabilior, & opus ipsum pensatis omnibus non modò perfectius, sed etiam citius perficitur.

Annotatio.

In hac machinâ attendi debet, ut scalprium $H a$ justè transeat centrum formandæ scutellæ $a m e$, quod nisi fiat, perfecta effici nunquam potest. Non videtur etiam machinam istam servire posse pro valde parvarum diametrorum patinis cavis aptis ad ocularia acutiora interenda; neque pro lancibus valde magnarum diametrorum. Quis enim machinam ita aptaret, ut scutella sphaericè perfectè cava, cujus semidiameter esset 30. ex. gr. pedum, elaboraretur? Sed nunc etiam alteram machinam præferamus.

MACHINAMENTUM II.

Pro segmentis sphaericis convexis ex ære, cupro, ferro, chalybe opere tornatili facile elaborandis.

Cernis hic ut supra duobus majoribus tignis modico ab invicem intervallo discretis compactam machinæ firmam solidam basin $B Z A$, cui reliqua superstruuntur. Et primò $K L G D$ est capsula, intra quam tornus $d D$ cum rotâ denticulatâ Q & claviculato tympano O ejusque fulcro $M N$, & aliis ad tornum ipsum impellendum necessariis includitur. Tornus polo D posterius & torque antè prope d sustinetur, caputque foras proferens in anteriorem capsulæ faciem $I K L$ firmiter prehensum modulum tornandum gerit: torques verò, cui torni collum inferitur, annulus est, ut solet in duo sectus, cujus semicircumferentia superior adhæret masculo d , desuper immittendo per crenam aptè hinc inde excavatam in $e e$; inferior autem semicircumferentia in subiecta fulcri $K I$ parte est i , & per utriusque commune centrum incedit lineola $b c$, quam cogitemus parallelam ipsi $I L$, in quâ ejusdem fulcri & imæ tabulæ $I L G$ compages est. Scalprium chalybeum acutissimum $K i$ firmissimè revinctum tenet clavis S subtus striata & cochlydium arripiens. $H H$ duo velut cornua firma ac solida è planâ anteriori capsulæ tabulâ prominent, feruntque

que meabilem, sed aptis optato in situ firmandam cochleolis regulam rectilineam ff in modum duplicis normæ rectangulæ ad utrumque Caput reflexam, quæ scalprum K i regat, cum sursum vel deorsum ducetur per moduli deradendi aream, ut scilicet cuspidis ejus constanter moveatur per centrum ipsius moduli describendo in ejus convexâ superficie lineolam i l, aliasque similes infinitas.

Ut verò ea cuspidis lineolam dictam aliasque similes efficiat circulares, necesse est ipsam circa unum centrum moveri, quod quidem hoc modo fieri poterit. Scalprum, ut supra dixi, revinctum ferat tabella S R firmiter commissa tigillo R A, & circa axem ut A a moveatur tam A R quam R S, & consequenter eodem motu circa A a ducetur scalprum K i. Quâ verò arte nectatur R A cum A a, facile vides in exemplaribus separatim expressis. Nam m q est ipse axis A a utrinque striatus in cochleam. Z z est tessella quadrata optimè complanata axi m q ad angulos ferramine copula: vel sanè ex eadem cum illo massâ indivisim cusâ seu congestâ. Axis m q quadrangularis est in q eo fine, ut suo loco repositus converteri nequeat, dum contorto à tergo cochlydio f firmabitur. Tessella tamen r ferrea vel ærea supponenda est dicto cochlydio, præsertim si fiat machina è ligno; aliàs enim conversione cochlidii læderetur lignea materia, nec firmitatem præstaret. In parte anteriori m dictus axis cylindricus sit torno etiam optimè elaboratus, & annulus n illi omninò ad justam mensuram æqualis paretur, trajectisque cochleolis, ut in figurâ cernere est, copulatus tigillo y (qui est ipse R A) eidem axi imponatur, & tessellâ o ligneâ mediante prematur, modicè tamen adhibito cochlydio p. Ita jam facile concipis, qui circa A a constanti æquali motu moveri possit R A &c.

Præterea, ne machina (quam aliquando magnam esse fortè necesse est,) manum operantis nimium gravet mole suâ, providi in modum trutinæ vectem X Y fulcro K V sustentatam, qui pondere deprimente ex parte Y & funiculo X R elevante juvet, quantum opus fuerit manum utcunque lassulam, an insuper ad majorem operationis tum certitudinem tum facilitatem scalprum K i regulæ f f optato debito loco dispositæ semper ut cohæreat; & non nisi lineas per centrum moduli transeuntes ducat, retinet funiculus h g per trochleam cum pondere dependens.

Evidens autem est, his ita dispositis, cuspidem i sursum vel deorsum adductam necessariò moveri tam circa unum punctum, quod in axe A a centrum est motus ejus; tum insuper in uno plano, quod per latus rectilineum regulæ f f incedit, & simul per dictum centrum, ac proindè evidens est, fore, ut eo motu sphaerica perfecta modulo figura tribuatur, dum modò idem modulus torno agitetur circa axem d D ita dispositum, ut sit in aliquâ lineâ, quæ per axem A a utcunque productum incedat: huic verò rei servit, quod ipse A a in arenâ (quæ ex parte a. cernitur,) elevari potest supra planum T E Z, quantum opus fuerit pro modo altitudinis utriusque fulcri G D & L d I, ita scilicet, ut lineola b c & vertex poli D & axis A a sit semper in uno plano.

Atque id, an ritè observatum sit nec ne, cognoscetur inter operandum hâc lege, quando moduli superficies torno jam aliquantulum derasa fuerit in roto ambitu; perspiciatur, an scalprum elatum in l ita ibi radat, sicut radit in i; hoc enim posito certum erit, bene observatum esse, quod desideratur; ac tunc ad rem certam agitetur tornus, & modulus fiet perfectè sphaericus, & quidem convexus, ut patet, cum inter centrum & circumferentiam sit: semidiameter autem sphaeræ ejus tantæ longitudinis erit, quantæ est linea ab i sive b ducta usque ad punctum, quod dixi in axe A a centrum esse motûs chalybeæ cuspidis i, quando scilicet torni axis dispositus est in lineâ per dictum axem A a perpendiculariter incedente; tunc enim lineola i l, & aliæ similes, erit arcus circuli maximi in eâ sphaerâ, cujus portio est tornatus eâ torni dispositione modulus: undè prout majorem vel minorem diametrum optabis, capsam L G D adduces versus Z E vel indè longiùs reduces (breviato pariter, aut producto tigillo R A) per crenam T E; propterea enim duo illa majora tigna ab invicem discrevi, ut ad quodlibet punctum capsâ firmari possit duabus eandem crenam ambulatoriis cochleis, quarum Capita cernuntur in C & F (quarum & speciem per partes seorsim habes expressam in t, u, x.)

Cæterum, si semidiametrum optes longiorem, quàm sit tota machinæ crena EB, fiat in imâ capsæ tabulâ ad partes FG transversaria crena (seu recta & ad latus LG perpendicularis seu circularis circa centrum C) sic enim immotis licet cochleis C & F poterit capsâ cum torno in hanc vel illam partem præsertim ad dextram recedendo à tigillo R A adduci motu circa invariaturum centrum C, ita ut polus D discedat à plano incedente per ff & recto ad Aa (dummodò tamen maneat, ut prius in alio plano, quod ut dicebam, incedit per bc & Aa) quo enim magis discedet, eò majoris portionem sphaeræ efficiet.

Atque hæc est secunda machina P. Maignan pro convexis modulis artificio tornatili formandis. Aliam adhuc tertiam machinam aptam torno conficiendis modulis hyperbolicis concavis aut convexis è quâvis materiâ rasili ad optatâ sectionem hyperboles, exhibet prop. 73. item prop. 76. docet, quomodo etiam oporteat modulos planos è quâvis materiâ torno exquisitissimè & expeditissimè efficere: sed hæc apud Authorem videri poterunt. Nobis hoc loco sufficit, duo hæc machinamenta cum iconismis retulisse, ut si cui libeat torno scutellas aliquas perficere, hinc practica quædam principia velut semina certiorum in machinando successuum habere queat.

Annotatio.

Machina secunda jam proposita ingeniosè quidem inventa est, verum operosior & sumptuosior, quàm pro praxi utilior censetur, cum potius pro modulis convexis majoris diametri, qui minùs ad usum venire solent, servire queat: pro efficiendis verò minoris diametri convexis modulis, quales usui sunt accommodatiores, omninò non conducatur, ut sagax quivis facillè advertere poterit. Melius fecisset Maignan, si machinulam in corollario prop. 76. ejusdem lib. 4. suæ persp. horar. indicatam, quâ egregio compendio (cum ad tertium, ut ait, magnitudinis palmum non perveniat,) quantæcunque & quantulæcunque diametri modulus sphaericus concavus aut convexus, sicut & planus perfici possit, accuratiùs perscripisset. Vide eum loco citato.

CA PUT VII.



Alia quædam machinamenta tornatiliatàm pro concavis, quàm convexis modulis torno parandis indicantur & explicantur.


MAchinamenta tornatilia, quæ hoc Capite paucis indicabimus, supponunt imprimis tornandi modum stannariis aut Æramentariis opificibus consuetum, qui scilicet adhibitâ rotâ ligneâ majori cum chordâ seu fune ductario simplici aut duplici circa axem rem torno elaborandam deferente obvoluto clypeum aut quodvis opus torno parandum in gyrum motu perpetuo directo & circulari rotare solent: quomodo autem tam pro cavis quàm convexis modulis perfectissimè elaborandis reliqua sint adaptanda, & in praxi omnia perficienda, breviter jam exponemus.

Machinamentum I. tornatile pro concavis modulis torno perfectissimè elaborandis.

Iconismus
IV.

Aptatâ debite rotâ majori A & orbiculo B cum fune ductario, ut in stannariis officinis fieri solet, clypeus sive modulus concavus elaborandus debet ligneo disco C imponi: quocirca hic discus cavitatem comparem d e (quæ cavitas rasoriis instrumentis communi priùs tornandi modo procuranda est,) habere debet, ut justè modulum elaborandum contineat, ne inter operandum excidat: Et si modulus à parte exteriori est valdè convexus, quia difficiliùs retinetur, etiam piceato bitumine agglutinari poterit, ut deinceps firmiter semper affixus hareat. Moduli etiam sive ex cupro, ære, chalybe, sive stanno efformandi sint; debent ad aliquam conformitatem malleo vel quocunque alio modo competente adduci, ut sola perfectio, quæ hic inten-





itenditur, ita citius obtineri possit. Quomodo autem discus axi volutorio a b ad extremam partem quadrangularem b committi queat, ut firmissimè etiam adhæreat, nec quancunque in partem vacillet, vide infra Synt. 2. cap. 7. in machina 6.

Hærente ita disco C cum modulo elaborando in cavitate d e, applicanda est alia pars machinæ, & quidem duo tigna longiora EL & FL transversariis asserculis p p conjuncta, quibus infra duo fulcimenta GH cum cochleis II supponenda sunt, ut tigna illa debite queant elevari & accommodari prout modo dicetur. Debent quoque hæc tigna ad se mutuò intus habere continuas incisuras sive crenas, intra quas duo ligna transversaria velut MM & LL cum cochlea spirali K recondi debent; & quidem lignum LL debet diversis, prout opus est locis (uti foraminula parva in figura expressa indicant) per claviculos f f firmari; lignum verò MM priore LL firmato per cochleam K ad quemcunque locum adduci reduciq; posse.

Hoc præstito imponatur pertica ON una vel plures conjunctæ, quæ supra plura habeat foraminula congruentia clavo superius cochleato N. prostanti super lignum MM: circa extremitatem verò O perticæ affixum sit tigillum transversarium aut asserculus oblongior infra optimè dolabrâ complanatus, superius autem nodulos vel alia tigilla transversaria EF obtinens, ut iis facile prehendi, atq; huc illucque, prout opus erit, diduci possit. Ad medium proftet scalprum O firmissimè affixum, ne in scalpendo cedere aut quancunque in partem flecti queat. Hæc nunc pertica superposita, ut in figura melius vides, pro distantia semidiametri scutellaris moduli efformandi aptentur duo ligna. MM & LL, imponaturque pertica sic, ut per foramen competens distantia semidiametri formandi moduli ab eodem foramine ad scalpri cuspidem mensuratae clavus N cum cochleola promineat, firmiturque cochlydio non admodum firmiter, sed ita solum, ut loco hoc fixo pertica retineatur, nec sursum subsultare queat.

His omnibus ita debite constitutis duo tigna superiora per cochleas II. ita accommodentur, ut scalprum præcisè centro efficiendi moduli respondeat; pertica etiam per cochleam spiralem K ita aptetur, ut scalprum semper modulum circa medium per rectam lineam maximam contingere & radere possit. Quod si deinde rota A per manubrium D ab alio gyretur, atque ita discus C cum modulo imposito in orbem agatur, poteris facillimè apprehensis nodulis E & F perticam cum scalpro huc illucque commovere, atque ita scalpro modulum eradere & perfectissima sphaericitate cavum efficere.

Nota. Quando scalprum minùs radit, & modulus perfectè excavatus nondum comparet; tantum cochlea K magis torqueatur, & scalprum modulo propius apprimetur: quod si scalprum nimis appressum est, ita ut commoveri vix possit per eandem cochleam paululum remitti poterit. Quando etiam plures perticæ junguntur pro aliqua majoris diametri cavitate eradendâ, vel una valde longa adhibetur, ne inclinetur, aut quovis modo incurvetur; possunt plura ligna transversaria, velut MM aut LL infra supponi, ut pertica æqualiter protendatur. Plura alia facile Artifex ipsemet advertet, quæ fusius explanare hic opus non erit. Insignem quoque usum machina hæc habere poterit in perfectissimè expoliendis Lentibus convexis objectivis; quod obiter indicasse sufficiat. Sed nunc etiam alterum Machinamentum pro convexis modulis apparandis adducamus.

Machinamentum 11. tornatile pro convexis modulis torno perfectissimè elaborandis.

Machina quæ servire debet ad convexos modulos opere tornatili perfectissimè elaborandos hoc peculiariter requirit, ut centrum convexitatis inducendæ constitutatur post modulum elaborandum, ut vides in N Machinæ 2. iconis. V. & quidem tantò magis removeri debet ab ipso modulo, quanto obtusior convexitas inducenda est, & tantò propinquius ad ipsum modulum admoveri, quanto acutior convexitatem efformare cupis. Quocirca iterum duo ligna transversaria LL & MM simili modo, ut in priore machina dictum inter crenas sive incisuras duo-

30 FUNDAMENTUM III. PRACTICO-MECHANICUM

rum tignorum FG & EH immitti debent, quorum LL debet quocunque loco firmari posse per claviculos f f: servitque pro cochlea K, ut ea alterum lignum transversarium MM (cui clavus supra cochleolatus pro centro sphæri, citatis firmando insistit) huc illucque magis minusque ut necesse fuerit, deducere possit.

Porro ut regula NO debite supra machinam accommodetur, seligitur in ipsa centrum pro ratione semidiametri convexitatis inducendæ, quæ mensuranda est in distantia à loco a respondente cuspidi scalpelli pp; qui locus facile filo cum perpendiculo ad cuspidem scalpelli dependente, dum regula in situ horizonti parallelo collocatur, deprehendi & supra ad a signari poterit. Assumptâ itaque a N distantia pro ratione semidiametri convexitatis, imponitur regula clavo prostanti à ligno MM, & cochleola firmatur, ut in priori machinâ dictum, aptaturque ita per aliam cochleam spiralem K, ut scalpellum pp præcise modulum scalpere possit; atque etiam ut scalpellum pp ad centrum moduli formandi perfecte accommodari queat (quod necessario fieri oportet) debet in dependente parte OI scalpellum tigillo cd optimè firmari; ipsum tamen tigillum cd inter crenas esse mobile, ut per cochleolam b centro moduli accuratissime admove-
 Ufus ma-
 chinae,

1. Non est opus, ut superior regula NO valde fiat longa, ultra nempe duos pedes: quia vix ad usum venire solent cava vitra majorum semidiametrorum. Unde patet, totam machinam valde compendiose construi posse, licet in figurâ ejus compages major admodum & operosior exhibeatur; quod ideo factum, ut constructio ejus melius concipi, ac etiam quomodo ad machinamentum tornatile stannariis concursus applicari possit pro modulis ab iisdem commodius elaborandis.

2. Potest tota illa compages EFGH super B axem cum orbe vel trocho volubili collocari, ita ut orbis vel trochus B infra quocunque etiam loco contineatur; deinde etiam adhuc subtus rota A major applicari poterit, ut pedibus in gyrum agatur. Tota igitur machina valde compendiosa & commoda effici poterit ferè similiter, ac est ea, quæ infra sequenti mox Syntagmate cap. 7. in ordine tertia proponetur. Solummodo supra debet accommodari compages ex tignis cum crenis incis & lignis transversariis atque regula cum scalpro, ut modo indicatum.

3. Quo major erit rota A trocho vel orbe B, eò tornus effici potest velocior: ut enim diameter rotæ A ad diametrum trochi vel orbis B; eo etiam sapius, adeoque velocius orbis B convertitur, quoties vel rota A semel circumvolvitur. Unde patet, quomodo motus in tali machinâ minus ac magis velox effici possit.

4. Hujusmodi etiam machina bene constructa eximium potest usum habere in perfectissime efformandis ac expoliendis Lentibus cavis; si loco scalpri vitrum debite accommodetur. Plura alia hinc colligenda ingenio Artificis relinquuntur.

Admonitio ad Lectorem.

Volebam hoc loco tibi Lector tradere Artificium machinæ tornatilis, quâ variæ figuræ & Icones aptæ cuicunque duriori materiæ imprimi possunt. Verum quia is qui Artificium communicare promiserat, ipsam Machinam adhuc hodie dum expectat, atque aliunde impeditam hætenus nondum accepit; ideo nec ipse fidem præstare possum. Est tamen, ut interim delatum, Artificium alibi satis notum, maxime Viennæ in Austria ac multò amplius in Italia, ubi primitus inventum dicitur; neque ad alias figuras, nisi minutas aptum, cum prototypum semper valdem agnum requirat.

SYNTAGMA II.

*Vera, expedita certaue methodus elaborandarum quarumvis
Lentium profertur, & dilucidè exponitur.*

HOc Syntagmate ingenuè & candidè verum modum & expeditam metho-
dum feliciter semper ex apta materia quascunque Lentes elaborandi præ-
scribam. Scio quod aliqui his ritè perceptis gaudebunt se hic compen-
dio nunc assequi, quo etiam cum maximo pretio, tempore & labore difficulter a-
liundè, aut nunquam habere potuissent: inuidebunt alii; cum, qui pro lucro labo-
rant, secretissimè praxes teneri velint: Ego in Artis hujus magis perficiendæ, al-
tiusque evehendæ excellentiam unico desiderio incensus, gratis libenter commu-
nicabo hætenus inventa, ut alii tanto facilius addendo industrias suas altiùs hanc
ipsam elevandi gradus altiores conscendere queant. Sit igitur

CAPUT I.

*De apta materia Lentium sive vitri aptioris delectu ad Lentes
inde efformandas.*

CUM tota Telescopiorum perfectio atque præstantia, ita innuente Schotto Mag.
Telescop. Synt. 4. pendeat à perfectione atque præstantia Lentium; hæc autem
à materiâ, figurâ & politurâ: ideò hoc ordine primùm materiam pro Lentibus aptam
inquirere oportet; quâ neglectâ, etsi quis aliàs felicissimè laboret, nihil tamen un-
quam præstabit, dum vitio materiæ omnis forma aut figura Artificialis collabitur.
Materiæ sive vitri aptitudinem à tribus præcipuè commendat Scheinerus in Rosa Tria ad
materiæ
aptitudi-
nem requi-
runtur. urfina lib. 2. cap. 19. vult nempe, ut materia sit perspicua, homogenea & continua.
Perspicua erit, si nullos habeat colores, hoc est, si non tingat objecta, quæ per Len-
tes ex ea confectas aspiciuntur: lux enim seu species diaphani per quod transit,
tincturam sibi associat, & color similem sui speciem à se propagat, viridis viridem,
cæruleus cæruleum, ruber rubrum &c. Homogenea est materia Lentium, si nullos
habeat immixtos lapillos, arenulas, venulas, bullas, & diversæ densitatis aut perspi-
cuitatis partes aliasque immunditias, quæ omnia species inficiunt, & fædatis obji-
ciunt. Continua est materia, si æquabiliter seu uniformiter per totum solida &
minimè porosa aut cavernosa existat; si præterea nullas venas, spiras, undulatio-
nes, gyros, vortices, nebulas, fumos & similia alia ex Artificum vitriariorum incu-
riâ in vitrum inducta, dum materiam ignitam ac mollem ollis exceptam diversimo-
dè trahunt, agunt, gyraunt, torquent, versant, carpunt atque commiscent, itaque
corrumpunt. Vitrorum igitur materia ejusmodi anfractibus, mæandris, tractibus,
aut venis infecta, huic negotio omninò inhabilis & inconveniens existit: quæ ve-
rò limpidè perspicua, munditer homogenea, continuè atque uniformiter solida per
totum evadit, ea reputatur apta ad Lentes inde formandas.

Joannes Hevelius in Selenographia aptitudinem materiæ pro Lentibus Telesco- Aptitudo
materiæ
juxta He-
velium. picis ita describit; 1. Careat vesiculis, arenulis, vertigine. 2. vitrum non sit nigri-
cans, fuscum, flavum, neque viride, sed admodum nitidum, album, & alieni coloris
expers: attamen quod vitrum leviter cæruleum est, valdè se commendat ad con-
cinnanda dioptrica specilla, & sæpè melius est, quàm quæ nimis alba sunt, necnon
semper magis Telescopiis parandis idoneum est, quàm crystallus montana natura-
lis. Nam etiam si sit valde perspicua & fulgida, tamen majorem efficit refractionem,
quàm reliqua vitra; id quod inexpertus forsan vix credit.

Renatus des Cartes in sua Dioptrice cap. 9. n. 1. dicit, pro materia specillorum Materia
specillorū
juxta Car-
tesium. assumendam esse talem, quæ tota pellucida, politu facilis, & tamen satis dura sit
ad retinendam figuram, quæ data ei semel est: qualis materia inter omnes hæ-
tenus præstantissima fuit vitrum: docetque hic etiam Cartesius vitrum præstare
purissimè

purissimæ crystallo, quæ vocatur montana. Ratio ipsius est, quod vitrum partes habeat non tam crassas & solidas, atque crystallos; habeatque poros majores; crystallos autem minores, unde plures radii transire nequeant, sed reflexi à crystallo versus principium etiam impediunt majorem radiorum influxum. Patet hinc, *Cartesium* sicut & *Hewelium* crystallo montanæ seu naturalem non probare; sicut & ipsemet expertus sum, præterquam enim quod durissimè elaboretur, etiam difficulter ad petitam figuram aptatur & expolitur. *Syrthus* crystallo naturalis tres assignat species, albæ scilicet, flavæ, & nigricantis, tertiamque nigricantem ait à peritis ob usum, quem habet in Opticis, laudari, ideoque prævalere.

Aptitudo
vitri secundum
Dechales.

R. P. Claudius Franciscus Milliet Dechales in cursu seu mundo Mathem. tom. 2. Dioptr. lib. 2. Digress. mechan. prop. 2. de aptitudine vitri pro Lentibus hæc tradit: *Primò seligitur materia vitrea, curandum autem pro Lentibus præcipuè objectivis, ut sit æqualis ubique crassitie, quod examinare poteris circino valgo, alioquin detortum habebis verticem; antequam igitur elaborentur, ad æqualitatem crassitie revocentur. Secundo vitanda sunt bullæ nimie, arenula, vortices, & fila, quæ materiam vitream nonnunquam inficiunt: & respectu objectivarum seligatur centrum in ea parte, in qua pauciores bullæ deprehendantur, ut ea pars quæ utilis est in Telescopio, libera sit ab omni nevo. Color item vitri, ne sit nimis saturus aut fuscus. Si fornacem vitriariam adire possis, facile materiam valdè crassam pro majoribus ocularibus eruere poteris sine periculo vorticum aut fibrarum: fiant forcipes longioris manubrii, in quarum extremitate erunt duo segmenta spherica, quæ conjungi exacti possint; si enim secundo aut tertio die, quo cruciæbulum inchoatum fuerit, hanc forcipem in materiam colliquatam immittas, educes Lentes oculares formatas ab omni vortice liberas.* Subnectit deinde experientiam à se factam.

Quomodo vitrum
satis cras-
sum pro
ocularibus
acquiri
possit.

Hoc artificio hic Lugduni aliàs usus sum cum successu optato, ita ut si materia quæ pellucida ad modum crystallo videbatur, fuisset diuturna, nihil potuisset haberi melius. Sed hoc vitium habuit, quod humiditatem contraheret, & post aliquot annos hoc sudore omnem polituram amitteret. Quod periculum invenitur in materia nimium perlucida & alba. Hic forcipum usus utilissimus potest esse; cum enim ut habeantur vitrea tabula, opus sit flatu ampullam majorem conflare, quæ deinde dividatur, & in planam superficiem extendatur, ex hoc flatu ut plurimum & vortices & bullæ enascantur. Si verò immediate in ipsamet fornace hac forcipe Lentibus prima figura tribuatur, cessat omne tale periculum. Hæc Dechales.

Ex hisce relatis facile colligitur, qualis materia pro Lentibus exquirenda, & quàm difficulter optima reperiatur. Certè ex quo tempore laboravi in Lentibus Telescopicis atterendis, vix unquam vitrum in ea, quæ volui probitate, aliundè potui obtinere: oblatum quidem aliquandò, quod ad intuitum satis comparebat bonum, dum deinde in Lentes efformatum, ob minutissimas venulas, spirulas aut undulationes immixtas, nullius valoris deprehendi: aliquandò elegans & valdè pellucidum haud levi pretio comparavi, hoc solum deinde vitio me defraudatum dolui, quod vel nimia salis copiâ præditum, vel in furno reverberii minus refrigeratum madorem facile contraheret, undè perspicilla exinde facta, quæ hodie terfæ valdeque pellucida & clarè ostendebant objecta, cras madore ex se contracto omnia nebulosè obscurata præsentabant: aliquando ex colore nimium saturo materia vitrea aliàs bene arridebat, ut multiplices Lentes in uno Tubo lubitam proportionem sphericarum convexitatum non permittebant, sed quo claritas objecti pateret, obtusiores convexitates inducere debebam; unde nec objecta satis propinqua, nec satis magna obtutui sistere, ut petebam, potui. Aliquandò in crassitie vitri, quam requirebam ad acutiora ocularia vitium ingens à duplici fusionem, quæ duæ supra se vitreæ tabulæ compositæ fuerant, in formatis tandem Lentibus expertus sum. Sic cum pretio labor & tempus sæpè perditur, dum materia exquisita non adhibetur. Quæ tamen inde expertus monere possum ad aptissimam Lentium formandarum materiam dignoscendam, jam adducam.

Vitri melioris feligendi proprietates.

1. Vitrum cæteris paribus ad Lentes debitè formandas pro Telescopiis præ-
valet Cryſtallo, præſertim ei, quæ naturalis & montana vocatur, licet ſit limpidiſſi-
ma & maximè perſpicua.

Proprieta-
tes melio-
ris vitri
pro Lenti-
bus,

2. Materia vitri aptior educitur ex ollis vitrariis, quæ multum cocta & repur-
gata diutius in furno perſtiterit, ac bene in furno reverberii ſit refrigerata.

3. Vitrea materia liquida, dum flatu cogitur qualemcumque in formam, vix
apta provenit Lentibus efformandis: dum enim partes ſolidiores flatu per fluidio-
res & tenuiores protruduntur, vorticum, ſpirarum, undulationum, aliorumque ma-
lignorum accidentium vitium à vitro concipitur.

4. Vitrum in tabulas complanatum ſi fuſione aut preſſione huc adigitur, me-
lius eſt eo, quod flatu prius in ampullam, deinde hæc ſciſſa in planum deducitur.
Quod verò fruſtulatim flatu in Lentes efformatur, rariffimè aut nunquam proderit;
niſi tamen per forcipes, ut ſupra ex *Dechales* retuli, excipiat: quale tamen non-
dum expertus ſum.

5. Color vitri facile innotefcit, ſi vitrum ſupra albam chartam, aut telam can-
didam collocetur: ſuperficies enim, quæ vitro tegitur, ab altera inteſta coloris di-
verſitatem ac ſpeciem, & in hac ſaturitatem fallimè oſtendit.

6. Perſpicuitas vitri perfectæ, licet tollat omnem colorem; ea verò cum vix
haberi poſſit unquam, neceſſariò imperfecta tantum dabitur cum colore quodam:
qui ſi leviter cæruleus aut viridiuſculus fuerit, aliis omnibus præferendus erit.

7. Materia vitrorum, quæ nimis eſt alba, glaciem aut argenti quendam fulgo-
rem referens, uti jam paſſim in variis officiis Germaniæ paratur, ex calce plumbi,
ſilicibus, & ſalibus diverſarum herbarum, probata ſatis nondum venit ad manus.
Facillimè quidem atteritur, ut expertus ſum, ſed præter minimas diverſæ denſitatis
ſpirulas ac undulationes immixtas (quæ tanto magis in efformatis Lentibus compa-
rent, quanto materia vitri magis pellucida fuerit) etiam nimis quàm facilè humidi-
tatem noxiam contrahit.

8. Arenulæ, bullæ, aut maculæ primo intuitu in diaphano videri facile poſ-
ſunt; undæ verò, vortices ac ſpiræ ſupra modum nocivæ ita deprehenduntur. Si
vitrum verſus luminofam fenestram in diverſas partes moveas, præſertim ad par-
tes umbroſas, ac comprimis, ſi vitrum ante te poſitum obverſo intuitu aſpicias ad
partem æquabiliter magis planam: quod ſi enim notaveris eminentias fluctuoſas
aut gyros quoscunque ineptos, eos ipſos vitrum eodem loco pervadere notabis:
aut ſi ſupra oculum colloces vitrum, atque abbreviando viſum, eundem ſolum in
profunditatem ejus dirigas, nec tranſpicere intendas. Melius adhuc facies, ſi Len-
te aliqua convexâ oculari qualicumque velut microſcopio inſpicias in debita di-
ſtantiâ lucem verſus conſtitutum vitrum. Apparent etiam minima vitia in quovis
vitro ad Solem, ſi eidem adjungatur Lens convexa non nimis acuta, ſed probatiſſi-
ma, quæ omni aliâ nævo libera eſt, ac radios ſolares trajici in obſcuram partem ſi-
nas, ut circulus aliquis inde formatus compareat: mox enim in dicto circulo o-
mnia vitri appoſiti vitia pateſcent. Vitrum quoque ad accenſam candelam cum
Lente convexa oculis admotum in ea diſtantiâ, ut æquali lumine perfuſum compa-
reat, vitia ſimiliter occulta manifeſtat.

9. Vitreæ Lentes elaboratæ ex materia ſolidiori & duriori non ſunt tam præſtan-
tes, acææ, quæ ex materia molliori ac tenuiori præparantur: unde vitrum Vene-
riis allatum, qui mollius & tenuius, præſtat aliis vitris, cæteris paribus: quod & *Sir-
turus* advertit, dum ait: *Vitrum ubique reperitur, ſed operibus longè impar Veneto.*

10. Vitra craſſiora, etſi ſpecies ampliores transfundant, fragilitati magis reſi-
ſtant, petitamque figuram firmiùs contrahant, Lentibus tamen ſubtilioribus, ſi per-
fectè ſint elaboratæ, non ſemper prævalent.

11. Vitrum rebus Opticis deligitur friabile potiùs, quàm ſciſſile, & dignoſci-
tur, quando forſice circumciditur; nam friabile optimum: ſciſſile non obtempe-
rat forſici, ſed reſilit in fruſtula præter mentem Artificis, ut habet *Sirturus*,

& ipſemet expertus ſum.

CAPUT II.

*Facilis, genuina ac vera praxis elaborandarum quarumlibet
Lentium convexarum exponitur.*

VT debito ordine ac modo selecta vitri materia in perfectas Lentas efformari queat, quatuor imprimis edocenda sunt; 1. Preparatio vitri sive aptatio ad trituram. 2. Ipsa attritio sive tritura & convexitatis efformatio. 3. Dispositio ad polituram. 4. Perfecta politura, quâ splendor perfectus & perspicuitas inducitur. Ordine singula exponam, & quidem priora tria hoc capite; polituram sequenti.

§ I.

Preparatio vitri, sive aptatio ad trituram.

Iconismus
V.

Præparationem sic institues; Si vitrum est in tabulam extensum, Smyride seu Adamante in portiones sive frustula quadrata minora dividatur & diffringatur, uti apparet in fig. 1. Quod si ob crassitiem diffringere nequeas, ejusmodi ligneis pref-
foriis instrumentis vitrum conclusum (quæ intus tamen panno laneo aut materia piliari obducta esse debent) facile diffindere poteris. Vide fig. 2. Quod si vitrum nimis crassum ac durum neque sic diffringere audeas aut possis; opus erit instru-
mento ferreo cum inferiori parte per totum acuminato, ut fig. 3. exhibet. Hoc instrumentum igne valido effervescat, ut totum candeat, & sic candens ponatur super Smyride aut Adamante factas fissuras, sicque aliquamdiu permittatur; fiet ut ad dictas designatas fissuras ex seipso diffiliat.

Fractas ita portiones in modum orbiculi circularis forcipe aut volsellâ, ut fig. 4. videre licet, præscindes; & quod si objectivum vitrum sive minoris convexitatis Lentem formare velis, vitrum ad partes exteriores, ubi volsellâ in orbiculi morem præcisum est, super lapidem arenaceum substrata prius arenâ vulgari huc illucque tam diu deduces unâ simul vitrum in manu circumvertendo, donec perfectè satis rotundum compareat.

Quod si oculare vitrum sive Lentem majoris convexitatis formare velis, illud capulo (cujusmodi formas videre licet fig. 5.) æqualiter per totum affiges colopho-
niâ, aut pice nigrâ, qualis bacillis affixa communiter hic venditur vili pretio; hæc enim est minùs fluida, sed aliquantum fixior flavâ, rubeâ, aut fuscâ communi bacil-
lis non admixtâ.

Composi-
tio picis
pro vitris
agglutin-
andis,

P. Dechales lib. 2. Dioptr. digress. mech. prop. 1. picem, quâ capulis vitra ag-
glutinari queant, ita præparari docet. *Pix pura non est, sed pici nigra quarta pars ad-
ditur picis flavæ seu resinæ: huic materiae liquatæ nonnulli admiscunt palmitum cineres,
alii Ocrum aut Hispanicum, ut vocant, album in minutissimum prius pollinem redactum
& cribro exeminatum: admiscetur autem, donec consistentiam acquirat.* Si vitra capulis agglutinanda sit valdè parva, eisque acutissima convexitas induci debeat, qualia sunt, quæ pro microscopiis adhiberi solent; materia agglutinans debet esse firmior, ne dum fortiori attritione aut diuturniori expolitione vitra nimium inca-
lescent, facile solvantur, aut locum mutant. Hujusmodi autem materiam aptio-
rem non inveni, quàm sit ea, quæ ex Gummi lacca, ac aliis resinosis componitur, vulgoque cera sigillatoria appellari solet pro literis obsignandis & sigillandis. Ut autem suomet Marte quisque hanc materiam præparare sciat (cum ad multa alia utilissimè seuire possit) hic varias compositiones curioso Lectori subjiciam.

Varia compositiones materiae, velut alii vocant, ceræ sigilla-
toriae diversorum colorum.

Varia
composi-
tiones ma-
teriae sigil-
latoriae ru-
bri coloris.

Materia sigillatoria rubri coloris.

Recipe Gummi lacca unciam 1. Terebinthinæ & colophonix ana unciam $\frac{1}{2}$
cinnabaris ac minii ana 1. quint.

Nota

figura i




fig. 2.





fig 3.




fig. 4.



fig 5.







fig 6




fig. 8.




fig. 7.




fig. 9.



fig 10.




fig. ii.




fig. 12.




fig 13.




fig. 14






fig. 15.





Nota. Gummilaccam & colophoniam prius super ignem temperatum colliquefcere, deinde reliqua fenfim immifcere, & cum omnia bene commixta in virgulas feu formam cylindricam componere debes, ut infra melius dicetur.

Vel R. colophonix unc. 2. Gummilac. unc. 4. picis albæ futorix unc. 1½ cinnabaris q. f. Vel R. masticis unc. 2. puri sulphuris & Terebinth. ana unc. ½ Benzoi unc. ½ cinnabaris q. f. Terebinthina primò liquefcatur: Deinde immifce sulphur comminutum & pulverifaturn; fimiliter reliqua bene attrita & comminuta fenfim immifcere debes: cum omnia bene incorporata, effunde & virgulas forma, ut libet.

Aliter & optimè R. Gummilac. unc. 1. colophonix 1. quint. contere bene, & admifce cinnabaris q. f. deinde affunde fpiritus vini optimi rectificati, quantum neceffe judicas ad folvendam Gummilaccam, & pone ad ignem temperatum, ut probè difolvatur & colliquefcatur.

Hoc obtento, ferrea fpatulâ aliquid tolle, & ad candelam accende, quocum etiam fpiritus vini incende, & bene commifce omnia, ufque dum fpiritus vini omninò de fe extinguitur & combuftus fit. Hanc tandem materiam forma pro libitu. Ut etiam bonum fpargat odorem, poteft aliquid Zibethi admifceri.

Materia figillatoria viridis coloris.

R. Gummilaccæ & colophonix ana unc. 1. Terebinth. Venetæ 1. quint. Bor- Viridis coloris.
racis fcrup. 1. æruginis minutiffimè in pollinem attritæ 3. quint.

Materia figillatoria aurei feu flavicoloris.

R. Picis albæ futorix unc. 4. Masticis, fandræ ana unc. 2. fuccini unc. 1. adde Aurei vel flavicoloris.
gummiguttæ minutiffimè contritæ unc. ½, & procede ut fupra

Quod fi prætermiffa Gummiguttâ, locoque masticis vel fandræ Gummilaccam adhibeas, punicei coloris mixturam parabis.

Materia figillatoria nigri coloris.

Assumptis compositionibus prioribus, folum loco æruginis, cinnabaris, aut Nigri coloris.
laterius cujusvis coloris admifce colorem atrum, quo Typographi folent uti.

Nota 1. Quod fi commixtas debite ejusmodi materias in cylindræas virgulas efformare cupis, ut fplendorem aut lævorem debitum habeant, debes fuper Quomodo materia figillatoria in virgulas efformanda.
tabulam marmoream probè calidam volvere & revolvere cum ligno ad hoc aptato, nempe optimè polito, cujus longitudo tertiam partem ulnæ communis adæquet; craffities poteft effe pollicaris; latitudo verò trium digitorum: vel aptetur menfa in medio quadratum habens foramen, ut tabulam æneam feu cupream quadratam juftè continere queat; cui deinde fupponantur carbones ardentes, qui tabulam calefaciant: poterit ita fupeream materia figillatoria quàm optimè formari.

Nota 2. Si diverfi coloris jam debite compositas & præparatas materias calefactas diverfimodè manibus commifceas & fubigas; inftar Turcicæ chartæ vel marmoris variegatas mixturas parabis. Solet etiam minutiffimus pulvis aureus eximii fplendoris, ut Norinbergæ parari folet, infpergi, dum in tabula rotatur, & in cylindricas virgas paratur. Sed hæc parerga funt, jam ad præfixum tramitem revertamur.

§ II.

Attritio feu tritura vitrorum extra fcutellas.

Præparatione hâc facta trituram vitri fic institues; Paratas imprimis habere debes arcuales laminas fingulis fcutellis competentes, de quibus Synt. præced. cap. 1. & felecta illa lamella arcuali, ad cujus convexitatem reducendum eft vitrum capulo adhærens, confer te ad planum lapidem arenaceum duos circiter pedes latum, ac fuperftrata communi arenâ, quæ tamen per cribrum mediocrem (h. e. quod foraminulis neque nimis laxis, neque nimis anguftis confitet) trajecta effe debet, ut fit penè æqualis; inæqualis enim periculum diffultionis vitri facile inducit. Hanc fuper arenam prehensum manu vitrum capulo fuo affixum inclinatè apprimendo circulariter deduces, ut fig. 7. monftrat: quod fi arena nimium in pulverem minuta fuerit flabello tolles, aliamque novam repones: debes autem inter circularem iftam

attritionem capulum in manu unâ digitis simul convertere, ad quod manus asue-
facienda; sicque vitrum exterioribus à partibus magis exeret, & in medio pro-
tuberabit, & convexitatem rudem facillè acquirat. Et licet inclinata ista attritio su-
per planum lapidem videatur aliquo modo difficilis; si tamen praxin manua-
lem semel acquisieris, comperies facillimam. Sic ego intra dimidium quadrantem facillè
quamlibet acutam convexitatem inducere possum, quam alii operosissimè in scu-
tella vix per horam acquirunt.

Dum ita aliquamdiu laborâsti, arcuali lamellâ vitrum capulo affixum exami-
nabis, an propè convexitatem petitam acquirat, ubinam accedat, & ubi deficiat: ita
minùs accedentem partem lapidi apprimes, & circulariter vitrum de novo dedu-
ces, atque hoc tam diu, quousque videris lamellæ arcuali vitrum undique attritum
ferè per totum convenire. Atque ita habebis ruditer vitrum attritum ad illam
convexitatem, quam voles inducere.

Quomo-
do vitrum
à capulo
solvendū.

Peracta attritione ex una parte vitri facta laterali percussione capuli ad lapidem
facillè vitrum solves & decuries: cave tamen, ne vitrum ipsum appulsu tangas. Vi-
de fig. 9. Hoc facto semi Lentem bene considera, an in aliqua parte indebite cras-
sior sit: quod si deprehenderis, Smiride vel Adamante signa, ut deinde in attritio-
ne alterius convexitatis hic priùs incipias & plus deteras, ut probè ad formam de-
bitam reducat. Capulo deinde rursus æqualiter per totum cum pice ut supe-
rius affiges: in quem finem expedit pro ocularibus vitris capulos infra esse aliquan-
tum excavatos. Vitrum sic capulo iterum adhærens simili modo, ut jam indicavi,
ex altera quoque parte ad petitam convexitatem adduces. Quod si quæsita utraque
convexitas inducta; vitrum denuo suo capulo dejiciatur, & circum rotundè attera-
tur, ut supra de convexis vitris dictum. Circino etiam valgo Lentem examinabis,
an æqualis propè ubique crassities: quod si inæqualem nimis deprehendas, vitrum
sine capulo manu tantum inclinatè tam diu super lapidem arenaceum ad partem in-
convenientem tere, quousq; ad æqualitatem adducas. Tandem sic ruditer expedi-
tam Lentem capulo conformi rursus æqualiter affiges, & ad convenientem scutel-
lam procedes.

Annotatio.

Possunt etiam ex ferro fusili, ex quo hic aliàs fornaces & lebetes parantur, scu-
tellæ fundi, in quibus prima attritio perfici poterit cum arena communi per secer-
niculum tamen trajectâ, ut æqualis admodum sit. Tales enim ferreæ scutellæ mi-
rum profunt & juvant ad rudiorum vitrorum trituram citius expediendam.

§. III.

Attritio perfectior in scutellis docetur.

Ab imperfecta attritione ad perfectam in scutellis faciendam ita procedendum.

1. In promptu habendus est pannus laneus grossior complicatus aut sæpius
convolutus, ut pulvinaris loco usurpari possit, eique scutellæ imponi queant. In-
spice fig. 10. Vel etiam paretur pulvinar ex lana vel pilis animalium, quod leni co-
rio, aut etiam panno tegatur, ut ad eundem usum servire queat. Hic pannus com-
plicatus vel pulvinar paratum, ut dictum, mensæ imponatur, & ejus in medio col-
locetur scutella; supra nudam enim mensam improbè locaretur.

2. Arenam comparabis & lapidibus arenaceis mollioribus in calcaria aut fi-
gulina fornace combustis, præsertim si arenâ crassiuscula constent: probatissimi
sunt, qui ex dirutis antiquis fornacibus calcariis ut valdè ambugi & friabiles, id-
eoque inutiles aliàs abjiciuntur, digitis etiam compressi facillè & sine negotio in
minutam arenam convertuntur.

3. Expedit scutellas duplicis generis metallorum habere pro singulis formis;
sicut ego ex stanno primas, alteras ex ære vel cupro, quarum priores ex stanno ser-
viunt quidem ad perfectam convexitatem in eis exterendam, sed quia hac attritio-
ne per crassiusculam arenam aliquantulum deformantur, pro disponendis vitris ad
polituram non ita probè servire queunt. Aliæ verò quæ ex duriori metallo, velut
ære

ære vel cupro paratæ, quia figuram perfectam diutius retinent, nec ita faciè læduntur, æqualioresque à polito lævore existunt, ideò dispositioni ad perfectissimam polituram sunt aptissimæ.

His præordinatis perfectam convexitatem vitris inducere difficile non erit; si nempe stanneæ scutellæ super complicatum pannum laneum positæ superior arena sicca injiciatur, ac deinde vitrum capulo affixum à manu apprimente huc illuc intus circumducatur quasi per circulos à centro scutellæ ad circumferentiam protensos, ita quidem ut scutella ipsa simul circumacta alium atque alium semper acquirat situm (quod facilè procuratur in acutioribus seu profundioribus) capulus etiam cum Lente seu vitro affixo simul inter atterendum circulariter in manu vertatur &c. Quod si arena subtilissimè comminuta sit, ejiciatur & alia reponatur, idque toties fiat, quousque figura perfectè & æqualiter convexa, quam scutella habet, vitro sit appressa.

§. IV.

Quomodo dispositio ad polituram peragenda.

Attritis perfectè Lentibus omnia mundanda & repurganda sunt. Pannus laneus aut pulvinar excutiendum ab omni pulvere, manus lavandæ, & scutella conformis priori in convexitate, ex materiâ, si habeas, duriori ac æqualiori tota munda mundato priori panno aut pulvinari imponenda: ipsa etiâ Lens cum capulo totaliter munde- tur & repurgetur. Hoc præstito: secerniculo minimorum foraminum arenam rubeam clepsydralem incernes scutellæ, ac priori modo persimili de novo atteres Lentem: quod si arena nimis attrita fuerit, ejiciatur, & alia sicca semper reponatur ad tertiam aut quartam vicem: tandem cum absque ullâ rimula aut fissurâ æqualissimè attritam videris; sume ad manum scutellam aliam multo minoris sphæricitatis, & in eâ cum aliquoties repositâ arenâ clepsydrali attere Lentem, ut circa extremitatem seu marginem exteriorem acquirat circulum seu limbum aliquem decliviorum. Quo per- acto redi ad priorem scutellam, injice iterum arenam clepsydralem secerniculo æ- qualiter dispersam, ac primum siccam valdè leni attritu comminue arenam: cum ad- verteris satis pulverulentam, intinge Lentem in aquam, & madefac pulverem are- naceum, non ut fluat, sed solum humectetur, & in pulvem quasi redigatur: tamdiu deinde circulariter circumduc Lentem, quousque nullus omnino strepitus sentiatur, & nigræ pulvis instar jam desiccari incipiat.

Hoc animadverso Lentem aquâ penitus ablue, ne si forte ad marginem aut alibi in capulo attritæ arenulæ hæssissent, illæ deinceps nocere possint; ac una vel alterâ guttulâ denuo scutellæ denigratæ inspersâ incipe impressione aliquantulum fortiori Lentem æqualiter per scutellam ducere: siccatâ rursus pulve nigrâ Lentem jam non amplius amove, sed digito unam aut alteram aquæ guttulam insperge, atque hoc ad tertiâ vel etiam quartam desiccationē continua. His debirè peractis, si Lentem ablue- ris, videbis nitidissimè ad polituram esse dispositam. Scias autem, quod quantò diu- tius hic laboratur, tanto melius Lens disponatur, & tanto citius postea expoliatur.

Nota, quod si arenæ pulvisculus nimius adhæreat scutellæ, poteris successive nunc aliam atque aliam partem, præcipuè quæ ad extremitatem vel circumferen- tiam vertitur, tollere, solamque interiorem retinere.

In objectivis Lentibus atterendis & disponendis similis modus adhibendus, Praxis pro
præterquam quod sola arena clepsydrali & in unâ tantum lanceæreâ vel cupreâ atterendis
sæpius formari possint: si tamen laborem cupias provehere, & crassiusculâ arenâ & dispo-
hunc facilitare, præsertim in objectivis adhuc satis acutis, poteris quidem; sed caute nendis
semper attendendum est punctum centrale, ut illud in medio vitri persistat. Quo- Lentibus
circa eapulus in manu sollicitè semper circulariter simul movendus, ne ex unâ parte objectivis.
plus, quam altera exateratur, & suo loco debito centrum amoveatur; Suadet *Decha-
les* Dioptr. lib. 2. digr. mech. prop. 2. in disponendis Lentibus convexis aliam Len-
tem rejectitiam experimentalem æqualis convexitatis cum eâ, quæ paratur, ad ma-

num habere, quæ arenam injectam ad æqualitatem in scutellâ primum reducat, ut securius perfecta attritio peragi queat, quod improbare non possum.

Quomo-
do Lentes
valde acu-
tæ sphæri-
citatæ sint
atterendæ
& dispo-
nendæ.

Cum Lentes sunt nimis acutæ, quales pro microscopiis requiruntur, illæ quidem imperfectè prius, ut aliæ extra scutellas formari queunt; deinde tamen in scutellâ perfectè atteri & disponi ad polituram liberâ manu vix possunt: quocirca hic aut simili uti poteris instrumento, quod ita describit P. Zacharias Traber in nervo opt. Dioptr. lib. 3. cap. 24. annot. 10. *Pro conficiendis microscopiis seu Lentibus auctoriis sphæricis cavæ formæ seu moduli requiruntur ex ferro velex metallo. Pro cuius meliori intelligentiâ videatur figura II, in quâ metallum A cavitatem hemisphæricam perfectam contineat, ad quam Lens auctoria B formanda sit, eaque trapano D; B infernè affixa bitumine piceo tam diu gyratur & agitur madidâ sæpius arenâ communi inpersâ, donec vitro forma inducta sit: mundatis deinde & modulo A & Lente B, ab omni arenula priori, alia rubra submadida substituatur, qualis in clepsydri haberi solet, eaque invariata ad ultimam dispositionem permittatur, donec denigrata per modum pultis subtilissimæ nigra comparuerit. Denique Lenti dispositæ jam pro politurâ aptandæ in corio albo (quo forma involvenda & alliganda est) loco arenæ Tripoli madida substituta, & trapani agitatione iterata splendor requisitus inducetur.*

Notandum, ut forma A magis sit apta ad Lentem perfectè elaborandam, consultum erit, ut è duplici cavitate constet, quarum exterior laxior, interior autem sit pro formâ Lentis inducendâ, ut in dispositione Lentis arena rubra prius adhibita non possit dissipari; nam excussa ex interiore remanens in laxiore rursum immitti poterit ad ultimam Lentis dispositionem. Sic ille.

CAPUT III.

De convexarum Lentium perfectæ expolitione seu politurâ.

Lapidis
Tripolita-
ni descri-
ptio.

Quanto cum majori studio & diligentia Lentes sunt dispositæ, tanto facilius succedit expeditio. Plurimi autem sunt hujus expolitionis modi, quibus scilicet ultima politura, hoc est, splendor seu perspicuitas Lentibus inducitur. Ego quem à multis annis probatissimum semper expertus sum, aperiam. Solo Tripoli omnem desideratissimam effeci polituram. Et autem Tripolis lapis cretaceus, flavescent, mollis, friabilis, cujus vis & proprietas smectica est sive abstersiva: citius stanno combusto aliisque abstersivis munus suum præstat. Probatur, si cuspidè linguæ pulvis degustetur, nec ulla sentiat asperitas, qualis in cinere; sed propè qualis in farinæ mollietie. Vocatur & lapis Samius ab aliis: Germanicus aut Veneticus optimus est, & in genere levior graviore præstat.

Quomo-
do melior
effici
possit.

Quod si optimus est, nullâ indiget præparatione, uti ego hætenus expertus, ideoque siccum absque alterius cujusvis admixtione semper adhibui: in spiritu vini tamen, vel vino albo maceratus perfectior evadere dicitur. Docet Dechales post lib. 2. Dioptr. in digress. mech. prop. 1. Si contusus & vino albo aut spiritui vini admixtus per tres aut quatuor menses asservetur, fermentabitur, fietque optimus, sive sicco uti volueris, sive etiam madefacto. Melius adhuc præparabitur, si in cruciæbulum opertum imponatur, & rimæ luto sapientiæ obliniantur, & hæc omnia in furno pistoris per duos dies in prunis ardentibus sepeliantur: optimè præparatum habebis Tripolitanum lapidem. Hæc ille. Verum, cum ex eo, quem hætenus adhibui Tripoli, optatum semper assecutus sim effectum, hujusmodi probare non libuit.

Stannum
quomodo
calcinetur.

Stannum calcinatum, quo etiam utuntur alii ad Lentes expoliendas; ego verò non ad Lentes, sed ad alia quædam opera abstergenda & polienda, sic optimè paratur. Optimi Stanni Anglicani puri melioris notæ libra intra vas figulinum recondatur, quod ignis patiens sit, cujus operculum luto sapientiæ, aut terrâ figulina jungatur, atq; siccari permittatur: inde in figulinâ fornace cum aliis fictilibus reponatur ac relinquatur, donec alia vasa sint probè cocta. Tandem exempto & diffracto vasculo

vasculo invenies loco stanni calcem sive stannum optimè calcinatum pluribus aliis usibus destinatum; mihi tamen in dioptriciis nunquam satis probatum. Sed jam ad praxin politionis procedendum.

Artifices qui sunt ut plurimum perfectionis incurii, utuntur corio cervino vel hircino, aut materia piliari, atque his in canaliculis ligneis, vel etiam plano asserculo similibus obducto: item scutellis ex lignis mollioribus, ut Tiliæ, vel etiam durioribus, ut Pyri vel Quercus cum terrâ Tripolitana stanni calce, vel tenuissimo pulvere è pumice prioribus commixto; tandemque tartari fuligine, salicis etiam vel Juniperi cinere adhibito: Sed quantum à perfectione Lentes detorqueant, præsertim objectivas (quarum præcipua ratio in Telescopiis habenda est) patebit melius ex dicendis. Praxes perfectissimæ & citissimæ expolitionis tam in scutellis, quam extra scutellas, & quidem absque ullo figuræ deperdendæ periculo probatissimas subijciam. Sed prius

Notandum. Quod ut absque ullâ figuræ læsione perspicuitas inducatur (ut prudenter quivis advertet) debeat instrumentum politorium sive materiale expolitioni aptum omnes vitri poliendi partes simul contingere; nam si in unâ parte plus, in alterâ minus contingat, etiam in unâ plus, quam alterâ deterget atque abradet, unde necessario figuræ depravatio sequetur. Ex quo

Colliges 1. canaliculos seu dimidios cylindros, quantumvis perfectè sint excavati, huic negotio minus probè accommodari, cum manifestum sit ex ipsâ laboris perficiendi methodo alterari figuram; umbilicus enim Lentis, cum semper tangat canaliculum; limbi autem pars tantum aliqua eidem incumbat, semper & continuo umbilicus polietur, extremitas non item. Licet autem *Dechales* hoc incommodum tolli posse putet per secundum alterumve canaliculum paulo minoris diametri, ubi consequenter etiam Lentis limbus perficiatur; in fine tamen, ut vult, ad primum canaliculum revertendum, ut Lens reformetur: omninò tamen non video, quomodo hæc reformatio sequi possit, cum semper futurum sit, ut interior pars de novo circa umbilicum plus abstergetur, abradatur & expoliatur, quam exterior circa marginem; adeoque perfectæ æqualitatis nunquam procuretur.

Cylindri
conca vi
improbatur.

Colliges 2. nec patinas ligneas sive ex molliori sive duriori ligno quantumvis exquisite ac perfectè ad tornum excavatas probari, qualemunque etiam habeant crassitiem. Nam cum omnia ligna facile ratione aëris, nunc humidioris, nunc siccioris alterentur, indeque à figurâ præhabitâ deflectant, nec unquam eandem constanter retineant: hinc necessario æqualitatem Lenti expoliendæ communicare non poterunt, etsi, ut infra dicam, pro singulis Lentibus omni tempore aptari facile possint. Deinde quia in ipsâ expolitione patinæ aliquantulum incalescant, necessario alium requirunt situm & suarum partium dispositionem, quam ante habebant.

Item li-
gneæ pa-
tinæ.

Colliges 3. minimè quoque probari Lentium polituram, quæ in plano quocunque, quod corio aut piliari materiâ obductum sit, instituatur: etsi enim corium non nihil cedat, & figurâ sphaericâ se accommodet, partes tamen aliæ (quomodo-
cunque etiam Lentem applices) magis, aliæ verò minus comprimuntur; & quia im-
possibile est, æqualem in singulis partibus compressionem procurare, ideo etiam
impossibile est Lentes ita perfectè expolire sine vitio deperdendæ figuræ.

Nec pro-
batur poli-
tura super
corium aut
piliarem
materiam
facta.

Colliges 4. aptissimè in iisdem patinis Lentes expoliri, in quibus dispositæ sunt: cum enim figuram illarum perfectè per dispositionem acquisierint, solumque requirant polituram & perspicuitatem, aptius nullibi absque figuræ læsione hanc obtinere poterunt, quam in iis patinis, in quibus sunt dispositæ: nullæ enim unquam patinæ congruent aptius, cum nullæ æqualius Lentes per totum valeant contingere. Modus solum restat explicandus, quo practicè fieri possit.

Ubinam
optimè
Lentes ex-
poliantur.

R. P. Cherubinus, ut refert *Dechales* loco sup. cit. hunc docet modum. Cir-
culo ligneo tanto, ut paropsidem seu formam intus capere possit, corium molle &
æqualis, quantum fieri potest, crassitie tendatur; vel pannus Hollandicus vel oloferi-
cus paulò compactior, vel tela, vel Xylinum Anglicum huic panno, corio, aut telæ
bene extensæ paropsidem seu formam subijcies, ita ut imponendo Lentem cum eâ
quadret

1. modus
P. Cheru-
bini.

quadret. Huic panno aut corio stannum calcinatum bene expurgatum & moderate madefactum impones, in longum tantum transeundo per centrum secundum latitudinem suæ Lentis, & paulo majorem: tum experimentalem Lentem adhibebis impellendo in longum seu in lineam rectam; si quid durius occurreret, audiretur, & auferendum esset, antequam Lentem elaborandam adhibeas. His omnibus paratis Lentem tuam huic panno impone, & in longum impelle comprimendo quantum potes, & identidem circa proprium axem eam circumvolve; si opus sit, stannum calcinatum reponere, experimentalis Lens primos ictus excipiat, alioquin periculum erit, ne sulcus aliquis bonæ Lenti imprimatur. Hunc modum probare non possum.

II. Modus
P. Rheitæ.

Secundus modus à P. Rheitâ usurpatus (sicut idem *Dechales* ibidem describit) ita peragitur; Charta munda optima & melioris notæ formæ agglutinatur, debet autem prius nonnihil madefieri, ut exactius formæ se accommodet; gluten autem simplex esse debet ex farinâ seu ex triticeâ polentâ, ut hæc charta figuram perfectè induat: cavendum est, ne aërem intercipiat, ideoque a centro incipe & sensim ad circumferentiam procede, & non tantum semel, sed etiam interea dum exsiccatur, identidem palmâ complananda est. Ubi exsiccata fuerit, primò Lente aliquâ rejectitiâ, cujus limbus maximam habeat declivitatem, tota complanetur: aliqui laminam ferream pariter in limbo oblique præcisam adhibent, quâ omnes hujus chartæ inæqualitates complanentur. Exinde obducitur charta terrâ Tripolitana præparatâ eo modo, quo diximus supra, non quidem tota, sed in longum, secundum latitudinem paulò majorem diametro Lentis elaborandæ, & ut melius complanetur, eadem Lente rejectitiâ ad æquabilem aliquam crassitiem revocabitur.

III. Modus
Authoris
antiquior.

Tertius modus est antiquior meus, communis mihi cum D. Grindel insigni Telescopiario, & D. Bartholomæo Bentzio, nunc Optico Cæsareo; amicissimis olim in hac ipsâ primitus Arte addiscendâ Collegis. Paretur tenuissima polenta triticea; vel sumatur ea materia, quâ lotrices solent indurare collaria, vel similia (vulgo apud nos *Sterck* vocatur) & coquatur ita, ut tenuissima & purissima sit (prodest per mundum linteolum urgere) ac propè aliquantulum fluida (nimis enim crassiuscula improbatur, dum nimium tenax est & durior etiam nimium Lentibus poliendis obstitit.) Sumatur deinde & tela linea subtilissima, ut haberi potest, vulgò *reinstes Kammer-tuch/ oder weißer zärtster Flor* (omnino autem non probatur materia etsi tenuissima ex serico vel sandalo) quod si nodulum aliquem habeat, cultello pennario aut forfice præscindatur, ut tela sit æqualissima per totum: scissa in longum per modum ligulæ intingatur in priorem polentam, & æqualiter extendatur intus per totam patinam in maximam longitudinē, uti fig. 12. exhibet: sumatur deinde charta tenuissima vulgò *Postpapier* aut similis alia, quæ mundissima sit & libera omnibus arenulis, ne cæteat admodum multis colliculis protuberantibus particulis; unde prius obvertatur luci, & sedulo inspiciatur. Si habeat aliquas exuberantes particulas, illæ possunt ex unâ parte omnes leniter abradi atq; præscindi, ut tota charta coæquetur, sed tunc attendi debet, ut versuseandem partē etiam postea agglutinetur, ut illæsa pars superior serviat politioni. Selectam chartam similiter in longū per modum ligulæ conscinde, atq; telæ in patinâ jam extensæ cū priori polenta supertende, sollicitè cavendo, ne aut rugula aliqua seu plica contrahatur, aut ipsa charta per polentam superius nimium inficiatur; quocirca expressa superflua pollenta versus patinam non opertam telâ vel chartâ extergenda est. Prodest etiam hic adhibere Lentem rejectitiâ conformiē patinæ cavitati, ut per totum æqualiter agglutinetur. Ne verò aër intercipiatur, qui multum obest; retardat enim & impedit plurimum expeditiorem politionem, scutella seu patina dum exsiccatur, non debet calori à cavâ parte applicari, sed ab exteriori convexâ, neque calor debet esse nimis vehemens, sed temperatus. Prodest etiam, dum exsiccatur linteolum sive strophium mundum intus apprimere. Sed plura melius docebit ipsa praxis. Cum tandem charta bene agglutinata & desiccata, terra Tripolitana affricatur, & cum aliâ chartulâ munda æqualiter disponitur & imprimi-tur; exsufflato pulvere, qui non adhæret, capitur manu sinistrâ paropsis sive scutella, ita ut verticaliter teneatur, sicut fig. 13. monstrat, & alterâ manu nempe dextra appri-mitur

mitur illi Lens capulo suo affixa, atque huc illucque deducitur super chartam, unâ simul & Lentem interim in manu convertendo ac circumagendo, donec splendorem perfectum acquirat. Potest etiam scutella horizontali situ supra pannum convolutum firmari, aut etiam piceo bitumine agglutinari ad cavitates patinis conformes in ligneo asserculo, ut fig. 15. docet, excisas; operatio deinde instituitur, ut vides in fig. 14.

Atque hic fuit antiquior modus mihi usitatus, quo Lentes satis perfectas elaboravi; quia tamen cum protractiori temporis morâ admodum operosus erat, & ob difficultates, præcipuè in debita pultis sive polentæ coctione & præparatione, agglutinatione chartæ cum tela subiecta ejusdemque desiccatione valde tædiosus, apprimè noluit placere: certissimè enim, & singularissimè expertus sum, quod quanto durior est charta & firmitus sive tenacius scutellæ adhæret, tanto difficilius, diutius & imperfectius inde Lentes elaborari: quanto autem mollius aut lenius adhæret per minùs tenacem pultem, fit quidem ut citius & perfectius (cum facilius sese charta Lentibus accommodet, & minùs noxiè figuræ resistat) Lentes expoliantur, sed non absque alterius incommodi periculo, cum charta leniter affixa in operatione, dum aliquantulum incalescit, facilè sese contrahendo resolvere possit atque aërem sub se concipere, vel penitus se avellere: ubi prior labor agglutinandæ & telæ & chartæ esset repetendus. Non levis igitur difficultas est in debita polentæ coctione & præparatione: quia dum charta initio æquo-tenaciori pulte modulo sive patinæ agglutinatur, & consequenter æquo firmitus eidem adhæret fortiorque existit, accedente postea calore, qui in ipsa operatione evitari non facilè potest, charta hinc contractior duriorque evadit, unde sese Lentibus non facilè accommodans figuræque plus æquo obstitens eandem in expolitione magis depravare quàm conservare videtur. Modum itaque hunc exosus, alium multò faciliorem & expeditiorem excogitavi, quo sublatis omnibus his incommodis citò & perfectè absque ullo figuræ deperdendæ periculo, & absque remora & retardatione in operando Lentes quascunque possim expolire.

Quartus modus simplicior & perfectior hic est. Sume chartam non nimis tenuem aut subtilem, sicut in priori modo, sed mediocrem ac communem crassiusculam aliquantum: melior etiam erit, quæ non nimis aspera vel ab alumine rigida, sed aliquantum mollis, ut est ea, quæ atramentum facilè diffuere solet (*soß nicht gar zu hart gelehnt seyn*) quæque aliàs tota ab arenulis repurgata, & aliis, quantum fieri potest, inæqualitatibus libera sit, ut facilè patebit, si folia luci obverteris. Quod si tuberculos aut quaslibet eminentias habeat, à parte saltem eâ, quâ postea agglutinabis, abrasdes cultello. Deinde si pro ocularibus scutellis acutiorum convexitatum (pro objectivis majorum sphaericitatum aptatio talis non requiritur) aptare velis; discinde in particulas longiores, quantum sufficere posse putas ad Lentes in scutellis profundioribus amplectendas, & madefactas absque ullo glutine scutellis calidioribus apprime, ut earum formas perfectè sine ullis plicis aut rugulis induant, & brevi exsiccentur; exsiccata ita protuberabunt & formas habebunt scutellarum, quibus appressæ sunt, conformes. Ita pro singulis scutellis plures facies, ut deinceps in promptu habeas, numeros etiam adscribes, ut cui scutellæ conformes sint, facilè dignoscere queas. Has chartulas ita paratas servabis ad usum.

Ad has chartulas debite scutellis apprimendas glutini loco parabis hanc ceram; Sume ceram albam, quæ omni pinguedine & quibuslibet sordibus sit immunis, & terebinthinam Venetam q. s. fac ut ita tenax fiat, qualis est cera illa, quæ ad obfigandas literas adhiberi solet. Hanc cera prius scutellam, in qua disposuisti Lentem in longitudinem, ut supra de tela & charta dictum, illine; Sume deinde bacillum tenue seu gracile, qui facilè se scutellæ accommodare possit, atque ceram per totam longitudinem scutellæ factâ appressionem quàm optimè dispone, ut ubique per longitudinem æqualis compareat. Melius tamen est, capulos ligneos cylindricos infra excavatos (ut undique scutellam cum apprimuntur, attingere & ce-

Difficulta-
tes circa
hunc mo-
dum.

IV. modus
Authoris
recentior
& melior.

ram æqualiter disponere queant) loco bacillorum adhibere, possuntque plures tales capuli majores aut minores pro ratione magnitudinis cujusvis scutellæ in promptu haberi. Si scutella taliter bene incerata, impone conformem chartulam, apprime cum Lente rejectitiâ conformi (quod melius) ut æqualiter ubique adhæreat. Tandem disposito pulvere tripolitano super hanc chartam perfice praxin politionis, ut in præcedenti modo dictum; feliciter obtinebis intentum.

Porro quod charta taliter affixa aptior sit expolitioni Lentium sine ullo figuræ nocumento quàm fiat per quaecunque aliud glutinum, facile demonstratur. Cera siquidem alba, cum sit tenuissima, & terebinthina Veneta aquæ instar limpida, vix corpus efficient: illita verò scutella facile per tenacitatem à terebinthina chartamprehendet; & quia hæc mollior facile in se recipiet utramque, præsertim dum aliquantum incaluerit. Fiet igitur, ut ita pene immediatè nullo interjecto corpore charta æqualissimè scutellæ adhæreat. Deinde cum cera sic attemperata non efficiat, ut charta adhærens contrahatur, aut aliqua addensatione durior evadat, sed in mollitie sua relinquatur; neque etiam in ipsa operatione dum aliquantulum incalescit, rigorem aliquem acquirat, sed potius relaxetur; hinc fit, ut nullo modo figuræ Lentis nimium obstitendo obesse possit, cum Lenti potius cedat, adeoque Lenti per omnia sese accommodans munus suum probè exercere, illam abstergere & perfectè expolire queat. Sed nunc cautiones quasdam subnectamus.

*Cautiones quædam in expolitione Lentium
observandæ.*

1. In defectu chartularum superiori modo præparatarum cum scutellis etiam possint chartulæ planæ imprimi, & ipsa Lente expolienda æqualiter aptari; melius tamen semper erit Lente aliqua rejectitiâ id facere, quàm Lente elaboranda, ne figura quomodolibet alteretur.
2. Etiam in scutellis objectivarum Lentium, quæ non sunt profundæ, semper conducit Lente aliqua rejectitiâ conformi partes omnes chartæ primitus complanare, quàm ipsa Lente expolienda debitam formam apprimere.
3. Cum in ipsa expolitione charta se à scutella resolvit ob defectum sufficientis tenacitatis, cerâ denuo scutella illinatur, & ut supra coæquetur, &c.
4. Non prodest Lentem vel chartam manu attingere & abstergere inter poliendum; sed si vitrum judicetur abstergendum, id fiat linteolo mundo.
5. Ne superficies quædam inexpectata in modum corii Cordubensis valdè noxia & penè irremediabilis vitro inducatur, cavendum, ne violentiori appressione vitrum nimis incalascit. Unde conducit plurimum aliquando quiescere, & scutellam tantisper seponere, donec refrigeretur, & calor noxius remittatur.
6. Quoties cessatur ab opere, patina operiatur, vel inversè locetur, ne sordes incidant; pariter detergantur manus, excutiantur manicæ, & semper à rejectitiâ Lente incipiatur.
7. Si accidit aliquid duri occurrere, id non digito, sed cultello pennario auferatur.
8. Lens elaboranda in longum quidem ducenda super chartam tripoli imbutam, identidem tamen, quantum fieri potest, super proprium axem in manu revolvenda, ut figura conservetur.
9. Etsi initio non conducat Lentem capulo suo adhærentem, donec terrâ tripolitana in morem tenuis cuticulæ imbuatur, fortiter & cum vi apprimere; ubi tamen perfectè imbuta fuerit, fortior appressio non nocebit, sed proderit.
10. Si peracta politione velis chartam innoxie à scutella removere, ut alia vice denuo adhibere possis, fac ut citatiori & violentiori apprehensione charta cum

fig. 1.




fig. 2.




fig. 3.




fig. 4.




fig. 5.



fig. 6.




fig. 7.




fig. 8.



fig. 9.



fig. 10.



fig. 11.




fig. 12.






fig. 13.





ta cum scutella aliquantulum incalescat, facile sic attolletur, & removeri poterit.

II. Cum tota politio peracta, & charta à scutella remota, cerea incrustatio non relinquenda, ut in dispositione aliarum Lentium arena tunc modò exteratur; sed immunditia omnis à scutella super carbones calefactâ linteo abstergatur, ut pro disponendis aliis Lentibus denuo accommodata & parata sit ad usum.

CAPUT IV.

De perfecta Lentium convexarum expolitione, qua fit extra scutellas.

PRæcedente capite indicavi, perfectam expolitionem quarumlibet Lentium convexarum etiam extra scutellas, sive absque scutellarum adminiculo fieri posse, quam capite præsentis paucis exponam. Dixi *perfectam*, nam imperfectæ politio- nis, quæ cum figuræ nocumento perficitur, praxes aliquas priore capite retuli: unam tamen non ita notam pro Lentibus, quæ omnimodam perfectionem non re- quirunt, ut sunt eæ, quæ microscopiis communibus, lucernis seu lampadibus cu- riosè construendis, perspicillis vulgaribus, & ejusmodi vitris auctoriis tantum ser- vire possunt, hic obiter indicare placet; estque facilis, quæ fit super librum unum vel plures papyri (vulgò dicimus *Buch Papier*) ubi superius folium imbuitur ex- terius terrâ tripolitana, & Lentes hinc inde ducuntur, donec splendorem perfectum acquirant. Citius hic absolvitur politura, quam super corium aut materiam pilia- rem aut quamvis rem expolitioni aptam: cautè tamen charta prius inspicienda, ne arenulas contineat. Vide fig. 1. Iconismi. Ego quodam antiquo libro, qui char- tâ admodum crassa cum molli quadam teneritudine constabat, longo tempore usus sum: dum unum folium detritum est & depoliturum, sequens adhibui, quousque penè totus liber absumptus, sicque Lentes communes etsi imperfectas, satis tamen pellucas facillimo negotio & quam citissimè perficere potui. Sed jam ad praxes perfectæ expolitionis calamum convertamus.

Meminisse hic imprimis oportet praxis ejus, quam dedi supra præced. Synt. 1. cap. 2. de formis & modulis præparandis. Si enim pro quavis scutella formas lapi- deas adhuc habeas, aut si non habeas paratas, artificio supra indicato formas tales lapideas arenaceas in scutellis habitis extrices; deinde & cavas portiones oblon- gas, ut in fig. 2. vides globosis segmentis conformes per omnia efformes: erunt hæ loco patinarum, quibus, dum exsiccatae sunt, cerâ præced. cap. descriptâ chartulâ longiores inducantur, ut fig. 3. refert, & terrâ tripolitana imbuantur, habebis accu- ratissima instrumenta pro poliendis vitris extra suas patinas.

Cum enim per communem notionem, quæ eidem congruunt, sint inter se æqualia per Axiom. 1. primi Eucl. ex constructione autem patinæ & ejusmodi por- tiones iisdem globosis segmentis congruant, etiam æquales esse oportet: ipsâ au- tem praxi supra indicatâ facere ut congruant, cum difficile non sit, etiam difficile non erit ejusmodi portiones procurare.

Quantum verò utilitatis & commoditatis sit ex hujusmodi lapideis portioni- bus cavis, facile hinc advertes; quod cum ad usum paratæ semper esse possint, à dis- positione Lentium in scutellis factâ statim ad eas accessus fieri, ac absque ulla retar- datione expolitio perfici possit: in ipsa etiam operatione, cum lapideæ hæ formæ utpote crassiores & à natura frigidiores non tam facile incalescant, & si forsan ali- quantulum incaluerint, facillimè denuò iterum remittant calorem, ideo nec opus,

Iconismus
VI.

Praxis im-
perfectæ
expolitio-
nis pro
Lentibus
quibusdā
imperfectioribus.

Indicatur
praxis præ-
stantissima
extra scu-
tellas per-
fectissimè
Lentes po-
liendi.

Commo-
ditas & u-
tilitas hu-
jus praxis.

multum à labore quiescere ob periculum, ut supra monui, sed continuo penè opere citò Lentes absolvi queunt. Deinde quia per crebram attritionem caveri non potest, ut scutellæ omninò non lædantur, ac ita læsæ perfectionem omnimodam Lentibus communicare non valeant; etsi tamen in scutellis imperfectius elaboratæ sint Lentes, nihilominus in segmentis istis ac portionibus cavis ad perfectionem adducuntur, uti ego clarissimè expertus sum. Habui enim duas scutellas inæquales, quarum una paulò major in convexitate pro objectivis diametri 6. pedum Romanorum: paravi etiam liberâ manu lapidem globosum sphaericitatis ejusdem cum cava portione conformi absque alterius ex prædictis scutellis subsidio, sed liberâ manu solùm ad arcualem laminam diametri 6. pedum perfecti prædictum lapidem cum cava portione. His paratis ex ambabus scutellis diversa omnino vitra objectiva disposui, & supra paratam portionem cavam expolivi: ambo sanè æqualem perfectionem obtinuerunt. Unde facile est colligere, Lentes vitreas, etiamsi ita perfectè dispositæ non sint, & in patinis minùs perfectis elaboratæ, si tamen ad perfectas ejusmodi portiones expoliantur, hic modo perfectionem acquirere, & omninò perfectas evadere posse. Hoc solùm monendum, ut lapideæ hæc portiones, dum extritæ ac paratæ sunt, bene abluantur aquâ, ne exsiccatae rursus arenulas aliquas facile dilabi permittant, & illæ manu transferantur in chartam obductam: ad quod omninò vitandum, manu ipsam chartam facile attrectare non licet, sed cum opus sit aliquando chartam lapidi apprimere, id fiat Lente experimentalis seu rejectitiâ.

Alia similis
praxis indi-
catur.

Altera praxis huic per similes loco lapidearum portionum adhibet portiones cavas ex Gypso vel Alabaistro fusas ac efformatas. Has si parare libeat, ita procede; Sume Gypsum vel Alabastrum, tere in mortario in minutissimam farinam: fecerniculo trajectam hanc farinam Gypseam seu Alabastrinam (absque aqua tamen aut ullo humido) immitte in cacabum vel ollam, ac pone ad ignem: videbis brevi instar aquæ non tantum ebullire, & humiditatem evaporare, sed etiam valde raram ac levem fieri, ut immisum bacillum commixtorium facillimè ad fundum dilabi permittat. Cum per semihoram aut tres quadrantes horæ farinacea hæc materia cocta fuerit, ita ut gravior facta subsidat, ac difficulter bacillo moveatur, nec eum dilabi amplius ad fundum facile permittat (quæ sunt signa perfectæ coctionis) satis cocta & præparata erit gypsea farina ad usum, qui talis esto.

Cum ejusmodi portiones scutellis tuis omninò conformes fundere volueris, si lapideum modulum ad quem scutella aliqua fusa est, non habeas; primitus debes convexam portionem fundere ex Gypso ad ipsam scutellam hoc modo; Luto communi vel cerâ piceata circumda partem mediam scutellæ, ut in fig. 4. vides, instar capsulæ vel valli circumcirca, ut gypseam infusam materiam probè continere queat, quoad siccetur. Deinde intus vel oleo olivarum, vel aquâ saponaria sive smegmatica tinge ac illine scutellam & ceram. Hoc præstito sume gypseam paratam materiam, & pone in tigillum, affunde aquam, commisce bene cum aqua, ut in pulvem fluidam redigatur; tum pulvem hanc effunde super scutellam, & siccare permittite; citò enim siccabitur: habebis ita convexam portionem paratam, ut fig. 5. exhibet, cui nunc alia concava, si paranda sit, ita procedi debet. Dum portio convexa hæc siccata fuerit, cultro ineptas quaslibet partes à lateribus abscinde, pone super asserculum, & iterum circumda cerâ piceatâ vel tenaci luto murulum, ut fig. 6. refert: deinde oleo inunge, & procede ut priùs parando gypseam pulvem, ac super hanc convexam funde portionem, ut modò didicisti; quæ dum indurata fuerit, amove à priori convexa; & habebis concavam petitam portionem conformem patinæ, ut fig. 7. videre licet. Hæc dum omninò siccata est, etiam chartâ obducitur, & expolitio in ea peragitur, ut praxi præcedenti dictum.

Tertia prax-
is alia ope
corticum
pini vel a-
bietis.

Tertia praxis poliendi Lentes extra scutellas etiam fit absque chartâ in crassioribus corticibus pini vel abietis, hoc modo; Cortices pini vel abietis crassioris bene exsiccatos sume, ac si non sint satis crassi, aliis lignis forti glutino conjunge, ut nullatenus flecti queant. Dum apta in longiores portiones (ut de gypseis & lapideis

deis arenaceis dictum) & super lapideas patinarum formas convexas attere, donec perfectam cavitatem acquirant; quod perfacile fieri potest, cum istiusmodi cortices sint valde molles, & innoxii lapideis formis facile atterantur. Quibus paratis & linteolo mundo repurgatis non agglutinatur charta, sed immediate ita præparatis corticibus Tripolis admiscetur, & expolitio, ut ante dictum, perficitur. Quod si fortassis figuram corticum in operatione lædi putes ac aliquantulum deperdi, super lapideas formas convexas denuò paululum attere, repurga, & Tripolim impone atque operare, ut in præcedentibus praxibus abundè dictum. Ejusmodi cortices pro valde acutis Lentibus (dum minutæ scutellæ manum impediunt, ut satis commodè Lentes apprimere non possit) feliciter optimo cum effectu adhibui. Atque hæ sunt praxes meliores extra scutellas vitra poliendi. Sed nunc aliqua de probandis & discernendis quibusvis Lentibus convexis placet subnectere.

Signa bonitatis figuræ in Lentibus & specillis convexis.

1. Probantur imprimis Lentes, si æqualem circa ambitum vel marginem habeant crassitiem, quæ circino recurvo facile probari potest: si enim dissimiles sunt in ambitu crassitie, centra ab utroque latere invicem non respondebunt, ideò radios recte trajicere non poterunt.

2. Bonæ sunt Lentes, si æqualissimæ compareant sine ullis rimis, scissuris, lacunulis sive cavernulis atque aliis quibuslibet irregularitatibus, quæ potissimum ab arenulis, quibus in attritione fricantur, proveniunt.

3. Ad discernendam bonam figuram in Lente quavis, obverte Lentem ad objectum rectilineum: si rectitudo non fuerit incurvata, præsertim ante vel post inversi situs stationem (hoc est, circa punctum confusionis) figura laudabilis erit.

4. Si Lentes politæ in Tubo, hoc circumvoluto omnia similia æque magna & clara semper exhibeant, probantur.

5. Vitra objectiva optima censentur, si in Tubis collocata majorem patiantur aperturam, & objecta magis completa & aucta ostendant: improbantur verò cum minorem requirunt aperturam, & objecta minus aucta exhibent.

Signa probati laboris & perfectæ expolitionis in Lentibus convexis.

1. Si omnes leves rasuræ à Lentibus remotæ, nullæ nubeculæ & quasi cuticulæ cernantur aut ex obliquo intuenti non appareant respersæ cinere & pulveribus minutis, aut prominentibus aliquibus tuberculis sive quibuslibet eminentiis fluctuent, verum ab utraque superficie æqualissime resplendant.

2. Si per Lentem ab oculis debite remotam prospiciens non videas lucem fluctuantem aut scabrosam, sed claram, quasi inter oculum & lucem nihil intercederet. Vide fig. 8.

3. Absolutarum Lentium politura cognoscitur, cum ædificiorum remotorum imagines vividissime sine umbrâ recipiant, & oculo transmittant.

4. Si Lentes scripturæ superpositæ aut obtentæ literas perfectè nigras exhibeant, ita ut nihil quasi intercedere videatur inter Scripturam & oculos; aut si quid advertatur intercedere, illud tamen rarissimum sit, non fatigans, sed potius recreans visum.

Signa bonæ materiæ sive internæ bonitatis Lentiū.

1. Probantur à materiâ Lentes, si visui obtentæ & ita lucem versus inspectæ, ut objecta neque situ recto, neque everso, sed omnia in confuso situ cum merissimâ luce exhibeant, tuncque nullâ omnino inæqualitas in iis advertatur, nec ullæ fordes, venulæ, bullulæ, arenulæ, lapilli, vortices, undæ, & persimiles immunditiæ in conspectum veniant. vide fig. 8.

2. Si Lentes candelæ accensæ obvertantur, & candelâ in puncto confusionis locatâ non nisi lux æqualis & splendida absque ullis venulis, spiris, fumis,

undulationibus, gyris, nebulis, atque similibus oculo debite remoto compareat. vide fig. 9.

3. Si Lentes Soli obvertantur, ita ut radii per illas transgressi versus umbrosum locum circulum aliquem efficiant, & hic sit omnibus impuritatibus & inæqualitatibus liber. Hoc enim modo, quidquid vitiosum intime vitreis Lentibus inest, clarissime apprehendi, & aliis demonstrari potest, ut patet in fig. 10.

4. Si colore non admodum saturo consent, velut nigricante, fusco, flavo aut valde viridi; verum si nitido, albicante, aut leviter cæruleo imbutæ, probantur: optimæ sunt, si super chartam vel candidum quodvis positæ in colore ab intecto loco non multum differant, neque chartam subjectam nimium colorent.

5. Si humiditatem, quæ per modum tenuis cuticulæ adhæret, & obtegit Lentes, non facile contrahant, quæque in Tubis collocatæ non tam sæpè à pulvere & sordibus abstergi requirant.

6. Si molliores, ita ut brevi tempore, & minori negotio sint elaboratæ.

CAPUT V.

De mechanicis quibusdam instrumentis siue machinis, quarum ope Lentes convexæ facilius & perfectius elaborari posse putantur.

P Zacharias Traber in nervo suo Optico lib. 3 dioptr. cap. 24. annot. 7. tradit sequentem machinam ad Lentes convexas expeditius & melius elaborandas, quam verbis ipsius huc libet transferre.

Instru-
mentum
P. Traber.

Certa instrumenti exilis fabrica constans ex asserculo quadrato & duplici pertica in hunc modum substituitur. Affigatur mensa solida asserculus superiore tantum parte dedolatus ABCD, non tenuis in quantitate quadrata pedis Geometrici, in cujus latere pertica FG perpendiculariter infixa in F altitudinem tabulati G vel fornicis contingat ibidem firmanda. In medio asserculi affigatur scutella perfecte elaborata, è cujus centro K alia pertica mobilis s. circiter pedum alta perpendiculariter in I pennulam chalybeam è priori pertica FG prostantem ascendat, ubi cuspide ferreo in pennule foramine tanquam in polo mobilis gyriari valeat: inferius autem ad K claviculo ligneo affigatur in manubrii tornati superiorem partem L, quæ altera parte hemisphærialis cum inferiore cava M juncta ita congruat, ut si una cum vitriolo Lenticulari infimo loco affixo supra scutellam manuum auxilio susque deque circumducta fuerit, pennula chalybea impressione Lentis forma perfecta consurget, ejusque dispositio atque politura ad gustum subsequetur. Hæc est machinæ descriptio: usum ejus ita declarat.

Dispositio Lentis non differt à communi; ad polituram verò charta mundissima aut etiam membrana subtili (quam ego omnino improbo) scutella pultibus delicatioribus affixa Tripolis sicca inspersa adhibeatur. In quo hoc singulare accidit, quod tam in dispositione quam politura ob æqualem pennula I impressionem centrum Lentis quantocius perficiatur, consequenter ejus splendor purissimus succedat. Hactenus P. Traber.

Ex descriptione hujus machinæ patet, eam solum communibus convexis objectivis Lentibus (quarum in Tubis præcipua ratio habenda est) convenire; non autem ocularibus quæ minorem habent diametrum. Quod si tamen minoribus objectivis servire deberet, pertica I K non deberet esse tam longa, & penna chalybea deberet magis descendere. Si ad specilla objectiva pro Tubis valde longis deberet accommodari; penna chalybea magis esset elevanda, & pertica magis elonganda. Deinde suaderem ego, scutellam asserculo ABCD non immediate superponendam sed vel pilari materiâ duplicata, aut panno laneo aliquoties convoluto ac interposito applicandam, ne nimis violentè Lenti fabricandæ resistat. Quantum hoc conducat ad figuræ perfectionem, in praxi versatus facile advertet.

Quod

Quod autem Auctor ait, singulare esse in hoc instrumento, quod tam in dispositione, quam politurâ ob *æqualem* pennulæ I impressionem centrum Lentis quanto cyus perficiatur, consequenter ejusdem splendor purissimus succedat, non capio: imò longè alia mihi videtur esse ratio, & prorsus contraria, quare centrum potius perficiatur, quam aliæ partes remotiores in ambitu Lentis; nempe ob inæqualem pressionem pennulæ I: cum enim Lens convexa capulo M contenta ad centrum K scutellæ apprimatur, directè & perpendiculariter per perticam ILMK premitur etiâ pennulâ aliquantum magis elevata, ideo fortius apprimitur, quam dum ad marginem scutellæ pertica cum Lente affixâ ducitur, quia ibi pennâ minus elevatâ etiam aliquantum oblique fit pressio, dum pars cava in capulo M ex ipsa constructione se debeat scutellæ accommodare, ideoq; cum aliquantum inclinatè & oblique per perticam IK pressio perficitur, consequenter tam fortis non erit, quam dum ad centrum scutellæ dirigebatur, idcirco etiam non tantum elaborari poterit circa marginem aut partes remotiores; & cum sæpius centrum Lentis per medium sive centrum scutellæ in operando transeat, ac fortius tunc apprimatur, quam alia quælibet pars remotior, consequens est, magis elaborari & expoliri idcirco circa centrum, quam partes quaslibet remotiores.

Ex hoc ritè perpenso potius deducerem Lentes hâc praxi per explicatum instrumentum non perfectius, sed imperfectius elaborari, dum æqualitas nec figurâ, nec splendoris debita vitris communicatur. Sitamen instrumentum ita constructum foret, ut convexitatis scutellæ centrum foret in loco pennulæ I, ut ibi tanquam in polo ritè gyrari ad omnem partem æqualissimè posset, sublato hoc incommodo Lens quælibet multò perfectior elaborari posset, cum partes omnes Lentis æqualissimè quovis loco scutellæ apprimerentur, ut consideranti facilè patet.

Hoc ipsum instrumentum paulò aliter constructum usu meo ac experientiâ comprobatum vides in fig. 12. ubi perticæ GH per annulum L descendenti infra affixus est globulus plumbeus I satis gravis innitens super capulum M superiori parte cavum, ut globulus I illi perfectè incumbere, vitrumque infra affixum debite apprimere possit. Prehenso ergo manu capulo cum vitro poliendo sibi affixo, si nunc huc nunc illuc super fasciam papyraceâ Tripoli (ut alias fieri debere diximus) affectâ, scutellæque K subjectæ agglutinata deducas; ob æqualissimam globuli I pressionem; æqualissima etiam expolitio sequetur. Numeri porrò in perticâ EF annotati indicant radios sive semidiametros conformes radiis scutellarum: pro radio siquidem scutellæ sive semidiametro ejus sphaericitatis, in quâ vitrum est expolendum, annulus L in ligno LN aliter ac aliter collocari & per claviculum O firmari debet, uti figura monstrat. Ut si scutellæ, in quâ vitrum aliquod expolitur, radius sive semidiameter ejus globositatis esset unius pedis, deberet LN affirmari per claviculam O ad distantiam in perticâ crassiori EF, ubi notatus est numerus 1: si duorum pedum esset radius scutellæ, ad locum numeri 2. si radius esset novem pedum, ad locum numeri 9. sicut figura exhibet: atque ita de aliis.

Aliam perfectiorem machinam ex R. P. *Cherubino* Aurelianensi in Artificio Teledioptrico quamplurimum exercitato describit *Dechales* Dioptr. lib. 2. Digress. mechan. prop. ult. quæ non ita exactam requirit patinam, sed vulgariter tantum sphaericam, cum ipse labor sphaericus sit, exactissimæ tamen figuræ Lentes efformet, ita ut præfatus *Cherubinus* se expertum asserat in paropside planâ & nullo modo concavâ, Lentem tamen convexam majoris diametri perfecisse, quæ perfectionem habuit plus quam mediocrem. Fatetur deinde ingenuè *Dechales* communi methodo se nunquam potuisse Lentem, cujus focus 10. pedum, exactam perficere, licet usus fuisset paropside ab accuratissimo alias Artifice paratâ. Nam dum in hac Lentem perfecisset, eamque suam loco alterius, quàm ejusdem diametri paraverat, expertissimus D. *Eustachius Divinus* in Tubo constituisset, comparari nullo modo potuisse, quod unice modo laborandi tribuendum putat. Machinam igitur ac instrumentum à P. *Cherubino* excogitatum ac inventum, ut perfectioris formæ Lentes objectivæ accuratiori modo laborandi perfici queant, ita describit;

Instru-
mentum
paulò ali-
ter ordina-
tur.

Machina
P. Cheru-
bini descri-
bitur.

Supponi-

Supponitur ergo paropsis longioris diametri excavata methodo communi; sit autem longitudo semidiametri concavitatis cognita; ponamus esse 10. pedum, assumatur cylindrus ligneus aut ferreus 10. pedum, in cuius uno extremo sit apex acuminatus: in eodem extremo sit segmentum globi convexi, è quo scilicet erumpat apex acuminatus, sitque centrum ejus, & ex alia parte ipse cylindrus: convexitas hujus segmenti globi sit obversa deorsum; hoc segmentum globi inferitur annulo etiam concavo, qui globum convexum excipiat. Hic annulus habeat ansas, ut funibus in sublimi trabè annectatur. Idem cylindrus inferiori parte habeat cavitatem secundum ejus longitudinem ductam, ut orbiculi Lentem præferentis cauda in eam cavitatem, cum opus fuerit, inferatur, & claviculâ spirali firmetur. In superioribus seligitur centrum concavitatis paropsidis horizontaliter supra mensam collocatâ: & in eo tota difficultas est posita, nempe ut centrum hoc directè respondeat centro concavitatis paropsidis; & ut firmum sit. Quare super mensam erigi debent quatuor tigna quasi columnæ, in quorum medio trabs inter tigna sursum & deorsum mobilis aptetur; sit autem satis firma & convenientis crassitie, possitque ad quamcunque distantiam removeri, & ita firmari, ut immobilis perseveret. Hanc trabem pervadit foramen quadratum, in quod inferitur prisma quadrangulare centrum præferens, seu in basi cavitatem habens, quæ pro centro assumitur: debet autem posse hoc centrum nonnihil attolli aut deprimi pro ut libuerit, quod multis modis præstari potest, & Artificum industriæ relinquo; ad id tamen maximè idoneæ videntur spiræ seu helices.

His ita constitutis ubi centrum à mensa remotum fuerit secundum distantiam semidiametri paropsidis, perpendiculo quæritur in mensa punctum perpendiculartali centro respondens, fiatque circulus æqualis paropsidi, cui imponatur paropsis, ita ut quadret. Debet item paropsis esse horizontalis, quod amussi exquisitâ examinandum est, & ne inter laborandum moveatur, pice præparatâ circumquaque firmetur, ut amplius loco dimoveri non possit. Tum centro illi superiori seu cavitati inferendum est acumen cylindri & annulus concavus globum coercens, ut cylindrus liberè pendeat, & à centro ejus apex non separetur, funibus in superioribus religatur firmiter. Ponuntur potius funes, ut motum non impédiant, tum insertâ in inferiorem partem caudâ orbiculi Lentem deferentis, demittitur nonnihil centrum, donec Lens tangat paropsidem, tum imponitur pulvis siliceus secundæ aut tertiæ notæ; supponitur enim Lens habere figuram, cum hic labor sit tantum ad correctionem adhibendus: teritur autem Lens eodem motu, quo manu liberâ, perduciturque ad lævorem inchoatum. Politura eodem modo vel supra chartam, corium, observatis scilicet cautionibus iisdem. Hactenus *Dechales* figuram non addens, quæ tamen ex descriptione faciliè intelligitur.

Atque hæc est machina *P. Cherubini*, quæ haud dubiè prioribus melior ac perfectior, sed operosior. Ego solam manualementis præfero, ita ut qui in hac bene exercitatus, nullis machinis indigeat, solâque manu optimam perfectionem possit Lentibus conferre. Perfectissimam igitur praxin manualementis, quæ Lentibus etiam longioris diametri efformandis inferviat, talem subnecto.

Indicatur
perfectior
praxis abs-
que ma-
chinis.

Suppono scutellas esse juxta praxes superius indicatas perfectè elaboratas: dum si vitreas Lentes objectivas bene, ut in antecedentibus edoctus, efformasti, & pro politione disposuisti, hæc perfectissima praxi politionem (in qua totum negotium perfectionis consistit) perfice. Scutellam chartâ politoria obductam, ut supra dictum, pone ante te, si major & gravior, supra pannum laneum duplicatum aut triplicatum in mensa; aut si minor, solùm ante te super genua, manuq; sinistra prehende ac firmiter tene; deindè altera manu dextra cape capulum, ut fig. 13. docet, cum vitrea Lente, sicque apprime, ut omnes partes simul fasciæ chartacæ incumbant, & à te protrude, nempe ab A ad B per totam scutellam.

Cave verò, ne dum ita protrudisti vitrum, ad te denuo per eandem viam, hoc est, a B ad A super eandem fasciam retrahas, sed ubi ad finem fasciæ A B pervenisti, in B attolle vitrum, & in aëre C supra elevatum rursum ad te reducendo iterum siste in A ad locum priorem fasciæ, rursusque protrude sicut antea æqualiter semper apprimendo vitrum, ut omnes ejus partes toti fasciæ perfectè congruant; atq; hunc motum ita continuabis, donec Lens vitrea objectiva perfectissimè sit expolita; quod brevi fiet cum mira perfectione & splendore. Licet hæc praxis manualis putetur aut videatur operosa, scito tamen, quod ubi manum semel assuevisti, cum omni facilitate & dexteritate peragatur. Hoc solum unà attendendum, ut vitrum simul super axem proprium in manu inter operandum convertatur, sicut & superius in aliis praxibus faciendum edocui. Quam hæc manualis praxis sit perfecta ad quascunque Lentès expoliendas, non opus est longis verborum ambagibus demonstrare: Experienciâ rerum omnium Magistrâ mihi sanè probatissima innouit, quam ideo etiam sincerè volui communicare, ut neglectis aliis operosis machinis hanc quisque imitari cum fructu haud contemnendo tutissimè queat. Novi adhuc aliam machinam construere, ubi instrumentum politorium fit mobile in longitudinem, sive scutella huc illucque regrediens pedibus ad hunc motum concitatur, sicque ambabus manibus liberis, dum supra fixe capulus cum vitro expoliendo continetur, valde expeditè vitra quævis convexa efformari possunt.


CAPUT VI.

De perfecta concavarum Lentium extritione ac expolitione per machinas & instrumenta tornatilia ab aliis præscripta.

AD vitra concava quæcunque perfectè elaboranda solent Artifices certa quædam machinamenta tornatilia adhibere, quorum ope non tantum vitra exterrunt & cavant, sed etiam expoliunt. Horum aliqua sunt valdè simplicia, alia perfectiora & ad praxin magis accommodata. Ego hic nonnulla ab aliis præscripta; deinde etiam cap. seq. alia à me inventa & usu diutino comprobata in medium adducam & explicabo.

P. Traber in suo Nervo Opt. Dioptr. lib. 3. cap. 24. annot. 11. sequentes machinas præscribit: *Communissimus, inquit, modus est eorum, qui vitrum mensæ vel tabulæ affixum in A, trapano D B excavare solent, cui globulus perfectè rotundus pro Lentis quantitate ad B sit affixus: agitato enim trapano D B inspersâ prius communi arenâ madida vitri excavatio sequetur. Deinde, ut supra dictum est, communi arenâ omni absterfa, & rubra substitutâ ad polituram ultimatè disponetur; denique globulo corium album alligetur, & tripoli madidâ inspersa ad polituram perfectionem deducetur. Hic modus omnino non probatur, quia imperfectioni maxime obnoxius.*

Modus I.
Vide fig. II
ICONIS
MI.



G

Alius

Modus II. *Alius modus, ut ait Idem, melior passim practicatur, uti ex precedente figura liquet. Si globus ferreus vel metallicus A perfectè rotundus ad quantitatem cavitatis pro Lente futura firmetur ad axem ferreum B, cujus terminus utrinque in cuspidem desinens cavitatibus sustentetur, ut tanquam in cardinibus (plectro D G adhibito cum funiculo remissiori) globulus dictus A in quamcunque partem placuerit, velocissimo motu agitari possit, in quibus vitri frustellum applicatum, & arena communi prius excavatum sufficienter: deinde puriori rubra arena dispositum ac super charta pultibus affixa delicatis mediante Tripoli sic capoliatur. Alium expeditissimum modum subnectit; sed cum satis bene in figurâ non exprimat, & infra melius per meas machinas doceatur, omitto hic referre.*

Modus III. *P. Dechales in mundo suo mathematico Dioptr. lib. 2. Digress. mechan. prop. 4. machinam pro efformandis concavis talem præscribit; Primò fit axis globos præferens horizontalis, qui ut motum habeat velocissimum, trochlea minori instruetur, circa quam funis infinitus circumvolvitur, ad majorem trochleam seu rotam pertinens, quæ ad motum etiam pedibus si libuerit, incitabitur, ut solent muliercula, dum rotam adnendum adhibent. Globi quibus inchoatur opus, plumbei esse possunt, sed tunc smiride contusa & madefacta utendum est, quæ in cochleari sub globo continetur: ita autem omnia aptantur, ut globus semper in aquam hoc polline saturatam immergatur; atque ita non est opus identidem, globum smiride imbuere, ut ferebat communis praxis.*

Hæc speculatio de globo immerso cochleari contra communem praxin non videtur succedere posse, quia dum smiris gravior in aquâ fluidiori subsidit ad fundum, non adhærebit globo, nec imbui hoc polline poterit: communis ergo praxis est melior, de quâ infra. Pergit Author.

Variis modis specillum globo admovetur. Ego alias machinam ita institueram. Alium axem, in cuius extremitate annexus erat orbiculus specillum præferens perpendiculariter seu verticaliter ita disponebam, ut centrum specilli exactè responderet vertici globi, eique perpendiculariter insisteret; hunc axem trochlea in superioribus partibus instruebam, cujus diameter 5. aut 6. digitorum in axe item majoris illius trochleæ seu rotæ inferebam minorem trochleam: erant igitur duo funes infiniti; unus, ut globus verteretur in axe horizontali motu vehementissimo; alter, ut specillum globo insisteret motu lento; ad quod perficiendum primus axis, à quo scilicet incipit motus, duas trochleas habebat, majorem, ut globos velocissimè agitare; minorem, ut axem specilli tardo motu cieret. Opportune valdè fecisset Author, si figuram addidisset. Cautiones tamen adhibende sunt nonnullæ: præcipuè curandum est, ut axis secundus perpendiculariter insisteret vertici globi, quod non ita facile consequeris. Primò igitur Tubum habeas duorum digitorum longum, ferreum aut cupreum, cui cylindrum ferreum aut ligneum inferes ferè congruentem, hoc est ita, ut capacitate ejus fere impleat, in eo tamen circumvolvi possit. Hic cylindrus uno sui extremo habeat cavitatem, quæ pice preparatâ impleatur, & limbum torno præcisum cui specillum incubat. Antequam huic cylindro specillum aptetur, primò quidem orbicularem figuram circumquaque præcisam habeat, deinde in lancem minoris sphæræ in limbum declivem figuretur, ita ut omnia sint exacta.

Specillum ita figuratum cylindri extremo ita aptatur, ut extra basis ejus circumferentiam nullo modo exorbitet, sed incumbat æqualiter limbo ejus. Cylindrus ita aptatus Tubo inscribitur, Tubus ita globo imponitur, ut cum non tangat, sed ei impendat perpendiculariter; & in eo totum negotium positum est. Idem cylindrus in superioribus partibus debet contineri saltem in foramine aliquo, ut circumvolvi possit intra Tubum. Clarum est, quod si omnia bene procedant, specillum in tali dispositione, solo centro globum attinget; omnes enim cautiones supra adhibite ad hunc scopum tendebant.

Praxis dis- *Modum disponendi vitra ad poliendum, & ipsam expolitionis praxin ita præ-*
ponendi *scribit;*
& poliendi

vitra. *Eo modo quo primam figuram seu cavitatem specillo tribuisti, primam & ultimam polituram poteris inducere: sed ut primò poliatur, non erit smiride utendum, sed siliceo polline madefacto, atque adeo globis aut ferreis aut cupreis.*

Ultima politura perficietur globis panno aut corio coopertis, adhibito stanno calcinato, debebunt autem esse lignei paulò minoris diametri, ut cooperti evadant aequales iis, quibus perfecta fuit prima politura. Poterit item hæc ultima politura perfici globo charta cooperto, adhibita scilicet terra tripolitana. Poteris aliis modis admoveere specillum globo, nempe horizontaliter, sive Tubo contineatur, sive non: poteris autem melius judicare, an directè Tubus in centrum globi tendat. Non erit opus globos integros habere, sufficiet zona paulò major, quàm sit specillum. Potest globis figura tribui ex polo, non ex centro, quod latet.

Machina hæc ingeniosior mihi, quàm ad praxin utilior apparet, eo quod multa quidem contineat, quæ ad exactam operandi praxin faciunt; sed hæc ipsa paratu difficiliora sunt, quàm ut petitum effectum præstent: in pluribus enim debitè requisitis, dum vel unum vacillat aut deficit, ultimus effectus obtineri vix poterit. Perfectio omnis, quantò simplicioribus mediis ad sui consecutionem indiget, tantò facilius acquiritur. Manus dedit Deus ut optima Artium omnium instrumenta: rotæ quæ has volvere debent, sunt ratio & ingenium: qui his ut instrumentis uti probè didicit, Artifex est.

Crisis de
hac machi-
na.

Joannes Hevelius Selenographiæ suæ cap. i. inter prolegomena inventionem quoque peculiaris scamni tornatilis tradit, in quo non solum alia multa ut communiter fieri solet, tornari, sed imprimis specilla tam convexa quàm concava, aliaque vitra viâ planè compediaria & artificiosa elaborari & expoliri possunt. Motus in hoc scamno est perpetuò directus & circularis in orbem actus, nec unquam retroagitur, ut in aliis scamnis tornatilibus fieri solet, qui & pedibus incitatur & regitur, uti facile in præsentī Iconismo videre licet. Descriptionem ab ipsomet Authore sic habes.

Machina
tornatilis
Joannis
Hevelii.

Delineatum scamnum 5. pedes vel circiter æquet longitudine: retinacula verò scamni a x ut & b oportet esse satis robusta, ut scamnum A eò melius firmari possit. In scamno postea oblongum foramen B excavetur, ut lignum b & genu c quod matrix i ambit, moveri & cuneari possit: fusus in matrice i in orbem agitur, cui discus f firmiter adhaeret ferreis quatuor clavibus munitus, cujus beneficio omnes lances & globuli disco imponi, & immobiles statui possunt. Lances autem, quas hic s notat, necesse est, ut prius peculiaribus ligneis discis imponantur, in quibus infernè quatuor foramina admodum quatuor clavorum terebrata conspiciuntur, ut iis patella commodè imponi & rursus adimi possint: similiter quoque mediam partem globulorum excavatam lignum figura quadrata ambit r, quod itidem in inferna parte quatuor foraminibus pervium est. Hic fusus una cum disco, eique imposita lance vel globulo trahitur à fune ductario, qui primum superiori fusti tereti & oblongo arcetè illigatus postea per suculam g in scamno A munitam, & per suculam h retinaculo a affixam, & inferius quoque ad limen L alligatam trajicitur. Hoc instrumento, & machinamento pede moto fusus in matrice obvolvitur sursum tendens, sicut ex figura apparet.

Iconismus
VII.

Ne verò discus retroagatur, requiritur, ut cuticula vel cingulum fusum circumdet ex duabus distinctis partibus coagmentatum, quod o & p repræsentant: prior particula cinguli o ita sit comparata, ut fuso queat aptari, cui chalybeus calamus q sit affixus: deinde posterior portio p cingulo o convenienter etiam applicanda est, quæ ferreo & dentato orbiculo firmetur. Ope hujus cinguli & orbiculi, ut & calami (si hæ partes aptè cohæreant & clavo connectantur) retrocessus impeditur, quando hæc pars retroagitur. Et sic semper hoc machinamentum motu directo gyratur, adeoque fit versatile, ut non animadverti possit, num motus impediatur, vel retrocedat. Utrumque lignum d & e, quod a & b ingreditur, laxo modo inhereat, ut vel profundius intrudi, vel versus initium magis promoveri possit. Affer autem F hisce lignis eum in finem imponitur, ut brachium in eo quiescat, ut ei tenaciter coherentia specilla firmius retineantur, ut ita in patella motu contrario rotari possint: hic affer ligneis clavibus affigi potest supradiçtis partibus c & d, quæ rursus extrinsecus retinaculis a & b ligneis trochleis arcetè cohæreant, ne aliquid vacillet, vel paululum

lulum moveatur. Insuper hac duo minora machinamenti tornatilis retinacula n & m duobus ligneis clavibus sunt perforata, quibus scamnum apponi potest, si fortè ei insidere lubet.

Hoc machinamentum tornatile pro cavis Lentibus egregium usum habere potest; non ita pro convexis, dummodo partes o & p debite construantur. Aliud adhuc machinamentum circummagendi discum horizonti parallelum ex Kolanfii Tractatu Optico pag. 355. referre placet, quod ita se habet;

Instrumentum aliud refertur.

Duas rotas versatiles, quales in operibus horologicis, sed ex ligno à Tornatore factas comparabis, quarum una pendens, manu alterius circumversa alteram verset jacentem: quæ altera funis ope aut lori circumducatur fusum, cui adheret discus.

Ego, inquit, postea talis modi confectum curavi instrumentum, quod constat una rota versatili, quæ 21. dentes in circumferentia laterali habens fusum sex foraminibus sublongis constantem circumducit. Rota diameter est $5\frac{2}{3}$ pollicum, & fusi perimenter $10\frac{2}{3}$ pollicum. Fusus à rota in gyrum motus circumrotat instar lapidis molaris discum sibi firmiter adhaerentem & agglutinatum. Annuli duo lignei contigui quatuor columnulis impositi discum sic tenent, ut sursum ferri nequeat. Disco imponitur modulus vitrorum quilibet, sive patina sit, sive globulus dimidius, cui vitra admoveantur terenda. Modulus autem disco firmiter adherere debet, ut cum ipso in orbem agi possit. Modulus & discus tegitur alio ligno immobili, quod in medio rotundum habet foramen, per quod immittitur capulus cum vitro in modulum manu altera prehensus moduloque applicatus. Tantum autem sit oportet foramen, ut totum illud expleat, ne vacillare ullo modo possit capulus, atque sic vitricentrum centro moduli exactè respondeat; si conica cujusdam sectionis figuram quam habet patina, vitrum recipere debet, sphericarum figurarum modulis exacta vitrorum applicatione illa non est opus.



CAPUT VII.


*Vera ac genuina praxis elaborandarum Lentium concavarum per
machinas proprias clarè proponitur & explicatur.*

Machinamentis tornatilibus, quæ superiori capite ex Authoribus nominatis
retuli, opportunè nunc subnecto ea, quæ usu meo & experientiâ notavi satis
accurata cum vera insuper & genuina praxi totius operationis pro Lentibus con-
cavis formandis.

Machina I.

Simplicissimum hoc imprimis est instrumentum, quo diu sum usus, atque
ita construitur.

Machinæ
primæ sim-
plicissimæ
constru-
ctio,



Fiat inprimis cistula A B C D in varia loculamenta divisa, quæ minoribus scriniolis apta sint pro reservandis iis, quæ negotio huic idonea esse possunt, uti in figura vides: habeat verò & oblongam intus cavitationem E F, cui imponi possit pars G H ex quatuor regulis è duriori ligno formata, ita quidem ut latitudine perfectè exæquet cavitationem priorem, longitudine tamen sit minor, ut huc illucque adduci reducique ope cochleæ K M per claviculum intus firmatæ possit; sursum verò contineat clavum ferreum sive etiam ligneum I, ut ei ad centrum discus sive orbis major P imponi queat. Paretur etiam operculum S T cum regulis dependentibus ad extremitates, ut dum cistæ priori superponitur, perfectè quadret: ad O verò habeat foramen sive scissuram oblongam congruentem clavo I, ut per illam clavus I extare possit. Ad N verò infixus sit alter clavus perfectè rotundus, cui minor discus Q imponi queat: impositis ita discis ambobus, si funis ductarius infinitus applicetur, ut figura monstrat, habebis totum instrumentum paratum, cujus talis est usus.


Usus hujus
machinæ.

Versa cochleæ K M capitali parte M eminente, funem ductarium ita extendere, ut minor discus à majore faciliè trahatur: deinde in cavitates circulares in disco minori formatas segmenta globosa R impone, & discum majorem manubrio V circumvolve, mox & minor discus velocissimè in gyrum motu suo subsequetur, secumque segmenta globosa qualiacunque imposita fuerint, circumvolvet. Vitra igitur his debite per manum firmiter super appositum scabellum parvum X quiescentem applicata praxi infra dicendâ faciliè exedentur, & cavitationem petitam acquirant.

Machinæ
secundæ
constru-
ctio.


Machina II.

Secundum instrumentum pro concavis specillis ita fieri potest. Erigantur quatuor traves lignei, & connectantur aliis lignis transversariis, ut in figura melius





patet

MACHINA III.



MACHINA IV.





patet, quàm ad longum describi possit. Aptetur deinde rota versatilis *A* cum ex-
tante utrinque axe ferreo *B*, ita ut axis iste ex parte exteriori sit acutior, ac in cavi-
tatem ferream committi queat; ex altera verò parte interiore comparente in figura
habeat recurvum brachiolum cum dependente hastula lignea vel ferrea ad lignum
scabellare *C*, quod pede dum premitur, per hastulam & brachiolum recurvum mo-
tus rotæ majoris procurari potest, ut in rotis muliercularum pro filis trahendis
communiter fieri solet.

Machina
secundæ
constru-
tio.

Quatuor erecti trabes lignei superius habeant incisuras continentem angu-
lum rectum, ut dum illi scrinium superius imponitur, perfectè capiat. Per scrini-
um verò superius transeat axis ferreus, in quo primùm discus sive orbiculus limbo
suo excavatus *F* cum fune continuo etiam ad ambitum rotæ majoris *A* protracto
& circumvoluto hæreat, deinde & rotulæ sive zonæ circulares aut etiam globuli
RR ordinatim disponantur, ut dum discus *F* volvitur, etiam rotulæ vel globuli ap-
pensi unà circumeant. Quò verò nervus ductarius à minori orbiculo *F* ad rotam
majorem *A* possit procedere, scrinium utrinque ad latera crenam *P* sive oblongam
scissuram habere debet: item ut nervus congruè extendatur vel remittatur prout
trahere debet, cochleis *M* & *L* ad transversaria ligna *GH* & *KI* scrinium nunc ma-
gis attolli, nunc deprimi poterit.

Axis etiam superior per scrinium transiens rotulasque circumagens, sit utrin-
que cuspidatus sive acutus, atque ad *D* quidem committatur in parvum foramen
ferreum opportunè ibidem paratum: ad *E* verò per trochleam spiralem ferream
contineatur, quam extrema parte etiam excavatam parumper esse competit, ut sic
retineri possit, ne huc illucque vacillet. Lignum quoque *OQ* formetur, quod
transversim per scrinium supra apponi possit, ut in laborando manus hic ad tanto
firmiùs apprimendum specillum quiescere possit; eritque sit machina parata. Usus
hujus machinæ constat per se.

Nota. Si funis ductarius transversim in formam crucis applicetur, uti in supe-
rioris machinæ primæ figurâ videre licet, scrinium superius crenâ laterali *P* non in-
diget, sed infra ad fundum requiritur oblongum foramen sive scissura, ut per eam
funis transire & discum *F* amplecti possit. Lignum etiam pedale ac mobile *C* aliâ
parte, velut ad *S* poterit applicari. Posset etiam tota machina compendiosior fieri
sublatis duabus trabibus anterioribus, si nempe duo breviora ligna intermedia ere-
cta propè rotam majorem *A* longius protruderentur, ut videre licet in sequenti
machina.

Machina
hæc quo
modo pau-
lò aliter
& com-
pendiosior
affici pos-
sit.

Machina III.

Machina hæc ferè similis est præcedenti, scrinium tantùm superius paulò aliter
est concinnatum, ut non solum rotulis chalybeis, cupræis vel æreis, hoc est zonis
circularibus, qualis in figura *A* repræsentatur, sed etiam quibuslibet scutellis aut se-
gmentis globosis debite in *C* applicatis verticaliter in gyrum commovendis servi-
re queat. Dum enim scrinium *HI* imponitur inter quatuor tigilla superius erecta,
atque axis *CD* cum orbiculo *E* circumexcavato pro capiando fune ductario ad lo-
ca *G* *F* imponitur, ita quidem ut cuspidata pars *D* in parvam cavitatem *F*, anterior
verò pars *C* ad *G* ponatur, protuberantem globosam particulam *b* ejusdem axis
CD ante traseptum *d* collocando, ne hinc inde vacillare queat; fiet deinde, si loro
continuo etiam per ambitum tam orbiculi minoris *E* quàm rotæ majoris circumdu-
cto scrinium per cochleolas spirales *KL* debite elevetur, ut more præcedentis ma-
chinæ axis *CD* cum impositis ad *C* rotulis vel globosis quibuslibet segmentis ad
motum directum continuum valde velocem pro excavandis specillis concitari fa-
cillimè possit.

Iconismus
VIII.

Ejusmodi machinas, quæ verticalem motum habent, plures possem describe-
re, sed quia ex relatis quivis facile alias suomet ingenio poterit excogitare, & motus
horizontalis aptior est pro globis dimidiis aut saltem majoribus globi segmentis ad
vitra excavanda convolvendis, ideò nunc & hujusmodi motus aliquas machinas in
medium adducam.

Machi-

Machina IV.

Machinae
quartae
constru-
ctio.

Erigantur quatuor tigna cum rota maiore & suppedaneo motorio, ut figura monstrat, & transversariis lignis jungantur: ita circa medium transponatur aliud lignum transversarium cum cochlea supra rotam maiorem, cuius officium erit, scrinium superius debite elevare pro fune ambulatorio tendendo, sicut in prioribus machinis quoque faciendum docui. Ut verò quatuor his tignis scrinium congrue imponi queat, debent singula erecta tigna superius crenam, cuius angulus rectus, incisam habere, ne scrinium impositum huc illucque vacillare possit.

Scrinium porro, in quo tota vis artificii sita est, ita ordinetur; Latera *AB* & *CD* sint clausa, latera verò *AD* & *BC* possunt esse aperta ob trochleas ibidem recondendas, ut fusus per eas devolvatur. Operculum superius habeat partem dimidiam *HI* pro libitu amotoriam, ut verò congrue apponi possit, in superioribus scrinii regulis exterioribus & lateralibus crenæ utrinque sint excisæ, per quas pars dimidia hæc operculi *HI* commodè inferi ac immitti queat.

In ipsius autem scrinii basi circa medium ad *P* erigi debet axis ferreus *OL* cum orbiculo vel trochlea *N*, ita quidem ut polus *O* insistant foraminulo *P* in ferrea lamella impresso, sursum autem globosa pars *M* capiatur perfecta cavitate circulari *F* & *G* conjunctis, ut ita axis *LO* sursum erectus trochleam volubilem *N* intus abscondat; supra verò capitellum *L* prominens habeat, ut ei globi vel lances pro atterendis specillis imponi queant.

Ut porro orbiculus *N* ad motum directum horizontalem concitetur, opus erit, tres adhuc trochleas (quarum figuram exhibet *Q*) ita applicare, ut duæ utrinque ad aperta latera *AD* & *BC* axibus suis ferreis in effossas cavitates congruas circa latera clausa *CD* & *AB*, velut in figura melius patet, imponantur, tertia verò intus abscondatur.

Totum artificium cum fune ductario circumvoluto vides in figura *X*.

Scrinium ita apparatus, & tignis impositum sic motui horizontali procurando fiet aptum. Funis competentis magnitudinis mittatur per aperta latera scrinii impositi, & amplectatur integra una circumvolutione orbicularem trochum *N*: dum utrinque producat & descendat per trochleas finales, & obvolvatur rotam maiorem; cochleaque media infra scrinium sic tendatur, ut motu pedibus rota maiore una ambas trochleas & orbiculum inter has medium gyret: fiet, ut capitellum quadratum eminens *L*, si lances vel globosa segmenta congruo, ut in prioribus machinis dictum imposueris, ea motu horizontali velocissimo commovere queat.

Nota. Loco totius axis *OL* cum omnibus pertinentibus melius forsan parari potest fusus cum disco imposito quatuorque clavis infixis, cui per commodè lances & globi velut in machinamento Heveliano superiori capite descripto, imponi queant. Vide quæ ibi dicta.

Machina V.


Hæc machina poterit construi per modum mensæ, & tota exterius occludi, ut Artificium quo parata est, non compareat: Per partes autem sic explico;

Iconismus
XI.
Machinae
quintae
constru-
ctio.


Fiat imprimis capsula ex tigillis & asserculis hoc modo; Latus *ABCD* sit apertum, sicut & possunt esse duo latera sibi opposita, nempe *GABH* & *EFGD*. Latus verò *EFGH* asserculo è duriori ligno continuo sit clausum habens ad *I* terebratum foramen spirale ad modum cochlidii, per quod cochlea *MI* inferi queat. Basis etiam *FHBD* similiter asserculo de duriori ligno claudatur, ad *L* habens ferream lamellam cum cavitate, in quam polus *P* fusi sive axis *PQ* imponi possit. Superius autem latus more prioris scrinii in præcedente machinâ quarta intruso per crenas competentes in tigillis lateralibus formatas operculo potest occludi, quamvis necesse non sit, cum axis *QP* sufficienter ad *L* & *K* retineri possit.


Capsula ipsa formata aptetur super ligna in *R* representata, ut huc illucque pro-ut necesse fuerit, ad funem ductarium circa trochum *O* debite tendendum adduci vel

MACHINA V.



MACHINA VI.





vel remitti possit. Ut porro axis QP animetur, & ad motum concitetur, requiritur alius axis longior ST in X recurvus, habens convenienter trocho O in capsâ è diametro perfectè respondentem rotam Z , cui funis ductarius circumponi possit, ideò circulari latitudine debite excavatam; infra verò habebit aliam rotam adhuc maiorem ac graviolem X , cuius gravitas infuso plumbo in cavitates in eâ factas, ut figura monstrat, facile augeri potest: hujus rotæ loco possunt etiam tres vel quatuor globi ferrei circumponi, ut altera figura appicta repræsentat, qui hoc ipsum præstare poterunt, quod gravior rota V ; nam motum in recurvitate X per applicatam debite ferream hastulam Y ab integrâ ibi signatâ tigillorum innexorum structura inchoatum promptissimè ac facillimè promovebunt. Totius igitur machinæ structura erit, qualis in compositâ ultimâ figurâ clarè præsentatur; pede siquidem mota hasta a ad basin jacente, interior compages unâ ad competentem motum ordinabitur, & lances seu globi in b appositi super extantem axis $P. Q$ superiorem partem velocissimè motu horizontali commovebuntur; itaque specilla facile ibi parari poterunt.

Ufus machinæ.

Machina VI.

Hæc machina est conformis præcedenti, illâ tamen compendiosior, nec explanatione multum indiget, cum satis clarè totum ejus Artificium pateat in figurâ. $A B$ continet capsam præcedentis machinæ cum cochleâ C , quæ funem ductarium per rotam D debite obtendit. $E F$ vero dum asser G pedibus protruditur, necessariò commoveri debet, & inde etiam major rota D , ac consequenter per funem circumjectum intra capsam quoque $A B$ fusus cum trocho absconditus in gyrum agetur. Lances igitur vel globi, dum ad H ferreo capitello quadrato eminenti imponuntur, more in præcedentibus dicto velocissimè quoque motu horizontali obibunt pro specillorum formandorum usu egregio.

Machinæ sextæ constructio & usus.

Hæ sunt machinæ propriæ, quarum subsidio quæcunq; cava specilli perfacili negotio formari queunt. Poterit quivis eligere quam volet, ac suomet adaptare ingenio. Porro, inventis cum facile sit addere, ipsas contrahere, aut ad expeditiorem, quâ signatæ sunt, praxin quovis modo accommodare, cuilibet est liberum: sunt tamen his paucis adumbratæ omnes probatissimæ, ut tutò quisque his valeat uti. Unicum superest, ut doceam, quomodo scutellæ vel globi applicandi, ut absque vacillatione (quod haud parvi momenti) hæreant super axes è machinâ prodeuntes. Respondeo itaque: præter modum Hevelianum præced. cap. indicatum, ubi globi vel lances super ligna studiosè in hunc usum parata intra quatuor clavos imponuntur, qui modus ex dictis ibidem facile percipitur, hoc quoque modo id ipsum præstabis. Imprimis adaptabis obiter ligna arida cylindrica convenientia pro singulis globis aut segmentis globosis, ut figuræ monstrant. A parte, quâ axis capitellum inferendum est, lignum ultra medium perforabis laxissime, ut axis capitellum immissum undequaque à ligno non contingatur. Dum perpendiculariter situato axe in ipsam cavitatem laxam cylindracei ligni plumbum liquefactum infundes: fiet, ut plumbum undique se ligno insinuet & adhæreat, capitellum verò quadratum sic ambiat, ut perfectè quadret, facileque rursus removeri queat. Factis deinde signis tam in axe, quam ligno per unicum punctulum utrinque, ut noscas deinceps semper, quâ ex parte axi imponere cylindricum lignum hoc debeas; pone axem in machinâ eumque per funem ductarium circumjectum redde mobilem, ut decet, ac impositum desuper lignum prius cylindraceum torno sic adapta, & instrumentis congruis rade, donec scutellam vel segmentum globosum debite capiat, ac centraliter perfectè lanx vel globi segmentum circumceat; eritque lignum hoc adaptatum. Sed jam ad praxin totius operationis pro specillis concavis rite formandis procedamus.

*Praxis operationis in exterendis ac perfectè disponendis
Lentibus concavis.*

Extritio &
dispositio
Lentium
concava-
rum.

Materia pro extritione Lentium concavarum adhibetur imprimis pulvis arenaceus sive filiceus, ut supra indicavi in convexis, semper tamen madidus, ut globo vel rotulæ adhæreat cum pulvis hic satis censetur attritus, panno lineo abstergitur globus, & rursus humectatur, novusque pulvis aspergitur, ac sic deinceps. Cum figura perfectè intrita, & specillum satis censetur excavatum, omnis prior immunditia studiosè abstergitur, ac rursus aqueo humore imbuitur, & arena clepsydralis rubea incernitur, & disponitur ad polituram tribus ad minimum vicibus arenæ hujus impositionem repetendo, more ut supra in convexis disponendis dictum.

Notandum verò ad cavitates specillis inducendas non esse æquam omnibus facilitatem: Lentes enim concavandæ vel sunt minoris sphaeræ segmenta, vel majoris: minoris sphaeræ difficiliorem continent operationem præcipuè si duplicem concavitatem ab utraque scilicet parte habere debeant; cum duo vertices optimè sibi respondere debeant, ne radii detorqueantur, adeoque satis exquisitè objecta visui non valeant exhibere.

Optima
sphaericitas
quomodo
concavis
inducenda.

Ad optimam perfectionem his concavis procurandam prodest à minima sphaerula seu globulo operationem inchoare, & manu firmiter quiescente in sustentatorio commodè appposito sic specillum apprimere, ut ipsum inter pollicem, medium & annularem digitum teneatur, indice medium sive centrum specilli ad globulum vel rotulam premente: attendendo simul, ut ipsum specillum circa hoc medium tanquam centrum ac velut axem inter operandum conformiter vertatur, quousque æqualiter exesum excavatumque sit. Cum ab una parte cavitas inducta, ponitur index in eam ipsam cavitatem modò paratam, & digitis prioribus specillum ut antea globulo vel rotulæ apprimitur, ac inter operandum circumvertitur, sicque etiam ab altera parte cavitas petita procuratur. Attendendum singulariter, ne manus cum specillo liberè oberret globum vel rotulam, sed semper fulcro alicui innitatur; ut tantò securius perfectio obtineri queat.

Quomo-
do specilla
majoris
sphaericita-
tis excava-
vanda.


Atque hic modus etiam observandus est, quoties specillum majoris sphaeræ perficiendum est, ut nempe incipiatur à minore cavitate, quæ sensim & quasi per gradus augeatur: nam dum ita applicatur specillum, totus cavitatis limbus majorem globum tangit, sicque cavitas uniformiter augetur, & ad umbilicum regulariter perducitur, figuraque ita producit exactior. Inchoatâ igitur cavitate in globo minori, si maxima cavitas seu majoris sphaeræ perficienda erit, in pluribus globis conducit eam augere, quousque ad ultimam perveniatur, ubi peractâ debitâ extritione specillum ad polituram, ut supra dictum est, disponatur.

Quomo-
do menisci
elaboran-
di.

Hic modus operandi & à cavitate minori ascendendi ad majorem quamplurimum probatur in meniscis: cum enim maxima sit difficultas in his elaborandis, ita ut duo vertices sibi exactè respondeant, quod tamen absolute necessarium est, ut aliquid boni præstent, hinc valdè placet consilium *Dechales*, quod *Dioptr. lib. 3. in Digress. mechan. prop. 5.* his verbis profert; *Ita remperagerem: ubi utcumq; in orbem præcisa esset, inciperem à concavitate & in centro quantum fieri posset, cavitatem minorem perficerem, sive machinâ prius descripta, sive quovis alio modo, & ut melius totum negotium succederet, hoc est, ne plus a quo excavaretur, primò in charta describerem arcum cavitatis, quam menisco tribuendam suscipio: ponamus esse arcum A B C, cujus vertex B. Sit inchoanda cavitas in globo, cujus diameter D B. Ex centro D intervallo D B describo arcum E B F: perficerem cavitatem minori globo, donec diameter cavitatis esset E F: sic enim dum major cavitas perficietur & attigerit diametrum propositam A C, ad umbilicum B pervenerit. Vbi perfecta fuerit cavitas, experior, an ejus limbus æqualiter distet à circumferentia vitri; quod si alicubi vicinior est, præscindo de novo totum vitrum, ita ut cavitas ab ejus circumferentia æqualiter distet. Tum verto specillum, ita ut concavitas cum orbiculo agglutinetur, & incipio limbum declivem in lance multum concavâ perficere, qui limbus*

con-

*congruat cum alio limbo declivi, facto ad extremitates concavitatis: perfecto huiusmodi limbo declivi jam partem convexam methodo supra tradita perficio. Ita monet De-
chales.*



Politura specillorum concavorum.

Non probatur ea, quæ sit in globulis ligneis conformibus, aut superinductum Quædam improban-
tur. globosis segmentis pannum, corium, aut etiam materiam pilarem, perficiturque stanno calcinato: quia his similibusque modis vitiandæ figuræ periculum non evitatur. Certum enim est, materiam politoriam quamcunque, ad hoc ut splendorem conferat, non solum immunditias vitro debere adimere & abstergere, sed quascunque eminentias tollere, & omnimodam æqualitatem superficiei procurare: quo enim ex æquo superficies magis continua erit, eo lavorem & splendorem majorem concipiet. Cum igitur materia politoria ab instrumentis minus perfectis & conformibus specillo etsi optimè figurato affricatur, facile contingit, ut eidem figuram optimam destruat. Quanto enim major est perfectio in poliendo & politoriis instrumentis, tanto semper etiam major perfectio specillorum proveniet; ita ut expertus sim, maximè in objectivis Lentibus etiam figuras minus probè inductas, & in longè disparibus scutellis dispositas, in perfectis aliis scutellis expolitas, nihilominus optimæ notæ formas induisse. Singulari itaque industriâ politio cavis Lentibus inducenda, ut boni quid efficiatur.

Unde specialiter probo singulares globos aut rotulas, etsi solum ex plumbo conformes iis, in quibus tritura peracta, non ad alium usum ullum, quàm expolitio- Quinam globi aut globosa
segmenta maximè
conducant. nis, in promptu haberi debere, quibus studiosè optima perfectio inducta sit. Hinc globuli & segmenta globosa ex lapidibus arenaceis, sive ipsa formæ convexæ scutellarum extrita eo modo, ut præced. Syntagma. docui, egregium planè usum hic habere possunt, si charta politoria obducantur, ut mox dicturus sum.

Ut igitur poliendi virtus & efficacia globis tribuatur, optima praxis est eorum, qui pulte delicatâ, de qua supra, chartam mundam obducunt. In rotulis quidem nulla est difficultas, cum fascia aliqua chartacea conformis facile sine ulla plica apponi possit: in globosis verò segmentis aliqua difficultas erit, cum charta integra obduci sine plicaturis non queat: charta igitur competentis magnitudinis sic excindenda erit, ut ibi complicatio aliqua timetur, particula superflua refecetur, itaque æqualiter circa globum induci possit. Quomodo charta obducenda.

Cum siccata fuerit charta, imponitur globosum segmentum machinæ, ut supra dictum, & ad motum agitur, terraq; tripolitana applicatur, aliaque charta munda æqualiter disponitur per totam exteriorem superficiem, specillumque apprimitur, cavendo tamen, ne continuò sic incumbat, ut nimium incalescens diffiliat, aut vitium quodcunque contrahat: quocirca gyrationibus aliquot peractis interdum amovendum erit, atq; ita continuandus labor, donec æqualissimam & nitidissimam pelluciditatem ac transparentiam nanciscatur; eritque specillum paratum. Modus expoliendi.

CAPUT VIII.

De vitris planis debite formandis.

Plana vitra
difficillimè
parantur.

Vitra perfectè plana difficillimæ sunt confectionis. Quapropter bene Joannes Hevelius in sua Selenogr. pag. 14. ait: *Majus artificium est, superficiem vitro exactè planam, quàm cavam reddere & expolire.* Cum enim perfectæ planities aut non datur, aut si dari possit, difficulter obtineatur, & in ipso laborandi modo facilè deperdatur; idèò cuicunque corpori quantumvis artificiosè adducta sit, illam vitro super se trito dare non poterit, cum nemo possit dare, quod non habet. Verùm in minoribus Lentibus, hoc est, minoris sphæræ sive plano-concavis, sive plano-convexis ob exilitatem tantum Artificium in iis non quæritur, sufficitque aliqualis planities; pro majoribus sive majoris sphæræ Lentibus difficultas satis magna comparet, cum vix unquam duo æqualia vitra plano-convexa objectiva ex eodem plano & eadem scutellâ perfectè parari queant.

Planorum in ferreis, chalybeis, æreis, cupreis, ac stanneis laminis expressorum usus frequentior est ad specula in iis paranda: quæ si minùs perfectæ fuerint, specula in iis elaborata reddunt imagines justo majores vel minores, oblongiores vel crassiores, distortas, obscuras, cum umbris à latere, atque tantò apertiùs, quantò remotiùs fuerint collocata.

Memini, quod cum vitra specularia Venetiis allata abrafis foliis pro cistulis specierum & aliis usibus ex una parte super marmoream tabulam valde aliàs accuratè à me ad planitiem redactam, rursus volui depolire, ac nova attritione infuscare, diu debuerim laborare, ut dictam infuscationem obtinerem, cum nunc in medio, nunc circa latera, nunc alibi politio abibat; alio verò loco adhuc integra retinebatur, quod argumentum præbebat, vitra illam perfectam planitiem non habuisse.

Planum
perfectius
quomodo
formandū.

Sirturus plani accuratioris perficiendi modum tradit hunc; *Nullo certiori modo perficies planum, quàm tenui Smyri adfricando illud alteri plano quadruplo majori, aut ad minùs triplo; & tunc majori etiam indigebit dexteritate. Sed antequam alteri laminæ tuam committas, fac ut limis & aliis curis quàm proximè accedat ad perfectionem, alioquin corrumpet alteram laminam, nec ipsa perficeretur.* Ego post curas limarum accurata norma & fidicula supertensa explorabam, quid superesset; iterum limis subtilioribus adhibitis tolli curabam, abradi, & coticula perfricari, donec inæqualitates deleverentur; postremò commisi plano, quod erat ex ære, & cessit feliciter. Deligitur ferrum sive lamina omnis vitii, quod in ferro reperiri soleat, exfors, & si cudendo aliquod retegatur, rejicienda, quodlibet enim vitium, quamvis minimum tam in planis, quàm in cavis ad convexa specilla aut invertit, aut certè retardat opus. Ita *Sirturus* in Telescop. pag. 32.

Quomo-
do plani-
ties exami-
nanda.


Laminarum autem quarumlibet, & imprimis vitrorum specularium planitiem examinare & probare idem *Sirturus* docet hoc modo; *Tenuissima, inquit fidiculâ per laminæ diametrum distenta subjiciebam oculum, ut inæqualitatem rimarer, & reperi sæpiùs ad centrum laminæ declinare ferrum, aliquando ad latus tumescere, aliquando exesum aut attritum. Sed cur in centro sæpius quàm alibi deficiat ferrum, id accidit, violentiùs in centro premente pertica, quàm cum speculum circumducitur, quàm ad latera. Itaque vix unam ex multis reperi sine vitio, & quæ perfectè plana dici possit. Sed quia cum ferrum in centro laminæ non deficit, sed abundat, & sensim exuberat, fidicula non indicat vitium, tunc deprehendes cavitatem. Si in oblongam speculi suspectæ laminæ adlaborati eandem fidiculam diducas, quod ego sæpius expertus sum.* Hactenus *Sirturus*.

Antequam vitrorum planorum efformandorum praxin exponam, planæ superficiei, in qua parari possunt, constructio præmittenda est. Meminisse igitur convenit eorum, quæ superiùs præc. Syntagm. dicta sunt de modulis formandis quarumvis patinarum ex vulgaribus lapidibus arenaceis. His bene memoratis non erit difficile planam superficiem satis perfectam hoc modo conficere.

Planæ su-
perficies
quomodo
parandæ.

Sumatur tabula lapidea arenacea sufficientis magnitudinis *AB*, quæ non nimis minutam continet arenam, sed aliquantulum crassam ac mollem, & imprimis obiter complanetur: deinde & alia tabula similis lapidis paulò minor *CD* saltem ru-
diter

diter etiam ad planitiem aliquam adducatur. Hæc minor *C D* interjecta arenâ communi per cribrum secretâ inferiori lapideæ tabulæ *AB* imponatur, huc illucque fortiter apprimendo deducatur, ita tamen ut non in gyrum deductio fiat, sed in longitudinem & latitudinem tabulæ: toties autem mutetur arena, novaque submittatur, donec ambæ superficies commissæ ad invicem sint omnino in planam aliquam æqualitatem saltem rudem corrasæ.



Quo præstito, examinetur pertenui filo sive fidiculâ, vel regulâ lineari omnino accurata amborum lapidum superficies: ubi advertitur cavitas inconveniens, alio minori lapide *E* prius aliquantulum complanato latera circa cavitatem abradantur: ubi verò protuberantia eminet, hæc ipsa minori hoc lapide *E* interjecta arenâ cribrata tollatur. Deinde rursus commissis prioribus lapidibus aliquamdiu interjecta arenâ similiter ut antea attritio fiat: iterumque examinetur, ut prius: quod si nondum accedit ad rectitudinem, lapis *AB*, denuo superflua tollantur, & cœquantur eminentiæ, modusque prior repetatur. Cum verò ad perfectiorem rectitudinem accedere notatur, ejecta omni arenâ ipsi lapides affusa aquâ inter se committantur ac priori modo conterantur, quousque ambo æqualissimam & planissimam superficiem acquirant.

Habita tabulâ lapideâ *AB* perfectè quantum fieri potuit, ad planitiem accommodata, quasunque laminas è qualicunq; materia super hanc tabulam facile aptare poteris: nam si cupream vel stanneam aptare volueris, prius aliunde limâ sive quovis rasorio instrumento aut etiam dolabrâ majores eminentias ac inæqualitates tolles, & ad proximam fermè planitiem disposes, deinde laminam ipsam intra capsam conformem debite conclusam & agglutinatam lapidi *AB* tamdiu affricabis, donec æqualissimam planitiem induat. In planis hujusmodi laminis deinde planities vitris quibuslibet eo modo induci & expoliri potest, ut supra de convexis dictum.

Nota pro vitris dioptricis ex parte aliqua complanandis minores requiruntur planities in forma scilicet & magnitudine scutellarum: pro vitris verò specularibus laminæ debent esse satis magnæ, ita ut vitri specularis parandi planum sit quarta ferè pars magnitudinis laminæ subjectæ, ut ita speculare vitrum conformi tabulæ ligneæ inclusum vel etiam pice aut gypso agglutinatum huc illucque, prout in lapideo plano prius apparato dixi, deduci queat. Pro materia attritionis sumatur primò pulvis siliceus aut arenaceus supra, aut communis arena, minutior tamen & æqualis: cum forma jam inducta, adhibeatur arena rubea clepsydralis, & dispositio fiat, prout supra in aliis vitris dictum.

Quomodo
vitra
complananda.

Politura
vitrorum
planorum.

Politura specularium vitrorum planorum cum perfectè adæquata sunt, fiat super materiam pilarem aut corium cervinum asseri plano sat magno agglutinatum, & leni pulte super ipsam hanc materiam pilarem aut chorium charta inducatur, quæ omni arenulâ sit libera (præcipuè probatur charta, quæ regalis nominatur) & sicari permittatur, serveturque ad usum. Cum vitrum speculari poliendum, distributo super chartam pulvere tripolitano politura peragatur, ut in aliis vitris dictum, donec pulcherrimus lavor ac splendor compareat, eritque sic ex una parte planum speculari perfectum: pro altera parte complanatio similiter fiat, quousque ambæ planities exactè formatae, & habebis vitrum speculari paratum.

Ufus tabularum planarum vitrearum.

Ufus ejusmodi tabularum vitrearum est inprimis ad specula plana inde formanda, quibus ex una parte, ut terminentur, folia stannea cum argento vivo induci debent, modo quo dicitur infra, cum de speculis acturi sumus. Serviunt etiam mirificè ad species visibiles in cameris obscuris, vel cistulis in hunc finem paratis loco chartæ oleo imbutæ excipiendas, si nempe unâ ex parte expoliantur, alterâ verò solum æqualissimè attritæ & dispositæ ad polituram relinquantur impolitæ, ut planitiem quasi infuscatam & instar cornu nebulosam contineant, probè siquidem ad basin distinctionis communem ordinatam specierum immissarum collocatæ longè melius, quàm quævis charta oleo imbuta post se imagines distinctissimè & nitidissimè repræsentant. Hoc etiam singulare est, quod si cistulæ intus, ut multum prodest, denigratæ sunt, intuentibus ejusmodi tabulæ compareant instar plani sive tabulæ ex scissili lapide nigro atque vulgari apud nos, quo turres ædesq; tegi solent. Unde plures cum stupore vidi admirari, cum simulachra tam nitida in cistulis meis viderunt, nullo modo se capere posse dixerunt, quomodo per & in lapide tam nigro objecta forinsecus existentia ita perfectè mox depingi valeant. Talium etiam nebulosarum vitrearum tabularum usus perillustis est ad cistulas catoptricas, & quascunque artificiosas machinas illas, ubi ad lucem solummodò intromittendam, obtutum verò sistendum, ne intus spicere queat, & artificium penetrare, charta vel membrana renuis oleo imbuta solet adhiberi; hujus enim loco tales tabulæ usurpari possunt commodissimè, præsertim cum simul aqueis coloribus inductas vivacissimas picturas absque lucis transmittendæ impedimento valeant exhibere. Ut verò has quascunq; picturas eximiè repræsentent, praxi facillimâ procuratur. Super picturas vel quascunque figuras ponitur superficies polita, asperiori sursum prostante, transparebunt minutissima lineamenta: pennâ igitur vel plumbagine quæcunque subjecta perfectè delineari facillimè poterunt, coloresque tenues induci, hæc solum cum adversione, ut illustriores prius, obscuriores posterius appingantur. Si deinde pictæ ejusmodi tabulæ cistulis supra nominatis imponantur, ita ut asperior earum superficies cum inductis coloribus recondatur, splendida vero altera superficies promineat, valde illustres picturas exhibebunt, & Lucis transitum pro Artificio abscondito debite collustrando sufficienter transmittent. Insinuavi hic pictoribus arcanum novum, quo facillimè quasvis picturas imitari, & ad vivum delineare poterunt. Sed de hisce tabulis plura

alibi.



CAPUT IX.

Quomodo prismata diaphana, seu vitra trigona æquilatera conficienda cum adnexis aliquot observationibus & proprietatibus eorundem.

PRismata sive trigona æquilatera duplicis sunt generis; aliqua rectilinea, alia circularia sive annularia: quæcunque autem illa sunt ex diversis materiis diaphanis, ut vitro, crystallo, glacie, ac etiam aquâ fieri possunt. Rectilinea, quæ imprimis facilius efformantur annularibus ex aqua sic conficiuntur. Sumuntur tres oblongiores tabellæ plani vitri specularis omninò in magnitudine æquales, & duo conformia triangula æquilatera æqualia ex eodem vitro speculari confecta, ac piceo bitumine per modum solidi trigoni ita componuntur, ut infusam aquam contineant, nec diffuere sinant, eruntque parata. Ex glacie quoque hyeme perfacile formari possunt, sed facile liquefcunt, ideo nullius usus, nisi pueris ad lusum. Per totum verò solida ex vitro vel crystallo ita parantur.

Trigona
rectilinea
ex aqua
quomodo
paranda.

Vitro longiori in officina vitraria obiter prismatis sive trigoni æquilateri figura aliqualis inducatur cum ansulis ex utraque parte. Deinde primâ manu super arenam communem cribro trajectam in plano aliquo lapide arenaceo atterantur singula latera, ut superficies satis complanatas æquales cum æqualibus angulis acquirant. Quod ut probè fiat, prodest in promptu habere instrumentum angulare, unicum angulum perfecti æquilateri trigoni continens, sive ex charta crassiori, sive quâvis duriori lamina formatum, & hoc sæpius applicato angulos singulos, an conformes fiant, examinare. Hoc præstito, idoneo ligno ad hunc usum debite excavato piceo bitumine agglutinetur trigonum, & super tabulam stanneam, cupream, æream, aut quamcunque de materia duriori paratam, velut præced. cap. docui (quamvis tam perfectam planitiem habere non debeat) assumpto pulvere siliceo aut arenaceo adhuc æqualior & planior figura adducatur: Hâc adducta super eandem tabulam adhibita arenâ clepsydrali disponatur ad polituram, ut lateris hujus superficies æqualissima obtineatur. Politura verò perficitur, sicut in planis vitris specularibus cap. præc. dictum est. Absoluto uno latere aliud assumitur, & simili praxi ejus planities ac splendor procuratur, donec omnia latera perfecte sint elaborata.

Prismata
trigona
quomodo
ex vitro
paranda.

Si ex crystallo faciendum est trigonum (cum ea sit elaboratu durior, quàm vitrum) arena fluviatilis durior, ac etiam Smiris minutus adhibendus erit. In politura verò stannum calcinatum super pilarem materiam aut corium cervinum prius, quàm ad ultimam polituram super chartam cum tripolitano pulvere procedatur, adhiberi debet.

Quomo-
do trigona
ex crystal-
lo paranda.

Ejusmodi prismata trigona, quanti æstimata & in pretio sint habita apud populos orientales, ut margaritis longè præhabita, satis indicare videtur P. Trigautius lib. 4. de Christ. exped. ad Sinas cap. 4. dum ita scribit: *Cum P. Matthæus Riccius gravissimò morbo expeditus esset, amico in grati animi tesseram inter cetera munuscula vitrum trigonum donavit, quod ille tanto in pretio habuit, ut in argenteam thecam recluserit, & aureas catenulas in extremis nodis illigârit. Hoc vitrum multorum cupiditatem incitavit: nam non ita multò post quingentos aureos in pretium unus aliquis dicitur obtulisse, & gravatè extorsisse, quia donum regium æstimabatur.* Idem testatur Kircherus in China illustr.

Prismatum
trigonorum
æstimatio.

Et verè, si miras luminis & objectorum apparentias ex vario situ & applicatione hujusmodi prismatis attendamus, facile quivis illud suspicere, magnique æstimare potest. Ego hic observationes quasdam & experientias curiosis omnibus meritò suspiciendas tum à me sæpius, tum & ab aliis doctioribus animadversas in medium afferam.

Expe-

*Experimenta & observationes variae circa prisma
trigonum rectilineum.*

1. Communis & obvius omnibus prismatis sive trigoni rectilinei effectus est, si apprehensis anfulis oculis debite applicetur, quod objectum mox quodvis oppositum vivacissimis iridis coloribus tinctum repraesentet, & quidem toties iisdem coloribus repetitis, quoties umbræ aut colores variabuntur. Objectum tamen unius coloris continui præcipue candidi vix aliquam coloris aut umbræ mutationem admittet, neque ullus ejusmodi colores aut quascunque species diversimodè coloratas ostendet, nisi in medio fiat aliqua umbra.

2. Colores qui repraesentari solent, sunt ordine tales, rubeus, puniceus, flavus, viridis, cæruleus.

3. Objecta opaca per trigonum radiantia prout plus minus obscura aut prorsus nigra occurrerint, colores iridis varios quidem efficient, pro qualitate tamen obscuritatis etiam plus vel minus vivaces: auri verò vel argenti similique majori splendore fulgentia objecta etiam colores elevatiores aut amceniores ex commixtione fulgoris & Luminis incidentis efficient.

4. Duplici modo prisma transverso situ oculis apponi potest, ut vivacissimos iridis colores repraesentet. Primo modo, ut oculi supra vitrum deorsum inspiciant prisma, & objectum videtur profundiori loco, quam revera sit, ac colores procedunt à cæruleo, & terminantur sursum in rubeo. Secundo modo, ut oculi infra prisma suspiciant, & objectum videtur justè superiori loco, coloresque procedunt à rubeo, & sursum terminantur in cæruleo.

5. Quantò objectum in vivaciori lumine constitutum inumbratur, tanto excellentius colorum istorum varietas percipitur.

6. Per prisma triangulare res ita coloratas aspiciens, si ab alio ex adverso stante inspiciatur, quatuor oculos habere videtur, quorum duo directè extra prisma, alii duo per vitrum refractè conspiciuntur.

7. Objecti species iridis coloribus tinctæ ex aspectu simplici prismatis non repraesentantur lineâ recta, sed circulari, sive sursum magis quam revera est, sive deorsum magis objectum compareat, ita tamen, ut dum justò superius objectum conspicitur, circularis apparitio sit infra, ut ejus centrum supra; cum verò inferius magis objectum apparet, circularis apparitio sit supra, & centrum lateat infra.

8. Si quis apprehensis utrinque anfulis Trigoni prismatis unum angulum primum teneat, oculisque infra constitutis versus planum horizonti parallelum tendat, absque coloribus quidem, sed inferiora supernè, eaque susque deque inversa conspiciet: si verò supinum angulum ejusdem prismatis tenuerit, & oculis supernè levatis planum dictum contemplatus fuerit, superna inferius constituta, eaque inversa deprehendet.

9. Si unum angulorum prismatis contra se habuerit, ita ut oppositum latus sit horizonti perpendiculare, si oculis appropinquantibus deorsum sive in Nadir aspexerit, jacentia cuncta infernè, aliqua verò contra naturæ situm in aëre deprehendet. Si verò oculis infra angulum constitutis ad eundem prismatis situm in Zenith tendentibus aspexerit, eadem in aëre prodigiosè suspensa mirabitur.

10. Quod si prisma nonnihil in gyrum moveatur, omnia apparentia objecta simul rotari videntur.

11. Prismate ad perpendiculum detento, ejusque angulo faciei opposito, ac uno oculorum in transversum directo, objectorum duorum species videbuntur diversimodè: uno modo quasi naturali, altero iridis coloribus, & quidem contrariò situ; si dextro oculo observentur, sinistrae; si verò sinistro oculo, dextræ comparebunt.

12. Prismate perpendiculariter collocato, unoque oculo ejus lateri applicato, triplices objectorum species videbuntur, una iridis coloribus tincta, binæ verò naturali colore apparentes.

13. Ob-

13. Objectum illustre per prisma spectatum, si variis umbris interrumpatur, idem color, ex.gr. rubeus vel caruleus in singulis eandem partem, id est, superiorem vel inferiorem obtinebit: hoc est, si color rubeus una umbra superiorem partem occupet, etiam in singulis aliis eandem occupabit, adeoque eodem ordine procedent colores in singulis.

14. Singuli ordines colorum à luce pura ad limbum sive rubeum sive caruleum non obtinent dimidiatum gradum. Probat *Dechales* Dioptr. lib.3. prop.8. experientia potius quam ratione à priori hoc modo. Si enim quilibet spectet objectum, in quo sit aliqua umbra, spectabit umbram illam colorari vel rubeo colore vel caruleo, videbit autem zonam illam coloratam, nempe à luce candida & pura ad usque rubeum limitem non excedere minuta circiter viginti, hoc est, sub angulo circiter 20. minutorum. Si verò sit objectum illustre hinc inde terminatum gemina umbrâ, quod aspiciatur sub angulo semi-gradus aut ad summum 40. minutorum, illud inquam objectum à medio, in quo nonnihil lucis mera & pura apparebit ad utrumque marginem sive caruleum sive rubeum, vix obtinebit viginti minuta.

15. Prismate triangulari Solis radiis exposito, si lumen solare trajectum excipiat in parva distantia, non erit coloratum nisi in extremitatibus; in spatio verò intermedio nullus aut modicus color apparebit: in quanto autem majori distantia profunditur, tanto vividiores in majori latitudine apparent colores.

16. Lumen ita coloratum per Prisma trajectum crescit semper secundum crassitiem sive latitudinem prismatis in aliqua proportionem, non autem physicè secundum longitudinem ejusdem.

17. Cum radii Solis in prisma delati sunt purissimi, colores magis diluti vivacesque apparebunt; siquidem radii Solis vehementiores refractionum umbras cum quibus commiscuntur, magis diluunt, coloresque candidiores sive lucidiores reddunt.

18. Colores apparentes per prisma trigonum non secundum certum aliquem inclinationis gradum generantur, sed secundum maximam latitudinem (quæ præter propter sive circiter est ab inclinatione graduum 25. ad inclinationem graduum 75. ita computante *Dechales* Dioptr. lib.3. digress. phys.2. prop.3.) hoc solo discrimine, quod observato eodem ordine colorum in una inclinatione graduum magis aut minus latè colores extendantur.

19. Extremitas radiofi luminis à Sole projecti in prisma trigonum, quæ fuerit magis inclinata ad primam ejusdem superficiem in quam incidit, semper rubeum colorem devehit: quæ verò fuerit minimè inclinata, colorem caruleum producit. Hinc sequitur, quod color aliquis determinatus, velut rubeus, non requirat determinatum angulum inclinationis ad sui repræsentationem, sed sufficit inclinatio talis ad sui productionem, quæ respectu aliarum inclinationum ad alios colores proferendos sit major aut minor. Vide *Dechales* Dioptr. lib.3. digress.2. phys. prop.5.

20. Præter eam inclinationem respectu Trigoni, in quo radii inæqualiter disperguntur, radius quilibet à vicinis juvatur & determinatur, ut hunc potius quam illum colorem repræsentet.

21. Si Trigono Solis radiis opposito in obscurum locum radiatio inducatur, triplex lucida, & triplex colorigera generari potest, quarum prima colorigera vivacissima, altera adhuc vivax, tertia autem vix aut parum perceptibilis, ac aliquando hæc tertia cum secunda commiscetur.

22. Quando immissa colorigera radiatione Trigonum movetur, ad certum spatium permanet colorum apparentia in eodem loco juxta dicta observatione 18. lucida verò radiatio ad minimam Trigoni commotionem locum mutat, ita ut manente colorigera radiatione in pariete opposito, hanc ipsam lucida occupare & transire queat. In transitu verò vel occupatione tali colores nonnihil mutantur & elevantur.

23. Potest speculo plano debitè intus in loco obscure excipi una radiatio colorigera & ad quemcunque locum reflecti, adeò ut una radiatio alteri commisceri possit, coloresque unius per alterius radiationem jucundissimè intendi aut immutari.

24. Si radiatione colorigerâ immissa in obscurum locum secundum longitudinem radiationis varia specilla, aut quælibet corpora angulosa polita disponantur, colores mirum in modum per cubiculum dispergi poterunt.

25. Atomi in cubiculo obscurato, qui dictam radiationem colorigeram ingrediuntur, diversissimis coloribus coruscantes huc illucque volitare cernuntur. Item, fumus ibidem excitatus coloribus pulcherrimis afficitur.

26. Radii colorati Lente concavâ excepti dilatantur, Lente polyoptrâ separantur, retinentque suum colorem; Lente vero convexâ in ipso foco suum amittunt colorem eumque post focum recuperant.

27. Totus aliquis paries diversimodè colorari potest, si plura Trigona inter se ita coaptentur, ut eundem situm respectu Solis obtineant, transmissique radii excipiantur pluribus Lentibus concavis inter se debitè coaptatis; unde ferè paries totus diversicolor apparebit.

28. Radii item colorigeri polyoptrâ sive specillo polyedro propè prisma excepti tot stellas coloribus tinctas in pariete circumcirca splendescences formabunt, quot planis polyedrum fulgebit. Si verò remotius à prismate polygonum radios coloratos exceperit, stellas dictas in lapillos pretiosos diversi coloris transformabit, & quidem ad motum prismatis variatos super omnem pulchritudinem quorumvis lapidum splendescences: & si polygono parieti planè vicino radii excepti fuerint in unam stellam coloratam, quo colore placuerit, dicta plana radiantia coalescent.

29. Iris circularis in pariete è prismate rectilineo formatur: si radii colorati inde emanantes speculo cylindraco excipiantur; nam in hujus circula rem superficiem oblique incidentes, rursumque reflexi, eosdem colores circulariter in murum aut pavementum effundent, elegantemque iridem gratiosè describent, præsertim si murus aut pavementum albo colore nituerit.

30. Si in longiori distantia radii colorati immissi in conclave obscurum cylindro vitreo excipiantur, ita ut radios unius coloris solum apprehendat, circulum unicolorem repræsentabit: si verò plures vel omnes colores exceperit, eosdem circulari coloratione etiam præsentabit.

31. Si plures cylindri vitrei ita disponantur, ut unus rubens, alius flavum, alius viridem, alius cæruleum colorem excipiat, plures unicolores circuli repræsentari poterunt singulis cylindris respondentes.

32. Similiter contingit in polyedris vitris: Si vitrum tale excipiat in competente distantia tantum unum colorem, hujus coloris gemmas sive lapides præsentabit: si plures colores simul excipiat, etiam plures diversos colores exhibebit.

33. Si plura polyedra singula singulos colores excipiant, etiam quodlibet solum suæ exceptionis colores in diversissimis partibus exhibebit: hinc moto tantum uno polyedro soli colores ab eodem excepti moveri videbuntur.


34. Si radii è prismate propinquo effusi Lente majoris portionis convexâ vel etiam ustoriâ excepti fuerint, mirum phænomenon per modum Solis coloribus deformati & sanguinei visendum comparebit. Sin verò prismatis planum Soli obversum fuerit, ut radii refracti non colorati Lente prædictâ excepti, ob orbicularem chartam interpositam corniculata Luna repræsentabitur, dum orbiculari chartâ sublatâ radii absque impedimento totam Lentem illustrabunt. Ita P. Traber in Nerv. Opt. Dioptr. lib. 3. cap. 7.

35. Radii colorati in cameram obscuram ope prismatis delati, si speculo concavo excipiantur, pulcherrima possunt intus dispergi.

36. Si Trigona plura debite conjungantur, ita ut se angulis solidis contingant, & ex una parte unam continuam planitiem exhibeant, ex altera verò parte planum sulcatum referant; ac polytrigonum hoc opponatur Solis radiis in obscurum conclave transmittendis, intus autem per plura polyedra connexa confirmataque radii colorati excipiantur, mox totum conclave instar paradisi miris colorum apparentiis jucundissimè refertum intueberis.

37. Si prima ad rectangulum ligneum applicatum & Soli debite oppositum fuerit, duplices subinde coloratos iridis radios sibi mutuò occurrentes effundet; quia videlicet radii à Sole in ipsum angulum incidentes utrumque latum prismatis illuminant, unde duplices nonnunquam refractiones causantur. P. Traber in Nerv. Opt. ut supra.

Hæc experimenta (quorum plura alia quivis curiosus & ingeniosus observator facile invenire poterit) hic obiter indicasse sufficiat: singulorum enim rationes apponere & clariùs demonstrare, cum nimis longum foret, & ex longiùs extra propositi nostri limites in mechanico hoc fundamento constitutæ sint, talesque, ut ex dictis facile erui queant, iis neutiquam immorabor, sed ad practica, hoc est, ad rectum instituti nostri tramitem denuò calamum reducam.



CAPUT X.

*Trigona circularia sive annularia quomodo
conficienda.*

SI ejusmodi Trigona ex crassiori continuo plano vitro sive crystallo sint elaboranda, parantur difficillimè, cum diutissimo labore indigeant, donec debite perforentur & excaventur: ideò optimum est, ut in officina vitraria, sicut præc. cap. de rectilineis dictum est, in annularem priùs congruam formam aliquantulum aptentur, ut una superficies circularis sit sufficienter plana, aliarum verò duarum interior concavetur, exterior verò convexetur, ita ut solidum angulum in concursibus superficialium ubivis æqualem sive æquiangularem constituent. Praxis autem perfecte elaborandi talis esto.

Requiritur
pro forma
mandata
concava
superficie
annularis
trigoni.

Pro concava superficie requiritur convexus conus æquilaterus torno efformatus in sufficienti magnitudine ex stanno, ære, cupro, aut quavis duriori materiâ: hic conus alicui machinæ motum horizontalem habenti ex superioribus cap. 7. explicatis (velut est 4.5. vel 6.) imponitur, ita ut coni vertex & axis cum axe motorio in unam lineam rectam procurrat; quod ut debite procuretur; parari debet ligneus orbis super axem motorium, velut in machina 6. dictum, cum circumfuso plumbo, ut capitello axis optimè congruat. Dum axis cum orbe ligneo in machina est applicatus, & motu horizontali circumrotatur, rasorio instrumento incidatur in superiori orbis lignei superficie circulus, qui perfecte capiat coni æquilateri basin; fiet ut coni vertex & axis in unam lineam ordinetur cum axe motorio: piceo etiam bitumine basis coni ligneo orbi agglutinetur, ut firmiùs adhæreat. Sed vide figuram 1. *A* est vertex coni æquilateri *ABC*, orbis ligneus *DE* impositus axi motorio *FH*: axis *AG* conicum axe *FH* convenit.



Hoc facto requiritur annulus ligneus cum ansulis, ut est *IKLM*, qui aperturâ suâ interiori sit paulò major annulo vitreo *NO*, habeatque circularem incisuram versùs interiorem aperturam, ut annulum vitreum perfectè capiat, aut si non omnino congruit, piceo bitumine sic affigatur, ut firmiter adhæreat.

Ut porrò vitreus annulus elaboretur, ita proceditur. Imponitur conus æquilaterus cum axe motorio convenienti machinæ, & ad motum incitatur: quo habito humectatur conus, & aspergitur imprimis siliceus pulvis, ut in concavis elaborandis dictum, & applicetur annulus vitreus, retinendo vel commovendo eum huc illucque per ansulas, quousque debite exedatur, & figuram coni perfectè acquirat: quâ adepta disponitur ad polituram & expolitur more in concavis supra ubertim indicato; eritque prismatis annularis superficies concava, interior scilicet, perfecta.

Quomodo superficies convexa exterior efformanda.

Pro exteriori convexa superficie annulari prismati inducendâ debet simili ferè modo parari conus æquilaterus concavus ex duriori lamina quâcunque accommodè paratus, & ligneo orbi decenter aptato committi & sic agglutinari, ut ligneo orbe motorio axi imposito axis quoque coni cum axe motorio conveniat, & in una linea recta procurrat, ut in fig. 2. apparet, ubi *ABC* conus ligno *DE* ita commissus, ut axis *GA* coni cum axe motorio *FH* conveniat.

Advertendum tamen, non requiri integrum conum cavum æquilaterum, qualis repræsentatur in *ABC*, sed sufficere posse tantum majorem aliquam zonam conformem annulari prismati futuro instar paropsidis, velut in *IKCB* cernitur: quæ priori modo ligneo orbi ad circularem cavitatem incisam firmiter affigi potest.

Ut verò annulare prisma in cono cavo sic parato exteratur & poliatur, capulus prismatis vitreo annulari *F* conformiter parandus est, eodem tamen paulò minor, ut est *LM*, debetque ei annulare prisma *NO* piceo bitumine firmiter agglutinari.

nari. Quo præstato, conoque in axe motorio ad machinam applicato ac gyrato humectatur cavitas coni, & siliceus pulvis inspergitur more aliàs dicto, æqualiterq; annulus vitreus in capulo affixus imprimitur, donec perfectè ad coni formam exesus & extritus: dispositio deinde sicut & politura peragitur modis sæpe hætenus indicatis.

Plana tertia superficies in aliqua lamina plana ferrea, stannea, ærea, cuprea aut simili, perficitur modo, qui cap. 8. est explicatus; hoc solum (quo commodius peragatur) attento, ut capulo tali accomodetur prisma annulare, qui in fig. 3. prostat, sitque infra ita aliquantulum acuminatus, ut annulari prismati cum piceo bitumine impressus firmiter id ipsum in operatione contineat, ne loco moveatur, aut facile dilabatur. Peractis ita singulis istis operationibus habebis annulare prisma paratum.

Quomodo superficies plana annularis trigoni perficienda.

Cum ex integro plano vitro satis crasso, ut supra indicavi, prisma aliquod annulare parvum parare cupis, imprimis vitrum perforandum erit, ad quod inservit præsens instrumentum fig. 4. *ABCEF* infra habens circa *B* cavitatem quadratam, cui ferreæ subulæ sive terebræ *CC* ad libitum imponi queant, prout foramen majus aut minus per vitrum *D* erit faciendum.

Quomodo vitra terebranda.

Usus hujus instrumenti ad terebrandum & perforandum vitrum est talis. Apponitur instrumento terebratorio ad *C* primò minor subula sive terebellum, ac electo in vitro *D* centro apponitur terebellum, affusaque aquâ cum Smyride aut arena minutâ ad brachia *EF* terebra commovetur: dum aliquantulum centrum est intritum, majus aliud terebellum apponitur, atque ita ascendendo semper majus assumitur, donec ad conforme aliquod, quod satis latè perterebret, pervenias. Hoc adepto tamdiu labori insistendum mutando sæpius smyridem vel arenam, quousque omnino sit perforatum.

Cum vitrum omnino perterebratum, illud agglutinetur congruo annulo cum ansulis (sive tali, qui majorem limbum habeat, quo faciliè manu prehendi & circumagi queat) & in cono convexo, ut supra dictum est, excavetur; reliqua deinde omnia fiant conformiter cum singulis superficiebus, ut prius dictum, & acquires annulare prisma trigonum, quod petis.

In defectu vitri solidi possunt etiam annularia trigona ex conicis vitris potioriis communibus ita parari; intusque repleti aquâ, veluti dictum præced. cap. de rectilineis. Quomodo autem hoc efficiatur, libet paucis exponere.

Quomodo ex conicis vitris potioriis annularia trigona construenda.


Eligatur ex potioriis conicis vitris, quod maximè affectet conum æquilaterum, sitque *ABC* fig. 5. dum notato puncto *D*, & huic æquali intervallo puncto *E*, ita ut *AE* sit divisum in duo æqualia conica spatia *AD* & *DE*. Vitrum potorium ita signatum torno communi ad *AB* in circularem conformem cavitatem ligno incisam, aut pice etiam, si opus agglutinatum committe, ac moto torno primò ad *E* applica Adamantem vel etiam Smyridem incisorem: ita fiet, ut *EC* peractâ circulari rotatione facile abrumpatur. Deinde applica rursus Adamantem etiam in *D* punctum signatum, ut rotato torno dissiliat zona conica *DE*, quam cautè servabis. Ubi nunc duo ista segmenta conica sic compones, ut latior pars *DF* inversæ zonæ *DEF* jungatur minori latitudini *DI* ipsius majoris zonæ *AI*, ita quidem, ut solidum angulum ubivis æqualem constituent (quod fiet unam zonam in alteram immittendo) apposita etiam demum circulari planitie *GH* sic ut agglutinetur ambabus extremitatibus duarum commissarum zonarum, eveniet annulare prisma petitum, quod bene bitumine piceo ad commissuras illitum & aquâ repletum similes poterit præstare effectus, ac prisma annulare solidum.

Effectus porrò prismatum annularium præter plures alios, quos præced. cap. in rectilineis enarravi, præcipuus esse videtur, quod Solis radiis exposita perfectas irides cum vivacissimis coloribus in parietem oppositum trajiciant. Idem præstant coni vitrei sive crystallini solidi, qui solaribus radiis expositi non tantum perfectas irides in oppositum pavementum vel murum ejaculantur, sed etiam hoc habent singulare, ut dum per eos candelæ ardentes vel lunare lumen aspicitur, non ipsam Lu-

Effectus prismatum annularium.

nam vel candelas exhibeant, sed loco earum lucidissimas irides: debet tamen oculus transpiciens in centro basis conii vitrei collocari, ut axis conii directè in Lunam vel flammam procedat. Horum conorum vitreorum defectu in potoriis quoque vitris conicis cum orbiculo congruo piceato bitumine connexis, & intus aquâ repletis iidem effectus obtineri poterunt. Conorum autem solidorum mechanica elaboratio quomodo practicè perficienda (etsi ea quoque praxi, quâ docui prismatum annularium exteriorum convexam superficiem perficere, elaborari queant) aliam tamen meliorem methodum indicabo, cum de polyedris elaborandis modum edixero.

Sed nunc ad calcem hujus capituli curiose lubet quærere: Si quis circa conum vitreum æquilaterum artificiose plura prismata annularia (quorum unum decenter majus altero) ita conjungeret, ut se mutuo solidâ angulari peripheriâ contingerent & unam planitiem orbicularem exhiberent; totumque hujusmodi systema Solis radiis exponeret ad radios hos in obscurum conclave trajiciendos, quid effici posset?



CAPUT XI.

Vitrapolyedra sive polygona elaborandi praxis.

Licet in omni polygono diaphano vitreo crystallino aut lapideo, cujus convexa superficies in plura plana atq; angulos solidos secta est, ex incidente luce, aut quibuslibet objecti radiis oculo exceptis, diversæ consequantur refractiones; si tamen distortè aut casualiter illa plana sint excisa, non poterunt ordinatæ refractiones confurgere, quæ possint artificiosis operationibus deservire. Qualis enim erit planorum distributio, talis sequetur refractionum varietas, & prout planum unum ad alterum plus minusque inclinatum fuerit, diversa etiam radiorum inclinatio eosdem alio atque alio distrahent provehetque. Hinc crystallina aut vitrea illa polygona, quæ nec angulos, nec plana ad certam regulam aut ex uno centri puncto habent, nunquam ordinatas sincerasque refractiones poterunt exhibere. Hujusmodi igitur polygona ut perfectæ fiant, radiosque ordinatè provehant, nec ab uno puncto plus minusque in refractionibus aberrant, necessarium est, ea elaborare mediante aliquo quadrante, quali etiam periti quilibet Artifices in lapidum pretiosorum sectionibus & expolitionibus, ad varias angulosas figuras inducendas uti solent. Quomodo autem quadrans aptandus, applicandus & tractandus, ut diversa plana ordinata vitreis aut crystallinis orbiculis apprimantur, & perfectè expoliantur, nunc paucis aperiam.

Polygona
ordinata
ope qua-
drantis ela-
borari de-
bent.


Iconismus
X.
Constru-
ctio qua-
drantis.


Fiat itaque quadrans ligneus ABC habens in se descriptum ex centro F alium quadrantem FED , cujus radius nempe FE vel FD sit circiter quarta pars unius pedis Romani. Hic quadrans sit divisus in suos gradus, ut figura monstrat.

Ad G verò per totum latus AC sit æquali rotunditate quadrans perterebratus habens nempe æqualem cavitatem per totum, ut per N intrudi possit in longam cochleam NBQ libereque huc illucque moveri queat.

Centrum F sit æqualiter perforatum, ut tigillum HT eidem immitti & minori claviculo R per minutum foramen S intruso retineri possit; quocirca HT ad T in cylindræo suo ambitu annulari aliquâ cavitæte præditum esse debet.

Limbus ED excindendus est, ut ei immitti possit cochlea I, V , & per cochlydium V firmari ut libuerit. Cum itaque ambobus tigillis HT & I, V lignum KL immisum fuerit, ut ultima figura monstrat, poterit huc illucque moveri, & ad quemcunque gradum per cochlydium V firmiter retineri.





Ne quoque quadrans *ABC* nimium descendat, sed ut quocunque loco contineri queat, conducit cochlidium *O* apponere ob eum finem, qui paulò post dicitur. Ligna *M M M* serviunt pro capulis, quibus vitra elaboranda debent agglutinari.

Quadrante ita parato oportet eum applicare machinæ alicui, quæ horizontalem motum habeat, volvatque planum aliquem orbem stanneum, cupreum, æreum, vel ferreum, ut figura monstrat. Per incisuram itaque *X* immittatur cochlea *NP. Q*; poterit huc illucque adduci plus minus ad planum volubile *Z*, & cum debite adductum est, infra per cochlidium *Q* firmari.

Rota etiam major, quo probè collocetur ad finem ductarium extendendum, debet inter crenam in fundo machinæ incisam per immissam cochleam *Y* posse firmari. Quomodo verò planum orbiculare *Z* cum fuso seu trocho, cui intrusum & firmiter affixum est, in gyrum moveatur, melius ex figurâ intelliges, quam ego pluribus verbis explicare possim. Quare nunc ad ipsam praxin operationis sive usum quadrantis in machinâ progrediamur.

Selecto vitro sive crystallo satis crasso, & ex unâ parte, cui plana diversa inducenda, aliquantulum ruditer ad convexitatem aliquam attrito, illud piceo bitumine, de quo supra dictum est, agglutinabis capulo *M* conformi, capulumq; immittes in lignum rotundum *L K* quadrantijam adaptatum. Dum incipiendo à quadrantis humiliori parte *D* ad 10. Ex. gr. gradum siste lignum *IV*, ut lineola a 10. gradui præcise respondeat, & per cochlidium *V* firma, ut fixum hæreat. Dum applica quadrantem, eum per crenam inferiorem *X* eo usque adducendo, ut capulus cum vitro affixo liberè per planum orbiculare *Z* duci possit: sic etiam firmabis per cochlidium *Q* ut quadrans ita erectus loco hoc permaneat.

Ufus
quadrantis.

His omnibus ita paratis humecta planum orbiculare *Z*, & asperge arenam minutam æqualem per secerniculum nempe trajectam (ad crystallos adhibetur *Smiris minutus*) unâque manu deinde dirige quadrantem super planum orbem; alterâ verò manu per manubrium rotæ majoris motum machinæ procura: exedetur vitrum facillimè. Cum una arenæ inspersio non sufficit, applicetur altera modo priori, quousque prima planities propè ultra medium sive centrum convexitatis superioris sit inducta.

Cum prima planities perfectè inducta, è quâ reliquæ dependent; firmabis quadrantem per cochlidium *O*, ut ei perfectè quadrans insistat, nec minus deprimi queat. Nam ita firmato cochlidio centrum circa medium vitri polygoni conficiendi perfectè manebit, & alia plana conformiter eidem se accommodabunt: Sin autem hoc non cures, facilè aberrabis; quocirca diligenter advertendum.

His ita peractis ad alia plana formanda sic procedes. Debes minorem aliquem circulum velut in *I a* divisum habere in tot partes æquales, quot circa centrum debent esse plana, sive divisio talis ipsi ligno *I a* incisa sit, sive notata in congruâ lamellâ ibidem applicandâ, debetque setâ suillâ vel tenue filum ferreum minutum ipsi ligno *L K* ita infixum esse circa *I a*, ut per modum indiculi ibidem converti, & quovis loco assignato applicari possit. Sera igitur velut indiculo cum toto ligno *K L* ad secundam divisionis notam posita reliquis omnibus firmiter in locis suis hærentibus more prius indicato vitrum plano orbiculari cum arenâ madidâ applicabis, & tamdiu atteres, quousque quadrans descendens cochlidio *O* fixo plenè insistat; & erit altera planities inducta. Deinde iterum ut prius indiculum supra tertiam proximam divisionis planorum notam collocabis, & operaberis ut jam instructus: atque ita procedes, donec omnia plana circa centrum perfectè vitro sint inducta.

Ad plana in secundâ serie conficienda ita procedes; In quadrante lignum *K L* magis elevabis, sive super gradum altiore ex. gr. 20. collocabis, & per cochlidium *V* rursus firmabis ut antea, ac novam operationem institues, ita ut plana magis depressâ in vitro formentur. Quod ut commodius peragatur, aliam divisionem circuli minoris in partes æquales institues, atque vel in *I a* expressam, vel alibi

in la-

in lamella ibidem applicandâ designatam habere debes ad indiculum cum ligno *KL* dirigendum: reliquis omnibus fixè persistentibus indicato antea modo vitrum apprimere debes, & plana effecta politioni accommoda reddere.

Hâc serie absoluta, tertiam per simili modo inchoabis, lignum *KL* magis elevando ad gradum ex. gr. 30. ut alia plana juxta novam aliam divisionem in tigillo *Ia.* vel lamellâ ut supra designatam adhuc magis depresso provenire queant. Atque ita deinceps per plures alias series; si requirantur. Verùm hæc cum talia sint, ut verbis sufficienter explanari non possint, sed potius inspectionem ipsius manualis praxis requirant, sufficit hoc loco, ita indicasse: non dubito tamen, sagacioribus ingeniis me ita praxin intimasse, ut levi ratiocinio totum Artificium penetrare queant. Exemplum solum in uno vitro polygono 24. planorum triangularium, quod communiter in usum venire solet, hic apponam. Cum itaque tale aliquod vitrum polygonum est conficiendum, attendendum imprimis ad vitri crassitiem & ejus magnitudinem secundum diametrum planæ superficiei; deinde ex tabella sequenti eligendæ series correspondentes pro elevando quadrante.

Planorum parandorum series		Prima	Secunda	Tertia
Quadrantis elevandi		Gradus	Gradus	Gradus
In vitro crasso	minus	10	20	30
	mediocriter	15	25	35
	magis	15	30	45

Divisiones circuli minoris ad dirigendum indiculum, qui supra puncta divisionis collocatur, ut plana illa regulariter secundum series supra scriptas formetur, ita ordinandæ sunt, uti figura *a b* indicat, ubi minor circulus interior respondet primæ seriei; secundus sive medius, qui idem est cum minori interiori, ideoque negligi posset; secundæ seriei: exterior verò tertius circulus respondet tertiæ seriei in polygono faciendo, quod supra indicatum est. Figura autem polygona facta talis erit in exemplo formato, qualis in *c d* repræsentatur. Innumeras alias figuras quivis faciliè ex tradita doctrinâ excogitare poterit.

Politura
Polyedro-
rum.

Quod attinet polyedrorum polituram; sic illa perficienda est. Loco plani orbicularis stannei vel ærei aut similis applicetur orbis planus ligneus, cui superius charta sit tenui pulte agglutinata; deinde eodem ordine, quo plana secundum suas series fuerunt extrita cum applicatione simili quadrantis & directione indiculi ad puncta divisionis circulariter appressa vel quovis modo signata adhibito pulvere tripolitano singula plana ordinatim poliantur, quousque splendorem exactum acquirant. Cavendum tamen, ne in hac expolitione à nimia motûs rotatione vitrum vehementius incalescens dissiliat; unde paulò lentiori, quàm antea tractu, politura peragenda, vel interdum ab operatione paululùm quiescendum, de quo monendus es. Sed his ita propositis jam aliqua notanda subnecto.

Annotanda pro praxi.

Annotan-
da ad pra-
xin.

1. Potest quadrans in machina aliqua (quales superius cap. 7. descriptæ sunt, quæque pedibus ad motum horizontalem incitantur, ut ita ambabus manibus liberis operandi modus faciliteretur) accommodatius applicari.

2. Etsi quadrans pluribus juncturis præditus esse queat, uti apud lapidarium quendam Artificem me vidisse memini; & licet pro secandis lapidibus, ubi tanta perfectio non requiritur, utilior esse possit: pro perfectioribus tamen polyedris formandis fabrica & modus indicatus mihi experimento compertus est accommodatior. Hoc tamen necesse non est, ut quadrans continuæ cochleæ immittatur; modò bacillus aliquis cylindricus conveniens cavitati quadrantis, inferius autem supra orbiculum *P* parumper in cochleam formatus sit, cui cochlidium cum ascendente alio majore intus cavo cylindro ad quadrantem sustinendum immitti possit.

3. Capulus M. cum vitro agglutinato debet ligno L firmiter commissus inter operandum permanere, quocirca vel claviculo tenui retineri, vel signum aliquod communicans in capulo & ligno K L notatum esse debet, ut facile advertatur, quando loco suo capulus decessit, ut sic ad eundem mox reduci possit.

4. Ad polyoptras cavas efformandas conducit prius ordine aliquo puncta media singularum cavitatum per instrumentum terebratorium supra cap. 10. descriptum ruditer interere, deinde juxta puncta excavata applicare ad segmentum globosum machinæ cujusdam superius cap. 7. de concavis Lentibus formandis descriptæ, præquæ ibidem indicatâ singulas cavitates ordine perficere.


5. Possunt simili fere præxi, quâ polyedra in instrumento cum quadrante formare docui, etiam vitra conica convexa elaborari, de quibus præc. cap. dictum: si nempe vitra aliquo modo in formam conicam prius saltem obiter atterantur, deinde capulo M affixa ad quadrantem in ligno K L applicentur: in ipsa autem operatione lignum K L fiat mobile, & tam inter terendum, quam poliendum in gyrum convertatur. Nil amplius dico, sagax Artista facile intelliget, quod ego vel multis verbis explicare haud poterô. Nunc restat, ut curiosas aliquas observationes circa vitra polyedra in medium adducam.

CAPUT XII.

Curiosæ observationes, experimenta & proprietates polyedrorum convexorum adducuntur.

1. Certum est, quod radii ad eandem objecti dissiti partem pertinentes, licet in quamlibet planam superficiem polyedri perfecte ad quadrantem elaborati incident, vi tamē refractionis, quam in illa patiuntur, non concurrant, sed eandem ferè inter se habitudinem conservent, quam haberent, si nullam refractionem paterentur. Sit objectum dissitum AB, & in eo punctum A, ex quo plurimi radii incident in planam superficiem EF polyedri CEFD. Dico, licet radii AE & AF diversam habeant inclinationem, vi tamen refractionis; quæ fit per radios EG ab EA, & FH ab FA non concurrent; sed sicut radii producti AE in I & AF in K in eodem medio semper magis ac magis recederent à se invicem; ita etiam radii EG & FH ab invicem recedent. Quod verissimum est, saltem respectu objectorum dissitorum. Cum enim radii AE & AF tunc sint physice paralleli, erunt eodem modo inclinati ad superficiem EF, & radii refracti EG & FH pariter erunt paralleli physice, adeoque eodem modo procurent, ac si nullam paterentur refractionem, unde oculis similiter utrobique afficietur, licet alio situ vel loco objectum prehendam.

2. Objectum quodlibet per Lentem polygonam radians multiplicatur. Experientia est certissima. Et ratio est, quia species objecti radiantis ad omnes superficies allapsæ variè & diversimodè secundum situm earum refringuntur, & variis viis similiter juxta primam obser-



Perpicilla
ludicra ex
polyoptris
constru-
cta.

vationem prolabuntur, adeoque ejusdem rei imagines multiplices inter se diffitas diversis locis depingent. Poterit igitur res eadem multiplex per polyedrum, & quidem juxta numerum planarum superficierum toties in diversis locis repræsentari. Quocirca si oculo talis Lens polyoptra debite applicetur, videre poterit eandem rem toties, quot habet polyoptra planas superficies. Unde etiam perpicilla ex polyoptris constructa si naso amici in mensa apposueris, licet unicum ferculum apponas, quam plurimis tamen instar lautissimi epuli mensam refertam ostendes, è quibus si jubeas eum ut unum seligat, sibi que reseruet, ac cum eodem contentus maneat, facile efficies, ut eum jejunum è mensa tam magnifica & opulentâ dimittas.

3. Hoc quoque inter alia jucundissimum est visu, quod si quis rem ante se positam & tali polyedro inspectam tangere tenter, vix eam attingere digito extento queat, cum tot digiti appareant, quot rei imagines, & discerni nequeat, quæ res quo digito sit attingenda. Facile tamen rem propositam attingere valebis, si vitrum polyedrum ante oculos positum parumper veritas in gyrum: movebuntur siquidem omnia objecta excepto vero; digitum ergo extende versus illud, quod non movetur; aut digitum quemlibet apparentem extende versus rem apparentem eidem proximam.

4. Radii solares per polyedrum transmissi propter inclinata plana diversimodè refringentia ac medium inæqualiter crassum ex lucis & umbræ commixtione colorantur, tantò amplius, quantò magis ab ipso polyedro discedunt.

5. Si in medio superficiei convexæ ipsius polyedri contineatur plana superficies & non angulosa, nullus color ex radiis solaribus transmissis resultabit, cum dicti radii perpendiculariter absque refractione transeant: Si verò loco planæ superficiei mediæ angulus solidus medium convexi polygoni occupaverit latera sequentia jam inclinata, refractioni obnoxia erunt, & quo remotiora extiterint à medio polygoni puncto, eò refractionis major sequetur, radiique colorati vivaciores comparebunt, quod ex usu polyedri clare constat.

6. Radii à lumine vel Sole procedentes polygono perfectè ad quadrantem elaborato excepti refractique, post polygonum convergunt, seque mutuò secant; deinceps verò iterum divergunt sive colorati sive candidiores absque coloribus processerint: ideoque post locum concursus radii dicti permutantur, quod maxime in coloratis apparet, ut qui ante locum concursus erat rubeus à dextris, post concursum transibit ad sinistram, & qui supremum locum prius occupaverat, post sectionem inferiore loco contentus erit, & sic de cæteris. Quod clarissime patet in camera obscura, ubi omnibus clausis & obscuratis, cum radii solares per polygonum immittuntur, videbis in atomis illuminatis ac coloratis perfectissime, qualiter à diversis planis inclinatis radii procedentes distrahantur, nunc convergant, nunc divergant. Idem experiri licet hoc modo. Opponatur radiis solaribus polygonum, aut etiam cuicunque lumini ad candelam, refractique radii post polygonum excipiantur mundâ papyro: videbuntur radii viciniore ad polygonum dilatati juxta numerum planorum; retractâ vero paulatim chartâ radii magis magisque conjungentur, donec in centrum aliquod concurrant; charta postmodum adhuc plusculum retractâ, radii rursus dilabuntur juxta numerum planorum polygoni, sed in contrarias partes procedent, lineâ scilicet rectâ, ac in loco concursus se mutuò secabunt, consequenter & cæteri radii vices mutabunt, & qui ad dextram, in sinistram partem, & qui ad sinistram, in dextram procedent; sic superiores fient inferiores, & è contra.

7. Admirandum est, quod licet in Lente polyoptrâ perfectâ sive ordinatâ (cujus scilicet omnes superficies spherâ circumscribi possunt) radii colorati concurrant in uno loco, & inde rursus divergant, colores tamen non confundantur; sed quo vigore primitus processerunt ante locum concursus, eodem in opposita parte rursus procurentes vigeant absque ulla confusione.

8. Lens polyedra, cum radios solares uniat & dispergat, non unit tamen eos in puncto, sicut spherica, sed in una parte, quæ sit æqualis uni faciei Lentis polyedræ. Differentia igitur inter Lentem polyedram & sphericam, in eo posita est, quod

Lens

Lens sphaerica omnes radios ab uno objecti puncto venientes praecise colligat & uniat in puncto, quod erit vertex alicujus coni, ideoq; si post decussationem radii excipiantur, nulla erit interruptio, sed habebitur circulus aliquis luminosus: in Lente autem polyedra datur interruptio & radiorum diversa configuratio secundum varias facierum configurationem. Hoc provenit ex eo, quod in sphaerica Lente sensim mutetur inclinatio superficiei; in polyedro autem tota mutetur simul. Quidquid ergo dicitur de Lentibus sphaericis, proportionem quamdam dici potest & accommodari Lentibus polyedris ordinatis ac perfectis.

9. Gratiofa innumerorum colorum collusio exhiberi potest, si mediante polygono majore radii solares per orbiculos communiore alicujus fenestrae prius transmissi excipiantur, & refracti in vicinum parietem aut albam chartam affundantur, incredibilis colorum multiplicatorum varietas succedit: quot enim orbiculi fuerant, per quos Solis radii transierant, tot in quolibet polygono plano refractiones consurgent, non secus, ac si quodlibet hujusmodi planum polygonum foret, aut tot polygona, quot plana in uno polygono continebantur. Ad hoc tamen perfecte exhibendum P. Traber in Nervo Opt. lib. 3. Dioptr. cap. 9. tria requirit. Primo, ut polygonum a fenestra tribus minimum orgiis distet. Secundo, quod radii solares excipi possint ad tantam distantiam, ut practicetur ad Solis ortum vel occasum, ubi radii Solis dimissiores & oblique procedentes in ambitu aliquo longiore aut cubiculo ampliore: potest tamen quovis diurno tempore per speculum planum debite adhibitum etiam obliquior aliqua immissio procurari, ut nullo non tempore artificium praesens practitari queat. Tertiò, ut paries sit candidus, vel ejus loco charta, aut etiam tela munda ad hoc praeparata, quae a polygono ultra mediam orgiam non distet: tunc enim multiplicitas colorum & representationum diversitas oculos in admirationem rapiet.

10. Quod si in singulis polygoni planis depingantur coloribus aqueis & dilutis res diversae, uti fructus, uvae, poma, animalia, velut serpentes, aviculae, aut varia instrumenta; deinde polygonum ita depictum Lentis loco in cubuli obscurati foramen ad hoc adaptatum immittatur, ut radii solares lateraliter subingredi nequeant: effundentur cum radiis lucidis ipsae res in planis polygoni depictae in murum oppositum aut aliam superficiem candidam non absque spectantium admiratione. Requiritur tamen ad hanc praxin polygona laterum satis amplorum & capacium: nec tamen necesse est, ut fiat polygonum ex uno vitri frusto, sed sufficiunt etiam varia frusta vitri ita sibi commissa, ut unum polygonum referant. Meliorem autem successum rem habituram, ait Schottus Mag. nat. part. 1. lib. 9. si species per intermediam Lentem vitream, seu vitrum mesopticum excipiantur.

11. Vitro polyedro ordinato & perfecte ad quadrantem elaborato possunt variae picturae diversimode dissipari, & dissipatae recolligi, ut per polyedrum inspectae integrae ac plane unitae rursus compareant; unde possunt curiosissima Artificia construi. Sic teste Nicolao Foresto in Florileg. Mathem. tract. 10. sect. 8. quidam efformavit Solis imaginem sub specie Apollinis, cui varia parerga interfecta efficiebant, ut viderentur sex aliorum Planetarum formae cum hac Epigraphe: *Sole latente patent*. At verò per dioptram polyedram sola Apollinis perfecta imago erat visibilis cum hoc Lemmate: *Sole patente latent*. Ita Kircherus in Arte mag. luc. & umb. lib. 10. mag. part. 1. horogr. cap. 2. probl. 13. ope Lentis polyedra docet construere horologium verè magicum, quod extra Tubum nihil nisi infinitum linearum aliarumque picturarum confusae insertarum chaos refert; per Tubum verò cum Lente polyedra inspectum horologium ordinatissimum & exactè horas demonstrans exhibet. Ita testatur Joannes Christophorus Kolhansi in suis novis Curiositatibus Optico-Mathematicis in Append. part. 2. cap. 2. se arculam miram construxisse, ubi inter alia civitatem Coburgensem cum miris ac variis parergis exhibere possit, totumque Artificium arculae constructae satis clarè ibidem describit, ut facile quis imitari queat. Ita fuit, qui in simili quadam machinula exhibuit diversimode Augustissimi Caesaris nostri *Leopoldi* effigiem accuratissimam: poterat nunc spectari in habitu caesareo

cum diademate & sceptro sedens super thronum; nunc sedens cataphractus in equo heroico; nunc ut Rex Hungariæ in vestitu & habitu Hungarico: nunc etiam in communi vestitu Teutonico, ut solet in aula comparere: extra tamen inspectionem Lentis polyedræ nihil simile comparebat, sed aquila imperialis cum sermo florigero ac variis aliis parergis videbatur. Verum totum artificium mechanicum de huiusmodi imaginum dissipatione & recollectione infra suo loco satis clarè exponam.

12. In istiusmodi imaginum dissipatione cum radii per vitrum polyedrum ita convertantur, ut quæ superiora sunt, repræsententur inferiora, & quæ inferiora superiora; item, quæ à dextris appareant sinistra, & è contra, quæ sinistra, videantur dextra, ut supra observatione 6. indicatum in dato itaque polyedro 24. planorum triangularium (qualia ad hunc usum videntur optima) singulis planis in opposita chartâ vel tabulâ alba respondebunt ordine conformes areolæ, uti figuræ exhibent. Tanto quoque maiores hæ areolæ erunt, quanto polyedrum erit remotius à tabulâ, & tantò minores, quanto propinquius.

13. Lens polyedra plano-convexa ordinaria, sive quæ ex unâ parte plures habet superficies & angulos, ex alterâ verò parte æqualem planitiem per totum, cæteris paribus objecta exhibet in debita vera magnitudine. Lens polyedra convexo-convexa, quæ scilicet ex altera parte æqualem convexitatem sphæricam habet, auget objecta tantò magis, quanto acutior erit convexitas: Et Lens polyoptra convexo-concava, quæ nempe ex altera parte æqualiter ac sphæricè concava, minuit objecta, & tanto magis, quanto minor vel acutior erit cavitatis sphæricitas. Idem sentiendum, si Lenti polyedræ ordinariæ Lens convexa vel concava apponatur. Verum de his recolligenda sunt ea, quæ Fund. 2. Synt. 2. cap. 6. relata & demonstrata sunt.

CAPUT XIII.

De Lentibus sectionum conicarum in usum Teledioptricum maximè accommodis, ut Ellipticis, parabolicis, ac Hyperbolicis.

Iconismus
XI.

Mirè prædicantur
Lentes
Hyperbolicæ.

Conicarum sectionum Lentes plerique Authores celeberrimi partim pro Telescopiis & perspicillis, partim pro visionibus mirè extollunt & celebrant, longeque præferunt sphæricis quibusvis Lentibus. Unde P. Antonius Maria Schyrleus de Rheita in suo oculo Enoch & Eliæ palam edicit, convexū Hyperbolicum pessimum optimo sphærico præstare, adeò ut Hyperbolicis conficiendis plus efficiatur errando, quàm sphæricis exactissimè laborando. P. Athanasius Kircherus in Arte mag. Luc. & umb. lib. 10. mag. parast. parte 2. cap. 2. §. 3. adhuc magis deprædicat ejusmodi Lentes, dum ait: *Lentes, quæ ex conicis sectionibus originem nanciscuntur, sunt aut parabolicae aut Hyperbolicae, vel Ellipticae: Ex quibus maximè præ omnibus præstant Ellipticae & Hyperbolicae Lentes: Et si Artifices essent tam industrii, qui ad perfectionem hujus Artificii pertingere possent, dico earum legitima adaptatione vera in Optica miracula patrari posse: harum enim ope res remotissimas etiam in cælo tam distinctè videri posse assero, quàm eas, quas vulgò in terra conspiciamus. Verum negotium adeò subtile est, ut vix certa regula assignari possint ad id in opus deducendum; si quem tamen fortuita industria in tam beatum errorem induxerit, ut ex sphærico in Ellipticum aut Hyperbolicum degenerarit, eum assecuturum esse, de quo perpetuò gloriari possit, assero. Scio insignem non ita pridem Mathematicum regulas quasdam tradidisse earum fabricandarum: verum cum huc usque nullus Artifex inventus sit, qui eò pertigerit, nihil ad tam nobile machinamentum nobis præter desiderium relictum est. Est enim huiusmodi politionis negotium adeò subtile, ut nullum oculorum acumen ad figuras Lentium concernendas sufficiat; imò subinde contingit, ut dum quis sphæricam sectionem se laborare putat, in Hyperbolicam tandem sese beato sanè*

erro-

errore aberrasse reperiat. Econtra verò, dum Hyperbolam laborare putamus, ut plurimum in sphericam devenimus; mirumque est, nos ne quidem nisi in effectibus de rei veritate iudicium dare posse. Si quis Lentes cyclo-hyperbolicas exactè fabricare posset, is Lentium omnium præstantissimas efficeret; hæ enim præterquam quod multum lucis colligant, mirros sanè effectus in parastasi rerum præstant. Ita Kircherus, magnificentius forsan, quàm verius. Quomodo enim, qui Lentem ejusmodi nunquam habuit, aut vidit, ut candidè fatetur, ab effectu tantum deprædicare potest? quomodo errando dicit tam felici eventu beari posse, cum nullum sciat unquam ita feliciter aberrasse? cur non nisi in effectu tales Lentes deprehendi dicit, cum effectus nullus eidem compertus?

His accedunt Auctores celeberrimi, *Renatus des Cartes* in sua *Dioptr.* *Emanuel Maignan* in *perspect. horar.* *Joannes Hevelius* in *Selenogr.* cum pluribus aliis, qui tantam hujusmodi Lentibus virtutem tribuere videntur, ut nihil sit ferè in cælestibus, quod penetrare non valeant; nihil tam minutum in terris, adeoque lynceis etiam oculis absconditum, quod in conspectum adducere non possint; atque hoc totum ideo, quia radios parallelos omnes in puncto colligere & cœnare judicantur cum vivacissimâ lucis radiatione, dum aperturas omnibus aliis Lentibus latiores & ampliores patiuntur.

Memini quoque non ita pridem à Gallo quodam Sacerdote Canonico Parisiensi, qui in aulâ cujusdam Principis Germaniæ Sacellanus tunc agebat, me audivisse, quod viderit suis oculis Tubum Opticum excellentissimæ virtutis Christianissimo Regi oblatum vix ad duos pedes longum, tantæ verò efficaciam, ut Saturnum cum anfulis distinctissimè repræsentârit, in magnitudine propè majori unius spithamæ, cæteras autem stellas magnitudine penè incredibili. Adeò, ut hic Tubus Parisiis consilio Sapientum propositus, ac mirificè ab eodem laudatus & approbatus, obque miram efficaciam omnibus Tubis Regiis sit prælatus: Propterea etiam afferebat, Artifici in præmium mille ducatos Regiâ manu munificentissimè elargitos; aliis verò sectionis sive formæ Lentes non fuisse, quàm veræ ac genuinæ Hyperboles edicebat.

Hæc si vera essent, utique *Dechales* Gallicarum raritatum curiosissimus observator haud dubiè inaudisset, atque idcirco in suâ *Dioptrica* non ita seriam contentionem indixisset iis, qui hujuscemodi Lentes adeò deprædicant, ac aliis quibusvis præferre conantur. Verùm ipse audiatur, dum ita ait lib. I. *Dioptr.* in observatione magni momenti. *Quamvis ea, quæ hætenus diximus tam de ellipsi, quàm Hyperbolâ, videantur demonstrare ad usum dioptricum eas figuras esse accommodatissimas, non tamen id putotam facile concedendum. Nam præter difficultatem, quæ in elaboranda Lente Elliptica aut Hyperbolica, quæ non est parvifacienda, cum hætenus neminem viderim, qui se Hyperbolam efformare perfectam jactaret. Sed de hoc, cum de praxi agemus diligentius: ostendemusque machinas ferè omnes, & inter alias eas, quæ à Des-Cartes describuntur, esse meras nugas, & contra principia practica graviter peccare.*

Promittit hic *Dechales*, quod cum de praxi specilla sive Lentes elaborandi esset acturus, diligentius harum Lentium & machinarum in quibus elaborantur, negotium sit tractaturus. Verùm postea in *Digress. Mechan.* dum planissimè tradit & exponit methodum elaborandorum quorumlibet specillorum, omninò hujus negotii de Lentibus Ellipticis aut Hyperbolicis non recordatur, haud dubiè, quia indignam judicat earum tractationem, quæ ab aliis potiùs in capite fabricatur, quàm extra ullibi in rerum naturâ subsistere possint.

Quod attinet machinas Cartesianas, ipsemet *Cartesius* fatetur cap. 10. num. 10. machinas suas non esse accuratè descriptas, dum clarissimis verbis ait: *Nolim in praxi eadem omninò, quæ descripsi, observari; quia non tam machinas, quàm machinarum fundamenta & causas explicare conatus sum, & Artificibus imperitis inventa hæc descripta non commendo.*

Sed ulterius audiamus loquentem *Dechales*. *Præter eam difficultatem* (nempe Lentes prænominatas elaborandi) *quæ maxima est, contendo etiam perfectissimam Ellipsin & Hyperbolam minùs aptam esse ad visionem juvandam* (qui verus est & unicus hujus

Tubus
Opticus
miræ ex-
cellentiæ
ex Lenti-
bus hyper-
bolicis.

Lentes co-
nicæ se-
ctionis
non pro-
bantur à
Dechales.


(scientia scopus) quàm sphericis & planis figuras. Neque enim unicuique tantum punctum & indivisibile objecti quod in axe jaceat, videre volumus; sed etiam ea, quæ sunt axi vicina: non demonstratur autem in Lente Hyperbolica, aut Elliptica radii ab aliquo puncto extra axem posito prodeuntia in Lentem hujusmodi incidentia uniri præcisè in eodem puncto: potest enim fieri, ut licet demonstratum sit, radios ab ea parte, quæ est in axe, prodeuntes adunari in eodem axis puncto; qui tamen ab alia parte prodibunt, minus colligentur, quàm in spherica Lente. Ab experimento deinde facto subdit.

Experien-
tia circa
Lentem
Hyperbo-
licam.

Memini me habuisse Hyperbolicum Lentem, quam vir Nobilis Dominus de Visancourt propriis manibus elaborarat; erat autem Lens ocularis, quæ ad sensum non aberrabat ab Hyperbola, experti sumus, quid tandem mirabile præstare posset, aptataque Lente objectiva, quæ Tubo septem aut octo pedum esset accommodata, uti sumus Hyperbolam pro oculari; notavi autem objecta media optimo situ & distincta apparere; ea verò, quæ ad latera caderent, distorta nonnihil esse. Habebam autem præ manibus Lentem sphericam, cujus focum judicabam propius accedere ad focum prædictæ Hyperbolæ: deprehendique sphericam & aquè bene distinguere objecta, quæ aut in axe, aut propè axem sita erant; alia verò longè distinctius exhibere. Ex quo colligo, etiam si haberemus Hyperbolicas Lentes perfectissimas, non fore tamen excellentiora Telescopia. Nam quod pertinet ad Lentem objectivam, præcipue verò si sit sphaera majoris portio, indubitatum est, eam non deflectere sensibilibus à spherica; quod ut planius fiat, describatur Hyperbola longioris foci, deprehendensque posse describi circulum cum ea physicè & sensibilibus convenientem, saltem secundum eam portionem, quæ in Telescopio detecto relinquitur, ex quo fit, ut in Lentibus tantum ocularibus esset adhibenda Hyperbola aut Ellipsis, aut etiam in myoptris concavis; sed mihi persuasum inutile esse diutius in iis exquirendis terere tempus. Hactenus Dechales.

Vides igitur Lector, quid de conicarum sectionum Lentibus sentiat præfatus Author, cujus sententiæ interim & ipse lubens subscribo, præsertim dum seriâ mente perpendo ipsas talium Lentium figuras, quàm scilicet difficulter describi, & difficilius in solida materia exprimi queant, cum earum perfectio à punctuali operatione dependeat. Quocirca ad Lentes ejuscemodi parandas nunquam animum adjicere potui, verum semper me terruerunt difficultates non solum in ipsis machinis huic subtilissimo exercitio accommodatissimè construendis, quæ cum plurium partium combinationem exactissimam requirant, ubi una pars vacillat, totum negotium collabi necesse est. Sed etiam in ipsa praxi laboris, licet ea foret ordinatissima in perfectissimè inductâ formâ; quia tamen, dum labori aliquantulum insistitur, facile quid intercurrere potest, quod effectum desideratum præpediat, cum ipsa forma mox alterari, aliter aptari, exedi, aut quovis modo disponi possit, ut obice aliquo interjecto intentâ perfectio obtineri nequeat.

Atque hæc sunt, quæ de conicarum sectionum Lentibus dicere decreveram. Si quis tamen feliciorem manum nactus experimento attentare velit, quid efficere & consequi possit, in præfatorum Authorum libris inveniet semina, de quibus optatissimos fructus sperare possit. Sed hisce nunc relictis, ut Syntagma hoc curiosâ digressionem finiat, Appendicis loco variarum figurarum & imaginum incisionem vitris quibuslibet artificiosè inducendum propalabo.





APPENDIX.

De Artificio quarumlibet imaginum & figurarum incisione in quælibet vitra oblata.


Non ita pridem innotuit pulcherrimum Artificium quascunque imagines etiam contrafacturas, quascunque figuras, notas ac scripturas curiosissimè in vitra incidendi: præcipuè autem vitra potoria illo solent ornari. Norinbergæ modo fuit Artifex, qui imagines contrafacturas artificiosissimè iisdem incidendo exhibuit. Vidi tale vitrum potorium ab eo elaboratum non adeò magnum cujusdam Principis Germaniæ effigiem nitidissimè ac perfectissimè præsentans pretio 40. Imperialium ab eodem coemptum: multò autem majoris adhuc pretii alia ab eodem Artifice confecta audivi arte singularissimâ, quâ incidendo ac interendo ita effigiat imagines, ut non intritæ ac impressæ compareant velut in iis vitris, quæ communiter distrahuntur & venduntur, sed emineant & extent elatiores, perfectissimèque sint expolitæ. Cum itaque simili etiam Artificio Lentes objectivæ latiores in Telescopiis majoribus in ea parte, quâ teguntur, ornari, ac multis aliis modis in Opticis servire possint; operæ pretium duxi huic Syntagmati totum Artificium hic subnectere, ac paucis exponere.

Imagines
contrafa-
cturæ in
vitis po-
toris.

Fiat igitur mensa, qualis in figurâ repræsentatur habens axim *AB* cum rotâ majore *C* funem ductarium trahente, possitque pedibus supra scabellum *E* positis per ascendentem hastulam *E D* ad libitum moveri. Ne verò axis vacillare possit, per cochlidium *B* firmetur. Deinde ut funis ductarius sursum ascendere queat, rotulamque minorem *N* convertere, debet tabula mensalis habere duo foramina *I & K*. Spatio inter hæc duo foramina medio erigatur lignum *L* intus excavatum, ut impositum ei instrumentum ferreum *SFNRG* clave tereti inferius in cochleam desinente per istam cavitatem dimisso infra mensam ope cochlidii *P* probè attrahi ac fortiter retineri queat. Axis quoque *SG* cochleolis *R & S* sic firmetur, aut nullam in partem vacillare, sed æqualissimè in sua cavitate intra plumbeas commissuras *ab* rotari possit. Debet etiam axis hic in conum cavum prostare, ut ei instrumenta cum rotulis *HHH* debite pro opportunitate immitti possint, unaque cum ipso circumgyrari. Quo autem omnia & singula hæc instrumenta cavitati huic conicæ perfecte conformentur, debet pars *V* in singulis ex plumbo constare: quod facillimè procuratur, si nempe ferreo stylo satis crasso in conicam cavitatem *G* imposito, ita ut perpendiculariter insistat, liquefactum plumbum circumaffundatur, ut deinceps cohæreat. Hoc præstito singulis ac diversis ejusmodi stylis ferreis prostantibus affigantur rotulæ cupræ diversæ atque omnes in magnitudine ac crassitie seu latitudine dissimiles, ita ut aliquæ cavæ, aliæ convexæ eaque sint valdè acutæ, aliæ latiores, aliæ minores, aliæ majores, prout videre est in figuris *HH*, debiteque sic adaptentur, ut justè circulariter rotari queant. Ordine deinde in scabellari scrinio *XT* reponantur, ut promptissimè extrahi & ad manum esse possint. His omnibus ita paratis jam restat, ut usum ac praxin indicemus.

Constru-
ctio mensæ
ad quam
figuræ vi-
tris interi-
queant.

Cum



Uſus &
praxis mentis
ſæ con-
ſtructæ.

Ufus & praxis mentis constructæ. Cum itaque vitro alicui velut pоторio imago quædam seu scriptura est interenda, oportet illam prius colore albo ex cerussa cum Gummi Armoniaco temperato in vitro pennâ ordinaria scriptoria delineare. Facilitatur autem hæc delineatio, si charta in qua imago jam aliunde delineata est, ita ab alia parte vitro applicetur, ut lineamenta transparent; possunt ita simillima in aliam vitri partem commodissimè induci.

Delineatione peracta & siccata, assumitur imprimis rotula major quidem, sed acutè scindens ac interens, poniturque in conicam cavitatem *G*, & imposito priùs smiride minuto, cum oleo olivarum in vasculo *N*: vasculum etiam illud ad rotulam applicatur, ut smiris cum oleo rotulæ adhæreat: tandem vitrum elaborandum inter ambas manus contentum animata machinâ ita rotulæ applicatur, ut fundamentales priùs lineæ exteri queant. Quo autem firmiùs attineri possit vitrum, serviunt parva pulvinaria *MM* in mensa reposita brachiis sive cubitis percommode ibidem reclinandis ac sustinendis.

Fundamentalibus lineis incisís aut intritis moxaliæ rotulæ conicæ cavitati G applicentur ordine tali, ut quo profundius aut latiùs sive ampliùs quid interendum, illud per congruas rotulas selectas adhibito sicut antea smiride minuto cum oleo temperato perficiatur, modo, quo dictum.

Nota.

Nota. Cum imagines extantes effici debent, applicandæ sunt rotulæ cavæ aut planæ conformes: si poliendæ partes incisæ: aliqui adhibent terram flavam communem pictoriam Coloniensem; alii tripolim: melius erit, si charta circum singulas usurpatas (aut eis pares) rotulas agglutinetur, & deinde tripolis apprimatur, & poliantur modo, quo supra de concavis vitris poliendis dictum. Difficilior est incisio ac politura literarum aut notarum Arithmeticalium, quàm aliarum figurarum sive imaginum. Unde si sententiæ aliquæ sunt interendæ, eæ quàm fieri potest paucissimis verbis ac literis comprehendendi debent.

Quo autem imagines ac symbola vitris potoriis intrita non tantum oculos oblectare queant, verùm & internè animos commonere aut licitè recreare, novisque non tantum discursibus, sed etiam jucundissimis distractionibus servire possint, plura ejusmodi symbola jocosè hic apposui, ex quibus facillè id ipsum patere cuilibet poterit. Unicum solum aut alterum exemplum affero.

Est inter commensales unus aliquis, qui præcæteris facundior nimis serio loquitur pergrandia solus. Alius vitrum attollit, in quo scriptura cum symbolo: *Wer weiß/obs wahr ist*: omnes ridebunt, & modestè alter continebitur: hic autem non injuriosè se hoc dicere, sed vitrum ita loqui asseret. Item, habet quis hospites bene potos, qui vix stare amplius aut ritè loqui sciunt: honestius dimittere non potest, quàm si vitrum curet afferri, in quo incisum Symbolum itinerantium peregrinorum cum lemmate: *Volumus jam proficiscere?* Allato hoc vitro, dum delectantur corruptâ dialecto, tacitè monentur abitu. Plura alia symbola Lector in sequentibus inveniet, & similia plura quisque suo grata genio facillè poterit comminisci.



Symbola curiosa joco-seria, quæ vitris potoriis artificiosè
interi queant.

1.	<i>Imagines.</i>	<i>Inscriptiones.</i>	<i>Significationes.</i>
1.	Noemus ex vite colligens uvas adjuvantibus filiis suis.	Noxia Cultori.	Significat vinum sui amato- ribus & cultoribus origina- liter non prodesse.
2.	Noëmus unâ manu expor- rectâ ad vitem, alterâ manu scyphum ori applicans.	Vitium liquore vi- tium.	Vino originaliter omne vi- tium inesse.
3.	Seniculus plantans vitem ac circa ipsam laborans.	Ex vitibus vita. Aus den Reben das Leben.	Vinum seniculis moderatè sumptum prolongare vi- tam.
4.	Vir dormiens non procul à mensa, ubi pocula cum bellariis.	Vino medicina fo- mnus.	Cum ebriosis nihil incipi- endum, quousq; crapulam edormierint.
5.	Leo devorans Simiam.	Mihi medelam.	Adulatores, histriones ac sufurriones ab honestis epu- lis arcendos.
6.	Equi subsistentes cum cur- ru nimis onerato.	Pondere præ nimio.	Nil agere eos, qui quoquam nimium onerantur.
7.	Pastor gregis cum vaccis ad ripam fluminis.	Quantum satis, nec ultra.	Neminem ultra naturam cogendum esse ad potum superfluum.
8.	Calx viva, cui à viro aqua affunditur.	Ignis humor alit.	Vini potum largiorem ad varia vitia incendere.
9.	Vir manu incautè facem aut lucernam emungens.	Et utile lædit.	Nihil esse tam utile, quod incautè suptum nocere non possit.
10.	Seniculus sedens in sella ostentans poculum.	Quàm bene conve- niunt, & in unâ sede morantur.	Senili ætati bene convenire vinum generosum.
11.	Bacchus juxta vas reclina- tus cum poculo extento vel Hydropicus ab alio po- culum præsentatum acci- piens.	Vivat in æternum qui dat mihi dulce faler- num.	Sitibundis & bibulis nihil gratius dari posse, quàm po- culenta.
12.	Duæ manus conjunctæ ac invicem stipulatæ cum vi- tro desuper liquorem af- fundente.	Sic credimus. Also glauben wir.	Contractus qui sunt stipu- lata manu inter Germanos cum vini superfusione, fir- miter tenere.
13.	Popina è qua ebriosus ru- sticus ducitur à conjuge & liberis ad casam suam.	Sic itur ad haram.	Eos qui potationibus addi- cti facile depauperari.

	<i>Imagines.</i>	<i>Inscriptiones.</i>	<i>Significationes.</i>
14.	Camelus submissus vasis vinariis oneratus.	Non plus tollo, quàm sim ferendo.	Nulli plus vini propinandum quàm ferre possit.
15.	Gallus devicto alio gallo erectus ad cantum.	Hic cadit, ille canit.	Linguas detractorum statim divulgare cum aliquem labi animadvertunt.
16.	Magnes lapis ad clavem & fustum adhibitus, hoc relicto illam trahens.	Id curat quod pondus habet.	Sapientes ac præclaros viros leviculorum societatem respuere, gravium admittere.
17.	Duo crinibus implexis se diverberantes juxta mensam, cui assidens alius calicem elevat, alterâ verò manu indicat pugnantes.	Quis novit potestatem iræ tuæ?	Vinum largius potum sæpè optimos amicos ad iracundiam & certamen provocare.
18.	Vir doctorali habitu bibens ex scypho, cui astans mulier compta, morio saltans, & simia gesticulans.	Omnes similes. Alle einander gleich.	Prudentes vino addictos facile fieri effoeminatos, multa que inepta & inconvenientia committere.
19.	Vir podagricus scipioni innixus, & ebrius propè terram cadens in foveam.	Prospice casum. Biel schlincfen und rin- cken macht hincken und sincken.	Ex nimia potatione incidi in morbos & varia infortunia.
20.	Vir habitu honesto una manu scyphum tenens, alterâ duos digitos elevans quasi juramentum ediceret inter alios attente cum observantes.	Sic noscimus ipsum, So kennen wir ihn/ vel Voller Mund sagt des Herzens Grund.	Multos à vini potu secreta effundere & seipso prode- re, juxta illud: Ex oculis, loculis ac poculis cognoscitur animus homi- nis.
21.	Fulmen incidens in arborem fructibus plenam, circaque illam flores & gramen amburens cum lepore exsiliente.	Glück und Glas wie bald bricht das? Leben und ein Haas wie bald verlauffet das? Leben und Glas wie bald verwelcket das?	Ut vitrum præsens fragile, ita bonæ fortunæ florentem ætatem totamque fragilem vitam repentè subortâ tem- pestate confringi.
22.	Vir languidè jacens sub arbore reclinatum ad humeros caput habens fasciâ circumligatum cum manu ad pectus contractâ, alterâ verò ad ventrem protensâ; adjacente lagenâ vacuâ.	Nocet empta dolore voluptas.	Ex vini uberiori potu, capi- tis, pectoris ac ventris dolo- res progigni.
23.	Stultus cum gladio & ebri- osus cum poculo saltan- tes.	Voller Kopf voller Kropf. Ist der Mann voll, so ist er toll.	Potatores stultissima quæ- libet agere & ferociter insa- nare.

	<i>Imagines.</i>	<i>Inscriptiones.</i>	<i>Significationes.</i>
24.	Plures debacchantes sub tentorio, aut in solario cum adstante tubicīne.	In omnem terram exivit sonus eorum.	Bibones garrulos de omnibus & quibuslibet liberè quælibet effutire.
25.	Inter epulones aliquis literas manu exhibens, altera gesticulans.	Si credere fas est! Wer weiß/ obs wahr ist!	Blaterones & garrulos in epulis non semper dicere veritatem, sed sapius insigniter mentiri.
26.	Tormentum bellicū cum adstante vigili.	Sapiens est & fortis tacet usque ad tempus.	Sapientes inter calumniatores patienter tacere, quousque detur occasio seuerius calumnias vindicandi.
27.	Aquila quam Dipsas mordicus pectore attinet.	Semper ardentius. Brennt allzeit mehr.	Sicut dipsatis morsus semper sitim magis magisque accendit: ita bibendi cupidinem cum semel etiam elata virtutis hominem momordit, non desinere, donec planè dejiciat.
28.	Plures peregrini ante popinam quorum aliqui ad iter se accingentes alium provocant, ille verò lagenam suam elevans difficultatur.	Volumus jam proficiscere?	Denotat eos bibones, qui licet ita jam poti sint, ut vix amplius bene loqui possint, nihilominus à potatione cessare non volunt.
29.	Pavo ex una vitri parte superbè caudam erigens inter gallinas erectas ac quasi stupidas. Ex altera verò vitri parte cum dimissa caudâ escam avidè sumens, cujus caudæ insident gallinæ ac pedibus terunt.	Authoritas reverentialis. Familiaritas contempta.	Viros præclaros, dum se plebejis miscent, in epulis facilè contemni ac despici.
30.	Anser strepens in flumine, cui Auceps insidiatur.	Nocet esse locutum.	Multis inter potandum sermones temere emissos nocere.
31.	Vipera disrupto ventre foetum emittens.	Ingratis servire nefas.	Ingratos qui ab aliis beneficia accipiunt, ipsi benefactori sæpè indignè vitam tollere.
32.	Manus in roseto rosas complexa.	Sustine & abstine.	In mundi blanditiis ac deliciis moderationem esse tutissimam.

	<i>Imagines.</i>	<i>Inscriptiones.</i>	<i>Significationes.</i>
33.	Apes fumo pulsæ.	Pro bono malum.	Ingratos sæpè benefactori detrahère, ac nomen obfuscare.
34.	Navis onusta in mari inclinata inflatis nimium velis ideoque tumentibus.	Si tumeas, timeas.	Omnem tumorem capitis ac ventris esse periculosum, & in profundum faciliè mergere.
35.	Psittacus in cavea.	Ut didicit, loquitur.	Rem ut percepta est, referri debere.
36.	Apes obvolitantes arborem sub quâ bibones inquietantur.	Affer fumum, abeunt.	Eos qui garrulitate alios inquietant, non meliùs coerceri, quàm si confundantur.
37.	Tonfor alteri barbam radens.	Ne quid nimis.	In deferendis aliorum excessibus modum esse servandum.
38.	Dominus à subditis extensa palmâ manûs numeratam accipiens pecuniam: & altera duobus digitis nummum operario aut famulo elargiens.	Do minus.	Dominos omnes plura ab aliis accipere, quam dare.
39.	Homo lætè applicans oriscyphum. Eodem habitu ex alterâ vitri parte caput habens in humeros reclinatum unâque manu scyphum eversum tenens, alterâ verò stomachum malè affectum indicans.	Ingreditur blandè. Novissimè mordebit ut coluber.	Gratè quidem bibulis vinum ingeri, dolores verò & damna subsequi.
40.	Crater aureus gemmis adornatus in mensâ stratâ.	Laudatur vacuus, sed plenus amatur.	Amicos virtutibus exornatos probosque, at pauperes, qui aliis nihil conferre solent, laudari: at divites, qui aliis prodesse possunt, magis amari.
41.	Loth sedens ac cœlum lachrymabiliter suspiciens inter duas filias habentes uteros tumentes, & pocula in manibus.	Quis ista putâset?	Significat, à vino multos ad gravia flagitia deductos, quæ deinceps lachrymis satis deflare non potuerunt.
42.	Vipera taurum morfu lædens, vel canis aprum sustinens.	In parvis vis magna frequenter.	A minutis quæ lædere possunt, etiam cavendum.
43.	Navis onerata vasis vinariis super fluctus maris.	Non vini vi no Sed aquæ vi no	Non debere nos alios invifere potationis causâ, sed ut vel nostræ necessitati, vel aliorum subveniamus.

	<i>Imagines.</i>	<i>Inscriptiones.</i>	<i>Significationes.</i>
44.	Plures compotantes, inter quos unus scyphum exhauriens, cui mors à tergo lanceam aut sagittam infigit.	Malus inter pocula mos est, vel Non est in potâ pota salute salus.	Per largiorem potum aut sanitatis potationem plurimos hoc ipso occidi.
45.	Ursus ad antiquam arbo-rem cum calice, è quo anguis exsilit. In ipsa verò arbore alveare cum apibus circumvolantibus.	Cur fel pro melle propinas?	In fraudulentos amicos, qui simulatâ amicitia alios decipiunt.
46.	Vulpecula sursum spectans & manus cum annulo ex nubibus.	Nulla fides, dilectio nulla.	Nullam fidem & sincerum amorem hic reperiri.

D. Georgius Philippus Harßdörffer in 2. part. delit. Philosoph. Mathem. part. 6. prop. 3. indicat etiam curiosum vitrum potorium, quod sibi aliquando parari curavit. Hoc vitrum ex unâ parte exhibebat imaginem Solis instar speculi radiis undique circumdati cum superscriptione hâc

DER VVARHEIT SCHEIN

Ex alterâ vitri parte artificialiter incisa erat concha vitrea potoria cum superscriptione

ERHELLT IM VVEIN.


Et quidem hæc verba converso ordine literarum efformata erant hoc ferè modo

NIEVV MI TLLEHRE

ita ut legi facilè haud potuerint, nisi trans vinum ex parte imaginis solaris. Quo Symbolo curioso haud dubiè indicare voluit, veritatem sæpè inter potandum expiscari posse.

Plura alia in hunc modum excogitari facilè possunt. Sed his relictis, quæ parerga potius curiosæ cujusdam à varietate oblectationis causa hoc loco inserta sunt, jam ad alia instituti nostri propria trans-
eamus.






SYNTAGMA III.

De Usu, Applicatione & variâ combinatione Lentium ad Machinas & Artificia Dioptrica.

MEchanici Artificis est, dum partes separatim confecit, eas deinde artificialiter componendo in unum coordinare corpus, ut desideratum Artificiale perficiat opus. Partes formales oculi Artificialis, hoc est, Lentes dioptricas hætenus conficere docui: jam quomodo oculis naturaliter ad certa objecta videnda debilibus accommodanda sint, & factâ combinatione quæ inde Artificialia opera concinnanda, clarissimè indicabo.



CAPUT I.

De Lentium dioptricarum delectu ad perspicilla tam pro Presbytis, quàm Myopibus

AD Diversitate oculorum in quibus humor crystallinus aliter est figuratus, ut supra ostendimus, dependet tota ratio applicandorum aliorum atque aliorum perspicillorum. Nam ad hoc ut perfecta seu distincta objecti imago in tunicâ reticulari exprimi possit, cum ope humoris crystallini debeant radii ab objecto transmissi punctualiter in ipsa Retina coire ac penicillis suis species præcisè deponere; nec citius ante Retinam (quod fit in Myopibus dum illis humor crystallinus est justo globosior) nec etiam tardiùs (quod contingit in Presbytis dum humor illis est justo planior, sive magis flaccidus ac procumbens) convergere, quia in utrisque casibus pictura in Retinâ nonnisi confusa, nebulosa, indistincta exprimeretur; idcirco defectuosus hic radiorum prokursus Lentium perspicillarum usu & applicatione corrigi atque nonnihil immutari debet, ut præcisè & punctualiter in Retina species apponantur, & ibidem in communem basin stationis ordinatè imago cujuslibet objecti sistatur. Ad hunc porro effectum obtinendum, cum certum sit (ut superius satis declaratum) Presbytis non nisi Lentes convexas, & Myopibus non nisi concavas ad probè videndum necessarias esse; convexitatem autem sicut & concavitatem quantitas sit penè infinita; idcirco necessarium erit, hoc loco aliquid circa illam determinare, ut tantò faciliùs quibusvis oculis subveniri queat. Quod ut ordinatiùs fiat, totum negotium perspicillorum, & quæ circa ea scitu digna sunt, sequentibus numeris dilucidè proponam.

Ratio applicandorum diversorum perspicillorum.

Sciendum 1. Triplicium specillorum usum esse; imprimis utrimque planorum, vel æqualiter quovis modo figuratorum, quæ conservationi oculorum in itineribus, tempore frigido, vel locis pulverulentis servire possunt. Deinde cavorum sive in una superficie sive in utraque, sive etiam in composita superficie cavâ cum convexâ, ita tamen ut prævaleat cava pro Myopibus: Item etiam convexorum pro Presbytis, sive sint in utraque superficie convexa, sive unâ tantum, aut etiam in composita superficie convexâ cum cavâ, uti in Meniscis, ita tamen ut convexitas prævaleat.

Triplicis generis perspicilla.

2. De-

Specillaria
vitra de-
bent invi-
cem con-
gruere.

2. Debent specillaria vitra sibi mutuò in materia & forma convenire, ita ut persimiliter exactissimè ex eadem vitri materiâ sint elaborata. Quocirca communia specilla, qualia à minus peritis perspicillariis confecta vulgariter distrahuntur, minimè probare possum: Dum enim lucri causa inattentâ perfectione ac æqualitate superficierum vitra sæpè minùs perfectè elaborata ac planè dissimilia, imò ex ipsa officina vitrariâ aliquâ ex parte ad figuram jam apta, in altera verò obitaneo labore solum ad formam aliquam redacta conjungunt, oculis probè convenire non poterunt. Unde accidit, quod talia perspicilla licet primo obtutui congruere putentur, tandem tamen ipsi oculi ad talem inæqualitatem redigantur, ut vix alia iis commoda perspicilla reperiri possint. Imprudentissimè igitur faciunt, qui talia inepta perspicilla viliori pretio emere malunt, oculosque suos nullo pretio æstimandos potiùs destruere ac perdere, quàm auctiore aliquo pretio conservare volunt.

Iis temerè
& citò non
utendum.

3. Nullo modo suadendum est, ut quis temerè ac citiùs quàm indigeat, oculos ad perspicilla (quæ defectibus aliàs subvenire solent, & conservativa non sunt) assuefaciat. Dum enim semel usus perspicillorum assumitur, dimitti haud aut vix poterit, sed per totam reliquam vitam continuandus erit. Absque necessitate igitur hoc requirente usus perspicillorum minimè acceptetur. Unde bene etiam *Sirturus de Telescop. pag. 13. Moneo Literatos temerè non assuescere perspicillis, sed cum ratione & delectu, atque oculorum aciem majori curâ custodire.*

Cavenda
pro con-
servatione
oculorum.

4. Ne quis defectum oculorum, qui perspicilla requirat, facilè incurrat, præter plura alia quæ Fund. I. Synt. I. cap. 6. Erotem. 12. indicata sunt, imprimis hæc curanda sunt. Intentè ac diu nunquam oculos in fulgida & lucida, ac præcipuè Æstatis tempore in fulgetra ac fulmina defigere: Ad crepusculum aut creperam quamcunque lucem non pingere, legere, aut minuta aliqua perficere: nunquam inclinato nimium vultu in libros incumbere: minutè nec nimium scribere, nec minutas scripturas perseveranter legere aut constanter ac diu in minutis operibus præsertim fulgidis ac vivaciter lucidis acutiori visu laborare: candelarum lumen directè in oculos absque umbraculo interposito de nocte non temerè admittere. Quocirca pessimè faciunt, qui dum legunt, scribunt, aut intentis nimium oculis quid efficiunt, si propè nimium ante se candelam ponant absque intermedio corpore. Optimum est, lumen à tergo vel latere admittere, & quidem ab altiori loco. Nocent etiam valdè vigiliæ nimix, pulvis, fumus, sternutatoria, ac plura alia, de quibus supra loco citato.

Perspicilla
quæ oculos
recreant,
aut fati-
gant.

5. Cum perspicilla oculis præfixa blandè eos recreare atque objecta satis clarè repræsentare solent, sive eadem augeant, uti convexa; sive minuant, uti concava, probata censentur. Cum autem ad perspicillorum applicationem oculi dolent, aut lachrymari propè incipiunt, omninò citiùs tollenda sunt, quia visum nunquam juvabunt, semper verò destruent, cum signum sit, omninò non esse proportionata ad radios debite in Retinâ colligendos pro distincta imagine ibidem ordinanda.

6. Lentæ majoris sphæræ seu minoris convexitatis requirunt visibile remotius; minoris autem sphæræ sive majoris convexitatis, propinquius: quarum prior Lens species quidem minores & satis claras; posterior tamen majores, ac singula puncta exactiùs distinguit. Ad usum verò specilla ex prioribus constructa potiùs adhibenda sunt; nam oculi per ea, quæ ex posterioribus componuntur, nimia radiorum convergentiâ magis depravantur.

7. Myopes communiter vident distinctissimè ea quæ semipede distant ab oculo: Alii verò visus ordinati, quæ uno circiter pede: Presbytæ verò, quæ pluribus.

8. Nonnulli, ut habet *Sirturus de Telescop. pag. 15. qui agrè sustinent lucem aut debilitato visu facilè lachrymantur, aspectu clarioris aëris, aut legendò utiliter utuntur vitro utrinque plano. Iter facientibus tale vitrum valdè est necessarium præsertim hyeme &*

in iis

in iis regionibus, in quibus perpetuo flant venti apti ad homines occidendos. In aliis quoque regionibus, ubi ventus, frigus, pulvis præsertim, si adversus feruntur, maximè ledere solent, oculos tueri potest. Hæc Sirturus.

9. Ejusdem hominis senescentis non semper uterque oculus juvatur uno eodemque vitro, ut docet Kolhansi in Tractatu suo Optico pag. 216. Sed alter concavo sæpè, alter convexo, quod etiam Dechales observavit; ego tamen in nullo hætenus observasse me scio: Potius tamen hoc, quod diversæ aliquando concavitatis aut convexitatis Lentes ab aliquibus pro utrisque oculis requirantur.

10. Perspicilla dilutè admodum colorata præsertim gratè viridia, aut tenuiter cærulea de nocte ad candelas ac in eximiè lucidis fulgidisque laboribus ac operationibus applicata valdè probantur, siue ea sint conservativa, siue alia qualiacunque.

11. Oculorum vitium cum intrinsecè hæret in tunicis aut humoribus, ita ut eorum debita perspicuitas alteretur ex quocunque morbo accidentante aut quavis defluxione, non potest tolli per adhibita perspicilla. Unde haud bene faciunt, qui defluxionibus sunt obnoxii, atque ex intemperie oculorum vitium aut defectum aliquem incurrunt, qui à perspicillariis opem quærunt: eant ad Medicos, aut sibiipsis medeantur Temperantiâ.

12. Perspicilla quæcunque tunc probantur, cum obtentas scripturas minutas clarè repræsentant ad eam distantiam, quæ alias indefectuosis ac bene ordinati visus oculis conveniens est ad easdem clarè sine perspicillis repræsentandas.

13. Myops exigit specillum utrinque cavum illius cavitatis, ad cuius semidiametri distantiam sine specillo distinctè videt objecta. Undè dato oculo Myopis determinabis facilè cavitatem specilli, quo uti debet ad videnda distinctè objecta dissita. Sumatur characterum ab oculo distantia dum legit: hæc distantia est semidiameter concavitatis specilli, quo uti debet, si utrinque specillum æqualiter sit concavum: si verò esset plano-concavum, esset diameter concavitatis. Vide supra fund. 2. Synt. 2. cap. 5. pro. 26.

14. Defectus oculorum enormes & valdè exotici habentur in Presbytis, cum quidem ad valdè dissita validissimo pollent visu; propè autem ipsa objecta ante se posita ferè intrant, priusque tangunt, quam videre possunt, ac nihil ante se positum distinguere valent. Tales requirunt Lentes valdè minutæ convexitatis, quales vidi à Presbytâ juvene adhiberi, quæ utrinque æqualiter convexæ erant è diametro dimidii pedis Romani: unde radius sive semidiameter erat 2 $\frac{1}{2}$ ped. Rom. In Myopibus verò, cum objecta etiam propè oculos posita vix distinguere valent, ita ut literas duobus aut tribus digitis, & quidem oblique obtentas vix discernere queant; ad dissita verò objecta omnino cæci sunt. Tales requirunt concavas utrinque Lentes valdè acutas. Ita novi quendam gratiosissimum ac amplissimum Dominum Herbioli (sed jam vitâ defunctum) cui ad hunc defectum removendum acutissima perspicilla cava perfecit: erant ea cavitatis utrinque æqualis ex diametro partium $\frac{2}{3}$ pedis Romani, quibus applicatis satis bene legere ac scribere poterat, atque ad satis remotam distantiam homines & quævis objecta distinguere valebat; at absque his perspicillis omnino ferè nihil discernere poterat.

15. Defectus oculorum in Myopibus citius contingere solet, quam in Presbytis: rarò enim Presbytæ dantur in juventâ; Myopes autem plures dantur, & quidem circa annum trigessimum plurimi; teste Dechales lib. 1. Opt. pro 21. Nonnulli, ut ait, Medici asserunt, cum primum barba erumpit, hoc modo oculorum aciem hebetari in iis, qui dispositi sunt ad hujusmodi defectum.

16. Et si certa & infallibilis differentia defectus oculorum præcisè juxta ætatem assignari non possit, cum plurimi ob vivacissimos corporis spiritus, vel etiam quia nec multum lucubrantur, ac lectionibus studiisque præsertim nocturnis intenti sunt, nec acutiore & frequentiore literarum aut quarumvis minutiarum obtutu oculos suos defatigare solent, eos diutissimè absque ullo defectu conservent, ita ut

Perspicilla
quænam
optimè
proben-
tuntur

Myops
quale spe-
cillum ca-
vum re-
quirat.

Defectus
oculorum
valdè
enormes.

Differentia
defectus
oculorum.

aliqui ad octoagesimum ætatis annum vivacissimos oculos retineant? E contra alii vix vigesimum annum attingentes absque perspicillis nec legere nec scribere aut minutos aliquos labores perficere possint: constat tamen experiëntiã, primam notabilem defectũ oculorum differentiam ab anno circiter 45. plus minus initium sumere, crescereque defectum cum ætate magis magisque usque ad vitæ terminum; unde aliæ semper atque aliæ differentiæ subsequuntur, quæ maiorem identidem defectum oculorum crescentem comitantur. In medelam igitur singulorum istorum defectuum alias etiam atque alias perspicillares Lentes requiri, planissimum erit. Unde *Sirturus & Galileus de Galileis* sic referente P. Traber in Dioptrica tabulam ordinarunt, quæ exactissimè totam perspicillorum Artem complecti asseritur, in quâ longitudo semidiametri conveniens singulis scutellis aut globis singulis respectivè differentiis ocularium defectuum respondentibus, ubi Lentes perspicillares elaborandæ sunt, assignatur hoc modo;

Dividitur aliqua longitudo, quæ est $22\frac{1}{2}$ digitorum sive 17. pollicum (metiendo unum digitum 4. granis hordeaceis, pollicem verò 1. digito cum $\frac{1}{2}$ ut habet Kolhansi Tract. Opt. pag. 457.) in duodecim partes æquales. Deinde singulis differentiis, & primò quidem pro Presbytis singulæ mensuræ semidiametrorum in partibus æqualibus duodecimis ad scutellas congruas assumendas (in quibus Lentes perspicillares utrinque æqualiter convexæ elaborandæ sunt) assignantur hoc ordine.

Primæ differentiæ defectus oculorum conveniunt Lentes convexæ, ut dictum, quæ preparatæ sunt in aliqua scutellâ, cujus semidiameter continetur inter totam longitudinem supra indicatam, ac inter eam, quæ sit 10. partium æqualium, in quales 12. eadem longitudo tota divisa supponitur.

Secundæ differentiæ defectus conveniunt Lentes, quæ elaboratæ sunt utrinque in scutellis, quarum semidiameter continetur inter longitudinem $\frac{10}{12}$ primæ longitudinis, sive 10. æqualium partium duodecimarum, ac inter longitudinem $\frac{9}{12}$ atque sic deinceps, ut in sequenti Tabula melius videre licet.

Nota 1. quod dictum hic de semidiametro scutellarum pro Lentibus utrinque ad æqualem convexitatem reducendis, intelligi quoque potest de quâcunque Lente convexâ ad eam distantiam radios solares colligente, sive ea sit plano-convexa, sive convexo-convexa ex inæqualibus scutellis elaborata; sive etiam in Meniscum formata sit, dummodo radios solares ad dictam distantiam unire compariatur.

Nota 2. Cum longitudini toti supra indicatæ respondeat pes Romanus cum $\frac{3}{1000}$ facile erit in particulis centesimis ejusdem pedis Romani singulas partes duodecimas prius memoratæ longitudinis definire: uni siquidem duodecimæ conveniunt $\frac{200}{1000}$ ped. Rom.

Simili modo ad Myopes juvandos primæ differentiæ defectus oculorum conveniunt Lentes utrinque cavæ, quæ elaboratæ sunt in globo, cujus semidiameter incipit esse $\frac{7}{12}$. Secundæ differentiæ conveniunt Lentes utrinque æqualiter cavæ vel æquipollentes, cujus cavitatis semidiameter incipit esse $\frac{4}{12}$. Tandem tertiæ differentiæ conveniunt Lentes cavæ, quarum cavitatis semidiameter incipit esse $\frac{3}{12}$.

Verum vide Tabulam sequentem, ubi unico intuitu omnia clarè perspicies.



*Tabula differentiae defectus oculorum cum Lentium perspicillarium
convenientia & partibus subjectis indicata.*


	Anni Ætatis in quibus incipiunt differentiæ defe- ctus oculorum.	Differen- tiæ defe- ctus oculo- rum.	Semidiameter sphæricitatū in partibus duodecimis longitudinis suppositæ.	Respondent particulæ centesimæ pedis Ro- mani.	Diameter in pe- dibus & parti- bus 100. pedis Romani.	
					Pedes.	Partes.
Lentes convexæ pro Pres- bytis	Anno 40. ad 50.	1	12	108	2	16
	Anno 50. ad 60.	2	10	90	1.	80
	Anno 60. ad 65.	3	9	81	1.	62
	Anno 65. ad 70.	4	8	72	1.	44
	Anno 70. usq; ad terminum vitæ.	5	7	63	1.	26
	Anno 30. ad 40.	1	5	45	0.	90
Lentes cavæ pro Myopibus	Anno 40. ad 50.	2	4	36	0.	72
	Anno 50. ad 60. & ipsum vitæ terminum.	3	3	27	0.	54
		Diameter cum Lentes fiunt plano { convexa vel concavæ		Diameter cum Lentes fiunt æ- qualiter conve- xæ vel conca- væ.		

Notandum, posse supra dictas differentias subdividi, ita ut intra numerum aliquem, & numerum immediatè sequentem alius medius ponatur, præcipuè in cavis spicillis, quæ majorem patiuntur variationem, uti *Sirturus* docet, dum simplices cavorum differentias adducit septem. *Prima differentia cavi est periphæria illa, cujus centrum octava semidiametri divisio: secunda nona divisio: Tertia decima: Quarta verò differentia periphæria interjicitur, cujus centrum est dimidium decimæ divisionis: Quinta undecima divisio: Sexta undecimæ divisionis dimidium: septima divisio duodecima.* Atque hæc juxta instructionem *Sirturi* ac *Galilæi*.

Verùm unde talis divisio & Lentium perspicillarium coordinatio juxta diversas ætates pro diversis defectuum oculorum differentiis asseratur, perspicuè satis videre non possum. Quocirca tam rigidè hanc amplectendam non censeo: mitiora siquidè perspicilla probatiora semper judicavi, & aliis profuisse expertus sum, præsertim cava pro Myopibus, ne acutiora adhibendo oculos omninò depravent. Artis siquidem proprietas teste *Arist.* 2. *Physic.* cap. 2. cum sit, Naturam imitari; Natura verò se tam arctè adstringi non sinat, sed dum in omnibus uniformem difformitatem sectando fecundam amplectitur varietatem, sicut in hominum vultibus apertè li-

Lentes
probatorię
quomodo
conficien-
dę.

cet videre, ita haud dubiè in oculorum adaptatione etiam pro diversis ætatibus, staturis, ac in quarumvis corporis partium proportionem, & accidentium variè immutantium affectione aliam atque aliam ordinabit constitutionem. Quocirca optimum erit, non oculos Lentibus conformare, sed Lentes oculis. Atque eodem Teste Aristot. lib. 7. Polit. cum omnis excessus noceat, aut non profit; ut talis evitetur, dum perspicillares Lentes defectuosus oculis sunt applicandę, nullā habita ratione ætatis earum selectus fiat, ut quę optimè cum majori claritate & visus commoditate ac blandā quādam aptitudine convenerint, assumantur. Eapropter conducit in promptu habere varias easque diversę sphericitatis Lentes tam cavas quàm convexas, quarum sphericitas sit exactissimè nota, quibus suam quisque videndi facultatem per eas probare possit. Aut etiam præstat in hunc usum Lentes probatorias plano-concavas aut plano-convexas hoc modo parare & paratas similiter adhibere. Itaque si parare libeat probatoriam aliquam Lentem plano-convexam; diversi circulares limbi uni vitro orbiculari in diversis scutellis ordine sumptis interantur & elaborentur, ita ut spatium medium rotundum sit maximę convexitatis, alię autem ordine consequentes sint semper minoris: eveniet Lens polysphærica cum variis ordine circularibus limbis diversę convexitatis. Econtra Lens plano-concava in medio profundius & acutiùs excavetur, inde ordine ascendendo alii limbi circulares majoris cavitatis perficiantur. Hujusmodi Lentium applicatione statim oculus advertere poterit, qualis sphericitas Lentium perspicillarium parandarum sit conformior. Sed hæc paucis indicasse sufficiat. Vide figuram.



17. Duę Lentes perspicillares dum conjunguntur, singulariter adverti debet, ne duplex objectum ostendant, quod accidit, si æquali positione sibi mutuò non respondeant: quocirca ipsę capsę earum ita aptari debent, donec ex æquo sibi Lentes omnino respondeant, ne dum inæqualiter quovis modo collocatę visum malè torqueant, & sic plùs officiant, quàm prosint.

18. Et si cava spicilla unica pro Myopum oculis ad objecta dissita commodissimè lustranda satis probentur, nullatenus tamen suadentur ad continuum usum Lentes auctorię valdè convexas, & majoris latitudinis, quę manu obtentę scripturis easdem præter morem augment, & ambos oculos ad lecturam admittunt. Dixi (*ad continuum usum*) Nam Medicis, Anatomicis in discretione arteriarum & minimarum venularum sicut præclaro usui esse possunt; ita è contra ad quęvis obvia minuta objecta, præsertim scripturas continuò adhibere, pessimum: oculi enim cum difformi & ferè semper inæquali refractione radios ab objectis illis minutis accipiunt, ideo-

ideoque cum dolore laborant, ut ritè percipiant. Ufu certè frequentiore visus inde mirum in modum depravari poterit.

Præter perspicilla ludicra, quæ ex Lentibus polyoptris construuntur, nasoque dum apponuntur, rem unam eandem multipliciter augere & in diversissimis locis repræsentare solent, ut supra cap. 12. synt. præced. indicatum est, fieri quoque possunt perspicilla alia, ut vocant, vexativa, quæ naso quidem facillimè & sine incommoditate imponuntur; at non nisi eodem fauciato & vulnerato vix removeri queunt. Artificium est in capsâ amborum vitrorum, ut ubi ea ad nasum incurvatur, aciculæ minutæ filis sericis implicentur & abscondantur, ita ut eadem aciculæ per modum hami acutissimos apices fursum protendant. Sic fit, ut quidem commodè naso imponi queant; at ab eodem sine vulnere vix removeri possint. Si tamen quis innoxie tale perspicillum amovere rursus velit, debet utràque manu adhibita vitra paululum ab invicem retrahere & capsæ curvaturam dilatare, aut saltem cautè deorsum eodem ductu ut imposuit, ipsum perspicillum subducere, quod tamen sine cruore vix effici poterit.

Perspicilla
vexativa.

CAPUT II.

Varia Microscopiorum species proponuntur cum certa eorum construendorum Methodo ac praxi.

Microscopia, quæ & Engyscopia vocantur, sunt instrumenta Dioptrica, per quæ res parvæ comparent magnæ, imò quibus res minimæ visæ ad stuporem usque augmentur & repræsentantur maximæ. Sunt imprimis duplicia, nempe simplicia aut composita, eaque vel seria, aut ludicra. Simplicia voco, quæ unicam requirunt Lentem, & simplici indigent structurâ: Composita, quæ pluribus Lentibus & structurâ, seu variâ compositione construuntur. Seria etiam voco, quæ ad utilissimam minimarum rerum cognitionem ducunt: Ludicra, quæ jucundâ curiositate oculos oblectare ac recreare solent. De hisce capite quarto sequenti; nunc ea quæ seria sunt, proponam, & à minimo, quod esse maximæ efficaciæ adstruitur, exordiar.

Varia species microscopiorum.

P. Marius Bettinus in Apiariis novissimis ad Apiar. 6. §. I. diaphanum penè atomum per quod res penè atomæ apparent prodigiosæ magnitudinis, ita construere docet. Ab iis, qui ad animam (ut appellant) ignis in lucerna minutissima crystallæ elaborant & fingunt, in simulachra rerum minimarum & pretiosarum, accipito diaphanum crystallinum figuræ quidem sphericæ, sed adeo exiguæ, ut sit etiam minus grano milii, atque illud intra exiguum foramen duarum chartularum simul compactarum intercludito, ut sine lapsu appositum oculo transmittat objecta visui. Mox diaphano illi penè atomo transverso atque adherens aliquid penè atomum, verbi gratiâ, minutissimum capillum opponito, atque adfigito; tum oculo diaphanillum quàm maximè proximè apponito versus ærem serenum ac defacatum. Apparebit oculo capillus ille molis, quæ arundinem medio-
& quasi quadam venula subcolorata.

Constructio Diaphanilli minimi microscopici.

Ejus usus & effectus.


Quoniam verò dioptricum hoc experimentum non facillè aliquando apparet ad ærem propter vapores vel alia interturbantia sudum aëris, experientia docuit, nunquam fallere spectrum id dioptricum, si vel noctu ad lucernam introspicias, sitque diaphanillum per spatium bipalmare à lucernæ lumine divisum & oculo applicitum: vel diu sub aperto Sole, aut etiam contra Solem intervideas. Vtroque enim hoc modo apparent apposita objecta jucundè colorata pellucida &c. Quod si alia pilo crassiora velut fila serica vel linea, plumularum apices, minuta ramenta, vel alia, quæ non excedant sphaerulam miliarem diaphanilli, affigas illi, ostentabunt se oculo tanquam chordas majores, trabes, columnas, saxa,

& moles longissimè impares magnitudine, ac superantes objectorum veram exiguitatem & exilitatem. Ex particulis verò adeò amplificatis licet consèctari, quanta nobis tota ipsa è particulis conflata, nisi ab exiguitate diaphanilli impedirentur illudque verà sui mole excederent: verbi gratia, si musca tibiola per id milium crystallinum & dioptricum amplificat sese in arundinem, musca ipsa proportionè saltem in Alitem non mediocris molis excrescet. Hæc Beltinus.

D. Fridericus Schraderus in differt. epist. de microsc. usu, ejusmodi minimarum sphaerularum efficiendarum praxin tradit his verbis; *Fiunt globuli illi commodissimè hunc in modum. Quando Lampadis flamma per siphonem in unum centrum flatu conjuncta parvum vitri prastantioris purinec bullis referti frustulum liquefit, & sic acus Extremitati conjunctum in foco flammæ aliquamdiu relinquitur, ubi in sphaericam figuram more omnium fluidorum in heterogeneo fluido hærentium se componit, & decedit, vel quod adhuc facilius, quando minutissimum vitri ramentum quod madefactum apici acus adhærescit in ceruleam cerei flammam vel ad momentum detinetur, in globulum efformatur aptissimè his usibus inservientem, qui inter duas tenues laminas positus & apto instrumento objecto adaptatus etiam exilissimis rebus plenius conspiciendis sufficit; præsertim si una superficies polièndo plana fiat, ita quippè objecta contemplanda removeri magis queunt, quæ alias propè nimis vitro admoveere oportet, ut luce interdum omni exclusâ distinctè videri non possint, nisi aliquali pelluciditate fuerint prædita, ut à postica parte lumini pariter detur transitus; quapropter minima hæc corpuscula ad candela lumen longè commodius examinantur, quod proximius microscopio jungi possit, majori claritate objectum irradiat, & ad faciè ejus accuratiùs investigandam non leve momentum affert.* Hæc ille.

Praxis efficiendi minores sphaerulas vitreas microscopicas.

Verùm cum ejusmodi minima microscopia suâ non careant incommoditate & quibusvis minutis objectis satis congruè applicari non valeant, simplicia alia construuntur, quæ etiam Lenticulam unicam habent, paulò majoris tamen utrimque convexitatis ex diametro, quæ quanto minor est, tantò magis microscopia augent objecta, viciniùs tamen requirunt eadem applicata; quanto verò major, tanto minùs augent, remotius verò objecta permittunt. Ut porro in exemplo tale aliquod



I R L

itaque tale microscopium lineam 14-es, superficiem 196-es, corpus 2744.

Micro-

microscopium proponam. Fiat Lenticula *A* utrimque convexa ex diametro 5. particularum centesimarum pedis Romani, & ponatur in capsula *B C* ligneâ, ossèâ, vel ex quâcunque aliâ solidiori materiâ super pedunculum *D E* ex ligno vel ossè pariter tornatum elevata, ut figura repræsentat. Per medium pedunculi transversus eat stylus *F G* ex duriori similiter materiâ elaboratus, idemque sit in *G* rursus perforatus erigens perpendiculariter aciculam *G H*, cujus extremitati *H* affigatur pulex aut quodcunq; aliud minutum objectum, cujus corpus & partes distinctiùs perlustrare cupis, eritque instrumentum paratum.

Oculo itaque sic applicatum, ut transpiciat versus objectum minutum in *H* collocatum & moto stylo *F G* donec objectum *H* clarissimè compareat, deprehendes ejus magnitudinem apparentem ad veram esse propè seu circiter, ut 14. ad 1. ita ut lineola minuta *I* comparitura sit magna sub extensione *K L*. Augebit

Microscopiorum compositorum variae sunt species, nam aliqua duabus Lentibus, alia pluribus construuntur: pro quibus debite conficiendis ad praxin serviunt sequentes regulæ;

Regulæ Practicæ pro construendis Microscopiis compositis melioribus.

1. Cum duabus Lentibus Microscopium perficitur, quanto magis Lens altera sive ocularis ab objectiva removetur, tanto quidem major fiet objecti minuti apparentia, at semper obscurior: Et è contra, quanto propinquius aptatur, tantò quidem minor, at clarior imago representatur.

2. Microscopia composita qualiacunque ut plurimum id habent incommodi, quod objectorum paucissimas partes simul exhibeant: conducit tamen valde ad ampliorem objecti apparentiam exhibendam post locum imaginis à Lente objectivâ projectæ proximè ad eandem imaginem duas Lentes convexas oculares debite combinatas applicare juxta doctrinam prop. 7. Synt. 3. fund. 2. præc. traditam, debetque Lens media esse majoris latitudinis sive amplioris apertura & majoris sphaericitatis, ut ibidem indicatum.

3. Lens objectiva in ejusmodi Microscopiis non debet nimium detegi, ne colores iridis affundat objectis, aut minus præcise objecta traducat. Quanta autem apertura esse debeat, melius experientiâ deprehenditur, quàm si certa regula præscribatur.

4. Objectum minutum visibile circa focum Lentis objectivæ poni debet: in quibus autem Microscopiis paulò intra, aut paulò ultra poni debeat, videri potest c. 3. Synt. 3. fund. præc.

5. In compositis Microscopiis Lentes oculares habeant convenientem distantiam, ne vita seu defectus Lentis mediæ potius detegantur, quam imago distincta exhibeatur: unde ultra vel intra situari, deinde ita locatæ sensim objectivæ Lenti admoveberi debent, donec objectum distinctè videatur.

6. Microscopia per duas Lentes sphaericas convexas, etsi diversimodè parari possint, magis tamen probantur, cum Lens objectiva minoris fiat convexitatis, habeatque se diameter convexitatis hujus ad diametrum alterius Lentis convexitatis majoris ut 1. ad 2. vel ut $2\frac{1}{2}$ ad 3. Unde focus Lentis objectivæ poterit esse $\frac{2}{3}$ aut $\frac{1}{2}$ digiti ad summum: Lentis ocularis verò focus fieri poterit unius digiti vel ad summum digiti unius cum dimidio. Ita *Dechales* in *Dioptrica*.

7. Cum plures Lentes oculares adhibentur, prima ad oculum fiat semper acutior, oculus verò propè ad hujus foci distantiam applicetur.

8. Proportiones omnium partium in Microscopiis trium Lentium tales inventæ sunt bonæ ac secundum pedis Romani Rheitani superius assignati divisionem in particulas centesimas proponuntur in Tabulis subjectis ita.

	<i>Particulæ centesimæ Pedis Romani.</i>			
Objecti remotio ab objectivo.	11		9	
Vitri objectivi Diametri convexitatum.	25	14	$18\frac{1}{2}$	$18\frac{1}{2}$
Distantia objectivi à medio.	$81\frac{1}{2}$		95	
Vitri medii plano-convexi Diameter.	plano — $26\frac{1}{2}$		plano — 37	
Distantia medii à primo oculari.	13		21	$\frac{1}{3}$
Vitri ocularis Diametri convexitatum.	plano — 24		30	30
Distantia primi ocularis ab oculo.	13		10	circ. 10.

Proportio
Lentium,

Micro-

*Microscopium Domini Demonconis ex Dechales in Dioptr.
lib. 2. prop. 30.*

Pedis Regii	Digiti	Lineæ	Respondent particulæ centesimæ pedis Romani.	Diameter
Objecti distantia	1	4	circ. 11 $\frac{1}{2}$	circiter
Objectivi focus	1	1	9	18
Distantia objectivi à medio oculari.	15	0	127 $\frac{1}{2}$	
Medii ocularis focus	2	12	21 $\frac{1}{2}$	43
Distantia medii à primo oculari	1	9	15	
Ocularis primi focus	1	5	12	24
Distantia ab oculo	0	6	4	

Aliud adhuc Microscopium trium Lentium indicat *Dechales* lib. 2. Dioptr. prop. 58. cujus Lens objectiva $\frac{1}{2}$ aut $\frac{1}{4}$ digiti focum removet. Lens media focum habet ad distantiam 2. digitorum aut $2\frac{1}{2}$ digit. Distantia ocularium inter se est dupla ferè distantie foci primi ocularis, hoc est, 20. lineis distans, ne detegantur defectus Lentis intermediæ. Duæ verò ita conjunctæ Lentes sensim admovendæ sunt Lenti objectivæ, paulo ultra cujus focum collocatum est objectum, donec hoc satis distinctè compareat. Lenses etiam oculo vicinior poterit non nihil removeri aut ad moveri, donec non tantum distinctè, sed etiam cum maximo augmento videatur objectum. Secundum meam dimetiendi praxin respondebunt propè sive circiter (juxta Rheitæ pedem Romanum supra indicatum, & pedem Parisiensem reformatum, ut *Dechales* tom. 1. Mund. Mathem. tract. 5. Geometr. pract. lib. 1. tradit) particulæ centesimæ, sicut Tabella sequens exhibet.

Pedis Parisiensis Regii.	Digiti	Lineæ	Respondent partes centesimæ Pedis Romani.	Diameter.
Objecti distantia.	0	5 aut 4	4. circiter	
Focus objectivi.	0	4 vel 3	3. vel 2	5
Medii ocularis focus.	2 vel $2\frac{1}{2}$	0	17 $\frac{1}{3}$	35
Distantia inter ocular. medi. & ocularem primum.	1	8	14	15
Ocularis primi focus.	0	10	7 $\frac{1}{2}$	

Verum hujusmodi proportiones solum ut exempla propositæ sunt, non ut præcise debeant observari, sed in iisdem talium Microscopiorum construendorum methodus, & certa quædam praxis advertatur.

9. Fieri quoque possunt Microscopia 4. Lentium convexarum, quarum ad invicem habitudinem talem præscribit *Dechales* Dioptr. lib. 2. prop. 58.

Microscopium Dechales 4. vitrorum.

Focus.	Digiti	Lineæ	Respondent partes 100.	Diameter in partibus 100. pedis Romani.
Lentis objectivæ.	0	6	4 $\frac{1}{4}$	8 $\frac{1}{2}$
Mediæ Secundæ.	1	9	15	30
Tertiæ.	1	6	13	26
Quartæ ocularis.	1	3	10 $\frac{3}{4}$	21 $\frac{1}{2}$


10. In usu Microscopiorum ad objecta minuta melius discernenda conducit oculum unum vel obtentâ manu, vel obscuro velo tegere, quam ope musculorum spontè claudere, uno siquidem ita clauso alterum in perspicaciâ videndi nonnihil impediri certum est.

11. Quânto objectum magis est illustratum ac fortiori lumine perfusum, tanto nitidius ac excellentius pateſcet, maximè cum unâ oculus Microscopium transpiciens ab obscuro loco pervideat. Sic cum in camerâ aliquâ obscurâ microscopium ita disponitur ad Solem, ut oculus inspectoris in obscuro consistat, infima verò pars microscopii cum Lente objectivâ sit extra obscuritatem, & ad lucidissimum Solem posita, accuratissimè singula notari poterunt.

12. Cum aliquæ Lentes objectivæ acutioris convexitatis valdè quidem augeant, at obscurius objecta minuta præsentent; non sit autem necesse nimis aucta vel magna sæpè eadem conspiciere, proderit loco earum Lentium acutiorum alias objectivas minus acutas ac majoris convexitatis applicare, ut distinctius objectorum partes observari queant; imò ut etiam plus de objecto detegant microscopia, prodest objectivam Lentem majoris esse sphaericitatis, sive ex majori diametro, quàm sint oculares.

13. Ad examinandum quaecunque Microscopium, quantum augeat aliquod objectum minutum, aut quam ostendat apparentem magnitudinem, ita procedi potest; Ducatur in candidâ virgineâ chartâ linea aliqua gracilis quantumcunque longa, velut hic est *AB*, & dividatur exactè in minimas particulas æquales, & unica solum prima particula *Ac* expressius signetur. Quo facto applica hanc chartam ad Microscopium, ita ut particula *Ac* distinctissimè, ac fieri potest, compareat. Dum uno oculo per microscopium intentè fixo, alterum oculum extra microscopium ita dirige, ut circini convenienter propè ipsam chartam aperti duo apices videantur ipsam particulam *Ac* per microscopium visam perfectè comprehendere. Deindè eandem aperturam circini transfer & pone super lineam *AB*, & vide quot particulas adæquet: hæ ostendent quorumlibet objectorum minutorum per Microscopium illud videndorum magnitudinem apparentem.

Quomodo effectus microscopiorum inquiri debeat.



Cognitâ in particulis istis minimis magnitudine apparente lineari, facilè deindè in sequenti Tabulâ quadrato-cubicâ videre poteris, qualiter quodcunque Microscopium etiam superficiem ac corpus augeat, prior inventa magnitudo est radix quadrati, ac cubi à latere respondentis.

Tabula quadrato-cubica, in qua datâ diametro apparente per quodvis Microscopium facillimè cognosci potest, quantum augeat superficiem & corpus.

Magnitudo apparens linearis.	Superficies.	Corpus.	Magnitudo apparens linearis.	Superficies.	Corpus.
<i>Radix.</i>	<i>Quadratum.</i>	<i>Cubus.</i>	<i>Radix.</i>	<i>Quadratum.</i>	<i>Cubus.</i>
1	1	1	33	1089	35973
2	4	8	34	1156	39304
3	9	27	35	1225	42875
4	16	64	36	1296	46656
5	25	125	37	1369	50653
6	36	216	38	1444	54872
7	49	343	39	1521	59319
8	64	512	40	1600	64000
9	81	729	41	1681	68921
10	100	1000	42	1764	74088
11	121	1331	43	1849	79507
12	144	1728	44	1936	85184
13	169	2197	45	2025	91125
14	196	2744	46	2116	97336
15	225	3357	47	2209	103823
16	256	4096	48	2304	110592
17	289	4913	49	2401	117649
18	324	5832	50	2500	125000
19	361	6859	51	2601	132651
20	400	8000	52	2704	140608
21	441	9261	53	2809	148877
22	484	10684	54	2916	157464
23	529	12167	55	3025	166375
24	576	13824	56	3136	175616
25	625	15625	57	3249	185193
26	676	17576	58	3364	195112
27	729	19683	59	3481	205379
28	784	21952	60	3600	216000
29	841	24389	61	3721	226981
30	900	27000	62	3844	238328
31	961	29791	63	3969	250047
32	1024	32768	64	4096	262144

Magni-

Magnitudo apparens linearis.	Superficies.	Corpus.	Magnitudo apparens linearis.	Superficies.	Corpus.
<i>Radix.</i>	<i>Quadratum.</i>	<i>Cubus.</i>	<i>Radix.</i>	<i>Quadratum.</i>	<i>Cubus.</i>
65	4225	274625	83	6889	571787
66	4356	287496	84	7056	592704
67	4489	300763	85	7225	614125
68	4624	314432	86	7396	636056
69	4761	328509	87	7569	658503
70	4900	343000	88	7744	681472
71	5041	357911	89	7921	704969
72	5184	373248	90	8100	729000
73	5329	389017	91	8281	753571
74	5476	405224	92	8464	778688
75	5625	421875	93	8649	804357
76	5776	438976	94	8836	830584
77	5929	456533	95	9025	857375
78	6084	474552	96	9216	884736
79	6241	493039	97	9409	912673
80	6400	512000	98	9604	941192
81	6561	531441	99	9801	970299
82	6724	551368	100	10000	1000000

14. Potest etiam per Microscopium quaecunque ad lineam *AB* applicatum facile videri, quantum illud spatium adducat de objecto: Nam super particulas illas debite collocato Microscopio, quot particulae per illud distincte videri poterunt, erunt ea diameter ejus capacitatis de objecto.

15. Structura seu fabrica externa Microscopii plurium Lentium in machinula ad hoc apta diversimode parari potest, ut figurae sequentes indicant. Verum cum Lens objectiva exactam requirat ab objecto distantiam, & saepe minuta aliqua res particulas suas quandoque elatiores protendat, aliquando humiliores demittat, nec praecise in eodem situ partes omnes considerari possint; hinc necessario vel objectum debet fieri mobile & Lenti objectivae conformiter posse ad moveri, vel ipsa machina microscopica ductitia fieri, ita ut Lens objectiva debite objecto accommodetur. Ad primum procurandum servire potest machinae structura in figura 1. representata, ubi infra in pede microscopii cochleola aliqua abscondi potest, quae nodulo suo inferius prominente circumacto ad debitam distantiam elevet objectum in patella repositum. Debet etiam patella in gyrum supra posse converti, ut quovis modo objectum minutum etiam in eadem distantia possit disponi, si orbiculus aliquis supra cochleolam aut stylum quemlibet paulo a latere prostantem ita applicetur, ut in figura 4. & 5. apparet; possunt successive plura objecta eaque diversa valde curiose exhiberi.

Ad secundum procurandum prodest machinae Microscopicae inferiorem partem angustiorem torno in cochleam & sustentaculum in cochlidium elaborare, ut in 2. & 3. figura vides. Sic enim insensibiliter ad quamcunque distantiam objecto debite adduci facillime poterit. Et quia conducit saepe, non tantum directe objecta minuta inspicere, sed etiam oblique partes laterales considerare, hinc quoque in

2. figurâ circa *AB* possunt duo minora fulcra *AC* & *BD* ad infimas partes *A* & *B* per incisuras & commissuras competentes probè claviculis cum annexis cochleolis compressas, ne quovis modo vacillent, mobilia fieri, ac deinde firmari. Et in 3. figura potest brachiolum *EF* (quod in crena excisa est rotundum, in prominente verò parte cochleatum) per cochlidium minutum *G* debite compressum faciliè ad petitam quamlibet obliquitatem firmari.

Microscopii Anglicani partes.

A locus inspectionis.

BC locus primæ Lentis ocularis.

CD locus secundæ seu mediæ Lentis.

F locus objectivæ Lentis.

E cochlidium sustentans microscopium, quodque cochleola *I* quovis modo obliquè firmari potest.


K crusta orichalcea, quæ à cochlea *N* ad lubitum firmari potest.

LM penna chalybea.

GH fulcrum.

P Orbiculus objectorum sedes cum brachiolo *O* quaquaversus mobili.

Qui accuratiorem tum Anglicani, tum aliorum Microscopiorum descriptionem desiderat, videat Collegium curiosum J. Chr. Sturmii ten. 15.



CAPUT III.

Experimenta & varia observationes per Microscopia.

Experi-
ta Micro-
scopica.

Tanta est sensuum nostrorum fallacia, scribit Athan. Kircherus de luce & umbra lib. 10. part. 2. cap. 8. §. 5. pragm. 2. ut ἀδύνατον ferè sit ad perfectam rerum naturalium notitiam pervenire, nisi aliquo fulcirentur, quo latentes rerum recessus in lucem eruerentur. Cum enim juxta Philosophi illud Epiphonema, nihil insit in intellectu, quod in sensu non prius fuerit; quomodo de rerum naturalium fabricâ rectè & solidè philosophabimur, si abstrusissimas partium compositiones nesciamus? Hæc autem est divina illa Opticæ scientia, quæ quod abditum est, è profundissimis tenebris in admirabile lumen educit. Certè multa corpora omni vitâ & animâ destituta huc usque creditum est, quæ tamen Dioptrica vivere deprehendit. Quis credere posset, acetum & lac innumerabili multitudine vermium scatere, nisi id semicroscopa Ars hisce ultimis temporibus summâ omnium admiratione docuisset? quis in animum unquam inducere potuisset, viridem colorem in foliis citrorum omni colorum genere compositum, nisi id Smicroscopa Ars detexisset? Quæ omnia experientia rerum irrefragabilis Magistra nos docuit. Hæc non ita pridem detexi folia Liburni & Lentisci prorsus verminosa, & omnia genera herbarum ex diversis mirificisque filamentorum contexturis composita. Ricini folia per hæc inspecta innumerabili stellatarum figurarum coacervatione contexta summâ delectatione intueberis. Corticem Cerasi per totum immensâ arbusculorum copiâ depictum deprehendes. Verbo singulas radices, folia, fructus, semina, ut specie distincta, ita diversis figuris constare reperies. Quæ omnia, si hujus Dioptricæ Magiæ adminiculo eruerentur, ingenti sanè Rempublicam literariam thesauro brevipotituram, nemo ambigere debet. Ita peroptimè Kircherus. Verùm jam ad experimenta rariora per microscopia comperta, tumque ab ipso Kircherò, tum ab aliis perscripta, & propriâ etiam experientiâ comprobata procedamus.

Obfer-

Observationes Microscopicae.

1. Accipe ex alveari excrementitias partes apum, easque diligenter microscopio examina, & videbis summâ animi voluptate frequentes primò quidem veluti folliculos quosdam, mox iis ruptis vermiculos, quorum alii jam crucas referunt, alii verò, dum alis assumptis, quas frequenti inspectione jam in perfectas apes formatas comperies, ut proinde nullus in apum genesi coitus necessarius sit, nulla maris cum foemellâ copula perfectis animantibus similis, quemadmodum multi censuerunt, sed vel ipsum bestiolæ spermaticum excrementum intra breve tempus ob seminium insitum aliunde decisum in apem efformatur. Ita Kircherus in Mund. Subt. lib. 12. sect. 2. cap. 2.

Apum gen-
nclis.

2. Augustus Hauptmannus in libello de vivâ mortis imagine, ut refert idem Kircherus Mund. Subt. lib. 9. sect. 1. cap. 4. luculenter demonstrat, omnes morbos ex putredine malignante exortos suam ex verminosâ substantiâ originem habere, additque fuisse in gangræna ex venereâ Lue exortâ per microscopium observatòs vermes fere insensibiles limacum formâ, qui intra carnes gangrænâ infectas non secus ac vermes in caseo fodicando fusque deque verterent omnia, & tam velocis generationis, ut unus ejusmodi vermiculus chartæ impositus, spatio, quo psalmus *Miserere* recitari posset, quinquaginta alios extra corpus rejecerit, qui uti ex se & suâ naturâ venenosi sunt, ita quoq; quâmcunque carnis vivæ particulam contigerint, insitâ malignitate in tabem reducunt. Cur itaque non obstante carne vivâ in gangrænosis rescissâ nihilominus malum serpat, causa est, quod vel unicus istiusmodi vermiculus in vivâ carne remanens derepente alios innumeros similes generet, unde hi serpiginem quadam malum sine modo propagant, hinc acidissimis acerrimisque liquoribus ad eos interimendos opus esse colligunt.

Observa-
tio mira
circa gan-
grænâ,

3. Aquam pluvialem aut etiam fontanam phialæ vitreæ inditam expone Sole æstivo locis pulverulentis (quemadmodum egò extra fenestram quæ publicam respiciebat plateam, eam exposueram, ait idem Kircherus Mund. Subt. lib. 12. sec. 2. c. 4.) & hoc pacto orificio phialæ aperto quiescat, & videbis pulverem ex plantâ equorum curruumque agitatione exagitatum intra breve tempus aquæ in phialâ contentæ cutim quandam inducere, quam si parumper exagites, videbis pulverem in fundum tendere, ibique sub formâ sedimenti manere. Hoc peracto post aliquot dies diligenter examinabis limum, & veluti bustulas quasdam reperies, quæ sunt vermium matrices: ex his enim vermiculis primum quidem non nisi oculo armato sensibiles comperiuntur, qui identidem crescentes tortuoso motu aquæ innatare magno numero solent, quæ ubi competentem maturitatem acquisierint, tunc aquæ & lateri phialæ admotæ mox ubi aërem attigerint, ecce intra paucillum temporis pedibus alisque assumptis in cyniphes seu zensulas animantur.

Quomo-
do vermes
in aquâ
pluviali
fieri pos-
sint.

4. Genesin muscarum ita referente eodem Kircherò in Mund. Subt. tom. 2. lib. 12. sect. 2. deprehendes. Muscarum cadavera collige, eaque prius aqua mellita macerata supra laminam æneam impone, deinde laminam Chymico more supra cinerem aut arenam calore lento carbonibus suppositis, aut etiam fimo equino tepescitam expone; & videbis primò microscopii ope insensibiles quosdam vermiculos nasci, deinde alis assumptis sensibilibus in muscillas, & tandem ad sensum crescentes in perfectas muscas animari.

Genesis
muscarum

5. Accipe particulam carnis, quam noctu Lunari madiori usque ad sequentis diei exordium expositam relinques, deinde illam attentè Microscopio contemplaberis, & reperies totam à Lunâ contractam putredinem in innumerabiles vermiculos diversæ quantitatis degenerasse, quos tamen seposito Microscopio nullo visus acumine deprehendere queas exceptis iis, quos moles notabilis, in quam excreverunt, sensibiles facit. Idem experieris in caseo, lacte, aceto, similibusque putredine redundantibus corporibus. Idem Kircherus in libello de Peste sect. 1. cap. 7. §. 2.

Experi-
mentum
circa car-
nes lunari-
bus radiis
expositas.

6. Si serpentem in minutas partes concisum pluviali aquâ maceratum Soli ad nonnullos dies exposueris, deinde in terrâ per integrum diem & noctem sepelieris,

Experi-
mentum
circa ser-

pentes
conciſos.

& poſtea exceptas putredine flaccidas partes Microſcopio examinaveris, invenies totam illam putredinem tantâ ſerpentulorum pullulantium multitudine ſcatere, ut nemo adeo Lynceus ſit, qui eos numerare poſſit; quod idem ſubinde ſenſibili intuitu comperies in ſerpentibus occiſis & putrefactis, idque de omni ſerpentum genere veriſſimum eſſe, ait idem ibidem.

Cur Salvia
non lota
ſit noxia
ſumentibus,

7. Salviam non lotam oppidò noxiam ſumentibus, jam olim Matthiolus, Fuchſius & alii complures Botanici fatentur; imò nonnullos, teſtis eſt Mizaldus, ejus Eſu derepente concidiſſe mortuos: cauſam in neſcio quas rubetas ſuo radices intoxicantes halitu conjiciunt; at ego aliam hujus rei cauſam detexi, ait *Kircherus* ibidem. Dum enim Microſcopii ope minutius hujus plantæ conſtitutionem examinarem, adverti tandem foliorum aſperitate quâdam pollentium extrinſecam ſuperficiem totam opertam veluti aranearum texturâ quadam, intra quam minutiffima animalcula compæbant, quæ labori perpetuo inſiſtebant cum bullulis quibusdam veluti ovis ſuperficieï offuſis; quæ uti procul dubio foetura quædam animalculorum iſtiusmodi eſt, ita virulento ſuo humore ingentem homini noxam adferre poſſunt. Quæ tamen vel digito abſterſo folio, aut aquâ loto ſtatim diſparebant; unde veram cauſam pernicioſæ qualitatis Salviæ non lotæ collegi.

Nulla herba,
ex qua
non inſectum
ali-
quod e-
mergat.

Si porro experimentum in reliquis herbis feceris, ſummâ admiratione reperiſ, nullam herbam eſſe, ex cujus madore ſeu mucore putrido non inſectum aliquod emergat, quod primo quidem ſe ſub minutiffimi vermiculi aut eruculæ figurâ ſpectandum exhibet, mox alas acquirit, & in papilionem vel alterius cujuſpiam volatilis inſecti ſpeciem juxta herbæ plantæve conditionem tranſmutatur.

Experimentum
circa
lignum ca-
riofum.

8. Si carioſum cujuſcunque ligni pulverem Microſcopio examines, immenſam vermiculorum pullulaginem, quorum nonnulli corniculis inſtructi, quidam alatum quid affectant, aliqui polypodiis vermibus non abſimiles reperiuntur; oculos quoque inſtar punctorum nigrorum cum probosce advertes.

Acarus,
quomodo
per micro-
ſcopium
compa-
reat.

9. Viſui non armato minutius Animal Acaro non occurrit, utpote candidi puncti ſimilitudinem præ ſe ferente; quod tamen Microſcopio viſum animal piloſum & proſus urſo ſimile exhibetur.

Mirabile
experimen-
tum ara-
nearum
capienſiū
muſcas.

10. Experimento pariter mihi non ita pridem innotuit, ait *Kircherus* ibidem in libello de Peſte, Araneos in capturam muſcarum intentos mox ac reti ſuo involutas offenderit, in foramen vicinum deponere; quod ſi per microſcopium examinaſ, innumeræ mox veſpulæ comparent, quæ quidem excludi non potuerunt, niſi ex incubitu quodam Aranearum.

Papilio-
num ge-
neſis &
origo.

II. Papilionum ortum deſcribit *Kircherus* in Mund. Subr. lib. 12. ſect. 2. cap. 3. hoc modo; Accipe crucam ex oleribus, aut tamarifco, aut ex aliâ quavis pinguioris ſucci herbâ natam, quam inverſo vitreo ſcypho, ſuperius tamen parumper aperto ad aëris attractum includes; unâ ei herbæ illius, ex quâ excrevit, folia ad nutrimentum appones; ex iis enim, ex quibus nutriuntur, conſtant omnia. Hoc peracto diligenter obſerva, ejus operationes, & invenies primò bene paſtam & ad determinatam à Naturâ molem deductam ab omni cibo ceſſare, & poſtico vitri latere adhærente filis ſeſe paulatim involvere, aptumque integumentum concinnare, intra quod mirificæ tranſmutationis exordia moliatur; eſtque folliculus quidam mirâ arte ex viſcerum pituitâ contextus, quem Phyſiologi *Aureliam* vocant: in hoc enim rerum ſtatu ferè 14. aut 15. dierum ſpatio perſiſtere comperies. Deinde obſerva diligenter colorem, quem ad vicinum excluſionis tempus mutare ſolet, ferè in aliquid diaphanum: & hiſce ſignis obſervatis primò videbis folliculum paulatim findi, & papilionem egredi quadruplici alarum remigio, nec non iis coloribus quibus eruca imbuta fuerat, conſpicuum egredi; quorum alæ tantum mox incrementum ſumunt, ut quaſi ad oculum ſenſibiliter creſcere videantur; colores verò, qui in eruca non niſi macula erant, jam eos in alis miro ſtriarum ordine depiſtos exhibeant tantâ figurarum varietate quantam ſatis mirari non poſſumus. Si hujusmodi in amplioribus vitreis vaſis unâ cum plantis incluſeris, videbis mox inſtin-

instinctu quodam naturali & miro ea ad se invicem advolare, & unâ excrementum quoddam ovis pulicum non dissimile emittere, quæ si microscopio diligenter examines, videbis intra exiguum tempus, ea in novos vermiculos animari, hosce verò dein in chrysalides, & denique in novos papiliones transmutari. Atque hoc pacto infallibili experimento cognosces erucam primò parere aliquid simile ovis, quod nos ejus spermaticum excrementum dicimus, & non tantum intra holerum folia plicata, sed & inter alia plantarum folia datâ operâ eo fine à papilionibus plicata reperies, ne à pluvîâ destruantur. Hosce si microscopio observaveris, videbis apertissimè ex iis vermiculos quosdam, quales ferè in Ulmorum Lentiscorumque folliculis videre est, mox excludi, & obviis pascuis intra breve tempus ita ingrandescere, ut perfectas hirsutas erucas referant, quæ deinde in chrysalides, & denique in novos papiliones vertuntur, durantque toto ferè tempore æstivo: Sole verò libram transeunte mortui conduntur intra terram, ex quorum dein, Sole Arietem subeunte, tum spermatico ovorum excremento, tum ex proprio busto in novos vermes, dein in chrysalides, & tandem in papiliones animantur.

12. Bombylios sive bombyces pretiosi serici filatores constat, originem suam ex moro seminio aliunde deciso trahere & nasci. Unde si tum corticis, tum foliorum mori texturam microscopio observes, naturam eam ita texuisse reperies, ut sericum flavum fibris suis proximè æmuletur. Unde bombyces proveniant.

13. Locustarum origo, quam inde pestis secuta est, traditur hoc modo. Anno 1656. Romanos agros ingenti damno infestavit pestis, quæ ex siccitate præcedentis anni originem suam traxerat. In agris passim nidi pleni hujus animalis foetura reperiuntur. Primò enim, uti microscopio spectabantur ova, deinde vermiculi, ex quibus nonnulli sine alis, quidam jam alas sibi fabricare videbantur: qui Soli expositi intra exiguum tempus, quo quis coronam Divæ Virginis recitaret, in locustas hinc inde saltantes conformabantur; exorti nil in segetibus intactum relinquebant, ita ut neque arborum quidem foliis germiñibusque perniciofa horum animalculorum gula satiari posse videretur, quos & anni insequentis pestis magnâ hominum strage subsecuta fuit. Locustarum origo, & inde exorta pestis.

14. Bruchorum genesin observabis ita; Bruchos unâ cum nidis in pulverem conterere; deinde vas qualecunque tandem illa terra, in qua avenacei cauliculiคอมพิวเตอร์ putruerunt, impleto, cui si pulverem paulò ante paratum commiscueris, & succo muscoso fruticem aquæ pluviali commixtum rigaveris, fiet, ut id calenti aëri expositum intra octiduum in innumerabiles quâ bruchos quâ locustas animetur: quas dum luculenter observabis, ubi vitrum inversum superiusque apertum vasis limbo ne avolent, accommodaveris. Bruchorum genesis.

15. Lampyridum sive nitedularum vel cincindelarum genesin ope microscopii adverti posse, docet Kircherus, dum ait; Nos per coitum earum propagationem admittimus quidem; eo tamen modo, quem de cicadis, locustis & scarabæis docuimus: sed hanc quoque sponte nasci asserimus ex putrido ligno aut herba seminio prius infecto: vix enim putridum lignum in campis reperies, cui tempore quo nasci solent lampyrides, non insideant; si enim microscopio istiusmodi lignum tempore opportuno observaveris, videbis primò veluti insensibiles quosdam folliculos ad instar ovorum, quibus ruptis exit vermis, qui inter exiguum tempus assumptis alis in coleopteram cincindelam transmutatur noctu intensa luce fulgentem. Lampyridum sive cincindelarum origo.



16. Scorpionum cadavera contrita intra vitrum conde, quibus si aquam ocy-mo maceratam superaffuderis & Soli æstivo per diem exposueris, quod si sagaci & armato oculo inspexeris, totum hoc mixtum in innumerabilem scorpionum foeturam degenerasse reperies: quod idem tam in vivo, quam mortuo non contrito evenire reperies, siquidem ex corpore excrementum quoddam ejicitur, quod totum in similes sibi scorpiones convertitur. Scorpionum progenies.

Araneorū
exortus,

17. Araneos ex pulveribus humiditati junctis nasci constat. Primò enim intra oculos erumpunt velut ova quædam folliculis inclusa, quibus ruptis exit insensibilis quidam vermis seu araneolus omnibus jam membris constitutus, qui vix dum exclusus est, statim texturæ operi admotus fila tenuissima & non nisi armato oculo sensibilia texere incipit; imò ex uno subinde hujusmodi folliculo ad 20. 30. aut 40. foetus erumpentes vidi, ut proinde fecunditatem animalculi satis admirari non potuerim. In Salviæ foliis potissimum hujusmodi Naturæ portentum me observasse memini, quæ innumeris telis unâ cum ovis araneisque minimis obsita, cui-cunque ad ea microscopio observanda animus est, reperiet. Ova candida sunt, & adeò tenuia, ut atomi videri possint, quæ compressa tamen utpote folliculis circumdata strepitum quendam edunt: ea quoque calore modico fota statim quam dixi, araneunculorum multitudinem excludunt. Plura alia circa ejusmodi insectorum genesim videri possunt apud Kircherum libro supra citato.

Aranei
plures ha-
bent oculo-
los.

18. Observavit Fontana Araneos sex oculos habere: Borellus octo deprehendit sine ullâ caligine, & quidem Lunatim dispositos, in fronte sex in prima phalange, & duos in secundâ. Quare non est mirum, si animal illud acri acie præditum sit, & si tantâ cum celeritate muscas petat. In Araneis etiam observavit Borellus motum cordis, os amplum & virescens horridumque pilis cum appendicibus quibusdam semper mobilibus, & in quibusdam araneis rubescentibus: totum corpus pilis consitum habent: oculos facilius in Araneis macris & longis vidit. Fontana ait, eos tantum quatuor in fronte, & binos in capitis vertice oculos habere indicibili ordine distinctos, hispidis setis septos, dentes etiam, ungulas aquilinas & nigras instar urfi: setam verò vel telam ab ore depromunt: caudam verò seu eminentias podicis caudaceas mobiles habent.

Ordo oculorum sex in Araneis.	Ordo oculorum octo in Araneis.
	

In quibusdam 4. tantum oculos observare licuit; variæ enim sunt Aranearum species. In pedibus verò seu appendicibus ori proximis pilorum penicillum habent; 10. juncturas in pedibus, inter pilos corporis parvos quidam longi sparsi sunt quasi calcaria gallorum: in spoliis earum multæ tuberositates, & oculi optimè 8. melius, quàm in vivis cernuntur. Quadraginta ova Aranearum in telæ suæ marsupio pendentia instar gemmarum vel unionum translucidorum vidit Borellus, & in eis mirâ cum voluptate punctum nigrum cordis principium.

Limaces
habent
dentes a-
cerimos,
item oculo-
los in corni-
bus &c.

19. Dentes acerrimos non solum in limacibus esse, sed quod mirum est, nulli alteri forsan à naturâ animali concessum, oculos habent in cornibus, sed ductitios, & videbis nigrum eorum ab interiori cornuum parte seu à cerebro ad eorum apices ascendere, cum moveri cupiunt & gressum suum dirigere, quo cornua convertuntur. Aure unicâ etiam præditi sunt, & in corpore eorum jecur, venæ & arteriæ & cætera omnia deprehenduntur.

Oculi plu-
rimi in
muscis.

20. Oculi muscarum 300. quadratula seu cancellos habent. Sic muscæ res tantum per cancellos vident, quamvis & oculos sub alis habere observatum sit. Ungues muscarum aquilini sunt, unguibusque felium simillimi. Ebuliens quoque sanguis non sine admiratione in iisdem cernitur.

Mira circa
erucas,

21. Erucae multæ in dorso versus caudam tres quasi umbilicos rubeos habent, quædam verò duos tantum, è quibus quasi menstrua seu rubrum quid effundunt.

Sericeos
vermes.

22. Sericeis vermibus sericum non ab ore, sed è mammis, quibus dorsum eorum scatet, eructare cernitur, quod ore quidem decerpunt & applicare solent.

23. Clausiporcæ fœminæ sub ventre quasi è mammis pendentes 12. circiter minutos foetus, deferunt, in quibus tamen etiam oculi optimè distinguuntur.

24. In

24. In pediculo præter formam horrendam ingentem transparentiam observabis, cujus favore circulationem sanguinis in corde ejus cum admiratione videbis; & si cum pulice jungas, pugnam quasi duorum monstrorum tanquam in Amphitheatro cernes, ut & motus ac ebullitiones sanguinis ab ira excitatas.

Pediculi
forma &
ejus cum
pulice pugna.

25. Pulex figuram obtinet squillæ vel cancri fluviatilis, multosque aculeos uniformes horrendos habet, præcipuè in coxis & tibiis, & in cameli, ut ita dicam, formam exurgit. Et si pulicem prægnantem exenteres, videbis ejus extra, intestina ovæque, ex quibus liquor, si acu perforentur, effluit. Ex ovis pulicum advertit Kircherus Mund. Subt. lib. 12. sect. 7. cap. 7. ingentem eorum copiam emeruisse, qui primò quidem candidi, sed vix dum exclusi mox nigro vestiti sunt indumento. Referente Schotto in Mag. Natur. part. 1. lib. 10. circa finem est, qui non semel vidit microscopio aliisque ostendit pulices ab aliis minutissimis pulicibus infesos, qui eos, ut putat, moribus vexant, & à noxio forsan sanguine, ut illi nos, liberent. Hoc verè mirabile, si verum est.

Pulicis
figura
mirabilis.

26. Pulvis casei, & ex eodem est animal, quod dorso hispido & hirsutem non malè æmulatur, supercilia habet leviter ducta, & quasi penicillis descripta, oculorum grandes orbis subnigros latumque lumen reddentes; totum corpus eleganter coloratum est, unguiculis etiam & ungulis armatum. Ejus motus & manducatio, imò & excrementorum educatio cernitur; cornicula etiam habet, & tres in cauda aculeos.

Pulvis
casei &
ex
eodem
animal.

27. Vermes in larido veteri non solum oculis & villis horridos vidit Borellus: sed, quod mirum, alia animalcula alterius figuræ oculata & villis horrentia percepit.

Vermes
in
larido.

28. Ex cadavere unius formicæ innumeras alias nasci, adeò ut totum formicæ cadaver in formicas resolvi videatur, observavit Kircherus, ut innuit in Mund. Subt. lib. 12. sect. 2. cap. 6. formicas etiam oculos habere compertum est: nam si ova earum alba inspicias & in eis albas formicas reperies, in quibus oculos nigerrimos advertes.

Formica-
rum origo.

29. Vermes non tantum in aceto, Lacte præsertim acido, sanguine febrientium, sed etiam in serpiginibus, scabiebus aliisque morbis cutaneis, & plerisque ulceribus, & eorum emplastris cernuntur. Item, in nasi poris multorum hominum vermes capite nigro observantur, tanquam lacertæ & araneæ in foraminibus suis delitescentes. Verisimile est in omni re, dum putrescit, vermes generari. Est qui vermes in aceto enatos exuvias instar serpentum ponere didicisse se asserat.

Vermes
in
variis
rebus.

30. In ovi germine per paucos dies incubatione foti pullum etiam parvum formatum esse cernes, & cordis motum.

Experimen-
tum in ovi
germine.
Capilli, uti
appareant.

31. Capilli concavi, & ut canales pertusi ac perforati sunt, adeò ut pennas anserum referant, & varios colores & quasi irides repræsentent.

32. In floribus venæ & succus quo nutriuntur, percipitur, & quomodo succus ille in eis congeletur & fluat, inque earum venulis florida innatans ambrosia, teste Fontana.

Florum
venæ &
succus.

33. Si semen phaseoli vel amygdalæ aquâ calidâ emollias & aperias, acuque optimam germinis ejus anatomiam facias, plantæ formam in eo reperies.

In semine
phaseoli
apparet
ejus ger-
men.

34. Fibræ, venæ, maculæ omnesque defectus gemmarum, & etiam occultissima in eis vitia deteguntur.

Maculæ
gemmarum.
Notabile
in pennis
avium.

35. Pennæ avium si aspiciantur, coloribus miris distinctæ apparent, sed quod mirum, si villum unicum eorum inspicias, illum instar pennæ integræ utrinque villis ornatum ut Solem invenies.

In nive.

36. Nivem sexangulam rectiformem & variis figuris juxta varios dies efformatam distinguere licet, inque illis villis se mutuò secantibus quasi magneticum quid, quo se ex una parte, & non ex alia jungant. Sic etiam Sal Ammoniacum apparet aliforme, Nitrum conicum, Sal marinum quadratum, Alumen octangulare, Vitriolum polygonum.

In Axungia & pinguedine.

37. Quod Axungia & pinguedo in parvis bursulis coagulata sit, & in peculiaribus membranaceis capsulis ubique in corpore nostro hæreat; quod crinium radices solummodo per certa subtilissima vascula alimentum recipiant, pars verò reliqua extra cutem protrusa pennarum instar in avibus sine omni nutritione maneat, microscopiorum usu innotuit, & similia plurima ad humani corporis fabricam penitus cognoscendam apprimè spectantia.

Mirabilis constructio urticæ & unde eas tangentibus molestus ardor.

Scintillæ ex chalybe excussæ mira filicis structura.

38. Mirabilis planè constructio est urticæ, teste *Rob. Hoëckio* Micrographiæ observ. 25. hujus enim spicula apum aculeis simillima sunt: simul enim ac cuti illa infiguntur, in basi eorum hærentes vesiculæ comprimuntur, ita ut humorem acrem contentum fundant, qui per fistulosos apices vulneri infusus, pruritum, ruborem & ardorem in cute molestum tangentibus excitare solet.

39. Cum scintillæ beneficio pyritidis ex chalybe excutiuntur, talis halitus sulphurei beneficio Chalybem liquefcere & guttarum formâ decidere deprehenditur: quæ guttæ Microscopio subjectæ in medio concavæ & exactissimè rotundæ conspiciuntur.

40. Rara & valdè elegans filicis seminis structura videri potest: dum enim granula illa in dorso filicis hærentia per microscopium melioris notæ inspiciuntur, apparent aliud non esse, quam multa parva folia ita sibi invicem apposita, ut bursulam quasi seu folliculum constituent, in quo multæ rotundæ siliquæ delitescunt, veri seminis visum nudum penitus fugientis, receptacula, quælibet autem illarum siliquarum peculiari suo pedunculo in folliculo firmatur, qui non tantum imam siliquæ partem attingit, sed totam penè ejus peripheriam cingit: ac quod imprimis curiosum est, pedunculorum quilibet siliquâ ad maturitatem appropinquante elateris in modum se expandere nititur, adultâ verò illâ ac jam perfectâ, tandem etiam subito diffilit, ut disrupta per medium siliqua, cui firmiter junctus est pedunculus, contenta seminis granula (qualia in unâ siliquâ ultra 40. interdum numeravit *Fridericus Schraderus*, ut ait in dissert. epist. de microscop. usu) è longinquo spargat, & in terram quasi disseminet.

Valdè mirabile circa erucas in tuberibus salicis repperitas.

41. *Franciscus Redi* tract. de insect. pag. 291. tradit, erucas in tuberibus salicis repperibiles, quas tamen ex seminio à muscâ in illis deposito generari, non semel cum jucunditate se conspexisse ait, muscam scilicet uteri processu in tenuissimum aculeum desinente nodos & tubercula recentia salicum perforare (ita ut ad maturitatem vergente salice vestigia hujus perforationis non appateant) atque sic ovula minima & visum omnem fugientia deponere, quæ post exclusionem crescentia triduo vel quatrinduo elapso, indaganti conspicua fiunt. Ex tali ovulo postmodum vermiculus fit viginti pedibus instructus, qui postquam interiora omnia consumpsit, extimâ tenui cuticulâ remanente, loci angustia ob excrementorum copiam coactus erumpit, anu tunicam perforat, corpus foras exonerat, tandemque alimento omni absumpto egreditur, & in terram prolabitur, quam ad dimidii fere pedis altitudinem fodit, ibidemque constitutus telam componit, ac postquam per aliquot menses ibidem delituit, Vere adventante, & salice rursus progerminante in muscam mutatur, ac avolat.

Vermiculorum casei generatio.

42. Notatu dignus quoque est vermiculi casei generationis modus, ait *Schraderus* in dissert. epist. de microscop. usu. Musca scilicet ex longo suo uteri processu valdè acuminato ubicunque minimum offendit in caseo foraminulum, ova vel ducenta excernit, ex quibus genitus vermiculus ille casei sensim sensimque caseum exedit, usque dum ipsum ejus meditullium penetraverit. Plurima iste vermiculus sub microscopio examinatus monstrat curiosissima, cerebrum, spinalem medullam, nervos, bronchia aliasque adhuc minores partes, imprimis singularem penis structuram, qualis fortè in nullo animali vel insecto hactenus visus, incurvatum scilicet instar capreoli in vite, in extremitate amplo foramine donatum.

Pulicum generatio.

43. Narrat idem *Schraderus* ibidem pulicum generationes eodem fermè modo, atque papilionum per variam metamorphosin fieri, ita ut ex ovulo eorum alicubi

bi deposito primò vermiculus excludatur, qui telæ à se contextæ inclusus chrysalidem constituat, & æstate appropinquante in verum pulicem erumpat, atque sic generationis etiam negotium minimorum ejusmodi animalculorum, ait, hoc sensuum adjumento multò clarius fuit redditum & ignobiles etiam vermiculos quos casu fermè, & ex nullo præexistente semineo fieri antiquitas opinabatur, pariter ac maximas belluas ex ovulis suis gigni, experimentis innumeris est confirmatum, ut proinde spontè nascentia hætenus credità hodiè fere evanuerint. Ita ille.

44. Liquores plurimos pro purissimis habitos & nullâ labe inquinatos, vermiculistamen innumeris sæpissimè scatere per microscopia exploratum est. Sic aqua cui piperis nigri pulvis per noctem injectus manè viventibus ac hinc inde se variè moventibus vermiculis plena conspicitur, in quibus cum caput, oculos, pedes, caudam clarissimè distinguere liceat, ridiculum est reverà viva hæc animalcula esse, præfraçtè negare velle.

Purissimi
liquores
sæpè innu-
meris ver-
miculis
scatent.

45. Muscus coralloides *Bauhini* (cujus rami sunt candidi, in summitatibus tamen rubescentes) fructifer comparet, & quâ partè ramusculorum extremitates rubescunt, ternis baccis superbire videtur.

46. De Muscâ aquatica observavit expertissimus D. *Joannes de Muralto* Phisicus Tigurinus, (ut refertur in Anno 2. decur. 2. Ephemer. German.) eam è Phryganio perfectò & extra aquas repente noctu caput & dorsum incurvando, dum testam seu corticem ambientem frangit & dividit, sese extricare capite exerto cum pedibus, antennis, alis ut thecula convolutis: alvo item & caudæ setis exuvias suas deponere, mox evolare in altum alis membranaceis longis siccis, leviter fuscis nigris lineis reticulatis. Oculos item habere convexos atque è plurimis veluti speculis nigris, & rhombò conflatos. Dorsum nigris fimbriis, & lilio gallico, sed obscure notari. Alvum habere è decem annulis hirsutis pallidis & ad extremum rubentibus conflatum. Præter plura aliâ.

Musca a-
quatica
Tigurina.

47. De Phryganiò, à quo muscâ priùs descriptâ procedit, idem compressis observavit, quod habeat intra caput pro cerebro mukum, & ad pectus carnem infor- mem: corculo analogum quid inter alba vascula spiritalia sub collo mobile: hæc autem vasa nivea quod aère plena per alvum quoque & uterum disseminata sint; item quod ventriculum habeat oblongum cum Oesophago virescente fartum cibo, illumque ambient intestina tenuia crocea coronæ instar usque ad anum.

Phryga-
nion.

48. Phryganion perlæ, ait idem ibidem, totum cinereum est colore, lento gradu repens, cimici Sylvestri haud ab simile. Alvus illi lata & hirsuta utrinque novem annulis nigricantibus maculis insignitur, tribus vero in locis pingitur antè, & descendentes lineis duabus in taleolos scilicet cavos quasi secatur: fimbriæ alvi pilosæ, & tenuissimè sectæ sunt. In intestinis & cæteris vasculis internis liquor virescens limpissimus cernitur. Vasa hæc resolvuntur omnia in prælonga filamenta serico tenuissimo simillima, ventriculus præterea cum intestinis aère plenus advertitur.

Phryganiò
Perlæ.

49. Pygolampis lacustris, quæ cantharis est aquatica vagino pennis eodem observatore pectus versus spiculum seu proboscidem tribus articulis hispidulis mobile gerit, uti cicadæ in Gallia Narbonensi. Ventriculum habet articulare atrâ materiâ repletum: intestinula ei sunt albida & tenuia. Ovarium viridibus atque oblongis, at nonnihil incurvis & propemodum lunatis ovulis refertum habet: pedum opè mirâ celeritate modò superficiem aquæ perreptat, modò ejus fundum huc illucque se trajiciendo petit: Dum autem in aquis ita fertur pygolampis, mirabili cando- re atque splendore alvus ejus coruscat, & argentum vivum quodammodò refert, unde & hoc nomen sortitum animalculum, nempe lanuginè quâdam tenuissimâ alvus est obducta, quæ fulgore hocce in aquis conspicua est. Accedit, quod insectum hoc nonnunquam podicem extrâ aquam effert, ac villosis pedibus posterioribus aërem & aquam simul atterit, ita ut bullulæ minimæ alvi lanugini se insinuent, atque hinc quasi mercurio vivo illitum apparet.

Pygolam-
pis lacus-
tris.

Mira de
oculis per-
larum.

50. Mira sunt quæ de Perlis præstantissimo muscarum genere, ac comprimis de earum oculis observavit D. *Christoph. Menzelius*, ut patet in *Ephem. Germ. Decur. 2. Ann. 3. observ. 42.* ait enim ibidem: Si Perlam considero, & missis cæteris partibus ejus tantum oculorum structuram perlustro, inextricabilem quandam iridem & labyrintheos recessus in iis invenio, stupendumque videndi sensum. Nam cum reliquorum insectorum oculi rotundi prostant, suosque limites in eorum capitulis habeant; in perlis tamen totum caput ambiunt, quod tanquam unica cornea tunica circumfusum apparet instar rotundi unionis, à quo ipsis nomen perlarum accidit. Posito itaque hoc, sicut verum deprehenditur, quod totius capitis ambitus nonnisi ex duabus tunicis corneis pellucidisque constet, per quas omnis videndi actus perficitur, atque in oculum transit, quidquid se visui offert, sequitur inde, quod ob figuram rotundam & gibbam harum tunicarum omne visibile per totum ubi perla degit, horizontem, nisi quid obstat, se sistere possit hisce perlæ margaritiferis ocellis. Non enim perlarum latet oculos vel immoto capite, quid insidiarum ipsi à lateribus fruatur, quodve à tergo quis machinetur, nullâ habet opus circumspeditione perla exquisitissimo visu undiquaque prædita. Admirandum atque ab Artifice quovis excellentissimo Optimo explicandum, quomodo ejus pupilla (punctulum illud nigrum in oculis ex profundo spectabile, infinitis aliis punctulis ex reticulari quâdam texturâ elucentibus circumstipatum, mihi pupilla dictum) in substantiâ oculi medium locum occupans quaquaversum perlæ caput moveas, te intuentem semper intueatur, seque pupillæ tuæ obvertat, quocunque loco te moveris, intactis quidem punctulis circumstantibus, quæ ad omnem motum pupillæ cedunt. Hæc *Menzelius*.

Hujusmodi observationes curiosas & experimenta plura microscopica inveniet Lector in diversis Annis miscellaneis Ephemeridum Germanicarum à solertissimis naturalium rerum scrutatoribus ad ingens disciplinarum Physico-Mathematicarum incrementum sagaci admodum ac indefesso labore & studio detecta. Præ omnibus autem laude dignissima, & summis semper encomiis extollenda ac celebranda videtur esse *Idea illa Historia Philologica cum Anatomia Vegetabilium spectatim in radicibus & Theoria vegetationis radicum eidem superstructa* à Clarissimo & Expertissimo D. *Nehemia Grevio*, M.D. & Societatis Regiæ Anglicanæ socio proposita, sicut & *comparativa Anatomia truncorum una cum Theoria vegetationis eorum eidem superstructa* ab eodem publicata, ut videre licet in Appendice noni & decimi Anni Ephemeridum Germanicarum. Ego sanè multum hætenus dolui, quod in usu Microscopiorum minùs solers & diligens fuerim; siquidem ope illorum divinæ providentiæ abdita arcana etiam in minimis plurimum admiranda videri possint, & loquente *Plinio* rerum natura nusquam magis, quàm in minimis tota sit. Quocircà etiam *Cardanus* jam ante microscopiorum detectionem bene præmonuit de Subtil. l. 17. ajens: *Minima quæque, qui inter mortales felix videri cupit, observare non tantum decet, quàm necessarium est.* Sed hæc fusiùs fortassis quàm par est, prosecutus sum: Nunc ad curiosa alia ludicra Microscopia explicanda progrediamur.



CAPUT IV.

Varia ludicra curiosa Microscopia proponuntur.

Problema I.

Microscopium pulicare vulgare construere.

LUdiorum curiosorum Microscopiorum varia sunt genera, quorum simplicissimum est illud, quod vulgo pulicare dicitur. Paratur communiter è duobus vitris, quorum unum utrinque est planum, alterum convexum utrinque acutissimæ convexitatis, quæ etiam quantò acutior erit, tantò majus objectum quantumvis minutum ostendet; at propinquius id ipsum sibi applicari postulabit; quantò verò minus acuta fuerit convexitas, tantò hæc à contrario aliter. Kircherus lib. 12. Art. mag. Luc. & umb. requirit minimam sphaerulam instar perlæ, & hujus quidem magnitudinis O. Joannes Hevelius in Selenogr. convexitatem vult esse utrinque è diametro duorum ad summum pollicum. Ego communiter adhibeo Lenticulam utrinque æqualiter convexam è diametro 8. centesimarum partium pedis Romani, unde ad quatuor particulas removet objectum, augetque sufficienter. Ambo vitra includuntur tubulo osseo vel ligneo, cujus forma in præfenti figurâ exhibetur: objectum verò affigitur vitro plano in B circa medium, aut etiam in ipso vitro plano curiosæ quædam figuræ sive imagines nitidissime depinguntur, sicque applicatur vitrum Lenticulæ convexæ, quousque ab oculo A clarissime spectari queat. Candelâ etiam vel lampas C adhiberi solet, ut objectum magis illuminetur.

Microscopii communis pulicaris constructio.



Lepidum est, quod de hujusmodi pulicari Microscopio scribit Schottus Mag. nat. part. 1. lib. 10. Syntag. 4. cap. 1. *Insignis, ait, quidam & doctissimus vir scriptisque libris notissimus è Bavaria per inferiorem Austriam in Tyrolim iter faciebat, nuntio comitatus, & in viâ correptus febri subsistere fuit coactus in pago quodam, ubi & mortuus est.* Antequam terræ mandaretur cadaver à loci paracho & incolis, Prætor cum senioribus sarcinulam demortui excussit, invenitque inter alia Microscopium dictæ magnitudinis ac formæ cum pulice incluso. *Cohorruit Prætor, & quotquot ex adstantibus Microscopium inspexere, asserentes demortuum virum veneficum fuisse, & demonem vitro inclusum secum gestare, ideoque indignum sepulturâ esse.* Diu tenuit controversia, donec tandem, nescio an studio, an casu aperto instrumento apparuit pulicem pilosum ac hirsutissimum esse, quem demonem putaverant. Vir iste demortuus, ut aliunde accepi, fuit P. Scheinerus.

Lepida historia.

In defectu sphaerularum seu Lenticularum artificialiter paratarum solent quidam ejusmodi Microscopia ex contractis vitris nodosis potioris, qualia passim & ubivis habentur, conficere: feligunt enim nodulum aliquem magis regulariter convexum è candidiori vitro, & simili modo aptant in Tubulo, ut modo dictum.

Praxis facilis ejusmodi Microscopia conficiendi.

Problema II.

Microscopium parastaticum, quo unicâ Lentē plura successivè objecta, adeoq₃ integræ historiæ repræsentari possunt, construere.

Aliud curiosius Microscopium parastaticum docet conficere Kircherus in Arte Mag. Luc. & umb. lib. 10. part. 3. quod tamen paulò aliter & commodius sic construi potest.


Structura
valdè cu-
riosa mi-
croscopii.

Ex ligno arido duriori torno paretur capsula, qualis in figurâ cernitur cum duobus orbiculis *AB* & *CD*, qui ita inter se committi ac conjungi possint, ut dictam capsulam constituent velut ex capsâ, quibus sigilla majora imprimi, & dein literis majoris momenti in membranâ exaratis appendi solent. Orbiculus *AB* habeat circa medium stylum ferreum aut æreum *E*: alter verò orbiculus *CD* ad medium habeat foramen in *F*, ut Tubulus parvus *MN* stylo *E* impositus per illud liberè possit per indiculum *N* circumduci. Paretur etiam ex vitro speculari sive tabulâ vitreâ utrinque planâ orbiculus vitreus *KL* ejus magnitudinis, ut capacitati capsulæ interiori perfectè congruat, & circa centrum *M* modo supra Synt. 2. cap. 10. indicato perforetur, ita quidem, ut foramen in vitreo orbiculo factum congruat Tubulo parvo *MN*, ac firmiter cerâ sigillatoriâ, vel quovis alio modo affigi sive agglutinari queat. Hoc peracto in vitreo orbiculo ritè secundum ordinem in congruis locis (qui Tubulo *GH* perfectè respondere debent) depingantur colore aqueo imagines variæ secundum divisionem competentem, & partium signatarum dispositionem, sicut in figurâ *KL* apparet: & ita habentur, quæ ad machinulum spectant, omnia parata.

Restat solum Tubus *GH*, hic Lentē melioris notæ utrinque convexa ex diametro circiter 15. aut 20. centesimarum pedis Romani instruitur, sed eâ proportionem, ut per illam imagines depictæ in orbiculo *KL* quàm distinctissimè compareant.

Quo obtento Tubus *GH* juxta situm in figurâ delineatum eâ diligentia inseritur, ut oculus transpiciens præcisè imaginem attingat, quæ ob Lentis refractionem grandior comparebit. Unâ imagine visâ, cum alia desideratur, promovetur extra indiculus *N* ad aliud signum sive punctum exterius in orbiculo *CD* expressum, moxque alia imago conspicitur; atque ita successivè omnes ordine quàm distinctissimè visui obverti possunt. Hâc praxi Kircherus Dominicam passionem exhibere solebat: pariter quæcunque aliæ historiæ, & qualescunque curiosarum rerum series in planâ vitrei orbiculi superficie depicta repræsentari potest. Sed omnia melius videntur in figurâ.

Notandum, non esse necesse, ut ex ligno ejusmodi capsulæ parentur, possunt enim ex laminis æreis, cupreis, ferreis stanno obductis, aliisque similibus materiis peroptimè etiam parari. Item, possunt loco vitrei orbiculi majoris in charta rigidiori orbiculari ad loca congrua minores orbiculi vitrei cum figuris appictis imponi.



Problema III.

Microscopia unicâ Lente convexâ construere, quæ in vitrea phiala fructus, legumina, flores, semina & alia quæcunque minuta mirabiliter augment. Item, quæ hortos, Arces, deserta, & alia curiosa satis magna repræsentant.

Sumatur vitrum cylindricum aut sphericum *A*, ut figura refert, partes autem, velut superior *B*, cui in *D* vitrea Lens convexa imponi debet, sicut & inferior *C* pro pede, torquentur ex ligno arido, uti in figura patet. Pro vitro verò ut ligno cohæreat, paretur mixtura seu glutinum ex cera & pice duriuscula unâ colliquatis, quâ mixtura faciliè vitrum ligno agglutinari poterit. Aptato sic vitro velut figura præsens refert, impones illi per osculum *D* omnis generis fructus, legumina, flosculos, semina, & qualiacunque ludicra, ad eam tamen altitudinem usque, quâ à Lente supra in *D* posita perfectè & quàm distinctissimè videri poterunt. Lens utrinque convexa non sit nimium acuta; licet enim quò acutior est, eò magis augeat objecta, eadem tamen nimium vicina requirit, quo fieret, ut dum nimium operculo *B* propinqua forent, ab eodem obscurarentur, nec satis illustrata obtutui objicerentur. Ego ordinariè adhibui Lentes utrinque convexas æqualiter è diametro $\frac{30}{100}$ ped. Rom. vel utrinque quidem convexas, sed inæqualiter è diametris $\frac{30}{100}$ & $\frac{25}{100}$. Aptissima objecta quæ imponi possunt, sunt pisa, quæ instar vitellorum ovorum

Structura
Microscopii.

Qualis
Lens convexa sit
adhibenda.

com.



comparent, flores Amaranthi, semina carduibenedicti, coriandri, avena, triticum, conchilia varia lapilli variorum colorum, cortices & putamina, aurea atque argentea ramenta convoluta ac contorta insectorum variorum corpuscula duriora, aut eorum partes, velut alæ, capita, pedes, cornua, & quæcunque aliæ quisquiliæ, quæ omnia debite imposita ac inter se commixta dici non potest, quàm mirifice oculos recreent, dum percipi sine admiratione non potest, quomodo in tam angusto vasculo tam ingentia corpora concludi possint.

Possunt etiam horti cum areolis, ædificia, deserta, venationes & curiosa alia ludicra ex cera vel etiam ligno minutissime formata super concavatam nonnihil superficiem orbicularem agglutinata ad competentem altitudinem imponi, & mirum in modum aucta cum admiratione videbuntur. Nihil amplius dico: sagax Artista ipso experimento plura inveniet, quam ego vel multis verbis explicare valeam.

Problema IV.

Alia Microscopia valde curiosa & ludicra conficere.

Inconif-
mus XII.
Constru-
ctio alio-
rum mi-
croscopio-
rum.

Aliter fieri possunt Microscopia in capsis & cistulis seu scriniis hoc modo; Pare-
tur à tornatore ex arido ligno capsâ B cum operculo A & pede C, sicut figura exhi-
bet. Inferior pars C fiat separatim à capsâ B, ut ei quam nitidissime minutæ quæ-
vis imagines imponi ac affigi queant; capsâ verò interior musco vel pulvere au-
reo aut quovis illustri, vel aliis quibuslibet cymeliis exornetur, dum pes C eidem
capsâ B agglutinetur. Habeat hæc capsâ B circa medium ad D foramen pro ca-
piendâ Lente convexa in eâ convexitate, quâ intus contra se objecta remotiora
nitidissime repræsentet. Superius autem capsâ ad E vitro plano tegatur, quod
exteriori facie tersissime perpolitum, interiori verò attritione maneat obfuscatum,
nec sit politum, ut supra Synt. 2. hujus fund. cap. 8. docui. Poterit etiam ornatus
causa tenuissimis coloribus ad impolitam superficiem curiosum aliquid appingi.
Vitro sic coopertâ capsâ, ne visus res inditas distincte perspiciat, lux tamen suffi-
ciens ad eas illustrandas penetret, quod si Lente convexâ competente foramen

D ut

ICONISMUS.

Fig: 1.




Fig: 2.




Fig: 3.




Fig: 4.




Fig: 5.






Fig: 6.




Microscopy Anglicani Fabrica externa



MICROSCOPIA
Curiosa ludicra.





D, ut dictum, munieris, ac intus prospexeris, res quascunque impositas multò grandiores non sine admiratione conspicias.

Simili modo fieri possunt cistulæ quadratæ, qualis in præsentī figurâ repræsentatur, quarum interior capacitas quanto est latior ad res circa latera perfectè perspicendas, tantò requirunt Lentes minùs acutè convexas; semper autem tanto acutiores, quanto minor est interior capacitas. Vide figuram, ubi *A* repræsentat operculum, *B* ipsum scrinium, *D* foramen cum Lente convexa, *E* chartam oleo imbutam, vel vesicam, aut, quod melius, tabulam vitream planam exterius politam, interius autem modo antècedenter dicto infuscatam & tenuissimis aqueis coloribus pictam.

Alia ordinatio in capsâ vel cistula quadrata.

Possunt etiam capsæ vel scriniola parva fieri cum distinctis intus loculamentis ad plura objecta diversa repræsentanda, sicut in figura cum quatuor loculamentis ad 4. anni tempora cum convenientibus figuris ibidem repositis repræsentanda: debent tamen singulis loculamentis *EEEE* aliæ Lentes accommodari, ut figura monstrat ad *DDDD*, quamvis si reddatur capsâ *B* circa axem per medium *C* transeuntem mobilis, artificiosè fieri possit, ut unica Lens convexa pro singulis loculamentis sufficere queat. Cum figuræ suis locis debitè repositæ capsâ per operculum *A* concluditur, & agglutinatur. Ego amplitudinem interiorem talis microscopice capsæ perficio in magnitudine circularis plani hic in figura appicti, & pro singulis loculamentis adhibeo Lentes convexas è diametris $\frac{30}{100}$ & $\frac{25}{100}$ pedis Romani. Plures alias inventiones his addere possem, sed quia non dubito, quod ingeniosus Artista suomet Marte eas facile advertere possit, consultò ad alia progredior.

Constructio scrinioli cum variis loculamentis.

Problema V.

Valde eximia Microscopia perficere ope speculi concavi, vel in ejus defectu ope Lentis convexe cum speculo plano.

Ope speculi concavi fieri possunt eximiè curiosa & admiratione dignissima Microscopia. Tali Artificio audi vi non ita pridem insignem aliquem Opticum machinulam seu parvum scriniolum confecisse, & in eo civitatem Hierosolymam exhibuisse admirandâ magnitudine: tanti verò Artificem opus hoc suum æstimasse, ut etiam satis magno pretio nulli voluerit concedere, haud dubiè, quia timuit, ne si aliò transferatur, & à sagaci Artifice penitiùs inspiciatur, facilè arcanum detegatur, atq; ita pervulgatum vilescat. Verùm ejusmodi Artificia jam dudum mihi nota & practicè elaborata fuerunt; quocirca ea nunc breviter exponam, & plura alia rariora subindicabo. Quod ut meliùs expediatur, duo sunt ad praxin singulariter advertenda, ut inspectores talium machinationum in admirationem Artificii magis inducantur, imò rapiantur. Primum est, ut quàm fieri potest, compendiosissimè omnia perficiantur, nec quicquam fiat superfluum, quatenus contentum intus longè ipsum continens suâ apparente magnitudine videatur excedere. Alterum, ut Artificium totum ita tegatur, ut adverti minimè queat; lux tamen competenter immittatur, quâ objecta intus sufficienter illustrentur, & ad debitam radiationem animentur: cum enim Lux sit anima omnium coloratorum, sine hac sanè quæcunque etiam aliàs splendida velut mortua in tenebris sepulta jacebunt. Per hujus tamen lucis immissionem peculiariter caveri debet, ne ipsæ res sic perspicuæ fiant, ut totum Artificium penetretur. Quibus præmissis jam restat, ut ad praxes progrediar.

Duo in praxi singulariter advertenda.

Accipe igitur speculum concavum, quod tersissimè expolitum, ut imagines nitidissimè præsentet, quo majus eo aptius erit ad intentum; quo etiam concavitas erit è majori diametro, eo capsâ mox indicanda longior fieri debet. Ad quantitatem speculi & proportionem distinctæ imaginum reflexionis ab

Artificium exponitur. Iconismus XIII.

P

ipso,

figura 1.

ipso, paretur deinde capsula cubica vel oblongior, ut figura 1. exhibet. In latere interiori *CF* erigatur verticaliter speculum, & firmetur, ut per foramen *I* in latere opposito *DH* in illud inspicere queat. Objecta quæ in capsula collocari debent, ut majora compareant, sisti debent intra foramen *I* propè latus *DH*, sic tamen, ut per foramen *I* directè minimè videri queant, neque sint tam alta, ut ultra foramen *I* protendantur, aut illud occludant. Lucis verò ingressus potest vel superius fieri in latere *BC* obtensâ illi subtili telâ transparente, aut chartâ oleo imbutâ, aut, quod longè melius more meo, vitreâ scilicet tabulâ exterius politâ, intus verò im-polita, & attritione, ut sæpius docui, infuscatâ cum curiosis picturis appictis: Vel occluso manente superiori latere *BC* possunt simili modo aptari latera duo *CG* & *AH*, unde ab utraque parte quomodocunque capsula tenetur, lux facilè ingressum reperiet; eritque sic machinula tota constructa. Quod si igitur per foramen *I* (quod etiam oblongius excindi potest pro ambobus oculis ad prospectandum admittendis) inspicatur, videbuntur objecta quæcunque imposita, & qualescunque picturæ quantumvis parvæ in sat grandi magnitudine. Unde sic civitas aliqua, Arx, aut qualiacunque ædificia scenographica Arte nitidissimè depicta, & quantumvis ex se minuta, ope speculi concavi in justam propè quantitatem excreta & ad-aucta repræsentari poterunt. Si perspectivâ pingendi Arte delineentur ædificia, templa, horti, ambulacra, & excisa ibidem debite collocentur, mirum quantâ cum animi voluptate & admiratione reflectantur. Si diversas ædificiorum structuras proponere placet, aut varias quascunque picturas; fieri possunt diversæ picturæ in duriori chartâ vel tenuissimâ listâ, quæ in cardine ad angulos *G* & *H* firmatæ mediante filo aut Zonâ tenui pro libitu attolli vel dimitti possint.

In defectu
speculi ca-
vi possunt
adhiberi
Lentes
plano-
convexæ.

In defectu speculi concavi, si Lentes vitreas plano-convexas, quæ huic negotio sunt accommodatiores, speculo plano vitreo jungas, simili modo omnia facile expedire poteris. Sic ego in cistula, quæ erat longa ad dimidium pedem Romanum adhibui Lentem plano-convexam è diametro unius pedis, apteque ante speculum planum ponendo desideratum obtinui effectum: Lentes enim convexæ superpositæ planis speculis virtutem reflectendi obtinent speculorum concavorum; sicut Lentes cavæ superpositæ planis speculis virtutem habent speculorum convexorum. Sed hæc indicasse sufficiat: sagax Lector multa hinc discere poterit.

Problema VI.

Cistulam catoptrico - microscopicam construere, in qua objecta plura successivè grandi figurâ repræsentari queunt.

Descriptio
Artificii
catoptri-
co-micro-
scopici.



Dominus Gervasius Mattmüller Opticus Cæsareus, uti P. Schotto perscripsit Dn. Godefridus Kinner in epistolâ ad eum datâ, quam etiam refert Tech. curios. lib. II. cap. 3. catoptricum spectaculum seu verius, microscopium Artificium tale Viennæ confecit, quod verbis D. Kinneri in citatâ epistolâ referre libet. Occasione *D. Mattmüller occurrit mihi pulcherrimum spectaculum catoptricum, quod ab eo frequentius, nec ab alio repræsentatum vidi.* Collocat ille in cistâ aliquâ ad hoc idoneâ speculum concavum in situ verticali; & è regione illius tympanum aliquod polygonum plures picturas deferens, quarum ea est à speculo distantia, quâ objecta in situ erecto multum augentur, non interveniente tamen confusione; quod experientia facile docebit. Si ergo tectis picturis, ita tamen, ut ea quæ speculo opponitur, illuminari possit, oculus in speculum inspiciat; deprehendet picturas magnitudine humanâ, quæ alias mediam spitamam vix adæquant; & insuper circumducto clam tympano semper diversas. At multò major gratia huic technasmati accedit, si picturæ repræsententur ad lumen, quod ita fieri solet. Pinguntur figuræ ignem exhibentes in chartâ tralucidâ oleo imbutâ, tum in medio tympani lucerna cum lumine sat valido absconditur, ceteraque peraguntur, ut antea dictum. Hæc Arte apud dictum Artificem labores Herculis inter ignes repræsentari sæpius vidi adeò ad Naturæ emulationem, ut ex nullo unquam Artificio catoptrico majorem me voluptatem cepisse meminerim, quod & plures alios, qui viderunt, affirmantes audiui. Ita D. Kinnerus.

Simi-

Arte nihil melius, nihil excellentius Arte.

Est ea fida come, comis amica bonis.

figura 1.



A fig. 2.




fig. 3.






fig.



F fig. 5. O




fig. 6




fig. 7.







fig. 8.





Similia Artificia refert P. Traber in Nervo suo Opt. lib. 2. cap. 12. prop. 3. & 4. ubi docet, ope speculi concavi & rotæ mobilis Anachoretarum diversorum vitæ austeritatem in solitudine ad vivum producere : Item infernales flammæ & qualiter damnati à dæmonibus torqueantur, spectandum exhibere. Verum his attentè perlectis, cum via compendiosiori simile quod perficiendum attentarem, tandem excogitavi machinulam sive cistulam, in quâ plura ejusmodi curiosissimè exhiberi possunt, quam idcirco hoc loco Lectori communicare volui.

Pro ratione speculi concavi (advertendo in quâ distantia maximè augeat objecta) paretur cistula aliqua cubica in hunc modum ; Infima pars fundamentalis *AB* per tigilla paretur, ut figura 2. repræsentat. In centro seu medio proster orbiculus *C* elatior, ut ei major orbis volubilis *E* vel polygonum aliquod *D* committi possit, sicque commissus perfectè congruat, rotarique circa ipsum valeat. Super basin hanc quadratam erigantur in cistæ formam latera in competente altitudine cum excisâ superius parte aliquâ oblongiori *Q* ut in fig. 3. melius videre licet. Fiat deinde aliud scrinium *FG*, ut fig. 5. repræsentat, quod latus superius *FN* & anterius *KN* habeat apertum. Ut proinde hoc scrinium super orbem *C* possit debite consistere, debet super orbiculum *C* adhuc alius minor orbiculus *R* agglutinari, cui in fundo scrinii conforme foramen rotundum *H* debet excindi, ut ita congruè scrinium *FG* impositum super inferiorem orbiculum paulò majorem *C* quiescat, nec tamen impediat circumvolutionem inferioris orbis majoris *E*, vel ejus loco polygoni *D*. Debet quoque scrinium dictum esse paulò minus orbe volubili *E*, aut polygono *D*, ut imagines sive illæ sculptæ sint, aut ex cerâ formatæ, sive tantum pictæ & excisæ exteriori limbo circumpositæ in circumvolutione fixo interim manente scrinio *FG* absque ullo impedimento perfectè obire queant. Perinde etiam est, an latera *FK* & *OG* sint plana aut nonnihil inflexa, modò impedian radiationem lateralem imaginum, quæ confusionem in speculo causare possent.

His omnibus debite coordinatis & compositis lateri *FP* affigitur speculum concavum in eâ concavitate, quæ repræsentare possit erectè, distinctè, & in maximâ quantitate imagines inferiori cyclo seu orbi majori volubili *E* aut polygono *D* affines (unde distantia speculi non potest esse major, quàm ejus semidiameter, sed debet esse semper minor, quod cautè observandum) tandem ritè omnibus his ita paratis imponitur cistæ sive machinæ operculum fig. 6. habens circa medium quadratum foramen *S*, quod obtensâ tenui membranâ vel vitro (de quo superius sæpè dictum est) cooperiri debet, ut lucis ingressus ibidem fiat, visus tamen ita inhibeat, ut interius Artificium penetrare nequeat : Eritque sic tota cistula vel machinula catoptrico-microscopica parata. Totam cistam apertam cum partibus suis interioribus coordinatis melius vides in fig. 7.

Quod si igitur infra per loca vacua in fundo machinæ clamprehendatur volubilis orbis cum imaginibus superpositis (undè competit crenas inferiori parti orbis volubilis esse incisæ, ut facilius capi queat) & circumagatur, poterunt gratissima spectacula integrarum historiarum, & maximarum curiositatum arcanissimo Artificio in grandi formâ jucundissimè repræsentari. Non dubito, quod sagaci Lectori hæc machinula probè intellecta plurimarum inventionum campum sit apertura.

Multa sanè valdè admiranda per specula concava effici possunt. Memini, quod aliquandò contigit Admodum Reverendo, Pereximio & Magnifico cuidam Domino Herbipoli, ut oretenus ab eodem percepi. Obambulans is in Musæo suo seriis aliis cogitationibus intentus obiter speculum in pariete appensum inspexit, viditque imaginem crucifixi Salvatoris in iusta magnitudine humanâ, putavitque se verè videre eam, quæ in templo novi Monasterii ac in Navi Ecclesiæ ibidem ante medium altare erecta est, ubi præfatus Dominus erat Canonicus. Obstupuit primo intuitu, & magis, dum in progressu imago disparuit : reversus ad eundem locum denuo conspexit ; undique circumspiciens nescivit, quomodo contingeret, ut tanta imago comparare possit. Tandem advertit, in elatiori parte minorem aliquam imaginem Crucifixi collocatam, eandem dum loco movit, & ad priorem stationem reversus

Aliud Artificium mirum exponitur.
figura 2.

figura 3.

figura 5.

figura 4.

figura 6.

figura 7.

Exemplum apparentiæ cujusdam imaginis in mirâ magnitudine.

speculum inspexit, nihil amplius de imagine videre potuit. Quocirca agnoscens hanc parvam imaginem in tantâ magnitudine comparuisse, mirari satis non potuit, quomodo imago tam parva in tam grandi formâ possit per speculum representari. Respondeo igitur hic, sicut & tunc, cum mihi hoc phænomenon primò fuit propositum, & dico: Licet speculum illud in pariete appensum ad sensum putatum fuerit planum; fuit tamen concavum: specula siquidem, quæ communiter Venetiis in copia huc afferuntur, quale & illud erat, minùs perfectè plana esse solent, ut experimento multoties deprehendi, dum abrais foliis ex unâ parte ad usum, quem sæpè hætenus indicavi, attritione novâ elaboravi; multas enim profunditates ac extolentias adverti, cum super planissimam tabulam elaborando diutius ideò debui atterere, ut omnes partes complanarem. Dictum itaque speculum fuit concavum & diametro longiori, quocirca facies propinquas quidem ad sensum in justâ videbatur magnitudine representare, longiùs tamen remotas majores exhibere debuit, sicut & quælibet objecta opposita, prout omnia specula concava solent. Plura similia occurrunt, quorum causas qui nesciunt, ut valdè mira suspiciunt.

Problema VII.

Cistulam parvam catoptrico-dioptrico-microscopicam construere, in quâ plura objecta, eaque diversissima valdè curiosè in eximiâ magnitudine exhiberi poterunt.

Quantò in minori quodam opere comparere possunt maxima, & quidem plura, eaque diversissima objecta, tantò magis admiranda curiosis oculis occurrunt. In unicâ sanè cistulâ cubicâ, quæ vix dimidiam spithamam excedit, eximiâ magnitudine diversissima objecta sic poterunt exhiberi.

Constru-
ctio cistu-
læ.

figura 8.

Fiat cistula parva *AB* pro quantitate specillorum concavorum, aut eorum loco pro magnitudine Lentium plano-convexarum super plana specilla collocandorum, ut supra Probl. 5. docui. Hæc cistula dividatur in quatuor loculamentâ: poterunt ibi tunc octo diversissima objecta representari in egregiâ magnitudine. Fiant etiam superius per circuitum ad *CCCC* foramina, ut figura 8. monstrat, & muniantur convexis Lentibus congruis: è regione verò singulorum ejusmodi foraminum ad latercula *DD* ponantur & affigantur specilla concava, vel eorum loco Lentes plano-convexæ super specilla plana, quæ radiationes objectorum minutorum (sive picta illa sint, sive sculpta, aut quovis modo exquisitè effigiata) infra dicta foramina *CC* propè latera absconditorum auctissimas per Lenticulas in *C*. positas in oculum immittant. Omnibus debite ita constructis superius cistulâ vitro plano ex parte exteriori splendide polito, interiori verò parte impolito tegatur: Eritque sic cistula catoptrico-dioptrico-microscopica parata.

Lenticulæ siquidem convexæ in foraminibus *CC* ante specillum cavum debite collocatæ distantiam objectorum, & oculi inspectantis abbreviant, & mirè augent objecta, ut quilibet facile poterit experiri. Quocirca in cistulis minimis compendiosissimè plura ita ac diversissima objecta in admirandâ valdè magnitudine representari poterunt. Ut tamen proportionem aliquam inter specilla cava & Lenticulas convexas unâ cum distantia addiscas; en aliquâliter in exemplo adumbro. Si specillum cavum assumas è diametro unius pedis, poteris eidem opponere ad foramen *C* Lenticulam utrinque convexam diametri $\frac{80}{100}$ ped. Rom. fietque foraminis vel oculi per Lenticulam ibi collocatam prospectantis distantia circiter $\frac{13}{100}$ unde totam aliquam cistulam adaptare facile disces. Si verò loco concavi assumas planum specillum, eique præponas Lentem plano-convexam diamet. $\frac{80}{100}$ cum Lenticula convexa utrinque etiam $\frac{80}{100}$ diametri: distantia fieri poterit hujus Lenticulæ à Lente super specillum propè $\frac{15}{100}$ ut tantum obiter experimento deprehendi;

hendi; praxis enim & experientia cuique huiusmodi melius commonstrat, & in similibus melius experimentaliter & practicè seu mechanicè proceditur, quàm Theoricè sive speculativè.

Verùm cum ejusmodi cistulæ ob plures Lentès dioptricas, & specilla concava plus operis ac laboris requirant, aliæ sine specillis cavis & sine Lenticulis ad foramina CC apponendis (quæ effectum ferè eundem præstare possunt, solum per latiores Lentès convexas specillis planis præpositas, ut supra Probl. 5. docui) fieri facilius poterunt, observando solum pro praxi, quod Lentès qualescunque assumptæ dimidiâ parte distantiae focorum, seu communium basium ordinatarum, foramina inspectionis cum immediatè infra subjectis & absconditis objectis minutis requirant amota. Ut ex.gr. si Lens aliqua adhiberetur super specillum planum, quæ esset utrinque æqualiter convexa è diametr. $\frac{80}{100}$ ped. Rom. ordinaret basin communem distinctionis ad distantiam $\frac{40}{100}$. Hinc si talis Lens in aliquâ cistulâ ita aptaretur, ut dictum, super specillum planum, requireret foramen inspectionis remotum in distantia $\frac{20}{100}$. Verùm experientia, quæ optima omnium talium machinationum est Magistra, plura quemlibet docebit, quàm multorum verborum ambagibus explicare possim.

Notandum tamen, quod curiosissimæ futuræ sint ejusmodi cistulæ, cum longè disparata valdeque diversa ordine per circuitum objecta in iis exhibentur; ut si hoc modo imagines collocatæ essent, quo successivè comparerent, Angelus dæmon, monachus, miles, gibbosus seniculus, fœmina juvencula, clericus stultus: nulla enim ex dictis imaginibus alteri successione conformis est: Debent tamen ejusmodi imagines quovis modo elaboratæ valdè nitidè & exactè à perita manu perfici, quod universaliter in omnibus hætenus indicatis microscopiis observandum: nam si inconcinnè, obiter, & minus distinctæ formatæ sint, defectus in earum augmento magis patebunt, licet libero aliàs oculo spectatæ videantur satis benè formatæ. Atque hæc sunt, quæ de Microscopiis ludicro-curiousis proferre decreveram, quæ si bene intelligantur, ea sagaci Lectori infinitarum inventionum campum apertura nil dubito. Poteram quidem alia adhuc, præsertim quæ beneficio Lentis polyoptræ concinnari possent, indicare; sed quia facilè cuivis patere possunt, idèo nunc ad alia microscopica machinamenta valdè utilia & seria, qualia sunt

omnis generis Telescopia progredior.



Telescopii communis Hollandici sive Galileani sic dicti Lente convexâ & concavâ constantis constructio enucleatè proponitur & explicatur.

Telescopi-
um com-
mune, un-
de dictum
Hollandi-
cum.

Unde Ga-
lilæanum.

Cavum
specillum
debet esse
oculo vici-
num.

Cavitas
debet esse
minoris
sphæræ.

Dispositio
Lentium
in Tubo
communi
talis est, ut
extra ocu-
lum ima-
ginem non
efforment.

IN præfatione hujus Operis indicatum fuit, originem ac primam inventionem Telescopii unâ Lente concavâ & alterâ convexâ constantis Hollando cuidam Artifici communiter adscribi; unde meritò nomen traxisse videtur: quomodo verò & Galilæanum dici contigerit, audi *Dechales* Dioptr. lib. 2. prop. 42. dum ait: *Hæc Telescopii species prima inventa fuit casu ut putatur ab aliquo Artifice Hollando, qui unâ manu Lentem convexam tenens ab oculo remotam, alterâ verò specillum concavum oculo admoveans, animadvertit objectorum magnitudinem apparentem mirum in modum augeri, ex quo sumpsit occasionem Lentes hujusmodi adaptandi, ut facilius in certa & determinata distantia continerentur.* Hujus autem celeberrimi inventi fama totam Europam pervulgata est: *Galilæus autem Florentinus Nobilis Mathematicus, cum tantum in genere aliquid de hujusmodi invento inaudisset, tot Lentes elaboravit, tot ratiocinationes adhibuit, ut tandem id, quod confuse tantum didicerat, rursus invenerit.* Ex quo hujusmodi Telescopia, quæ prius Hollandica dicebantur, in Italia & ferè in tota Europa Galileana nuncupantur. Ita ille. Sed nunc quomodo meliora ejusmodi Telescopia practicè sint construenda, ut paucis explicemus, aliqua singulariter observanda per numeros sequentes libet intimare.

I. In Tubo communi necessarium est, ut specillum concavum sit oculo vicinum, & convexum ab oculo remotum: quia nempe per ejusmodi Telescopium volumus objectum quam maximum videre; quo autem specillum cavum est oculo vicinius, eo objectum majus exhibet. Econtra verò Lens convexa, quo ab oculo remotior (intra tamen communem basin distinctionis) eo etiam majus exhibet objectum. Ergo requiritur, ut specillum cavum sit oculo vicinum, & Lens convexa sit ab oculo remota.

II. Specillum cavum debet esse minoris sphæræ portio, quàm sit Lens objectiva convexa. Si enim esset majoris sphæræ portio, minores haberet vires ad cogendos radios ad divergentiam, quàm Lens convexa objectiva ad convergentiam: unde radii penicillorum manerent convergentes. Sed radii convergentes antequam in oculum incidunt, sunt inepti ad visionem, ut patet ex dictis fund. 2. supra. Non potest ergo specillum cavum esse majoris sphæræ portio, quàm sit Lens convexa. Deinde neque potest esse æqualis sphæræ portio cum portione sphæræ Lentis objectivæ; quia tunc vel immediatè tangeret Lentem convexam, vel ab eadem distaret. Si primum? cum convexitates & concavitates æquales essent, hæ duæ Lentes se haberent, ut vitrum omninò planum, redderentque radios refractos incidentibus parallelos. Si secundum? radios jam multum convergentes ad parallelismum non reduceret, multo minus ad divergentiam, quod tamen requiritur, ut visio evadat distincta. Debet itaque specillum cavum esse minoris sphæræ portio, quàm sit portio sphæræ in Lente objectivâ convexâ.

III. Quamvis concavum specillum in Tubo communi cum Lente convexâ collocatum possit imaginem in aliqua dispositione augere, ut supra fund. 2. Synt. 2. cap. 3. prop. 3. demonstratum: Dispositio tamen communis Tubi, dum oculus per illum debet objectum distinctè majus videre, talis est, ut quidem in oculo imago efformetur; extra tamen oculum, & si oculus removeatur, ut nullam imaginem efformare possit. Debet enim esse dispositio ea respectu oculi, quæ radios penicillorum ita in oculum immittit, ut uniantur præcisè in Retinâ, ad quod requiritur, ut radii ante ingressum oculi sint vel paralleli vel divergentes, imò magis divergentes, quàm si simpliciter sine refractione ab objecto procederent: sic enim procedunt quasi ab objecto propiori. Quæ est etiam ratio, cur à tali Telescopio objectum quasi proximum exhibeatur.

IV. Idem

IV. Idem specillum cavum cum diversis Lentibus objectivis in Tubo applicatum efficit, ut cum Lente majoris sphaeræ objectum exhibeat majus, cum Lente verò minoris sphaeræ minus.

V. Cum a minoris sphaeræ cavo radii plurimum fiant divergentes, paucissimi pupillam ingredi poterunt, & pauciores, quam si cavum majoris sphaeræ ad eandem Lentem objectivam adhiberetur. Unde causa patet, quare majoris sphaeræ cavum visionem reddat efficaciorē & clariorem, minoris autem sphaeræ inefficaciorē & obscuriorem.

Majoris vel minoris sphaeræ cavum quam visionem efficiant.

VI. Quo Lens convexa objectiva majoris sphaeræ portio fuerit, eo pauciores objecti partes simul videri poterunt. Cum enim imago, quam Lens talis exprimit, sit major, magis etiam penicilli extremi ab invicem recedent, atque adeo pauciores pupillam ingredi poterunt. Quocirca Tubi communes breviores constantes minoris sphaeræ Lente objectivā, plus detegunt & aperiunt de objecto, quam longiores constantes Lente objectivā majoris sphaeræ. Ideo etiam ejusmodi Telescopia, si duos pedes in longitudine excedant, vix probata satis censentur. Si enim longiora sint, valde exiguum objecti partem exhibebunt, & diu versanda erunt, ut destinatus scopus attingatur: Quæ verò breviora sunt, licet non multum augeant id quod videndum est, plures tamen ejus partes detegunt, & cæteris paribus clariùs easdem partes repræsentant.

Per Lentē convexam majoris sphaeræ minus de objecto videtur.

VII. Lens convexa objectiva majoris sphaeræ portio cum eadem Lente concavā majus objectum repræsentat: cum enim majorem imaginem exprimeret post specillum concavum, majorem etiam specillum concavum, imaginem exhibebit. Quia tamen magna imago radios habet magis distractos, ideò fieri potest, ut oriatur obscuritas: unde debet esse aliqua proportio inter Lentem convexam objectivam, & specillum cavum; alioquin, ut non satis augebitur objectum, aut non satis clarum apparebit; quæ tamen vitia multum detrahunt de vi Telescopiorum.

Lens convexa majoris sphaeræ majus objectum repræsentat.

VIII. Cum difficile admodum sit rationibus Geometricis demonstrare, quænam optima proportio inter ambas Lentes in Tubo communi collocandas esse debeat, ut ita objectum distinctè satis clarum & auctum exhibeant, præsertim cum oculi, quorum ratio habenda, & ad quos ejusmodi Tubus aliquis applicandus est, sint in diversis hominibus valde etiam diversi: idcirco magis à perfectione & bonitate Lentium ac differentiâ oculorum, pro quibus Tubus apparandus, ipsa obstetricante experientiâ proportionēs istæ petendæ sunt. Referam tamen aliquas proportionēs, tam ab aliis, quam à me comprobatas.

Proportio Lentium in Tubo communi.

Solertissimus *Hevelius* in Selenogr. pro ejusmodi Tubis istas proportionēs tradit his verbis:

1. Telescopia ad usum è tabulis educta unum æquant pedem; horum unum vitrum ex sphaerico segmento utrinque convexo, cujus diameter quatuor pedibus Gedanensibus longa sit; alterum ex utrinque concavo in globo expositum, cujus diameter quatuor digitos & semis æquet, constare debet. Hic autem pes Gedanensis ad pedem Rhinlandicum fortificationum in minimis particulis expressum talem habet rationem, qualem 914. ad 1000; Ad Parisiensem autem Regium, qualem 914. ad 1055.

Indicantur proportionēs aliquæ ab Hevelio.

2. Si autem Tubi longitudo ulnam ex æquare debet; tunc vitrum convexum utrinque ex uno segmento, cujus diameter sit 5. pedum circiter, paratur: globulus autem concavo accommodatus non superet $5\frac{1}{2}$ digitos necesse est.

3. Quod si convexum utrinque in latere ex aliquo segmento, cujus diameter 8. pedum est paratum, & prius concavum retinetur, tunc Tubum Opticum $3\frac{1}{2}$ pedibus suppeditat.

4. Insuper si istiusmodi concavo utrinque convexum, cujus diameter 10. pedum constat, aptaveris; Telescopium ultra duas ulnas longum obtinebis.

5. Ad satis longum & egregium Tubum opus est vitro utrinque concavo & in sphaerâ $5\frac{1}{2}$ digitorum elaborato, ut ex vitro convexo utrinque & ex segmento, cujus diameter 12. pedes æquat: ita egregium Tubum 5. vel 5 & $\frac{1}{2}$ pedibus longum, & si-


& siderum observationibus perquam idoneum habebis. Quod si adhuc meliorem desiderat quis: convexum jam dictum uno in latere fiat planum, alterum specillum maneat utrinque concavum; ita habebis Tubum 11. & ultra circiter pedum. Ita *Hervellius* in *Selenogr.*

Proportio-
nes aliquæ
à *Dechales*
indicatæ.

P. Dechales *Dioptr.* lib. 2. prop. 45. ait: Lens convexa, cujus basis distinctionis distat digitis 6. exigit specillum plano-concavum, cujus diameter concavitas sit unius digiti, & insuper unius lineæ. Videtur tamen concavum non esse satis acutum, ideoq; melius succedet, si sit concavo-concavum, sitque diameter concavitas unius digiti cum dimidio; eritque longitudo Telescopii 4. digitorum.

Idem eodem lib. prop. 56. de proportionibus Lentium in Tubo communi hæc tradit; Proportio, inquit, diametrorum sphericitatum in his Telescopiis non est eadem, sed in majoribus major est ratio Lentis objectivæ ad ocularem. Voco autem hic diametrum distantiam foci. Ita radius Lentis plano-convexæ ad radium Lentis plano-concavæ poterit esse, ut 48. ad 1. In Telescopio trium pedum, ut 24. ad 1. intelligendo de diametris: hoc est, si distantia foci Lentis objectivæ fuerit pedum 3. diameter Lentis plano-concavæ erit unius digiti cum dimidio, & diameter Lentis ocularis concavo-concavæ erit digitorum 3. In Telescopio pedum 20. Lentis objectivæ focus est pedum 20: diameter Lentis ocularis plano-concavæ erit digitorum $2\frac{1}{2}$ & concavo-concavæ digitorum 5.

Si supponantur hæc proportionibus tanquam bases cæterarum similium: hoc est, in quibus circumstantiæ similes occurrent, nempe bonitas materiæ, seu perspicuitas æqualis, exactus labor, seu figuræ perfectio. Dico, quod intermedias facillè habebimus. Ducatur enim linea recta *AB* dividenda in quot libet partes æquales, ut quia habemus Telescopium 20. pedum, dividatur in 20. partes, & numero 20. addatur perpendicularis 20. *C*. continens tantum semidiametrum Lentis ocularis plano-concavæ ipsi respondentis digitorum $2\frac{1}{2}$. Posui autem tantum semidiametrum, ut brevior evaderet figura. In puncto 3. fiat perpendicularis 3. *D* æqualis semidiametro Lentis ocularis plano-concavæ respondentis objectivæ, cujus focus trium pedum. Ducatur linea *CD*, & habebis in figura omnes semidiametros cæterorum ocularium pro qualibet longitudine Telescopii, ut si velis semidiametrum ocularis pro Telescopio 6. pedum, ducatur perpendicularis 6. *E*, hæc erit radius ocularis plano-concavi pro Telescopio 6. pedum. Si velis specilla concavo-concava (intelligo



de cavitatibus æqualibus) lineæ perpendiculares in figurâ expressæ erunt quarta pars diametrorum. Si velis Telescopia etiam minora uno pede, subdividatur lineæ *AI*, & habebis intentum, ducendo scilicet perpendicularem. Hæc *Dechales*. Addit etiam, has proportionem esse utiles pro oculari convexo, mutando tantum concavitatem in convexitatem.

Verum licet in longioribus Tubis fortassis proportionem istæ bonæ esse possint: cum tamen hi Tubi aliundè sint minus utiles ac tractabiles, nec adeò desiderantur, ideò etiam proportionem istæ minus utiles videntur. In brevioribus autem Tubis, qui magis sunt in usu, & ut plurimum appetuntur, omnino mihi displicent. Licet enim *AI* sive *Ac* quomodolibet extendatur & dividatur, atque inter perpendiculares *Ab* & *cd* plures aliæ mediæ erigantur, non video tamen, quomodo proportionem omnibus divisionibus competere possint, præsertim cum cavitati ex semidiametro extremâ *Ab* non possit ulla convexitas proportionata convenire: Item in tali partitione aliquando cavitatis semidiameter possit esse major semidiametro convexitatis, aliquando æqualis, quod foret planè inconveniens, ut sagax quivis facile advertere poterit. Non igitur pro Tubis communibus brevioribus construendis proportionem istæ probatæ censentur, quales tamen communiter jam sunt in usu, nec ferè longiores amplius in hac specie Telescopiorum desiderantur.

Aliam proportionem generalem cujusvis Lentis convexæ cum cavo specillo competente in Tubo communi collocandæ deprehendisse se ait *P. Zacharias Traber* in *Nervo Opt. Dioptr. lib. 3. cap. 21. prop. 2.* cujus verba sunt hæc; *Si verò Lens concava cum convexa Tubo inclusa fuerit juxta principia dioptrica, deprehendi proportionem Lentis cavæ & convexæ ut 16. ad 1. sive deinde sint digiti sive pedes, vel quacunque mensura longitudinis concursus radiorum à Lente convexa ad unam hujusmodi partem Lentis concavæ. Ita longitudo Lentis convexæ 3. pedum, vel quod idem est, 36. digitorum ad longitudinem Lentis concavæ 2. digitorum & ½. Similiter si foret convexi longitudo 48. digitorum, fiet ut 16. ad 1. ita 48. ad 3. Quamvis hæc proportio non semper ita accurate servanda est, ut non experientia aliquid concedi possit, præsertim in longissimis Tubis concavæ Lentis longitudo nonnihil minui poterit.* Hæc ille.

Proportio
generalis
reperita à
P. Traber.

Suppositâ hac proportionem, quod bona sit, sequentes Tabulas ordinavi, ut Lector hinc facile possit advertere pro minoribus Tubis communibus construendis, qualis convexitas in vitro objectivo respondere debeat cuicunque cavitati datæ: vel è contra assumptâ aliquâ Lente convexâ minoris diametri, quale cavum specillum eidem adjungendum sit. Nam in primâ Tabulâ præponuntur diametri aut semidiametri cavitatum specillorum ocularium, quibus respondent à latere diametri vel semidiametri convexitatum in Lentibus objectivis, quæ possunt adhiberi. In secundâ verò Tabulâ præponuntur diametri aut semidiametri convexitatum Lentium objectivarum, respondentque singulis à latere congruentes in eadem proportionem diametri vel semidiametri concavitatum in specillis cavis ocularibus adhibendis. Ut si, ex. gr. habeas specillum cavum, cujus cavitatis diameter sit 16. particularum centesimarum pedis Romani, velisque scire, quale objectivum vitrum eidem debeat adjungi, ut bonus Tubus communis possit ordinari. Vide in primæ Tabulæ columnâ primâ juxta numerum 16. quis numerus respondeat in secundâ columnâ: comperies pedes Romanos 2. & 56. ejusdem particulas centesimas. Tanta ergò debet esse diameter convexitatis in Lente convexa objectivâ adhibenda.

Tabulæ proportionis Lentium concavarum ad convexas in Tubis communibus brevioribus adhibendarum, juxta rationem, quam habet 1. ad 16.

Tabula I.			Tabula II.				
<div>Mensuræ integræ & earum partes centesimæ pro diametro vel semidiametro respondētis convexitatis in Lente objectivâ convexâ.</div>			<div>Partes centesimæ cum earum minutis pro diametro vel semidiametro concavitatis in specillo concavo proportionato.</div>				
			1	16.	5	0.	$\frac{5}{16}$
			2	32	10	0.	$\frac{10}{16}$
			3	48	15	0.	$\frac{15}{16}$
			4	64	20	1.	$\frac{4}{16}$
			5	80	25	1.	$\frac{9}{16}$
			6	96			
			7	1. 12	30	1.	$\frac{14}{16}$
			8	1. 28	35	2.	$\frac{3}{16}$
			9	1. 44	40	2.	$\frac{8}{16}$
			10	1. 60	45	2.	$\frac{13}{16}$
			11	1. 76	50	3.	$\frac{2}{16}$
			12	1. 92			
			13	2. 8	55	3.	$\frac{7}{16}$
			14	2. 24	60	3.	$\frac{12}{16}$
			15	2. 40	65	4.	$\frac{1}{16}$
			16	2. 56	70	4.	$\frac{6}{16}$
			17	2. 72	75	4.	$\frac{11}{16}$
			18	2. 88			
			19	3. 4	80	5.	$\frac{5}{16}$
			20	3. 20	85	5.	$\frac{10}{16}$
			21	3. 36	90	5.	$\frac{15}{16}$
			22	3. 52	95	5.	$\frac{15}{16}$
			23	3. 68	100	6.	$\frac{4}{16}$
24	3. 84						
25	4.						

Quod si verò habeas convexum objectivum, cujus convexitatis diameter sit ⁸⁰ ped. Romani, & scire cupias, quale specillum cavum sit adhibendum, ut bonus Tubus efficiatur; quære in secundæ Tabulæ columnâ primâ 80. & videbis in secundâ columnâ respondere 5. quot scilicet particulas centesimas debet habere diameter cavitatis specilli cavi adhibendi. Quod autem hic in exemplis de pede Romano & ejusdem particulis centesimis dictum, de quocunque alio pede vel mensurâ similiter intelligi potest.

Experientia tamen videtur suadere cavitates in hac proportionem ad Lentes convexas adhibitas esse sæpè nimis acutas: unde nisi valdè præstans vitrum objectivum adhibeatur, quod aperturam satis magnam admittit, objecta per ejusmodi Tubos comparebunt quidem magna, at valdè obscura. Deinde si proportio hæc generaliter bona esset, certè omnes Tubi ita juxta cum ordinati forent omninò æqualis virtutis & efficacis; adeoque quivis alteri par, etsi unus altero longior, cum quilibet toties diametrum apparentem objecti auget, juxta dicta supra quæst. 13. cap. 14. synt. 3. fund. 2. Quocirca hanc proportionem generaliter non credo subsistere; in mixtis siquidem istis Artificiis, ubi Physica cum Mathematicis ac mechanicis concurrunt, plus materiæ bonitati, exacto labori, ac figuræ perfectioni, adeoque experientiæ, quam rationi puto concedendum. Experientia autem, dum ejusmodi Tubos ordinamus; non tantum attendimus, ut objecta compareant valdè magna, sed simul clara & distincta: unde non ita curamus, quantum augeantur objecta, sed sufficit sæpè illa longius remota ita nobis propinqua comparere, ut multò clariùs & distinctius, quàm si libero oculo aspiceremus, videre possimus. Quocirca etiam in minore proportionem Lentes adhiberi possunt, sicut istæ proportionem in minoribus & mediocribus Tubis sæpius probatæ fuerunt.

*Aliquæ proportionem mitiores specilli cavi ad vitrum convexum
in Tubis communibus.*

Diameter cavitatis in partibus centesimis pedis Romani. Diameter convexitatis in similibus particulis aut integris pedibus.

5	_____	30. 35. vel 40.
8	_____	50. five $\frac{1}{2}$ ped.
10	_____	60. 70. 80.
11	_____	90.
12	_____	ped. 1.
14	_____	ped. 1. 20.
15. 16	_____	1. $\frac{1}{2}$
18. 20	_____	2.
22. 24	_____	3.
25	_____	4.

Regula
universalis
pro Tubis
commu-
nibus.

Tabula
proportio-
nis Lenti-
um in Tu-
bo com-
muni.

Verum pro regulâ universali tenendum, quod in ejusmodi Tubis sive Tele-
scopiis multum consideranda sit bonitas materiæ, perspicuitas æqualis, exactus la-
bor, seu figuræ perfectio in Lentibus objectivis, Lentes enim objectivæ perfectiores
tam in materia quam in figura patientes sunt ocularis acutioris: Quo enim ejus-
modi Lentes perfectiores tam in materiâ, quam in figurâ fuerint, eò clariores spe-
cies translabi permittent, aut magis aperiri poterunt; unde & ocularia spe-
cilla acutiora, quæ magis augment objecta, eaque propiora sistunt, admittent. Ut
porro Artifex facile scire queat, dum experienciâ comperit Lentes aliquas in Tubo
aliquo communi inter se conjunctas bonum præstare effectum, quam habeant
proportionem, & quantum Tubus ita ordinatus augeat apparentem diametrum
objecti, item & superficiem ejusdem: Tabulam ordinavi, in quâ datâ quacun-
que combinatione Lentis alicujus cavæ ad convexam sciri mox possit earum propor-
tio cum augmento diametri apparentis, vel etiam superficiem objecti. Ex. gr.
invenisti Lentem cavam ex diametro cavitatis 12. particularum centesimarum
pedis Romani, conjunctam in Tubo communi cum Lente convexâ, cujus con-
vexitatis diameter est 84. similium particularum, valdè bonum præstare Tele-
scopium commune: si jam cupias proportionem istarum Lentium scire, & quo-
ties hoc Telescopium augeat objecti diametrum aut superficiem apparentem:
quare numerum 12. in primâ columnâ Tabulæ, & ab invento numero ingredi-
re Tabulam, usque dum vel numerum convexitatis ibidem expressum invenias, vel
saltem proxime minorem. Sic in exemplo, cum numerus 84. sit in Tabulâ ex-
pressus, ab areolâ in quâ reperitur, si sursum ascendis ad primam seriem trans-
versam numerorum, reperies respondere 7. quocirca dices, Lentem cavam ad
convexam habere se, ut 1. ad 7. & toties etiam augebit diametrum apparentem
objecti. Quod si verò ab areolâ numeri 84. descendis ad basin Tabulæ, ad-
vertes huic numero 84. respondere 49. qui numerus indicat has Lentes adhibi-
tas toties objectum vel objecti superficiem augere. Si Lentis convexæ adhibitæ
diameter numeris non sit præcise expressa in Tabulâ; attende ad numerum pro-
ximè minorem. Ita si conjunctio cavæ Lentis longitudinis diametri 12. particu-
larum cum Lente objectivâ diametri 80. particularum facta esset; quia 80. pro-
pius accedit ad 84. quam ad numerum proximè minorem in eadem serie expres-
sum 72. judicabis proportionem Lentis cavæ ad convexam majorem esse, quàm
sit 1. ad 6. imò quàm sit 1. ad 6. $\frac{1}{2}$ adeoque facile etiam hinc disces, quoties au-
geat Tubus ita constructus diametrum apparentem objecti. Sed hæc de propor-
tione Lentium in Tubo communi sufficient, nunc ad reliqua progrediamur.

IX. Duarum Lentium in Tubo communi ab invicem distantia & collocatio,
etsi in fund. 2. superius synt. 2. cap. 3. aliquantulum sit indicata; hoc loco tamen pro
praxi melius explananda est. Quocirca

Oculus ut
distincte
videat, re-
quirit ra-
dios inci-
dentes di-
vergentes.

Notandum 1. Oculum cujusvis hominis ita constitutum esse, ad hoc ut bene
& distinctè aliquod objectum videat, quod debeat semper radios ab eodem objecti
puncto progressos accipere divergentes, aut saltem ob distantiam remotiorem,
undè sæpè veniunt, proximè parallelòs: idcirco terminus istorum radiorum diver-
gentium, quo sensibilibiter percipi possunt, videtur esse parallelismus: si enim
convergentes fiant ante oculi ingressum, cum citius quam par sit deinde in oculo
concurrant; ad Retinam concursus radiorum deduci nequit, adeoque nec distin-
ctè percipi valet. Dixi, *proximè parallelòs*; quia cum hi radii conum radiosum lon-
gissimum efficiant, necessario realiter & verè paralleli esse nequeunt, sed solum ob
longiorem processum pro physicè talibus reputantur.

Triplex
oculorum
differentia
triplicem
requirit
radiorum
divergen-
tiam.

Notandum 2. Quod sicut comprimis triplex est differentia oculorum, & tri-
plex modus eorum constitutionis ad distinctè videndum: ita etiam triplex debet esse
divergentia radiorum ante oculi ingressum, ad hoc ut distinctè radii ab eodem pun-
cto prolapsi possint debito loco colligi & sentiri. Sic cum detur triplex oculus,
nempe Myopis, naturalis sanus & bene constitutus, ac Presbytæ: ita oculus Myo-
pis,

Tabula proportionis lentium concavarum ocularium ad convexas objectivas in tubo communi cum augmento Diametri apparentis ac superficiei Objecti.

Proportio		&		Diameter		Apparens		Objecti.											
Ut 1. ad	2	3	4	5	6	7	8	9	10	11	12	13	14	15	16	17	18	19	20
2	o. 4	o. 6	o. 8	o. 10	o. 12	o. 14	o. 16	o. 18	o. 20	o. 22	o. 24	o. 26	o. 28	o. 30	o. 32	o. 34	o. 36	o. 38	o. 40
3	o. 6	o. 9	o. 12	o. 15	o. 18	o. 21	o. 24	o. 27	o. 30	o. 33	o. 36	o. 39	o. 42	o. 45	o. 48	o. 51	o. 54	o. 57	o. 60
4	o. 8	o. 12	o. 16	o. 20	o. 24	o. 28	o. 32	o. 36	o. 40	o. 44	o. 48	o. 52	o. 56	o. 60	o. 64	o. 68	o. 72	o. 76	o. 80
5	o. 10	o. 15	o. 20	o. 25	o. 30	o. 35	o. 40	o. 45	o. 50	o. 55	o. 60	o. 65	o. 70	o. 75	o. 80	o. 85	o. 90	o. 95	1. 0
6	o. 12	o. 18	o. 24	o. 30	o. 36	o. 42	o. 48	o. 54	o. 60	o. 66	o. 72	o. 78	o. 84	o. 90	o. 96	1. 2	1. 8	1. 14	1. 20
7	o. 14	o. 21	o. 28	o. 35	o. 42	o. 49	o. 56	o. 63	o. 70	o. 77	o. 84	o. 91	o. 98	1. 5	1. 12	1. 19	1. 26	1. 33	1. 40
8	o. 16	o. 24	o. 32	o. 40	o. 48	o. 56	o. 64	o. 72	o. 80	o. 88	o. 96	1. 4	1. 12	1. 20	1. 28	1. 36	1. 44	1. 52	1. 60
9	o. 18	o. 27	o. 36	o. 45	o. 54	o. 63	o. 72	o. 81	o. 90	o. 99	1. 8	1. 17	1. 26	1. 35	1. 44	1. 53	1. 62	1. 71	1. 80
10	o. 20	o. 30	o. 40	o. 50	o. 60	o. 70	o. 80	o. 90	1. 0	1. 10	1. 20	1. 30	1. 40	1. 50	1. 60	1. 70	1. 80	1. 90	2. 0
11	o. 22	o. 33	o. 44	o. 55	o. 66	o. 77	o. 88	o. 99	1. 10	1. 21	1. 32	1. 43	1. 54	1. 65	1. 76	1. 87	1. 98	2. 9	2. 20
12	o. 24	o. 36	o. 48	o. 60	o. 72	o. 84	o. 96	1. 8	1. 20	1. 32	1. 44	1. 56	1. 68	1. 80	1. 92	2. 4	2. 16	2. 28	2. 40
13	o. 26	o. 39	o. 52	o. 65	o. 78	o. 91	1. 4	1. 17	1. 30	1. 43	1. 56	1. 69	1. 82	1. 95	2. 8	2. 21	2. 34	2. 47	2. 60
14	o. 28	o. 42	o. 56	o. 70	o. 84	o. 98	1. 12	1. 26	1. 40	1. 54	1. 68	1. 82	1. 96	2. 10	2. 24	2. 38	2. 52	2. 66	2. 80
15	o. 30	o. 45	o. 60	o. 75	o. 90	1. 5	1. 20	1. 35	1. 50	1. 65	1. 80	1. 95	2. 10	2. 25	2. 40	2. 55	2. 70	2. 85	3. 0
16	o. 32	o. 48	o. 64	o. 80	o. 96	1. 12	1. 28	1. 44	1. 60	1. 76	1. 92	2. 8	2. 24	2. 40	2. 56	2. 72	2. 88	3. 4	3. 20
17	o. 34	o. 51	o. 68	o. 85	1. 2	1. 19	1. 36	1. 53	1. 70	1. 87	2. 4	2. 21	2. 38	2. 55	2. 72	2. 89	3. 6	3. 23	3. 40
18	o. 36	o. 54	o. 72	o. 90	1. 8	1. 26	1. 44	1. 62	1. 80	1. 98	2. 16	2. 34	2. 52	2. 70	2. 88	3. 6	3. 24	3. 42	3. 60
19	o. 38	o. 57	o. 76	o. 95	1. 14	1. 33	1. 52	1. 71	1. 90	2. 9	2. 28	2. 47	2. 66	2. 85	3. 4	3. 23	3. 42	3. 61	3. 80
20	o. 40	o. 60	o. 80	1. 0	1. 20	1. 40	1. 60	1. 80	2. 0	2. 20	2. 40	2. 60	2. 80	3. 0	3. 20	2. 40	3. 60	3. 80	4. 0
21	o. 42	o. 63	o. 84	1. 5	1. 26	1. 47	1. 68	1. 89	2. 10	2. 31	2. 52	2. 73	2. 94	3. 15	3. 36	3. 57	3. 78	3. 99	4. 20
22	o. 44	o. 66	o. 88	1. 10	1. 32	1. 54	1. 76	1. 98	2. 20	2. 42	2. 64	2. 86	3. 4	3. 30	3. 52	3. 74	3. 96	4. 18	4. 40
23	o. 46	o. 69	o. 92	1. 15	1. 38	1. 61	1. 84	2. 7	2. 30	2. 53	2. 76	2. 99	3. 22	3. 45	3. 68	3. 91	4. 14	4. 37	4. 60
24	o. 48	o. 72	o. 96	1. 20	1. 44	1. 68	1. 92	2. 16	2. 40	2. 64	2. 88	3. 12	3. 36	3. 60	3. 84	4. 8	4. 32	4. 56	4. 80
25	o. 50	o. 75	1. 0	1. 25	1. 50	1. 75	2. 0	2. 25	2. 50	2. 75	3. 0	3. 25	3. 50	3. 75	4. 0	4. 25	4. 50	4. 75	5. 0
Auges ob- jectum.	4	9	16	25	36	49	64	81	100	121	144	169	196	225	256	289	324	361	400

Diametri vel Semidiametri cavatis Specilli ocularis in particulis centesimis pedis Romani.

Diametri vel Semidiametri convexitatis vitri objectivi in pedibus & eorum particulis centesimis.

pis, ut distinctè videat, debet radios plurimum divergentes tanquam ab objecto valdè propinquo progressos accipere. Oculus naturalis bene constitutus admittit radios mediocriter divergentes, tanquam objectum esset in mediocri distantia constitutum. Oculus verò Presbytæ requirit radios minus divergentes tanquam objectum esset valdè remotum, ut radii propius ad parallelos accedant. Sicut igitur, ut modo dictum, pro triplici oculo triplex alia atque alia requiritur radiorum incidentium divergentia: ita per combinationem Lentis cavæ cum convexâ ex solâ alia (ut supra fund. 2. Synt. 2. cap. 3. demonstratum est) in Tubo communi collocatione potest effici, ut radii ab eodem objecto progressi & per ambas Lentes prolapsi, possint etiam aliter atque aliter divergentes egredi: unde Tubus istâ Lentium collocatione armatus oculo applicatus, radios prout divergentes requirit, potest transmittere, atque ita efficere, ut oculus illo adhibito possit objectum propositum distinctè videre. His prænotatis.

Quia uti supra in fund. 2. demonstravimus, si Lens cava ita post Lentem convexam collocetur, ut ejus distantia à foco primario Lentis convexæ tanta sit, quanta est distantia foci virtualis ejusdem Lentis cavæ, quod tunc radii post cavam Lentem ita collocatam egrediantur paralleli. Si distantia illa Lentis cavæ à foco convexæ minuatur, ita ut focus virtualis ultra focum Lentis convexæ existat, quod tunc radii post cavam Lentem remittantur convergentes. Si verò distantia cavæ Lentis à foco primario Lentis convexæ elongetur, ita ut Lens cava propius ad convexam accedat, atque ita focus virtualis præcedat focum Lentis convexæ; quod radii tunc egrediantur divergentes, & quidem tantò magis divergentes, quanto amplius à foco Lentis convexæ focus virtualis cavæ Lentis recesserit; sive, quanto magis Lens cava intra distantiam primarii realis foci Lentis convexæ, post spatium tamen (quod sit æquale distantie foci sui virtualis, in quo si locaretur, remitteret radios parallelos) magis versus Lentem convexam collocatum fuerit.

Habemus itaque jam modum & locum, quo si Lentes in Tubo communi collocentur, radii post Lentem cavam remitti queant divergentes. Si itaque dematur distantia foci virtualis in cavâ Lente à distantia foci primarii Lentis convexæ, habetur distantia duarum Lentium collocandarum in Tubo communi, sic ut radii egrediantur paralleli, qui locus est terminus maximæ earum distantie pro visu quomodolibet naturali. Si jam paululum distantia hæc abbrevietur; habetur distantia collocationis Lentium pro visu Presbytæ: si adhuc paulò magis abbrevietur, pro visu naturaliter bene constituto collocatio hujusmodi apta fiet: si adhuc amplius abbrevietur, pro visu Myopis serviet. Unde vides certum locum & distantiam, in qua Lens cava post convexâ collocari debeat pro omni visu præcisè & Mathematicè assignari non posse: imò sicut inter presbytas unus magis, alter minus divergentes radios incidentes requirit, prout visus unus præ visu alteri ad longinqua plus magisque extenditur: & sicut inter Myopes unus plus, alter minus myopiâ laborans etiam radios multò magis divergentes præ altero requirit; sic neque certa distantia Lentium in Tubo communi pro omnibus præcisè determinari potest, sed solum physicè & experimentaliter in praxi procedendum est, ut quomodo cuilibet visui Tubum, & in hoc Lentes ordinemus, experimento addisci debet. Habemus tamen directionis quandam regulam ab ipso termino divergentiæ radiorum sive parallelismo egressus radiorum, ultra quem terminum sive distantiam (quæ est, dum focus virtualis Lentis cavæ cum foco reali convexæ Lentis convenit) saltem Lens cava à convexâ in Tubo communi non distare debet.

Atque hinc jam pater planius, quomodo ad praxin servire possit problema illud in fund. 2. Synt. 2. cap. 3. pro 13. demonstratum. Item, cur universaliter pro omnibus Tubis in fund. præced. demonstratis semper radios post ipsos Tubos & in eorum figuris fecerimus ad oculum incidentes parallelos, cum potius debuissimus facere divergentes. Assumpsimus enim parallelismum tanquam terminum divergentiæ, qui exactè sciri potest pro visu quomodolibet naturali, cum divergentia maximam

Varia Lentis cavæ post convexam collocatione, ut radii remittantur vel paralleli vel convergentes vel divergentes.

Collocatio Lentium in Tubo communi pro diversis oculis.

Cur in priori fundamento radii post Tubos quosvis egredientes ponantur paralleli.

ximam habeat latitudinem, parallelismus autem sit quid medium inter divergentiam & convergentiam, atque etiam ut ita convergentiam omnem excludamus, cum nullus oculus inter indicatos sit ita constitutus, ut radios incidentes possit sensibilibiter debito Retinæ loco colligere, uti supra cap. 1. supp. 12. Synt. 2. fund. 2. indicatum est.

Quod si etiam Lector in prioribus legerit, radios ad oculum convergentes ante ingressum me quibusdam oculis assignare; ita intelligi volo, ut radii illi convergentes significant idem, ac minus divergentes sive ad convergentiam tendentes, non tamen reapse convergentes. Dixi etiam supra, *pro visu quomodolibet naturali*, quo tres species visus complector, ad excludendum visum planè exoticum, qui fortassis convergentes radios incidentes posset sensibilibiter debito Retinæ loco colligere & unire.

Tubuli
breviores
commo-
dissimi,

X. Cum Tubi communes, quò longiores fiunt, eò minus de objecto ostendant, diuque sint versandi, donec objectum quod petimus videre, in aspectum adducant: idcirco longiores ultra duos pedes vix jam ab Artificibus confici solent. Commodissimi tamen, & in usu communissimi sunt breviores Tubuli ad longitudinem quartæ partis pedis Romani, & adhuc minores vel ad semipedem; atque hi Tubuli ita ordinantur & aptantur pro visu utentis, ut nullâ educatione indigeant: sic enim promptissimè applicari possunt oculo, ac licet objecta non adeò multum augeant, valdè clarè tamen cum amplo satis spatio eadem repræsentare solent. Narratum mihi non ita pridem à viro Religioso fide dignissimo & in Mathematicis versatissimo, vidisse se apud magnum quendam Dominum Tubulum communem, qui non excedebat digiti longitudinem, nihilominus tam nitidè, clarè & auctè cum amplo valdè spatio objecta ostendebat, ut Tubo convexo-convexo 4. aut 5. pedum potuerit comparari. Optimè igitur faciunt, qui in minoribus istiusmodi Tubulis ad maximam perfectionem adducendis se exercent: minora namque in omnibus semper gratiora.

Lentes
plano-
concavæ
præstant
concavo-
concavis.

XI. Licet practicè cavitates paulò obtusiores perfectiùs elaborari possint, quàm acutiores. Item Lentes utrinque æqualiter cavæ duplo obtusioris cavitatis licet æquivalent Lenti plano-concavæ duplo acutioris cavitatis: Nihilominus compertum est cæteris paribus semper melius esse in Tubis communibus adhibere Lentes plano-concavas, quàm concavo-concavas; quia nempe difficilius hæ Lentes ita solent apparari, ut ambæ cavitates justè congruant: quod nisi fiat, nihil boni per eas præstari poterit.

Lens po-
lyoptra in
Tubo
communi
quid præ-
stet.

XII. Si loco cavæ Lentis in Tubulo parvo adhibeatur Lens polyoptra, qualis supra in fund. 2. Synt. 2. cap. 6. prop. 28. coroll. 2. describitur, quæ plures similes cavitates convexæ Lenti proportionatas intritas habet: parari potest curiosum Telescopium commune, quod idem objectum multiplex ostendit, adeoque unam turrim, arborem, equitem vel hominem toties multiplicat, quot cavitates habet. Si tamen circulare planum cum parvo circa medium sive centrum foramine, quod mediæ cavitati Lentis polyoptræ congruat, præponatur, objectum tantum simplex per foramen illud exhibebit. Ejusmodi tamen Telescopia minora tantum effici possunt; quia cum ad majora debeant cavitates proportionatæ esse etiam obtusiores, plures autem difficilius ita vitro interi possint, ideò etiam difficulter majora Telescopia hoc modo parari possunt.

Tubi
communes
cum tri-
bus vitris.

XIII. Fiunt etiam Tubi Optici communes adhibitis tribus vitris, cum nempe inter objectivum convexum & oculare concavum aliud adhuc vitrum medium convexum vel concavum in Tubo collocatur. Tubi qui adhibito vitro convexo probè ordinantur, possunt valdè clarè & præcisè objecta repræsentare, cum vitrum objectivum convexum debeat esse majoris diametri, atque idcirco majorem aperturam admittere possit. Exemplum constructionis ejusmodi Tubi habes in hac ordinatione. Sumantur duo vitra convexa æqualis virtutis, quæ scilicet ordinent communem basin distinctionis, sive (quod idem est) removeant focum ad distan-

tiam

tiam unius pedis Romani. Specillum plano-concavum adhibeatur in sphaericitatis suae diametro $\frac{12}{100}$ ped. Rom. distantia ocularis plano-concavi à medio fiat $\frac{30}{100}$. medii verò ab objectivo $\frac{40}{100}$. erit longitudo totius Tubi paulò ultra dimidium pedem, scilicet $\frac{70}{100}$ circiter. Potest tamen talis Tubus diversimodè ordinari brevior & longior cum diverso etiam effectù, ut mox indicabitur.

XIV. Ad practicè construendos Tubos communes cum tribus vitris, generaliter scire convenit, quæ sequuntur.

Observanda in praxi pro constructione Tubi cum tribus Lenticulis.

1. Cum adhibetur medium convexum quod in virtute est omninò æquale objectivo convexo, quò propius accedit ad objectivum, eo objectivum in virtute sua minuitur, ita ut minor Tubus efficiatur, ac etiam objectum in tali combinatione minus repræsentetur.

2. Quò propius verò medium vitrum convexum ad oculare cavum applicatur, eo cavum hoc specillum etiam in virtute sua minuitur, ita ut Tubus iterum abbreviandus sit, & objectum minus per eum exhibeatur; cum in tali combinatione concavum æquivalet concavo obtusioris cavitatis.

3. Locus aptissimæ collocationis medii vitri censetur, cum nec objectivum nec oculare in virtute sua nimium deprimitur, atque Tubus fit in tali combinatione longissimus, qui locus melius experimento addiscitur, quàm certâ ratione assignatur.

4. Cum objectivum adhibetur paulò acutioris vel obtusioris convexitatis quàm sit medium vitrum, similiter, ut modò indicatum est, dum propius vel ad objectivum vel ad oculare hoc applicatur, virtutem vel objectivi vel ocularis minuit. Optima rursus collocatio medii vitri erit in longissima Tubi educatione.

5. Diversa planè ratio est cum vitris cavis. Si enim in Tubo communi adhibeantur duo concava vitra, quò concavum medium plus accedit ad objectivum, eò amplius augètur hujus virtus, ita ut Tubus longius etiam educi debeat, & objectum majus repræsentari queat: quò verò magis accedit ad concavum oculare, eò magis crescit virtus concavi ocularis, iterumque objectum cum longiore educatione majus, at obscurius repræsentari poterit. Optima igitur collocatio medii vitri pro meliori ordinatione talis Tubi erit in combinatione ista, cum Tubus fiet brevissimus. Sed nos ita hisce dilucidè quantum licuit, indicatis, nunc

ulterius progrediamur.



CAPUT VI.

*De Tubis Opticis melioris notæ sive Telescopiis convexo-convexis,
& practicâ eorundem constructione, tractatione ac usu.*

PER Tubos convexo-convexos intelligi volo eos, qui ex meris Lentibus convexis construi solent: nominoque melioris notæ, eo quod hoc tempore pro præstantioribus habeantur; dum scilicet objecta non tantum satis aucta & magna, sed etiam cum ampli spatii exhibitione repræsentare solent. Ut itaque Tubi ejusmodi satis boni practicè elaborentur, quædam pro praxi singulariter observanda subjicio.

Lens objectiva singulariter observanda.

I. Ad quosvis Tubos convexo-convexos meliori modo construendos Artifici singulariter incumbit objectivi vitri perfectionem attendere; prout enim hoc tam in materiâ quàm formâ perfectius erit, eo etiam melior inde Tubus construi poterit: Quia hoc vitrum pro majori perfectione majorem etiam aperturam admittet, adeoque etiam primum oculare vitrum oculo scilicet proximum acutius adhiberi sinet, sicque objecta majora & propiora exhiberi poterunt. Quò autem vitrum objectivum tam in materia quam formâ fuerit minùs perfectum, eò minorem aperturam admittet, & oculare primum in convexitate paulò obtusius requireret, unde objecta non ita magna, aucta & propinqua exhiberi poterunt. Optimè placent vitra objectiva in Tubis collocata, cum objecta tam circa medium quàm extremitates completè & æquè magna, clara & perfectius expressa ostendunt: quando autem cum aliqua teneritudine, obscuritate, inæqualitate minùs completa eadem ostendunt, ineptiora censentur.

Tubi aptatio pro Lentis objectiva.

II. Cum plurimum juvet ad Tubi alicujus præstantiam, sicut fund. 2. cap. ult. §. 9. indicatum, si Lens objectiva non immediatè luci exponatur, sed ante se Tubum satis amplum & productum intusque denigratum habeant (ut sic aptissimè imitemur Naturam, quæ etiam humorem crySTALLINUM Lentiformem plus intra oculi recessus scilicet post pupillam velut in camera obscura ad immodicam luminis affusionem speciebus infestam utilissimè coercendam abdidit) vel in arundine priori vacua plus introrsum recondatur: idcirco hoc ipsum practicè præstari poterit, vel capsæ anterioris *AB*, in quâ Lens objectiva cum præfixo annulo suo, ut alias in quibusvis Tubis usitatum, collocatur, operculum *CD* prolongando cum foramine patulo *E* ad latitudinem aperturæ Lenti objectivæ convenientem, quod suo quoque operculo *F* spinoso ac tereti occludi possit, ut in fig. 1. patet. Vel in arundine minori *AB* Lentem objectivam recondendo ad locum *A*, quæ deinde arundo alteri paulò majori *CD* committi poterit, ut in fig. 2. monstratur. Arundo autem *a b* antrosum prorsus vacua erit, quamvis opportunum sit intus eam denigrare, & aliquot annulis inumbrare: ad *E* verò paulo angustius foramen conveniens latitudini aperturæ specillo objectivo concedendæ habere debeat, quod suo etiam operculo spinoso *F*, cum Tubus seponitur, muniri possit. In Tubis autem longissimis, qui non contrahuntur, aut de loco in locum transferuntur, sed extracti & bene ordinati fulcris constanter in loco aliquo sustinentur, conducit priorem arundinem *AB* paulò majorem relinquere vacuam, & in secunda *CD*, quæ priori immittitur, circa *D* objectivum specillum recondere, ut in figura 3. apparet. Similiter convenit priorem arundinem *AB* ad *E* aperire pro latitudine diametri aperturæ, quam Lens objectiva requirit, intusque denigrare, vel tenui panno laneo nigro investire, atque etiam annulis aliquot obscurare, ut ita lumen immodicum speciebus infestum ante Lentis objectivæ ingressum arceatur, solumque moderatum speciebus deportandis conveniens transire permittatur.

fig. 1.




fig. 2.





fig. 3.



III. In aperiendis Lentibus objectivis, licet aliqui pro ratione diametri convexitatis proportionem quandam amplitudinis præscribant, ut supra fund. 2. Synt. I. cap. 10. n. 13. indicavimus: nihilominus semper experientia præferenda est: melius equidem in Tubis præsertim longioribus, (ut supra etiam intimatum) ea applicatur apertura, quæ experimento addiscitur probatissima. Unde prodest plures diversos annulos ex chartâ compacta rigidiori excisos in promptu habere, qui vitris objectivis cerâ piceatâ agglutinati, vel alio quovis modo appositi facillè ostendant, quanam apertura aptissimè conveniat. Imò si arundines intus per impositos plures annulos magis obscurentur, sæpè vitrum objectivum, quod sine tali obscuracione ac inumbratione imperfectum cum minori amplitudine aperturæ comperiebatur, jam cum majori amplitudine multò perfectius advertetur.

Apertura
Lentis ob-
jectivæ.

IV. Cum dictum sit supra in fund. 2. Lentes oculares convexas tanto præstantiores esse, quanto magis aperiuntur intra distantiam tamen grad. 15. aut ad summum 20. ab axe: hinc Lentium ocularium qualiumcunque, tam convexo-convexarum, quam plano-convexarum, quarum convexitatis diameter ultra pedem Romanum se non extendit, quantitas, amplitudo & crassities optimè in præsentî figurâ (in qua A centrum cujuslibet convexitatis, AD axis ac semidiameter ad quamcunque convexitatem protensa, DB & DC longissima distantia ab axe grad. 20. ultra quam Lens aliqua tam convexo-convexa, quam plano-convexa aperiiri non debet) discerni potest. Porro quia vix videtur vitrum satis aptum in ea crassitie pro maximis ocularibus obtusioribus utrinque convexandis haberi posse: necessariò semper in latitudine minores effici debebunt, & ideò etiam saltem adhuc præstantiores erunt, quo magis aperiuntur, quia radios propius ad axem incidentes excipient, unde & fortiores, efficaciores, vivacioresque remittent. Patet etiam in figura, si data sit vitri qualiscunq; crassities, quantæ Lentes inde facillè formari queant, sive eæ convexo-con-


Lentium
ocularium
apertura.

R

vexæ

vexæ, five plano-convexæ exoptentur. Et si Lentis alicujus ocularis apertura circino excepta in figuram transferatur, statim videri poterit, quot graduum sit, adeoque quid ratione apertura præstare possit.

Notandum autem, numeros circa latera adscriptos indicare convexitatem alicujus Lentis vel utrinque æqualem, cum opposita altera curva linea, cujus radius, semidiameter, aut distantia foci est tot particularum centesimarum, quot numerus adscriptus indicat; vel cum opposita linea recta transversa Lentem ex altera parte planam, cujus proinde focus est ad distantiam diametri, five distat duplo magis, quam per numeros ibidem indicatur.



V. In ejusmodi Tubis convexo-convexis aptissimè construendis semper melius est adhibere Lentes oculares medias in convexitate paulò obtusiores, quam cum eadem aperturâ acutiores; quia radios utpote ad axem viciniore minusque refractos, ideò fortiores & efficaciores trajicient, undè Tubus hinc constructus magis præcisè, distinctè & clarè objecta repræsentare poterit, licet nonnihil protractior & longior fieri debeat. In Tubis autem melioris notæ quatuor Lentium convexarum, duæ mediæ Lentes oculares licet æquales esse possint oculari Lenti ad oculum proximæ, nunquam tamen debent esse acutiores eadem: semper autem præstat paulò obtusiores esse. Ac licet etiam Lens ocularis propior objectivæ Lenti possit esse acutior, quam media ocularis; non tamen bene fit acutior eâ, quæ est oculo vicinior; etsi mediæ oculari paulo obtusiori adhibita æqualis eidem fieri possit. Sic,

Quales
mediæ
Lentes
oculares
adhiben-
dæ.

Lentes oculares.			Lens objectiva.	
Oculus	— A — B — C —		D —	objectum

ut in exemplis jam dicta declaremus. Bonus fiet Tubus, si adhibeatur Lens objectiva *D* vel utrinque æqualiter convexa, cujus convexitatis diameter sit 4. pedum; vel plano-convexa, cujus convexitatis diameter sit 2. pedum; vel etiam absolute loquendo, cujus focus principalis sit ad distantiam duorum pedum: Lentes autem oculares omnes *A, B, C*, fiant similes æqualiter utrinque convexæ ex diametro convexitatis $\frac{3}{100}$. Minor in bonitate fiet Tubus, si duæ mediæ oculares *B* & *C* fiant $\frac{1}{100}$ manente oculari *A* $\frac{3}{100}$ melior autem fiet Tubus, si *A* utrinque fiat $\frac{1}{100}$ at *B* & *C* utrinque similes $\frac{3}{100}$ optimus effici poterit Tubus, si *A* utrinque fiat $\frac{1}{100}$ *B* utrinque $\frac{3}{100}$ *C* inæqualiter $\frac{3}{100}$ & $\frac{1}{100}$ vel æqualiter utrinque $\frac{3}{100}$. Sed omnia hæc vide melius in Tabulâ per diversam ocularium Lentium combinationem ita expressâ, ut unico intuitu facillimè addisci queant.

	A	B	C	D
Tubus in effectu.	Diameter Lentis ocularis propioris oculo.	Diameter Lentis ocularis mediæ.	Diameter Lentis ocularis propioris Lenti objectivæ.	Focus Lentis objectivæ.
	Partes 100.	Partes 100.	Partes 100.	Pedes
Minus	35.	30.	30.	2
Bonus	30.	30.	35.	2
	35.	35.	30.	2
Bonus	35.	35.	35.	2
	30.	30.	30.	2
Melior	30.	35.	35.	2
Optimus	30.	35.	35. 30.	2

Proportio
Lentium
quam dif-
ficulter
assignetur.

VI. Difficile est in Tubis convexo-convexis assignare proportionem Lentium ocularium ad objectivas ; cum pro ratione perfectionis figuræ in ipsis Lentibus præsertim objectivis , & pro materiæ aptitudine in Lentibus maximè ocularibus semper alia atque alia proportio esse queat , ita quidem , ut ad duas Lentes objectivas ex eadem scutellâ similiter elaboratas nihilominus diversæ Lentes oculares adhiberi possint , nempe acutiores (quæ sint portiones sphaerarum minorum) ad eam objectivam , quæ ob figuræ perfectionem admittit aperturam majorem ; & adhuc acutiores , cum ipsa materia Lentium fuerit candidior , purior & clarior. E contra autem , si Lens objectiva minùs perfecta fuerit , ita ut non admittat tam amplam aperturam propter aliquam figuræ imperfectiorem ; etiam Lentes paulò obtusiores , quæ sint portiones majorum sphaerarum , adhiberi debebunt , & tanto etiam obtusiores , quanto materia Lentium fuerit impurior , coloratior , & ex saturatione aliquo colore obscurior. Ex quibus compareret , certam & universalem proportionis regulam assignari non posse , cum Artifici semper & Lentium perfectio & materiæ in ipsis aptitudo quamplurimum attendenda sit. Nihilominus tamen *P. Dechales* pro Tubis convexo - convexis trium Lentium convexarum assignat proportionem Lentis objectivæ ad ocularem , ut 14. ad 1. *Nam expertus sum* , inquit coroll. 3. prop. 23. lib. 2. Dioptr. *in Lente objectiva , cujus basis distinctionis remota erat duobus pedibus cum quadrante , optimas fuisse Lentes oculares , quarum focus erat tantum duorum digitorum : erant autem duæ oculares æquales.* Verùm , an ideò universaliter concludi possit , hanc proportionem etiam in aliis quibusvis tam majoris , quam minoris diametri Lentibus objectivis ad alias oculares similiter adhibitas , justam esse , disceptare nolo. Interim tamen ex hoc fundamento sequentem Tabulam ordinavi , ut pro directione aliquâ faciliè ibidem videri queat , quænam oculares datis quibuslibet fermè objectivis in assignatâ proportionem convenire possint.



*Tabula proportionis Lentium ocularium ad objectivas in Tubis
convexo-convexistrium Lentium secundum rationem, quam habet
1. ad 14. supputata.*

Focus Lentis objectivæ in pedibus integris & dimidiis.	Focus Lentis ocularis in particulis 100. pedis Romani.	Diameter convexitatis utrinque æqualis in particulis 100.
0. $\frac{1}{2}$	3 $\frac{8}{14}$	7. —
1.	7 $\frac{2}{14}$	14. —
1. $\frac{1}{2}$	10 $\frac{10}{14}$	21.
2.	14 $\frac{4}{14}$	28. $\frac{1}{2}$ —
2. $\frac{1}{2}$	17 $\frac{12}{14}$	35. $\frac{1}{2}$ —
3.	21 $\frac{6}{14}$	43. +
4.	28. $\frac{8}{14}$	57. —
5.	35. $\frac{10}{14}$	71. —
6.	42. $\frac{12}{14}$	85. $\frac{1}{2}$ —
7.	50.	100.
8.	57. $\frac{2}{14}$	114. —
9.	64. $\frac{4}{14}$	128. $\frac{1}{2}$ —
10.	71. $\frac{6}{14}$	143. +
11.	78. $\frac{8}{14}$	157. —
12.	85. $\frac{10}{14}$	171. —
13.	92. $\frac{12}{14}$	185. $\frac{1}{2}$
14.	100.	200.
15.	107. $\frac{2}{14}$	214.
16.	114. $\frac{4}{14}$	228. $\frac{1}{2}$ —
17.	121. $\frac{6}{14}$	243. +
18.	128. $\frac{8}{14}$	257. —
19.	135. $\frac{10}{14}$	271. —
20.	142. $\frac{12}{14}$	285. $\frac{1}{2}$ —
24.	171. $\frac{6}{14}$	343. +
25.	178. $\frac{8}{14}$	357. —
30.	214. $\frac{4}{14}$	428. $\frac{1}{2}$ —
35.	250.	500.
40.	285. $\frac{10}{14}$	571.
45.	321. $\frac{6}{14}$	643. +
50.	357. $\frac{2}{14}$	714. —

VII. Modus practicè ordinandi Tubum trium Lentium convexarum, & collocandi Lentes in eo, ut objecta possint exhiberi in situ recto majora, imprimis talis est.

| *Oculus* ——— *A* ——— *B* ——— *C. Objectum.* |

Modus I.
ordinandi
Lentes in
Tubo triū
Lentium.

Lens media convexa *B* (quæ potest esse vel æqualis convexitatis cum oculari *A*, vel paulò obtusioris) disponatur in Tubo post focum Lentis objectivæ *C*, teneaturque hæc Tubi pars *BC* versus objectum aliquod remotius. Admoto deinde oculo disponatur Tubus, cum nunc huc nunc illuc ducendò, donec per Lentes *B* & *C* valdè distinctè videatur objectum aliquod remotum, in situ licet everso: Quo obtento Tubus *BC* paulò amplius extrahatur & prolongetur, ut omninò obscure & confuse idem objectum conspici queat. Denique Lens ocularis *A* cum suo Tubo sensim priori ordinationi Tubi *BC* admoveatur, donec oculus per Lentes *ABC* simul distinctissimè remotius objectum in situ naturali & erecto conspiciat.


Modus II.
Lentes in
hoc Tubo
ordinandi.

Vel similiter alio modo Tubus ordinari poterit. Si per duas Lentes *A* & *B* imprimis visio formetur ac observetur, quandoque clarissimè objectum licet in situ everso conspiciatur: hoc conspecto distantia inter *A* & *B* adhuc magis elongetur, ut iterum confuse objectum videatur (hoc est, Lens ocularis *A* removeatur à Lente *B* saltem sesquidiametro convexitatis seu tripla distantia basis distinctionis Lentis *B* & adhuc paulò plus, sive distantia foci Lentis *A*) deinde Lentes *A* & *B* ita dispositæ sensim admoveantur Lenti objectivæ *C*, donec objectum quàm distinctissimè appareat.

Notandum autem, quo amplius distantia *BC* abbreviatur, eo magis distantiam *AB* elongari debere, & tunc objectum etiam eò majus compatere: quanto autem amplius prolongatur distantia *BC*, tantò distantiam *AB* abbreviari debere, & objectum minus apparere. Alia adhuc de Tubo trium Lentium convexarum vide supra fund. 2. Synt. 3. cap. 6. Item cap. 15. §. 10. ejusdem Syntag.

Proportio
Lentium
ocularium
ad objecti-
vum in
Tubo 4.
Lentium.

VIII. Pro construendo Tubo melioris notæ 4. Lentium convexarum *Decha-*
les lib. 2. Dioptr. prop. 24. coroll. 1. ait, proportionem Lentis objectivæ cum oculari-
bus hanc se invenisse aptissimam: si nempe Lens uniat radios ad distantiam duo-
rum pedum cum quadrante: quælibet Lens ocularis uniat radios ad distantiam
duorum circiter digitorum: quæ proportio juxta divisionem pedis in 100. particu-
las foret ut 225. ad 16 $\frac{2}{3}$. vel universaliter neglectis minutiis fermè, ut 14. ad 1. Un-
de patet in Tubo hoc similes in proportionem Lentes oculares ad objectivas, uti in
Tubo trium Lentium convexarum modò dictum, adhiberi posse, sed aliâ cum ordi-
natione, ut paulò post indicabitur. D. *Joannes Franciscus Grindel ab Ach*, (à quo ego
& D. Bentz nunc Opticus Cæsareus principia practica Artis Telescopicæ accepi-
mus) olim pro Tubis 4 & 5. Lentium sequentes proportionem
ordinavit.




Tabula proportionis Lentium ocularium convexarum ad Objectivas in Tubis 4. & 5. vitrorum.

Lentes ob- jectivæ u- trinque æ- qualiter convexæ ex diame- tro.		Pro Tubo 5. Lentium convexarum respondent Len- tes oculares utrinque æqualiter convexæ ex dia- metris partium 100. pedis Romani.			
Pro Tubo 4. Lentium re- spondēt Len- tes oculares utrinq; æqua- liter convexæ ex diamet. part. 100.					
<i>Pedum.</i>	<i>Omnes.</i>	<i>Oculare 1.</i>	<i>II.</i>	<i>III.</i>	<i>IV.</i>
1	25	25	30	35	40
2	30	30	35	40	45
3	35	35	40	45	50
4	40	40	45	50	55
5	45	45	50	55	60
6	50	50	55	60	65
7	55	55	60	65	70
8	60	60	65	70	75
9	65	65	70	75	80
10	70	70	75	80	85
11	75	75	80	85	90
12	80	80	85	90	95
13	85	85	90	95	100
14	90	90	95	100	105
15	95	95	100.	105	110
16	100	100	105	110	115
17	105	105	110	115	120
18	110	110	115	120	125
19	115	115	120	125	130
20	120	120	125	130	135

Verum quia Lentes oculares in Tubo 4. vitrorum convexorum adhibitæ quò sunt majoris sphaeræ portiones, eò minus quidem sed clarius objectum solent repræsentare; & quò minoris sphaeræ, eò quidem majus sed paulò obscurius: ideo ut cum sufficiente claritate objectum semper majus repræsentari queat; valdè conveniens est (ut etiam experimento adverti) moderationem aliquam adhibere, & duas medias Lentes oculares paulò obtusiores ad priorem aliquam ocularem magis acutam assumere, quamvis *Dechales* in coroll. 1. prop. 24. lib. 2. Dioptr. dicat, *satius esse, ut tres Lentes oculares sint æqualis convexitatis*. Deindè quia etiam quò Lentes objectivæ in convexitate majoris sunt diametri, eò ampliores aperturas admittere solent; & quò amplior est apertura, eò lux major ingrediens etiam species longius provehere potest: idcirco non puto Geometricam aliquam proportionem Lentium ocularium ad objectivas juxta earum diametros observari debere, sed potius aperturas objectivarum Lentium attendendas, quàm focorum distantias aut convexitatum diametros, ita ut majoribus aperturis semper paulò minoris sphaeræ portiones in ocularibus adhibendæ sint: undè sequentem Tabulam aliquando ordinavi, ut quales Lentes oculares ad quasvis objectivas juxta indicata principia magis congruenter adhiberi possint, ad primum intuitum facillimè patere queat.

Hæc tamen Tabulâ non obstante semper Artifici liberum est pro materiæ in Lentibus perspicuitate & aptitudine ac etiam perfectioris figuræ impressione alias Lentes oculares applicare. Potius igitur ea pro directione aliquâ servire potest, ut quales Lentes in mediocri solum perfectione adhiberi queant. Cum autem vel perfectio minor vel major adhuc in Lente objectivâ fuerit, etiam alias oculares in convexitate vel obtusiores vel acutiores conformiter adhiberi poterunt. Quocirca etiam D. Bentzius in literis Viennâ ante aliquot annos ad me datis scribit, se tantum in Teledioptricis profecisse, ut ad vitrum objectivum 20. pedum diametri etiam oculare $\frac{10}{100}$ diametri, & ad objectivum 10. pedum oculare $\frac{25}{100}$ in Tubo commodissimè adhibere possit, & quidem cum magnâ claritate, & admirandâ objecti tam magnitudinis quam propinquitatis exhibitione, quæ ultimâ duo necessariò consequi debent. Verum hæc ipsa proportio est, quam *P. Rheita* in Tabulâ suâ pro Telescopiis Astronomicis assignavit, ut infra suo loco dabitur. Undè nihil amplius dico: Quicumque in objectivis Lentibus perfectius elaborandis magis excelluerit, is longè alias etiam acutissimas Lentes oculares applicare, atque ita Tubos admirandæ prorsus excellentiæ & perfectionis pro Magnatibus parare poterit.




*Tabula proportionis Lentium ocularium in particulis centesimis
pedis Romani ad objectivas in pedibus integris & dimidiis pro
Tubo 4. vitrorum.*

Distantia foci in Lentibus obje- ctivis.	Diameter con- vexitatis primæ Lentis ocularis utrinque æqua- liter convexæ.	Distantia foci primæ Lentis ocularis.	Diameter con- vexitatis media- rum Lentium o- cularium utrin- que æqualiter convexarum.	Distantia foci mediarum Len- tium ocula- rium.
Pedes.	Partic. 100.	Partic. 100.	Partic. 100.	Partic. 100.
$\frac{1}{2}$	15	$7 \frac{1}{2}$	20	10
1	20	10	25	$12 \frac{1}{2}$
$1 \frac{1}{2}$	25	12	30	15
2	30	15	35	$17 \frac{1}{2}$
$2 \frac{1}{2}$	35	$17 \frac{1}{2}$	40	20
3	40	20	45	$22 \frac{1}{2}$
4	45	$22 \frac{1}{2}$	50	25
5	50	25	55	$27 \frac{1}{2}$
6	55	$27 \frac{1}{2}$	60	30
8	60	30	70	35
10	65	$32 \frac{1}{2}$	80	40
12	70	35	90	45
15	75	$37 \frac{1}{2}$	100	50
18	80	40	110	55
20	85	$42 \frac{1}{2}$	120	60
24	90	45	130	65
28	95	$47 \frac{1}{2}$	140	70
30	100	50	150	75

Ordinatio
& dispositio
Lentium
in Tubo
meliori 4.
vitrorum,

IX. Modus disponendi Lentes in Tubo 4. vitrorum melioris notæ, licet satis bene supra in fund. 2. cap. 8. circa finem sit indicatus, eum tamen hic melius per figuras declaro.



Collocato imprimis specillo objectivo in Tubi arundine minori circa *E* committantur aliæ arundines *e d D*, ut in figurâ apparet; disponatur etiam ad *D* media aliqua Lens ocularis, quæ debet esse tertia ab oculo, teneaturque Tubi ista ordinatio ex pluribus arundinibus composita versus objectum aliquod remotum, ac applicetur oculus circa Lentem *D* paululum tamen remotus, velut ad *f*. quo facto tam diu huc illucque ducantur arundines commissæ, donec oculus circa *F* applicatus videat objectum diffitum quam clarissimè & distinctissimè licet eversum. Ubi hoc peractum, seponatur & relinquatur ista Tubi ordinatio: Sumantur deindè duæ aliæ arundines ordine consequentes *Cc* & *Bb* (quibus circa finem in *C* & *B* duo reliqua ocularia specilla sint imposita) ac commissæ invicem sicut prius versus objectum aliquod remotius teneantur, rursusque oculus circa Lentem *B* paululum tamen remotus ab ea applicetur, ducanturque commissæ arundines iterum tam diu huc illucque, quousque iterum objectum foris existens nitidissimè ac vivacissimè eversum appareat: eritque sic altera pars Tubi aliquatenus aptata.

Tandem sumantur hæ duæ ordinationes *Bc* & *DE*, ac invicem committantur, ut unum Tubum efficiant, velut in *F*, ac aliis imprimis omnibus immutatis & in ordinatione suâ permanentibus quæraturs distantia tertiæ ocularis *D* à secundo *C*: quæ tunc censetur inventa, quando objectum longius foris existens oculo per integrum Tubum perspicienti in amplissimo circulari plano erectum quam vivacissimè se ficit. Denique hæc distantia *CD* inventâ, quæ est vera & deinceps permanere debet, minuatur aliquantulum illa distantia *DE* sive Lentis objectivæ ab oculari tertiâ *D* primitus inventâ, Tubusque ibi paululum contrahatur: è contra distantia *BC* sive Lentis mediæ ocularis *C* à prima oculari *B* augeatur, sive Tubus ibidem paulo magis educatur, quousque clarissima, acutissima ac nitidissima objecti species advertatur; eritque Tubus ita peroptimè ordinatus, ut in *F* melius videre licet. Signa etiam exterius notari debent, ut dum reponendus planè contrahitur & componitur, velut in *G* vides, deinceps ad usum facillè mox accommodari & adaptari iterum similiter possit. Additur etiam major arundo *A* pro externo lumine speciebus ad oculum procurrentibus valdè infesto commodius arcendo, ut ita clarior visio effici possit.

X. Cum Tubi 4. vitrorum convexorum non in eâdem ab omnibus distantia ad oculum applicari possint ac debeant, idcirco pro visus cujusvis qualitate & conditione major arundo *A* singulariter adaptari debet, cujus adaptationis regulæ esse possunt.

1. Nota optimæ adaptationis & extractionis majoris arundinis in Tubis 4. vitrorum convexorum est, cum sublatis coloribus præsertim cæruleo & flammeo objectum nitidè in amplo plano circulari trajicitur.

2. Quando Lunula colorata dimidiam amplitudinem præspectivam oberat aut circumvagatur, signum est, Tubum nimis oculo propinquum esse, atque idcirco ultima arundo major & vacua magis extrahi & educi debet.

3. Cum verò circulare planum valdè angustum & spectabilium rerum apertura minor est; indicat nimiam remotionem ab oculo, & Tubum amplius contrahi & in majorem arundinem magis immitti debere, ut propius oculo admoveri possit.

4. Qui sunt Myopes, de arundine majori magis Telescopium extrahere, & longius ab oculo removere debent. E contra Presbytæ Tubum minus extrahere & magis oculo adducere debent.

5. Ad optimè cernenda objecta propinquiora, velut ad legendas literas in distantia mediocri, in quâ tamen liberis oculis legi non possent, Tubus elongari, & ita Telescopium in Engyscopium converti debet.

XI. In construendis Tubis cum 5. & pluribus etiam Lentibus Artifices plurimum variant, & quivis peculiarem aliquem solet modum habere. Ego aliquos Tubos cum 5. Lentibus obiter pro Exemplis indico.

<i>Distantia foci Lentium ocularium indicata per centesimas particulas pedis Romani.</i>				<i>Distantia foci corre- spondentis Lentis ob- jectiva.</i>
Oculare I.	II.	III.	IV.	Ped. Rom.
15	93	93	93	10
30	25	25	42	6
15	13	13	21	3
15	17 $\frac{1}{2}$	17 $\frac{1}{2}$	17 $\frac{1}{2}$	1 $\frac{1}{2}$

Quod attinet collocationem Lentium in ejusmodi Tubis potest praxis ex supra indicatis fund. 2. Synt. 3. cap. 8. facillimè colligi.

XII. Cum facilè contingat (maximè in Tubis chartaceis sæpius eductis & reductis) pulvisculos vitris afflari, ac aliundè etiam ab aëre pulverulento vitra præsertim exteriora infestari & obnubilari, hinc sequentia monita observari poterunt.

1. Omnis halitus vitris Telescopio impositis afflatus noxius est.

2. Cum vitra deportato Telescopio ex frigidiori aëre ad calidiorem, vel è calidiori ad frigidiorum, aut etiam solo manuum calidiorum attactu nebuloso quodam vapore offundi continget, ita relinqui consultius erit, cum facile mador seipso tolli possit, quàm extractis sæpe vitris eundem hinc abstergere.

3. Vitra pulverulenta aut quovis modo nebulosa mundantur optime solo panno lineo ab ultimâ lotionem adhuc mundo, nec ad alios usus adhibito.

4. Undè exempta sunt vitra ibidem post repurgationem reponi debent: perindè autem est, quâ facie imponantur.

Observan-
da in vitro-
rum à pul-
vere aliis-
que repur-
gatione,

Observanda in usu & tractatione quorumlibet Telescopiorum,

5. Tubos chartaceos longiores semel bene ordinatos & adaptatos melius est ita post usum relinquere, ac tuto loco reponere, quam cum necesse non est, sæpè Tubos contrahere ac invicem arundines committere, ut denuò cum iidem adhibendi sunt, extrahi & ordinari debeant.

XIII. Pro usu & tractatione quorumlibet Telescopiorum terrestrium sequentes canones observari possunt.

1. Ad visionem exactam per Telescopia formandam cum primis tria requiruntur: organi scilicet visorii apta constitutio & dispositio, medium depuratum, & objectum illuminatum.

2. Oculus uti volens Telescopio melius disponitur in loco plurimum obscurato quam patenti, aprico & Solis radiis obvio. Unde præstat in campo, cum ibidem Telescopium adhibetur, umbrosum locum eligere aut cum hic non datur, pileo vel quovis alio modo umbras obtutui afferre.

3. Dum oculi lucis vehementioris radios imbiberunt, vel aliquantisper occludi debent, aut aspectum in umbrosum locum dirigere, & vehementiam luminis diluere oportet.

4. Quò in loco obscuriori & magis umbroso spectator consistit, eò distinctiores & præcisiores objecti species percipere poterit.

5. Visio ex editiori & altiori loco prævalet ob medium per quod species prolabantur, magis depuratum.

6. Utrisque oculis apertis semper visio fit melior, etiam dum per simplicem Tubum species adducuntur, quam alterutro occluso: cum uno oculo contracto ex quadam Naturæ convenientiâ alter etiam musculorum officio contrahatur, & à naturali vigore deducatur. Unde præstat assuefacere, ut manu sinistrâ applicetur Tubus oculo sinistro, ac dextrâ manu explicatâ dexter oculus apertus manens solum obtegatur extremitatibus digitorum ad Tubi extremitatem protensis.

7. Optima medii constitutio est, cum vel depressis vaporibus & exhalationibus, aut iisdem decoctis siccior & depuratio est aer. Hinc tempore vespertino, & post pluvias demissas, aut nebulas depressas illucescente Sole visio semper præstantissima.

8. Experimentiâ constat, quod sicut objecta Auditûs occidentalibus, sic visus orientalibus flantibus ventis distinctius & auctius præsententur. Hinc Euro vel Subsolano flante objecta visibilia spectantur majora, & Africo spirante minora.

9. Tempus diurnum visioni magis congruum cæteris paribus; maximè præcellit vespertinum, cum Sol penè occumbit ob vapores magis decoctos. Matutinum verò vix unquam bene convenit, nisi post dejectas pluvias aut depressas nebulas, cum cælum est serenum.

10. Objecta visibilia, quò magis Solis radiis illustrantur, iidemque ad spectatorem reflectuntur, eò distinctius percipiuntur; unde locum eligens ad videndum contra objecta illustria se sistat, habeatque Solem à tergo.

11. Visio quæ fit Solem versus, maximè dum etiam vitrum objectivum à Solaribus radiis collustratur, semper est obscura ac nebulosa.

12. Instrumentum Telescopicum quacunque ex causa tremulum oculo species claras adducere non potest. Unde præstat, Tubos semper ad fixum aliquod & stabile corpus applicare & probè firmari, ac quidem cum majores fuerint Tubi, suis fulcris imponere, itaque perspicere.

13. Non quælibet Tubi inspectio convenit ad bene cernenda objecta longinqua, sed etiam intentio formari debet, atque ita oculus conformari, quasi longius prospicere velit. Hinc fit, quod rudiores quidam, qui usum Telescopiorum non sciunt, sæpè Tubos inspiciant & tractent, nihilque se videre dicant, cum intuitum forment tanquam ad rem propinquam vitris inhaerentem. Sed hisce sic breviter indicatis jam ad alia Artificia Teledioptrica practicè elaboranda properemus.

CAPUT VII.


De Tubis binoculis eorumque aptissimâ constructione & fabrica.

QUæ Theoriam Tuborum binocularum concernunt, ea præcedenti fundamen-
do Synt. 3. cap. II. ubertim protulimus: nunc praxin aggredimur, ac quomo-
do ejusmodi Tubi sint aptissimè construendi, in medium proferemus. Imprimis
autem à primo ipsomet horum Tuborum Inventore P. Rheita constructionis Arti-
ficium libet afferre. Fiat, inquit, *canalis figura oblonga, ita ut oculis applicatus ambos*
oblongè tegat: ex cujus orificii superiori margine oculis admovendâ tantus arcus excinda-
tur, ut frontem capiat; infernè verò similiter ex medio marginis particula excavetur pro
nasi eminentia immittenda, ita ut hoc modo oculi respectu convexorum ocularium perpetuò
firmum statum & situm suum retineant; quod omninò fieri necesse est. Muniatur dein-
de Tubi quilibet *canalis suo assario oblongo, uti supra in Tubo monoculo fieri debere docui-*
mus. Quibus factis necesse est, *habere duo convexa objectiva ex eadem patina elaborata*
omninò ejusdem aequalitatis, longitudinis ac crassitie: & alia duo ocularia prorsus aqualia,
atque ex iisdem etiam scutellis parata, quæ ita in canalem disponantur, ut ocularium vitro-
rum centra pupillas utriusque oculi tui diametraliter semper respiciant, hoc est, ut tantum
eorum centra ab invicem distent, quantum una oculi tui pupilla ab altera remota est (quam
quidem distantiam beneficio circini & speculi facillè habere poteris) vitra verò objectiva
paulò sint sibi viciniora, prout objectum longius aut propinquius distabit à videntis loco: quò
magis enim remotum fuerit, eò magis oportet jam dicta objectiva convexa in Tubo esse ab in-
vicem diducta & remota: & quo minus, tanto magis etiam necesse est ea sibi mutuò ap-
propinquare.

Subjungit deinde modum, quo duo vitra objectiva in Tubo magis minusque
contrahi aut diduci queant, si nimirum rotula aliqua dentata inter utrumque vitrum
assariis, ut appellat, ex aurichaleo aut alia materiâ solida fabricatis inclusum collo-
cata, ea modo constringat, modò dilatet. Verùm hujus rotæ dentatæ cum assariis
conjunctæ constructionem non capio. Alia praxis paulò infra dabitur. Prosequi-
tur deinde Rheita.

Itaque oportet in hunc Tubum binoculum ita convexa quatuor (sive etiam duo con-
cava & duo convexa modo ordinario & pro terrestribus objectis conspiciendis) disponere, ut
uterque conus visorius per illa vitra ab objecto utrinque in oculos immittendus extra Tu-
bum in unum amplum conum & foramen luminosum colligatur, & sic cuncta objecti pun-
cta ab oculis non duplicata, sed unita conspiciantur, haud aliter, ac in perspicillis ordinariis
fieri consuevit. Hæc Rheita. Verùm quo accuratius hoc Tuborum binocularum
practicè construendorum negotium pertractemus; plura alia ad praxin meliùs au-
spicandam divisim per sequentes numeros more hætenus consueto indicabimus.

I. Cum distantia oculorum in omnibus & quibuslibet hominibus eadem non
sit, sed diversa, ut in citat. sup. cap. Theor. 3. dictum est; ante omnia convenit Arti-
fici hanc distantiam inquirere, si cui Tubum aptissimè congruentem construere cu-
pit; quod optimè, ut ibidem indicatum & Rheita etiam meminit, beneficio circini
& speculi præstare poterit. Servit autem hæc inventa distantia ad primarum Len-
tium ocularium collocationem, cum ita similiter duæ aliæ Lentes oculo proximæ in
Tubo binoculo à se invicem locari debeant. Sic ex. gr. si deprehendatur centra
pupillarum alicujus visus distare ad distantiam $AB \frac{2}{5}$ ped. Rom. ad eam quoque
prioris aliquæ Lentes $a b$ & $c d$ ab invicem, ut hic in figura vides dislocari debe-
bunt, ita ut centra Lentium $a b$ & $c d$ punctis A & B justè convenire queant.




An Tubus
binoculus
cum unica
Lente ob-
jectiva
majori
construi
possit.

II. Licet putare quis possit, Tubum unicum simplicem construi posse cum Lente convexa oculari amplissimæ aperturæ, quæ major esset distantia duorum oculorum, atque ita geminos oculos ad perspicendum admitteret (sicut memini insignem artificem aliquando tentasse, speratum autem effectum ab eodem nunquam audiui) non videtur tamen in praxi ordinariâ possibile, ut per unicam Lentem convexam ocularem quantumvis magnam, & in aperturâ valdè amplam ita imaginem ex Tubo radiare posse, ut ambos oculos similiter afficere queat. Nam si imago radiant ex Tubo per unicam Lentem similiter ambos oculos afficere posset, deberent ambo oculi poni in loco confusionis: non videtur autem possibile, quomodo hic locus ita se extendere possit, ut ambo oculi in eodem possint existere, atque ita omnes partes & puncta imaginis radios ad easdem partes & puncta amborum oculorum transmittere sicque ibidem confundi possint. Quocirca possibile non erit ita Tubum simplicem construere, ex quo imago ad ambos oculos simul & similiter radiare, atque ita objectum idem simul & similiter videri possit.

Dixi *in praxi ordinaria*: Quia si oculare specillum assumeretur valdè obtusæ convexitatis, ita ut longissimè ab oculis removeri deberet, aliquid fortassis effici posset, sed minùs utiliter; quia vel objectivam Lentem requireret multò longioris diametri, si objectum satis auctum & propinquum repræsentare deberet; unde Tubus ingentis longitudinis effici deberet, qui paratu & tractatu difficillimus esset: vel si tantum paulò majoris diametri Lens objectiva præponeretur, objectum non satis auctum, magnum & propinquum exhiberetur. Unde Tubus sic efformatus tam præstans in effectum non esset.

Potest Tu-
bus bino-
culus cum
unica Len-
te obiecti-
va con-
strui.

III. Potest tamen construi binoculus Tubus cum unica Lente objectivâ; cum possit imago à Lente objectivâ trajecta ad amplum satis spatium in basi distinctionis se extendere, indeque rursus per Lentes oculares ad ambos oculos debite applicatos radiare, atque ita ad videndum afficere. Sic objectum *CPD* radians per Lentem objectivam *AB*, cum possit efformare imaginem *EF*: radii autem post eandem imaginem à loco *EF* digressi possint ex *E* per Lentes oculares *GIL* ad oculum *N*, & ex *F* per Lentes *HKM* ad oculum *O* prolabi: ambo sic etiam oculi ab iis affici poterunt, atque ita ope unicæ Lentis objectivæ *AB* adhibitæ poterit Tubus binoculus construi.



Verum quia hoc modo objecti radiatio ad ambos oculos fit per radios multum refractos & ab axe PQ Lentis objectivæ plurimum digressos ita præcisæ & nitidæ imagines in oculis exprimi non poterunt : & quia sic etiam ambo oculi in unam rem objectam conspiciere nequeunt ; ideo etiam neque idem objectum ab utrisque oculis spectari poterit , licet plus spatii aut objecti rotalis spectari possit , at semper confusus. Unde Tubus ita constructus valde præstans effici non poterit.

IV. Etiam adhibitâ unicâ Lente majori , quæ possit in distantia competente aptissimè habere duas aperturas , etiam si ambo oculi per eas in rem unam conspicerent , atque ita idem objectum simplex spectarent , (*quod tamen videtur impossibile*) nihilominus undiquaque perfectus Tubus binoculus effici non poterit : cum sic objecti radiatio ad ambos oculos per radios ab axe remotiores adeoque plus refractos , ideoque minus fortes & efficaces pro distinctâ visione formandâ effici debeat.

Quid per Lentem objectivam majorem duplicis aperturæ effici possit.

V. Optima Tubi binoculi constructio fit per duo Telescopia planè similia utrisque oculis ita apposita , ut axes optici per eadem ad unum idemque objectum procurrant. Debent itaque duæ Lentæ objectivæ adhiberi planè similis effectus , ita ut non tantum ex eadem scutellâ similiter sint elaboratæ , sed etiam ad eandem distantiam ordinent communes bases distinctionis æquè magnas & vivaces. Idem sentiendum de Lentibus ocularibus , sive illæ sint concavæ , sive convexæ. Rursum debent Telescopia adhibita esse similis ordinationis , ita ut non tantum Lentæ objectivæ , sed etiam oculares similiter collocatæ sibi invicem præcisè respondeant ; in eâ tamen distantia ambo Telescopia ac comprimis eorum Lentæ oculares primæ à se invicem distare debent , quâ distant centra pupillarum utriusque oculi : Ipsa autem Telescopia ita ad unum idemque objectum directæ esse oportet , ut amborum Tuborum quasi unum foramen & per illud objectum mirificè auctum propinquum & illustre exhiberi queat.

Quomodo optimè Tubus binoculus construatur.

VI. Cum

Diversi
Tubi bino-
culi effici
possunt.



VI. Cum Telescopia diversa fieri soleant, alia communia Galilæana, quæ scilicet constant Lente concavâ & convexâ; alia convexo-convexa, quæ ex meris Lentibus convexis construi possunt: & quidem rursus, cum ex his aliqua sic aptari queant, ut objecta ostendant eversa, qualia dicuntur Astronomica; alia, ut quidem objecta erecta ostendere possint, at ipsa rursus ratione ordinationis sint directâ vel recurva: Priora autem melioris notæ ex quatuor Lentibus convexis fieri soleant; Posteriora adhibito simul speculo plano ex duabus Lentibus potissimum &c. Sic etiam diversi quoque Tubi binoculi fieri possunt pro ratione adhibitarum talium ordinationum Telescopicarum dummodò observentur nempe similitudo ordinationum Telescopicarum pro eodem Tubo binoculo, distantia competens primarum Lentium ocularium, & directio ambarum ordinationum adhibitarum, ut per unum quasi foramen, ut dictum, idem simplex objectum non duplex cernatur.

Tubi bi-
noculi mi-
nores qua-
les aptissi-
mè effici
debeant.

VII. Pro minoribus Tubis binoculis optimè adhiberi possunt Telescopia communia, quæ pedem in longitudine non excedunt; cum quæ ultra pedem fieri solent, parùm admodum de Objecto possint exhibere. Quò minora autem efficiuntur, eò gratiora sunt. Aptissimè etiam ejusmodi Tubi efficiuntur cum tribus Lentibus ad singulas Telescopicas ordinationes adhibitis, ut num. 13. cap. 5. Synt. hujus indicatum. Valdè bene autem probatur proportio illa Lentium, quæ ibidem quoque indicata est.

Quomo-
do practi-
cè duo Te-
lescopia
conjun-
genda.

VIII. Ad practicè conjungenda duo Telescopia communia, eaque debite ordinanda, ut idem objectum simplex exhibere queant: possunt ex orichalco vel æræ lamina duo Tubi apparari, sicut in figura 1. apparet, ubi duo Tubi *A* & *B* conjunguntur per lamellas æreas in *a*, *b*, & *c* mobiles, non quidem laxè, sed pressè & difficulter, velut in circinis vulgaribus fieri solet, ut quomocunque hi Tubi ab invicem abducuntur, firmum statum habere queant. Possunt deinde Tubi isti utrisque oculis velut perspicilla apponi, atque ita ad objectum aliquod paulò remotius accommodari, quousque idem objectum simplex in maxima claritate compareat. Quomodo verò Tubi ita conjuncti componi & contrahi ac suis operculis occludi queant, patet in figura 2.



Similiter possunt plures arundines in utrisque Tubis ita mobilibus brachiis inter se connexis invicem committi. Verùm cum ista constructio non sit satis comoda, sed novam diutinam sæpè ex levi dimotione aptationem requirat: hinc possunt optimè duo Tubi suis Lentibus instructi in Arcula vel capsula aliqua debite reponi & ordinari pro quolibet visu hoc modo.


Quomo-
do arcula
vel capsula
cum im-
positis Tu-
bulis appa-
randa sit
Tubo bi-
noculo
communi
construen-
do.

Fiat capsula ex bracteis æreis aut stanneis ad ellipsis formam non æqualiter scilicet perfectè circulariter rotunda, sed oblongioris formæ, ut apparet in *H*. Fiant deinde duæ minores capsulæ *E* & *F* ejusdem figuræ, quæ circa extremitates possint perfectè priori capsulæ majori *H* immitti. Habeant verò capsulæ *E* & *F* singulæ duo parva foramina ad distantiam oculorum ab invicem remota, sint autem hæc foramina non perfectè circularia sed oblonga paulisper, ut in figuris *E* & *F* videre licet. Altitudo tamen istorum foraminum debet esse tanta, ut Tubuli sive arundines *A* & *B*, item *C* & *D* iis commissæ perfectè congruant. Duo quoque orbiculi *e* & *f* singulis Tubulis, ubi in dicta foramina imponuntur, firmiter affigi debet, ut quidem Tubuli

huc

huc illucque moveri (prout opus fuerit pro eorum accommodatione ad quemcunque visum) non tamen introrsum vel extrorsum facile abscedere queant. Habeant quoque Tubuli commissi sua brachiola connexa, ut superius indicatum. His factis omnia bene compingantur & componantur ita, ut partium omnium ordinatio fiat, sicut figura G exhibet.

Hæc ordinatio integra immittatur in capsam majorem H, ac ibidem debite recondatur. Poterunt ita Tubuli cum suis Lentibus impositis facillimè ad quemcunque visum accommodari. Nam ductis solum ac motis Tubulorum reconditorum prominentibus partibus exterioribus *a* & *b*, item *c* & *d* sicut visui alicui perspicienti justè congruant, & unà simul objectum idem simplex quasi per unum foramen exhibeant: erit ita totius hujus Tubi binoculi ordinatio pro tali visu optimè apparata; quæ sic aptè relinqui ac innoxie in majori capsâ H operculis suis conclusa quocunque circumferri poterit. Similiter possunt etiam ex ligneis afferculis capsæ quadratæ formari, atque etiam exterius corio obduci, aliaque fieri, quæ Artifici ultra pluribus indicare opus non est.



IX. Cum differentia distantiae oculorum inter plures homines sæpe non sit admodum notabilis: item oculi ipsi perspicendo possint sese facile accommodare: hinc Artifices aliqui solent arundines in Tubis binoculis bene tamen ad proprium visum aptatas & collocatas ita ut objectum remotum clarissimè simplex repræsentent, firmare ac immobiles facere, atque sic in arcâ undique conclusâ recondere. Ejusmodi Tubos binoculos plures feci, qui tamen ferè omnibus, quotquot perspexerunt, satis bene convenerunt, etsi quidam dolorem aliquem in oculis post diutinam inspectionem conquesti sint. Minimè tamen tales Tubi Magnatibus offerendi sunt, nisi ad distantiam oculorum ab iis præhabitam apparatus sint, cum oculos haud modicè lædere, ac ita dum nimium adhibentur, non nihil immutare & à statu naturali detorquere possint, sicut cuidam Domino accidisse scio. Unde semper præstat arundines mobiles facere, ut quivis ipse ad visum pro objecto etiam quomodocunque disposito adaptare queat. Si tamen parvum Tubum binoculum communem cum firmatis arundinibus in arcula ad modum libelli curiosè efficere libeat, Artificium paucis indicabo.

Paretur capsâ parva pro longitudine Tubulorum ibidem recondendorum ad modum libelli atque exterius obducatur corio, habeatque clausuras suas, omniaque
T
Constructio Tubi
fiant,

binoculi
communis
ad modum
libelli.

fiant, ut verus libellus putari queat. Quod etiam ut commodius fiat, debent duæ lignæ tabellæ planæ valde tenues ad partes ubi vitra ocularia & objectiva collocata sunt, inter crenas incisas concludi; Apertis autem clausuris debent extrahi & amoveri posse, ut inspectionem Tubulorum ibidem reconditorum utrisque oculis permittant. Porro ipsa arcula interius ita potest construi, ut imprimis, si amotis clausuris aperiatur, vacuum spatium intra ambos Tubulos commodè continere queat ignitabulum cum filo sulphureo ac Lente ustoria pro igne in campo vel quovis loco facile excitando. Super hoc spatium fiat operculum ex tenui bractea ærea cum acu magnetica probè imposita & horologio sciaterio horizontali inscripto: ad partem verò aliam oppositam, quæ exterius corio obducta est, quæque libellus claudi solet, affigi poterit cyclus mobilis pro horis nocturnis ad lumen lunare (ut aliàs in vulgari- bus horologiis portatilibus, vulgo *Compass* dictis fieri solet) ibidem addiscendis &c. Atque sic libellus ad plura curiosè servire poterit. Sed hæc paucis obiter indicasse sufficiat.

Tubi me-
diocres bi-
noculi ex
Teleco-
piis con-
vexo-con-
vexis quo-
modo pra-
ctice con-
struendi.

X. Pro Tubis binoculis mediocribus ex Telescopiis convexo-convexis con-
struendis, si ad certum aliquem visum præhabitâ oculorum distantia immobiliter arundines vel Lentes in Arca seu capsâ idonea collocari debeant: possunt arundines longiores, in quibus Lentes simillimæ conformiter collocatæ & impositæ sunt, esse vel rotundæ sive cylindricæ, ac plures invicem commissæ, vel quadrangulares con-
tinuæ ex chartâ crassiori aut tenuibus regulis ligneis compactæ. Optimum autem erit, si aliis paulò majoribus canalibus debitè conformibus ita immitti queant, ut non tantum facile eximi, cum Lentes indigent repurgari, sed etiam iustissimè denuo suis locis restitui possint. Licet enim Lentes quantumvis optimè custoditæ & conclusæ à pulvere putentur immunes; nihilominus ipsa vitri substantia cum sæpè minus perfectè preparata sit, accidit, ut Lentes ex ipsa formatæ facile madorem aliquem nebulosum ab aëre quantumvis subtiliter subeunte contrahant, ut ita in optima perspicuitate permanere haud possint. Quocirca Lentes aliquando abstergere ac re-
purgare valde conveniens erit. Ut autem hoc practice perficiatur, potest in Tubis immixtis pars aliqua tam ante quam post singulas Lentes oculares vel objectivas fir-
miter aliàs suis locis infixas sic aptari, ut ibidem per aperturam aliquam immixto lin-
teolo mundo repurgari queant. Vel etiam quia Lentes oculares brevi admodum intervallo à se invicem distare solent; possunt omnes Lentes oculares ordine debi-
to ac mediante intersepto inter duas ordinationes collocari in una aliqua capsâ pau-
lò minori, conformitamen exteriori arcæ, ita ut eidem commissa perfectè eam ex-
pleat, nec ullam in partem vacillare queat. Simili modo etiam duæ Lentes objecti-
væ possunt in conformi aliquâ capsâ concludi. Reliqua autem pars intermedia in
Tubo majori potest suis assariis inumbrari, ut radiationes objecti foris existentis
optimè ad singulas ordinationes sine ullo confusionis periculo transire queant. Ve-
rùm cum ex his ita indicatis facile sit multa alia intelligere, ea ut pluribus exponam,
opus non judico. Quocirca ulterius progredior.

Proportio-
nes Lentiū
in aliqui-
bus Tubis
binoculis.

XI. In Tubis binoculis convexo-convexis præstat Lentes oculares priores ef-
ficere acutiores, ut oculi propius iisdem apponi queant: imò paulò semper acutio-
res adhiberi possunt, quam in simplicibus Tubis convexo-convexis aliàs fieri solet,
cum adjumentum claritatis ex duobus oculis in unam rem conspirantibus esse
queat. Ita bonas istas proportionibus in aliquibus Tubis binoculis à me constructis
inveni. Lentes objectivæ removebant focum ad distantiam ped. $1\frac{1}{2}$ mediæ ocula-
res utrinque æqualiter convexæ erant ex diametro $\frac{3}{100}$ ped. Rom. Priores ocula-
res utrinque ex diametro $\frac{2}{100}$. Similiter bonus est Tubus binoculus ex objectivis
focum remonentibus ad distantiam 2. pedum, mediæ fiant utrinque convexæ $\frac{4}{100}$
diam. priores oculo vicinæ $\frac{2}{100}$ & $\frac{2}{100}$ diam. Alium Tubum valde insignem con-
strui paulò majorem ex Lentibus objectivis remonentibus focum ad distantiam 4.
pedum; mediæ oculares æqualiter utrinque convexæ erant ex diam. $\frac{5}{100}$ primæ ocula-
res inæqualiter convexæ ex diam. $\frac{3}{100}$ & $\frac{3}{100}$. Verùm in hisce ordinationibus

sem.

fig. 1




fig. 2






fig. 3






semper (uti & superius dictum est) bonitas materiæ & perfectio figuræ præsertim in Lentibus objectivis attendenda est.

XII. Quod si duo Telescopia convexo-convexa in arca quadam conclusa mobilia facere libeat, ut ad quemcunque visum & pro objecto quomodolibet disposito facile accommodari queant: aptissimè id fieri poterit, si imprimis brachiolis mobilibus (sicut num. 8. hujus cap. indicatum) duo Telescopia jungantur, ac circa flexuram mediam istorum brachiorum applicentur cochleolæ, quæ nunc eadem protrudere, adeoque Telescopia contrahere; nunc extendere, adeoque magis à se invicem diducere queant. Modus prostat in appositis figuris: ubi clavus teres *ABC* est in *AB* cylindricè rotundus, in *BC* spiraliter cochleatus; ad *B* verò habet alium claviculum, quo dum per rotundum foramen *D* clavus teres traductus est, possit eodem loco contineri. Ut porrò brachiola *GH* & *IH* conjungentia duo Telescopia possint nunc contrahi nunc extendi, applicetur ad flexuram *H* cochlidium formæ *EF*, & claviculo aliquo *F* per *H* transmissio contineantur ambo brachiola *HG* & *HI*: immittatur deinde cochleata pars *BC* per cochlidium in *E*. Fieri potest, ut dum clavus teres extra Tubum binoculum bene aptatus capite suo *A* prostrans, nunc ad hanc nunc ad illam partem circumvolvitur, quod etiam brachiola *GH* & *IH* duo Telescopia conjungentia, nunc attrahi; adeoque extendi, indeque duo Telescopia à se invicem diduci ac removeri; nunc etiam retrudi, adeoque Telescopia ad se invicem trahi & adduci possint. Aptatio reliqua, & alia ad meliorem praxin conducentia sagacis Artificis industriæ relinquuntur; nobis modum paucis indicasse sufficiat.

Quomodo duo Telescopia in Tubo binoculo recondita aptè commoveri queant.



XIII. Tubi binoculi, licet quo sunt longiores, eo sint meliores, sunt tamen in usu & tractatione incommodiores, unde suis fulcris (de quibus infra suo loco) convenienter imponi debent, ut huc illucque vel quocunque libet, verti percommode possint. Arcæ in quibus Tubi longiores reconduntur, debent ab Arculariis constructi ex lignis aridis ac solidis, intus autem debent arundines sive Tubi super tessellas ita conformiter collocari, ne quovis modo incurventur, sed æqualissimè protendantur. Ut etiam vitra quandoque eximi, ac Tubi impositi aliter pro visu alio atque alio ordinari queant, potest superior pars Arcæ ita aptari cum clausuris ac serâ, ut pro libitu nunc concludi, nunc competente suâ clave impositâ referari possit. Fieri etiam possunt longiores ejusmodi Tubi quadrati ad modum trabis oblongæ ex bracteis stanno-ferreis per plures partes aptè commissas, quæ facile ab invicem denuò se jungi possunt. Ejusmodi Tubum à P. Rheita constructum vidi in Arce Herbipolensi. Verum hæc ut plura alia indicio boni Artificis relinquenda sunt.

Iconis finis
XIV.
Figura 1.

XIV. Cum Tubi binoculi longiores, ut vidimus, sint in usu & tractatione incommodiores, ita ut ob compagem majorem percommode ad quemvis locum circumferri nequeant: indicabo tamen praxin, quâ etiam binoculi satis longi aptissimè contrahi ac in capsâ aliqua recondi possunt: cum verò ad usum servire debent, pos-

Artificium
Tubi bi-
noculi co-
riacei pli-
catilis.


sunt super asserculum hastam aut lignum æqualiter tamen extensum facile extrahi, extendi, & explicari. Ejusmodi Tubi possunt eximie servire belli Ducibus in castris, obsidionibus, emissionibus ad hostem à longè recognoscendum. Artificium constructionis ejusmodi Tuborum desumpsi ex hoc, quod legerim P. *Rbeitam* insigne Telescopium binoculum circumtulisse, cujus Lentes non Tubis aptabantur, sed capsulæ alicui, quæ ad modum follium plicabatur: erat autem circiter 10. palmorum ejus longitudo, quando nempe super asserculum explicabatur, quem Tubum referunt Lunam in prodigiosa magnitudine exhibuisse, quod facile credi potest. Modus autem, quo ejusmodi Tubi binoculi peraptè construi queunt, talis esse potest.

fig. 2.

Fiant imprimis Tubi ex corio complicato ad eum modum, quo solent aliàs lucernæ ex complicata charta, aut fistulæ Venatorum & Aucupum pro feris & avibus alliciendis ex corio parari.

Ejusmodi Tubi coriacei corrugati & complicati aptentur tabellis sive tessellis transversariis, in quibus aut vitra recondi debent, velut in *ABCF*; aut eadem interponi debent locis *D, E*, & pluribus aliis pro ratione longitudinis Tubi, ut serviant non tantum ad Tubos aptè in directum continendos, sed etiam (cum intus per modum assariorum foramina aperta habere queant) ad umbras Tubis inducendas pro purioribus speciebus transmittendis, ut in aliis Telescopiis communiter fieri solet. Harum tabellarum transversariarum figura expressius signata est in *GH*. Porro ut ad vitra ocularia media accessus fieri queat, potest in tabellis transversariis *B & C* pars aliqua utrinque prominere ad modum colli (ut videre licet in *IK*) quibus in capsulæ modum convenienter ac probè coriacei Tubuli (quorum separatorum figura melius comparet in *LL*) committi possint, vel etiam solum ligulis coriaceis, aut aliis ligamentis alligari. Ne verò integer Tubus suis vitris probè munitus apteque constructus, minus, aut nimis, quàm requiritur mox super asserculum (cum Tubus ad usum servire debet) aut hastam oblongam extendatur: potest chorda vel funiculus *a b c d e* per omnes transversarias tabellas traduci, ac ad singulas illas tabellas factis nodulis vel quomodocunque ad justam & determinatam extensionis competentis longitudinem retineri. Totus quoque Tubus probè extensus clavis circa *a & f* in asserculum subjectum vel hastam infixis in justa ac perapta extensione sua contineri potest. Quod si usui fuit (continuò enim sic relinquendus non est) contrahi, ut patet in *M*, ac capsulæ *N* includi, sicque facile quocunque libet, portari poterit.

Notandum, quod loco hastæ vel asserculi possint tigilla ad modum figuræ *O P* conjuncta adhiberi, quæ facile extendi ad quamcunque longitudinem, ac etiam rursus contrahi ac componi, ut in figura *Q* patet, sicque una cum Tubo conclusa circumferri queunt. Potest etiam Tubus unicus coriaceus major ambas ordinationes Telescopicas intra se continens cum plicatili medio intersepto simili modo construi, ut ad modum follium extendi, ac etiam contrahi pro libitu possit. Sed hæc omnia breviter indicasse sufficiat. Plura alia, quæ de binoculis Tubis Astronomicis everfa objecta exhibentibus, item de recurvis, ac similibus, eorumque aptiori constructione, usu & tractatione dici poterant, cum ea quivis facile ex dictis suomet Marte intelligere queat, consultò prætereo, & ad alia calamum transfero.



CAPUT VIII.

De variis aliis quibusdam Tubis Telescopicis, eorumque Artificiosa constructione & fabricâ.

Varia quædam alia Artificia Telescopica hoc loco sese offerunt, quorum constructio, cum non minus ingeniosa, quam utilis sit, eam hoc capite paucis referam & exponam.

§. I.

Telescopiorum in baculis ambulatoriis aptissima constructio & fabrica.

Communes ferè jam sunt scipiones & baculi ambulatorii, in quibus commodissimè Telescopia reconduntur, ut quovis loco pro objectis longius remotis agnoscendis mox oculis appositi servire queant. Aptissima verò eorum constructio talis est.

Imprimis baculi ipsi à perito Arculario fiant intus cavi, non tamen similiter Fig. 3. ubique, sed ubi Lentes oculares imponuntur, velut in *ab*, possunt esse paulò majoris cavitatis; sicut ipsi baculi ibidem crassitiem aliquam majorem habere solent: hæc ipsa tamen cavitas debet esse æqualis: ut Tubulum aliquem conformem *GH*, in quo Lentes oculares disponuntur, debite capere possit. Altera verò cavitas *bc*, quæ per reliquam baculi longitudinem procedit, potest esse paulò minor, ut Tubulus *GH* immissus debito loco *ab* contineri, nec ultra quam decet ac convenit, in cavitatem *bc* prolabi queat. Vel saltem si foret æqualis cavitas per totam baculi longitudinem *ac*, deberet annulus aliquis chartaceus aut ligneus in *b* agglutinari ad hunc ipsum Tubulum *GH* ob dictam causam debite retinendam. Potest etiam *bc* plures aliquos annulos velut in *g* & *b* intus agglutinatos habere pro umbris inducendis, ut in aliis Telescopiis fieri solet. Omnino autem cavendum est, ne cavitas *bc* intus sit polita, lævis ac quomodolibet resplendens, cum ob angustiam suam lumen reflexum ibidem species valdè diluere posset: undè cavitas hæc, quò cum atro colore paulo asperior erit, eò etiam aptior erit.

Porro ut Tubulo *GH* Lentes oculares probè immitti queant, aptatio talis esse poterit. Imprimis ipse Tubulus *GH* fieri potest vel ex ærea lamina, vel etiam chartâ crassiori æqualis ubique rotunditatis conjunctus in *Gr* & *HtS*: per *rt* autem potest habere crenam sive rimam apertam ad usum mox indicandum. Rursum circa extremitatem *HtS* debet intus annularis aliquis limbus firmari, ut Lentes oculares cum immixtis chartaceis aliis fragmentis intus denigratis & ad modum Tubulorum complicatis *IKL* debite retinere queat. Lentes *MNO* Tubulo *GH* imponendæ debent esse justæ magnitudinis cum Tubuli cavitate, ut eam rotunditate suâ perfectè expleant. Crena autem *rt* ideò fieri debet, ut Lentes oculares cum fragmentis chartaceis complicatis intermediis aptè disponi queant: quod fieri potest cultello pennario aut alio quovis instrumento congruo. Similiter cum Lentes eximendæ sunt, eæ facillè per hanc crenam moveri & extrudi possunt. Fragmenta quoque hæc chartacea *IKL* ex chartâ crassiori compacta debent habere exactam longitudinem distantiae Lentium ocularium, ut eas justo ab invicem intervallo continere possint.

Integer Tubulus *GH* cum dispositis intus Lentibus ocularibus contineri potest osseâ, vel eburneâ parte *B* ad partem similem baculo affixam per cochleam adaucta. In *i* porro fieri potest foramen paulò angustius, quàm sit diameter cavitatis tubuli *GH* ut ita extante hæc parte Tubulum *I* cum omnibus succedentibus tum Lentibus tum chartaceis complicatis canaliculis firmiter debitis locis continere; aperturâ verò sua inspectionem baculi permittere queat. Capitellum etiam *A* osseum vel eburneum conformiter ad cochleam partis *B* aptari potest; ut ita integra constructio *ABC* capulum sive nodum aliquem prout baculis ambulatoriis supra aptari solet, efformet.

Pro Lente objectivâ extremitati cavitatis *DE* imponenda, solet pars ossea vel eburnea intus ad modum cochlidii elaborata *EC* apponi baculo, atque similiter intruso minuto fragmento chartaceo ad Tubuli modum complicato, Lenticula objectiva superponitur, & osseo vel eburneo annulo *P* exteriori suo limbo cochleato ope fuscina per foraminula *n* & *o* immixtae adigitur & firmatur. Additur ultimo etiam pars infima *F* in *d* cochleata, ac baculus concluditur: eritque sic totus baculus ambulatorius aptissime constructus.

Quod attinet proportionem Lentium in constructione ejusmodi baculi: bona erit ea, si adhibeatur Lens objectiva, quæ focum removet ad distantiam 2. pedum: Lentes verò duæ mediæ oculares utrinque æqualiter convexæ sint ex diametro $\frac{4}{100}$. Prima autem ad oculum sit inæqualiter convexa ex diametris $\frac{2}{100}$ & $\frac{3}{100}$ erit longitudo totius Tubi fere 3. pedum.

§. II.

Fabrica Tubi, per quem plures simul idem objectum spectare possunt.

Præcedenti capite num. 3. indicatum est, fieri quidem posse binoculum Tubum cum unicâ Lente objectivâ, qui binis oculis ejusdem hominis applicari possit, minus tamen præstantem futurum, cum per radios multum refractos imagines transferat; & quia ambo oculi etiam in unam eandemque objecti partem conspici nequeunt, sic nec idem objectum utrisque oculis exhibiturum. Simili modo etiam Tubus facile apparari posset cum unicâ Lente objectivâ, qui nihilominus pluribus hominibus deservire, diversosque simul inspectores admittere possit: quia possent ordinationes reliquæ plures cum specillis ocularibus post Lentem objectivam ita applicari, ut tanto spatio tandem à se invicem in extremitate distarent, quæ commodè diversis hominibus inspectionem concedere valerent. Verum quia Tubus ita paratus tantum unicam ordinationem (quæ scilicet ad axem Lentis objectivæ directè applicatur) satis aptè & congruè adhiberi sinit: reliquæ autem tantò sint ineptiores, quantò ab axe remotius apponuntur (cum Lens objectiva ad illas se habeat tanquam si aliàs in Tubo ordinario tantò obliquius imposita foret, undè objecta etiam tantò confusius exhiberet) Deinde etiam quia Tubus quomodocunque ita constructus idem objectum diversis ostendere nequit, idcirco indignum judico, ut amplius quid de ejusmodi Artificio hoc loco dicatur.

Quomodo ope specilli polyoptri Tubus pluribus serviens constitui possit.

Quod si quis ope specilli polyoptri adhibiti effici posse putet, ut idem objectum per Tubum aliquem artificiosè constructum inducatur, ac per diversas alias reliquas ordinationes Telescopicas ad oculos in diversis locis existentes transferatur: fieri quidem id potest, si nempe formetur specillum polyoptrum ita ut solum unam seriem aliquot facierum secundum latitudinem contineat, atque ita aperturæ Lentis objectivæ apponatur, ut species ejusdem objecti adhuc confusas accipiat. Verum quia tunc integer profluxus radiosus per unicam aperturam Lentis objectivæ transmissus ita distribuitur, ac ad diversas partes Telescopicas distrahitur; planum est, idem objectum sic non admodum clarè (cum radiis paucioribus transferatur) exhiberi posse.

Optimum igitur erit, si Tubum construere libeat, per quem plures simul idem objectum spectare possint, plura Telescopia adhibere, atque ita proximè invicem in uno Tubo aliquo artificiosè conjungere & abscondere, ut unicum quidem foramen pateat versus objectum, intus autem adhibitis speculis planis diversa Telescopia ita alio disponantur, ut plures inspectores commodè admitti queant. Unum autem Telescopium, quod esse potest in medio, solum directè & in debito situ poterit objectum exhibere: reliqua verò circa latera eidem conjuncta, quæ adhibito speculo ordinantur, possunt quidem objectum idipsum erectum ostendere, cum aliqua tamen incommoditate conversum. Exterior Tubi ejusmodi structura industriæ sagacis Artificis relinquitur.

§. III.

Fig. 1.




Fig. 2.






Fig. 3.



Nobile Doctrinae monumentum firmatur ab usu.



§. III.

Artificium Tubi Anglicani, qui ad unius pedis longitudinem constructus tantum præstat, quantum Tubus 16. pedum.

Anglus quidam Artifex *Newtonus* nomine novum Tubi Telescopici Artificium excogitavit, ac opere ipso comprobatum Regi Angliæ exhibuit, quo in compendio admodum fabricâ nihilominus objecta valdè magna exhiberi possunt; ita ut in longitudine unius pedis Tubus hoc artificio constructus tantum præstare queat, quantum Tubus 16. pedum. Artificium non ex Dioptricâ solum; sed etiam ex Catoptricâ potissimum deductum est. Descriptionem ex Gallico libello Bruxellis edito desumptam, ac Latinitate donatam Amicus ante aliquot annos ad me transmisit his verbis.

P V Q est speculum metallicum cavum sectionis sphericæ. *C D* est itidem metallicum planum figuræ tamen ovalis unco vel retinaculo chalybeo aut æneo *DL* ita libratum, ut in medio Tubi hæreat, ac species objectorum per aperturam *GH* in cavum speculum *P Q* delapsas, inque conum *PCD Q* reflexas excipiat. Oculus verò in *F* constitutus per foramen excellenti microscopio instructum easdem species in speculo plano mirificè auctas conspiciat. Tubus duplex est *HK* & *LP*, alter alteri insertus, ut laxari possint aut adstringi, donec reflexionis vivacis punctum aut terminus inter duo specula obtineatur. Microscopii distantiam à speculo plano eam refert libellus ab inventore determinatam, ut extra focum *E* speculum planum suum situm habeat (mensuram *FE* & *EA* in pede Anglicano hanc habent *FE* est $\frac{3}{4}$ digiti, *EA* 6. digiti & $\frac{1}{2}$ circiter) adeoque species è speculo plano reflexæ decussentur in *E*. Radius speculi concavi sive semidiameter est unius pedis.

Descriptio
Tubi An-
glicani.
Iconismus
XV.
fig. 1.

Primum experimentum *Newtonus* exposuit in Academia curiosâ Regiâ Angliæ Tubo ejusmodi ad unum circiter pedem constructo, & omnium consensu deprehensus est præstare tantum, quantum Tubus 16. pedum. Ac subinde alium pedum 4. construxit, & superavit Telescopium 50. pedum.

Aliud Artificium Ejusdem Authoris.

In eodem libello Gallico aliud Artificium ab eodem Authore *Newtono* comprobatum insinuat Tubum perficiendi subsidio speculi convexi loco plani metallici in mediâ arundine penduli. Manente enim speculo concavo, sed in medio perforato collocetur in foramine Lens convexa auctissima, & loco speculi plani metallici suspendatur ad certam distantiam parvum speculum convexum idque rotundum, itaque directè opponatur, ut oculus per Lenticulam in foramine cavi speculi metallici collocatam in convexum specillum oppositum opportunè transpiciat. Fiet enim, ut species objecti foris existentis in concavum transmissas illicque in convexum reflexas ipsum hoc specillum convexum recipiens easdem valdè auctas denuo per Lenticulam trajiciat in oculum spectatoris.

Descriptio
alterius
Tubi An-
glicani.

Annotatio.

Quod attinet Artificium istiusmodi Tuborum indicatorum, faciliè concedi potest, quod objecta remota multum aucta exhibere possint; cum proportio Lenticulæ microscopica plurimum acutæ ad cavitatem speculi metallici valdè magna esse possit: radiatio siquidem objecti, dum non fit ad centrum speculi concavi, sed partes exteriores à centro paulò remotiores & quoad spatium ampliores, indeque reflectitur per Lenticulam in oculum: atque ita radii species deferentes cum sint copiosiores ac vivaciores, etiam adhibitâ acutissimâ Lenticulâ convexâ visum debite afficere poterunt. Quod in aliis Tubis per meras Lentes vitreas constructis

Difficulta-
tes in pra-
cticè con-
struendis
ejusmodi
Tubis.

structis fieri nequit. Lentes siquidem objectivæ cum exiguam aperturam admit-
tant, fit, ut pauci admodum radii subintrare queant : qui cum satis vivaces non
sint ad valdè acutam Lenticulam adhibendam (obscurius enim repræsentaretur
objectum) idcirco solent Lentes minus acutæ oculares in minori proportionē ad
objectivas adhiberi, quæ ideò cum sufficienti claritate objectum remotum valdè au-
ctum & magnum ostendere non valent. Verum tam in constructione quam in
usu talis alicujus Tubi Anglicani aliqua hic occurrunt, quæ praxi multum ob-
sistere videntur. Imprimis quod, cum metallica specula adhiberi debeant, ea vix
satis terse expolita & nitida haberi queant, ut ita mundas species absque confusione
reflectere possint. Deindè quia à partibus exterioribus satis amplis radiorum re-
flexio hoc modo contingit, & difficile est eas partes omnes perfectâ figurâ affi-
cere ac probè efformare : etiam difficile erit ab iisdem partibus radios appulso-
absque confusione ordinarissimè ut decet, ad Lenticulam remittere. Undè qui-
dem Tubus ejusmodi Artificio constructus valdè clarus effici potest, qui objectum
valdè auctum ostendat in magno lumine, non tamen satis distinctè & præcisè, sicut
ipse met expertus sum. Ut primum enim de hoc Artificio audivi, mox talem ali-
quem Tubum construere conatus sum, qui objecta quidem ostendebat valdè magna,
ob vivacitatem tamen luminis nil satis distinctè & præcisè referebat. Quocirca
in praxi admodum felix esse debet, qui talem Tubum ita apparare & construere no-
vit, ut objecta simul distinctè & præcisè referre possit. Præterea est aliqua incom-
moditas in applicatione oculi ad Tubum præsertim priorem, ejusque tractatione, ut
ipsa figura satis ostendit. Meminit etiam *D. Becher* in sua stulta Sapientia num.
48. alicujus Telescopii Anglicani, quod absque vitro & solum ex ligno, ut ait,
constructum est.

§. IV.

Artificium constructionis Telescopiorum ex meris speculis indicatur.

Quæ Artificia præced. §. indicata sunt, admittunt ad specula etiam Lenticu-
lam aliquam vitream microscopicam : hoc autem §. nunc paucis etiam libet in-
dicare Artificium constructionis Telescopiorum, quæ ex meris speculis effici
possunt. Sed priusquam Artificium exponamus, aliqua sunt prænotanda.

Requisita
ad perfe-
ctum Te-
lescopium.

Nota 1. Ad perfectionem Telescopii cujuscunque comprimis duo requiri,
sicut & in fund. 2. Synt. 3. cap. 1. num. 15. indicatum. Primò, ut objectum exhi-
beat distinctum : secundo magnum : quibus addi potest tertio, ut cum suffi-
cienti lumine ostendat objectum ; hoc est, ut objectum fortiter potentiam visivam
moveat. Primum præstat, si præcisè radios ad idem objectum vel objecti partem
pertinentes in eadem Retinæ parte uniat. Secundum, si penicillos ita distrahat ab
invicem, ut magnam Retinæ partem occupent. Tertium denique exequitur, si plu-
rimos radios singularum partium objecti colligat & uniat. Undè singulariter at-
tendendum in aliquo Telescopio ordinario, ne dum penicilli pro objecto exhibendo
valdè magno plus distrahuntur, etiam radii componentes penicillos plus æquo sepa-
rentur, & ad diversas Retinæ partes appellere cogantur, undè necessario cum aliis
radiis in Retinæ fundo commiscebuntur & confusionem inducent. Secundo, ne
dum nimium luminis per majorem aperturam Lentium admittitur, radii penicillos
componentes ob inconvenientem refractionem minus perfectè rursus in eodem
puncto uniantur. Ostendimus enim supra in fund. 2. radii ab axe remotiores mi-
nus perfectè in eodem puncto uniri, in quo minus remoti tamen uniuntur. Simili-
ter in speculis hæc attendi debent, ne imprimis radii ab iisdem reflexi componentes
penicillos, dum nimium distrahuntur, plures ita aberrent, ut aliorum concursum
subintrent, itaque confusionem inducant. Item, dum reflexi radii ad partes ab axe
speculi remotiores satis quidem cum magno lumine penicillos efformant, at ob in-
convenientem reflexionem radii diversi permisceantur, itaque denuo confusionem
pariant.

Nota

Nota 2. Sicut Lens convexa, ut vidimus in fund. 2. hujus Operis, radios incidentes parallelos aut divergentes remittit convergentes; & Lens concava radios exceptos parallelos aut convergentes remittit divergentes; ita similiter speculum concavum habet se per modum Lentis convexæ, radiosque incidentes parallelos aut divergentes reflectit convergentes: & speculum convexum habet se per modum Lentis concavæ, radiosque incidentes parallelos vel convergentes reflectit divergentes.

Nota 3. Longe tamen alia & dispar est ratio Lentium convexarum quam speculorum concavorum in collectione radiorum reflexorum ad eandem objecti partem pertinentium pro ordinando foco aut formandâ aliquâ imagine. Nam cum in Lentibus plano - convexis ordinatio foci sive imaginis à radiis incidentibus parallelis sive à longinquo fiat ad distantiam diametri, ut in præced. fund. demonstratum; in speculis concavis fit ea ad quartam circiter partem diametri. Unde pro ordinandâ imagine objecti longius remoti ope Lentis plano - convexæ ad distantiam unius pedis, cum requiratur convexitas etiam ex diametro unius pedis: si ad eandem distantiam ope speculi concavi talis imago effici debeat, necesse est, ut concavitas illa speculi habeat diametrum 4. pedum. His prænotatis facile patet, quomodo Telescopia ope speculorum fieri queant.

Speculum
concavum
habet se
per modum
Lentis
convexæ,
& speculū
convexum
per modum
Lentis
concavæ.
Distantia
foci in
speculis
concavis.

Constructio Telescopii ex duobus speculis concavis, quo objectum videri potest inversum.


Assumatur speculum concavum AB majoris sphaeræ segmentum ex diam. ex gr. 4. ped. cujus centrum sit in L imaginem objecti CD exhibeat inversam in EF distantia quartæ partis diametri sive unius pedis: hoc est, radii puncti D à speculo AB reflectantur & denuo uniantur in E , & puncti C radii à speculo reflexi uniantur in F , ita ut radii sic uniti post unionem factam rursus digrediantur & propagentur, ac si objectum esset in EF . Sumatur jam aliud speculum multo minoris sphaeræ segmentum HG , cujus diameter ex. gr. 4. digit. ita ut uniat radios incidentes parallelos ad distantiam unius digiti, atque ita applicetur recurvo aliquantulum situ, ut pars G sit vicinior puncto imaginis F , quam sit pars H puncto B : totum autem speculum sit paulò propinquius imagini EF , quam sit distantia foci, sive in exemplo dato, unius digiti. Fiet, ut radii reflexi ad oculum M procedant divergentes, atque ita distinctè colligantur in Retinæ punctis I & K . Ac quia sic imago IK distracta in fundo oculi major efficitur, etiam majus objectum videri poterit. Item, quia etiam hæc imago eundem situm habet in oculo, quem foris habet objectum CD , hoc etiam inversum videtur. Sic ergo Telescopium ex speculis concavis effici poterit, quod objectum inversum exhibeat.

Constructio Telescopii ex speculis concavo & convexo, quo objecta videri possunt erecta.

Assumatur speculum AB majoris sphaeræ, cujus centrum in L , quod etiam objecti CD imaginem distinctam, at eversam exhibere deberet in EF quartâ scilicet parte diametri. Ponatur jam speculum convexum GH exiguæ sphaeræ segmentum paulò ante concursum radiorum pro faciendâ imagine EF , excipiet illud radios convergentes, ac reflectet divergentes. Cum porro pupilla radios divergentes unire possit & distinctè colligere, radiosi quoque profluxus ad pupillam transmissi sint admodum distracti; imago in fundo oculi etiam distracta & magna efformabitur. Item etiam, quia situs istorum radiorum dispersorum non mutatur; idcirco sicut imago in EF inversa est, etiam in oculo M inversa IK formabitur:

bitur : ac quia imago inversa est in oculo , videbitur objectum *CD* erectum & distinctè majus. Poterit igitur sic ope speculi concavi & convexi construi Telescopium , quod objectum ostendat distinctè majus & erectum.

Ut verum tamen fatear , hujusmodi Telescopia nec commoda esse , nec exquisita facilè fieri à quocunque Artifice possunt. Non primum : quia duo specula ita aptare , ut duplici reflexione radii à determinato objecto ad oculum usque perveniant , non est ita facile. Neque etiam secundum : quia difficilius est habere specula concava exquisita , quam Lentes convexas : velenim specula erunt metallica ; & hæc perfectam polituram nunquam habent , quæ cum vitri elaborati perspicuitate comparari possit. Vel erunt vitrea : & in iis duplex reflexio & folii stannei applicatio multum detrahent de illâ perfectione , quæ in Telescopiis requiritur. Quidquid tamen sit , hæc doctrinæ causâ paucis proponere libuit.



CAPUT IX.

Proferuntur varia praxes & Artificia pro Teledioptricis instrumentis secundum externam fabricam aptius apparandis & exornandis.

TUbos & Telescopia pro terrestribus objectis debite cernendis quoad internam eorum constitutionem & partes formales , ut ut artificiosè construi & adaptari queant , hæcenus exposuimus. Nunc ordo vocat , ut hoc ultimo Syntagmatis hujus capite , quomodo etiam ipsi Tubi & quævis instrumenta Teledioptrica tum quæ ad eorum externam fabricam & mechanicam constructionem , tum etiam quæ ad eorundem decorem & ornatum quovis modo pertinent , aptius apparari possint , in medium proferamus.

§. I.

Cornua , ebur , ossa & ligna emolliendi & colorandi praxis pro capsis perspicillorum & Tuborum , ac maximè pro Tubulis minoribus.

Praxes pro
cornibus
emollien-
dis.

Ad cornua emollienda modus primus ita se habet ; Accipe urinam per mensem in ollâ bene testâ fermentatam , intra quam pones unam libram calcis vivæ , semilibram cineris , quam *Sodam* vocant , & à vitrariis ad vitri præparationem adhiberi solet ; vel hujus loco tantundem cineris salicei aut vitici. Item 8. uncias tartari , & totidem Salis : omnia probe misceantur , & igni ad coquendum expone. Deinde bis percolata diligenter conserva. Cornua itaque emolli-turus ea dicto lixivio impone ad octo dies ; & habebis cornu molle instar pastæ. Alii idem præstant cinere ex combustis papaverum caulibus , & lixivio inde facto , intra quod cornua ponunt excoquenda.

Secundus modus docet ita illa emolliri , ut intra formas fundi queant : processus est talis ; Accipe unam libram Sodæ vitrariorum , calcis vivæ libram unam , & aquæ communis mensuram unam. Coquantur omnia ad $\frac{2}{3}$ concoctionem. Deinde accipe rasuram cornuum qualiumcunque quam intra præparatam aquam macerari fines ad biduum : Deinde totam massam non secus ac farinam manibus primum oleo illitis subiges , & subactam cujuscunque formæ modulo imprimes , & ubi induruerit , habebis figuram corneam quæsitam.

Tertius

Tertius modus hic est. Accipe succum marrubii albi, hederæ, raphani, chelidonie majoris ana partes æquales, & misceantur cum aceto forti, ac imponantur cornua ad macerandum per septendium intra finum equinum. Deinde procede, ut in præcedentibus dictum.

Quartus modus. Fac tantum lixivium forte ex cineribus viticeis & calce viva, eique impone rasuram cornuum ac probe excoque ad ignem, ut fiat instar pultis: immisce etiam colores quos cupis, & in modulos effunde. Cum induit, torno elaborare poteris pro Tubulis & capsis ad instrumenta Telescopica requisitis.

Ut Ebur emollescat, coquatur illud in aquâ aluminosâ per 6. circiter horas. Ebur ut emollescat. vel sume vitrioli Romani, Salis communis ana partes æquales, & pone in Alembico, & aquam distillatam asserva. In hac si Ebur ponatur & aliquamdiu relinquatur, valde emollescit.

Ossa quæcunque emolliendi praxes hæ sunt; Prima. Sume salviam & in forti aceto coque: deinde transcola per pannum, & impone ossa; quo hæc diutius ibidem relinquuntur, eò molliora fiunt. Ossa quomodo emollienda

Secunda. Accipe vitrioli & Salnitri bene purgati ana libram unam; probe hæc contunde & comminue, deinde impone in vitrum destillatorium, ac luto obfirma secundum Artem. Quod si in aqua ita destillata ossa per medium diem reposita fuerint, valde mollia extrahentur.

Tertia. Ossium cavitates impleantur succo hederæ, Raphani, & prasilii marrubii; deinde cerâ piccata occludantur & obfirmantur, ne queant effluere. Ossa his succis ita repleta sepeliantur in fimo equino; quò diutius ibidem sepulta fuerint, eò molliora obtineri poterunt.

Ad cornua, ebur & ossa maculose coloranda: Accipe argenti drachmam unam quam dissolves in aquæ fortis unciiis duabus: deinde liquefac ceram, & eâ liquidâ asperge cornua. Quo facto, illine præparatam prius aquam cum soluto argento & permitte siccare. Tandem amotâ cerâ videbis eo loco quo cera fuit aspersa, colore non esse imbuta; alio autem pruneo vel nigro colore infecta conspicias. Quomodo cornua maculose coloranda.

Ad cornua ossa & ligna viridi colore imbuenda: sume duas partes æruginis & $\frac{1}{3}$ Salis Armoniaci, tere simul & probe commisce: affunde deinde acetum, & impone cornua vel ligna; ac aliquamdiu permitte: & viridia extrahes. Vel calcis vivæ frustum magnum ponatur in aquâ fontanâ per diem unum: sequenti die ligno aliquo circa meridiem ac demum vesperti mistura coletur, & servetur ad usum. Interim tamen sumito ossa, quæ tingenda sunt, & in aquâ communi, in quâ aluminis tantum dissoluti fuerint, ut dissolvi queat, coquito; quæ cum optimè in jam dictâ aquâ cocta fuerint, eximantur, siccantur, & aliquo modo in superficie radantur. Deinde ponantur in supradictam aquam calcis vivæ, adjuncto floris æris, quantum satis est: coquantur bene omnia simul: demum extrahantur, siccantur, & fiant inde, quæ voles, opera. Quod si aqua calcis desit, urinam sumito, quæ æque bona censetur.

Alia praxis ad tingenda ossa aut Ebur viridi colore, talis est; Sumito aquam fortem, qua tantum æris vel orichalci, quantum fieri potest, erodatur: in eâ ossa prius in formas varias, ut videbitur, elaborata per noctem unam posita sinantur: atque ita veros smaragdos imitabuntur.

Ad ossa, cornua, ebur & ligna rubeo colore imbuenda: Sume calcem vivam, & affunde aquam pluvialem, finitoque per noctem. Deinde transcola per pannum, & adde mensuram aquæ limpidæ communis; item unciam unam rasuræ ligni Brasiliiani. Tandem impone ligna, ossa, vel cornua, & coque ad ignem: Extrahes rubro colore eleganter imbuta. Debent tamen ligna prius in aquâ aluminosâ esse posita. Quomodo ossa vel ligna rubeo colore imbuenda.

Quomo-
do ligna
optime
tingenda.

Aliter ad ossa rubeo, caruleo, vel aliis coloribus tingenda procedi potest hoc modo; Primò ossa in aquâ aluminis coquantur: deinde aqua calcis vel urina in promptu existat, in quibus ponatur verzinum, vel rubrica, vel caruleum, vel alius color unâ cum ossibus, & coquantur bene: & sic habebis ossa, quo volueris colore, tincta. Notandum singulariter, quod ossa vel ligna semper, quæ colore aliquo tingere libet, prius per medium diem in aquâ Aluminis reponi debeant, ac permitti denuo siccati. Undè bene monet Cardanus lib. 13. de variet. cap. 67. *Quæ tinguntur, Lana, sericum, ossa, cornua, ligna, alumine prius imbui solent. Imbuuntur autem, vel calore, vel temporis spatio, vel tenuitate aqua. Itaque separationis aqua statim id efficit, deinde aceti vis maximè decocti, videtur enim alumen materia colorum media, ac præparatio.* Hæc Cardanus.

Artificium
inustionis
umbrarum
in ligna
colorata.

Pulcherrimum quoque Artificium ad ligna diversimode tingenda *Alexius Pedemontanus* innuit hoc modo; Manè sumito stercore equini recentis & adhuc humidi cum stramine, quantum satis est, supra quod ligna aliqua transversa collocentur, cui subjcito vas aliquod liquorem recipiens: Quod si uno die tantum, quantum satis est, extrahi non possit, altero vel tertio die colligas, donec satis esse videatur. Deinde coletur addaturque in singulas mensuras ejus liquoris Aluminis & gummi Arabici, singulorum fabæ instar. In eo liquore, quos voles, colores temperabis, variaque vasa facies, si varios colores habere velis. His comparatis frustra lignorum in vasis, ut lubet, condes, eaque ad Solem vel lignem pones: post, ubi uti voles, frustra aliqua extrahito, reliqua finito. Nam quo diutius in vasis manent, eo magis colorem mutant. Et sic habebis ligna variè colorata, alia ciariora & dilucidiora, alia magis fusca, alia media, qui colores nullâ elui ratione possunt. Ex lignis ejuscemodi coloratis varia opera tessellata pro capsis & cistis Tuborum binocularum, Arculis microscopicis, aut etiam pro cistulis specierum artificiose construi possunt. Fuit non ita pridem sub Reverendissimo & Celsissimo Principe *Petro Philippo* hic Herbi-poli in Arce quidam Arcularius valdè insignis Artifex mihi notissimus & familiarissimus, qui mira plane & stupenda ac valde pretiosa opera tessellata effecit tam affabre & artificiose ex variis coloratis lignis, ut vix pulchrius in Arte quidquam me vidisse putem: colores omnes erant tam vivaces & nitidi, quales vix in sericis pannis comperire est. Imagines etiam ex tessellis minutis impositis adornatæ ita splendebant, ut vernice optimâ Sinensi vel ipso splendidissimo vitro obductæ crederentur, cum non nisi equisetis expolitæ essent & dein aliis quibusdam politoriis æqualissima & splendidissima superficies iis inducta esset. Umbras lignis coloratis hoc Artificio inurebat. Habebat parvam capsulam sive arculam in longitudine prope unitis spithamæ ex ferreis laminis paratam: in hanc ponebat arenam siccam, huic deinde arenæ imponebat ligna colorata ad umbras inurendas. Arculam autem, dum umbras inurere volebat, ponebat super carbones ardentes. Ita parvo tempore fiebat, ut ligna pro ut arenæ magis ac magis immissa fuerant, eo obscuriorem umbram intimè conciperent, sic ut umbra successive ad partes superiores arenæ remitteret, veluti & pictores in imaginibus umbras solent semper tenuiores dispergere. Ut verum fatear, nihil ferè pulchrius in Arte his tessellatis operibus unquam me vidisse memini.

S. II.

Quomodo Arundines & Tubi ex laminis stanno-ferreis æreis, cupreis, aut orichalceis parari possint.

Optimum est, si Artifex ipse parare sciat, quæ Artem suam concernunt, ita ut aliis mechanicis Opificibus non indigeat: vix enim hi ad mentem Artificis probè omnia expedire norunt, nisi ipse Artifex continuo adstans informet, ordinet & dirigat: tunc autem & Artifex, tempus perdit, alter prolongat & auget pretium. Quocirca ut quisque ipsemet Tubos etiam ex bracteis ferreis stanno obductis, vel laminis æreis sive orichalceis parare sciat, arcanum Artificium ferruminationis, quod alias opifices bractearii secretissimum tenent, hic paucis exponam.

Impri-

Imprimis parandum est instrumentum ferruminatorium, ut hic in figurâ apparet, cujus pars *AB* est ex cupro, *BC* ex ferro, manubrium autem *CD* ex ligno. Quomodo autem pars *AB* disponenda sit, ut ferrumen sive plumbaturam arripiat, ita procede.



Primò pone cupream partem *AB* in carbones ardentes, & relinque quousque ferè candeat: deinde extrahe, & limâ ferreâ omnem scoriam & squamas cupreas, si quæ adhærent circa partem acutiorem *A* ad digiti circiter latitudinem detere, ac continuo immitte in Sale Ammoniacum mixtum unâ vel alterâ guttâ stanni aut paratæ plumbaturæ sic ut Sale Ammoniaci cum stanno mixto bene imprægnetur: ponaturque denuo ad ignem, ut hanc mixturam probè imbibat. Notandum, quod toties hoc practicandum, quoties advertitur instrumentum ferruminatorium plumbaturam nolle admittere. Parato sic instrumento quod si cupias arundines sive Tubos ex laminis antea paratos plumbare aut ferruminare; debent partes, ad quas ferrumen applicandum est, colophonia, vel, quod melius & aptius est, sequenti mixturâ illita disponi.

Accipe itaque colophoniam & picis flavæ ana unciam unam, Terebinthinæ & sevi puri ana uncias 2. olei olivarum uncias 3. Colophonia, pix & Terebinthina ponantur prius in vasculo apto ad ignem lentum, ut sensim colliquefiant: ubi omnia bene colliquata; removeatur vasculum ab igne, & addantur sebum ac oleum, & probè omnia commisceantur. In promptu deinde sit aliud vasculum continens pauxillum aquæ communis (quantum scilicet dimidio ovi cortice contineri potest) cum sale Ammoniaci ad Avellanæ nûcis magnitudinem admixto: in hanc aquam mixtura prior adhuc calens fundatur; ac ubi refrigerit, bene cum aqua remisceatur, & servetur ad usum.

Ipsa autem ferruminandi praxis ita se habet. Interim dum Tubi vel arundines præparatâ mixturâ illinuntur, instrumentum ferruminatorium in ardentes carbones imponatur: cumque satis incaluerit, extrahatur & super pannum lineum humectatum (quem semper in promptu habere decet) apex instrumenti, ubi ferrumen adhærere debet, abstergatur: mox deinde instrumentum ad plumbaturam ex duabus partibus stanni & unâ plumbi præparatam transferatur, & aliquid inde tollatur: applicato tandem instrumento ad dispositas Tuborum partes eodem faciliè ferruminando conjungi ac componi possunt.

Nota, plumbatura melior sit ex plumbi & stanni sing. part. i. marchasitæ part. 2. Ut etiam Tubi orichalcei sive ærei insignem splendorem aureum acquirant. Suspendantur cretæ tenuissimè attritæ vel corrasæ (quæ tamen minimè sit arenosa) partes 9. sulphuris pars 1. fiat mixtura, quâ in pannum laneum reposita laminæ vel Tubi ferruminati probè fricentur; & pulcherrimum splendorem acquirant. Pulvis item Tripolitanus inspersus panno laneo, si eo deinde Tubi similiter abstergantur, idem feliciter præstare potest.

Praxis ferruminandi.

Quomodo Tubi æreis sive orichalceis splendor aureus inducendus.

§. III.

Quomodo Tubi ex charta aptissimè confici queant?

Ante omnia scire convenit, pulvem seu glutinum præparare, quo plura folia invicem compingi & agglutinari possint. Pro glutino igitur optimè præparando fumatur aqua satis calida & plus quàm tepida, non tamen quæ ferveat: in hanc pulvis farinaceus filigineus, aut quod melius, triticeus, sensim immittatur, & bacillo congruo aut oblongiori ligneo cochleari identidem aquam commovendo, & farinam commiscendo: & hoc tam diu fiat, usque dum glutinum satis tenax putetur. Non debet tamen nimis crassum fieri, sed ita, ut si bacillus extrahatur, ad modum virgulæ aliquantulum tenacis defluat. Coquatur deinde aliquamdiu ad ignem cum bacillo semper movendo & cavendo, ne nimium inspissetur. Potest item addi aliquid glutini vulgaris de coriis, aut quod melius, de resectis particulis membranaceis. Habito glutino super mensam aut Tabulam coæquatam, duo imprimis folia aut tria conglutinentur, nec faciliè plura; atque ita compacta plura talia folia seponantur, charta porrò quò fuerit durior & rigidior, ita ut per aërem tracta magis crepitet, eò melior probatur. Porrò partes foliaries sic compactæ pressorio instrumento subdantur, ut arctè velut apud bibliopegos fieri solet, comprimantur, sinanturque per noctem. Tandem cum his uti volueris ad arundines & Tubos formandos; cylindraceo conformi ligno chartæ sic compactæ folium unum post alterum circumglutinare debes, donec justam crassitiem habere putes: atque ita unam arundinem super aliam compinges, ut ita totus Tubus cum petitis omnibus arundinibus super lignum cylindraceum convolvi queat. Quo præstito, si sufficientes arundines te habere putes, eas adhuc humidas invicem sejunge, & pone in loco subcalido, & singulas arundines erige, cavendo ne cuicunque corpori velut parieti inclinentur, neque etiam nimis propè locentur: quanto enim liberiori in loco posueris, tantò rectiores obtinebis: sin autem ad quemcunque locum inclinaveris, aut ad pavementum jacere permiseris, deficcatos non nisi recurvos obtinebis: unde hoc diligenter cavere debes.

Cum deinde arundines & Tubi optimè fuerint deficcati, chartâ Turcicâ vel tenui virgineâ membranâ obduci possunt cum glutino priori vel paulò fortiori. Probo ego valdè membranas tenues, si tam interiores, quàm exteriores singulorum Tuborum superficies iis obducantur & vestiantur; quia non tam faciliè quascunq; rasuras demittunt, & arctiùs invicem committuntur. Solent tamen ordinariè Tubi intus nigro colore imbui, exterius chartâ Turcicâ obduci. Quod si difficilior arundines commissæ extrahi queant, sapone Veneto non nihil affricantur, unde faciliior earum extractio & dimotio sequi solet. Sed cum de chartâ Turcica mentionem fecerimus, restat, ut etiam ejus optimè præparandæ praxin afferamus.

§. IV.

Chartæ Turcico more pingendæ praxis optima.

Communissima jam ubivis est charta, quam vocant Turcicam, sic dictam, quod ea nempe primitus à Turcis inventa sit. Hujus apparandæ praxis, licet à pluribus describatur, & viliori propè pretio ematur, quàm fermè apparetur: cum tamen hujus loci proprium videatur, Artistam Tubos specillarium ejus colorandæ Artificium scire, & ad alia plura hinc eruenda servire possit, genuinam ac veram praxin paucis referam & exponam.

Capsulæ
&
pectinis
constru-
ctio,

1. Procuretur imprimis capsula ex ligno ejusdem cum chartæ foliis amplitudinis, profunditatis verò duorum aut trium digitorum.

2. Paretur etiam pecten aciculis ordine longo & æquo à se invicem intervallo dispositis pro usu, ut mox dicetur.

Quomo-
do aqua
paranda.

3. Gummi Dragacanthinum per triduum aquæ purissimæ immergatur, donec in album liquorem solvatur: tum percoletur & in capsulam num. 1. indicatam infundatur. Observandum verò, ne tenacior sit, vel etiam rarior aqua hujusmodi: secus enim conjecti colores, vel propter tenacitatem aquæ non aptè sese explicarent,

rent, vel propter raritatem & liquiditatem nimiam datas figuras minùs fideliter retinerent.

4. Super aquam probè paratam aspergantur penicillo colores singuli, nullo quidem ordine certo, sed eo quem docebit experientia melius convenire, ut cum aquæ superficies omnino coloribus tecta latuerit, ab aspergine cessetur: cujus etiam aliud signum est, cum colores in se satis collecti, & nativo splendore insignes, non autem diluti & demortui apparebunt: nisi forte vitium hujusmodi vel ab ipso colore, qui ex se minùs sit illustris, vel à nimio infuso felle, de quo mox dicetur, quod non rarò accidit, oriretur. Si enim pluribus quàm par sit coloribus oneretur aqua; præterquam quod fundum petunt, & aquam inficiunt; minùs præterea obsequuntur ipsos sulcanti calamo vel pectini, minusque terfas & bene præcisas colorum lineas exhibent: in quo tamen totius hujus picturæ splendor & pulchritudo posita esse videtur.

5. Quod attinet colores ipsos, qui adhiberi solent, quo ii leviores fuerint, eo aptiores sunt. Imprimis tamen Lacca Florentina ad rubrum, Inda ut vocant, ad cæruleum videntur aptissimi, præsertim si Indæ misceatur color aliquis albus (velut alba creta, non autem cerussa, quæ nimis gravis est) ad nimiam ejus saturitatem diluendam. Auripigmentum & Risagallum sive aliàs dictum Arsenicum citrinum, ad flavum: Indæ verò & Auripigmenti mixtura ad viridem. Ad album nullus color adhiberi solet, cum aqua per se sit alba: unde si tantum spatium aliquod colore vacuum relinquatur, sufficit pro colore albo ipsius chartæ ita eam relinquendo.

6. Colores prænominati singuli seorsim quàm optimè super marmoream tabulam terantur cum forti spiritu vini, addito pauxillo fellis piscium, præsertim lupi aquatici (*Kircherus* aquam adhibere docet ex ovi albumine soluto cum bovini fellis, & olei, quod vocant Petroleum exiguâ quantitate admixta) sicque diluuntur, ut nec crassi nimium, nec nimis liquidi, sed medio quodam modo temperati sint; tandem in suas quique scutellas ad usum distribuuntur.

Quales
colores
adhiberi
debeant.

7. Observandum cum penicillo in paratam, ut paulo ante docuimus, aquam colores asperguntur, ut æquali & uniformi tenore sese effundant supra aquæ superficiem in satis amplum orbem decedentes guttæ singulæ; quod si non contingeret, aliquid fellis de novo affunditur & permiscetur, donec optatus finis attingatur.

8. Infusis coloribus poteris aquæ superficiem variis colorum guttis in Jaspidismodum obducere, si ita chartam pingere velis, ut hujusmodi Jaspidem referat: vel si non Jaspidem sed alias figuras, ut vortices, plumas, & cæteras alias figuras exprimere velis; tunc vero calamo hinc inde ducto reductoque, ac uno capsulæ latere ad appositas guttas omnes secabis, & in longum produces. Quibus peractis pectinem aciculis longo ordine, ut num. 2. indicatum, dispositis constantem à summo capsulæ latere ad imum deduces: sic enim transversî colorum ductus secabuntur perpendiculariter, & folia sive plumas expriment, quas denique in gyrum sive spiras aliasque lineas irregulares ejusdem calami operâ licebit pro arbitrio detorquere.

Quomo-
do colores
super aquâ
distrahendi.

9. His omnibus probè apparatis sumes folium chartæ (quod tamen esse debet humidum, uti Typographi adhibere solent) & sensim in aquam ita coloratam depones, ut extrema ejus ora factò initio donec ad alteram oppositam perveneris: tum totus chartæ extremus ambitus capsulæ lateribus adhærens digito leviter currente premetur ad hoc, ut color omnis, qui solet in hujusmodi ambitu residere, ab ipsa chartâ assumatur, ne quid supersit. Denique apprehensa chartæ orâ sensim denudò eximitur, & in loco plano siccanda exponitur; cumque siccata fuerit, affricatur parum saponis, & vitro politorio vel alio quocunque modo planissimè expolitur, ut eximium splendorem acquirat, qui pulcherrimum illi decorem afferre solet.

Quomo-
do charta
immer-
genda.

10. Cæterum totum hoc opus expeditum Artificem requirit. Licet enim colores supernatent, defluunt tamen sensim & aquam inficiunt, si longiori morâ eidem incumbant. Quamdiu verò aqua eadem usui esse possit, vix certò potest asseri, cum id pendeat ab experientia: cum enim coloribus infecta & turbidior observabitur, tunc erit effundenda, & purgatâ diligenter capsulâ, alia de novo adhibenda.

Nota,

Nota, posse adhuc alios colores vivaciores, sicut & argentum vel aurum muscum, item etiam argentum vel aurum scriptorium Gummi Arabico vel candidi glutinis aquâ attemperatum aspergi, unde charta multò pulchrior & elegantior effici potest. Argenti & auri hujus scriptorii efficiendi praxis, cum sit facilis atque ad multa alia servire possit, paucis eam subnecto.

Auri vel Argenti scriptorii conficiendi praxis.

Auri vel
argenti
scriptorii
præparan-
di modus.

Accipe frustulum Salis communis, & super carbones ardentes exure, ita ut candeat. Deinde dissolve in vasculo gummi Arabicum usque ad crassam consistentiam instar pultis: huic dissoluto gummi super marmoream aut vitream tabulam posito adde salem antea exustum (potest & loco salis usti adhiberi frustulum salis Ammoniacy in magnitudine nucis avellanæ) & minutissimè attere & commisce, ut pultis instar incrassescat. Ex hoc gummi sic præparato portiunculam quantitatis nucis avellanæ acceptam in orbem fictilem mundissimum (cujusmodi in mensis secundis apponi solet) depones: vel loco talis orbis potest servire tabula marmorea aut vitrea, in quâ solent colores pinsitari. Postea aurum vel argentum foliatum commistum gummi digitis, vel etiam alio lapide curfore, si in marmore comminuere velis, tanto tempore terito, usque dum totum gummi intimè contemperetur: quantò enim melius subactum fuerit aurum vel argentum gummi, tantò res melius succedet. Curabis etiam, ut identidem dum atteris & commisces, aquam tepidam affundas. Quod ubi peractum, aurum vel argentum sic attritum & commixtum vasculo alteri vitreo aut figulino impones, ac aquam calidam superaffundes, probeque denuo commiscebis, itaque per 12. horas relinques. Hoc tempore absoluto aquam decantabis, ac rursus aliam novam tepidam affundes, rursusque commiscebis, ac deinde per tempus relinques, donec omnis materia confederit, iterum decantabis ut prius: atque hoc continuabis toties, donec aurum vel argentum minutissimè contritum omninò purissimum in fundo relinquatur. Materia tandem relicta intra conchas guttatim distributa dabit aurum vel argentum scriptorium desideratum. Quo si uti velis, unam atque alteram guttam ex aqua gummi Arabici aut glutinis candidi superadde, & in usum converte. Sed hic curioso Lectori Artis pictoriæ Amatori Tabulam adhuc subicere volo, in qua unico intuitu facilè videre poterit, quomodo quævis pigmenta atteri, misceri & attemperari queant cum eorum duratione in aëre: siquidem facilè tam ad pingenda & exornanda instrumenta Telescopica, quàm alias curiosas machinas dioptricas subsidio esse possit.

Tabula
colorum.

§. V.

Vernicis Sinensis optimè præparandæ praxes variæ declarantur.

Cum vernix hæc eximiè servire possit ad annulos & capsas Tuborum, in quibus vitra locari solent; Item ad baculos ambulatorios Telescopicos, sicut & Arculas microscopicas, atque etiam ad capsas Tuborum binocularum aliaque machinamenta Teledioptrica egregiè illustranda: idcirco hoc loco ejus conficiendæ varias praxes indicabo; prius tamen aliqua pro meliori successu monenda præmitto.

Proba spi-
ritus vini
optimè re-
ctificati.

1. Quia vernix hæc cum spiritu vini optimè rectificato seu ab omni phlegmate libero perfici solet, ejus rectificationis proba optima talis esse potest: Si nempe parum super pulverem pyrium fundatur, & deinde incendatur, mox autem omnis pulvis cum affuso liquore penitus absumatur. Vel, si mundi linei panniculi particula in spiritum intingatur, deinde accendatur; ab accensione autem panniculus omninò amburatur & absumatur.

2. Me-

Tabula præcipuorum colorum seu pigmentorum cum eorum triturâ, mixturâ, temperaturâ, & duratione in Aere.

Colores.	Nomina colorum præcipuorum.	Titura.	Mixtura.	Temperatura.	Duratio in Aere.
Cerulei.	Azurum sive Ultramarinum. Germ. Ultramarin.	Parum teritur.	Non miscetur nisi albis modicè.	Temperatur cum oleo & omni temperatura gummosa.	Constantissime & diutissime durat.
	Ceruleum montanum cum exaltatione coloris, Germ. Bergblau: vel remissione coloris, Germ. Berg-Asch.	Parum teritur.	Cum quocunque albo, flavo, plumbeo succo viridi.	Oleo, omni gummosâ temperatura: refugit glutinosam pergamenam.	Durat diu constanter.
	Lapis Lazuli. Germ. Lasur.	Parum teritur.	Non miscetur.	Oleo, gummi Arabico, saccharo Candia, felle piscium.	Diu constat.
	Inda sive Indicum. Germ. Endig.	Bene teritur.	Non miscetur nisi flavis.	Oleo, gummi Arabico & ceraforum.	Diu constat.
	Smaltum. Germ. Smalten/Smelte.	Non teritur.	Non miscetur.	Oleo & omni temperaturâ.	Diu constat.
	Lacmus. Germ. Legmus oder Turnus.	Non teritur.	Non miscetur.	Purissima aquâ vel lixivio saponario.	Abfolescit.
	Cinnabaris. Germ. Zinnobar.	Bene teritur cum vino adusto.	Cum albo quocunque, minio & laccis.	Oleo ac quâcunque alia temperatura.	Diu constat.
	Minium. Germ. Mennig.	Parum teritur.	Cum cerussa, laccis, & omnibus flavis.	Oleo, aqua glutinosa: refugit gummi.	Diu constat.
	Rubrum montanum, sive Ochra.	Bene teritur.	Cum abis quibusvis. flavis & nigris.	Oleo, & gummi Arabico.	Diu constat.
	Lacca qualiscunque.	Bene teritur.	Cum albo quocunque, item minio & cinnabari.	Oleo: & aquâ glutinosa pergamena.	Abfolescit.
Rubei.	Creta rubra. Terra rubra.	Bene teritur.	Cum albis flavis & nigris quibuslibet.	Oleo; aquâ gummosa tenui.	Diu constat.
	Sanguis Draconis. Germ. Drachenblut.	Non teritur.	Cum cerussa & minio.	Cum Sale Ammoniac & gummi: refugit oleum.	Abscedit, abfolescit.
	Succus Brasilianus. Germ. Brasilien-roth.	Non teritur.	Cum cerussa, creta, Tartaro exusto.	Alumine, Dragacantho, myrrhâ odorata.	Abfolescit.
	Chrysocolia. Terra viridis. Germ. Berggrün.	Bene teritur.	Cum cerussa, flavo, plumbeo, ebolino & montano, item succo viridi.	Oleo, & aquâ glutinosa: gummosam refugit.	Diu constat.
	Viride scissile. Germ. Schiſſe-grün.	Parum teritur.	Cum albis, flavis, & succo viridi.	Aquâ glutinosa, vel exovi albumine.	Serius abfolescit.
	Æugo, As viride. Germ. Grünspahn.	Bene teritur.	Cum succo viridi, felle lupi aquatici.	Melle, aceto, gummi Arabico. Oleum refugit.	Abfolescit.
	Flores æruginis, sive ærugo destillata. Germ. distillirter Grünspahn.	Bene teritur.	Cum flavis quibuslibet, viridi saturo.	Oleo, gummi Arabico.	Serius abfolescit.
	Viride saturum. Germ. Saftgrün.	Non teritur.	Cum omnibus flavis & viridibus.	Aqua gummosa. Oleum refugit.	Brevi abfolescit.
	Ochra flava, Germ. Ocker/Obergelb/Berggelb.	Bene teritur.	Cum omnibus coloribus.	Oleo & omnibus temperaturis.	Diu constat.
	Flavum ebulinum. Germ. Sittich oder Schitzgelb.	Bene teritur.	Cum omnibus coloribus flavis, ceruleis & viridibus.	Oleo; gummi, & aqua glutinosa.	Serius abfolescit.
Flavi.	Auripigmentum. Germ. Opermert.	Bene teritur cum vino adusto vel urina.	Cum minio, cinnabari, croco, omnibus ceruleis refugit virides.	Gummi Arabico, aqua glutinosa, felle piscium, refugit oleum.	Diu constat.
	Flavum plumbeum. Germ. Bleigelb.	Parum teritur cum lixivio.	Cum ceruleo montano, chrysocolia, croco, succo viridi.	Oleo, aqua glutinosa pergamena: refugit gummi.	Diu constat.
	Risagallum, alias Arsenicum citrinum. Germ. Rauschgelb.	Parum teritur.	Non miscetur.	Aqua glutinosa pergamena. Refugit gummi & oleum.	Diu constat.
	Crocus. Germ. Safran.	Non teritur.	Cum minio, cinnabari & viridibus coloribus.	Albumine ovi, aceto albo cum pauxillo gummi.	Abfolescit.
	Gummigutta.	Non teritur.	Non miscetur. Refugit cerussam, amat cretam.	Aqua communi.	Serius abfolescit.
	Cerussa. Germ. Bleiweiß.	Bene teritur.	Cum omnibus ferè. Refugit gummiguttam.	Oleo, gummi & quibusvis aliis temperaturis.	Constat.
	Album Anglicanum. Germ. Schiefferweiß.	Bene teritur.	Ferè cum omnibus coloribus.	Oleo & quibusvis temperaturis.	Constat.
	Creta alba.	Bene teritur.	Cum omnibus coloribus.	Aquosis omnibus temperaturis. Refugit oleum.	Constat.
	Nigrum colonienſe.	Bene teritur.	Cum albis & flavis.	Oleo & omnibus temperaturis.	Constat.
	Fuligo. Germ. Ruß.	Non teritur.	Cum albis & flavis.	Aqua glutinosa. Refugit oleum.	Constat.
Albi.	Officula vel putamina amygdalarum, Perficorum. Ebur, cornua cervi ad nigredinem usta. Germ. Beinſchwartz.	Bene teruntur.	Cum albis & flavis.	Oleo & quibusvis temperaturis.	Constat.
	Atramentum Indicum. Germ. Tuschk/Indianische Dinten.	Parum teritur.	Non miscetur.	Aqua communi vel parum gummosa.	Constat.
Nigri.					

2. Melior adhuc effici poterit spiritus vini, si ex. gr. una mensura ejusdem super libram unam tartari ad albedinem in fornace figulino exusti & calcinati fundatur, & per unum diem in calido loco velut hypocausto relinquatur: curandum tamen, ut bene tegatur, ne spiritus facile exspirare, aut quovis pulvere infici possit. Hoc ubi factum, per chartam filtrari, atque ad usum servari poterit.

Quomodo spiritus vini melior effici queat.

3. Cum gummi laccæ primarium ingrediens hujus vernicis sæpè variis quicquid scatere soleat, priusquam adhibeatur, optimè repurgari debet hoc modo. Separetur gummi à suis ramulis quibus accrevit, & separatim in mortario contundatur, non omnino in pollinem farinaceum, sed in pulverem granitum; ponaturque hic pulvis in crassiori panno, eique addantur aliquot fragmenta saponis sive smegmatis puri & defæcati: deinde hoc intra concham aquâ limpidâ refertam integrâ nocte immersum relinquatur: postero die exemptus sacculus una cum imposita materiâ agitetur tamdiu, donec rubedo seu tinctura rubea exeat, quæ addito nonnihil aluminis absque tamen sapone ad varios usus servari poterit. Quod verò in sacculo manet, est gummi laccæ repurgatum, quod deinde in usum hic venire solet.

Gummi laccæ quomodo repurgandū.

4. Cavendum in præparatione hujus vernicis, ne candela ardens aut flamma qualiscunque propius apponatur, quia spiritus facile inflammari, omniaque circumposita accendere potest.

Cavendū ne vernix inflammetur.

Praxis I.

De confectiōe vernicis Sinensis.

1. Recipe gummi laccæ bene purgatum, hoc ponatur in vase vitreo, ne frangatur sat capaci.

2. Huic superaffundatur spiritus vini optimè rectificatus ad quatuor digitorum eminentiam.

3. Uno vel pluribus diebus digeratur indies, liquorem in vase spatulâ agitando, ne gummi vitro adhæreat.

4. Hoc peracto illud per linteum transcoletur identidem digitis exprimendo in vitreum aliquod strictioris colli vasculum.

5. Hoc in digestionem pones in loco calido vel balneo cinericio moderato per 24. circiter horas.

6. Et comperies vernicem intentam supernatare limpidam prorsus & diaphanam, quam per inclinationem decantabis. Atque hæc est vernix rebus poliendis destinata. Hanc praxin refert *Kircherus* in Chinâ illustrata.

Praxis II.

De paranda vernice valdè clarâ & albâ.

1. Accipe spiritus vini bene rectificati uncias 10. Gummi Sandracæ pulverisati, & Terebinthinæ Venetæ ana uncias 2. ac impone vitro competenti, & desuper probe vesicâ occlude.

2. Vitrum cum speciebus immixtis impone alteri vasi super tripodem collocato velut aheni, aut cacabo, aut tantum ollæ laxiori substrato ad fundum ejus scæno, ut vitrum ita mollius insistere queat: & affunde aquam.

Vernix valde clara & alba pro coloribus vivacioribus & illustrioribus.

3. Subjectis deinde carbonibus fac, ut aqua sensim ferveat, ac dum ebullit per tres horas, ita relinque, ut species vitro impositæ probe dissolvi & commisceri invicem possint.

4. Cum omnia bene dissoluta & commixta judicaveris, effunde vernicem adhuc calidam & transcola per pannum laneum, aut sacculum pilosum in vitrum strictioris colli; cumque refrikerit, bene occlude, & serva ad usum. Vernix ita parata, est

ta, est valde clara & alba, quæ idcirco ad vivaciores & illustriores colores adhiberi potest.

Praxis III.

De paranda Vernice minùs clarâ ad colores obscuriores.

1. Recipe spiritus vini optimè rectificati libram 1. bene repurgati & contriti Gummi laccæ uncias 8. ac impone phialæ vitreæ, & per duos dies ibidem relinque: singulistamen interim horis bene agita & commisce.
2. Post duos dies phialam super carbones suspende, quousque advertas Gummi omne probè esse dissolutum, ita ut ad modum glutinis in vitro defluat.
3. Tandem vernicem calidiusculam per pannum aut sacculum percolabis, & in aliud vitrum transfundes, servabisque ad usum. Servit hæc vernix potissimum ad rubeos & paulò obscuriores colores.

Praxis IV.

De vernice aliâ valdè insigni.

1. Recipe spiritus vini optimè rectificati & per tartarum (ut supra num. 2. præmonitum) transcolati libr. 1. selecti Succini albi, ac Gummi Sandracæ ana uncias 6. Gummi laccæ uncias 2. bene hæc omnia tere & impone in phialam vitream ac superfunde adhuc tres libras spiritûs vini. Debet autem phiala esse satis ampla, ita ut vix ad medietatem repleatur.
2. Cum species impositæ, per integram horam circumage & commisce eas, ac ita deinde per duos dies relinque. Quanquam valde conducatur interim sæpius, imò per singulas horas rotare & circumagere aliquamdiu, ut species meliùs dissolvantur ac invicem commisceantur.
3. Tandem decantetur vernix, & in aliud vasculum vitreum transfundatur, & servetur ad usum.

Praxis V.

De vernice adhuc præstantiori præparanda.

1. Sume spiritus vini rectificati fortissimi & per tartarum filtrati mensuram dimidiam: Gummi laccæ uncias 4. Sandracæ uncias 2. Succini albi & thuris albi selecti ana unciam unam: hasque species simul subtilissimè contere & contunde in mortario lapideo.
2. Species optimè contritas cum spiritu vini impone vitreæ phialæ aut cucurbitæ, & probè supra occlude, ne quicquam exspirare possit.
3. Phialam sic optimè occlusam pone ad Solem calidissimum, vel in hyeme supra fornacem, & relinque ibi per tres aut quatuor dies, ut bene omnia digerantur.
4. Tandem phialam impone in vas cineribus refertum, & per duas horas sensim ibi species impositas coque.
5. Cum adverteris omnia bene soluta, vernicem calidissimam per pannum aut sacculum pilosum age, ac duobus bacillis, velut Pharmacopæi solent, vernicem omnem exprime, & transfunde in vitrum strictioris colli, occlude bene, & serva ad usum.

Praxis VI.

De vernice optimâ valde clara, alba & illustri.

1. Accipe Gummi Elemi, Gummi Animi, Thuris albi & Succini albi ana drachmas duas (nota, hæc species omnes debent esse selectissimæ) contere bene in pulverem minutum, impone vitro & coque cum aceto destillato.

2. Cum

2. Cum species istæ commixtæ bene fuerint coctæ, acetum decantabis, & materiam relictam aquâ calidâ dilues, ita ut valde candeat : curabis deinde denuo siccare.

3. Materiam, cum bene desiccata fuerit, iterum in minutum pulverem teres, addesque adhuc duas drachmas Gummi Dragacanthini, & quatuor drachmas sacchari albi candiaci.

4. His probè contritis & commixtis sume phialam vitream paulò maiorem, & infunde prius spiritus vini optimè rectificati libram unam, deinde species antea pulverisatas sensim immitte, & per integram horam in phialâ huc illucque agita.

5. Post agitationem pone in balneum Maris, & cum videris ebullire aquam, adhuc per duas horas ibidem relinque, & sine coquere.

6. Hoc peracto permitte refrigerescere, & vernicem supra materiam ita adhuc per duos aut tres dies relinque, ut crassior materia ad fundum resideat.

7. Tandem vernicem decantabis, & in vitrum strictioris colli transfundes, bene occludes, & servabis ad usum. Hæc vernix est clarissima & præstantissima.

Praxis VII.

De Vernice, quâ ultimus splendor valde insignis induci potest.

Recipe selectissimi Succini albi, Gummi laccæ, & Gummi Sandracæ ana unciam unam cum dimidiâ, tere omnia bene & impone cucurbitæ vitreæ : affunde deinde spiritum vini fortissimum optimè rectificatum & per tartarum filtratum, atque per aliquot horas bene conquassando agita. Repone postea ad aliquot dies in locum calidum : tandem urge per pannum colatorium in vitrum strictioris colli, & serva ad usum. Plures praxes ejusmodi vernices præparandi videri possunt in *Arte vitraria experimentalis* Expertissimi Domini Joannis Kunckelii. Sed hæc nobis hoc loco sufficient : nunc & usum earum practicum paucis declarabimus.

§. VI.

Usus Vernicum indicatarum pro variis rebus eximie illustrandis declaratur.

Ad hoc ut Artifex optimè præcedentes vernices adhibere sciat, aliqua ei convenit præscire circa ipsum subjectum seu materiam, quam vernicibus imbuerè & illustrare cupit; aliqua circa ipsas vernices, ut scilicet probè coloribus imbuantur; aliqua circa applicationem & praxin, quâ intenta illustratio & expolitio obtineri queat. Singula ordine prosequor & declaro.

Imprimis ratione subjecti convenit, rem vernice imbuendam ex lignis aridis, durioribus, ut sunt platani, pyri, nucis, pruni, & similium arborum esse paratam : ligna equidem, quæ sunt molliora, ut pini, abietis, tiliæ, & similium, sicut & quæ magis porosa, non tam apta censentur. Deinde convenit figuram aut superficiem esse planiorem ac magis coæquatam : nam angulosæ, striatæ, aut quocunque modo inæquales superficies, etsi quidem vernice illini queant, cum tamen minùs probè expoliri possint, idcirco illustrem splendorem exhibere haud poterunt. Unde ex. gr. arculas, scipiones, Tuborum capsas convenit, quantum fieri potest, planissimas efficere, nec multis ornamentis, iconibus, figuris regulis incurvis & similibus parergis inæquales reddere. Prodest quoq; res ligneas, antequam imbuantur aliquâ vernice, priùs contuso pumice ac equiseti lævigare, ut superficies planissimè coæquatas acquirant.

Ratione ipsius vernicis adhibendæ attendendum est, ut pro fundamento primo assumatur vernix aliqua tenuior, non spissior aut crassior, ac res ipsa imbuenda paululum calefiat, ut ita vernix eam melius subire possit, atque sic vernicis illitio una post aliam facta pressius & fortius adhærere queat. Quod si negligatur, & spissior aut crassior vernix primò adhibeatur, nec vernix prius illita probè lignum subeat, facile deinde absilire poterit.

Deinde colores, si qui appingendi, debent ii simili vernice contemperari, ita quidem, ut ad colores magis vivaces & candicantes adhibeatur vernix clarius & illustrior, velut esse possunt praxis 2. & 6. in quibus Gummi laccæ non est: Ad colores verò paulo obscuriores etiam obscurior vernix aliarum praxium 3. 4. & 5. adhiberi poterit. In specie autem ad vernicem rubram procurandam servit imprimis lachryma sanguinis Draconis, quæ vernix est optima: item, minium aut etiam cinabaris cum pauxillo croci: Ad flavum Risagallum: Ad cæruleum Inda: Ad nigrum ebur combustum, atramentum Indicum, charta combusta, fuligo, & similes colores. Verùm circa colores attemperandos & appingendos plura melius paulò infra dicentur.

Quod praxin ipsam sive applicationem vernicis attinet, in exemplo colorationis baculi comprimis eam sic ostendo.

Processus
in coloran-
do baculo
deambula-
torio.

1. Lavigatâ planissimè superficie baculi (siquidem variè maculosum ad instar testudinis marinæ petis) primò baculum solâ vernice admodum tenui, ut dictum, & juxta praxin 3. 4. aut 5. paratâ illine unâ vel pluribus vicibus.

2. Sume minii & Risagalli partes æquales, & attempera vernice aliquâ juxta praxes 3. 4. aut 5. præparatâ, & baculum illine aut pinge.

3. Cum hæc illitio fuerit omninò desiccata, duas aut tres illitiones solius vernicis juxta praxes 3. 4. aut 5. præparatæ superadde, cura que siccari. Postea verò equiseti sicco probè baculum perfrica.

4. Hoc præstito vernicem cum sanguine Draconis præparatam ad modum nubium vel undularum diversis locis illine, ita ut fundamentalis prior color pluribus locis promineat.

Notandum autem, quod illitio ita facta quò sæpiùs iteratur, unam scilicet super aliam resiccata apponendo, eò saturatior sit color futurus.

5. Ad magis inumbrandas aut obscurandas maculas circa medium earum, aut quocunque loco libet, adhibeatur nigri coloris vernix, uti superius indicatum.

6. Cum omnes maculæ optimè appictæ, sume pumicem in igne priùs candelatum, postea verò denuo refrigeratum, ac contunde in pulverem. Item, pone equisetum in aquam, accum satis humectatum videris, intinge in priorem pulverem pumiceum, & quàm optimè baculum antea coloratum expoli.

7. Absolutâ hæc expolitione sume panniculum laneum ac perfrica & absterge baculum. Quo facto baculum super ignem moderatum tene, ut aliquantulum incalasciat: cave tamen, ne nimium calefiat, ita ut bullas ejiciat.

8. Post hæc vernice illustratoriâ praxis 6. aut 7. illine baculum ad vices 5. aut 6. expectando semper, antequam aliam illitionem facias, ut prior sit optimè siccata.

9. His omnibus bene peractis adhibe corium aut pannum laneum grossiorem imbutum oleo olivarum cum stanni calce, & baculum quàm optimè expoli. Ultimam demum polituram solâ stanni calce, aut etiam tripoli perfice; & obtinebis baculum splendidissimum.

Ex hoc exemplo colorationis baculi facile patet, quomodo quæcunque aliæ res similiter colorari, ac vernicibus supra indicatis mirificè illustrari queant. Sed nunc quædam adhuc alia pro praxi notanda subjicio.

Annotationes.

Notanda
circa colo-
res viva-
ciores,

1. Quod si quodcunque opus vivacioribus coloribus pingere & illustrare velis: poteris post fundamentalem illitionem colores vivaciores appingere, & quidem ex. gr. si cerussam appingere velis, debet ea lacte recenti attemperari, ac binis

binis ternisque vicibus tenuiter appingi : vernix deinde clarissima, ut supra descripta est, adhiberi. Æs viride attemperatur lactis recentis, & fortissimi spiritus vini partibus æqualibus maculæ obscurari possunt succo viridis Saturi. Simili modo colores flavi aut cærulei appingi poterunt. Semper tamen attende, ut vernices clariores adhibeas.

2. Quod si pulverem aureum admiscere cupias : poteris post secundam illitionem fundamentalem terram Colonensem optimè attritam, aut Gummiguttam vernice clarissimâ attemperatam superillinere. Cum illitio hæc siccata fuerit, fiat alia cum solâ vernice clarissimâ, ac pulvis aureus per fœcuniculum aspergatur. Pulvere hoc probè adhærente fiant illitiones 16. cum clarissimâ vernice. His siccatis, pumice confuso omnis inæqualitas tollatur : indè rursus fiant illitiones 6. cum clarissimâ vernice; actandem ultima expolitio fiat cum calce stanni, ut supra indicatum.

Quomodo pulvis aureus aspergendus.

§. VII.

Vernices alias oleagineas valdè præstantes præparandi praxes variæ indicantur.

Possunt Artifici Telescopiario etiam ad machinas exterius pingendas & illustrandas servire vernices oleagineæ : undè earum præparandarum aliquas præstantissimas praxes hic breviter exponam. Comprimis autem praxin declarabo ab Amico quodam eximio Practico indicatam, quâ olea quæcunque ad Solem clarificari & dealbari possunt.

Praxis I.

Olei ad pingendum apti mira clarificatio & dealbatio.

Sumatur herba Acetosa, Germanicè Sauerampffer, & conscindatur crassiusculè ac cum aquâ communi coquatur ad ignem : coletur deinde aqua per lineum panum, & infundatur in vas stanneum vel ex laminis stanno-ferreis paratum oblongum & latum, non tamen profundum. Quo factò super aquam hanc infundatur oleum, quod clarificare & dealbare libet, & vas cum aquâ & oleo supernatantè in loco à pulveribus tuto exponatur calidissimis radiis solaribus æstivo tempore per aliquot dies : fiet brevi tempore, ut oleum fæces omnes deponat, ac non secus quàm cera & lintea Solis radiis exposita dealbari solent, sic & oleum hâc praxi mirifice clarificari & dealbari queat. Pictoribus oleum sic paratum non tantum ad colores vivaciùs exprimendos, sed etiam ad vernices clariores & illustriores inde præparandas eximiè deservire potest.

Olei cuiusvis clarificatio & dealbatio.


Praxis II.

Vernicis valdè candicantis, eximie & præclaræ ex oleo lini & succino albo præparatio.

Paretur imprimis vas aliquod ex cupreis aut æreis laminis *ABCD* ad modum infundibuli in *CD* apertum, in *AB* verò habeat suum operculum, quò occludi possit : circa *EF* fiat interseptum minutis foraminibus pertusum. Hoc vas (quod pro succino super interseptum *EF* ad *GH* usque circiter imponendo serviet) debet imponi orbi plano similiter cupreo aut ex laminâ etiam ferreâ parato *IK* atque circa *ab* luto obduci, ne quid transpirare possit. Ipse autem orbis *IK*, sicut & vas *ABCD* imponi congruè queant ollæ fictili convenienti *LM*. His paratis sume olei lini optimè ad Solem destillati uncias octo; Succini albi uncias quatuor. Porro oleum impone fictili ollæ *LM*, Succinum autem super *EF*, beneque omnia occlude lutoque obfirma, tam circa *ab* quàm circa conjunctionem ollæ *LM* cum orbe *IK*, ut nihil exspirare queat. Tandem his omnibus probè adaptatis appone carbones, non

Vernicis Succini confectio.

tantum infra ollam, sed etiam super orbem *IK*, ut ita carbones succinum circa *EF* colliquescere faciant. Fiet ita ut succinum paulatim solvatur & in oleum præcipitetur ac cum eodem commisceatur, sicque vernix præstantissima efficiatur. Hanc vernicis succini confectionem insignis quidam Statuarius Herbipolensis Amico cui-dam indicavit, qui mihi eam, ut modò retuli, tanquam rarum valde & arcanum Artificium communicavit.



Praxis III.

Vernix insignis, quâ mirificè res quævis illustrari possunt.

Recipe olei lini antiquioris & bene clarificati libram unam : pone in ollam satis magnam & capacem, ac sensim coque ad ignem temperatum ; materiam verò spumofam, quam oleum bulliendo expumat, apto ad hoc cochleari tolle ; immitte deindè pumicis & ossium ovorum combustorum in subtilissimum pulverem contritorum ana unciam unam, ac probe cum oleo commisce, identidem spumas eminentes tollendo. Tandem impone clarissimæ Terebinthinæ Cypriæ unciam unam ; & si vernicem adhuc meliorem exoptas, addere poteris duas aut tres uncias mastice puræ : quæ si optimè soluta & cum prioribus speciebus commixta, ab igne removeatur olla, & vernix in vitrum strictioris colli transfundatur, ac servetur ad usum.

Praxis IV.

Vernicis rarissimæ & clarissimæ præparatio.

Accipe Gummi Elemi, Gummi Animi, Thuris albi & succini albi ana drachmas duas : contere bene in minutum pulverem, impone vitro & coque cum aceto destillato.

stillato. Adde deinde etiam his Gummi Dragacanthini drachmas duas, sacchari crySTALLINI candiaci drachmas quatuor. Quæ omnia cum bene resiccata sunt, & in pulverem minutum redacta, sume olei Spicæ Nardi, vel hujus loco olei Terebinthinæ libram unam : adde etiam Terebinthinæ Cypriæ uncias 6. ac immitte vitreæ cucurbitæ, quæ infra plumbeum annulum affixum habeat, ut in balneo cui debes imponere, firmiter consistere queat. Cum videris deindè admoto igne aquam balnei ebullire, & Terebinthinam optimè dissolutam; priores pulveres sensim immitte identidem spatulâ commiscendo, & sine deinde ad 3. vel 4. horas coquere. Tandem effunde vernicem ita coctam in vas aliud vitreum, & serva ad usum. Vernix hæc est rarissima & clarissima.

Praxis V.

Vernicis præclarissimæ cum oleo Spicæ Nardi præparatio.

Accipe olei Spicæ Nardi uncias duas, Mastice & Gummi Sandracæ bene pulverisatæ unciam unam, Terebinthinæ Venetæ aut Cypriæ unciam dimidiam. Immitte deinde oleum in cucurbitam vitream, ac pone in balneum maris. Admoto igne cum videris oleum incallescere, impone primò Terebinthinam; deinde sensim immitte pulveres Mastice & Sandracæ, identidem spatulâ eos cum oleo commiscendo. Debes autem lento igne hæc perficere, quousque omnia hæc optimè dissoluta & commixta videas. Hoc viso habes vernicem paratam, quam demum in vas aliud vitreum repones ad usum. Cave tamen singularissime, ne vernicem hujusmodi extra balneum præpares: facillimè enim inflammatur & incenditur, unde eventus tragici inopinati obtingere possunt: nec enim flamma semel concepta facile absque ingenti periculo extingui poterit.

Praxis VI.

Vernicis Spicæ Nardinæ præparatio alia.

Potest etiam ejusmodi vernix cum solâ Sandracâ ad uncias 2. & Mastice ad unciam 1. præparari, si scilicet optimè prius cum spiritu vini conterantur & abluantur, ac denuo resiccari permittantur; deinde verò pulvis in oleum Spicæ Nardi ad uncias tres immergatur, & in cucurbitâ balneo imposita dissolvatur.

Praxis VII.

Vernix aptissima pro coriis & membranis illustrandis.

Accipe antiquioris olei lini, nucis aut canabis uncias tres, & pone in peramplo vase ad ignem, ut bulliat: despuma diligenter, & deinde sensim immitte Mastice optimè pulverisatæ unciam unam, spatulâque lignæ optimè commisce. Hoc præstito per integram horam sensim super ignem lentum coque, & spatulâ semper inter coquendum commove. Proba optimæ excoctionis erit, si una vel altera gutta ad orbem aliquem transferatur, & digito attacta ad modum tenacis fili adherere comperiat. Cum probam hanc obtinueris, vernicem adhuc calidam per setaceum pannum coge, & in aliud vas transfunde, servaque ad usum. Quod si cupias, ut vernix ejusmodi brevi tempore siccetur, ossa ovilla exusta & in minutissimum pulverem contrita inter coquendum injice.

Habes hic Lector varias probatissimas vernices, quibus externa quæcunque opera mirificè illustrare poteris: nec enim Artifici satis esse debet, opera sua interius optimè conficere; sed etiam exterius splendorem aliquem, ut tanto amplius quibusvis placere queant, conferre expediet.

Quomodo Tubi coriis vel membranis obductis colorandi & malleato auro sint inaurandi.

Solent Tubi coriis, comprimis Cordubensi aliisque diversimodè coloratis, atque etiam membranis varii coloris obduci, deinde auro malleato inaurari. Pro hisce debite peragendis servire poterunt praxes sequentes.

Praxis I.

Ad pelles & coria inauranda. Ex Alexio.

Recipe olei lini libras tres, vernicis colophonix sing. lib. i. croci contriti unciam dimidiam. Misceantur & coquantur ad ignem tamdiu, donec gallinæ penna immissa deinde extracta videatur usta. Deinde auferantur subito ab igne, addatur sensim Aloës Hepaticæ in pulverem redactæ lib. i. miscendo continue baculo aliquo dextrè, ne nimio fervore justo altius sublevantur. Nam cum sublevatur, subito ab igne auferenda erunt, quousque resideant: deinde rursus ad ignem ponenda, coquendaque tam diu, donec optimè permixta fuerint. Postea auferantur ab igne, & cum aliquantulum quieverint, coletur & servetur in vase aliquo. Quod si pro croco sumas alborum liliorum croceos flosculos, optimè feceris. Cæterum si pelles auro obducere voles, obducantur primò foliis argenti vel stanni cum ovorum albo, vel Gummi Arabico: deinde prædicto unguento inungantur, & subito auri colorem recipient: deinde siccentur ad Solem imprimendo formas, vel pingendo, & erunt pulcherrimæ. Hæc Alexius.

Praxis II.

Quomodo pelles, membranæ & coria more Francico diversimodè colorari queant.

1. Tubis imprimis aut Telescopiorum capsis sive Arcis pelles seu coria fortiori aliquo glutino agglutinentur, & obducantur.
2. Cum Tubi obducti sunt, vernice aliquâ præstantiori ex gummosis illis §. 5. hujus cap. illinantur; quamvis etiam hæc illitio omitti queat, & colores, ut jam dicetur, immediate corio aspergi possint.
3. Diversi colores vernice gummosâ vel etiam aliis temperaturis convenientibus attemperentur, & successivè aspergantur, ut diversis maculis repleatur. Quamvis aliqui solum umbræ vel Indæ colorem adhibere soleant.
4. Dum colores desiccati sunt, illinatur corium vernice præstanti aliquâ gummosâ §. 5. hujus cap. clariori vel minus clara pro ratione colorum, qui aspersi sunt.
5. Post desiccata istam illitionem corium expoliatur instrumento chalybeo politorio, Germanicè *Gerbstahl*/ quali Aurifabri uti solent ad opera sua expolienda.
6. Tandem fiant adhuc aliquot illitiones cum vernice illustri super ignem, vel ad fornacem, & corium ita maculosè depictum mirificè resplendeat.

Nota. Potest etiam aurum vel argentum scriptorium debite attemperatum corio vel pellibus aspergi, imò possunt variæ curiosæ figuræ appingi. Item possunt, ut modo supra §. 6. de baculo diversimodè colorando indicatum, etiam diversi colores appingi. Similiter si vernicem aliquam gummosam adhibere nolis, potes oleagineam præsertim praxis 7. §. præc. adhibere. Sed plura ipsamet praxis melius indicabit, quam pluribus hic describi possit.

Praxis III.

*Quomodo coria, pelles, membranæ Auro vel Argento malleato obduci
& variis figuris exornari queant.*

Ipsū corium imprimis cum Tubo alicui debitè agglutinatum est, tenui aquā glutinosā imbuatur & permittatur siccare. Sumatur deinde albumen ovi in vasculo aliquo oblongiori velut scypho stanneo, & bacillo aliquo furcato sive ad furcæ modum aptato conquassetur ac in spumam agatur, ita ut si scyphus invertatur, nihil effluat. Relinquatur deinde, quousque spuma denuo in aquam resolvatur. Habita hac aqua albuminosa imbuatur corium vel res corio obducta prius urinā, deinde præparatā aquā albuminosā illinatur, foliaque Auri vel Argenti imponantur; formæ etiam æreæ calefactæ imprimantur. Post impressas omnes formas gossipio corium abstergatur: videbis corium variis deargentatis aut deauratis figuris eximiè resplendere. Sed hujusmodi Artificia, cum melius apud Bibliopegas addisci possint, diutius iis hic immorari nolo.

§. IX.

*Specula qualiacunque ad usum Teledioptricum aptissimè conficiendi
praxes proferuntur.*

Indiget Artista specillarius speculis ferè quibusvis, ut supra vidimus. Restat igitur, ut eorum aptissime conficiendorum praxes probatissimas paucis indicemus.

Praxis I.

Quomodo specula plana ex vitreis tabulis effici debeant.

Ad plana specula vitrea vel crySTALLINA optimè conficienda duo comprimis requiruntur. Primum est, ut in apta aliqua tabula vitrea, pura, pellucida, omnibus quantum fieri potest, undis, venulis, bullulis & maculis libera utrinque perfecta planities procuretur: quomodo autem talis planities induci & expoliri practicè possit, docuimus cap. 8. Synt. 2. hujus fundam. Alterum est, ut una talis planities congruè terminetur, sic ut radios incidentes non ultra posteriorem specularis tabulæ planitiem prolabi sinat, sed opacitate ibidem procurata sistat, ac ad modum pilæ lusoriæ radios acceptos remittat & reflectat. Cum autem hæc terminatio aptissimè fiat per bracteam stanneam posteriori alicui planitiei subnexa, modus jam indicandus est, quo optimè talis bractea induci & adnecti practicè possit.

1. Assumatur bractea stannea ex stanno Anglicano meliori parata, tenuis ac planissima, ejusdem etiam cum tabulâ vitreâ magnitudinis, atque super planissimum asserculum exponatur & complanetur. Aliqui primo super asserculum ponunt folium chartæ vilissimæ, quod alias atramentum diffuere sinit, ac super dictam chartam cretaceum pulverem abrasum & tenuissimè comminutum incernunt, deinde stanneam bracteam imponunt, & planissime ne ullam rugulam habeat, expandunt, quod non videtur improbandum.

Processus
& praxis
terminan-
dorum
speculorū
planorum.

2. Bractææ sic expansæ affundatur argentum vivum, & pede leporino vel hujus loco canabino flocco aut gossipio extricetur & optimè distribuatur, ut bractea argentum vivum ubivis bene imbibat. Addunt aliqui Argento vivo ad unciam 1. assumpto Marchasitæ unciam dimidiam: debet autem Argentum vivum cum marchasita ad ignem liquefacta optime commisceri, & deinde per pannum laneum triplicatum aut corium urgeri & transcolari, ut optimè massa hæc purificetur.

Y

3. Deinde

3. Deinde sumatur penna aliqua, & ea bene purgetur bractea, omnisque immunditia abstergetur; porro & tenuis charta ejusdem cum bractea vel vitrea tabula magnitudinis superponatur.

4. Hoc facto vitrea tabula mundissimo linteo abstergetur, ut omnis immunditia & pinguedo forsan adhærens tollatur. Insignis Artifex retulit mihi, se terram tripolitanam cum spiritu vitrioli attemperatam adhibere, & linteo hâc temperaturâ imbuto vitrum abstergere, continuo etiam priore linteo sublato aliam mundissimam telam adhibere, ac omnem prorsus immunditiam & pinguedinem perfectissimè tollere, quod facilè credi potest.

5. Tabula vitrea ita repurgata deinde super chartam, quæ bractea antea imposita fuit, dextrè ponatur, ac sinistrâ manu prematur tabula vitrea, dextra verò charta sensim subtrahatur.

6. Tandem imposita rursus charta super speculum jam paratum imponatur aliquod pondus modicum: fiet, ut ob ponderis gravitatem tabula vitrea bractea omni ex parte uniatur, firmiterque adhærescat, & si quid de argento vivo superfluum ibidem sit, versus limbum extricetur; habebiturque speculum ita paratum.

Annotaciones.

Notandum 1. Speculum ita paratum non statim ad usum servire, sed argentum vivum superabundans unâ parte elevatâ per defluxionem debere prius abstrahi, & speculum rursus prælo aut ponderi modico submitti, itaque permitti aliquamdiu, donec plenè exsiccetur.

Notandum 2. Ut tamen speculum quantocyus desiccari & ad usum servire possit, prodest Argentum vivum aliquo temperamento commisceri, videlicet plumbo & stanno in æquali pondere, quæ marchasita prius in pondere utriusque ad ignem liquatâ immissa & commixta, deinde vero infusa in aquam frigidam excipiantur, & materia sic excepta servetur ad usum: Hæc enim mixtura loco argenti vivi solius adhibita in confectione speculorum facit, ut statim bractea commissa indurescat, sicque speculum quantocyus ad usum servire possit.

Notandum 3. Simili plane modo possunt folia Selenitis terminari, ac quia facile quamvis in partem inflecti queunt, inde possunt specula columnaria, cylindrica, conica, aliarumque quarumvis figurarum tam concava quam convexa effici.

Historia.

Notandum 4. Quantò vitrum aut Talcum sive Selenitis folium purius est, magisque pellucidum, tantò etiam speculum inde paratum naturalius res objectas repræsentare potest. Quantò autem vitrum minus est purum, aut studiosè quodam colore imbutum, ut facies deturpet, aut ægrotorum faciebus similes exhibeat, tantò etiam minùs naturaliter res objectas exhibere poterit. Memorabile est, quod aliquando contigisse audivi in aliquo Franconia nostræ oppido haud ignobili, ubi vir quidam curiosarum rerum Amator in senatoriâ dignitate constitutus speculum habuit planum, quod facies inspectantium ita deturpabat, ut faciebus infirmorum morti proximorum simillimas exhiberet. Accidit, ut dictum Dominum Judæus ex pago satis propinquo accederet negotii causâ, habens cum eo, quod tractaret. Ut primùm Judæus ingressus ad Dominum illum, causamque protulisset, quare conveniret; mox Dominus: Miror, quod huc accedere potueris tam infirmus & morti ferè propinquus. Reponebat Judæus, se non esse infirmum, verum optimè valere. Quid ajebat alter, tu valeres? Accede, speculum inspicere, bene videbis, qualiter restecum se habeat; duxit unâ Judæum ad speculum; qui intuens in speculum, cum faciem suam advertisset, subito cohorrui, & panico correptus terrore vultus sui, mox in silentio abiens & exiens hypocauftum, domum, civitatem, ad pagum verò & domum suam reversus lectum petiit, decubuit, & paucis post diebus vitam exiit. Historia hæc ut certissima (cum à dicto oppido haud procul habitarem) mihi ita, ut narravi, relata fuit à virò fide dignissimo, qui adhuc vivit, & cujus tempore contigit. Dominus autem, qui speculum illud habebat, jam ab aliquo tempore vitâ functus est.

Praxis II.

Quomodo specula convexa ex vitro aut crystallo confici queant.

Ejusmodi specula duplici comprimis modo parari possunt, vel in ipsâ officinâ vitrariâ, dum sphaeræ vitreæ, ex quibus specula convexa fieri solent, adhuc à fornace candent & calent; vel alio quovis tempore extra officinam. Priori modo ita docet *Porta* lib. 17. Mag. nat. cap. 22. vitreas hæc sphaeras, ut optimè species reflectant, terminare. *Fiat, inquit, pila vitrea ex vitro puro, & sine vesiculis, quantum fieri potest: in eam projiciatur mixtura hæc liquida, scilicet ex Antimonio & plumbo; sed Antimonium bis aut ter liquefactum sit & defecatum, & intus colophoniam projicias. Sic mixturam in pila revolvendo, quod superest, foras projicito. Idem Porta alio loco sic docet: Ingens formato vas è vitro rotundum pila instar, uti in vitrariorum fornacibus fieri solent, & igne candens in ventre perforetur, vel apto instrumento, vel alias colliquato jam vitro vas tangat, & inflator suo fungatur munere; in locum illum rumpitur inflatum foramineque illo projicitur mixtura, quam prius parabis, & colliquatam in vas aliud commodum transferas paribus ponderibus, scilicet stibii & stanni contusi & elimati; undique operator per spatulolum revolvat permovens opus; ubi circumlitum fuerit concavum omne, eodem foramine superfluum emanet, & frigescat; inde in bina vel plura scababis specula, quod rectè perficies Smiri lapide; talem enim sortitur naturam, ut vitrum tactu & crystallo secet; sic lucida & terminata habebis specula. Hæc Porta.*

Speculorū
convexo-
rum ter-
minatio in
officina
vitraria uti
fieri possit.

Alius modus, quo etiam extra officinam quocunque tempore vitreæ sphaeræ terminari queunt, talis esse potest. Accipe unciam unam plumbi & liqua: liquato plumbo injice unciam unam stanni; tum adde unciam unam Marchasitæ; dein duas uncias Mercurii infunde: & totum hoc statim in frigidam præcipitato. Reperies autem in fundo undæ materiam instar butyri recentissimi mollem; quam ubi repetitâ aquæ puræ lotionem emundaveris, per lintreum colando exprime: quod autem expresseris, sphaeræ vitreæ injice, & donec lateribus omnibus vitri adhæreat, & crustulam obducatur, circumvolve. Si quid autem superest, effundere, & in cucullo chartaceo in aliam vicem servare licebit. Ego sæpè tantum adhibui massam, quam præparavi ex stanni parte unâ & Marchasitæ similiter parte unâ; Mercurii verò partibus duabus; tractavi verò deinde in colliquatione, repurgatione & infusione, sicut priori modo dictum; & sphaeras vitreas optimè terminavi.

Notandum. 1. Hac ratione variarum formarum specula parari possunt, si prius in vitrariorum fornacibus vitra formata fuerint, quibus deinde talis materia infundi poterit, ut sphaerica utrinque convexa, utrinque concava, plano-convexa, plano-concava, concavo-convexa, conica, pyramidalia, columnaria &c.

Notandum. 2. Quod si sphaeræ sint ex vitro colorato conflatae & simili mixturâ (ut ea modo indicata est) intus projecta terminentur; etiam ejus coloris speculares sphaeræ efficientur. Unde si in sphaeram flavo colore imbutam materia superius indicata infundatur, & tractetur, ut dictum est, coloris aurei sphaera specularis conficietur.

Praxis III.

Quomodo specula concava è vitro aut crystallo confici possint.

Habito comprimis vitro ex unâ parte perfectè excavato, ex alterâ vero similiter convexato, ita tamen ut crassities sit ubique æqualis (quocirca ambæ superficies debent esse concentricæ) si folium stanneum inducere cupias, eoque vitrum nitidissimè utrinque expolitum terminare; ita procede.

1. Formabis ex gypso modulum concavum omnino conformem vitri terminandi convexitati: vel quod si in scutellâ aliquâ vitri convexitas sit extrita & exposita, poterit ea pro modulo servire: debet tamen scutella tenui chartâ prius obduci, ne Mercurius stanneam bracteam, ut modo dicitur, exedens eandem vitare possit.

2. Huic modulo impones bracteam stanneam ejusdem quantitatis cum convexitate vitri terminandi, eamque æqualissimè extends, nec minimam rugulam habere permittes.

3. Superfundes deinde Mercurium, ut in praxi de planis speculis terminandis dictum, ac pede leporino distribues.

4. Post hæc superpositâ etiam chartâ vitrum terminandum unâ manu apprimes, alterâ verò dextrè chartam subduces.

5. Tandem subductâ chartâ impones modicum pondus, & resiccari permittes, habebisque ita speculum concavum paratum.

Notandum, quod hac ratione possint terminari facilius vitra obtusioris, quàm acutioris convexitatis; item, alicujus sphæræ minora segmenta potius, quàm majora.

Praxis IV.

Quomodo specula chalybea aut metallica confici aptissimè possint.

Speculorum chalybeorum ita dictorum ob comparentiam (quia chalybea esse comparent, cum ex diversorum metallorum commixtione potius constent, unde rectius metallica dici deberent) confectio à tribus potissimum dependet. Primo ex debitâ metallorum mixturâ. Secundo ex fusione in modulum perfectè præparatum. Tertio ex politurâ, quâ splendor nitidissimus iis inducitur. Quod attinet metallorum mixturam, varia ea præscribitur ab Authoribus. Aliqui adhibent æs cum triplo stanni, ad quorum colliquationem & fusionem admiscetur Tartarus & Arsenicum album. Alii admiscunt stanno triplum æris cum tantillo stibii & argenti. Alii mixturam parant ex plumbo & triplo argenti. Alii ex æris partibus tribus, stanni & argenti singulorum parte unâ, & Antimonii parte decimâ octavâ. Alii, ut argento parcant, ex stanni librâ unâ & æris triente: colliquatis jam addunt tartari unciam, & Arsenici albi semiunciam, cumque fumus cessare desiit, materiam commixtam in typos ac modulos infundunt. Ego qui tantum minora quædam specula pro lucernis megalographicis elaboravi, mixturâ & praxi usus sum *P. Cornai*, prout ea refertur à *P. Schotto* in *Mag. Catoptr.* his verbis: *Recipe decem partes cupri, & in vase liquatorio liqua. Ubi liquatum fuerit cuprum, 4. partes stanni puri Anglicani injicito: tum pauxillum Antimonii & Salis Ammoniaci inspergito, & bacillo materiam agitato & permisceto, quamdiu fumus teter (à quo os naresque, quantum potes, immunes servato) evaporarit. Deinde in modulum ante paratum infundito.*

Quod modulum seu typum pro speculo metallico formando, ipsamque fusionem attinet, volunt alii, ut modulus conficiatur ad fusionem tenax ex mixturâ ossium sepia, punice, pulvere antiquorum & bene excoctorum laterum mutuo allisorum, ex combustis hirci ossibus, & ferri rubigine, quæ bene contusa, & per cerniculum transmissa aqua subigantur, donec tota materia sit instar fluentis luti; quâ mixturâ luteâ ope penicilli faciunt typum ex cerâ aut ligno illitum & circumvestitum post frequentiore exsiccationem excrecere in debitam crassitiem, donec ad fusionem aptus reddatur. Ego tamen simili modo typos ac modulos pro metallicis speculis formandis paro, & fusionem instituto, sicut supra cap. 4. Synt. 1. hujus fund. scutellas ex duriori metallo fundendas docui; atque ita specula optimè ad figuram petitam efformata obtinui.

Porro, ut speculum probe fustum & efformatum expoliatur atque splendorem desideratum acquirat, cum minora hætenus tantum elaborarim, hac praxi usus sum.


Impri-

Imprimis lapideum aliquem convexum modulum arenaceum expoliendi speculi cavitati conformem machinæ cuidam horizontalem motum habenti (quales supra c. 7. Synt. 2. hujus fund. descripsi) debitè adaptavi: deinde speculum capulo ligneo piceato bitumine agglutinavi ac superstratâ arenâ minutâ cum aquâ haud aliter, ac vitra concavare soleo, speculum primò æqualissimè attrivi: quando deinde speculum perfectè extritum fuit, tunc nullam amplius arenam adhibui, sed solùm super lapidem arenosum affusa tantùm aquâ plenè exæquavi, atque ad polituram disposui. Tandem assumpsi alium lapideum modulum exsiccatum (nam super eundem, si speculum elaborare voluisssem, diu debuisssem expectare, donec lapis siccaretur) similiter planè conformem cum superglutinata chartâ crassiusculâ machinæ imposui, ac insperso pulvere Tripolitano cum stanni calce ita expolivi, ut brevi admodum tempore optatissimum splendorem adduxerim. Imo minora segmenta specularia in globis ac scutellis æreis vel cupreis, sicut alias Lentès vitreas exterere & expolire soleo, & supra etiam expolire docui, successu optimo attrivi & expolivi.

Alii tamen extritionem & polituram multò operosius præsertim in majoribus speculis elaborandis hâc Arte efficiunt. Firmant imprimis speculum super aliquo asserculo pice forti, quali Aurifabri solent uti. Deinde lapide arenoso impresso conterunt tam diu, donec rimæ aut quæcunq; inæqualitates sint sublatae. Inde submittunt pumicem, quo rasuras minores complanant. Post hæc arenâ subtili mediante vitro super capulo affixo speculum tam diu terunt, donec splendor subveniat. Postmodum adhibent tripolitanum pulverem, eoque perfectiorem splendorem adducunt. Deinde utuntur fuligine, Salicis & Juniperi cineribus, denique stanni calce: quæ tria posteriora madida corio aspergunt, atque sub metallico speculo perfectum splendorem inducunt. Verùm sicut omnia hæc reprobare non ausim, ita neque etiam omnia necessaria esse judico, cum etiam aliquibus omissis optatus splendor acquiri possit, uti expertus sum.

Notandum. Quod specula vitrea stanneo vel plumbeo folio terminata licet perfectius quidem expoliri, indeque multò nitidius, quàm metallica imagines reflectere possint, habent tamen hoc incommodum, quod ob duplicem reflexionem, unam scilicet in prima vitri superficie, alteram in secunda superficie sive profunditate & termino, ubi folium stanneum applicatum est, etiam sæpè duplices imagines remittant. Econtra metallica specula, licet unicam reflexivam superficiem habeant, ideoque etiam simplices imagines profundant, atque hinc ad illuminandum & comburendum sint aptissima: habent tamen hoc incommodum, quod difficilius illis perfectus splendor induci possit, ac quidem nunquam talis, qui cum vitri expoliti splendore comparari possit, unde etiam tam nitidè imagines reflectere nequeunt. Deinde sunt rubigini valdè obnoxia, & nisi cautè asserventur, facilè inutilia reddi possunt. Optimum foret, si Artificium haberemus, quo vitrum ita saturatiore aliquo candicante colore tingeretur (sicut etiam supra ad calcem fund. 2. memini) ut ita nullâ terminatione indigeret, sed solâ expolitione suâ sicuti metallica

specula simplices imagines vivacissimas reflecteret: ita equidem confici possent specula multò præstantiora, quàm hæctenus ullibi elaborata sunt.





SYNTAGMA IV.

*De Tubis Astronomicis ac quibuslibet machinis & instrumentis
Teledioptricis ad cœlestia corpora detegenda accommodis.*

EXpeditis iis omnibus, quæ ad instrumenta Telescopica aut Microscopica pro terrestribus objectis accuratius cernendis quovis modo conducere videbantur, nunc ad cœlestia objecta oculum naturalem erigimus, eumque per Teledioptricas machinas & instrumenta Mathematica, ne quidquam curiosum Lectori celasse videamur, artificialiter & practicè armare aggredimur. Itaque

Nunc tandem cœlos scandere cura venit.

Non superbè alato Pegaso, non Phalerato Phaëtontis equo, non alis infelibus audacis Icari, sed machinis ex charta levissimis, sed fragilibus ex vitro orbiculis; eaque detegere & cœlo deducere, quæ Mundus eruditus obtutu hærente plurimum demirari queat. Cœlum igitur hoc Syntagmate contemplari, ac intimè Tubis Astroscopicis perlustrare docebimus: cœlum inquam, tantâ syderum pompâ ornatum, tam miro splendore etiam in obscurissimis tenebris rutilum: cœlum, cujus cernendi causâ vultum cum oculis homini erectum canebat Mantuanus Vates;

*Os homini sublimè dedit, cœlumque tueri,
Fussit & erectos ad sidera tollere vultus.*

Cujus gratia divinus Plato asserebat, hominem in universi meditullio à Deo collocatum. Astra contemplari docebimus, Aureum scilicet Solis Jubar, argenteas Lunæ phases, admirandum eumque varium Veneris decorem, Mercurii ac Martis inextricabiles motuum labyrinthos, Planetas reliquos sine errore errabundos, stellas firmamenti sine quiete fixas, sine stabilitate per immensos expansi campos voluti cursu contententes. Verùm ne verbis tantum avidi Lectoris animum depascere videamur, rem ipsam aggrediamur.



*Aptissima Tuborum Astronomicorum constructio &
fabrica docetur.*

Tubi Astronomici, qui dicantur, quomodoque Naturalem oculum armare queant ad remotissima illa coeli sidera longè acutius multoque distinctius discernenda perspicuè satis indicatum & declaratum est in Fund.2. Synt.3. cap. 5. Nunc quomodo hujusmodi Tubi practicè construi debeant, & quæ potissimum circa aptiorem eorundem constructionem Artifici in praxi sint observanda, indicare & declarare intendimus.

I. Ad observationes Astronomicas non sufficiunt Tubi ordinarii quantumvis præstantes, qui in longitudine aliquot tantum pedes exæquant: sed quanto longiores efficiuntur cum debita proportionem Lentium aliisque requisitis, tanto præstantiores esse queunt, qualescunque ii sint Tubi, sive convexo-convexi, sive concavo-convexi. Unde infra 12. ferè pedum longitudinem vix apti satis universaliter pro omnibus scilicet phænomenis, quæ hactenus coelitus per Tubos detecta sunt, aptè cognoscendis.

Tubi Astronomici debent fieri longiores.

II. Tubi communes Hollandici, qui construi solent cum Lente convexa & concavâ, licet aliàs clarius cæteris quibusvis Tubis convexo-convexis objecta exhibere queant: in negotio tamen Astroscopico minus satisfaciunt, licet ii longissimi adhibeantur: cum, quò longiores fiunt, eò minus semper spatium in objecto detegant; deinde etiam minus aptè tractari queant: unde diu semper laborandum, donec objectum intentum attingatur. Videtur tamen *Hevelius* in *Selenogr.* probare hanc ordinationem, quæ fit adhibito vitro utrinque concavo, & in sphaera $5\frac{1}{2}$ digitorum elaborato, uti & vitro convexo utrinque ex segmento, cujus diameter 12. pedes æquat; unde egregius Tubus 5. sicut ait, vel $5\frac{1}{2}$ pedibus longus, & siderum observationibus perquam idoneus effici potest. Subdit deinde: *Quod si adhuc meliorem desiderat quis: convexum jam dictum in latere fiat planum, alterum maneat utrinque concavum: ita habebis Tubum 11. vel 12. circiter pedum.* Nihilominus

Tubi convexo-concavi communes minus apti.

III. Tubi, quos tum ipse *Hevelius*, tum alii quicunque excellentiores Astronomi moderni hactenus adhibuere, ac in effectu meliores comprobavere, sunt ii, qui ex meris Lentibus convexis ordinari solent cum una tantum imagine in Tubo: ac licet exhibeant objecta universa, parum tamen aut nihil in negotio hoc officere poterit, corpora cœlestia eversa vel erecta nobis exhiberi, dummodo distinctè & præcisè magis detegantur.

Tubi convexo-convexi præstantiores.

IV. Porro Lentium convexarum in Tubis Astronomicis proportio plurimum Artifici attendenda est, qualis comprimis satis bona valdeque comprobata ab Expertissimo *Christiano Hugenio* talis comperta traditur, uti eam refert in *Syst. Saturn.* his verbis.

Proportio Lentium in Tubis Astronomicis.

Primus Tubus quem adhibuimus, duodenos pedes non excedebat, duobus convexis vitris instructus, quorum id quod oculo vicinum erat, radios parallelos cogebat ad trium paulò minus pollicum sive unciarum pedis Rhenolandici distantiam. Eo Planetam novum & deteximus primum, & per aliquot menses observavimus, nec non formam eam Saturni, quæ à nemine hactenus percepta fuerat, quamque postea describemus, licet prorsus erroris expertem. Inde verò duplicata priori longitudine simul duplo propiores sideribus facti sumus, multoque melius, faciliusque phænomena omnia adnotavimus. Et hi quidem Tubi 23. pedum è ferri bractea constructi sunt, habentque ab altera parte vitrum insertum, cujus latitudo ad quatuor pollices, sed in quo non major pateat circulus, quàm diametro duorum pollicum cum triente. Ab altera parte, quæ nimirum oculo admoveatur, bina sunt minora $1\frac{1}{2}$ pollicem diametro æquantia juxta invicem, quæque hoc pacto equipollent convexo colligenti radios parallelos ad intervallum unciarum 3. aut paulò etiam angustius, ex quo sanè majoris vitri excellentia æstimanda est, tam breve convexum perferre valentis:

Proportio Lentium in Tubis Hugonii.

tis: quoniam quantò minori de sphaera id fuerit, tantò res visa magis ampliantur. Illud enim in dioptriciis nostris demonstratum invenietur: speciei per Tubum visa ad eam, quæ nudo oculo percipitur, hanc secundum diametrum esse rationem, quæ distantia foci in exteriori vitro ad illam, quæ in interiori sive oculari vitro est, foci distantiam centuplam itaque ferè rationem hanc in perspicillis nostris esse constat, cum Galileana non ultra trigecuplam processerint. Ita Hugenius.

P. Antonius Maria Schirleus de Rheita in oculo suo Enoch & Eliæ, licet asserat proportionem convexi vitri objectivi ad oculare in Tubo Astronomico non consistere in indivisibili, sed satis magnam habere latitudinem; subnectit tamen, magis accuratè magisque clarè objecta exhibiturum Tubum, si æqua proportio inter convexa illa servetur. Profert deinde tabulam sequentem, in quâ primæ quidem columnæ numeros denotare ait in pedibus Romanis longitudinem Tubi, sive diametros arcuum scutellarum majorum pro vitris objectivis seu majoribus terendis: secundæ verò columnæ numeros significare longitudinem diametrorum pro minoribus scutellis excavandis in partibus centesimis pedis Romani.

Tabula
proportio-
nis Lentiū
secundum
Rheitam.



Tabula exhibens proportionem inter duo vitra convexa pro Telescopio Astronomico cum duobus vitris convexis.

Longitudo Tubi five diametri scutellæ pro convexo objectivo.	Longitudo diametri scutellæ pro conve- xo oculari.
<i>Pedes Romani.</i>	<i>Partes 100. Pedis Romani.</i>
1	2
2	5 $\frac{1}{2}$
3	7 $\frac{1}{2}$
4	10 $\frac{1}{2}$
5	12 $\frac{1}{2}$
6	15 $\frac{1}{2}$
7	17 $\frac{1}{2}$
8	20 $\frac{1}{2}$
9	22 $\frac{1}{2}$
10	25 $\frac{1}{2}$
11	27 $\frac{1}{2}$
12	30 $\frac{1}{2}$
13	32 $\frac{1}{2}$
14	35 $\frac{1}{2}$
15	37 $\frac{1}{2}$
16	40 $\frac{1}{2}$
17	42 $\frac{1}{2}$
18	45 $\frac{1}{2}$
19	47 $\frac{1}{2}$
20	50 $\frac{1}{2}$
25	62 $\frac{1}{2}$
30	75 $\frac{1}{2}$
35	87 $\frac{1}{2}$
40	100 $\frac{1}{2}$
50	125 $\frac{1}{2}$

Quomo-
do tabula
Rheita in-
telligenda.

Cum in tabula hac longitudo Tubi & diametri scutellæ, unde Lens convexa elaborari debet, ponatur æqualis, signum est, quod Rheita velit indicare, Lentem objectivam plano-convexam ejus diametri, quæ focum primum ordinet propè ad eam distantiam, quæ ibidem in pedibus indicatur. Similiter intelligi debet, Lens ocularis plano-convexa ex scutella ejus diametri elaborata, quæ ibidem in particulis centesimis pedis Romani indicatur. Eadem tamen proportio procedere poterit, si ambæ Lentes æqualiter utrinque dicto modo convexentur, licet tunc ad dimidiam tantum distantiam Tubus perfici queat. Rursum eadem hæc proportio bona esse poterit, si pro longitudine diametri intelligatur foci distantia quarumlibet Lentium etiam quomodo libet inæqualiter convexarum. Cæterum ex modo indicatis proportionibus constat, quod Tubus ille ultimus *Hugenii* fuerit valdè eximiæ perfectionis, multoque præstantior, quàm in simili longitudine ex *Rheita* tabulâ construi possit. Cum enim Tubus ille ad 23. pedes longus admiserit duo vitra convexa æquivalentiâ unico convexo removenti focum ad distantiam trium unciarum, sive $\frac{1}{4}$ pedis: in *Rheita* verò tabulâ ad similem ferè longitudinem assignetur oculare, cujus foci distantia $\frac{1}{100}$ sive $\frac{1}{10}$ pedis (nisi tamen velit Rheita Lentem ocularem ab utraque parte æqualiter convexam debere effici in scutellâ indicata diam. $\frac{1}{100}$, quo casu proportio esset æqualis:) necessario *Hugenii* Tubus duplo præstantior in effectu esse debuit, quàm quiscunque Tubus ad talem longitudinem ex *Rheita* tabulâ ordinatus. Quocirca ipsemet *Hugenius* extollit sui objectivi vitri excellentiam: *tam brevè*, ut ait, *convexum perferre valentis*, quod scilicet ad tam brevem distantiam focum remove, aut imaginem distinctam colligere potuerit. Exinde jam ingenuus Artifex facilè deducere poterit, quod pro excellentiori aliquo Tubo Astronomico perficiendo maxima eidem cura incumbat in perfectione Lentis objectivæ: quò enim ad majorem perfectionem eandem labore suo & industria adducere poterit, eò minoris sphæræ Lentem ocularem ad eandem in Tubo adhibere, sicque etiam præstantiorem Tubum efficere poterit.

Quomo-
do practi-
cè Lentes
objectivæ
formandæ.

V. Quia, ut modò vidimus, maxima Tubi alicujus Astronomici perfectio potissimum à vitro objectivo dependet, ut quò illud majoris fuerit perfectionis, eò minoris sphæricitatis oculare eidem in Tubo adjungi possit: conducit plurimum, vitra objectiva in amplitudine sive latitudine semper majora practicè exterere & elaborare, licet apertura tanta non requiratur. Nam cum majorum diametrorum scutellæ plurimum ad planitiem accedant, & tantò magis, quantò majoris diametri scutellæ fuerint adhibitæ: facilius autem sit, in arcu majori sive magis curvo, quàm minori sive minùs curvo, majorem perfectionem procurare. Unde præstat in praxi vitrum objectivum amplius semper & majus in latitudine elaborare, quàm minus; si nempe major ejusdem perfectio intendatur.

Objectivæ
Lentes
plano-con-
vexæ cæ-
teris præ-
stant.

VI. Similiter magis etiam conducit objectiva vitra plano-convexa elaborare, & ad Tubos Astronomicos adhibere, quàm convexo-convexa, quia ob incurvationem majorem ejusmodi vitra in scutella minoris diametri perfectius elaborari possunt, quàm in scutellâ majoris diametri. Ita si Tubus perficiendus esset propè ad longitudinem 30. pedum; melius erit, Lentem objectivam ex una parte planam efficere, ex altera verò parte in scutella, cujus diameter sit 30. pedum; quàm ambas superficies in scutella 60. pedum similiter exterere & expolire.

Quales
Lentes ad-
hiberi
queant.

VII. Quamvis supra in Fund. 2. plures modi sint indicati, quibus Tubi Astronomici perfici queant: optimi tamen practici communiter ultra duas Lentes oculares ad unam aliquam objectivam majoris diametri adhibere non solent. Possunt autem duæ Lentes utrinque convexæ majoris sphæricitatis, vel plano-convexæ competentis convexitatis utiliter substitui pro una Lente convexâ minoris sphæricitatis ad tollendam majorem colorationem, quæ in unica Lente acutiori utrinque convexâ ob majorem in ea factam refractionem contingere potest. Sic pro constructione Tubi Astronomici, qualem describit *Hugenius*, possunt loco unius Lentis acutioris ordinantis focum ad tres digitos uniùs pedis, sive distantiam $\frac{2}{100}$ uniùs pedis

dis (qualis foret Lens ocularis utrinque æqualiter convexa ex diametro $\frac{1}{10}$ uniſ pedis;) adhiberi duæ Lentes, vel utrinq; convexæ æqualiter ex diametro convexitatis uniſ pedis; vel plano-convexæ ad diametrum $\frac{1}{2}$ pedis, quæ Lentes debitè combinatæ eundem effectum commodius cum latiori aperturâ & minore refractione præſtare poſſunt.

VIII. Multum prodeſt, Tubos Aſtronomicos pluribus annulis impositis obſcuros reddere. Nam quia in iisdem ſemper adhiberi debet Lens objectiva majoris diametri in tanta longitudine plures radii facilè aberrare poterunt, qui vago quodam ſplendore etiam ab arundinibus reperiſſo ſpecies infeſtent: pluribus autem annulis impositis fit, ut radii erronei citiùs coërceantur & ab ingreſſu retineantur, ne ordinatiores radios turbare queant; itaque ſoli ordinatiores, fortiores ac mundiores pro imagine diſtinctiſſimâ in Tubo formandâ permittantur: quæ deinde imago per Lentes oculares trajecta nitidiſſimè etiam in fundo oculi efformari, ſicq; objectum multò præciſius & diſtinctius videri poterit.

Tuborum
Aſtrono-
micorum
obſcuratio;

IX. Licet in Tubis Aſtronomicis Lentes oculares multum detegi poſſint; Lens tamen objectiva haud multum aperiri debet, & quidem plus aut minus pro ratione ſtellarum: quæ enim valentiori lumine præditæ ſunt, ut Syrii aliarumque magis illuſtrium, & vivaciores in lumine radios ejaculantium ſtellarum, ut lumen adventitium (quod alii vocant capillitium) detrahatur, per anguſtiorẽ aperturam videri debent: quæ verò luminis languidioris ſunt, velut Aldebaran & aliæ, convenit nonnihil amplius Lentem objectivam aperiri, quod & præſtantius eſt, quàm ſi magis arcto foramine patulum objectivum vitrum efficiatur. Si verò placet minores illas ſtellas novas, aut alias incognitas (quarum ſanè ingens eſt multitudo) in cœlo inveſtigare & detegere; maximè idoneum eſt foramen amplum, in quo tantum hoc deſideratur, quod ſtellæ per hoc inſpectæ non appareant rotundæ. Sic & maculis Lunæ ſpectandis tale foramen aptum eſt. Quare, quo fortiores radios ſtellæ vibrant, eò minus eis competit foramen in vitro objectivo, ita tamen ut non ſit infra magnitudinem piſi majoris. Ejusmodi parvo foramine Marti quoque & Mercurio adventitii radii prorſus adimi poſſunt: & licet Veneri admodum fulgens in ſit lumen, præcipuè, quando plena eſt lumine circa Apogæum, & minus longè abeſt à Sole, ubi validiſſimos vibrat radios; tamen prædicto modo & radios ſe detraxiſſe, ait *Hevelius* in Selenogr. & planè rotundam conſpexiſſe. Monet tamen idem expertiſſimus *Hevelius* per ſimile parvum foramen Lunam ſpectatam parum videri, parumque translucere: remoto autem hoc parvo, & ſubſtituto majori priſtinoque foramine, omnia diſtinctè clarèque in Luna videri. Sed plura de apertura Lentium objectivarum ad certa in ſpecie phænomena cœleſtia melius detegenda dicemus cap. ſeq.

Apertura
Lentium.

X. Singulariter ad ſtellas novas & incognitas detegendas, eaſque accuratius advertendas conducit, nobile aliquod & eximiæ perfectionis Teſcopium adhibere, illudque ope certi cujuſdam instrumenti, in quo firmiter collocetur (nam mobilitas & agitatio Teſcopii valdè impedit inexercitatum Aſtrophilum) ita diſponere, ne facilè ab una in alteram partem vagetur, ſed fixè hæreat fulcro: ſic enim quiſque has exiguas & multò plures ſtellas arbitrato ſuo aptiſſimè inſpicere & contempleri poterit. Ejusmodi instrumentum cum omnibus ſuis requiſitis partibus deſcribit *Hevelius* in Selenogr. ad finem cap. 3. pag. 40. & 41. his verbis: *Instrumentum, cui Teſcopium ad ſtellas conſpiciendas imponatur, habet quatuor pedes, qui fulcro decuſſatim ordinato innituntur, & partem mediam muniunt: fulcro inferius decuſſato adhaerent quatuor trochleæ, quæ faciunt, ut hoc instrumentum in quolibet pavimento (ſeu loco) firmiter queat collocari. Pars media fulcri magnâ ex parte eſt excavata, ita ut illi formini lignum rotundum, quod petiolum teretẽ & oblongum habet, immitti, ſurſumque & deorſum moveri poſſit, atque ſic ipſum instrumentum dilatari. Ut autem eò magis elongari queat, alterum quoque lignum ſimiliter rotundum & pediculatum præſto ſit priori foramen etiam habenti immittendum. Accedit ſuperius lignum petiolo quoque tereti, ex alte-*

Fabrica in-
ſtrumenti,
cui Tubus
Aſtrono-
micus im-
poni debet
ad ſtellas
accuratius
obſervan-
das.

ra parte inclinatum, atque ita formatum, ut lignum quoddam longum & planum recipiat teneatque, & semoto ad quodvis latus flectat & dirigat sine ullâ fulcri agitatione. Hoc vero lignum pediculatum, & cætera illa, quæ longius educi, vel re exigente contrahi possunt, cochleas habent suas, quibus firmentur. Ad illud autem plano longum quod attinet, in foramine ligni inclinati quo tenetur, sursum ac deorsum moveri possit, oportet: foramen igitur clavum habet rotundum, circa quod planum illud movetur secundum quamlibet positionis differentiam, ad quam stella conspicienda vergit. Non autem tantum moveri debet, sed etiam propter Telescopium, quod sibi impositum tenet, firmari: quod ut fiat, arcum habet ligneum per inclinatum lignum immissum, ubi hic arcus cochleâ stabilitur. Huic ligno, quod plano-longum est, in superiori parte nonnihil excavato Telescopium imponitur, & funiculo illigatur. Quod si stella in altitudine 80. & 90. graduum versatur, instrumentum magis educendum & in altum eo usque elevandum est, donec sine nimia corporis inclinatione observator Telescopium altitudini stellæ convenienter accommodaverit; id quod ope hujus instrumenti haud agrè potest obtineri. Insuper etiam cum hac parte instrumenti, quæ est lignum plano-longum, quadrans major & minor potest connecti, ut simul altitudo stellæ præcisè innotescat, nec opus sit quadrantem manu tenere: ita enim inter observandum non facile titubabis, sed sine hæsiione altitudo stellæ tibi in quadrante monstrabitur. Etenim postquam instrumentum hoc ad locum optatum stellæ, prout situs idefflagitaverit, congruenter est ordinatum, & expedita stellæ inventa, statim trochlea firmetur; ita namque perpendicularum immobile in quadrante index erit gradus elevationis stellæ. Ita Hevelius.

Iconismus
XXII.

Singularis
modus
aptandi
Tubum
pro eleva-
tione stel-
læ cogno-
scendæ.

Faciliori tamen etiam praxi Telescopiorum fulcra construi possunt, prout in figura 1. hic apparet, appenso quoque majore quadrante, qui non tantum gradus, sed etiam minuta prima denotare potest, uti fig. 2. exhibet. Quamvis & in hemicycli formâ affigi possit cum perpendicularo ad centrum affixo. Quæ omnia quia ex figuris Artifici clarè satis expressa puto, idcirco pluribus ut explicem, opus haud judico.



XI. Singularem quendam modum aptandi Telescopium aliquod cum quadrante ita ut absque pinnulis elevationes stellarum mox demonstrare possit, indicat Deshaies lib. 2. Dioptr. prop. 59. quem verbis ejusdem referre libet.


Supponendo, quod si in basi distinctionis abscindatur aut impediatur unus radius, imago objecti tali parti respondens in Retina deficit. Quare, si basis distinctionis Solem verbi gratiâ referat, si filum aliquod ita pervaderet Tubum Telescopii, ut per centrum imaginis extenderetur, illud idem filum in ipso Sole appareret. Et cum axes omnes se interfecent in vertice Lentis objectivæ, præcipue quando ipsa est majoris sphaeræ segmentum, si extenderetur filum per medium Tubum Telescopii, quoties idem filum videretur incumbere alicui objecto, signum esset evidens, tale objectum respondere centro Lentis. Quo posito ita in Observationibus Astronomicis usurpatur Telescopium.

Lateri majoris alicujus quadrantis Astronomici loco pinnularum afferruminetur Tubus cylindricus cupreus aut ferreus, cui addantur duæ Lentes, objectiva & ocularis in distantia convenienti ad hoc ut videantur distinctè objecta valdè remota: perforetur tenuissimo foramine horizontaliter Tubus, ut trajiciatur filum fericum aut pilus è caudâ equinâ detractus, idque fiat per medium quantum fieri poterit; Lentes autem ita adhibeantur in suis loculamentis, ut amplius non dimoveatur. Si solares observationes instituis, tegenda erit Lens objectiva, ita ut tantillum tantum pateat, ne scilicet nimius Solis fulgor & collecti per Lentem radii ocululo noceant. Additur item oculari Lenti vitrum planum coloratum: sic enim oculus fiet radiorum Solis patiens.

Ufus talis erit. Dum voles elevationem Solis observare, ita collima per Telescopium elevando latus Telescopii & dirigendo ad Solem, ut filum videatur attingere limbum superiorem aut inferiorem Solis. Dico, quod tunc axis Tubi Optici dirigetur ad limbum superiorem Solis. Eodem modo stellarum elevationem observabis, ita ut non jam pinnulis opus sit, sed Telescopio.

Verum





Verum hic modus plures habet difficultates in praxi, sicut ipse *Dechales* agnoscit, quocirca subnectit. Hæc quidem theoricè bene procedunt; mihi tamen facit
 “difficultatem, quomodo dignoscere possim, an bene aptatus sit Tubus: si enim
 “non incumbat præcisè lateri quadrantis, aut saltem illi parallelus sit; si filum non
 “sit perfectè horizontale, si loculamenta tantisper exorbitent, aut Lentes aliquem
 “defectum habeant, hic error in observationem refundetur. Quare omnibus bene
 “firmatis comparandus esset quadrans huiusmodi cum aliquo quocunque instrumen-
 “to fideli, ut error detegeretur: qui omnibus observationibus aut adderetur, aut
 “subtraheretur, prout instrumentum deprehensum esset, peccare excessu aut defectu.
 “Instrumentum cum quo comparari posset, debet esse tantæ magnitudinis, ut mi-
 “nuta prima exhibeat: & quia aliqua tantum experimenta sumenda sunt, posset
 “esse regula valdè longa horizontaliter collocata, si observetur objectum circa Ho-
 “rizontem positum. Hæc *Dechales*.

Difficul-
tates in tali
aptatione.

Melius tamen puto ego, & longe facilius posse Tubum quemcunque conve-
 xo-convexum pro eodem usu absque illâ indicatâ perforatione & traiectione fili
 adaptari, si reponatur solum paulò ante Lentem ocularem in loco imaginis vitrum
 planum valdè pellucidum & clarum habens in medio sive centro minutam aliquam
 maculam impressam; deinde retrahatur ultima ad oculum arundo, quæ nullum
 vitrum habet impositum solumque est pro velamine oculi insipientis eo usque,
 quo oculus circa medium ocularis Lentis videat minutam lucidam apparentiam
 circularem, & in eadem objectum foris remotum, cuius tamen centrum sit macula
 illa exigua in vitro plano impressa. Potest etiam majoris certitudinis causâ adhuc
 in Arundinis ultimæ ad oculum foramine aliàs patente, per quod Tubus inspicitur,
 imponi lamella chartacea crassior sive compactior in medio minutum etiam for-
 men habens, ut oculus solum per illud possit Tubum inspicere: videbit ita macu-
 lam illam præcisè in certo loco, ac iudicabit in ipso objecto remoto existere: sicque
 multo certius, exactius & commodius quiscunque Tubus Astronomicus facillimè
 adaptari poterit, ut præcisè objecti spectabilis elevationem ac altitudinem designare
 queat. Vide, quæ dicemus infra, cum de aptandis Tubis ad cognoscendas diame-
 tros apparentes quorumlibet corporum cœlestium acturi sumus.

Modus ex-
actior in-
dicatur.

XII. Cum difficile admodum sit per Tubos directos sive æqualiter in longitu-
 dinem protensas, eosque majores stellas eas inspicere, quæ vertici nostro propius ac-
 cedunt: possunt etiam valdè utiliter ad hanc difficultatem tollendam effici Tubi
 Astronomici recurvi, adhibito scilicet speculo plano congruenter posito, paulo post
 imaginem, vel proximè ante Lentem ocularem, cavendo solum, ne vitia ejusdem
 speculi detegantur; quod fit, si speculum in loco imaginis vel foco Lentis ocularis
 ponatur. Sic enim, dum reflexe oculus stellas ita in cœlo elevatas contemplabi-
 tur, sine magnâ corporis incurvatione & incommoditate easdem spectare po-
 terit.

Possunt
etiam effi-
ci Tubi
Astrono-
mici recur-
vi.

XIII. Optimi Tubi Astronomici possunt effici binoculi, ex duplici nempè
 ordinatione Telescopicâ planè simili, sicut *Rheita* fecisse constat. Unde multo
 clariùs & distinctius objecta illa remotissima percipi & accuratissimè observari pote-
 runt. Nec obstat magnitudo seu latitudo Lentium objectivarum in majoribus
 etiam ejusmodi Tubis: quia licet in ipsâ elaboratione Lentes illas latiores & majores,
 uti supra dictum est, efficere conducat; postquam tamen elaboratæ sunt, po-
 terit earum latitudo paululum imminui, ut ita bene coordinari, ac invicem è regio-
 ne collocari queant. Neque etiam tantâ apertura in iisdem facienda est, cum ali-
 unde, sicut dictum est, pro radiis adventitiis siderum tollendis, eam multum immi-
 nuui conveniat. Ordinatio autem ipsa talium Tuborum fieri debet ad objectum
 longissime remotum, & accommodari magis illi visui, qui potissimum
 Tubo tali uti desiderat.

Optimi
Tubi A-
stronomici
possunt
fieri bi-
noculi.

CAPUT II.

Aptatio Tuborum Astronomicorum specialis ad tria corpora Planetaria inferiora accuratius observanda, qua & usus practicus Tuborum eorundem magis in specie explicatur & declaratur.


Recte scripssisse videtur meus aliquando in Mathematicis Professor Gaspar Schottus in prooemio lib. 7. sui cursus Mathematici de Astronomia elementari, dum ita scribit; *Astronomus ante omnia longa observatione siderum seu à seipso, seu ab aliis ante se facta plures phanomenorum & apparentiarum species colligit, & acri judicio indefessoque studio inter se committit: tum hypotheses assumit geometrico ratiocinio stabilitas, quibus positis ex necessitate omnia illa, quae observando collegit, suo quodque tempore sequi demonstrat, tandem vel instrumenta fabricat, quibus phaenomena caelo desumpta & hypothesis explicata oculis subjiciuntur; vel tabulas condit numericas è quibus ad tempus quodcunque sive prateritum sive futurum apparens caeli facies & siderum configuratio supputatur.* Nobilissima ergo scientia est Astronomia, sive subjecti spectes dignitatem, sive procedendi in tam sublimi contemplandi profunditate methodum, nec alia requirit ingenia, quam caelestia, aut naturam admirabilem, ut Plato in Epinomide censet. Ita est: quantum enim cæteris corporibus coelum supereminet, quantum sublunariis & terrestribus astra & splendore & dignitate præstant: tantum cæteris naturalibus scientiis superior est Astronomia, quâ nempe mentes humanæ exultæ jucundo supernorum pabulo recreatæ ad sublimes illos tractus assurgunt, dumque externam lucidissimam æternæ mansionis speciem indefesso conatu contemplantur, sensim ad caelestia & divina ita aspirant, ut caelestes planè & diviniore naturæ spiritus ubivis circumferant, nec quicquam ferè de terrâ & terrenis amplius sapere, solumque diviniore studia amplecti velint. Est autem hujusmodi caelestium hominum, hoc est, Astronomorum unicum & præcipuum conamen, caelestia phaenomena & apparentias exactius caelo deducere, corporaque illa supereminentia accuratius detegere, & oculari sensationi penitus subjicere. Quod optimè jam præstare didicerunt, postquam oculi Artificialis Teledioptrici fabrica sive Telescopium ex abditis arcanisque Artium latebris feliciter ad lucem protractum fuit. Hoc itaque capite, ut ejusdem peculiarem quendam usum practicum in corporibus illis caelestibus perlustrandis indicemus, visum est pro singulis Planetis sive stellis comprimis erraticis ejusdem apparatus paucis Lectori Astrophilo declarare.

§. I.

Tuborum Astronomicorum aptatio & usus pro Lunari corpore accuratius observando.

Ad corpus Lunare accuratius considerandum, licet quodcunque Telescopium melioris notæ etiam pro terrestribus objectis cum laxiori apertura aliàs accommodatum servire queat: ad maculas tamen, & ea omnia, quæ corpori Lunari insunt, exactius observanda & practicè delineanda Telescopium quodcunque ita aptari poterit. Imprimis in ipso Tubo (qualem supponimus esse Astronomicum, cum unicâ imagine, licet & alius cum duabus imaginibus æque etiam servire possit) ad locum imaginis accommodetur vitrum planum valdè clarum & diaphanum, quod in plura quadratula tenui intritione per Adamantem vel Smiridem sit divisum, ut hic in figurâ apparet.

Impo-



Imposito vitro sic craticulato paretur charta in totidem quadrata divisa majora vel minora, prout volueris imaginem Lunæ majorem aut minorem delineare. Charta etiam sic paratâ dirigatur Tubus fulcro suo firmiter innixus ad corpus Lunare & transpiciatur, assumptoque centro in ipso corpore Lunari, sive aliquâ ejus maculâ circâ medium, ita ut centro *E* craticulati vitri *BC* respondeat; advertantur deinde singulæ apparentiæ Lunares, cui quadratulo respondeant, ac similiter in quadratula chartæ similia transferantur, quousque tota Lunæ imago sit exactissimè delineata: Atque ita perfecta Selenographia perfici, ac justissima planè imago Lunæ cum omnibus maculis, vel potius maribus, sinibus, lacubus, scopulis, insulis, montibus variisque tractibus exactissimè delineari poterit. Simili plane modo possunt Asterismi & constellationes sive qualescunque Figuræ cœlestes siderum exactissimè notari.


Observandum tamen, quod vitrum craticulatum debeat esse purissimum, ac terfissimè expolitum: cum enim reponi debeat in loco imaginis, adeoque prope focum Lentis ocularis, facile omnes defectus in vitro non tantum detegi, sed & augeri poterunt. Quocirca etiam *Dechales* lib. 2. dioptr. prop. 59. adhibere docet annulum cupreum *ABCD* instructum cancellis ex pilo equino aut filo oloferico compactis. Refert deinde adhuc aliam praxin *P. Cherubini* in suâ Dioptrica, quam ope parallelogrammi Scheineriani perficit hoc modo.

Primo quidem Tubum Telescopii ex unâ saltem parte factâ crenâ aperit circa basin distinctionis primæ Lentis (communiter enim adhibetur tantum Telescopium duarum Lentium convexarum: Idem præstare potes è regione secundæ basis distinctionis) Firmetur deinde Telescopium per foramen aſserculi etiam optimè firmati & consequenter immobilis, ita ut crena in Tubo aperta plano aſserculi respondeat. Utitur exinde parallelogrammo duplici, majori & minori circa idem angulare punctum utrique commune volubili. In puncto *B* est stylus valdè subtilis, & in puncto *C* graphium. Certum est autem, similem motum inæqualem tamen perfici à duobus punctis *C* & *B*. Quare si manu dextrâ graphium teneas, & collimando per Telescopium ita graphium moveas, ut Indicis *B* extremas singulis partibus objecti respondeat, perfectam illius objecti imaginem habebis. Ratio clara est: cum enim similis motus perficiatur à punctis *C* & *B*, major tamen in *C* quam in *B* secundum rationem lineæ *AC* ad *AB*: imaginis partes proportionales erunt partibus basis distinctionis, quas successive percurrere supponitur index *B*. Subnectit deinde *Dechales*, hæc & alia similia videbis apud Authorem, quæ praxin tantum requirunt, maximumque apparatus, ut omnia inconcussam firmitatem habeant.

Cæterum ut curiosus observator scire queat, quæ potissimum in Lunari corpore ejusque maculis armato oculo notare possit, subnectam pauca, quæ ab aliis valde industriis Astronomis celeberrimis observata sunt.

Numerus
macularum
præcipua-
rum.

Maculas imprimis novas magisque conspicuas *Langrenius* numeravit 270 *Johannes Hevelius* 550. *Grimaldus* 600 : exiliores tamen propter nimiam earum copiam neglexerunt. Unde patet, quod tota Lunæ superficies in plenilunio nobis conspicua his veluti globis ac lapidibus sit conspersa præter majores, quæ maria sinusque marium, vel lacus, vel paludes, vel fyrtes, scopulosve, aut rivos & flumina, aut insulas & peninsulas, aut magnas denique telluris nostræ continentes præse ferunt, sicut in figurâ hic aliquantulum expressa vides.



In tanto porro macularum numero *Ricciolus* cum *Grimaldo* quatuor valdè notanda observavit.

Primum est, quod minimæ quædam maculæ confertim in oblongo quodam tractu ita sibi proximè succedant, ut vel imperfectiori Telescopio, vel longè à termino universalis illuminationis spectatæ videantur velut radiorum quorundam sulci: at si in confinio illuminationis spectentur perfectioribus Tubis, videntur maculæ invicem distinctæ, non secus, ac in viâ lacteâ stellarum congeries.

Secundum est, quod maculis quibusdam aliæ minores sic adhæreant, vel innexæ sint, ut gemmæ annulis; vel sic insertæ sint, ut portio unius portionem alterius sibi ferè æqualis obtegat; vel sic circumobsessæ & quasi coronatæ monticulis, ut juxta vicissitudinem illuminationum aliquando veluti rosam, aliquando lacum præseferant.

Tertium est, quod maculis quibusdam velut in uteris aut sinibus insint una vel plures minores, quæ umbrulam suam versus eandem partem projiciunt, ad quam vergit umbra macularum eas includentium.

Quartum est, quod aliquæ in majoribus item sic includantur, ut umbram suam in partem oppositam umbræ includentium projiciant.

His addi potest, quod scribit *Kircherus* in *Mund. Subt.* lib. 2. cap. 5. Observatum fuit à lynceis hujus temporis Astronomis nonnullas eminentiores Lunæ partes, quas montes Lunares vocant, successive ab unâ parte illuminari, nunc ab altera obtenebrescere, haud secus ac in terreno nostro horizonte ad Solis ortum montes umbras projiciunt, & tanto quidem minores, quanto Sol altius ascenderit; tanto majores, quanto plus ad ortum approximavit.

Præterea quod attinet figuram macularum; licet antiquarum præ se ferat maria aut marium sinus, continentes, insulas & peninsulas: figurâ tamen novarum plerumque rotunditatem aliquam aut ellipsin affectat; non rarò tamen in eadem maculâ mutatur, sive hoc fiat ob librationem globi Lunaris circa suum axem, ob quam accedendo ad marginem lunaris disci coarctari; recedendo autem dilatari videntur: sive ob diversam illuminationem, hoc est, ob diversam incidentiam luminis solaris in corpus Lunare, quâ fit, ut macularum margines quandoque continui, quandoque interrupti aut discreti in particulas aliorum pertinentes, eaque aut mutilatæ, aut bisectæ appareant, aut aliarum figurarum.

Figura
macula-
rum luna-
rium.

Magnitudo apparens ob easdem causas mutari ac variari videtur, ob quas figura: vera tamen ex magnitudine ipsius Lunæ dependet.

Magnitudo.

Macularum Situs miro modo & frequentissimè variatur vi librationis, sive illas inter se compares, sive cum centro aut limbo, aliisque plagis Lunaris disci: nam modò hæ, modò aliæ in eadem rectâ lineâ apparent, quæ tamen paulò post extra eam evidenti & notabili fluxu cernuntur: item aliquæ inter se æquidistant, nunc minimæ, sed aliæ sunt vel magis boreales, vel magis australes: aliæ aliis modis situm mutant.

Situs.

Color macularum ad nigredinis & candoris speciem restringitur, & varius est, sive unam cum alterâ, sive eandem cum seipsâ diverso tempore compares. Nam quædam cæteris paribus semper sunt aliis candidiores, aliæ contra nigriores, quæ proinde lacus quidam potius, quàm montes aut valles videntur. Rursus eadem maculæ aliquando seipsis obscuriores aut clariores evadunt, prout minus magisque à lumine Solis directo vel obliquo reflexove illustrantur, vel prout cavitas ipsarum

Color.

Aa

magis

magis minusque profunda, aut magis minusque lævigata, fulcisque aspera est; ideoque diversimodè idonea ad terminandum & retorquendum lumen. Plura hujusmodi inveniuntur apud Ricciolum, Hevelium, aliosque Selenographos, qui videri poterunt.

Quæstio
de Atmo-
sphæra
circa Lu-
nam.

Sed hic quæri potest, quid sentiendum de Atmosphæra circa Lunam? An nempe circa Lunam detur aliquis Aër vapidus refractionis capax? An hic Tubo melioris notæ observari possit? Talem non tantum agnoscunt Recentiores, sed etiam ex antiquis nonnulli, inter quos *Plutarchus*, qui in Lunâ radices, plantas & semina nasci existimat æstivo & tenero Aëre ad naturam ipsorum accommodato contenta: imò etiam pluvias aut saltem rorem tenuissimum. In eadem opinione sunt quamplurimi ex Recentioribus, ut *Keplerus*, *Mæstlinus*, *Galilaus*, *Longo-montanus*, *Jordanus*, *Brunus*, *David Fabricius*, *Rheita*, *Bettinus*, *Langrenius*, *Venedelinus*, *Joannes Baptista Cysatus*, *Scheinerus*, *Kircherus* & *Schottus*. Imò nonnulli asserunt, eum Tubo Optico melioris notæ circa Lunam videri; & ex eo accidere, ut paulò major Lunæ portio illuminetur, ut accidit in terrâ, in quâ refractione hemisphærium illuminatum auget ferè dimidio gradu. Addunt nonnulli, in Eclipsibus Solaribus augeri ab Atmosphæra Lunæ discum Lunarem, ita ut annulus circa Lunam appareat etiam in iis Eclipsibus, in quibus habitâ ratione diametrorum apparentium totus Sol tegi debuisset.

Contrarium tamen sentit *Dechales* Astron. lib. 3. prop. 2. dicitque, sine fundamento hujusmodi Atmosphæram admitti, nullamque proferri observationem, quæ eam adstruat, falsumque esse, quod Tubo Optico videatur; & ad Experimentiam provocat; modò tamen optimus sit Tubus, qui si mediocris bonitatis fuerit, nullos in Lunari limbo colores exhibebit. Fatetur quidem, si Tubo duobus convexis constante inspiciatur Luna, videri aliquem circa Lunarem limbum colorem fuscum, qui ab aliquibus Atmosphære tribuatur; sed vitium esse Telescopii id evincit, quod circa alia objecta idem color appareat; cæteroquin nullus apparebit. Verum quidem est, nonnunquam hunc colorem deprehendi, sed qui à vaporibus circa terram existentibus nascatur, ex quo proverbium: Pallida Luna pluit, rubicunda flat, alba serenat. Hi autem colores etiam ex terrestribus vaporibus nati potius in limbo Lunæ ob luminis defectum ejusque partes oblique spectatas, quam in medio disco se manifestant, Hæc *Dechales*.

Verum ego quidem ipse fateri debeo, sæpe vitium colorationis in Tubos ac in vapores terrestres, per quos prospectus formatur, cadere posse: ut tamen credam, Tubis optimis semper eam colorationem adscribendam esse, adduci haud possum. Nam licet Tubi convexo-convexi circa marginem Lentium impositarum plurimum sæpe objecta colorent; potest tamen oculus ita disponi, & ipse Lunaris corporis limbus reduci ad medium Lentis ocularis in Tubo, ut vix ulla coloratio oculo in bona applicatione compareat. Deinde, si vapores Atmosphære terrestris causa forent apparentiæ illius vaporosæ & fluctuosæ in peripheriâ Lunæ, sicut per meliora Telescopia deprehenditur; certè & ipsa Luna simul agitari, fluctuare & trepidare videretur, quod tamen nullus hætenus advertit, cum non sit ratio, cur potius circa Lunarem globum, & non in ipso globo tale ludibrium à vaporosâ Atmosphæra terræ causatum adverti debeat. Standum itaque judicio Autoritate tot tamque insignium Astronomorum, nec eorum rationes valdè probabiles etiam ipsa oculari Experientia exclusa facile arbitror expungendas, præsertim cum nulla afferri queat, quæ potius contrarium suadere possit.

§. II.

De Venerei globi per Tubum Opticum commodissima inspectione, ac observationibus inde compertis.

Joannes Hevelius vir in Astronomicis incomparabilis, in *Selenogr.* cap. 4. ab *Experientiâ* asserit & testatur, coeleste hoc corpus Venereum de die claroque Sole melius & certius inspicere, quam de nocte, dicitque, quod parvum foramen convexæ Lenti perspicillari objectivæ applicatum faciem Veneris magis detegere queat, quàm magnum, quodque non solum Venus in maximâ elongatione à Sole de die nudis oculis possit conspici, verum etiam nonnunquam paulo post primam ejus emersionem ex radiis Phœbi, & id genus aliæ. Refert deinde conclusiones sequentes experientiâ firmatas.

Quando-
nam Venus
melius
spectari
queat.

1. Venus matutina nudis oculis spectata sæpè non adeò præ se fert speciem magnam, præsertim quando conjunctioni Solis vicinior est, & in perigæo existit, ubi phasis ejus adhuc parva, etiam si diameter & integrum ejus corpus tum omnium maximum sit.

2. Quo longius Venus à conjunctione Solis recedit, eò majus apparet lumen ejus, tametsi diameter decrescit.

3. Quam maximum autem ejus jubar in conspectu oculorum relinquitur, quando magnitudinem quinque vel sex digitorum assequitur. Postea de die in diem lumine deficit, sicut antea creverat, usque ad conjunctionem Solis, ita ut de eâ hoc Axioma possit usurpari; *Quo magis lumine Venus grandescit, eò minor fit diameter ejus, minorque apparet.*

4. Antelucano & matutino tempore semper Venus grandior elucet: at de die, & Sole in excelsis posito angustior visu nudo apprehenditur; ubi tamen Tubo inspecta ratione temporis diameter ejus indifferens animadvertitur.

5. Adminiculo Telescopii Venerem, etiam si lumen ejus nondum digitos duos magnitudine superet, tam per magnum, quam parvum foramen, tamque ante, quam post ortum Solis distincte & clare contemplari licet.

6. Quamprimum autem Venus lumine adaucta conspicitur ante Solis ortum, commodius adhibito parvo foramine lustratur: & quo magis matutinum est tempus, eò minore opus est foramine. Post ortum verò Solis foramen magnum idem potest præstare.


7. Sed cum quinque digitos exæquat, tum ante, tum post ortum Solis, & de die minus foramen Tubo semper imponendum est. Namque quo magis lumine crescit & phasis amplior fit, eò minus foramen adhibendum est, si modo nobis non inæqualiter flammea aut angulosa, sed genuina, distincta & globosa debet apparere.

Unde patet, quod Tubus Opticus in practico negotio observationis corporis venerei non eodem semper modo cum æquo foramine adhiberi debeat, sed pro ratione temporis, situs & phasium in eodem coelesti corpore Lentem objectivam nunc plus nunc minus aperiendam esse, sicut ab *Hevelio* indicatum est. Sed his adhuc alia experimenta libet subicere, quæ ab expertissimis Astronomis hoc sæculo nostro per Telescopica instrumenta de eximio hoc phænomeno coelitus deducta sunt.

Comprimis à lynceis hoc sæculo Astronomis per Tubos Opticos observatum fuit, venereum globum phases annuas menstruis Lunæ phasibus plane similes terræ incolis exhibere. Unde deprehensa est modo plena aut fere plena, ut in *E* modo gibbosa sive prætumida, velut in *G* & *H*; nunc dichotoma sive bisecta & semiplena, velut in *C* & *D*; nunc falcata, seu in cornua sinuata, velut in *I* & *K*; nunc

Veneris
phases lu-
naribus
similes,

tandem fere penitus obscura ac silens velut in *F* representatur, ut non immeritò alteram Lunam in coelo mirari possimus. Ex hoc phænomeno evidentissimè concluderunt Astronomi, Venerem non esse perpetuo infra Solem, ut Chaldaei, *Archimedes*, *Ptolemaeus*, ac plures alii putarunt: nec perpetuò supra Solem, ut *Geber*, *Theon*, *Apulejus* cum pluribus aliis: Sed circa Solem tanquam circa motus sui proprium centrum moveri, ac propterea aliquando supra, aliquando infra Solem incedere, ut rectè censuerunt Ægyptii, & nunc Recentiores communiter, & ex appposito schemate satis luculenter patet: in quo *A* est terra seu oculus è terra Venerem aspiciens, *B* Sol, *CB D* Ecliptica seu orbita Solis, quam annuo motu percurrit: *CE D F* orbita Veneris circa Solem, quam annuo motu proprio percurrit à *D* in *HEG* &c.




E est apogæum seu punctum maxime à terrâ *A* remotum: *F* perigæum seu punctum terræ *A* propinquissimum: *C* & *D* sunt puncta maximæ elongationis Veneris à Sole: *E* & *F* sunt puncta conjunctionis ejusdem Veneris cum Sole: *E* quidem punctum conjunctionis apogææ, *F* verò punctum conjunctionis perigææ: reliqua puncta *G*, *H*, *I*, *K*, sunt puncta mediocrium elon-

elongationum. In hemicyclo FDE à puncto F usque ad punctum E exclusivè Venus est matutina, sive prius emergit ex horizonte, quam Sol B , tuncque vocatur Phosphorus seu Lucifer: in reliquo hemicyclo ECF à puncto E usque ad F exclusivè, est vespertina, quia posterius subit horizontem, quam Sol B , appellaturque ab Astronomis & Poëtis Hesperus seu Vesperugo. In punctis E & F oritur & occidit cum Sole. Quando ab I pervenit ad E , occumbit heliacè vesperi; quando ab E pergit in K oritur manè heliacè, quando ab H pervenit in E , occumbit heliacè manè; quando ab E pergit in G , oritur heliacè vesperi. In I fit prima statio Veneris, in K secunda.

Observatum fuit præterea, Venerem post matutinam emersionem à Solis radiis, hoc est, post discessum à puncto F versus K paulò ante stationem propè K apparere falcatam: deinde circa maximam digressionem matutinam à Sole propè D bifidam sive dichotomam; postea ad heliacam immersionem matutinam directè accedens propè H gibbosam, ac paulatim ad rotunditatem disci redactam. Unde colligitur, eam in apogæa conjunctione E perfectè rotundam esse, ac talem ab oculo in terra A visum iri, ni Solis fulgor obstaret. Cum verò ex fastigio E sui pericycli descendere incipit, & vespertina facta ex radiis solaribus emerfit, iterum apparet penè rotunda in G ; & circa digressionem maximam vespertinam bisecta sive dichotoma in C ; ac propè stationem proximam in I denuò corniculata sive falcata; in conjunctione autem perigæa cum Sole in F diebus utrinque proximis latet sub splendoribus solaribus, nec videri potest, nisi utcunque propter enormem latitudinem.

Observatum præterea fuit, Venerem apogæam apparere valdè parvam, semper autem tanto maiorem, quanto propius ad perigæam accedit in F , unde & ab aliis quibus tanta circa I & K per Tubos observata fuit, quanta alias Luna sine Tubis, imò aliquando major, cum sit propè vicinissima terræ A : in C & D tamen cum luce ferè efficacissimâ comparet, quia non tantum ratione propinquitatis suæ ad terram major, sed etiam semiplena conspicitur. Ex quibus phænomenis rectè concludunt Astronomi, Venerem ambire Solem, & modò infra, modò supra Solem existere, neque proprio lucere lumine, sed illustrari à Sole atque ab eodem omnem splendorem nancisci.

Franciscus Fontana suarum Observationum tract. 5. cap. 2. refert, vidisse se Tubo suo Venerem vespertinam oblongam & ferè semipedalem ac tantam, quanta sine Tubo Luna conspicitur, semiasperam in parte concavâ, radiosque ejaculantem, & cum uno aut altero globulo nigricante, modò extra, modò intra corpus Veneris, ut hic in figuris apparet.



Ricciolus tamen ait, nec sibi, nec *P. Grimaldo* nec *Gassendo* licuisse unquam in Venerem aut propè eam tales globulos quovis Telescopio spectare. Unde verius putat fuisse meteorum aliquod, puta hapsum aut nubeculam quandam inter aut circum-

cumpositam Hespero; aut fuisse maculas Solarium instar à Veneris corpore proflatas, & quasi bullientes; aut montes & cavernas lunarium instar cavernarum ac montium pro vario ad Solem situ; vel fortè vertigine aut libratione Veneris, magis minusque illustratas. Neque enim audet dicere, esse Planetas Veneris comites, donec certius quid experimenta ulterius manifestent.


§. III.

Quomodo Telescopium ad aucupandum Mercurii globum sit apparandum, & quid de ipso per observationes Telescopicas hæcenus fuerit compertum.


Apertura
Lentis
objectivæ.


Cum Mercurius in Aphelio non ultra gradus 28. à Sole recedat, & in perihelio non ultra 18. gradus: hinc minùs omnibus aliis planetis conspici potest, etiam si in maxima à Sole elongatione versetur, ob diuturnum vel matutinum vel vespertinum, in quo crebro latitat, crepusculum, ita ut pauci reperiantur, qui lucis ejus incrementa & decrementa exactè Telescopio considerare, vel phases ejus consignare potuerint. Causa procul dubio, ait *Hevelius* Selenogr. cap. 4. pag. 74. ea potissimum est, quod semper idem foramen æquè amplum in convexa Lente retinuerint. Postquam enim pro positu Mercurii angustius foramen quandoque imposuerat Hevelius, & hoc pacto Mercurium lustraverat, tum phasin ejus clarè & distinctè potuit deprehendere, quemadmodum posthac quilibet bono ac prælongo Tubo Astronomico instructus hasce luminis vicissitudines in Mercurio advertere poterit.


Ricciolus lib. 7. Almag. sec. 1. cap. 2. num. 3. refert, Mercurium non secus ac Venerem, cum sub Solem se demittit, ab aliis observatum abire in cornua; ascendentem autem ad apogæum, fieri gibbosum, ac tandem rotundum. Unde observatum, illum eâ prorsus formâ, quam appositæ figuræ monstrant, ac primò quidem Neapoli Anno 1639. Maji 23. tribus post Solis occasum quadrantibus; deinde iterum Anno 1646. Januarii 26. uno post occasum Solis quadrante, ut in A. Erat autem in priore Observatione distans à Sole grad. circiter 22. & in posteriore grad. 18. Sub eâdem ferè formâ vidit eum *Ricciolus* Anno 1647. April. 30. vesperi, cum Sole esset orientior grad. 20½. Matutinum autem vidit eundem Anno 1643. Augusti 25. cum distaret à Sole grad. 9. & Anno 1644. Augusti 6. ab eodem Sole distaret grad. 10. ut in B. Anno 1643. Martii 5. vespertinus observatus fuit, ut in C repræsentatur. Unde bene concludit Ricciol. Jam extra controversiam est apud Recentiores Telescopii observandique peritos, Mercurium eodem modo à Sole illuminari ac Lunam, si Luna Solem potius quàm terram circuitu suo ambiret.




Ex hisce Observationibus satis patet, quod Mercurius phases suas mutet pro ratione sitûs respectu Solis. Causa autem, cur minùs frequenter & difficilius sub prædictis phasibus observetur, quàm Venus, haud alia esse potest, quàm quod plerumq; lateat sub radiis Solis ob exiguas ab eo digressiones; & semper ferè obnoxius sit
magis










magis refractionibus ob vapores horizontem circumfistentes: ac etiam, quod in maximis à Sole elongationibus obruatur à luce crepusculi matutini aut vespertini, maximè in Climatibus horizontem valdè obliquum habentibus: unde etiam plures alias observationes per Telescopia hactenus obtinere non potuimus.



CAPUT III.

Practicum Artificium ope Telescopii solare Phænomenon exactissimè observandi proponitur & explicatur.

IN Fund. 2. huius Operis Synt. 3. cap. 12. plures modos solare Phænomenon investigandi indicavimus: melior autem cum non sit, quàm is, qui per immissionem Artificialem radiorum solarium perfici solet, ut ibidem diximus: eum itaque nunc genuinè & practicè, sicut eundem expertissimus *Hevelius* in Selenogr. cap. 4. refert, declarare libet.

Hic enim, posteaquam structuram machinæ Helioscopicæ Scheinerianæ diligenter expendisset, sublatis incommodis, multò faciliorem & commodiorem hunc ipsum Solaris Phænomeni aucupandi modum adinvenit, ita ut unus aliquis citra difficultatè machinam regere, idemque simul observationi vacare possit. Hæc autem inventio non solum opportuna est observationi macularum, sed & eclipsium solarium, ut faciliè post pauca patebit. Sed rem ipsam auspicemur.

§. I.

Modus immissionis solarium radiorum pro maculis & faculis solaribus indagandis.

I. Hic modus advertendi maculas & faculas solares instituitur imprimis in camerâ obscura, atque in ejusmodi conclavi loco vitrearum fenestrarum oportet habere ligneas. Ex medio uniûs harum quadratus asserculus est refecandus, ut in locum huius foraminis alia quædam fenestella lignea convenientibus juncturis apta subire queat, sicut ex *f* patet. In hac fenestellâ rursus foramen, sed rotundum ad capiendum globum mobilem ac versatilem ad omne latus quaquaversus excave-
Iconismus
XVIII.
Machinæ
apparatus.

II. Sphæra quædam ex solido siccoque ligno, cujus diameter octo vel novem æquet digitos est efformanda, & exactè rotundanda: vel ex orichalco, quod durabilius, adornetur: at verò intus sit metallica sphæra cava, ita ut superficiès ejus tantum ad quadrantem unius pollicis crassa sit, ne nimia gravitatè fiat intractabilis. Hæc sphæra contineat perforatum foramen rotundum duos pollices circiter amplum, ut ei canalis itidem ex Aurichalco formatus *b* commodè queat inferi. Is sesquipedem longitudine assequatur habeatque duas agglutinas quadratas fibulas, quales *r* exprimit, ut instar vaginularum quadratum baculum *g* octo vel novem pedibus longum arcè possint recipere.

III. Hic globus, cujus axem canalis pertransit, ad dictum modum efformatus orbiculo *kl* (cujus latitudo sit uniûs digiti) est claudendus: eum namque ambiunt duæ tabulæ *d* ad formam globi curvatæ, quæ globum undique cingunt, & firmâ junctione tenent, ut nullus unquam excidendi locus sit; in omnem tamen loci positionem ope canalis *b* pro lubitu utrumque latus versus, forsum ac deorsum moveri atque flecti (modò globus sit perfectè rotundus) sine ullâ difficultate possit. Ne verò aliqua uspiam pateat rimula, per quam lux penetrare queat, idcirco orbiculus *k* & tabulæ *d* alba allata sunt opplendæ. Deinde alia ansula, nempe *e* priori orbiculo adnectitur, ut ejus ope sphæra fenestellæ *f* clavis affigi queat, velut in figura patet. Illud eò inprimis deservit, ut semper hæc machina, quando non placet observare, una cum canali *b* & fenestellâ *f* eximi; imò exigente observatione aliam plagam, Eurum, Austrum vel Zephyrum versus ea in aliam ligneam fenestram jam ad hunc usum destinatam & paratam inferi possit.

IV. Ejus-

IV. Ejusmodi sphaera mobilis etiam minoribus sumptibus ex alia viliori materia, nempe ligno firmo concinnari potest, quemadmodum talis globus fenestellae aptatus cum omnibus necessariis partibus in figura *f* representatur. Etenim hic tantum requiritur globus exacte ad formam rotundatus, sicut isthic est *a*: utque fenestella *f* habet perforatum foramen rotundum, cujus exterius latus minus sit circulo maximo globi. Dehinc sit etiam in promptu circulus ligneus, cujus foramen non amplius sit jam memorata fenestella. Globus igitur, fenestella & circulus ligneus sunt tres praecipuae partes hujus facile parabilis machinae, proinde globum impone tornato foramini, quod inest fenestellae, eidemque globo superinduc circulum ligneum, quem quatuor ligneis cochleis arctius adstringe & junge fenestellae. Hoc facto globum *a* fenestellae & circulo ligneo comprehensum in omnia latera & angulos flectere & dirigere poteris. Vide tamen, ne lumen aliquod possit penetrare, neve non rimulas, si quae adsint, obtures. Regimine vero cochlearum motum globi modo laxiorem, modo arctiorem reddere poteris, prout eas vel astrinxeris vel dilataveris: Quo pacto metallicum globum tractare non valebis ob suam gravitatem. Hinc ligneus altero ex orichalco est ad imponendum & eximendum tractabilior. Videri etiam poterit instrumentum nostrum supra in Fund. I. Synt. 3. cap. 3. num. 13. explicatum.

Scamni
observato-
rii constru-
ctio.

V. Ad observationem porro macularum requiritur etiam scamnum *m*, quod ex diversis partibus constat: & primum quidem valido ligno tribus pedibus longo, & quatuor fulcris innitente, ut stare queat immobile. Dein huic scamno duo ligna perpendiculariter erecta adfigantur, quae longitudine quatuor pedes aequent, vel circiter. Hae spirarum tortilium sculptura constant, & cochleae dicuntur, & representantur per *x* & *y*. Per has trochleas trajiciuntur duo pericochleae *o* *o*, ut horum ope asser *n* cochleis imponendus pro re nata vel attolli, vel etiam deprimi possit.

Plura pro
macularum
observa-
tione re-
quisita in-
dicantur.

VI. Praeparatis jam his adminiculis tum ad observationem macularum accedi potest. Quocirca primum fenestella una cum globo & canali apte combinata majori lignae fenestellae imponatur. Deinde Telescopium bonae notae canali indatur, & longior baculus *g* cum fibulis *r*: Ex adverso autem constituatur scamnum *m* cum suis erectis cochleis ac asserem *n*; longiori vero baculo aptetur ad angulos rectos tabella *h*, quod facile fieri potest, modo tabella sit satis crassa: at dorso tabulae duae parvae fibrae addantur, quibus teres ferrum *i* inseritur, ita ut hoc possit moveri. Huic aliquod perpendiculum appenditur, ut hujus ope angulus verticalis & eclipticae, vel potius punctum verticale possit observari.

Circulus
observato-
rius quo-
modo pa-
randus.

VII. Tabulae huic folium mundae & candidae papyricum cera agglutinatur, in quo ducendus quidam circulus, qui observatorius dicitur, sicut figura monstrat. Postmodum Tubus Opticus beneficio baculi longioris, qui globum & tabellam una disponit, ad Solem est dirigendus, ita ut Sol suis radiis in Tabulam adlabatur, & circulum observatorium collustret. Quod dum fit, attendendum est diligenter, num discus Solis major minorve sit circulo observatorio *f*, *z*, *u*, *vv*: si namque hoc fiat, tunc vel tabella inserta magis a globo est elonganda, vel Telescopium in canali *b* est dilatandum aut contrahendum, id quod haud difficulter fieri potest, eo quod Tubus canali impositus suos liberos servet ductus, & tantummodo linteo obstruatur, ne vel excidat, vel lumen Solis ad latera per aliquam rimam penetret. Atque hoc pacto discus Solis observatorio circulo satis exacte potest accommodari. Attamen semper praestat, initio attentè observare & notare, quantam peripheriam discus Solis secundum longitudinem baculi & distantiam a charta tabellae formet, ut circulus observatorius exactae magnitudinis recte determinari, & postea semper usurpare queat.

Horologii
sciatherici
requisiti
structura.

VIII. Priusquam autem incipias observationem, in promptu sit sciathericum horologium minimum in terna vel terna, vel si fieri possit, in singula minuta divisum, postea in mensula alteri fenestrae admota sit accuratè expressa linea meridiana, cui secundum horizontem sciathericum horologium appone: post haec instituaturs observatio, ita ut Sol circulum observatorium collustret. Hoc dum rite fit: tum

macu-

macula stylo quodam plumbeo signetur; quo pacto perpendiculum ita est dirigendum, ut in centrum circuli observatorii incidat, & hujus ductu punctum verticale \int notandum, & simul exquisitum tempus horarium ex sciatherico horologio alteri fenestram admoto depromendum, & una cum die observationis in chartam referendum.

IX. At verò non unâ sis observatione contentus, sed mox fac denuò periculum, an macula nova in conveniente distantia tum in peripheria, quam altera macula rectè sese habeat, ut & magnitudo, facies & forma ejus, insuper utrum densior vel rarior, nucleonè sit prædita an non? Nihilo quoque segnius faculas, si quæ adsint, præsertim quo in loco primum extiterint, vel evanuerint, quomodo creverint vel decreverint, clariusne an verò obscurius apparuerint, & horum similia notabis, quemadmodum frequens usus hoc quemlibet docebit. Comprimis etiam hoc notandum, quod si distinctæ vel maculæ vel faculæ adsint, ita ut illæ non una vice possint consignari, tunc opus erit, ut singularis harum observatio, ut & puncti verticalis, exactique temporis instituat: Etenim si nimis diu hisce immoraris, facile potest error committi, eò quod angulus verticalis & Eclipticæ citò mutetur, & proinde etiam punctum verticale.

X. Postquam igitur uno die maculæ Solis cum genuinis coloribus, umbris & faculis ritè sunt notatæ: tum de die in diem sudo existente cœlo, ille labor est continuandus, ut ex hisce accuratis observationibus macularum cursus & mirabilis mutatio deprehendi possit. Notandum etiam, quòd Sol semper in tabula & circulo observatorio suam faciem inversam exhibeat, ita ut verus limbus Solis orientalis hic z sit, & occidentalis vv : sic & superior pars Solis in Ecliptica in circulo observatorio, quasi esset inferior, præsentatur. Quamobrem si macularum nativus situs in Sole repræsentari debet, tunc circulus observatorius una cum maculis & charta planè est invertendus, ita ut posterius latus chartæ fiat prius, & pars signata z superiorem, signata verò \int inferiorem, & semper sinistrum, & vv dextrum occupet locum.

Observatio macularum continuanda.

XI. Investigationem autem Eclipticæ in circulo observatorio, quæ valdè est necessaria, quippè sine illâ omnis observatio est imperfecta, institues inquirendo angulum verticalis & Eclipticæ: atque hoc duobus modis, vel mechanicè, vel beneficio calculi, qui est omnium certissimus. Mechanicè cum *Scheinero* acquies per globum vel Astrolabium: verum hic modus valdè fallibilis est, eo quod facilis lapsus intra unum & alterum gradum fieri queat. Alter igitur modus per calculum est certior, sed operosior, quia ad elevationem poli, ubi observatio instituitur, omnes angulos verticalis & Eclipticæ per integrum annum ad singulos gradus Eclipticæ in duodecim signis, & ad quamcunque semihoram computare debes, & hæc una opera in omne tempus sufficit, sicut *Hevelius* pro elevatione poli Dantiscanâ $54. 23.$ supputavit, & in tabulam redegit, quæ deinde pro quovis tempore servit in dicta latitudine.

Angulus Eclipticæ & verticalis, quomodo inquirendus.

XII. Angulis ex facta tabula ad quamlibet macularum observationem inventis necesse est, ut primò perpendiculum ope regulæ ex puncto verticali signato per centrum Solis ducas ex puncto \int versus z : postea si tempus observationis est antemeridianum, tum angulum beneficio semicirculi legitimè in gradus distributi (quem transportatorium vocant) circulo observatorio applica à linea verticali vel puncto \int sinistrum orientalem limbum z versus procedendo, eumque in peripheria circuli observatorii nota. Dehinc duc lineam per hoc punctum & centrum; tunc veram Eclipticam Solis & macularum adinvenisti tempore observationis. Quod si observatio hæc horis pomeridianis est habita; tum hunc angulum ex altero latere occidentali sinistro vv ab \int numerando efformes. Delineatâ jam Eclipticâ hoc modo in omnibus figuris ac singulis observationibus, restat ut maculæ ac faculæ, quæ intra 14. dies vel circiter conspectæ sunt, in unum circulum observatorium, quantum fieri potest, redigantur, ut commodius earum motus diurnus & annuus, nec non magnæ alterationes queant deprehendi. Hoc autem facile fit, quando centra circulo-

rum observata acu conjungis, & unam Eclipticam alteri applicas: sic enim maculæ in alia munda charta purè possunt exprimi. Id autem in reliquis omnibus continuatis observationibus, quas evulgare cupis, agendum est. Postquam autem maculæ in chartam sunt relatæ, scias, earum positum esse inversum; quapropter & hic opus est, ut omnes maculæ in una figurâ expressæ perforentur acu, ut in altero latere fiant conspicuæ: hoc namque pacto in munda papyro denuò legitimo ordine consignato possunt repræsentari, prout reapse sub Sole motum suum exercuerunt. Si tamen Tubum ex duobus vitris convexis adhibuisses, non opus foret tanto labore; nam ritè omnes maculæ solares in debito positu repræsentarentur. Hæc de maculis & faculis solaribus, modoque eas delineandi ex *Joanne Hevelio*.

Praxis so-
lares Ecli-
psis ob-
servandi.

Hinc etiam facilè concipi potest, praxis observandi Eclipses solares. Nam si semidiameter circuli observatorii dividatur in 6. partes æquales, & per singula puncta divisionum ex centro circuli observatorii describantur integri circuli concentrici: nullo negotio deinde deprehendi poterit, ex quâ parte incipiat Eclipsis? quando nam maxima? quot digitorum sit &c. Verùm & ipse *Hevelius* videri poterit *Selenogr. cap. 5. circa finem*. Patet etiam, quomodo Solstitia simili modo per Telescopium in fenestra collocatum, & ex radiis per illud in cameram obscuram immixtis inveniri possint. Vide etiam *Dechales* Dioptr. lib. 2. prop. 49. Quæ paucis indicasse sufficiat.

S. II.

Quidnam hætenus per observationes helioscopicas detectum ex solertissimis observatoribus adducitur & recensetur.

Mirum est ab eo tempore, quo Lyncei Philosophi ac Mathematici armatos Telescopio oculos in cælum intendere cœperunt, quàm multa rara & priori mundo planè incognita suspexerint: inter hæc autem non postremo loco habenda sunt, quæ in ipso purissimo Sole, uti aliàs creditus ab antiquis omnibus fuit, maculas, nævos, umbras & plura alia per instrumenta & machinas cœlestes deprehenderint. Veritas porrò eorum omnium ideò vel magis fundata est, quod sæpè eodem tempore in diversis locis per diversa machinamenta Teledioptrica, in eodem nihilominus situ, eadem figurâ eademque magnitudine deprehensa sint, ut ita phænomena hæc non vitrorum bullis aut nodis in charta apparentibus, non inconstantis aëris nebulis, quæ vix unquam in eodem loco manent, non denique ulli oculorum ludibrio adscribi cum veritate queant. Quæ verò potissimum ea sint, nunc paucis referam.

Tempus
observan-
di oppor-
tunissimū.

I. Compertum est imprimis opportunissimum tempus, quo solaris corporis phænomenon accuratius aucupari possit, esse meridianum, quando Sol est altissimus & extra vapores. Quamvis etiā omne illud tempus magis opportunum esse possit, quo nempe Aër depressis vaporibus depurior deprehenditur. Vide dicta supra Synt. 3. hujus Fund. cap. 6. num. 13.

Macularū
color.

II. Color macularum est plerumque niger aut cæruleus: umbrarum, subniger aut flavus. Multæ ex maculis nigriores apparent circa limbos Solis, si cum aliis oëant, quàm in medio, ubi semidiaphanæ subillustrantur à Sole, non ita tamen, quin sint obscuriores consuetis Lunæ maculis & aliquibus nubibus, ut *Scheinerus* annotavit, tametsi *Galileus* contrarium dicat.

Figura
macularū.

III. Figura macularum irregularis plerumque apparet, & ejusdem maculæ valdè inconstans, ita ut nulla ferè postridie talis appareat, qualis pridie visa sit. Circa limbos etiam contrahuntur & oblongæ fiunt: at circa medium Solis ampliores, sed minùs longæ apparent cæteris paribus. Rursum propè limbos plures maculæ, quæ in medio Solis disco disgregatæ ac invicem distantes apparuerunt, in unam ferè maculam coire videntur.

Numerus
macularū.

IV. Numerus macularum varius est & incertus. Aliquando tamen 50. aliquando 33. distinctè numeratæ sunt eodem tempore, aliquando una: & tunc calidior sicciorque cæteris paribus tempestas extitit; uti è contra frigus, quando magna fuit

fuit earum copia. Hinc etiam argumentum datur tristium eorum eventuum, qui post obscurationem Solis aliquando inopinatò contigerunt. *Suetonius* eo tempore, quo *Julius Cæsar* trucidabatur, circa Solem longo tempore visam veluti materiam quandam crassam & fuliginosam tradit. Observarunt haud absimile prodigium Arabes Anno *Hegiræ* 64. quemadmodum in *Astronomia* suâ *Haël* tradit, quod ea magna rerum desolatio mox consecuta sit. Occiso *Dictatore* Cæsare, & Antoniano bello, *Plinio* teste, toto anno Solem diro mortalibus omine impalluisse ferunt. Sub *Augusto* simile quid contigisse *Tertullianus* ad Scapulam refert, siquidem Sol in conventu Uticensi extincto penè lumine toti mundo horrorem incussit. Tempore *Iustiniani* Imperatoris, ut in Constantinopolitanis *Cedreni* Annalibus legitur, Sol Lunæ instar sine radiis lucem tristem emisisse traditur, quod ostentum crudelissima pestis, quâ quotidie Bizantii decem hominum millia concidebant, consecuta monstravit, non vulgarem fuisse stragem illam, quam vel ipse Sol veluti pullâ veste indutus toto luxerat. Item Constantini Imperatoris tempore Sol 17. dies obscuratus nullos emittebat radios, tantâ offusus caligine, ut naves etiam à cursu suo aberrarent; quod summi prodigii loco visum fuit. Hoc statim & bella & fames & pestilentia una cum *Constantini* Cæsaris morte consecuta sunt. Apud *Paulum Diaconum* legimus Anno 700. Solis discum veluti sanguineo colore offusum toti Europæ multorum dierum spatio, cœlo maximè sereno & defæcato ita obscure luxisse, ut penè tenebras mundo offunderet. Quam obscuritatem ingens quoque cometa secutus est. *Cornelius Gemma* in sua *Cosmocritica* Anno 1569. Solis discum eodem vultu comparuisse testatur; quod phasma & cometa & civiles commotiones secutæ sunt. Anno quoque 1625. paulò ante bellum Suecicum, totius anni decursu discus Solis ingenti macularum ebullitione coopertus tum à *Kirchero* in Germania, ut refert in *Mund. Subt.* tom. 1. lib. 2. cap. 4. tum à *Scheinero* Romæ, ut refert in *Rosa* sua urfina, fuit observatus. Quocirca bene concludit *Kircherus* in lib. de peste sec. 1. cap. 11. §. 3. observatum, quod quodocunque Sol huiusmodi macularum efflorescentiis exuberare visus fuit, mox & pestis & innumera mala orbem concusserint; quæ quidem tunc vehementius operantur, quando Lunâ intercedente Sol deliquium passus fuerit; hoc enim durante dici vix potest, quantum detrimentum subeat aura illa vitalis, quâ omnia vivunt in inferioribus; mox enim ac peregrinâ cœlestis influxus fuligine tingitur, illa pari pacto in nescio quas degeneres catastases ab ita terra, aqua, aër à naturali affectione declinantia in putres & exitiales partus paulatim disponuntur, qui suo tempore ad maturitatem perducti eas calamitates adducunt. Quæ omnia (sicut refert hæc idem *Kircherus* in *Mund. Subt.* loc. sup. cit.) si Astronomi diligenter annotarent, forsan ex huiusmodi Phænomenis ad effectus sublunares comparatis nova Astrologia multo vulgari illâ Planetariâ certior condi posset. Sed hæc fusius forsan, quàm par erat, persecutus sum. Nunc ad reliqua experimenta *Helioscopica* progrediamur.

V. Magnitudo Solis macularum apparens varia est & inconstans. *Scheinerus* in *Apelle* post tab. ponit maximam Veneri æqualem. *Blancanus* ait, quandam occupasse quintam partem diametri Solis, ideoque toti terræ æqualem fuisse. *Riccio-lus* nullam deprehendit maiorem decimâ parte diametri Solis apparentis. *Galileus* maculas æquiparat Asiæ & Africæ simul cum mediterraneo mari. *Scheinerus* in *Rosa* urfina, aliquas agnoscit esse ad diametrum Solis ut 10. ad 50. aut 100. ad 2000. & aliquas Africâ minores, non paucas Lunæ, & quasdam compositas toti terræ æquales.

VI. Macularum duratio minùs constans videtur, quàm areolarum quarundam & facularum. Quædam enim subitò in medio Solis disco, quædam alibi ortæ paulò post evanescent: quædam durant ad dies 1. 2. 3. 4. 10. 15. 20. 30. per paucæ ad 40. Nonnullæ redeunt eadem post periodum dierum circiter 27. Sub Sole autem hæc longius morantur in ipsa diametro, quàm quæ longius à centro distant. Ortum etiam & interitum non solum apparentem, sed etiam realem habere à multis asseritur.

Eventus
tragicus post
plurimum
macularum
apparitionem.

magis
videtur
magis
videtur
magis
videtur

magis
videtur
magis
videtur

Magnitudo
Solarium
macularum.

Duratio
macularum.

Motus macularum.

VII. Motus macularum apparenstalis est, qualis Mercurii & Veneris circa Solem, qui quidem planetæ in superiori parte Epicycli & directi motus arcu moventur ab occasu Orientem versus, at in inferiori parte Occidentem versus. Hinc *Galileus* absolute ait, maculas quæ ita moventur, ut periodum absolvant diebus 27. aut 28. & redeunt, moveri Orientem versus, cum *Scheinerus* attendens motum nobis conspicuum dicat, eas moveri Occidentem versus, quippe tunc Sole inferiores: manè enim oriente Sole maculæ ascendunt, ac inferioribus illis partibus, & vespere descendunt ad inferiores.

Vertigo Solis.

Vertiginis solaris periodus.

VIII. Phænomenon macularum solarium, earumque motus vel circa Solem, si à Solis corpore distinctæ sunt, vel cum ipso circa ejus centrum & axem, si indistinctæ, occasionem dedit earundem observatoribus tribuendi Soli motum vertiginis circa sui corporis centrum. Sive enim à solari superficie distinctæ sint, & sicut nubes circa terram, ita ipsæ circa Solem volitent, utpote fuligines & quasi nubes ipsius, sive in ipso sint corpore solari, utpote partes ipsius solidæ ac terrea; quoniam in parte Solis superiori & inconspicua nobis moventur ab Occidente in Orientem; in parte verò inferiore & nobis conspicua ab Oriente in Occidentem; necesse est & ipsum solare corpus circa centrum suum eodem motu circumverti. Authores communiter vertiginis hujus periodum asserunt esse menstruam seu dierum 27. aut 28. aut 29. eamque colligunt ex apparenti motu macularum, quæ nisi citius intereant, sub Solis disco, aut in ipso moventur ab uno margine in alterum scilicet ab orientali ad occidentalem diebus $13\frac{1}{2}$ aut 14. aut $14\frac{1}{2}$. & rotidem diebus latent post Solis tergum, absolutaque periodo ambitus circa Solem circaque ejus centrum, revertuntur ad marginem orientalem.

Locus macularum solarium in cælo.

IX. Locus macularum in cælo seu distantia à terra communiter censetur supra Mercurium perigæum; & nemo jam est, qui non concedat, eas aut in Solis superficie esse, aut illi quasi contiguas, eò quod nulla à Sole parallaxis in iis observata sit nedum Mercuriali major, sed eodem die eadem maculæ observatæ fuerint in eadem Solis parte cum motu ad motum Solis æqualiter proportionali & longè tardiori, quàm & motus Mercurii, quantumvis in diffitis terræ locis fuerint observatæ.


Solaris corporis exterior structura.

Iconismus XIX.

X. Denique quod externam corporis solaris structuram attinet, apparet illud ex solidis & liquidis partibus constare, igneum tamen & lucidissimum ubivis. Partes liquidæ igneum quendam fluorem repræsentant, qui instar Oceani effervesceat, ebullit, & fluctibus in altum jactatis exasperatur. Partes solidæ, intra quas igneus fluor velut intra cacabos aut fornaces fusorias continetur, videntur undiq; prorsus ignitæ & ab ignis virtute penetratæ, ac velut in ignem conversæ, ad eum modum, quo fornacum fusoriarum è lateribus constructarum latera & fornices prorsus ignita apparent & ab ignis, seu igneæ materiæ inclusæ colore minimè distinctæ. Ignis porro solaris, tam qui in marium sinibus continetur & continuo agitur, quàm qui eructat ingenti copiâ ac vehementia è flammivomis montibus, exhalare videtur suos quasi vapores & velut fuligines, non quidem planè atras & fumeas, ut noster ignis terrestris, sed purissimas, quæ in circumfuso æthere collectæ ac spissatæ in nubes Solem velut inumbrare conspiciuntur, haud aliter ac nubes terram nostram obumbrare solent. Faculæ quoque plures ex solari corpore prodeunt velut ingentes globi ignei, qui subinde è montium flammivomorum crateribus magna copiâ & impetu erumpunt, & intra circumfusas nebulas ac fuligines effulgent; & aliquando quidem subito disparent, aliquando ad tempus aliquod perseverant. Optimè autem omnia, quæcunque in corpore hoc Lucivomo comparere solent, annotasse & descripsisse videtur *Kircherus* in Mund. Subt. tom. 1. lib. 2. cap. 4. dum ait: *Qui unquam in fornacibus fusoriis in ingentibus cuppis liquefactum æs vidit, is genuinas phanomeni Solaris rationes aliquomodo comprehendere poterit. Sicut enim in hujusmodi cuppis fusoriis undantis materie fervor tales subinde æstus volvit, ut mari cuidam igneis fluctibus agitato, undarumque vorticibus curvato haud absimile videatur, ubi fuligines atra flammis lucidi-*

diffimis junctæ miram quandam facularum umbrarumque vicissitudinem exhibent, in quorum evanescentium locum alia identidem succenturientur; æs verò liquefactum, quod actu funditur, splendorem habet ita splendori similem, ut nulla alia res in natura rerum splendorem Solis melius exhibeat. Et post pauca hæc subnectit.

Quemadmodum terra Atmosphæra sua constans inæquali vaporum exhalationumque amictu cingitur, variasque habet partium dispositiones; alibi enim densam, alibi subtilem & tenuem, ubique varia virium qualitatumque miscella imbutam experimur: in aliis quoque & aliis locis, alia atque alia pro partis evaporantis natura & conditione producit: ita prorsus existimandum est, Solem pyrosphæra sua constare inæquali, uti ex perpetua macularum, fumorum, nebularum, lucularumque in ejusdem superficie nunc ebullientium, nunc iterum evanescentium vicissitudine, irrefragabilis experientia docuit: Atque adeo Solare corpus ad instar Oceani cujusdam ignei in perpetuo motu & agitatione versari, quod quidem sic agitatam pro evaporantis Solaris regionis varia natura, varios quoque in Natura rerum effectus causare nemo dubitabit, qui prædicta penitus fuerit contemplatus: est enim omnium mundanorum corporum eadem ratio, ut quod de terra dicimus, de Sole, Luna, cæterisque Planetis dicendum sit: diversitas in eo solum reperitur, quod unumquodque horum corporum, uti diversam naturam sortitum est; ita diversam quoque exspiratæ virtutis suæ spheram fundet. Hæc rectissime Kircherus. Inspice schema Solaris corporis hic appositum, ubi omnia, quæ hæcenus pluribus exposita sunt, unico intuitu facile adverti possunt.



CAPUT IV.

Tuborum Astronomicorum apparatus ad tres Planetas superiores accuratius observandos, quidve hæcenus de iisdem per Telescopia observando compertum.

Tres superiores Planetæ sunt, nempe Mars, Jupiter, & Saturnus: Vocantur autem superiores respectu Solis, quia supra Solem semper orbitas suas per expansum Æthera continuant. Quomodo igitur Telescopia apparari debeant, ut accuratius hæc altiora corpora cœlestia investigari queant, paucis nunc declarare aggredimur.

§. I.


Inspectio Martis per Telescopia, & quænam ab ita armatis oculis in ejus corpore hæcenus detecta sint, paucis recensetur.

Ad cognoscendam genuinam stellam Martis monet *Hevelius* Selenogr. cap. 4. pag. 67. usitata communiter Telescopia minus esse idonea: quippe lumen Martis superfluum, quod in eo abundat, nisi adimatur, non rotundum, sed in mucronum turbinatum, & rubicundo circulo quasi Iride cinctum apparere. Unde Telescopium dicit ad eum modum ordinandum esse, quo ad stellas fixas intuendas, foramen nempe chartæ, quæ vitro objectivo convexo apponitur, cum indicata apertura coarctando: atque ita Martis corpus exacte detegi & rotundum exhiberi poterit.

Figuram porro Martis quod attinet, à lynceis hoc sæculo Observatoribus per Telescopia melioris notæ, valde varia deprehensa est. *Franciscus Fontana* in suis Observationibus Tract. 6. cap. 1. ait; Martem sibi visum tantum ope Telescopii, quanta videtur Luna plena nudis oculis, sed cum maculâ nigra in medio (quam alii umbonem, ipse cavitatem putat:) & circa limbum obscurius lucentem, ut apparet

Martis fi-
gura varia
observata.

hic in figurâ *A*. Ita eum vidit Anno 1636. At Anno 1638. Augusti 24. ait, visum à se gibbum cum maculâ, quæ indies contractior apparebat juxta decrementum disci Martialis. Ejus specimen habes in figurâ *B*. Eadem prorsus figurâ observatum à se Romæ Anno 1640. Maji 23. Sed sine maculâ aut rubrâ aut nigrâ testatur *P. Zuccius* in literis ad *P. Ricciolum* datis. *P. Daniel Bartolus* scripsit *Ricciolo* visum à se Neapoli Martem non cum maculâ in medio, sed cum duabus maculis in parte inferiori disci Martialis. *P. Rheita* lib. 4. oculi Enoch & Eliæ cap. 5. refert; Martem sibi sapissimè quasi jubatum esse visum, adeò ut Mars nunquam rotunda sed perpetuo jubatæ figuræ appareat: Jubas tamen in schematismo nullas Marti appingit, sed corpora quædam ipsi propinqua, & circa extimam ejus superficiem quasi fluitantia ac circumvolitantia. Vide fig. 3. *Christianus Hugenius* in system. Saturn. scribit, in Marte ad Annum 1656. sed deprehendisse cingulum latum admodum, mediamque disci ejus partem obfuscans, quemadmodum hic in fig. 4. patet. Addit insuper, se discum hujus planetæ parte aliquâ deficientem aliquoties vidisse.



Structura
globi
Martii.

Porro de structura globi Martii scribit *Kircherus* in Itin. Extat. esse eum ut cæteros planetarios globos compositum ex solido & liquido: Et solidum quidem esse fuliginosum instar Sulphuris, Arsenici, Auripigmenti, durissimum tamen & incombustibile, evaporans malignas & exitiales qualitates, sudansque veluti bitumen quoddam, & naphtham copiosam, quin & copiosissimum æque ac fætidissimum ignem è diversis montibus & voraginibus horribili fragore eructans. Humidum vero lentum, pici naturæ liquefactæ haud absimile, mixtum sulphure totumque accensum & flammæ subfuscæ ac veluti fuligine plenas ejaculans.

Macula
sive umbo
Martis
quid sit.

Nigram autem aut rubram maculam, quam aliqui in medio Martis notarunt subinde, alii umbonem, alii cavitatem existimarunt: putat ipse esse ingentem quandam voraginem. Africâ fortassis non minorem: quæ tamen è terris non semper appareat, eo quod globus Martis circa centrum suum vertiginis motu gyretur, sicque fiat,

fiat, ut plaga illa nunc recto nunc obliquo situ spectantium oculis obvertatur: atque inde venit, ut aliam atque aliam subinde figuram, nunc rotundam, nunc oblongam, nunc contractam induere videatur.

Jubas denique seu corpora in extimâ Martis superficie veluti fluitantia, putat *Kircherus* ibidem esse ingentes vaporum & exhalationum fumos, qui tamen non semper, sed tunc tantum appareant, cum vehementius globus æstuet, post aliquantum verò temporis resoluti globo suo restituantur. Atque hinc censet oriri litem Astronomorum, dum alii dicta phænomena se observasse affirmant, alii contra negant.

§. II.

Jovialis globi phænomena per Telescopium comperta recensentur.

Astronomi hujus sæculi adminiculo Tubi Optici mira in Jove detexerunt, com-
primis adverterunt eum fasciis & zonis variis ornatum, deinde pluribus comitibus
stipatum. Appellatur autem ita zonæ illæ sive fasciæ Joviales striæ quædam ob-
scuriore ac magis nigricantes (Hugenius tamen cum aliis perspicue sæpe observa-
vit, eas reliquo Jovis corpore lucidiores, licet alii obscuriores adverterint, quibus
forsan ait, interjectum spatium inter binas zonas lucidiores pro unâ obscuriore fue-
rit) totam, ut in schemate appposito patet, Jovialis globi cæterum lucidi convexita-
tem amplectentes & instar fasciarum stringentes, nunc plures numero, nunc pau-
ciores, & modo in rectam lineam extensæ, modo arcuatæ, arcuumque cavitatibus
subinde sursum, alias deorsum vergentibus, nec cum eadem semper inter se distan-
tiâ, nec ejusdem aut amplitudinis aut gracilitatis semper, ut in figuris, 1. 2. 3. 4. 5. 6.
Iconismi apppositi apparet. Fuerunt autem hæ zonæ primitus per Telescopium
deprehensæ Neapoli à P. Joanne Zupo, Francisco Fontana, P. Bartolo: deinde etiam Bo-
noniæ notatæ fuerunt à P. Ricciolo & P. Francisco Grimaldo, quorum hic etiam ob-
servavit eas parallelas esse ad Eclipticam. Plures figuras eorum, prout à variis ob-
servatoribus diversis temporibus in corpore Joviali notatæ sunt, refert P. Ricciolus in
Almagesto suo lib. 7. sect. 1. cap. 2. quarum aliquas etiam in præsentī Iconismo
exhibeo.

Prima figura Jovem exhibet cum tribus zonis, supremâ tamen angustiori, qua-
rum convexitas sursum, cavitas deorsum vergit. Ita Jupiter visus est Anno 1639.
Maij 22. Item, Anno 1643. & 1646. Januar. 28.

Secunda figura exhibet Jovem cum duabus fasciis valdè invicem distantibus &
convexitate deorsum, cavitare sursum. Talis visus est Anno 1644. Jan. 20. 21. 22.
Neapoli, & Anno 1630. Maij 17. Romæ. Item, Anno 1647. Jan. 23. Bononiæ.

Tertia figura ostendit Jovem cum duabus fasciis, sed sibi invicem propioribus
& inferiore valdè gracili. Ita visus Anno 1643. Bononiæ ab initio Octobris per plu-
res noctes usque ad 13. ejusdem Mensis.

Quarta figura exhibet Jovem cum latiori zonâ & paulo, quam antea, inferiori
duabus valdè gracilibus zonulis utrinque parallelis circumseptâ. Talis visus
fuit Bononiæ Anno 1643. à die 15. usque ad 20. Octobris semper propè me-
ridianum.

Quinta figura offert Jovem jam æquiorē & rectis jam baltheis præcinctum
medio quidem propioribus, & mediâ zonarum ampliore cum duabus hinc inde tenui-
oribus & parallelis. Ita visus Bononiæ 1643. ab initio Novembris horâ quartâ noctis,
& die 13. h. 5. & diebus 14. 15. 23. 30. non longè à meridiano.

Figura sexta repræsentat Jovem cum duabus fasciis rectis omnino, quarum su-
perior in Arctapeliotem versa seu orientior, arctior & obscurior; occidentior
autem in Lybicum conversa explicatior & minus obscura visa fuit; pars verò Jo-
vialis disci inter utramque interjecta longè lucidior toto reliquo disco effulsi-
tus. Ita visus Bononiæ Anno 1648. à die 24. Febr. usque ad 16. Martii.

Ex

Ex his observationibus colligunt Astronomi motum vertiginis in Jove, aut librationem circa suum centrum, unde fit, ut tales fascias nunc ostendat, nunc eripiat, nunc optice ita invicem admoveat, ut jam ex tribus una nobis appareat, nunc duas in aversum hemisphaerium transferat. Colligunt etiam Asperitatem corporis Jovialis, ita ut aliquæ partes lumen remittant, aliquæ non. Quocirca etiam cum circa margines montibus ac tumoribus evidentissimè extantibus apparuisse testatur *Ricciolus* loc. sup. cit. Et novissimè *D. Franciscus Grindl* observavit eundem non perfectè sphaericum, sed multangularem, ac propè Ellipticum cum pluribus maculis majoribus. *D. Cassini* duas quoque maculas observasse scribitur, quæ motu ab Oriente in Occidentem circa Jovem obvolvuntur, ac integram periodum spatio 10. horarum absolvere ab eodem observatæ sunt.

Quod attinet Jovis satellites five comites, primus qui eos Telescopio advertit, fuit *Galileus Galilæi* Magni Hetruriæ Ducis *Cosmi de Medices* Mathematicus, qui idcirco etiam *Mediceæ sdera* appellavit. In numero autem tres tantum observavit, licet communiter alii deinde post ipsum quatuor adverterint. Schyrlæus de Rheita præter hos quatuor alios quinque magis diffitos se observasse dicit, quos tamen plerique in controversiam vocant, ac sedulus earum observator *Christianus Hugenius* in Syst. Satur. quatuor tantum neque plures à se deprehensos confirmat, eosque semper ac facile suo Telescopio deprehensos dicit, nisi cum disco suo aut umbra Jupiter aliquem abscondit; inde verò quam primum emergere coeperunt, conspicuos denuo factos esse; imò priusquam toti exierint, non semel se vidisse meminit.

Jovis comitum situs, motus & alia accidentia,

Certum est præterea, omnes moveri circa Jovem circulariter (vel saltem elliptice aut alio simili motu) non in eodem circulo, seu in ejusdem circuli peripheriâ, sed in diversis, quos figura 7. Iconismi præsentis exhibet; ubi *A* est Jupiter, *B* centrum terræ seu oculus observatoris in terræ superficie, circa quod est coelum Solis *VMS*, coelum Jovis *OAX*, Sol in *S* illuminans Jovem *A* illumque contingens extremis radiis *NR* & *TA*; Jovis umbra conica *AR*. Circa centrum Jovis *A* descripti sunt quatuor circuli concentrici in quibus totidem Jovis satellites, moventur circa Jovem, nempe maximus & extimus *GDF*, in quo extimus & à Jove remotissimus satelles *G* circumvolvitur in superiori parte pericycli in consequentia, seu ab occasu in ortum, nempe à *G* in *D* & inde in *F* & in *r* & *n* donec redeat in *G*; deinde penextimus circulus *IgH*, in quo penextimus satelles *I* volvitur ab *I* in *g*, in *H*, in *p* & *q*, donec revertatur in *I*; postea circulus penintimus *KbP*, in quo penintimus satelles *K* vertitur à *K* in *b* & c. Actandem intimus circulus *LmQ* in quo intimus seu Jovi proximus satelles *L* volvitur ab *L* in *m* & c. Esse autem quatuor dictos satellites sitos in quatuor diversis circulis, & in iis circa Jovem moveri, colligitur tum ex diversis eorum periodis, cum intimus longè celerius absolvat periodum suam, quam extimus; tum quia in majoribus à Jove digressionibus, nempe in lineis *AF*, *AG* nunquam videntur conjuncti, sed valdè sejuncti, ut in *F.H*, *p*, *a* vel in *G*, *I*, *K*, *L*, aut propè Jovem simul constipati apparent, ut in *E*, *g*, *b*, *m*, & quo magis ab eo removentur, eò magis à se invicem sejunguntur. In his autem circulis, cum prædicti comites sunt superiores, ut in *E*, *g*, *b*, *m*, apparent respectu Jovis Australes & in plagâ Antarcticâ, quia ibi tendunt ad Eclipsin; at quando sunt inferiores, ut in *G*, *z*, *q*, *n*, apparent boreales & in plagâ Arcticâ, ac in pari digressionem à Jove videntur hic majores quàm ibi, quoniam hic revera propinquiore sunt nobis, quàm ibi.

Quoad digressiones satellitum maximas à Jove, variis modis eas determinant Auctores, ut in Tabellâ appositâ videre licet.

*Tabella exhibens digressiones Jovis comitum in diametris
apparentibus ejusdem Jovis.*

Auctores	Comites Jovis	1. à Jove	2.	3	4.
	Scheinerus	3	4 aut paulo plus	5. circiter	10.
	Galilæus	3	5.	8	14.
	VVendelinus				
	Dechales	3	5.	8	18.
	Simon Marius				
	Keplerus				
	Herigonius	3	5.	8	18.
	Rheita				
		3	4.	6	10.

Revolutioni periodicæ Jovis comitum, quæ certius numeratur ab una conjunctione ad eandem, quam ab una maxima digressionem ad eandem, plerique tribuunt tempus, ut sequitur.

Periodi Revolutionum comitum Jovis circa ipsum.

Comites Jovis	Dies	Horæ	Min. prim.	Min. secund.
A Jove 1	1	18	28	30
2	3	13	18	0
3	7	3	56	34
4	16	19	9	15

Ad Eclipses horum Satellitum quod attinet, est jam communis opinio & crebris experimentis confirmata, eas quando accedunt proxime ad conjunctionem cum Jove, sive inferiorem, dum feruntur versus occasum in inferiori parte pericycli sui, sive superiorem, dum versus Orientem moventur, ob fulgorem Jovis non videri, sed occidere (ut Ricciolus ait) Zeusi acè, sive Jovialiter, quia nimirum intra Jovis lumen absconduntur; imò extra conjunctionem etiam aliquando Eclipsin pati, in eaque delitescere, majori vel minori mora juxta diversas inclinationes coni umbræ Jovis, & diversam ejus latitudinem, diversamque viciniam satellitum ad Jovem. Præterea remotiores à Jove, quando dejecti in Austrum accedunt ad Jovem, occultantur; qui tamen, quando ad eum accedunt, sed everti ad Boream, apparent; quod non nisi ante oppositionem cum Sole observatum fuit. Postremò consideratis horis & minutis occultationum, quæ fiunt in his Satellitibus ad Orientem tendentibus & situ Solis ad Jovem, constat tunc eas fieri, quando sunt in illa cœli plaga, in quam vergit umbra Jovis à Sole illuminati. Plura alia de Jove & ejus comitibus alibi dicemus.

§. III.

Quomodo ope Telescopii Saturni corpus investigandum, & quid hætenus de eodem compertum.

Ad Saturnum Planetam ab oculis nostris remotissimum investigandum, monet *Hevelius* necesse esse, ut quis utatur optimo ac prælongo Telescopio ex Lentibus omnino perfectis, claris & bene expolitis instructo, minimum 10, 12. vel 15. pedum, aliàs frustra laborabis. Ad hæc oportet, ut Saturnus non Solum quotannis, sed etiam singulis mensibus semel ac iterum observetur, quo eò certior de ejus variâ phase reddi quis possit. Nam penitus sibi persuasus est *Hevelius*, Saturnum singulis annis aliquoties faciem suam mutare posse; comprimis, quando motu est velox. Ex. gr. eodem anno potest esse rotundus & tricorporeus, nonnunquam

etiam denuo rotundus fieri. Alio vicissim anno potest apparere cum globulis pariter etiam sphaerico-ansatus, unde etiam à diversis eodem anno diversimodè videri potest, nempe cum diversis temporibus observatur. Ex observationibus deinde & experimentis ope Telescopii coelo deductis tabulam ordinavit, in qua phases ejus, dato loco ejus in Zodiaco mox addisci possunt, una cum directione fibrarum sive ansularum, quam Tabulam ad cyclum reduxi, ut in Iconismo hic appposito vides.


Iconismus
XXI.


Fundamentum autem Tabulae hoc est. Cum Saturnus totum signiferum 30. circiter annis percurrat, eundem etiam quasi circa axem sese obvolvere eodem tempore accessum sit, totidemque diversas exhibere phases; non minus quoque spatio 30. annorum Saturnum bis fieri elliptico-ansatum, pleno videlicet lumine imbutum, & bis similiter perfecte rotundum, sive monosphæricum; at quater sphaerico-ansatum, sphaerico-cuspidatum, acuminatis nempe globulis ornatum & triscorporeum sive trisphaericum, hoc est, parvulis adhærentibus globulis stipatum, si nimirum ex Sole phases considerentur secundum motum Planetæ perpetuo in orbita suâ directum. Unde certo exinde concluditur, nullis omnino refragantibus observationibus, Saturnum in Sagittario & Geminis phasin primam, in Capricorno, Cancro, Tauro & Scorpione phasin tertiam, in Aquario, Leone, Ariete, & libra phasin quintam; in piscibus & virgine phasin septimam; in alijs vero locis intermedijs aliam atque aliam phasin, 2. 4. & 6. perpetuo exhibere conspicuam. Vide Tabulas subjectas & Iconismum appositum.

Tabula ostendens, dato loco Saturni in Zodiaco ejus Phases.

<i>Signa Zodiacy.</i>	<i>Diversitas phasium Saturni, earumque Nomina.</i>	<i>Numerus phasium.</i>
♄ ♊	Saturnus est Elliptico - ansatus forma oblongiori.	1.
	Elliptico - ansatus formâ breviori.	2.
♄ ♋ ♌ ♍	Sphaerico - ansatus.	3.
	Rotundus cum globulis oblongis & acuminatis spatio factis notabili in corpore remotis.	4.
♄ ♎ ♏ ♐	Rotundus cum globulis itidem rotundis ab intermedio corpore paululum remotis.	5.
	Rotundus cum globulis minoribus corpori adhærentibus.	6.
♄ ♑	Monosphæricus seu perfecte rotundus ac solitarius.	7.

Specialis





*Specialis autem exhibitio Phasium Saturni ita se habet
ex eodem Hevelio.*

V	Grad. 7. Saturnus est trisphæricus, sive tricorporeus.
	Grad. 25. Sphærico -- cuspidatus.
♄	Grad. 1. Sphærico -- ansatus.
	Grad. 25. Elliptico -- ansatus. N. 2.
♂	Grad. 17. Elliptico -- ansatus, plenus. N. 1.
♂	Grad. 9. Elliptico -- ansatus. N. 2.
♂	Grad. 1. Sphærico -- ansatus.
	Grad. 25. Sphærico -- cuspidatus.
♂	Grad. 1. Trisphæricus.
	Grad. 16. Monosphæricus.
♂	Grad. 7. Trisphæricus.
	Grad. 25. Sphærico -- cuspidatus.
♂	Grad. 1. Sphærico -- ansatus.
	Grad. 25. Elliptico -- ansatus. N. 2.
♂	Grad. 17. Elliptico -- ansatus plenus. N. 1.
♂	Grad. 9. Elliptico -- ansatus. N. 2.
♂	Grad. 1. Sphærico -- ansatus.
	Grad. 25. Sphærico -- cuspidatus.
♂	Grad. 1. Trisphæricus.
	Grad. 16. Monosphæricus.

Directio fibrarum sive ansularum est in signis subjectis.

V & ♄	Eclipticalis.
♂	Neutralis.
♂ & ♀	Æquinoctialis.
♂	Neutralis.
♂ & ♀	Eclipticalis.
♂	Neutralis.
♂ & ♀	Æquinoctialis.
♂	Neutralis.

His suppositis audet *Hevelius* phases Saturni in multa deinceps sæcula prædicere, quamnam scilicet phasis hoc vel illo anno inferiori mundo Saturnus per Telescopium comparere queat. En Ephemeris Phasium Saturni ad plures annos ex eodem ut sequitur.

<i>Ephemeris Phasium Saturni.</i>					
Anno	Menſe	Phaſes Saturni.	Anno	Menſe	Phaſes Saturni.
1656 1657	à Januario uſque ad Septembrem.	Rotundus & globulis pror- ſus exutus	1682 1683 1684	A Novembre uſque ad Julium	Tricorporeus
1658 1659		Tricorporeus	1685 1686	A Septembr. uſque ad Octobr.	Rotundus per- fectè.
1661 uſque 1667		Anſatus	1687 1688		Tricorporeus
1669 1670		Tricorporeus	1690 uſq; ad 1696		Anſatus
1672 1673	A Martio uſq; ad Aprilem	Rotundus per- fectè.	1699 1700		Tricorporeus
1674		Tricorporeus			
1677 uſque 1681.		Anſatus	1701.		Rotundus per- fectè.

Porro ad explicanda diverſa hæc Saturni phænomena, valdè diſſentiunt Autho-
res: intendit autem controverſiam omnem dimovere *Chriſtianus Hugenius* ex obser-
vationibus per Tubos ſuos cœlo deductis. Obſervavit enim Anno 1655. Martii 25.
(ut refert in libello peculiariter de Saturno conſcripto, cui titulum præfixit, *Systema
Saturnium*) Tubo Optico 12. pedum Saturnum brachiis in lineam rectam extenſis, &
circa extremitates paulo latioribus, ſub finem autem ejusdem Anni, eum rotundum
ſine ullis brachiis ſpectavit, lineâ tamen obſcuriore medium diſcum pervadente.
Paulo poſt brachia renaſci vidit, quæ ſenſim majora evaſerunt, donec tandem in an-
ſas verterentur.

Ut igitur his obſervationibus ſatisfaciat, hypotheſin hanc excogitat: Vult Sa-
turnum cingi annulo plano (ut vides hic ad medium cycli in Iconiſmo repræſenta-
tum) Æquatori parallelo, cujus conſequenter axis ſit parallelus axi terræ, & ad
magnum orbem inclinetur grad. 23. 30. qualis eſt declinatio maxima orbis annui.
Cum igitur terra in orbe annuo circumferatur, ſicut ipſe vult, oblique, ut plurimum
hunc annulum ſpectamus, ſed obliquitate diverſa; Ideoque nonnunquam exilis,
aliquando latior apparet; aliquando tandem ita oblique ſpectatur, ut vix appareat,
ſed evaneſcat, rotundumque Saturnum relinquat.

Verum hæc hypotheſis non exhibere videtur omnia phænomena hætenus
comperta, præſertim, quando Saturnus tricorpor cum globulis planè à medio cor-
pore remotis apparet, uti plures eum obſervarunt. Sed ejusmodi obſervationes
ab eodem *Hugenio* ut ſpurix & falſæ rejiciuntur, juſte vel injuſte, ſubſequentia tem-
pora melius manifeſtabunt.

Alii

Alii tamen, ut *Kircherus* & *Schottus* in Itin. Extat. sentiunt, ansulas istas esse comites Saturnios, quos & habere proprium lumen asserunt (licet Saturnus ipse aliunde illuminetur) eoquē aut simul aut vicissim illuminare Regem suum; atque eodem modo circa Saturnum moveri circulariter, & pro vario situ apparere nobis nunc magis ab eodem remotos, ac veluti ansulas efficere; nunc magis propinquos, & propter Saturni corpus interjectum semilunatos; nunc deniq; nullo modo comparere, quia vel retro latent, vel antepositi non apparent distinctē, quia simul Saturnus ab iis illuminatus in oculos nostros incurrit. Atque hāc ratione optimē putant salvari posse omnia phaenomena hactenus per Tubos meliores observata.

Ansulæ Saturni quid sint.

Solertissimus præterea *Hugenius* in libro supra memorato scribit, novum Saturni comitem se detexisse, qui intra dies 16. minus scrupulis 47. unicam circumvolutionem absolvat. *P. Schyrlaus de Rheita* verò sex alias stellulas circa eundem Saturnum se observasse scribit; quas fixas fuisse arbitrantur plerique, cum ulteriora hactenus experimenta Telescopica, quæ observationes *Rheita* confirment, à sagacibus aliis Observatoribus non asserantur.

CAPUT V.

De Stellarum fixarum accuratiori observatione Telescopica, & quid de his ab oculis Telescopio armatis in cælo detectum.

Atria hactenus promicantis cœli, & spatiosos expansi porticus, quos præclarissima illa errantia lumina, sine ullâ tamen erroris notâ pervagantur & oberant, armatis artificialiter oculis lustrare docuimus: nunc adhuc altius obtutum elevare, & intima cœli stellantis penetralia, immensum inquam firmamenti expansum, ubi tot lucivomæ stellæ velut faces jugi flammâ ante Aras potentissimi Numinis accensæ verius, quàm laquearis Ætherei funalia, aut occumbentis Solis funereæ lampades elucescunt, audacter subire & perlustrare conabimur. *Species equidem cœli, ut ait Ecclesiasticus, gloria stellarum mundum illuminans in excelsis Dominus.* Hæc splendidissima sidera sunt Mundi dignissima spectacula, maximè illustria Munifici Creatoris munera, evidentissima divinæ potentiæ testimonia. Quæ olim jam in Patre credentium nos etiam Deus suspicere voluit, dum ait, Gen. cap. 12. *Suspice cælum, & numera stellas, si potes.* Hoc itaq; capite aliquo nunc altius caput oculosque, atque hos probè armatos & lynceos erigere docebimus, non ut absolutè & finitè lucidissima illa cœli lumina numeremus, sed ut in eorum multiplici varietate & varîâ multiplicitate deprehensâ Optimi Conditoris Magnificentiam & Majestatem maximè admirari & collaudare discamus.

§. I.

Quædam pro aptatione & usu Tuborum Astronomicorum ad stellas fixas accuratius per-vestigandas utiliter scienda proponuntur.

I. Stellæ imprimis sic dictæ videntur, vel à scintillando Latinis, vel Græcis *στῆλλαι*, quod radios emittant: aliàs sidera à sidendo, quod vel subsidant, id est occidunt, vel quod eidem ferè semper loco insidunt. Et licet duo ista vocabula pro iisdem vulgò sumantur, Astronomi tamen etiam frequenter distinguunt, stellamque dicunt, corpus unicum cœleste, uti est cor Leonis, oculus Tauri, vel simile: Sidus verò idem ac Astrum plures stellas in unam imaginem redactas, ut Leo, Taurus, Ursa &c. Fixæ porrò dicuntur, non ideò, quod omni prorsus motu carentes quasi infixæ sint cœlo, sed respectivè, quod eandem inter se à prima creatione distantiam ordinemque servantes tardissimè moveantur, ideoque immotæ quasi stare videantur. Unde etiam, quod non ita vario vagoque motu, uti Planetæ moventur, incerrantes appellantur.

Stellæ unæ de dictæ.

II. Constellationes, quæ & Astra, Sidera, Asterismi, formæ, imagines, figuræ & configurationes cœlestes, nec non & signa stellata dicuntur, nihil aliud sunt, quàm certus numerus & multitudo stellarum certam firmamenti partem positu suo circumscribentium, rei alicujus imaginem referens, ut eò melius singulæ dignosci queant. Vel sunt spatium cœli magnitudinem & figuram certam ex situ vicinarum stellarum accipiens. Harum constellationum diversi diversum ponunt numerum. Recentiores omnes cum Keplero ponunt 62. Aliquæ sunt in Zodiaco, aliæ extra; & hæ, vel recedunt in Septentrionem, vel in Meridiem. Quæ extra Zodiacum in Septentrionem recedunt, vocantur Boreales; quæ in Meridiem, Australes. Has ita subjungimus.

Constellationes antiquæ sunt 50. Novæ additæ 12. in Australi cœli parte detectæ.

Boreales.			In Zodiaco.			Australes.		
<i>Nomina constell.</i>	<i>Ptolom.</i>	<i>Kepler.</i>	<i>Boreales.</i>			<i>Nom. constell.</i>	<i>Ptol.</i>	<i>Kepler.</i>
Ursa minor	7	20	<i>Nomina.</i>	<i>Ptol.</i>	<i>Kepl.</i>	Cetus	22	25
Ursa major	35	56	Aries	18	23	Orion	38	62
Draco	31	32	Taurus	44	52	Eridanus	34	39
Cepheus	13	12	Gemini	25	30	Lepus	12	13
Bootes	23	29	Cancer	13	17	Canis maj.	29	29
Corona	8	8	Leo	35	40	Canis min.	2	5
Hercules	28	31	Virgo	32	41	Centaurus	37	37
Lyra	10	11	<i>Australes.</i>			Argonavis	45	53
Cygnus	19	28	Libra	17	20	Lupus	19	19
Cassiopeja	13	45	Scorpius	24	27	Hydra	27	33
Perseus	29	34	Sagittarius	31	31	Crater	7	8
Auriga vel E- richtonius	14	27	Capricornus	28	28	Corvus	7	7
Serpentarius	29	56	Aquarius	45	45	Ara, thuri- bulum	7	7
Serpens	18	26	Pisces	34	40	Corona		
Sagitta	5	8	Galaxia seu via lactea est compactura quasi & congeries minutissimarum stellarum, quæ contiguè collucent, sensumque ob parvitatem effugiunt, ope Tubi Optici melioris facile deteguntur. Sunt etiam in aliis adhuc locis, quæ nudo oculo non apparent.			Australis	13	13
Aquila	15	12				Piscis Au- stralis	18	17
Antinous	0	7				Grus	—	13
Delphin	10	10				Phoenix	—	15
Equiculus	4	4				Indus	—	12
Pegasus	20	24				Pavo	—	23
Andromeda	23	26				Apus	—	11
Triangulum	4	4				Apis, musca	—	4
Coma Berenices	0	15				Chamaeleō	—	10
						Triangulū Australe	—	5
						Piscis volās	—	7
						Dorade seu Xiphias	—	7
						Tocam, An- fer	—	8
						Hydrus	—	21

Signorum omnium numerum & ordinem sequentes versiculi breviter exhibent, ut memoria faciliè retineri queant.

Zodiacus monstrat bis sex hæc signa notanda.

Est Aries, Taurus, Gemini, Cancer, Leo, Virgo,
Libra, & Scorpius, Arcitenens, Caper, Amphora, Pisces.

Ad Boream veteres ter septem Sidera ponunt.

Est minor Ursa, Draco, Cepheus & Cassiopeja,
Andromede, Perseus, Auriga, Trigonus, & Ursa
Major, Pegasides, & Equi præfectio, Delphin,
Inde volans Vultur, Telum, Lyra fulgida, Cygnus,
Hercles, Anguitenens, Serpensque, Corona, Bootes.

Ast ex sparsilibus sex addunt signa recentes:

Est Apis, est Tygris, Jordanis, Cæsariesque,
Antinousque puer, prædoque Camelus ad Urfas.

Sidera ter quinque hæc vulgò numerantur ad Austrum.

Cetus & Eridanus, Lepus, & nimbosus Orion,
Syrius & Procyon, Argo ratis, Hydra, Craterque,
Corvus, Centaurus, Lupus, Ara, Corollaque, Piscis.

Nauta novem atque decem cernit nova signa sub Austro.

Est Unicornu, Gallus, Nohæque Columba,
Musca volans, Piscis, Dorado, Chamæleon & Crux,
Deltoton, minor & major Nubecula, Rhombus,
Grus, Pavo Indus, Hydrus, Apis Indica, Toucan.

III. Magnitudo fixarum stellarum distribuitur ab Astronomis in sex classes seu ^{Stellarum} ordines & gradus, indeque primæ, secundæ, tertiæ, quartæ, quintæ & sextæ magni- ^{fixarum} tudinis dicuntur. Primæ magnitudinis seu dignitatis sunt, quæ quantitate ac co- ^{magnitu-} piâ luminis reliquas omnes vincunt, numeranturque quindecim his versiculis ^{do.} comprehensæ.

Primâ luce Canis major præfulget in Austro,
Mox humerus dexter, pes lævus Orionis: Inde
Est oculus Tauri, supraque corusca capella,
Hinc Lyra & Arcturus, cor Scorpii, Arista puellæ
Anteit cor Hydræ, sic cor & cauda Leonis:
Ast infra Famahand lucet Canobus, Acanor.

Secunda magnitudo vendicat stellas 45. *Bayerus* numerat 69. *Keplerus* 58. Tertia magnitudo 208. vel 218. Quarta 474. vel 494. Quinta 217. vel 354. Sexta 490. aut 240. His additur septima classis illarum, quæ obscuræ dicuntur & nebulosæ, nihilque sunt aliud, ut ope Telescopii compertum, quàm plurium stellularum coetus & congeries in arctissimo cœli spatio collocatarum. Numerantur communiter 14. De numero stellarum non est, quod quis inquiret, quia ferè videtur innumerus, etsi non infinitus; & solius Conditoris est, teste Propheta, *qui numerat multitudinem stellarum, & omnibus eis nomina vocat*, Psal. 146. plures enim nudo oculo apparent acuto, quàm debili, plures insuper armato vitris & Lentibus per Telescopium (ut sequenti §. patebit) quam acutissimo oculo libero; plures etiam pro temporis annui Hyemalis aptitudine, aërisque intermedii purioris constitutione, ut ita ritè certus earum numerus definiri non possit. Inspici tamen poterit tabella sequens.

Authores.		<i>Ptolomæus.</i>	<i>Grinbergerus.</i>	<i>Bayerus.</i>	<i>Keplerus.</i>
Stellæ magnitudinis	1	15	15	17	15
	2	45	55	63	58
	3	208	201	196	218
	4	474	456	415	494
	5	217	304	348	354
	6	49	186	341	240
Obscuræ & nebulosæ		14	8	3	13
Sparfiles		0	0	326	0
Summa		1022	1225	1709	1392

Natura
stellarum
ex colore.

IV. Color fixarum stellarum varius est, è quo earum Natura ab Astronomis colligi solet; illumque ocularis inspectio rectius monstrat, quàm operosa descriptio. Dividitur color earum cum Naturâ juxta numerum Planetarum, quia dum colorem eorum æmulantur & perspicuè exhibent, eorundem etiam Naturam participare creduntur: unde aliquæ Saturninæ, aliæ Joviales, aliæ Martiales &c. nuncupantur. Saturninæ sunt liventes seu plumbeum colorem exhibentes minusque lucidæ. Joviales sunt claræ & candido lucent fulgore. Martiales Marti accensentur ferruginæ, quæ rubent & fuscæ sunt. Solares flavæ medio quodam modo rubent & valdè splendent. Venereæ sunt buxæ, seu buxæo splendore clarescunt. Mercuriales sunt cineritiæ seu cinereâ luce splendidæ: Lunares pallidæ sunt, seu palentis hebetisque luminis. Additur his octava classis earum, quæ plurimum Planetarum naturam imitantes ex binis quasi commixtum aliquem colorem exhibent.

V. Ut scire quis possit, quænam stellæ supra aliquem Horizontem conspicuæ fieri queant, servire poterit hæc Regula. Si stella fuerit borealis, & ejus declinatio major complemento elevationis poli, stella semper omnibus noctibus conspicua esse poterit in tali Horizonte ad Boream. Si verò fuerit stella Australis & ejus declinatio major complemento elevationis poli, non ascendet supra Horizontem illum, ne cunquam conspicua fieri poterit. Si verò fuerit ejus declinatio minor tali complemento, ejus parallelus Horizontem secabit, eritque aliquando supra, aliquando infra Horizontem, adeoque orietur & occidet, itaque aliquando videri de nocte poterit, aliquando non.

Tempo-
ris apti-
tudo pro
stellis cer-
nendis.

VI. Ad ritè videndas stellas fixas firmamenti, sive oculo libero, sive per Telescopium armato, scire convenit, quod Æstivis noctibus aptiores sint hybernæ, eo quod hæ longiores, ac propter remotiorem Solis distantiam ab Horizonte majoremque inde enatam tenebrarum spissitudinem stellæ magis in aspectum deduci queant: illarum contra tenebræ lucidiores faciant, ut per eas stellæ minùs distinctè apprehendi possint. Insuper aptiores sunt noctes illunes, quando nempe Luna abest; ineptissimæ, cum pernox est Luna. Vel paucis ut dicamus. Hyeme cœlo sereno & absente Lunâ, tempus aptissimum est vespertinum horâ una vel secunda post Solis occasum, aut Matutinum una vel altera hora ante Solis ortum.

Stellarum
scintillatio
& capilli-
tium.

VII. Cum stellæ fixæ ferè omnes lumen habeant tremulum & inconstans (hoc est, scintillent & lumen hinc inde vibrent) quo etiam à plerisque Planetis discerni solent, ac quidem turbulento aëre & propè Horizontem sitæ plurimum; tranquillo autem & magis supra Horizontem elevatæ languidiùs; idcirco ut eæ per Tubos Astronomicos aspiciantur, conducit semper eligere tempus & earum situm, quo minùs scintillent, & ad earundem superfluum sive adventitium lumen (quod alii vocant capillitium) detrahendum, quatenus earum magnitudines exactius depre-

deprehendi possint, præstat angustiore & arctiori foramine, sicuti supra jam primo capite hujus Synt. indicatum est, Lentem objectivam aperire. Quò valentiori itaque lumine stellæ præditæ sunt, ut adventitii radii dimoveantur, semper angustior apertura vitris objectivis danda est; ad languidioris verò luminis stellas, sicut & ad novas quascunque solùm detegendas, apertura laxior permitti potest.

Hic tamen modus, quo arctiore foramine Lentes objectivæ in Tubis Astronomicis pro stellis exactius cernendis aperiuntur, non placet *Hugenio*, unde pro meliore aptatione alicujus Tubi ad stellas fixas suadet Lentem ocularem fumo afficere, ut ita earum lumen adventitium planè detrahi queat. Fixarum enim etiam maximè splendorum diametros nullâ unquam se latitudine potuisse cernere dicit, sed tantum minimi puncti instar, quoties vitris leviter fuligine infectis usus fuit ad auferendos radios adventitios. Ex *Hevelii* verò consilio in *Selenogr.* exterius vitrum contingens ita ut exiguum tantum foramen permetteret, aliquam quidem magnitudinem præ se ferre illas vidit, quam tamen non stellarum propriam esse, sed ex aliqua visûs fallaciâ nasci arbitratur. *Nam nostra*, inquit, *methodus trans fumum, quò Lens proxima oculo tincta est, stellas inspiciendi certa est, & omni erroris suspitione carens.* Sic etiam Planetas quosque nimîa luce radiantes, Solemque ipsum intueri docet idem: foramine autem exiguo majorem lucis partem excludendo non tolli, ait, penitus circumfusus sideribus radios, sed in orbem minorem satisque perfectè concinnatum eos cogi opinatur, qui imprudentibus pro ipsius stellæ corpore imponat. Sed hisce sic indicatis in praxi melius adverti potest, quid stellarum fixarum observatori eligendum, dum præstantioribus Tubis Astronomicis oculos ad eas accuratius observandas præmunire studet.

*Hugenii
modus ad
auferen-
dos radios
adventi-
tios stella-
rum fixa-
rum.*

§. II.

*De Phenomenis novis stellarum fixarum ope Telescopii
detectis.*

Usus admirandum Telescopii in novis antehac nunquam visis & priscis planè incognitis stellarum fixarum phenomenis cœlo tandem seriùs deductis, hoc loco paucis nunc libet memorare. Comprimis itaque constat, & multorum Observationibus per Telescopia factis compertum habetur, cœlum sidereum longè pluribus stellis esse refertum, quàm ante Optici Tubi inventionem lyncei qualescunque Astronomi illud intentissimâ quavis acie instructum viderunt. Quocirca bene clarissimus *Hevelius* in *Selenogr.* sua scripsit: *Jam mille ferè fixis stellis locupletatum est cœlum, imò mille millia reperiri poterunt Telescopiis ad majorem perfectionem adductis.*

Via lactea, quæ antiquitus Philosophos omnes mirè exercuit, jam certè apparet densissimâ innumerarum exiguarum stellarum congeries, ac coacervatio & cumulus ingens, quæ distantia sua diversa diversas etiam magnitudine repræsentant. Similiter nebulosas stellas compertum est, nihil aliud esse, quàm plurium stellarum congeriem & cumulum.

*Via lactea
plena stel-
lis.
Stellæ ne-
bulosæ.*

P. Rheita lib. 4. oculi Enoch & Eliæ, cap. 1. memb. 7. hæc refert. Enimvero novo Telescopio Astronomico uno obtutu plus quàm 50. stellas oculo exhibente, in sola Orionis constellatione duplo quasi plures stellas sæpius numeravimus, quàm veteres in universo firmamento, scilicet quasi 2000. In viâ lactea omnino quasi non est numerus. Ait deinde, se in Orionis constellatione quasi tunicæ Domini inconsutilis figuram: aliam verò infra Leonem, sudarii Veronicæ similitudinem referentem deprehendisse. In Tauri verò signo esse crucem quasi Teutonicam, in Orione calicem: circa stellam polarem quasi manum clausam cum Indice extento. Item, in aut propè cingulum Orionis vidisse se tricorpoream stellam; in Plejadibus verò maximâ multitudine coruscantibus circulum, & in circulo quasi infantem jacentem, ita ut tota cœli spectabilis facies longè alia sit, quàm Veteres cum Ty-chone depinxerunt.

*Rheita
observa-
tiones in
cœlo stel-
lifero.*

Idem in epistola ad *Joannem Caramuelem* datâ Colon. 24. April. 1643. scribit inter alia, quod cum stupore & summâ admiratione ac delectatione sudarium Veronicæ

nica sive faciem Domini maximâ similitudine in Astris expressum in signo quasi Leonis intra Æquinoctialem & Zodiacum circulum clarissimè per Tubum suum binoculum detexerit. *Continet autem* (ut verba ipsa Authoris referam) *hæc pulcherrima constellatio ultra 120. aut 130. lucidissimas stellas, densissimè uti agmen apum in medio compactas, quatuor majoribus in angulis quasi conclusas, uti hæc figura qualitercunque exhibet.*



Quin & Aquilarem lyram adhuc heri plusquam 150. stellis constare, signum Tauri ultra 200. didici: sed & micantes Plejades ceu stupens intuitus sæpius quasi Apiarium densissimo agmine apum circumdatum conspexi plusquam 100. faculis decorum. Sed quid de Orionis etiam à sacris literis commemoratâ imagine & Majestate dicam? credin', si illum tunica talari Josephi sanguinis guttis (hoc est, infinitâ stellarum serie constitum & finitum) simillimum dicam? seu potius ipsi tunica Domini inconsutili optimè assimilare velim? permittin', si ei 500. stellas solum intra quadrigam contentas tribuam? Prò Deum! nec 600. nec 700. sufficiunt, sed neque 900. ejus numerum & exercitum claudunt. Dicam ego ulterius: solus Orion omnium fixarum hætenus ab Astronomis cognitum numerum absorbet, ita ut revera ultra millenarium numerum ejus exercitus solus excrescat. Hæc Rheita in dicta epistola.

In Orionis
Astro mira
detecta.

Videtur certè Orionis Astrum plurimarum stellarum congerie, & earum ordinatione planè singulari refertum, cum ab aliis adhuc valdè mira nusquam antehac visa phænomena ope Telescopii ibidem sint detecta. Ita scribit *Hugenius* in *Syst. Satur.* quod cum Anno 1656. longiori Tubo suo tres illas stellas in ense Orionis proximè ad invicem collocatas, ac comprimis earum mediam fortè accuratiùs inspexisset, quod pro una illa mediâ duodecim adverterit eo positu & situ, quo in figurâ subjecta exprimuntur.



Ex his autem ait, tres illæ penè inter se contiguæ, cumque his aliæ quatuor velut trans nebulam lucebant, ita ut spatium inter ipsas, quâ forma hic conspicitur, multo illustrius appareret reliquo omni cœlo: quod cum apprimè serenum esset ac cerneretur nigerrimum, velut hiatus interruptum videbatur, per quem in plagam magis lucidam esset prospectus. Idem phænomenon se sæpius atque eodem semper loco conspexisse, ait *Hugenius*, adeò ut perpetuam illic sedem habere credi possit, nec simile quicquam in toto cœlo reliquo videri.

In dextro quoque pede Orionis *Franciscus Grindel* per Tubos suos duas stellas clarissimo splendore circumdatas Solis quasi æmulas observari dicit, quibus in eo splendore phænomenon simile per totum firmamentum inveniri haud queat. Sed hæc phænomena novissima post inventum Tuborum Astronomicorum usum in cœlestibus detecta pro eorundem commendatione retulisse sufficiat. Plura alia adhuc quotidie deteguntur & detegi poterunt, maximè cum instrumentorum Opticorum fabrica perfectior & aptior producet. Unde bene *Schottus* in *Kircheri Itiner. Extat. prælus. in firm. §. I.* ait: *Arrogantia profectò est non toleranda, credere obtutum nostrum lyncæis licet viribus nuper invento Telescopio adauctum omnes lustrasse stellas; stultitia, certis numeris & nominibus constringere velle. Hoc Dei opus est, qui numerat multitudinem stellarum, & omnibus eis nomina vocat, Ps. 146. Multa nos in cœlo semper effugient; nova fixa, novi etiam Planeta propius rimantibus se se prodent. Astris cælum ornavit, non ut sibi, non Angelis, sed nobis ut usui forent. Quidni ergo ut nobis aliquando innotescant, & magnam Dei gloriam cum aliis enarrent, volet? contemplemur interim & numero constringamus, si possumus, stellarum multitudinem, quas Dei munificencia nobis manifestare est dignata.*



CAPUT VI.

Quomodo Telescopia apparari, & practice usurpari debeant ad observandas diametros apparentes quorumvis corporum cœlestium.

CUM diametri apparentes necessario requirantur ad corporum cœlestium magnitudines mensurandas, ideo tam veteres, quam moderni Astronomi plurimum semper laborarunt in iisdem accuratius ac certius deprehendendis. Non videtur autem ullus modus in praxi certior & accuratior, quam qui per Telescopia debite ad usum accommodata fieri potest, quem itaque hoc capite nunc proferemus.

§. I.

*Quomodo Diameter apparens Solis exactior per Telescopia inve-
stigari possit.*


t. Modus
observan-
di diame-
trum ap-
parentem
Solis.

Plures modos diametrum Solis apparentem observandi refert *Dechales* lib. 4. Astron. prop. 27. inter quos præcellunt ii, qui adhibitis ac debite adaptatis Telescopiis peragi possunt. Comprimis docet modum *Tichonis Brache* amplius perficere. Requirit autem hic modus duo instrumenta mensoria (velut esse possunt duo quadrantes valde magni & exquisiti usus) quibus eodem temporis momento limbi utriusque, inferioris scilicet & superioris in corpore Solari altitudo supra horizontem exactè observatur: Altitudinum porro inventarum differentia exhibebit diametri solaris apparentis quantitatem petitam. Quia tamen nudo oculo margines sive limbi solares non exactè satis, ut nonnullis videtur, determinari possunt, ita ut in altitudinibus præcise ibidem observandis proclive sit, uno vel altero minuto secundo aberrare, præsertim si quadrantes non satis magni adhibeantur: quocirca ut exquisitius solaris alicujus limbi altitudo determinetur, usurpari potest modus, qui nunc invaluit, ad magnos scilicet quadrantes Telescopium accommodando eo modo, qui sequitur.

In primis canalis æreus aut ferreus lineæ horizontali quadrantis ita afferruminatur, ut amplius dimoveri non possit. Hic Tubus aut canalis instruitur Lente objectiva ad anteriora, & Lente oculari: sed uno aut altero digito ante Lentem ocularem introrsum duo tenuissima fila serica extenduntur in crucem, nempe unum filum horizontaliter per duo foramina traducitur; aliud verò per duo verticalia. Si Solis altitudo hoc Instrumento sit observanda, vel Lentes ex colorato vitro sint compactæ, vel Lens objectiva non multum detegatur, sic enim oculus solaris radii patiens fiet. Obverte deinde Telescopium ad Solem, tamque diu illud attolle, donec fila, quæ optime distinguuntur, limbum superiorem Solis videantur attingere; quod cum magna præcissione fiet: nam perpendiculum quadrantis appensum ejus altitudinem in quadrantis circumferentia indicabit. Imò solent quadrantis centro regulam filo etiam tenui instructam appendere, quod filum in quadrantis circumferentia gradum & minuta, imò & secundorum decades indicare potest. Si igitur tali instrumento circa meridiem superioris limbi altitudinem, tum statim inferioris, & ita consequenter omnium maxima altitudo utriusque limbi habebitur, & differentia erit Solis diameter apparens.

Si duo instrumenta simul eodem tempore adhibeantur, rectificanda erunt: hoc est, cum sæpe in Tubo aptando, suisque filis & Lentibus instruendo vix fieri possit, ut axis Tubi sit perfecte parallelus lineæ horizontali quadrantis, observandum erit quantum deficiat, quod pluribus modis fieri poterit. Ut si alicujus objecti altitudo observetur, tum inverso instrumento & contrarium situm tenente, si eadem altitudo recurat, signum est, axem Tubi lineæ horizontali instrumenti congruere. Reliqui modi videri poterunt in Authore loco citato.

Alius



Alius modus accommodatior esse potest, si paretur Tubus opticus duabus Lentibus convexis instructus, & extendatur intra Tubum paulò ante Lentem ocularem (ad distantiam scilicet propè ejus foci) filum tenuissimum: tegatur deinde maxima pars Lentis objectivæ, ut paucissimos radios admittat, addantur etiam vitra colorata; sic enim splendor solaris oculorum aciem non perstringet. Tum circa meridiem dirigatur Tubus ad Solem inspiciendum, ita tamen, ut filum sit verticale, & immoto Tubo, cum primum limbus occidentalis filum attinget, perpendiculum ad motum incitetur, ejusque oscillationes numerentur, donec limbus orientalis idem filum perstringat. Ex numero vibrationum innotescet tempus, quod Sol infumit, donec pertranseat planum meridianum. Nam eo tempore tot minuta Æquatoris, ex. gr. (posito scilicet, quod Sol tunc sit in Æquatore) transeunt per illud planum, quot Sol suo disco nobis occultat: Sed Sol nobis occultat tot minuta, quot ejus diameter apparens continet. Ergo minuta per hoc tempus inventa verè æquantur diametro apparenti.


2. Modus accommodatior.

Si verò Sol versetur in aliquo parallelo: invenientur quidem tot minuta gradus, quot teguntur ab ejus diametro; quæ cum sint minuta minoris circuli, plura erunt, quàm requirat Solis diameter, quæ supponitur divisa in minuta majoris circuli. Fiat ergo, ut sinus totus ad sinum complementi declinationis illius paralleli, ita numerus minutorum inventorum ad quartum: proveniet numerus quartus proportionalis, & indicabit diametrum apparentem Solis quæsitam. Nam cum gradus paralleli ad gradum Æquatoris, & minutum ad minutum se habeat, ut sinus complementi declinationis ad sinum totum: & habeantur minuta paralleli quæ in diametro Solis continentur; hæc æqualia erunt eo paucioribus minutis Æquatoris, quo Æquator major erit parallelo. Fiat ergo: ut sinus totus ad sinum complementi declinationis seu ad semidiametrum paralleli: ita numerus minutorum paralleli inventus ad minuta maximi circuli in diametro Solis contenta.

Hæc methodus in eo optima videtur *Dechales*, quod facile ope perpendiculi minutum horarium primum possit dividere in 240. partes sensibiles: est autem 240. pars minuti horarii, decima sexta pars minuti gradus. Quare minutum gradus in sexdecim partes æquales sensibiles dividetur, quod nullo alias instrumento haberi posset.

Adhuc alius modus observandæ Solis diametri ope Tubi optici indicatur à *Dechales* ibidem, qui ita peragitur. Inferitur enim Tubus opticus communis Lente convexâ & concava constans, in duo plana invicem parallela, ut hic in figura vides, transmittiturque radius solaris, ac charta munda *DEFG* in plano similiter parallelo excipitur. Est autem linea *BC* in plano meridiano. Notetur ergò in charta diameter solaris imaginis, quæ sit verb. gr. *BC*: tum firmato instrumento in eodem situ ad aliquos dies notetur rursus diameter solaris imaginis, quæ sit *AC*: supputetur declinatio Solis pro utraque die observationum, habebiturque differentia declinationis. Ponatur jam, hanc differentiam esse 18. minutorum. Fiat itaque: ut *BA* ad 18. minuta; ita *BC* diameter solaris ad quartum; & proveniet numerus minutorum in solari diametro contentorum. Ratio est, quia differentia declinationis 18. minutorum deprimit imaginem secundum lineam *BC*, quæ cognoscitur; habetur item tota *BC*. Ergo scientur minuta, quæ in tota *BC* continentur.

3. Modus ope Telescopii observandi diametrum apparentem Solis.



Est tamen in eo difficultas, ait *Dechales*, ut instrumentum tamdiu firmum permaneat, unde necessarium judicat, ut Tubus adhibeatur metallicus, ne contignationi, sed muro ipsi firmiter adhæreat. Quare paulò aliter idem modus usurpari potest. Nam transmissio, ait, ut prius, per Tubum opticum solari radio, charta, quâ excipitur, tamdiu circa centrum volvatur, donec motus imaginis sit parallelus lineæ *GE*: tum eo momento, quo limbus imaginis attingit punctum *A*, incitetur perpendiculum jam præcognitum, hoc est, de quo supponitur cognitus numerus vibrationum horarius: numerentur igitur oscillationes perpendiculi, donec limbus oppositus imaginis præcisè attingat idem punctum *A*. Hæc operatio ter aut quater iteretur, ut certus sit & indubitatus numerus vibrationum. Cætera eodem modo procedunt, quo supra. Sic ex accuratissimis observationibus cujusdam Domini *Mouton* hoc Artificio institutis, concludit, diametrum Solis apparentem deprehensam esse

	Min.	Sec.
In { Apogæo	31.	30.
Mediis distantis	32.	0.
Perigæo	—	32. 30.

P. Ricciolus tamen juxta suas observationes definit apparentem Solis diametrum

	Min.	Sec.
In { Apogæo	30.	30.
Mediis distantis	31. 56.	
Perigæo	—	33. 8.

Ad discrepantiam hanc conciliandam putat *Dechales* prop. 29. bene statui posse diametrum Solis apparentem

	Min.	Sec.
In { Apogæo	30.	50.
Mediis distantis	31.	56.
Perigæo	—	33. 2.

§. II.

Lunæ diameter apprens, quomodo ope Telescopii exquirenda.

Quomodo
tempore
Eclipsis
lunaris
totalis
diameter
investiganda

Ad observandam apparentem Lunæ diametrum modi practici præced. §. indicati etiam servire poterunt; observatio tamen semper in plenilunio institui debet. Exactior tamen modus esse potest, si instituatur tempore lunaris Eclipsis totalis, si nempe initium accuratè Tubo optico observetur, & tempus insumptum ad totalem observationem exactè perpendiculo expendatur. Ut autem motus verus horarius Lunæ in

na in longitudinem à Sole facilius & exactius habeatur, debet ad tempus 12. horis præcedens Eclipsin distantia vera Lunæ à Sole supputari, & ad tempus 12. horis subsequens idem præstari, & sic motus verus Lunæ diurnus à Sole per 24. horas dividi: quotiens enim exhibebit Lunæ motum horarium. Instituitur deinde regula trium hoc modo. Si Luna movetur in longitudinem à Sole, ex. gr. gradibus 0. min. 26. sec. 28. quantum mora est intra tempus inventum? Minuta quæ proveniunt, erunt diameter Lunæ quæsita.

Exemplum

Supponamus, ab initio Eclipsis ad totalem obscurationem, Lunam insumpsisse unam horam & min. 6. seu minuta 66. & horarium ejus motum supra Solem esse min. 26.28. Per regulam Auream erit

Ut

60. minuta temporis, sive una hora ad grad. 0. min. 26. sec. 28.

Ita

Minuta 66. ad grad. 0. min. 29. sec. 6.

Hæc igitur minuta 29. sec. 6. erunt apparens diameter.

Ratio manifesta est. Nam quia Luna non obscuratur, nisi in quantum ingreditur umbram terræ: non ingreditur autem umbram terræ, nisi in quantum ejus motus major est motu umbræ, sive Solis. Ergo Lunæ obscuratio totalis æqualis est motui Lunæ à Sole interea, dum tota obscuratur.

Alius modus D. *Mouton* observandi diametrum Lunæ apparentem videri potest apud *Dechales* Astron. lib. 4. prop. 28. quo etiam ab ipso diameter Lunæ apparens inventa est, ut sequitur

In Syzygiis Lunæ Apogææ	min. 29. sec. 32. & 36.
In mediis distantis	— min. 30. sec. 5.
In perigæo	— min. 33. sec. 29.

P. *Ricciolus* observavit diametrum Lunæ apparentem.

In Syzygiis Lunæ Apogææ	— Min. 28.
In Mediis distantis	— Min. 30. sec. 30.
In Perigæo	— Min. 33. sec. 30.

§. III.

Quomodo reliquorum Planetarum diametri apparentes ope Tubi optici exactius observari queant.

Ad has diametros exactius deprehendendas opus est Tubo eximia notæ, ac etiam prælongo: in Veneris etiam ac Mercurii diametris observandis conducit plurimum, Lentem ocularem fuligine leviter inficere, ut ita Planetarum istorum ambitus perfectius circumterminari queant, sicut *Hugenius* in Syft. Saturn. tradit, cujus etiam methodum accuratissimè diametros apparentes Planetarum ipsis verbis Authoris referre libet. Ait enim: Locus quidam est intra Tubos, qui solis convexis vitris instructi sunt, circiter altero tanto amplius, quam convexum oculare ab oculo distans; quo in loco si quid intra Tubi cavitatem visui objiciatur, quantumvis subtile aut exiguum, id distincte prorsus ambituque exquisite terminato conspicitur; atque ita pro ratione latitudinis suæ partem aliquam rei lucidæ, velut Lunæ per Telescopium spectatæ visui subducit. Exacta loci determinatio his, qui nullo vitio visus laborant, in focum convexi ocularis cadit; Myopi aliquanto propinquius punctum accipiendum est, contraque, qui tantum à longinquo clare vident, paulo remotius; quod experientia protinus docere potest. Hic igitur, si primo annulus statuatur cum foramine paulò angustiore, quàm sit vitrum ipsum oculo proximum:

co tota

Modus
Hugenii
adducitur.

eo tota Tubi apertura sive spatium circulare, quod uno obtutu in cœlo detegitur, præcisa circumferentia descriptum habetur. Cujus spatii diameter, quot scrupula comprehendat, aliquo pacto inquirendum est, atque optime quidem ex transitu sideris alicujus, cujus tempus numeretur vibrationibus perpendiculi, vel ope horologii nostri oscillatorii nuper inventi, Telescopio interim immoto manente. Scimus enim 4. scrupulis horariis unum cœli gradum & exiguum quid amplius transire: ideoque si verb. gr. numerentur scrupula secunda 69. interea dum stella quædam fixa totam Telescopii capacitatem emetitur; argumento erit, $17\frac{1}{4}$ scrupula prima Telescopii hujus apertura comprehendere, sicut nostro evenit. Quo invento virgulam unam atque alteram ex ære aliaque materia parare oportet decrescente paulatim latitudine, Tubumque perforare utrimque circa locum illum paulò ante memoratum, quò possint in ipso ejus puncta virgulæ transversæ ante oculum obtendi. Cum igitur Planetæ alicujus diametrum metiri cupimus, adhibita eo, quo dicimus loco, virgula, notandum est, quænam hujus latitudo totum Planetam contigere possit: Ea enim latitudine aucto deinde circino accepta, atque ad totius foraminis amplitudinem collatâ Planetæ diameter apparens facili ratiocinio innotescit. Ita *Hugenius*.

Subjungit deinde observationes, quas hæc praxi instituit. Sic inquit ulterius, die 29. Decemb. 1658. diametro Veneris invenimus convenire virgulam, cujus latitudo æquabat $\frac{1}{20}$. totius foraminis: est autem hoc, uti diximus $17, 15$. Ergo Veneris diameter erat $51, 45$. distantia autem Planetæ ad minimam suam à terris distantiam se habebat circiter ut 27. ad 16. Ergo diameter ejus terris proxima $87, 20$.

Rursus Anno 1659. Martii 8. horâ 6. matut. Veneris diametrum observavimus, quæ æquabat $\frac{4}{7}$ apertura Telescopii: ideoque erat $61, 30$. distantia autem eo tempore ad minimam Veneris à terris distantiam se habebat, ut 430. ad 316. Ergo diameter ejus maxima fit $83, 40$. Sed & aliàs eadem methodo semper tantum paulò majorem minoremve invenimus. Nam sæpius examen hoc repetivimus, atque ex omnibus medium quid sumentes 85 pro maxima Veneris diametro supra statuimus.

Post pauca deinde subnectit *Hugenius*. Porro illud in Methodo à nobis traditâ commodissimum accidit, quod nec Lunæ nec sideris cujusque conjunctionem cum eo, quem metiri volumus Planetâ operiri necesse est, sed omni tempore ejus usus conceditur. Nec ad Planetarum tantum diametros pertinet, sed ad Lunares quoque maculas accuratè describendas, comitumque Jovialium distantias accipiendas rectissimè adhibetur. Ad Planetarum autem diametros longis, atque optimæ notæ Telescopiis opus esse sciendum est, nec negligendum in Venere & Mercurio, ut fuligine leviter inficiatur. Lens oculo proxima, quo perfectius Planetæ ambitus circumterminetur. Atque hic est modus *Hugenii*, Planetarum diametros apparentes investigandi.

Modus
alius ope
Tubi com-
munis.

Alius modus esse poterit, quem etiam adducit *Dechales* lib. 6. Astron. prop. 53. qui Tubo optico eximiæ quidem notæ, sed Lente convexâ objectivâ & concavâ oculari instructo peragitur. Melius autem assumitur Tubus communis ita instructus, quàm convexo-convexus, quia minus spatium aperit, adeoque etiam apertura sive capacitas illius facilius dimeriri poterit.

Ut autem practice capacitas Tubi inveniatur, debet videndo per illum notari pars cœli aut spatii cœlestis, quam simul exhibet. Quod fieri aptissime poterit, vel dirigendo Tubum ad discum Lunarem, & observando diligentissime, quam partem Lunaris disci simul ostendat, & per quas maculas ejus limbus procedat. Sic enim, cum aliunde in minutis nota esse possit diameter Lunaris disci, etiam facile determinari poterit, quot minorum sit spatium à Tubo comprehensum. Veletiam potest

test dirigi Tubus in duas stellas notæ distantia, quas præcisè capiat. Unde cognitâ semel capacitate Tubi, quoties Planeta distabit, aut à Lunâ, aut ab aliquâ fixâ minori spatio quàm sit capacitas Tubi; dirigatur Tubus in Planetam, & æstimetur, quot Planetæ requirantur ad replendum illud spatium. Bonum est etiam, totam Tubi capacitatem insertis filis in partes æquales dividere; puta 10. Sic enim sine ullâ comparatione innotescet facilius, quam partem ejusdem capacitatis occupet.

Pariter si intra Tubum opticum melioris notæ extendatur filum tenue verticaliter & Planetâ stationario, & circa meridianum posito, expectetur, donec limbus ejus occidentalis filum attingat, adhibeaturque funependulum, donec alter limbus ex eodem filo emergat, poterit similiter bene quantitas diametri apparentis Planetæ deprehendi. Item, cognitâ semel, ex. gr. diametro Jovis (quæ possit esse mensura cæterarum diametrorum) possunt ita juxta *Dechales* loc. cit. aliorum Planetarum, sicut & fixarum stellarum diametri apparentes reperiri. Assumantur circuli chartacei, & inter multos eosdem tamen modicè differentes unus eligatur, cui per Tubum appareat æqualis discus Jovis. Hic deinde asservetur quasi omnium mensura, illiusque diameter dividatur in quotcunque partes: tum ad alium quemcunque Planetam aut stellam fixam dirigatur Tubus; & alius circulus inter multos etiam modicè differentes eligatur ille, cui æqualis per Tubum appareat Planetæ vel stellæ visæ discus. Hujus deinde circuli diameter comparetur cum diametro Jovis antea cognita, & exactè satis quantitatem diametri apparentis determinabit. Sed ecce Tabula, in quâ exhibentur jam singulorum Planetarum diametri apparentes, prout à diversis Authoribus observatæ sunt.

Aliæ prax-
es indi-
cantur.

PLANETÆ.

Authores	Distantia	Saturni	Jovis	Martis	Veneris	Mercurii
		min. sec. tert.	min. sec. tert.	min. sec. tert.	min. sec. tert.	min. sec. tert.
Hortensius	Maxima	0. 40. 40.	1. 1. 40.	1. 4. 0.	1. 40. 0.	0. 28. 0.
Gassendus	Media	0. 37. 0.	0. 50. 0.	0. 36. 0.	0. 53. 0.	0. 19. 0.
Herigonius	Minima	0. 31. 0.	0. 38. 30.	0. 9. 0.	0. 15. 20.	0. 10. 0.
Ricciolus	Maxima	0. 34. 30.	1. 8. 46.	1. 30. 0.	4. 8. 0.	0. 25. 12.
	Media	0. 26. 40.	0. 49. 46.	0. 22. 0.	1. 4. 12.	0. 13. 48.
	Minima	0. 22. 46.	0. 38. 18.	0. 10. 6.	0. 33. 30.	0. 9. 20.

§. IV.

Quomodo stellarum fixarum diametri ope Telescopii melioris deprehendi queant.

Indicatum est, jam præced. §. quomodo Tubus opticus melioris notæ aptandus sit, ut certas aliquas disci lunaris partes comprehendat. Quâ comprehensione notâ, si Tubus in eâdem aptatione dirigatur ad stellam fixam, facile æstimari & notari poterit, quot ejus diametri intra capacitatem illam Tubi adhibiti possint excipi: atque ita etiam, quanta una stellæ visæ diameter compareat. Similiter ex observatâ exactè diametro Jovis & circello eidem conveniente, uti præc. §. dictum, poterit stella fixa & eidem æqualis circellus comparari, & ex factâ comparatione diversitas facile æstimari, atque ita apparens diameter determinari. Item, poterit Tubus ita aptari, ut aperturae capacitas præcisè Jovis discum adæquet; quod fieri poterit, vel retractione oculi, ut per minutum foramen ita perspiciat, vel poterit intus in Tubo diaphragma aliquod ita perforatum applicari, ut foramen omnino Jovis disco

Memoran-
tur praxes
jam indi-
cata.

Ec

conve-

conveniat. Vel instruatur Tubus opticus filo tenuissimo paulò ante Lentem ocularem, ut supra jam memoratum. Deinde expectetur diligenter Tubo ita instructo, & observetur transitus stellæ propè meridianum existentis; & ubi limbus ejus occidentalis filum attigerit, perpendiculo numerentur vibrationes, donec limbus orientalis è filo rursus emergat: invenientur in primæ magnitudinis stellâ quinque aut sex minuta secunda. Si stella fuerit in Æquatore, hoc tempus in minuta gradus converti debet, ut exquiratur diameter apparens stellæ. Si verò fuerit extra Æquatorem, idem tempus in minuta gradus convertatur, & sciatur diameter in partibus proprii paralleli, quæ reductæ deinde ad partes maximi circuli dabunt quæsitam diametrum apparentem stellæ observatæ.

Suppositâ diametro Jovis secund. 44. & Saturni secund. 34. 30, qualem aliquando invenerunt *Ricciolus* & *Grimaldus*, & comparando diametros fixarum cum diametris Jovis & Saturni divisas, primi in 200. partes, & Saturni in 160, inventæ sunt stellis fixis hic subjectis respondere

			Diametri Apparentes.		
	Partes		Min. Sec.	Tert.	Quart.
Syrio	82.		18.	0.	0.
Aldebaran	70.		15.	24.	1.
Spicæ Virginis	68.		15.	5.	1.
Caudæ Leonis	57.		12.	30.	1.
Stellæ polari	36.		7.	54.	2.

Atque hæc de Tubis Astronomicis & eorum accuratiori aptatione ad cœlestes observationes ex aliis accuratissimis hætenus observatoribus, quos scire potui, breviter sic indicasse sufficiat. Plura haud dubiè communicare potuissem, si major mihi eorum experimentum faciendi, ut libentissimè voluissem, ex temporis, loci, & occasionis opportunitate facultas permixta fuisset. Interim tamen, quæ ipse ab aliis jam observata scire potui, etiam hoc loco aliis haud denegare volui, ut qui aptiorem nacti sunt opportunitatem, hic jacta & jam progerminantia semina altiorum machinationum habere queant.



figura 1.






fig. 2.




fig. 2.




fig. 4.





fig. 5.




fig. 6.






fig. 7.








SYNTAGMA V.

MAGIA TELE-DIOPTRICA,

In quâ reconditiora magisque admiranda Technasmata Tele-
dioptrica proferuntur & exponuntur.

HOc Syntagmate tandem producemus secretiora quædam Technasmata magis curiosa, & à communi hominum sensu & intelligentiâ multum abdita ac remota, ut non tantum indoctiores eadem attoniti inspectare, sed etiam peritiores jucundâ quâdam cum hallucinatione ab eorum contemplatione in admirationem adduci perfacile possint. Habent autem ea ferè omnia causas suas & principia theorica in relatis, ut ita in iisdem studiosius disquirendis ac demonstrandis opus haud sit hic tempus chartamque terere. Quocirca restrictis verborum ambagibus (ne verbis tantum Lectorem delinire videamur) succinctè admodum, ut poterimus, eadem exponere & declarare conabimur.



CAPUT I.

*Technasmata varia circa magis artificiosam & admirandam
specierum immissionem referuntur & explicantur.*

Licet in primo operis hujus fundamento variè de specierum in obscuro loco exhibitione, & imaginum inde formatarum representatione egerimus: quia tamen ibi tantum vulgò nota tradidimus, hic reconditiores quosdam representationum modos tradere visum fuit. Sit itaque

Technasma I.

*Arcula catoptrico - dioptrica constructio, in quâ ejusdem
objecti foris existentis multiplices imagines tam eversæ
quam erectæ curiosè exhiberi possunt.*

Fiat cistula *AFIL* habens duos Tubulos invicem commissos *PO* & *QR*, ut in figurâ I. apparet, quorum *QR* fiat mobilis & ductilis, ut pro ratione distantie objecti possit nunc magis, nunc minus educi, atque ita species nitidissimè ad planum *EG* trajicere queat. In Tubo quoque *QR* debet accommodari vel

Iconismus
XXII. fi.
gura I.

unica Lens convexa, vel si multum libeat augere imagines, Lens convexa minoris sphaerae cum cavâ competente, ut in fund. 2. Synt. 2. cap. 3. pro. 10. coroll. 1. indicatum, & hic jam etiam melius declarabitur. Cistula AL circa EG accommodetur intus vitrum planum, quod ex unâ parte sit tersissimè politum, ex alterâ verò optimè quidem attritum, at impositum, ut loco chartae oleo imbutae ibidem servire queat ad species sistendas & nitidissimas inde formatas imagines excipiendas. Porro cistulae interioris latera AED superius, & $BHGC$ inferius, sicut & $DFGC$ & $ABHE$ sibi parvella investiantur speculis planis: Pars autem reliqua interior EL intus denigretur, vel panno laneo nigro obducatur. Latus quoque AC asserculo plano occludatur aperto solum foramine N circa medium, per quod oculus inspectare queat: Eritque sic cistula catoptrico-dioptrica parata.

Usus.

Cistula ita aptè præparata, si ex quocunque loco saltem à tergo parumper opacato versus quaecunque objecta teneatur, poterit Oculus ad N applicatus multiplices imagines objecti foris existentis nitidissimè videre erectas quidem superas & inferas velut d & e ; inversas verò quascunque alias, velut c & b .

Annotatio I.

Quod si ad foramen N accommodetur ex torno elaborata aliqua capsula e & g f b , quæ justè congruat foramini N , possitque pro libitu ibidem converti: capsula autem ita sit aptata, ut in b f sit clausa, ne oculus ad planum EG prospectare possit, in i & k tamen congruenter ita sit excisa & aperta, ut aptâ conversione factâ oculus nunc solum ad latera AF , & BG , nunc aliâ conversione ad latera AH , & DG spectare possit; videbit in priore conversione plures objecti imagines omnes erectas; in posteriori verò omnes eversas.

Annotatio II.

Potest etiam in foramine N collocari vitrum convexum, quod augeat species in plano vitro EG depictas: verum cum & vitia etiam minima ibidem detegat, atque ideò species tam mundè non repræsentet; nec illas quæ à speculis in lateribus affixis reflectuntur, tam bene exhibeat: ideò satius erit, adhibitâ Lente cavâ ad convexam augmentum specierum, si illud intendatur, procurare.

Annotatio III.

Poterit etiam in loco foraminis N reponi vitrum valdè pellucidum utrinque planum, ne pulvis aut quævis fordes incidant in specula: imò totum latus AC poterit vitreâ aliquâ tabulâ planissimâ & politissimâ probè concludi, ut ita oculus quaquaversus inspiciens tanto plures imagines à multiplici reflexione causatas curiosius advertere possit.

Annotatio IV.

Quod si species in vitrum planum EG projiciantur erectæ, ut efficere docuimus in Fund. 1. Synt. 3. cap. 4. præg. 2. adhibitâ scilicet duabus aut tribus Lentibus convexis; omnia contingent modo contrario, ita ut oculus supra vel infra inspiciens videat multiplices imagines eversas; ad latera verò AH vel DG intuens videat omnes erectas.

Technasma II.

*Constructio cistulae parastatica, in qua imagines satis
magnae representari possunt.*

Modus ordinarius species in parvis cistulis representandi adhibet unicam Lentem convexam paulo majoris sphaericitatis. Præstantior tamen modus est, quo una cum Lente cavâ ad aliquam Lentem minoris sphaericitatis adhibita etiam in minori distantia imagines satis magnæ & auctæ exhiberi possunt, uti in Fund. 2. Synt. 2. cap. 3. prop. 10. indicatum; & nunc practicè declarabimus.

Paretur ex arido & bene siccato ligno cistula prout ex. gr. in 2. fig. apparet, & abscondatur in eâ speculum *ab*, atque ita collocetur versus Tubos *ABC* invicem bene commissos, ut species inde trajectas nitidissimè in vitrum planum *c* ex unâ parte obscuratum reflectere possit. Aut, si libeat cistulam paulò aliter construere, poterit ea formari, prout in fig. 3. representatur: ubi vitrum planum *c* ex unâ parte obfuscum directè Tubis *ABC* invicem commissis opponitur, ut absque reflectione species eò delatæ terminentur. Verum quia in tali projectione species, & ex his formatae imagines sunt eversæ, ut itaque erectæ conspici queant, aptetur in interiori parte ostioli *ab* speculum planum, quod pro libitu una cum ostiolo *ab* disponi quovis modo possit: sicque oculus in illud obtutum figens eas ibidem cernere poterit erectas.

Porro ut imagines majores ad vitrum *c* prolabantur, convenit Tubos *ABC* invicem commissos cum vitris ita aptare. Assumatur ex. gr. pro Lente objectiva convexa in capsâ competente *C* reponenda Lens utrinque æqualiter convexa ex diametro $\frac{1}{100}$ huic deinde Tubo *BC* immittatur alius Tubus paulo minor *Def*, & in ejus extremitate *ef* accommodetur Lens plano-concava. Ex gr. è diametro $\frac{1}{200}$ sicque aptetur ad convexam Lentem in capsâ *C* collocatam, quousque species quam maximæ compareant (quod practice facile ad album parietem fieri poterit eo modo, quo supra focos Lentium advertere docuimus) Tubus deinde *BC* cum incluso alio minore Tubo *Def* immittatur in majorem alium Tubum *A* cistulae affixum, & disponatur ita, ut species quam nitidissime ad vitrum *c* appellant: eritque sic cistula parastatica parata, quæ imagines multò majores, quam si in simili distantia per solam Lentem convexam adhibitam species adducerentur, exhibere poterit.

Annotatio.

In tali combinatione Lentis cavæ cum convexâ possunt species & ex iis formatae imagines diversimode representari, minores ac majores, & in diversis distantis, prout Lens cava ad convexam propius aut remotius collocatur. Vide prop. 10. supra. cit. coroll. 4.


Technasma III.

*Arculae Artificiosæ constructio, in qua per duplicem specierum im-
missionem unica objecti imago formari & vivacissime
exhiberi potest.*

Memini ante aliquot annos hanc quæstionem ad me perscriptam à viro quodam in Mathematicis admodum docto & celebri, num fieri posse putem, ut in Arcula aliqua per duplicem immissionem specierum, sive per duos Tubulos suis Lentibus instructos unica objecti foris existentis imago in chartâ vel quovis alio plano depingi queat? Ad quæstionem hanc, uti tunc respondi, hic nunc paucis melius declarabo.

Potest per duplicem specierum immissionem, sive duos Tubos Lentibus in virtute æqualibus instructos una simplex objecti ejusdem imago ad eandem communem basim formari, ac vivacissime representari. Quod sic ostendo.

Sit objectum foris existens AB longius remotum, ita ut radii ejus censeantur venire de longinquo, sive reputentur pro physice parallelis, incidantque ex puncto A radii prius in Lentem CD : similiter alii ex eodem puncto A in Lentem EF . Fiet itaque conus radiosus post Lentem CD , nempe CbD ; post Lentem EF verò EdF . Similiter intelligantur radii à puncto B prolapsi incidere in utramque Lentem, ita ut respondentis conii sive penicilli radiosus post Lentem quidem CD sit CaD , post Lentem verò EF sit penicillus EcF . Certum jam est, per duplicem istam immisionem sive duas Lentes convexas CD & EF à se invicem remotas fieri duas imagines, nempe ab imaginem à Lente CD , & cd imaginem à Lente EF etiam à se invicem remotas. Applicentur jam debite duo specula LI & MK , quibus radii isti penicilli alio detorqueantur, ita quidem, ut penicillus CaD factâ reflexione in speculi LI spatio ef reflectatur in H , & penicillus CbD detorqueatur ita, ut factâ reflexione in spatio gb transeat ad punctum G . Et quod dicitur de his penicillis, poterit dici de aliis quibusvis intermediis ab aliis punctis objecti AB derivatis. Erit jam imago projecta à Lente CD in basin GH . Potest autem similiter penicillus EdF earundem specierum cum speciebus penicilli CbD ad punctum G reflecti: Item, penicillus EcF earundem specierum cum speciebus penicilli radiosus CaD sive $CeHfD$ uniri in puncto H . Unde etiam ambæ imagines à duabus Lentibus alias projectæ possunt ad eandem basin GH cōniri. Et quia tunc ex plurium specierum, sive radiorum similium unione & superpositione singula puncta imaginis secundum eandem qualitatem repræsentandi intenduntur; ideo etiam imago GH vivacior effici poterit. Patet ergo, quomodo per duplicem immisionem etiam simplex imago ejusdem objecti vivacior in aliqua Arcula exhiberi possit; quod erat declarandum.



Annotatio I.

Quod si practice talem immissionem in Arcula aliqua instituere libeat, prodest interposito aliquo corpore velut *NO*, aut facto aliquo intersepto nimium lucis ingressum cohibere, ut ita species mundiores & præcisiores in basim *GH* transferri queant.

Annotatio II.

Si specula in cistula aliqua transversim versus ejusdem scilicet latera applicentur, comparebunt quidem species in basi *GH* everse, rectæ tamen quoad situm lateralem dextrum scilicet vel sinistrum, ita ut dextra pars imaginis projectæ respondeat dextræ parti objecti, & sinistra pars imaginis sinistræ objecti. Si verò specula ita accommodentur, ut unum sit supra, alterum infra; species comparebunt erectæ, situ tamen converso laterali, ita ut dextra appareant sinistra, & sinistra dextra. Unde patet ad praxin, quod si istæ duæ ordinationes Lentium & speculorum ita accommodentur in aliquo cylindro vel rotundo majori Tubo, qui possit in cistula pro libitu converti, quod possint in eadem cistulâ pro ratione dispositionis hujusmodi majoris Tubi diversimode res, nunc erectæ, nunc everse curiosissime exhiberi.

Annotatio III.

Quod si Arcula aliqua pro duplici tali immissione aptetur cum speculo in præfixo ostiolo, velut in fig. 3. Iconismi apparet, poterit Arcula hæc taliter ordinata inruentibus speculum in ostiolo firmatum res extra curiosissime exhibere ut sunt, omni scilicet ex parte rectas. Plura alia non memoro, quæ Lectori sagaci facile hinc patere possunt.

Technasma IV.

Constructio Machinæ parastaticæ, quæ objecta foris à tergo constituta curiosissime erecta exhibere potest.

Construatur machina, ut in fig. 5. apparet. *ABC* sit corpus machinæ ex aridis lignis constructum; intus autem supra foramen *cd*, per quod inspicere debet in machinam, disponatur transversim ad situm fundo machinæ parallelum charta oleo imbuta; vel, quod melius est, vitrum parastaticum, ab una scilicet parte tenui attritione infuscatum, quod species trajectas ibi terminare debet. Infra autem in fundo machinæ collocetur & debite elevetur speculum planum *ef*, quod imaginem in *ab* terminatam justè possit per foramen *cd* repræsentare. Disponantur etiam supra machinam duo Tubi, nempe *E* & *D* probè inter se commissi; & quidem Tubus *E* sit machinæ agglutinatus firmiterque commissus; Tubus vero *D* fiat mobilis, ac in omnem partem ductitius, ut pro ratione distantie objecti, nunc magis, nunc minus educi queat. In capsâ *G* disponatur speculum planum *hi* ad 45. gradus inclinatum, ut species à Lente convexa *g* per Tubum *F* trajectas congruè in machinam ad vitrum *ab* trajicere possit: Eritque sic machina parastatica parata.

Ufus.

Hæc machina sic constructa hunc usum habere potest. Ut si ex. gr. in mensa collocetur, ita quidem ut apertis fenestris rostrum *F* sicut & foramen *cd* ipsum objectum foris existens directè respiciant, oculus per foramen *cd* inspiciens machinam curiosè objecti imaginem videre poterit erectam. Quod si verò ita machina aptetur, ut rostrum quidem objectum videndum respiciat; machina verò ita collocetur, ut foramen *cd* in contrariam partem respiciat, objecti species per foramen *cd* inspectanti comparebunt everse. Alio etiam quocunque situ si machina disponatur; aliter etiam species exhibere poterit.

Technasma

Technasma V.

Fabrica alterius Machinæ parastaticæ, in qua ad album planum trajectæ species curiose videri possunt, erectæ vel eversæ.

Fabricam hujus machinæ vides in figura 6. depictam, quæ à priori in paucis differt habetque hoc peculiare, quod species etiam si intuitus objectum versus perforamen *H* formetur, erectas comparere faciat: specierum verò immissarum basis communis ordinata ad exhibendam objecti foris existentis imaginem non terminatur ad vitrum vel chartam oleo imbutam, sed ad album planum *ab* velut chartam candidissimam in latere *AI* contra foramen *H* affixam, prodestque, parum inclinari, ut in figura videre licet. Speculum autem secundum *ef* infra foramen *H* in fundo machinæ ita collocatur & elevatur, ut species vivacissime & nitidissime ad chartam vel dealbatam partem *ab* reflecti possint. Si tamen hæc machina ita collocetur, utrostrum *F* Lente sua munitum, sicut & foramen *H* respiciant objectum; inspicienti machinam species comparent eversæ.

Technasma VI.

Constructio Machinæ, in qua ad alterutrum latus oculo inspectanti objectorum imagines comparere possunt erectæ.

fig. 7.

Ut artificiose quovis modo doceamus species in obscuratis machinis erectas exhibere, superest, ut modum etiam nunc indicemus, quo curiose, si ad latus alterutrum machina inspiciatur, imagines ibidem per species trajectas efformatæ spectari queant erectæ. Pro hoc Artificio aptissime expediendo parari potest machina, velut in fig. 7. repræsentatur; ubi dum immissio specierum per Lentem objectivam in *F* collocatam perficitur, mox ea à speculo *ib* per Tubum trajicitur ad aliud speculum *ef* in fundo machinæ debite elevatum: inde rursus reflectitur ad chartam oleo imbutam, vel, quod melius est, ad vitrum ex una parte obscuratum ac erectum perpendiculariter in ipsa machina, sicut in *ab* aliquantulum videre licet. Ante hoc vitrum parastaticum, ubi species terminari debent, accommodatur aliud speculum *LMNK* in capsâ competente, ita ut manubrio prostante *L* super polum *K* speculum *MN* nunc ad hoc, nunc ad illud latus pro libitu converti possit. Tota itaque machinâ sic constructâ, si per foramen *H* patens (quod tamen extra usum ostiolo congruo etiam occludi potest) speculum *MN* inspiciatur, videri possunt imagines ibidem à speciebus transmissis efformatæ erectæ.

Annotatio I.

Ut tres præcedentes Machinæ exactius construi queant, pro praxi singulariter observandum, ut imprimis machinæ interius plurimum obscorentur, & nigro saltem colore imbuantur. Deinde Lens convexa adhibeatur bonæ virtutis, quæ aperturam, quantum fieri potest, satis magnam admittat, ut ita vivaciores species trajicere queat. Item, specula sint tersissima & nitidissima.

Annotatio II.


Patet jam ex diversis istis immisionibus specierum practicè in Arculis seu quibusvis machinis faciendis, quomodo etiam in loco stabili artificiosè species ita induci queant, ut objecta foris existentia repræsentet erecta.

Technasma VII.

Quomodo specierum immissio per Aquam curiosissime fieri possit.

Docet Kircherus Art. Mag. Luc. & umb. lib. 10. part. 2. cap. 5. & ex ipso Schottus Mag. dioptr. Synt. 2. cap. 1. jucunda quædam & valde admiranda spectacula curiosè per aquam exhibere: veluti sunt imagines hydromantico Artificio ex oculis subducere, & mox reducere, sive efficere, ut imagines derepente compareant & dispareant.

Hac





*Efficit attonitos Ars dum nova pocula proferit
Et facit in clero Spectra natant mero*

fig. 42

fig. 3

fig. 4





Hâc ratione ajunt, posse Solis, Lunæ, ac stellarum quarumvis ortus & occasus, item regimen planetarum pro singulis horis in vase a. constructo per aquam repræsentari. Item, posse in fundo alicujus vasis imaginem aliquam ita dissipari, ut non nisi eodem vase aquâ repleto, & quidem ex certo loco imago collecta & ordinata comparere queat. Neuter tamen meminit hydromantici Artificii, quo similiter planè immissio specierum atq; ita quarumvis imaginum innatantium in aqua, veluti hominum, animalium, volucrum &c. cum omnibus motibus, actionibus, coloribus, ac quibusvis aliis accidentibus repræsentatio vivacissima in loco tantum subobscuro curiosissimè ac jucundissimè fieri possit. Artificium igitur paucis hoc loco indicabo.

Fiat vas *ABEF* ex cupro vel alia materiâ solida habens infra pro fundo vitrum planum *EF* ex una aliquâ parte tenui attritione obscuratum, ut sæpè hætenus memini, cum mixturâ aliqua glutinosa ex pice, resinâ, calce ac similibus firmissimè coagmentatum, ut ita infusam aquam optimè continere possit. Infra vitrum *EF* in spatio vacuo intus denigrato abscondatur speculum planum *c d* & debite eleverur, ita ut radii per Lentem convexam in *e* collocatam subingressi aptissimè ad vitrum *EF* reflecti queant. Vas ita paratum, si repleatur aquâ purissima, & in subobscuris aliquo loco (qui scil. à tergo lucem incidentem non habeat) ita versus objectum aliquod à Sole illuminatum velut *D* collocetur, ut Lens *e* objectum, quod videri petitur, respiciat: videbit oculus *C* objectum illud quasi in aqua natâre, poteritque simul omnes motus & actiones curiosissimè & jucundissimè distinguere.

Iconismus
XXIII.
Figura I.

Annotatio I.

Ut Artificium magis tegatur, potest vas aliquantulum altius formari, & Lens convexa in alio fundo directè vitro parastatico opposito circa medium abscondi; speculum deinde extra Lentem apponi ac debite elevari, ut species prius ad speculum, deinde à speculo per Lentem ad vitrum trajici queant. Potest etiam speculum fieri mobile circulariter in centro Lenti directè opposito, ut vase quomodocunque collocato facilè disponi & versus quodcunq; objectum converti & accommodari possit: Neque etiam tam magnum requiritur, sed sufficere etiam potest exiguæ portionis. Potest item in artificialiter perforato vase intra ornamenta & parerga quædam sic occultari, ut Artificium tam facilè penetrari nequeat. Quod dum paucis ita indico, Artifici multarum speculationum campum aperio.

Quomodo
Artificium oc-
cultiori
modo per-
ficiendum.

Annotatio II.

Quod si ejusmodi Artificium hydromanticum stabiliter in loco aliquo, qui plenè obscurari possit, ita accommodetur versus forum aliquod aut viam publicam hominibus frequentem, curiosissimè multa cum maximâ intuentium voluptate per Aquam repræsentari poterunt. Ita quoq; variæ ludicræ repræsentationes, uti sunt, venationes, certamina, terribilium formarum & spectrorum apparitiones in cupreo vase ad modum cistæ parato (quod occludi alias potest) dum aperitur, & conclave obscuratur, maximâ cum admiratione per Aquam demonstrari possunt. Ita multo secretius & admirabilius per Artificium hujusmodi hydromanticum in cupreo vase apto loco dispositum præstari potest, quàm quod ait *Kircherus* de Luc. & umb. lib. 2. ex Aquilonio, fieri posse ope communis phænomeni in obscurato conclavi, dum ait: *Plebem imperitam vani quidam præstigiatores ita circumvenire solent, qui ut se necromanticarum conjurationum peritos ostendant, jactentque se demonum spectra ab inferis revocata oculis spectantium posse sistere, introductis secretiorum rerum curiosis in obscurum conclave, silentioque severè indicto, simulatisque rerum & verborum mysteriis atque adeo expectatione ipsa demonem mox adfuturum eâ quâ ipsi formâ desiderarint, denuntiant. Interea clanculum de eorum sodalibus unus demonis personam induit, quâ is vulgò pingi solet, vultu horrido & monstruoso, cornibus è fronte surgentibus, lupinâ pelle vel cauda, manibus calceisq; ungulatis: tumis foris meditando obambulat loco ex quo suus & color & figura per vitreum orbem in conclave transfundi potest. Rebus ita callidè comparatis silentium severius indicitur, quasi quispiam proditurus sit è machina Deus. Hic pallere alii, alii sudare motu rei eventuræ. Profertur chartacea tabula, quâ opposita lumini mox demonis obambulantis specie simulacrum cernunt timidi, intuentur, contemplantur. Ita rudes*

illi homines, ut umbram videant histrionis, operam perdunt, & pecuniam, nihilo profecto infantibus doctiores, qui credunt signa omnia aliena. Hæc Kircherus refert ex Aquilonio. Verum hujusmodi ludicras imposturas multo secretius & mirabilius per aquam artificio hydromantico jam indicato perfici posse facile quivis intelliget.

Technasma VIII.

Poculum potorium Magico-dioptricum, in cujus fundo vel vino eidem infuso curiosissime imagines qualescunque exhiberi possunt.

Figura 2.
Constru-
ctio pocu-
li.

Ex præcedenti Technasmate indicato facile patet, quomodo etiam potorium aliquod poculū valdè admirabile construi possit, quod in vino albo vel liquore quocunq; pellucido eidem infuso quascunque imagines innatantes, imò etiam contra facturas eorum, in quorum (præsentium tamen & congruo loco constitutorum) sanitatem evacuatur, repræsentare potest. Artificium, cum parum à præcedente jam indicato differat, pluribus ut declaretur, haud indiget. Potest enim fieri poculum ex argento, prout figura secunda exhibet, atq; circa *A* lapillis pretiosis exornari: loco autem unius lapilli ibidem reponendi potest aptè Lenticula convexa accommodari pro immittendis speciebus, eique deinde è regione intus applicari & debitè elevari speculum plenum politissimum *e f*, quod sursum species à Lenticula acceptas reflectere queat. Circa *CD* verò, vel alio competente loco in debita scilicet distantia, in qua species uniri & imaginem sistere solent à speculo remoto, glutinosa mixtura fortissima, quæ liquori cuicunque obsistit, firmissimè vitrum parastaticum, ex una scil. parte tenerâ attritione obscuratum, ut sæpius indicavi, poculo coagmentetur, ita ut infusum quemcunque liquorem optimè continere valeat, nec quicquam diffluere sinat: Eritq; sic poculum paratum. Hujusmodi poculum si in mensis adhibeatur, potest varias icones & imagines vivacissimas hospitum aliarumque rerum tam in mensâ, quàm alibi repositarum (maximè si illustriori lumine afficiantur) vino innatantes (cum scilicet Lenticula *A* eodem dirigitur) cum summa animi voluptate curiosissimè repræsentare.

Annotatio I.

Constru-
ctio alte-
rius poculi
figura 4.


Aliter adhuc tale poculum construi potest sine speculo, possuntq; adhiberi duæ Lentæ convexæ, prout in figurâ quartâ videre licet. Nam ad *A* infra in pede poculi abscondi potest Lens prior convexa: deinde in competente distantia (nempe quæ sit dupla foci secundæ Lentis convexæ *B*, & simul simpla circiter foci primæ Lentis *A*) potest secunda Lens convexa *B* in vacuo canali intus denigrato accommodari. Sursum porro, denuo in dupla distantia foci Lentis *B* potest vitrum parastaticum *CD* firmiter accommodari, ut supra indicatum. Poculum ita constructum non potest commodè trans vinum, nisi valdè inclinetur, species & imagines exhibere: verum in ipsa portione facit imagines emergere & jucundè comparere: dumque planè evacuatum est, curiosa quæcunque objecta magis illustria in situ erecto repræsentare potest.


Annotatio II.

Operculi
apparatio
pro imagi-
nibus in-
versis re-
præsentan-
dis.
Figura 3.

Quod si libeat etiam in operculo alicujus poculi imagines curiosè exhibere everfas, ita illud parari poterit. Vitrum parastaticum *BC* inseratur operculo, ut in figura 3. apparet: ulterius autem circa *A* in debita distantia (quæ scil. species uniri solent ad formandam imaginem) intus abscondatur Lenticula dioptrica: deinceps verò ita acuatur Apex operculi in *D*, ut supra solum foramen tantum pateat, quantum aperturæ Lentis absconditæ ad *A* congruere censetur pro speciebus nitidissimè trajiciendis. Si itaque operculum tali Artificio constructum versus quæcunq; objecta magis illustria converso apice teneatur, vivacissimæ imagines inversæ, quales nullus pictor vel ulla Arte ac penicillo unquam exprimere valet, jucundissimè exhiberi poterunt. Plura alia, quæ ad praxin accommodatiorem circa indicata hætenus

Technasmata pertinent, ingeniosi Artificis industriæ relinquentes, nunc ad alia calamum transferimus.





CAPUT II.

De variis microscopicis Artificiis valdè mirificis, eorumq; practica constructione seu fabricâ.

ET si superius Synt. 3. hujus Fund. cap. 4. varia ludicra curiosa Microscopia protulerimus; restant tamen adhuc alia quædam magis arcana Artificia practica ope Lentium dioptricarum ordinanda, per quæ res minutæ mirificè augeri, atque cum majori intuentium admiratione repræsentari queunt, quæ breviter hoc capite indicabimus.

Technasma I.

Converso Telescopio in Engyscopium valdè ludicra & curiosa inde spectacula exhibere.

Quomodo ex quovis Telescopio fieri possit Engyscopium sive Microscopium, indicatum est supra ad quæst. 15. cap. 14. Synt. 3. præced. Fund. Dictum etiam ibidem, tali aptatione & ordinatione Telescopii valdè mira inde, ludicra & curiosa rerum spectacula exhiberi posse, ita ut res parvæ & minutæ ad eximiam magnitudinem auctæ comparere queant. Sic icunculæ minimæ repræsentari possunt maximæ. Sic calvaria seu cranium humanum ex cera effigiatum in magnitudine nucis avellanæ ad veram & justam humani cranii magnitudinem exhiberi potest. Sic aliquando varias curiosas & ludicras figuras è cera efformatas jucundo admodum spectaculo in eximia magnitudine exhibui. Sic etiam *Kircherus* in Arte mag. Luc. & umb. lib. 10. in Magia parast. valdè miras rerum apparitiones hoc modo curiosissimè exhibendas docet. Verùm cum hujusmodi Artificium visu dignum sit, hic unam alteramve ejusdem constructionem curioso Lectori indicare libet. Pro praxi verò meliùs expediendâ quædam sunt notanda.

Imprimis convenit Tubos Telescopicos ex meris Lentibus convexis instructos adhibere, quàm communes, cavâ scilicet Lente & convexâ constantes: & quidem præstat Tubos ita ordinare, & objecta aliàs eversa exhibeant (quod fit ope duarum vel trium Lentium convexarum, ut alibi uberius indicatum est) licet enim objecta ordinaria eversa exhibeant, nihil tamen inde hic incommoditatis emergit, cum res minutæ extra Tubos everti queant, & ita nihilominus erectæ conspici, sicque Artificium secretius & mirabilius reddi possit.

Quales
Tubi eli-
gendi pro
Artificio.

Deinde non debent objecta esse nimium dissita & longinqua, ita ut Tubus adhibitus ordinariam educationem requirat; sed possunt paulò propinquius collocari, ita ut educio Tubi major fieri debeat, quàm ad longinqua objecta. Quantò autem propinquius objectum fuerit collocatum, tantò Tubus magis extrahi debet, & tantò majus objectum exhiberi poterit, at cum minoris spatii apparentiâ.

Objecta
non debent
esse dissita.

Præterea, si in loco alias patenti, velut in horto Artificium instituatur, quanto occultius & secretius illud redditur, ita ut visus nihil de objectis advertere possit, tantò admirabilius effici poterit.

Artificium
debet oc-
cultari.

Denique competit res inspectandas à Sole aut alio quocunque lumine satis corusco esse illuminatas: unde etiam in Tubis lens ocularis acutior una vel plures adhiberi poterunt, ut ita objecta, non tantum majora, sed etiam propinquiora conspici queant. His ita notatis jam restat, ut Artificium in exemplo practicè declaremus.

Objecta
debent esse
bene illu-
strata.

Inspiciatur itaque figura prima Iconismi. Ubi in solario alicujus horti ad *A* potest esse absconditus Tubus aliquis ex convexis vitris convenienter aptatus, qui ita quoque dispositus sit, ut perforamen *B* possit transpici ad murum aliquem in *C*, ubi horologium solare depictum sit; & quidem ex. gr. si verticali primario parallelus erit murus, debet horologium inverso modo ita depingi, ut in fig. 2. apparet. Aptato itaque Tubo eoque abscondito in *A*, cum Sole radiante ad horologium *C* horam competentem Amico curioso ostendere cupis, duc eum ad locum *A*, jube

Iconismus
XXIV.
Horologiū
valdè cu-
riosum.

eum inspicere vitrum ibidem collocatum, videbit horologium magnum valdeque propinquum, & quidem mirificum, quale fortassis nunquam vidit, velut in fig. 3. representatur, nec sibi imaginari poterit, quomodo ad planum verticale primum possit tale aliquod horologium construi, cum sit contra regulas practicas Gnomonicas constructum; nihilominus perfecte horas demonstrare mirabitur: extra verò locum *A* quocunque progressus nihil de quoquam horologio advertere poterit. Sic etiam doctissimi & expertissimi aliàs in Arte Magistri jucundo admodum spectaculo in admirationem duci poterunt. Artificium adhuc arcanius reddi poterit per Tubum recurvum in trabe aliqua cavâ aut muro quocunque similiter absconditum: Tubi autem aptatio fieri poterit, ut in modo 4. vel 5. cap. 10. Synt. 3. Fund. præc. indicatum.

Quod si verò non nisi in ipso muro opposito Artificium practice perficere possis (occluso scilicet foramine *B* fig. 1.) ibidem vel quocunque alio loco, ut libet, figuras curiosas quascunque inverso modo depinge, & Tubum rite ad eum locum dirige; jucundum itidem spectaculum exhibere poteris.

Sin etiam Tubus aliquis, velut in modo 8. ejusdem cap. citati indicatum est, convenienter aptetur per specula plana oblonga intus disposita, ita ut non tantum infra in basi *a* fig. 4. sed etiam supra in *G* & in latere *H* ac reliquo huic opposito specula oblonga disponantur. Tubusque figuræ 4. ita probè apparatus abscondatur in aliquo curioso loco, sicut in *A* figuræ 1. ut ejus Artificium detegi nequeat: poterunt in pariete *B* diversa objecta minuta depicta curiosissime in grandi forma exhiberi, ita ut oculus directe prospiciens per vitrum *F* fig. 4. in *A* fig. 5. videre queat ex. gr. horologium perfectum. Sin oculus ab *F* paululum ad latus reclinet, & per vitrum *F* rursus prospiciat, videre poterit in *B* stultum illudentem; ad aliud latus reclinans videbit ex. gr. asinum cum prægrandibus auribus: si verò oculus magis elevatus prospiciat per idem vitrum *F*, videre poterit in *D* Angelum: si depressior fiat oculus inspicens, videbit dæmonem in terrifica formâ ferè propinquum. Quales verò figuræ in formâ erecta pingi debeant, ostendunt literæ *D* & *E* fig. 5. quæ verò inversæ, literæ *CAB*. Spatium verò quod est extra loca *ABCD E* poterit curiosis aliis parergis exornari, ut Artificii arcana penetrari nequeant. Multa hic paucis indico, sed hæc ita Ingeniosis indicasse sufficiat.

Technasma II.

Horoscopium curiosum Magico-dioptricum, quod in horto vel quovis alio loco ope Telescopii in Engyscopium conversi artificiose construi potest.

Iconismus
XXV.

Constru-
ctio colu-
mnæ ho-
roscopæ.

figura 1.

Indicamus hoc loco valde curiosum & verè mirabile horoscopium, quod adhibito simplici vel etiam (uti melius est) duplici sive binoculo Telescopio convexo-convexo in Engyscopium converso artificiose construi potest in columnâ quadam congruè adaptatâ & in patente loco, velut horto, erectâ, vel etiam in Solario aut quovis alio loco, dummodo solares radios sursum excipere queat. Artificium autem sic occultari potest, ut extra locum inspectionis, è quo horologium videtur, nihil simile quicquam adverti, nec capi possit, quomodo horologium ita magnum & prodigiosum comparere, tamque perfecte horas demonstrare queat. Verum relictis verborum ambagibus rem ipsam aggrediamur.

Artificium declaramus per exemplum in columnâ horoscopa, quæ artificiose hoc modo parari potest; Fiat columna *CD* figura 1. intus cava eâ cavitate, quæ ab *I* usque ad *C* sufficere potest Telescopicæ radiationi ibidem perficiendæ: at verò ab *I* usque ad columnæ fastigium *D*, ubi horologium imponendum est, debet fieri paulo major, prout Telescopium infra adhibitum in distantia *ID* majorem vel minorem objecti diametrum detegere potest, qualis ferè in mediocribus vel paulò majoribus Telescopiis ibidem repositis potest esse in magnitudine *PQ* fig. 3. Porro in columnæ hujus basi *C* abscondatur intus, & debite elevetur speculum *a b* tersissimè expolitum, atque è regione speculi, ut patet ad *H*



Fig-3

Fig. 2



ad *H* exeat Tubus aliquis unâ vel duabus Lentibus convexis ocularibus instructus, ut ita Lentes hic repositæ cum speculo *a b* & Lente objectivâ *I* constituent Tubum recurvum plus tamen extractum & elongatum, quàm aliàs soleat ad longinqua objecta videnda extrahi: sive ita omnia ordinentur, ut oculus per *H* inspiciens columnam possit perfectè solum locum *D* in fastigio columnæ aut horologium ibidem impositum distinctissimè videre. Horologium autem, quod debet esse horizontale, & ad *D* apponi, depingitur in plano orbiculo vitreo ex una parte obscurato, sive ut sæpè hæcenus intimavi, in vitro, quod ex unâ parte tersissimè potest esse expolitum, in altera verò parte æqualissimè quidem attritum, sed impolitum: sic enim opacatur quidem, ita tamen, ut luci adhuc transitum permittat (quod omninò necessarium est) potestque aëriis sive tenuissimis aqueis coloribus facillè etiam colorari, atque ita velut aptissimum objectum in aëre positum per Lentes infra absconditas radiare, sicque potentiam visivam in *H* applicatam afficere. Horologio bene in vitreo orbiculo descripto index glutino fortiori debite agglutinatur, ac deinde imponitur aliud vitrum planum maximè pellucidum; vel etiam, si libeat segmentum aliquod majoris sphaeræ vitreæ, firmissimèquè conglutinatur inferiori capsæ, in qua horologium cum suo stylo sive Indice continetur, ut ita quidem radii solares pro horis determinandis optimè penetrare queant, horologium quoque à sordibus & pluviis atque aliis aëris injuriis planè sit immune. His omnibus bene ordinatis, ac situato horologio, ut ejus lineæ meridiana circulo meridiano conveniat, si lucentè Sole per *H* oculus columnam inspiciat, videbit horologium magnum ferè propinquum, & quidem contra se, licet supra in fastigio columnæ impositum valdè parvum existat.

Annotatio I.

Pro meliori & expeditiori ordinatione hujusmodi horoscopii scire convenit, quod horologium semper debeat poni ultra focum Lentis objectivæ *I*: quantò autem propinquius foco collocatur, tantò quidem horologium comparere potest majus, at cum minori diametro apparentiæ, ac etiam tunc reliqua ordinatio Tubi fieri debet productior. Quantò autem horologium longius à foco removetur, tantò quidem minus compareret, ac Tubi inferioris ordinatio minorem educationem requirit; plus tamen de horologio vel quocunque objecto ibidem collocato, sive major ejusdem apparens diameter detegi potest.

Annotatio II.

Quo Lentes convexæ oculares in *H* collocatæ sunt minoris diametri respectivè ad Lentem objectivam, eò objectum in *D* collocatum poterit majus videri. Item, quo Telescopica ordinatio adhibita Lentem habet objectivam minoris diametri, eò objectum propius collocari, & majus videri poterit, sed minus de apparente diametro detegi valebit: unde horologium in minori forma construi deberet, & totum Artificium compendiosius construi posset. Quantò autem Lens objectiva adhibita majoris est diametri, tantò etiam horologium in majori formâ sive ampliori orbiculo vitreo depingi poterit, ac etiam longius à Lente objectivâ removeri, adeoque totum Artificium in spatio ampliori construi requiret. Hinc itaque facillè discet Artifex pro assignato quocunque loco, quam ordinationem Telescopicam adhibere possit.

Annotatio III.

Quia Objectum quidem in hujusmodi Artificio Teledioptrico representari solet quidem erectum, attamen etiam conversum, ita ut sinistra appareant dextra, & vicissim dextra videantur sinistra; ideo ut inscripti quivis numeri, literæ vel signa cœlestia possint in situ planè recto videri ac debite legi, necesse est notas ipsas & quaslibet figuras supra in pictura convertere, itaque poterunt videnti præsentari in situ planè recto.

Annotatio IV.

Ut etiam Lentes quandoque suis locis eximi, & cum necesse fuerit, repurgari queant, conducit earum impositionis loca ita aptare, ut facile ad eas accessus esse possit. Sic in columna aliqua circa locum Lentis objectivæ, velut hic est *K*, posset ornamentum aliquod insculpi, ut ex. gr. varii fructus, ex quibus pomum aliquod si extraheretur, ipsa Lens objectiva unâ etiam extrahi posset. Pars autem *H* bene potest cochleâ adaptari, & quodocunque libet, removeri. Sed huiusmodi parerga, sicut & plura alia, quæ praxin aptiorem ac meliorem, præsertim sine erectione talis columnæ in aliis quibuslibet locis concernunt, Artifici relinquimus; nobis fundamentum Artificii indicasse sufficiat.

Technasma III.

Anemoscopium Teledioptricum, quo tempore quo vis lucido ventus à quacunque Regione spirans unâ cum qualitatibus & effectibus curiose repræsentari potest.

Scribit *Vitruvius* Architecturæ suæ lib. I. cap. 6. *Andronicum Ciraestem* (quem tamen *Varro* lib. 3. cap. 6. *Cyprestem* nominat) Athenis turrim marmoream octogonam, in cujus singulis octo faciebus venti alicujus figura exsculpta videbatur, construxisse, Tritonemque supra mobilem, qui tridente pro venti flantis conditione motus, ventum sibi subiectum demonstraret. Quod Artificium, etsi exigui ingenii fuerit, tunc temporis tamen apud imperitos haud parum admirationis habuisse historiæ tradunt. Docet etiam *Kircherus* lib. 2. Art. Magnet. part. 4. cap. I. prob. 12. machinam magneticam construere, in quâ statua motu sympathico ventum, qui quovis tempore spirat, unâ cum qualitatibus & effectibus flantis venti certò & infallibiliter demonstraret: quod Artificium, ut ait. in consecratio ibidem, dum quibusdam monstrasset, ita attonitos reddidit spectatores, ut quidam etiam cavillari ausi sint, hoc nisi dæmonis ope vitro inclusi nullâ ratione fieri posse, & quamvis clarè assereret, Magnetis id ope fieri, quia tamen nullam Magnetis cum ventis connexionem videbant, induci non poterant, ut id quod assererat, verum esse crederent: ubi tamen occultum machinamentum in apertum deduxit, singuli errorem suum detestati in similibus in posterum captivare intellectum suum didicerunt, ut indicat ibidem *Kircherus*. Verùm & nos hic machinamentum Teledioptrico-magneticum construere docebimus, quo per Telescopium in Engyscopium conversum, atque in columnâ, aut solario, aut commodo quocunque loco artificiosè reconditum ventus extra spirans curiose repræsentari potest. Exemplum constructionis denuo in columnâ, uti hic in Iconismi fig. 2. patet, declarabimus; unde tamen Artifex facile addiscere potest, quomodo vel in solario alicujus horti, vel in conclavi etiam alicujus domûs, vel etiam in quocunque commodo alio loco apparari similiter possit.

Constru-
tionis Ar-
tificium.

Fiat itaq; columna *AD* cum interiori constructione per omnia similis priori columnæ horoscopæ præcedenti Technasmate indicatæ: Superius autem paulò aliter ordinetur, ac loco horologii reponatur orbiculus vitreus ex una parte obscuratus cum inscripta figura ventorum, sicut in fig. 3. Iconismi videre licet. Ut autem indice quodam ventus ex quâcunque Mundi parte & plagâ spirans commodè repræsentari queat, erigatur in medio sive centro *R* figuræ ventorum obelus æreus, cui verforium probè animatum, sive acus magnetica oblongior imponatur, ita ut proximè ferè vitrum attingat, liberè tamen per orbem verti queat. Supra verforium ponatur aliud vitrum conforme valdè pellucidum, & exactissimè capsæ, in qua verforium aptatum est, conglutinetur & coagmentetur, ut nec minimum etiam foramen aut qualiscunque rimula patere possit, ne scilicet ventus subintrans verforium quaquaversus commovere queat. Munito sic verforio supra ipsum relinquatur aliquod spatium *E* vacuum aërique ac luci patens (quamvis tamen etiam vitris valdè

valdè claris & perspicuis ad modum lucernæ occludi possit) ut lux ibidem illabens figuram ventorum cum versorio sufficienter illustrare queat. Super patulum hunc locum *E* aptetur tectum aliquod *G*, in quo accommodetur & abscondatur Magnes in hastâ aliqua ærea, ita ut per vexillum *F* quocunque vento spirante ad quamcunque Mundi plagam facillè converti possit. Dum igitur Magnes à vexillo *F* ita convertitur, fit ut etiam acus magnetica infra in capsa similiter moveatur & disponatur, atque ita perfectè ventum demonstrare queat. Si itaque deinde per Telescopium in Engyscopium conversum infra applicatum figura ventorum aspiciatur, licet superius exigua sit, nihilominus tamen spectatori in *H* satis magna comparebit, ita ut omnia distinctè legere & discernere queat: imò cum magna admiratione major representabitur hæc figura, quàm sit crassities columnæ in quacunque parte, ita ut putetur contentum majus esse ipso continente. Deinde videbitur etiam hæc figura valde propinqua, atque non quasi supra hæreat, sed velut esset contra spectatoris vultum verticaliter erecta. Pro meliori tamen expeditione hujusmodi Artificii aliqua adhuc notanda subjicimus.


Quomodo figura ventorum in Artificio hoc compareat.

Annotatio 1.

Cum tota figura ventorum in ea magnitudine, in quâ hic in Iconismo depicta est cum proprietatibus & significationibus non possit in competente parvo aliquo orbiculo describi (nisi forsan locus collocationis esset valde altus, atque Telescopica ordinatio cum majoris diametri Lente objectivâ adhibita talem magnitudinem permetteret) idcirco poterit tantum sola Rosa ventorum cum adscriptis nominibus aut literis tantum initialibus vitreo orbiculo appingi: proprietates autem & significationes ventorum prout in exteriori limbo fig. 3. inscriptæ sunt, poterunt circa *H* describi, ut observato intus vento mox qualitates & proprietates competentes ibidem legi & addisci possint: vel alio commodiori loco, vel ut infra in stylobata columnæ, sive planis quatuor lateribus poterunt hæ ventorum singulis plagis respondentium affectiones & significationes inscribi, ut ita curiosè extra addisci queant.

Annotatio II.

Quod si lubeat exterius in columnæ quovis loco perapto curiosè quædam alia ventis respondentia inscribere, veluti ea, quæ quatuor mundi plagis & ventis inde proflantibus analogæ sunt, ecce Tabulam hic subjicimus, unde facillè multa addisci possunt. Plura etiam alia circa ventorum naturas & proprietates dabimus alibi.



Analôgia Rerum Naturalium ad 4. plagas Mundi & ventos
inde proflantes.

Plaga Mundi.	Oriens.	Meridies.	Occidens.	Septentrio.
Venti Cardinales.	Eurus.	Auster.	Zephyrus.	Boreas.
Elementa.	Ignis.	Aqua.	Aër.	Terra.
Humores.	Cholera.	Pituita.	Sanguis.	Melancholia.
Anni tempora.	Æstas.	Autumnus.	Ver.	Hyems.
Signa coelestia.	V. ♀. ♀.	♂. m. ♀.	♂. ♀. ♀.	♂. ♀. ♀.
Planeta & stellæ fixæ.	♂. ☉.	☾ Stellæ fixæ.	♀. ♀.	♂. ♀.
Animalia.	Progressiva.	Natantia.	Volatilia.	Reptilia.
Sensus externi.	Visus.	Gustus & olfactus.	Auditus.	Tactus.
Partes Animalis.	Spiritus.	Humores.	Caro.	Offa.
Quadruplex spiritus.	Animalis.	Gignitivus.	Volatilis.	Naturalis.
Quatuor complexionum mores.	Impetus.	Inertia.	Alacritas.	Tarditas.
Plantarum partes.	Semina.	Folia.	Flores.	Radices.
Metalla.	Aurum & ferrum.	Argentum.	Cuprum & Stannum.	Plumbum & Argentum vivum.
Lapides.	Lucentes & ardentes.	Congelati.	Leves, transparentes.	Graves, opaci.

Annotatio III.

Quomodo Artificium adhuc magis mirificum effici possit.

Quod si occulto aliquo Artificio fiat, ut Lens convexa objectiva intus in columna abscondita circa *I* possit altius promoveri, ac paulò magis elevati, vel possit ea in suo loco retrahi; è contra verò alia ex elevatiori loco in columna recondita de-mitti: superius autem paulò infra figuram ventorum possit etiam alius quidam orbiculus vitreus, qui curiosam aliam figuram aut imaginem exhibeat, debite applicari: poterit spectatori, dum infra circa locum inspectionis *H* ventos venatur, mirifice illudi, ut inopinatò videat, quod spectare nolit. Si etiam Artificium in domo aliquâ vel quocunque alio aptiori loco construatur, possunt etiam plures figuræ successive diversis vitreis orbiculis inscriptæ & in orbe aliquo volubili dispositæ ad modum, qui in Synt. 3. cap. 4. probl. 2. hujus fund. indicatus est spectatori intra circa *H* curiosissimè exhiberi. Plura alia ad praxin sagax Artifex ipsemet invenire poterit, quæ ego vel multis verbis explicare hoc loco non valeo.

Technasma IV.


Microscopii binoculi constructio & fabrica.

Licet microscopia composita ex pluribus Lentibus aliàs tantum cum simplici & unâ solùm ordinatione fieri soleant ad admittendum unicum oculum; nec comòdè fieri possit, ut ob brevitatem ejuscemodi microscopii bini oculi per duplicem ordinationem ad unam eandemq; rem cernandam accommodari possint: indicabo tamè modum & praxin, quâ cum duplici adhibitâ ordinatione microscopica planè simili etiam microscopium binoculū aptissimè construi possit, quo res paulò remotiùs collocatæ, quàm in ordinariis fieri solet, distinctè tamen valdè magnæ & cum amplo spatio, sive majori apparente diametro cerni queant: possuntq; talia microscopia facillè ita coordinari,

dinari, ut sicut Telescopia binocula monoculis sive simplicibus Telescopiis prævalere solent, ita etiam microscopia binocula monoculis sive simplicibus aliis (maximè ob maiorem apparentem diametrum objecti, quæ in ordinariis solet esse valde parva, ut ita parum quid de minutis rebus detegi queat) longè præferri possint. Sed rem ipsam auspicemur.

Assumatur pro vitro objectivo in singulis ordinationibus, ex. gr. Lens utrinque æqualiter convexa ex diametro $\frac{80}{100}$. Erit focus principalis in distantia $\frac{40}{100}$. Removeatur jam objectum minutum paulò ultra distantiam istam sive foci principalis, ita ut radii post Lentem objectivam possint convergere pro imagine aliquâ formandâ; fiet hæc imago multò major, quàm si objectum, ut supra in fund. 2. demonstravimus, in duplâ enim distantia foret æqualis ipsi objecto, & à duplâ distantia usque ad distantiam foci semper major, quousque in ipsâ foci distantia existens omnino nullam imaginem ob rados post Lentem remissos parallelos efformaret: ultra verò duplam foci distantiam collocatum objectum semper imaginem minorem & minorem objecto efficiet, quousque in tantâ distantia collocetur, ut radii ab eo in Lentem incidentes habeantur pro parallelis, & imago formetur in distantia foci principalis: quæ omnia uberius in præcedentibus declarata sunt. Post imaginem autem hanc maiorem applicentur duæ aliæ Lentes oculares, velut esse potest propinquior ipsi imagini utrinque convexitatis æqualis ex diametro $\frac{40}{100}$. & altera propinquior oculo utrinque æqualis convexitatis ex diametro $\frac{25}{100}$. ostendet hæc ordinatio objectum paulò remotius, quàm in ordinariis compositis microscopiis supra cap. 2. Synt. 3. fund. hujus expicatis fieri solet, valde magnum. Et quia etiam ob elongationem Tubi sive majoris remotionem Lentium à se invicem (si talis ordinatio pro utrisque oculis similima construatur) facile ambo oculi in unam rem conspirare possunt; inde etiam objectum minutum simul & semel ab utrisque oculis percommode valde magnum videri potest. Debent verò duæ Lentes priores oculares versus ambos oculos ad ipsorum ad invicem distantiam bene disponi, ac reliqua omnia ordinari, sicut supra de Tubis binoculis eorumque aptissimâ constructione memoravimus. ipsam etiam Microscopium tale secundum externam formam ordinari potest, ut hic in figurâ aliquatenus expressimus: ubi *AB* est capsâ, in quâ intus duo Tuli cum Lentibus debite coordinatis collocati sunt, ut supra de binoculis docuimus. *C* autem est locus objecti, ubi minuta res quam inspicere & observare volumus collocari debet. Sed cum ad alia properemus, plura hinc deducenda Artifici relinquimus.

Constru-
tio Mi-
croscopii
binoculi.



Cg

Tech-

Fabrica novi Microscopii præstantissimi, sicut & Telescopii vitrorum aliundè transmissa.


Lubet hic paucis adhuc indicare fabricam & constructionem novi cujusdam Microscopii, item & Telescopii cum pluribus Lentibus plano-convexis, prout ea mihi Viennâ transmissa fuit ab Amico in practicis omnibus Artificiis expertissimo, in Arte verò Telescopiaria singulariter planè felici, ut vix ei parem sit reperire. Quocirca etiam ejus machinæ Teledioptricæ ob singularem quem præstant effectum præ aliis quorumlibet Artificum à Magnatibus æquè, ac communioris status hominibus plurimum requiri solent. Est autem is D. Joannes Franciscus Grindl de Ach Equestris Ord. S. Spiritus, meus, ut supra jam memini, in Practicâ Teledioptricâ primus aliquando Instructor. Hic enim viso etiam secundo hujus operis fundamento in literis ad me 1. Decemb. 1685. Viennâ perscriptis, cum industriam meam in excolendâ Dioptricâ valdè probasset, tandem & novi cujusdam Microscopii, sicut & Telescopii cum pluribus Lentibus plano-convexis constructionem subindicare voluit, quam etiam hoc loco paucis Lectori communicandam duxi. Microscopium, ut in figurâ hic appositâ videre licet, habet septem vitra; duo scilicet objectiva *AB*, duo ocularia *CD* magna in medio, & duo minora *EF*, sed magis convexa penes oculum, tandem & vitrum planum *G* objectiva sunt plano-convexa 1. dig. ocularia intermedia etiam plano-convexa 6. digit. ultima ocularia ibidem sunt plano-convexa 2. digit.

Telescopium autem, sicut in fig. 2. patet, ex octo vitris conficitur, cujus objectivum *AB* plano-convexum 4. ped. consequentia ordine quatuor ocularia intermedia plano-convexa *CD* & *EF* 6. digit. duo porro reliqua versus oculum etiam plano-convexa *GH* 5. digit. Denique & vitrum utrinque planum *L* penes oculum, ut in fig. liquet. Vult autem præfatus Artifex, ut adhibeantur Lentæ plano-convexæ, non convexo-convexæ, eò quod judicer illas objecta nitidius & distinctius referre: eo quoque modo eas collocari cupit, ut convexitates ad se invicem convertant, sicut figuræ exhibent. Denique & planum vitrum penes oculum apponi cupit, ab obice aliquo posito, sicut ait, oculus ob tantam radiorum refractorum vehementiam non tam facilè ladi possit. Sed hæc ita, ut perscripta sunt, retulisse sufficiat. Vide figuras appositas.

fig. 1



fig. 2.



Annotatio.

Debet in constructione ejusmodi machinarum singulariter attendi, ut Lentes plano-convexæ, quæ invicem componuntur, se mutuò perfectè ad vertices tangent, ita ut axis directè per centra singularum Lentium procedat. Quod nisi fiat, machinæ tam præstantes hoc modo effici non poterunt. Unde convenit Lentes compositas & conjunctas esse planè æquales in amplitudine, ita ut cum earum planæ superficies conjunguntur, in magnitudine justè congruant, sicque pro unâ quasi Lente convexo-convexâ reputari queant.



CAPUT III.

Horographia curiosa, in qua reconditiora quadam Artificia horographica proferuntur & explicantur.

CUM plurimi ex insitâ quâdam Naturæ pronitate in practica reconditiora technasmata veluti pondere quodam ferantur, ita quoque iis nonnullam satisfactionem quolibet modo hic dandam censui. Addo igitur prioribus jam sparsim traditis & explicatis alios quosdam novos modos fabricandi valdè curiosa & mirifica horologia, ut mechanicus, quò ingenium suum exerceat, habeat. Sed ne ulterioribus verborum ambagibus tempus perdam, institutum prosequor.


Technasma I.

Instrumentum horographicum construere pro horologiis quibusvis cuilibet superficiei facillimè inscribendis.

Ante omnia hoc loco opus habemus instrumento horographico, cujus ope facilius mechanicè & per observationem, quàm Geometricè possimus quæcunque horologia quibusvis planis ac superficiebus aptissimè inscribere. Hoc instrumentum *Kircherus* in *Arte Mag. Luc. & umb. lib. 4. part. 1. cap. 5.* ita describit. Præparetur tabula, quam instrumentum horographicum appellabimus ex ligno perpolito, vel ex quâcunque aliâ materia durâ, solidâ & politâ, quæ hic signata est litteris *A B C D*, cui in quovis latere extet *E* tabulæ pars in rotundam vel quadratam figuram elaborata. Porro tabula *A B C D* à posteriori parte in centro *H* ita firmari debet supra globum *N* versatilem, ut Tabula in omnem situm commodè versari possit, & si opus fuerit, trochleâ *S* ad quemlibet situm firmari; habebisque instrumentum paratum, cujus ope in dato plano & superficie datas cœlestium circulorum lineas dicto citius delineabis eâ, quæ sequitur, ratione.

Constructio instrumenti horographici.

In *E* prominente parte tabulæ *A B C D* delineetur quodvis è quatuor horarum generibus sciathericum horizontale una cum circulorum cœlestium inscriptione (quod nos Archetypum instrumentum in posterum appellabimus) vel in quâcunque aliâ materiâ seorsim descriptum: ita in parte prominente *E* firmetur, ut linea meridiana *K E* horarii ad latus tabulæ *A B*, quæ horam sextam refert, sit normalis. Hujus horolabii ope quodcunque circulorum genus in quocunque plano delineabimus, praxi ut sequitur.



Praxis & Usus Instrumenti Horographici.

Tetraë-
dram cor-
pus quid
sit.

Usus in-
strumenti
cum tetraë-
dro horæ
in scribun-
tur.

Exemplum practicum huius instrumenti declaramus in corpore Tetraëdro, quod scilicet est corpus solidum e quatuor triangulis isopleuris æqualibus terminatum. Ut si ex materiâ aliquâ solidâ conficiantur quatuor triangula æquilatera æqualia, disponanturque, ut in figurâ O vides: fiet ex ipsis ritè inter se complicatis corpus quæsitum. Sit igitur in singulis tetraëdri lateribus horologium delineandum; firmabis primò tetraëdram supra planum tabulæ, ita ut loco dimoveri non possit, & ut latus unum e lateribus rectâ meridiem respiciat, alterum lineam meridianam EV in plano isogonos secet. In singulis autem lateribus tetraëdri stylos pro libitu rectos, obliquos, longos vel breves, perinde est, prout commoditas lateris in Solis radio recipiendo tulerit, infigas. Hoc peracto exponas quolibet tempore diei hoc systema lucenti Soli, & gyrando illud eo usque, donec gnomon horologii Archetypi lineam meridianam, sive horam duodecimam & præcisè tangat, & sine morâ in singulis lateribus illuminatis extremas gnomonum umbras in suis lateribus notabis, adscriptis unicuique horâ 12. juxta Archetypum: Solè enim in & constituto hora 12. umbra stylorum in notata puncta cadet.

Deinde ad motâ umbra Archetypi gnomonis versatione totius systematis supra reliqua horarum puncta in & insuper in singulis lateribus tetraëdri extremam gnomonis umbram notando adscriptis singulis horas, horis Archetypi competentes: estque hæc prima observatio.

Iterum gyretur totum Systema sciathericum (ita vocamus totum Tabulæ complexum cum Archetypo & corporibus, in quibus sciatherica describere proponimus in tabulâ firmatis) eo usque, donec extrema umbra gnomonis in singula puncta Tropici & in Archetypo ceciderit, eodemque tempore extremam gnomonum lateribus tetraëdri infixorum umbram notabis, singulis punctis horas horis Archetypi correspondentes adscribendo; per puncta enim unius & ejusdem horæ in primâ & secundâ observatione notata lineæ rectæeductæ dabunt in lateribus tetraëdri horas quæsitas. Atque hæc ratione facile concipitur, quomodo dato cuicunque corpori regulari vel irregulari qualescunque horæ & circuli mechanicè perfacile inscribi possint. Hoc practico artificio indicato ad nostra revertimur.

Technasma

Technasma II.

Quomodo Lenti vitreæ aut crystallinæ convexæ horologium quaecunque artificialiter inscribi possit.

Sume Lentem plano-convexam ACB magnitudinis quantò majoris, tanto melius erit, poterisque horologium etiam majus efficere. Habeat Lens hæc sufficientem aliquam crassitiem, prout longitudo styli major aut minor desideratur; ex parte quoque ACB sit politissima, ex alterâ verò parte ADB sit quidem æqualissime detrita, ita tamen ut adhuc maneat obscura & impolita eo modo, qui sæpius hætenus fuit indicatus. Sic enim figuræ quæcunque pennâ quàm nitidissimè & facillimè inscribi, ac deinde dilutis aqueis coloribus quæcunque imagines expeditissimè appingi poterunt. Electo deindè puncto C loco paulò ad limbum propiore & altiore, cum Lens erecta est, imprime ferreo aliquo stylo cum minutâ arenâ madidâ punctum valde exiguum ac tenuissimum (solummodo ibidem politiem paululum exterendo, ut vitrum ibidem obscuretur, sicut in parte planâ ADB obscuratum est) ut illud deinceps possit pro indice horarum deservire : Lentem ita aptatam solam impone capsæ suæ orbiculari IK figura 2. ita quidem ut punctum C perfectissimè circa medietatem vitri in lineâ ab existat, atque exactè deinceps lineæ horæ duodecimæ respondere queat. Quo facto firmabis Lentem, faciesque signa tam in capsâ, quàm Lente, ut si postea denuo eximere velis, possis similiter semper reponere. Bene insertâ Lente & firmatâ in capsâ IK , pone hanc capsam in instrumento horographico præced. Technasmate declarato, ac, si, ex. gr. verticale horologium describere libeat, observa, quod dum umbra Archetypi horologii cadit in lineam horæ 12. ut etiam punctum illud C in parte convexâ ACB impressum umbrâ suâ occupet lineam mediam ab . Hoc observato firmabis capsam cum Lente impositâ, ut eodem loco firmiter continuo persistat. Deindè, ut in priori Technasmate indicatum est, omnes horas & horarias lineas ad lucem solarem observabis, puncta imprimès, lineasque duces, ac numeros pro horis, notasque etiam & figuras cœlestium signorum inscribes. Poteris etiam loca extra horologium variis aliis parergis exornare. Tandem capsæ IK etiam aliam adhuc Lentem planè conformem EF , vel ejus loco solum vitrum utrinque planum valdeque clarum & nitidissimè utrinque expolitum appones & cum priore debitè conjunges, habebisque ita horologium hyalinum pulcherrimè confectum. Potest etiam in capsâ quocunque loco accommodari acus magnetica G , ut mox, dum Soli exponitur, probè situari, itaque horas & quæcunque intus scripta sunt, perfectissimè trans vitrum ostendere queat. Hujusmodi aliquod horologium in fenestrâ collocatum, maximè si locus aptè conveniat plano horologii inscripti, valde gratiosè & jucunde potest spectatori in conclavi horas ostendere.

*Annotatio I.*

Sicut horologium verticale modò construere docuimus; pari modo possunt alia quaecunque horologia ex Lentibus convexis construui, dummodo debite situentur in instrumento observatorio, ac deinde observatio probè peragatur.

Annotatio II.


Non est necesse ad huiusmodi horologia hyalina construenda, ut solum Lentēs vitreæ convexæ adhibeantur, sed potest vitrum qualitercunque figuratum adhiberi, modo interior superficies, in quâ horariæ lineæ cum aliis requisitis inscribi debent, sit more à nobis indicato paululum obscurata, ut umbra puncti *C* impressi ibidem terminari queat pro horis commodè denotandis. Item, modò etiam vitrum sit sufficienter crassum, maximè circa punctum *C*, ut longitudinem styli adæquet suâ distantia à plano horario: in defectu tamen unius vitri plani possunt etiam plura conjungi. Sic igitur etiam ex tabulis vitreis quomodolibet figuratis, ac polygonis quibusvis, uti videre licet in figura 3. possunt ejusmodi horologia valde pulchrè & eleganter apparari.

Annotatio III.

Potest etiam exterior superficies Lentis ACB tabulæ vitreæ qualiscunque adhibita variis aliis figuris curiosis intritis artificio, quod supra in Appendice Synt. 2. indicavimus, vel etiam coloratis imaginibus inustis aut appictis mirifice exornari, modò punctum C , quod horas indicare debet, permittatur. Sic possunt insignia Magnatum, pro quibus tale horologium parare cupis, ibidem interi aut appingi. Item, potest figura mortis indicantis horam, vel cujusvis alia figura idem perficiens curiose ibidem effigiari: estque hoc valde mirum in hujusmodi hyalinis horologiis, quod sicut punctum C horas indicans cum Sole convertitur & locum mutat, ita figuræ qualescunque ibidem expressæ similiter semper absque horologii intus descripti ullo incommodo cum summâ intuentium admiratione & oblectatione obire & locum mutare solent. Multa certè tibi Lector hic paucis indico, quæ si ritè perceperis, valde rara, mira, pretiosa, & ab omnibus præsertim Magnatibus æstimanda magno tuo lucro conficere poteris.

Technasma III.*Quomodo multiplex horologium Hyalinum artificiose confici possit.*

Per multiplex horologium imprimis intelligi volumus tale aliquod, quod idem quidem simplex in Lente aliquâ vel tabulâ qualicunque vitreâ indicato modo in præced. Technas. descriptum est, aptatione tamen loci, in quo accommodatur, multiplex & varium repræsentari potest. Artificii structura, quia ex technasm. I. cap. I. hujus Synt. facile colligi potest, ideò paucis tantum indicari requirit. Fiat ergo capsula vel Arcula cubica HB fig. 1. quæ in latere $AGEB$ habeat aptè insertam horodicticam Lentem convexam, aut vitream tabulam qualicunque modo efformatam, cum horologio scilicet inscripto, ut in præced. technas. docuimus. Reliqua verò latera interiora cubicæ hujus Arculæ, veluti sunt AD , FB , HE , & CG vestiantur nitidissimis speculis planis ad se invicem converfis sitibus parallelis. Latus autem HD potest vitreâ tabulâ perfectè diaphanâ & valde pellucidâ occludi: eritque sic petita Arcula parata, cujus usus talis est. Hujus modi Arcula cubica si Soli in debito situ, quem nempe horologium ibi depictum requirit, exponatur, quamplurima horologia sursum & deorsum, & ad quodvis latus, recta vel eversa curiosissimè exhibere poterit, eo modo, quo imagines per species in Arculam projectas multiplicari technasm. I. cap. I. hujus Synt. docuimus.



Aliud Arti-
ficium
plura di-
versa exhi-
bens ho-
rologia.

Est & aliud Artificium, quo in Arculâ quadam debite apparatus possunt diversa horologia, veluti sunt verticale primarium, polare, & utrumque meridianum curiosissimè exhiberi. Ita si Arcam construas, prout fig. 2. refert, quæ in latere *AE* in vitreâ Lente aut tabulâ verticale horologium inscriptum eo modo, ut in præced. Technas. indicatum est; in latere verò *GE* ad elevationem poli accommodato fit polare; in *HA* meridianum orientale, & in *KB*. occidentale similiter vitro inscriptum: poterunt ita in capsâ tali plura horologia diversa curiosè exhiberi. In fundo verò *ABDC* potest verforium magneticum disponi; latus etiam *HD* potest vitro plano perfecte diaphano aut etiam Lente convexâ auctoria ad exhibenda omnia majora, quæ in capsâ disposita sunt, debite concludi ac communi-ri. Verùm hæc semina sunt mirificarum machinationum, quæ si sagax Artifex probe exceperit, eum rarissima & pretiosissima effecturum nil dubito.

Annotatio I.

Cum horologium horizontale tali praxi vitro inscriptum non possit aptè post se aspectum admittere; poterit hæc incommoditas removeri suppositione speculi plani ad fundum *CD*, ita ut oculus illud inspiciens horas vitro supra appictas facile ibidem advertere queat.

Annotatio II.

Possunt etiam notæ numerales & literæ hujusmodi horologiis hyalinis ita inscribi, ut non tantum post vitra, sed etiam ante vitra perfecte horas quasvis indicare queant. Unde horologia jam descripta non tantum usui esse possunt in admit-tendo aspectu post se, sed etiam ante se. Vide quæ dicimus technas. 5. sequenti.


Technasma IV.

Horologia Sciatherica globis & cylindris vitreis aut cry- stallinis curiosè inscribere.

Constru-
tio Globi
horodicti-
ci.

Quamvis Artificium hoc facile colligi possit ex hætenus indicatis, aliqua tamen pro meliori expeditione & praxi subintimare libet. Assumi debent impri-mis duo æqualia hemisphæria crystallina vel hyalina, quæ sibi invicem commissa perfectum globum efficiunt. Horum unum, velut hic est *AB* fig. 1. in superficie plana obscuretur, ut horæ possint bene inscribi, atque umbra horas indicans ibidem terminari. Deinde in eodem hemisphærio *AB* pro ratione longitudinis styli (quia macula tantum extra in superficie convexa impressa esset nimis remota; ita ut ho-rologium posset fieri solum cum paucis horis) subtilissima terebra, prout cap. 10. Synt. 2. hujus fund. docuimus, secundum longitudinem ab *E* in *D* perforetur: vel, quod multò melius est, in superficie plana obscurata ex loco aliquo velut *C* in *D* pro ratione longitudinis styli perterebretur, quousque sese longitudo styli exten-dere debet. Hoc præstito, quoniam interiores horarum lineæ & characteres per medium densius patiuntur ingentem refractionem, ideò horas eidem melius in-scribes per observationis methodum techn. 1. hujus capitis traditam. Solet tamen horologium polare magis ejusmodi globo, quam ullum aliud congruere, cum & universale sit, & facile construat. Denique duo hemisphæria invicem aptè coagmentabis, ita ut nullum divisionis indicium adverti queat, quod optimè, si glo-bus vitreus erit, perficies ad lampadem conflatoriam; habebisque ita globum ho-rodicticum paratum, qui si in competente situ Soli exponatur, horas, ut petis, exa-ctè monstrabit.

Simi-



Simili planè Artificio potest cylindrus horodicticus construi, ut vides in *ABCD* fig. 3. in cujus unâ medietate planâ obscurata horæ similiter, ut indicatum est, inscribantur, atque loco styli ad competentem longitudinem oblonga cavitas subtilissima terebrâ interatur; deinde duæ partes hujus cylindri quàm optimè coagmententur, ut unum cylindrum referant. Melius autem horologium verticale primarium inscribitur, quàm quodvis aliud. Potest etiam in basi ambarum cylindricarum partium conjunctarum aliqua cavitas interi, ut ibidem versorium magneticum *E* congruè imponi queat, ut in debito situ faciliè ad Solem collocari possit. Vide fig. 3.

Constru-
tio cylin-
dri horo-
dictici.

Technasina V.

Horologia hyalina ex tenuioribus vitreis tabulis construendi praxis indicatur & declaratur.

Horologia præcedentia supponunt indicem horarium cum horis esse in eodem semper medio: Nunc quomodo etiam horologia ex vitreis tabulis planis tenuioribus, quales ad specula aliàs adhiberi solent, in quibus Index extra vitrum in alio medio existit, confici queant, ingenium Lectorem docere cupimus; ac quia hujusmodi horologium aliquod verticale magis curiosè per radios reflexos effici potest, id eò nunc ejus constructionis Artificium paucis aperiemus.


Sume itaque duas vitreas tabulas planas, sive duo vitra plana specularia ejusdem magnitudinis, ut sibi mutuò perfectè congruant, quorum unum sit ex unâ aliquâ parte, cui horologium inscribendum est, ex tenui attritione obscuratum atque impolitum, ut sæpè meminimus; alterum verò sit ex utraque parte ac superficie tersissimè expolitum. Si jam velis, ex. gr. horologium verticale curiosum construere, quod etiam absque stylo tam ante quàm post se in fenestra ad Solem collocatum perfectè horas ostendat, hoc modo procedes.

Describe in asuperiori impolitâ superficie prioris tabulæ indicatæ horologium verticale cum tropicis & quorumvis signorum parallelis (quod facillimè etiam præ-

Hh

stare

stare poteris, si tabulam tantum super jam in chartâ delineatum horologium ponas, & similiter lineas horarias imitando designes) singulorum verò signorum intervalla tenuissimis coloribus aqueis illuminare & inter se distinguere poteris. Ad marginem verò, ubi numerales figuræ horarū sunt notandæ, ab eâ parte, quâ horologium versus Austrum respicere debet, converso ordine numeros parti impolitæ inscribe, eo scil. modo, uti typographi literas collocare solent. Cum notæ hæ conversæ signatæ sunt, crassiorem aliquem colorem obduces, ita ut nulla ne quidem umbra earum, dum luci opponuntur, transparenere possit. Hoc præstito super colorem hunc crasse admodum inductum locis competentibus signa easdem notas numerales ordine recto, reliqua omnia in medio relinquendo, ut primitus descripta sunt. Coniunge deinde ambas vitreas tabulas, ut utrinque politæ superficies emicent, & pone eas in capsam *ABCD*: ad brachiolum verò *E* pone specillum habens punctulum aliquod nigrum eo loco, unde horas reflexè ostendere debet (vel poteris quamcunq; figuram, velut Aquilam Cæsaream cum nigro punctulo seu maculâ minutâ in competente loco ex splendida lamellâ argentea formare, & debitè ad *E* imponere). Horologium ita constructum si Soli exposueris, ita ut acus magnetica *F* ritè disponatur, ostendit intus quocunq; loco constitutus fueris, ex punctulo illo umbroso in splendenti figurâ expresso transeunte planum horologii, horas & signa cœlestia pulcherrimè. Quomodo simili ferè praxi alia quæcunque horologia præsertim meridiana & polaria construi possint, sagax & ingeniosus Lector facile hinc colligere poterit.



CAPUT IV.

Technasmata varia circa tabulas vitreas stanno terminatas, sive specula plana proferuntur & exponuntur.

QUæ proferimus hoc capite, sunt catoptrica, non dioptrica: occasione tamen praxeos, quâ tales tabulas supra cap. 8. Synt. 2. fund. hujus atterere & formare, ac cap. 9. §. 9. Synt. 3. fund. hujus ad species reflectendas terminare docuimus, nunc etiam usum quendam in reconditoribus quibusdam Artificiis declarabimus: prius tamen ad praxin melius expediendâ aliqua circa specula plana utiliter scienda præmittimus.

Sciendum 1. in omni reflexione speculorum tria præcipuè occurrere: nimirum primò cathetum sive objecti primi, sive reflexi, semper normaliter cadere in planum speculi, aut extra lineam illius plani protensam seu protractam. Secundò angulum incidentiæ semper debere esse æqualem angulo reflexionis; quod etiam in quibuscunq; reflexionibus multiplicatis intelligendum est. Tertio, objectum reflexum seu formam imaginariam non videri in ipso puncto reflexionis, sed in ejus radio protracto ad tantam distantiam, ad quantam abfuit objectum apparenter vel verè incidens.

Sciendum 2. Licet in speculis planis secundum convexitatem dispositis objectum respectu oculi non nisi semel videri possit: si tamen specula secundum concavitatem disponantur, ita ut ad se invicem inclinentur, ac cum angulo aliquo facto jungantur; pro varia quantitate anguli conjunctionis & inclinationis possunt fieri plures & plures reflexiones, ita ut objectum pluries repræsentetur, sicut in hac tabella videre licet.

Quoties
objectum
in speculis
ad aliquem
angulum
conjunctis
multiplica-
ri possit.

Angulus inclinationis	0.	120.	90.	72.	60.	51.26.	45.	40.	36.	32.44.
Multiplex objecti apparentia	2.	3.	4.	5.	6.	7.	8.	9.	10.	11.
Angulus inclinationis	30.	27.42.	25.43.	24.	22.30.	22.11.	20.	18.57.	10.	0.
Multiplex objecti apparentia.	12.	13.	14.	15.	16.	17.	18.	19.	20.	0.

Sic si ad angulum 60. grad. sive trigoni æquilateri duo specula plana ad invicem jungantur: repræsentabitur objectum unâ cum vero sexies, sicut in tabella patet, atq; Arca repræsentata sive basis, ad quam specula erecta situantur, hexagonum referet: verum cum angulus nimîû fit acutus, vix multiplicitas profundior adverti potest.

Sciendum 3. Etsi quidam (inter quos *Kircherus* in Arte mag. Luc. & umb. lib. 10. part. 3. cap. 2. distin. 1. prop. 5. It. *Dechales* lib. 1. catoptr. prop. 30.) existiment, si duo specula plana parallelè sibi mutuò opponantur, sequi specierum reflexionem infinitam; adeoque duobus speculis ita ad invicem collocatis objectum infinities multiplicari posse. Quæ opinio (uti bene sentit *P. Traber* in Nerv. Opt. catoptr. lib. 2. cap. 6. prop. 18.) licet speculativè sibi applausum conciliare putet, experientia tamen & ratio repugnat. Nam primò, cum reflexio specierum realis & physica sit, daretur infinitum actu categorematicum: ex reflexione enim infinitâ actuali infinitum numero consurgeret. Secundò etiam speculum causans infinitas reflexiones, infinitæ quantitatis requireretur, ut infinita puncta reflexionis physica comprehendere posset. Tertio: & oculus ex infinita distantia juxta mensuram speculi reflectentis, infinitæ potentiæ esset ad specierum reflexiones dictas excipiendas. Ex quibus clarè constat, infinitam reflexionem non nisi ad modum dicendi admitti posse. Hæc optimè *Traber*. Subnectit deinde:

Si duo spe-
cula paral-
lelè sibi op-
ponantur,
non sequi-
tur reflexio
infinita.

Verum quidem est, terminum certum reflexionum assignari minimè posse ob diversas quidem causas & rationes nonnunquam plures, paucioresque fieri reflexiones; rarò tamen ad decimam quintam reflexionem perveniri, sicut & ipsemet crebrò adverti.

Primò: Quia species ex frequentiore reflexione plurimùm debilitantur, præsertim ex apparente remotiori objecto; quia v.g. objectum decimo loco in reflexione apparens non potest ita clarè repræsentari, uti primo loco, cum reciprocè in opposita duo specula decies incidere, & toties reflecti debeant species, antequam in oculum perferantur; siquidem in singulis reflexionibus aliquid de vivacitate specierum perditur, donec ultimò evanescant omnimodè, uti experientia patet.

Secundò. Etiam specula magis tersa & polita aut perfectiora, aptiora sunt ex naturâ sua clarius & frequentius species reflectere, quàm minùs pura aut minus perfecta; quia si hæc primas species obscurè reflectere soleant, quantò magis sapius reflexas? consequenter eadem citius evanescere debebunt.

Tertio. Objectum illuminatum vel luminosum sapius reflecti poterit, quàm obscurum: ut si lumen proponatur, sapius reflectetur, quàm niger pannus: ergo etiam ob virtutem limitatam objecti ejusdem species sapius reflexæ adeò debilitari possunt, donec planè evanescant.

Quarto. Nonnunquam medium plus minusque illuminatum servire & officere poterit ad species reflectendas: vivacius enim eâ sereno cœlo repræsentabuntur, quàm Sole obscurato, aut etiam crepusculo.

Quinto: Denique & oculus magis acutus sapius objectum reflexum conspicit, quàm cæcutiens: ideoque non est mirum, species reflexas infinitas non tantum excludi, verùm etiam ex prædictis causis solito citius multoties deperdi.

Sciendum 4. Cum ex pluribus speculis corpus aliquod polygonum catoptricum constituitur; optimum est illud in tali figurâ polygonâ apparare, ut figura illa ad basim formata, si multiplicetur, possit unam continuam superficiem constituere. Unde aptissimæ sunt hæc tres, nempe trigona æquilatera, quadrata, & hexagona. Sed his præmissis nunc aliqua Technasmata catoptrica proferamus.

Technasma I.

Cistulæ specularis constructio, in qua res eadem valde jucundè & curiosè multiplex repræsentari potest.



Hæc cistula, quamvis simplicissima sit, valde mirabiles tamen & jucundissimos effectus præstare solet, ita ut Catoptrices ignaros cum stupore attonitos eandem inspexisse viderim. Constructio autem mechanica talis esse potest.

Constru-
ctio cistu-
læ specula-
ris.
Iconismus
XXVI.

Fiat cistula *EKG* quadrata ex lignis bene siccatis & aridis, qualis in fig. 1. Iconismi repræsentatur: intus ad angulos rectos cerâ piceatâ agglutinentur quatuor specula plana, quæ integant omnia latera, ac collocentur sibi perfectè parallela: pertingant autem usque ad foramina oblonga inspectoria *ab, cd &c.* quorum quatuor esse possunt, ad singula scilicet latera unum, prout figura prima monstrat: possunt etiam vitris planis muniri, ne sordes aut pulveres faciliè indicere queant; aut, si specula satis alta sint, potest iis ad tantum spatium, quo foramina obtegere possunt, folium abradi, ut ita congruam perspectionem concedant Speculis probè cerâ piceata intus cistulæ coagmentatis, si, ex.gr. hortum aliquem cum variis areolis repræsentare velis, debes imprimis basi interiori sive fundo cistulæ hortensem figuram ordinatè inscribere, prout ex.gr. in *ABCD* fig. 2. apparet, & ex cera areolas efformare: ad angulum aliquem, velut *A* potes fontem salientem effigiare; ad juncturas verò sive angulos speculorum in *DCB* possunt arbores procera efformari, quæ ramulis suis commissuras speculorum obtegant & occultent, ut ita Artificium arcanius reddatur, neque structura faciliè adverti queat.

Item, possunt in *ef*, & *gh* ex cera formari ambulacra, vel scabella cum vasculis florigeris aliaque similia, quæ in hortis amœnissimis videri solent. Horti effigie bene constructâ, cistulam superius in *E HGF* membranâ tenui cum curiosa aliqua figurâ appictâ, & vernice clarissima illustratâ; aut, quod multò melius est, vitro plano exterius nitidissimè expolito, interius autem tenui attritione, ut sæpè memini, obscurato occludes, ut quidem lux ibidem subintrare, opacitate tamen visum ita arcere queat, ne quidquam intus discernere, structuramque penetrare valeat. Potest etiam ad interiorem vitri superficiem curiosa aliqua figura dilutis aqueis coloribus appingi, quæ valde jucundè transparebit, & mirificè splendore suo placebit. Poterit etiam adhuc aliud operculum *MN* fieri, ut cum seponitur, optimè concludi & custodiri queat. Eritque sic tota specularis cistula constructa, ut in figura 3. melius apparet.

Ufus



D
A
C
B
f
g
h

Figura 1.





Figura 3.






Ufus hujus cistulæ specularis talis est. Amoto nempe tecto sive operculo *M* Ufus cistulæ specularis. si ad quodcunque latus per foramen aliquod inspiciatur, ingens mox quaquaversus amoenissimus hortus cum ordinatissimâ omnium partium, velut areolarum, fontium, arborum, & similium distributione spectari potest, ita ut finis haud discerni queat, repetitis semper novis ordinatissimis figuris hortensibus, ut in fig. 2. videre licet. Atque ista horti alicujus in cistula speculari structura potest esse loco exempli (quocirca etiam paulo fufius declarare volui) ad quam aliæ qualescunque ordinationes pro aliarum rerum curiosarum exhibitionibus facillè institui possunt. Unicum tantum attendendum, ut commissuræ ac terminationes speculorum probè minutis scissilibus objectis obtegantur, ne facillè adverti queant, sed una quaquaversus continua superficies putari possit.

Technasma II.

Machinæ catoptricæ polygonæ constructio, in qua diversæ quidem res in diversis loculamentis repositæ, singulæ tamen totam machinam occupare cernuntur.

Fiat ex lignis aridis corpus polygonum ordinatum sive regulare qualecunque, uti hic est hexagonum *BCDEFG*, ac interpositis tenuibus asserculis parentur diversa loculamenta, eaque tot, quot polygonum habet latera, ut vides in *BAC*, *CAD*, *DAE* &c. formetur deinde in singulis lateribus exterioribus superius (velut in *ef* patet) oblongum aliquod foramen, ut ibidem machina commodè inspicere queat: interiora verò latera ad angulum *A* concurrentia investiantur speculis planis sibi mutuò oppositis: exteriora verò latera polygoni possunt intus curiosè pingi; vel, quod melius est, vitro plano rotundo, aut quadrato, aut qualiscunque figuræ occludi, ut ibi amplior lux subire possit; debent tamen intus esse derrita ac impolita, ne visus omnino perspicere & omnia distinguere valeat: poterunt etiam his vitris impolitis ornatûs causâ variæ figuræ & imagines accommodæ dilutis aqueis coloribus intus appingi. Machinâ sic apparata formentur ex cera vel ligno qualescunque imagines, & intus ad basin aptè disponantur: & quidem in uno loculamento, ex. gr.

Constructio machinæ catoptricæ.



potest apparari hortus cum variis areolis & flosculis; in alio hortus alius viridis cum variis arboribus ordinatissimè dispositis; in alio chorea saltantium; in alio varia Artificia curiosa cum turribus aut pyramidibus; in aliâ rursus ædificia diruta, acervi lapidum cum antiquis arboribus ac similibus, ut locus planè desertus reputari possit: tandem rursus in alio conclave aureis ac fulgentibus columnis exornatum cum men-

sis magnificè stratis ac regio apparatu instructis, similiaque alia, uti Artifici placuerit, jucundissimè & curiosissimè exhiberi poterunt. Machina bene his instructa & ordinata superius tenui membranâ occludatur, ut lux ibidem ingrediens res impositas illustrare valeat: eritque sic machina catoptrica parata, quæ diversis semper locis inspecta, diversa etiam objecta repræsentabit, ita quidem, ut semper totum corpus polygonum uno aliquo dictorum mirificè & ordinatissimè repletum judicari possit.

Annotatio.

Possunt etiam ad singula latera, quæ polygonum efficiunt, intus specula plana applicari, sicque res impositæ ad amplum valde spatium auctæ repræsentari. Quod si defectus aliquis lucis advertatur; insignior fabrica machinæ præsertim hexagonæ esse poterit, si ex duobus loculamentis unum efficiatur, itaque tria tantum in corpore tali hexagono accommodentur, nempe *BADC*, *DAFE*, & *FABG*, ac singula latera speculis obtegantur. Sic res qualescunque ibidem apparatus ad ingens plane spatium cum maxima inspectantium admiratione repræsentari poterunt.

Technasma III.


Fabrica mensæ catoptricæ, in quâ repente horti, choreæ, & alia hujusmodi gratissima spectacula curiosissimè exhiberi possunt.

Legitur in quadam epistolâ (ut refert *Schottus* in Joco-feriis cent. 2. prop. 51.) quæ fasciculo temporum *V Verner* antiquissimo charactere adjuncta est, cum Imperator Trevis ad *S. Maximinum* cum multis Germaniæ proceribus degeret, *Trithemium* in mensa derepente spectantibus omnibus plantulam quandam produxisse. Magnus quoque *Albertus* Coloniae coram Imperatore & Principibus aliis herbas & flores ex tempore produxisse scribitur, & ob id opulentum prædium pro Monasterio suo dono recepisse. Ego non tantum flores & herbas, sed integros hortos miris floribus & arboribus repletos, integros exercitus, choreas omnis nationis hominum ridiculè saltantium in mensis subitò, ut exhiberi queant, sicut re ipsâ exhibui, nunc paucis indicabo.

Constru-
tionis Ar-
tificium

Fiat mensa *C* rotunda, quadrata vel polygona quomodolibet, & ad medium ejus aptetur & abscondatur corpus polygonum catoptricum *B*, ita ut pro libitu attolli, & denuo recondi possit; quod effici potest vel pennâ chalybea infra mensam *C* in Arca *D* debite adaptata, ut ea dum per claviculum intrusum laxatur, corpus dictum mox foras subsultare faciat, ac dum rursus introprimitur facile penna contracta iterum recondi ac debito loco retineri queat. Vel melius potest infra in *D* ex ferro aut etiam ligno structura fieri ad modum glossocomi sive pancratii, veluti *Aurigæ* aut mechanici alii ad pondera quæcunque elevanda ac remittenda adhibere solent, quâ facilè, converso scil. extante manubrio *E* corpus polygonum catoptricum elevari & foras produci, ac etiam denuo retrahi atque recondi possit. Ipsum verò corpus catoptricum quod attinet, potest illud fieri aptissimè quadrilaterum, ut in fig. 2. patet, cum quatuor loculamentis, quorum latera interiora speculis planis obtegi debent; unde requiruntur specula 16; sicque possunt quatuor res diversæ multipliciter auctæ & ad amplum spatium extensæ repræsentari.

Quod si verò tantum unam rem, nempe hortum aliquem magnum & amplum ibidem exhibere libeat, omisiss interstitiis *dc* & *ab* aptentur intus specula ad reliqua latera, atque juncturæ eorum probè, ut supra indicatum est, obtegantur, ne facilè adverti queant. Quod si verò placeat polygonum adhibere plurium laterum, aptissimum erit hexagonum, in quo etiam tria loculamenta ordinari possunt, sicut in fig. 3. apparet, cum speculis planis ad singula latera interna affixis; unde in tali ordinatione requiruntur specula 12. Sin autem unam tantum rem, velut hortum valde amplum & magnum repræsentare libeat; omisiss lateribus *ba*, *ca*, *da*, requiruntur tantum 6. specula, quot nempe sunt latera interna. Omnibus bene constructis, & figuris quas repræsentare cupis, ex cera vel ligno aut quâcunque alia materia apta formatis, debiteque in catoptrica hujusmodi machinâ constitutis, chartâ pergame-



gamenâ, vel tenui membranâ *B* (quæ etiam exterius curiosam aliquam imaginem dilutis aqueis coloribus appictam habere potest) occludatur machina, ac dum infra mensam recondita est, etiam operculo ligneo *A*, quod justè foramini, unde machina prodit, congruere debet, obtegatur ita, ut mensa planissima reputari queat: eritque sic catoptrica mensa parata, in qua amotis ferculis & quibusvis aliis mox hospitibus assidentibus, hortum amplissimum, choreas, aliaque curiosissima spectacula, ut in Machinâ antea ordinâsti, jucundissimè & curiosissimè repræsentare poteris.

Annotatio 1.

Valde curiosum & mirificum spectaculum in tali aliqua mensa debet, ut modo indicatum est, apparatus Hospitibus exhiberi potest: si nempe aptetur quidem machina catoptrica cum speculis, more dicto, relinquatur tamen vacua, ut naturales res qualescunq; facile ibidem imponi queant: possunt ita ad angulos speculorum, ne juncturæ pateant, disponi flores ex horto collecti, vel herbæ qualescunque recentes; vitra item & pocula aurea patoria: in medio autem collocari poterit paropsis cum variis fructibus, ut pomis, pyris, nucibus, uvis, malis aureis, ac similibus: Machina verò his bene instructa & ordinata infra mensam artificiosè abscondatur. Ubi deinde cum Amicis bene super hanc mensam epulatus es, dices, te primâ mensâ remota secundam ex ipsâ mensa educere velle: amotis itaque omnibus ferculis, & quibusvis sepositis, machinam catoptricam mox subsultare facies, operculumque ligneum removebis: & ecce amplissimam mensam penè infinitam quaquaversus omnis generis fructibus & floribus ornatisimè instructam cum summa intuentium voluptate & admiratione exhibere poteris. Jucundissimum etiam spectaculum exhiberi poterit, si viva animalia, ut caniculi, feles, ac similia, vel etiam altilia quæcunq; ibidem recondantur & occludantur; opportunè deinde Hospitibus ostendantur; ingens enim cavea his repleta repræsentari poterit, quæque motibus suis mirè Hospites recreare valebunt.

Quomodo tali Artificio alia adhuc curiosius exhiberi possint,

Annotatio II.

Curiosa
fercula o-
stenforia.

Patet hinc etiam, quomodo curiosissima fercula ostensoria, uti aliàs in lautissimis epulis Magnatum exhiberi solent, apparari queant. Possunt enim Artocreae sive carceres farinacei formari ex charta crassiori compacta, itaque exterius pingi, ut veros tales carceres repræsentent: intus autem Artificio catoptrico, ut in præcedentibus machinis docuimus, possunt curiosissima spectacula aptari: cumque hæc fercula mensis imposita, amoto tandem operculo, quod similiter ex charta efformari potest; possunt ibidem abdita curiosissimè ad amplissimum spatium cum summa admiratione & stupore convivis exhiberi.

Annotatio III.

Quomo-
do mem-
brana val-
dè trans-
lucida effi-
ci possit.

Cum sæpè hætenus mentionem fecerimus chartæ pergamenæ sive membranæ tenuis, quæ pro luce in huiusmodi machinas immittendâ iisdem obtendi potest; libet hic etiam obiter indicare, quomodo magis translucida reddi, ac diversimodè colorari possit. Cardanus lib. 13. de variet. cap. 63. vult eandem valde translucidam fieri, si super ferrum læve, calidiusculum sensim lachryma Abietis aut Laricis imbuatur, vel candidis ovorum, lachrymæque Arabica & melle despumato. Optima tamen praxis hæc est, si membrana in lixivio valde claro eluatur, totiesq; repetatur elotio, lixivium semper mutando, donec omnino translucida & optimè elota compareat. Ultima tandem elotio fiat in aquâ communi purissima. Peractâ elotione membrana extendatur & affigatur regulis ligneis, & siccari in Aëre permittatur, eritq; clarissima. Quod si colore aliquo imbuere libeat, veluti viridi, aut quovis alio debet is dilutè admodum temperari, & præparari, ita ut nec nimium fluidus nec nimium crassus fiat: post ultimam verò elotionem nec dum siccata eidem imponi ac per noctem ibi relinquere debet; deinde denuo in aquâ purissima oportet eandem eluere, ac post elotionem extendere & affigere, ut supra indicatum est. Pro viridi colore adhiberi potest ærugo addito paxillo viridis saturi cum aceto contrita & contemperata. Pro rubeo decoctum ligni Brasiliæ: pro cæruleo succus myrtillorum: pro flavo decoctum ex baccis Rhamni mense Augusto collectis; vel ex corticibus mali, abjecta tamen tunica aspera exteriori. Nota etiam, quod cum membrana colorata super machinas expansa est, potest clarissimâ aliquâ vernice aliquoties illini, ut splendidissima evadat.

Technasma IV.

Machinæ catoptrico-dioptricæ valdè miræ constructio, in quâ plura diversissima spectacula curiosissimè exhiberi possunt.

Machinæ hujus constructio facilè patet ex præcedentibus: paucis tamen, uti eam aliquando construxi, indicabo.

Indicatur
fabrica
constru-
ctionis.

Fiat imprimis structura inferior quadrilatera cum quatuor etiam loculamentis, ad quorum singula latera interna apponantur specula plana; undè 16. adhiberi debent, velut in polygono quadrilatero fig. 2. præc. technasm. indicatum est. In his loculamentis pro quatuor Anni temporibus exhibendis ex cerâ aptari poterunt sequentes figuræ. Imprimis pro Vere apparari poterit hortus floridus: pro Æstate militum digladiantium & pugnantium congressus: pro Autumno hortus viridis cum stagnis & Arboribus decorè suis fructibus oneratis: pro Hyeme venatio apro- rum &c. Omnia hæc loculamenta obtegi poterunt tenui membranâ, in qua Chronoscopium velut alibi docebitur, inscriptum sit. Supra structuram hanc quadrilateram paretur alia machina catoptrica hexagona cum 6. speculis, ut præced. technasf. indicata est; intus autem per cereas imagines exhibeatur chorea ex omnis Nationis hominibus: superius verò, ubi lux subire debet, obtendi poterit membrana, in quâ Systema mundanæ Pericyclofis, ut infra indicabitur, appingi poterit. In operculo hujus machinæ hexagonæ adhuc accommodari poterit alia structura quadrata cum quatuor loculamentis & 8. speculis, in quibus quatuor Mundi partes, velut Europa, Asia, Africa & America per conformes imagines repræsentari poterunt, Artifi-

cio


cio ita constructo, ut specula quidem jungantur, prout Tech. 2. hujus cap. indicatum; ante verò pateant, licet vitro plano utrinque clarissimè diaphano concludi possint. Tandem supra ad verticem machinæ accommodari poterit curiosum Microscopium, quale supra Probl. 4. cap. 4. Synt. 3. indicatum est: eritq; sic machina tota constructa. Quomodo Systema mundanæ Pericyclois membranis inscribi queat, infra, dum de Panscopio agemus, dicetur. Plures alias machinas catoptricas ope planorum Speculorum construere docet P. *Traber* in Nervo suo Opt. lib. 2. ubi & valdè doctè & solidè præcæteris quos vidi, Authoribus Artificia hujusmodi pertractat & demonstrat. Sed libet his adhuc curiosum quoddam horologium catoptricum illusorium subicere.

Technasma V.

Horologium catoptricum illusorium.

Horologium apparatus (ut figura monstrat) solaribus radiis expositum ex unico solùm, eoquè certo loco, velut superiore quodam foramine I perfectissimè solet horas ostendere; aliter autem quomodocunque inspectum semper fallit. Delineatio linearum horariarum est deformiter in planum horizontale *MK* projecta: stylus acclinat speculo verticaliter erecto. Ex parte speculo oppositâ erectum est aliud planum, cui intus adscriptæ sunt literæ, quæ de se non possunt facile legi, cum sint converso ordine appictæ; solùm autem ex alio quodam foramine *K* inspectæ perfectissimè legi possunt. Machina porro tali Artificio constructa est, ut dum quis in scripturam legendam intentus est, mox ab alio effici potest, ut planum aliud recedat, vel subsultet, videaturque stultus cum longis asininis auribus, digitisq; illudens. Vide figuram appositam.

Descriptio
horologii.



Sic *ABCD* est speculum verticaliter erectum.

BEHC est planum horizontale habens in se deformiter inscriptū horologium.

LM est stylus acclinis ad speculum faciens in *L* angulum æqualem angulo elevationis *Æ*quatoris.

I foramen, per quod in speculo exactissimè horologium conspicitur.

Ii

K fo-

K foramen, per quod legi potest scriptura conversa, & aspicitur imago stulti illudentis.

N est claviculus, quo intruso vel impresso à subsultante pennâ chalybea elevatur, aut repellitur planum cum scripturâ conversa inscripta, ut appareat in speculo imago stulti illudentis.

Annotatio I.

Pro meliori constructione hujus horologii adverte, quod latitudo *E H* debeat esse dupla latitudinis speculi *B C* vel *A D*; altitudo verò foraminis *I* debeat esse dupla altitudinis *B A* vel *C D*.

Annotatio II.

Quomodo horologium practicè delineandum.

Ad aptissimè delineandum horologium deforme in plano horizontali *BEHC* hâc praxi mechanica procedi potest.

1. Fac horologium verticale perfectum in charta pro Horizonte, in quo collocandum est; & lineas horarias excinde, vel saltem centrum ejus, & in singulis horariis lineis unum aliquod punctum.

2. Affige illud cerâ circa extremitates ad ipsum speculum, ita ut linea meridiana sive horæ 12. medietati speculi respondens sit perpendicularis ad planum horizontale.


3. Nota puncta tam pro centro horologii, quàm pro singulis horariis lineis in ipso speculo, ita ut ablata chartâ in speculo adhuc distinctè videri possint, quocirca etiam illustri aliquo colore facilè delebili designari poterunt.

4. His punctis in speculo notatis prospice per foramen *I*, ac manu vel bacillo in plano horizontali quære puncta singulis punctis in speculo notatis respondentia, eaque nota in plano horizontali.

5. Ab omnibus his punctis designatis adhuc lineas ad punctum centro respondens, & appinge figuras numerales, quas deformiter & inverso modo, uti ex foramine *I* judicaveris, delineabis. Abster sis denique punctulis in speculo antea notatis, positoque stylo sive indice *ML* ita ut puncto centri conveniat cum angulo elevationis *Æquatoris*; habebis horologium verticale paratum, quod ex nullo alio loco, nisi per foramen *I* inspectum ostendere poterit tempus horarium quæsitum.

Annotatio III.

Quod si Tropicos aut alias lineas horarias præter Astronomicas inscribere velis, exacte prius eas in charta delineas, ac procede juxta praxin indicatam. Vix tamen practice hoc succedit bene; ideò quod umbra in speculo non facilè notetur, licet perfectè horologium videri queat. Quocirca bene fit, si solum horariæ lineæ Astronomicæ, uti vulgariter fieri solet, protrahantur, & ora sive limbus, quo speculum continetur, aliquantulum latior fiat albi coloris, ut ex umbra gnomonis aut trianguli gnomonici illuc cadente saltem extra speculum facilè notari possit, quas umbra dicta horarias lineas proximè accedat, itaque horas designet. Hujusmodi horologium Magnifico cuidam Domino Herbipoli ex hac instructione meâ valde eximie confecit R. P. *Adeodatus Zophet*, Ord. Eremitarum S. Augustini, insignis planè Practicus, & singularis Amicus meus, imò longe meliùs & perfectiùs cum variis parergis, quàm hoc loco indicatum est.



CAPUT V.


Artificia catoptrico-dioptrica valde mira circa projectionem luminis & imaginum curiosarum proferuntur & declarantur.

DE projectionibus quarumlibet imaginum & figurarum theoricè actum est in fund. 2. Synt. 3. cap. 13. Nunc practicè ostendemus quædam Artificia mira, quibus ope Lentium dioptricarum & speculorum concavorum non tantum lumen valdè intensum ad res longius remotas illustrandas, sed etiam una cum lumine species pro variis imaginibus curiosissimè repræsentandis in longinquum cum maxima inuentium voluptate & admiratione trajici possunt.

Technasma I.

Lucernæ Magicæ catoptrico-dioptricæ lumen valdè intensum projicientis fabrica & usus.

Vulgariter notæ jam sunt lucernæ Magicæ, quæ ad valdè magnam distantiam lumen satis intensum projicere solent, ita ut quis cum tali lucernâ per integram plateam de nocte personas quascunque obvias aut discurrentes facilè dignoscere; ipse verò qui talem lucernam portat, ab iisdem minimè videri queat. Similiter possunt ope talis fabricæ lucivomæ de nocte quæcunque objecta satis dissita etiam ultra centum pedes remotæ, maximè si etiam Telescopium adhibeatur, commodissimè videri, ut ex. gr. quænam hora sit in horologio publico alicujus turris, & plura alia. Sed jam fabricam ejusmodi lucernæ, prout aptissimè construi potest, paucis declaremus.



Lucernæ
constru-
ctio.

Communissimus modus ejusmodi lucernam fabricandi exhibetur in fig. 1. ubi, ut vides, Tubus *DE* lenticulari vitro circa extremitatem in *DE* imposito (quale esse potest utrinque convexum ex diametro convexitatis unius pedis, vel etiam ex diametro paulò minore, aut etiam majore, prout lucerna major aut minor conficienda requirit) committitur alteri tubulo *FG* lucernæ affixo, ita ut tubus *DE* in illo ductitius possit nunc magis nunc minùs pro exigentiâ extrahi. In medio lucernæ aptatur lampas *A* cum elychnio gossypino satis spisso, binisq; spiraculis à latere instructa, foveturque oleo ex olivis expresso. Propè verò lampadem *A* ponitur speculum metallicum concavum *B* ad distantiam ferè sui foci, cujus porrò concavitatis diameter esse poterit commodissimè 5. digitorum, vel etiam adhuc paulò minor aut major pro lucernæ aptitudine. In communioribus ac vilioribus istiusmodi lucernis solent bractearii adhibere tantùm laminam æream concavam ad cochlearis modum oblongè concavatam intusque tersissimè expolitam.

Quibus omnibus ita constructis habebis lucernam paratam, quæ nempe elychnio accenso ita ut flamma medium tam speculi, quàm Lentis convexæ occupet, ductoque ita tubo *DE*, quousq; lumen probè ad desideratam distantiam effundatur, objecta etiam in ea distantia valdè illuminare poterit, ita ut distinctè faciliè cerni queant.

Alia lucernæ
fabrica
indicatur

Paulò aliter potest lucerna ejusmodi cum lampade parari, prout fig. 2. exhibet: ubi lampas *D* pedi *E* supra aptata est, potestque lucernæ *AB* sic immitti, ut etiam immoto pede *E* lucerna quaquaversus gyrari possit: remoto quoque ostiolo *A* potest speculum *F* rotundæ capsæ impositum intus faciliè accommodari pro lumine intensissimo reflectendo. Deinde & similiter tubus *C* ductitius cum Lente ad extremitatem imposita facile sic ordinari potest, ut lumen receptum ad quamcunque petitam distantiam trajicere queat.

Quomodo
talis lucerna
cum
cereo aptanda.

Figura 3. exhibet lucernam aptandam cum cereo; ubi nempe cereus *AB* infra per foramen *D* in lucernam immittitur: ut autem flamma *A* semper debito loco, scilicet circa medium speculi *C* & Lentis *E* *F* contineri queat, potest in pede *G* aptari penna ferrea cum uncule *I*, velut aliàs in communioribus candelabris fieri solet, ita ut retracto uncule *I* cereus faciliè promotus & quovis modo accommodatus loco suo iterum retineri queat.

Quomodo
lucernæ
Telescopiū
apponden-
dum.

Quod si & libeat lucernam talem cum Telescopio præsertim binoculo construere, inspiciatur fig. 4. ubi lucerna aptatur supra capsam *AB* Tubi binoculi ex bracteis stanno-ferreis aut æreis paratam, ut in figura melius videre licet. Quia verò ad tam longè remotam distantiam istiusmodi lucernæ non serviunt; conducit ordinationes Telescopicas efficere quidem breviores, at cum habito respectu brevitatis Lentes adhibere non nimis acutas, sed paulò obtusiores, ita ut valde clarè aliàs sine lucerna etiam in aère communiter lucido exhibere soleant objecta, licet non ita magna.

Ufus istius
modi lucernarum.

Ufus porrò generalis istarum lucernarum est, in longinqua lumen ac fieri potest collectissimum atque intensissimum projicere, ut in eodem quæcunque objecta constituta distinctè faciliè cerni queant. Audivi non ita pridem, tales lucernas etiam in sylvis ad feras glande trajiciendas adhiberi, hunc ipsum autem ob usum à Magnatibus severè interdici. Possunt & de nocte servire ad pisces in fluminibus & stagnis faciliè congregandos & captandos, quod furibus dictum minimè volo.

Annotatio.

Ut tales lucernæ etiam servire queant ad lumen quaquaversus dirigendum, potest extra vitrum Lenticulare speculum planum debite adhiberi, eoque lumen etiam immota lucernâ in omnem partem faciliè profundi. Item, potest lumen projectum magis intendi, ut ita ad multo remotiorem distantiam dispergi queat, si nempe lucerna ita præparetur, ut etiam ad latera alia adhuc specula cum lampadibus ac vitris Lenticularibus disponantur, ut eorum projectiones luminosæ ad primam mediam luminarem projectionem ordinentur: quod obiter ita paucis indicasse sufficiat.


Technasma II.

*Lucernæ Magicæ catoptrico-dioptricæ sive Thaumaturgæ Megalographicæ
imagines ac quascunque figuras in grandi formâ projicientis aptissima
constructio & usus.*

Non immeritò lucernam hanc dicimus Magicam & Thaumaturgam, cum planè mirifica rerum quarumlibet exhibitio per eam cum summo intuentium stupore fieri possit: Megalographicam etiam vocamus, quod in grandi forma etiam minimas figuras & icones impositas vivacissimè cum omnibus coloribus repræsentari faciat. Verùm relictis verborum ambagibus, quomodo talis lucerna practicè construi aptissimè possit, ordo vocat, ut paucis declaremus.

Structura imprimis externa diversimodè effici potest, prout in figuris apposis apparet, rotunda scilicet, aut quadrata, aut alia qualiscunque, dummodò partes principales ad hanc lucernam requisitæ (quales sunt, speculum metallicum, lampas elychnio gossypino satis spisso & magno instructa, & Tubus cum vitris Lenticularibus) aptè, ut mox indicabitur, in ea disponi queant. Infumibulum etiam sive caminus (qui pluribus foraminibus patulus esse debet, ut facillè fumum egredi sinat) sicut & crena aliqua oblongior, per quam asserculus cum pictis imaginibus eidem infixis traduci debet, quomodo construi debeant, facillè in figuris advertere licet. Interna igitur structura partium principalium & essentialium potius attendenda, & hic à nobis planiùs declaranda videtur, quam talem esse convenit.

Structura
lucernæ
magicæ.



Aptatio
tubi cum
vitis Len-
ticularibus.

Tubus imprimis *AB* construatur ex bracteis æreis aut ferreis stanno obductis, cum duabus aut tribus arundinibus sibi commissis, in quibus disponantur duo vitra Lenticularia convexa, unum quidem circa extremitatem in *A* paulò majoris sphaericitatis; alterum autem propè imaginem in ipsa lucernâ recondatur, ita tamen, ut multò propius accedat imaginem, quàm sit ejus foci principalis distantia. Ut autem proportio aliqua istorum vitrorum sciri queat, in exemplo indico duas, quæ in praxi bonæ compertæ sunt. Ut si ex. gr. pro mediocribus lucernis exterius vitrum utrinque æqualiter convexum adhibeatur ex diametro 1. ped. & $\frac{20}{100}$, interius versus imaginem poterit esse utrinque æqualiter convexum ex diametro $\frac{20}{100}$. Pro paulò majoribus lucernis, si vitrum exterius fiat utrinque ex diametro 2. ped. & $\frac{25}{100}$; poterit interius adhiberi æqualiter convexum utrinque ex diametro 1. ped. & $\frac{75}{100}$. Amplitudo autem Lentium istarum sive diameter apertura potest esse propè $\frac{1}{4}$ pedis, sive $\frac{25}{100}$. In priori proportionem paulò minor. Verùm hæc ita rigorosè non sunt amplectenda, ut absolutè observari debeant; indicantur tantum pro directione aliquâ: unde etiam possunt adhiberi vitra inæqualiter convexa ex diametris inæqualibus, sicut & vitra plano-convexa, ac in proportionem etiam adhuc paulò minori. *Dechales* putat exterius vitrum posse esse commodè duplo majoris sphaericitatis, quàm sit interius; id tamen se potius per experientiam, quàm ulla ratione reperisse. Unde exterius vitrum dicit invenisse 10. digitorum, interius 5. digitorum.

Constructo Tubo *AB* parandus est asserculus tenuis pluribus circularibus foraminibus patulus, quibus totidem orbiculi vitrei aut ex Selenitide excisi, utrinque planissimè expoliti, ac variè coloribus aqueis ac dilutis sive translucidis picti, propè etiam in magnitudine convenientes cum apertura præpositarum Lentium sic inferi debent, ut ultrò citròq; moto asserculo *C* per transversam crenam in lucerna aptè excisam (ut in figuris patet) nunc primus, nunc secundus, nunc reliqui pro arbitrio Tubo *AB* cum Lentibus aptato directè opponi possint. Quamvis tamen etiam loco istorum orbiculorum una continua oblongior tabula vitrea utrinque plana, in quibus variæ imagines dilutis coloribus in continua serie appictæ sint, asserculo *C* inferi queat: Item & loco ipsius asserculi possit etiam orbis aliquis volubilis major, prout in fig. 3. videre licet, cum vitreis orbiculis congruè impositis apparari, ut moto extante indiculo *ab* variæ imagines, prout libet, Tubo obverti queant; sicque etiam in ipsa machinâ hic volubilis orbis abscondi possit, ut Artificium planè non advertatur. Debent autem omnes picturæ sive imagines aut scripturæ, quas trajicere aliò lubet, inversæ sisti ante Tubum *AB*, ut extra erectæ comparere possint.

His omnibus debitè ordinatis, in medio lucernæ ponenda est Lampas luculenta valdè ex elychnio satis spisso, quæ oleo olivaceo foveri potest: post lampadem quoque collocandum est speculum metallicum, sicut in priore technasmate indicatum, in distantia propè foci sui. Quamvis practicè omnium optimè in ordinatione talis lucernæ procedi possit experimentaliter tam in remotione lampadis ab imagine, quàm speculi à lampade. Porro, quod speculi concavi quantitatem attinet, in lucernis majoribus poterit adhiberi ex concavitatis diametro propè unum pedem exæquante; in mediocribus dimidium pedem, imò etiam minore adhuc, sicut adhibere soleo ex diametro 4. aut 5. digitorum. Plura alia quæ pro meliori aptatione & constructione talis lucernæ scire convenit, videri possunt in fund. 2. Synt. 3. cap. 13. Omnibus ita bene constructis erit lucerna Magica Megalographica parata, cujus usus, & tractatio talis esse potest.

Usus Lucernæ Thaumaturgæ Megalographicæ.

Usus lucernæ Thaumaturgæ.

Per constructam hoc modo lucernam possunt in obscurato conclavi aut de nocte amotis aliis luminaribus qualescunq; figuræ & imagines, imò integræ scenæ curiosissimè in pariete albo longius etiam ad plures passus distante cum omnibus coloribus & lineamentis distinctissimè repræsentari; ita ut licet imago intus abscondita sit valdè exigua, neq; Lentem interiorē magnitudine suâ excedat, tubo tamen obversa & elychnio accenso ei planè simillima ac multo major ad longam distantiam trajici, & ad aptum planum in medio bene illuminati circuli conspicua formari queat.

Pro

Pro tractatione tamen talis lucernæ singulariter notari potest, quod lucerna magica, quantò plus distat ab albo plano, ad quod imaginem trajicere, ibidemque eandem perfectè exprimere cupimus, tantò plus è contra Tubus ex lucerna progrediens contrahi, adeoque exterius vitrum Lenticulare ad interius amplius adduci & admoveri debeat. Quantò verò lucerna minùs distat à plano albo, tantò magis Tubus dilatari, exteriusque vitrum ab interiore removeri debeat. In priore porrò casu semper pro ratione distantiae imago major; in posteriore verò semper imago minor efformabitur. Quæ omnia facile patent ex demonstratis fund. 2. Synt. 2. cap. 2. prop. 6.

Annotatio I.

Quia istiusmodi projectiones per Lucernam ita præparatam possunt tantum fieri in directum, nec commodè sursum aut deorsum dirigi queunt: effici tamen poterit cum speculò plano præfixo, ut radiosus profluxus interceptus etiam pro alia atque aliâ appositione speculi diversimodè diverti possit. Hinc facile discitur, quomodo Lucernâ hac in mensa collocata etiam sursum ad tabulatum imagines projici possint: Item, quomodo ex superiori loco alicujus conclavis per aliquod foramen in mensam aut pavementum dejici queant &c.

Annotatio II.

Cum imagines in vitris planis valdè dilutis & diaphanis coloribus appingi debeant; vitrum autem ob suam politiem non facile colores aqueos tenuissimos admittat, neq; satis nitidè figuras appingi sinat, debet illa polities in vitro nonnihil retundi, quod glutine candido ichthyocollæ, vel gummi dragacanthino in aceto albo dissoluto & tenuissimè attemperato effectû satis bono effeci. Quo tanquam fundamento posito facile alii colores tenuissimi aquâ gummosa attemperati induci poterunt. In folio tamen Selenitidis multò melius tales imagines depingi possunt, ut expertus sum. Facillimè autem quis istas imagines appingere potest, si nempe veræ imagini vitrum superponat, illius deinde lineamenta penicillo vel calamo imitetur. Optimam etiam praxin vitra aptandi, ut quicunque colores iisdem nitidissimè appingi queant, docet J. Kunckelius in Arte vitr. part. 2. num. 33. hoc modo: Accipe, inquit, scobis ferreæ, (*Eisen-Hammerschlag*) partes duas, scobis cupreæ, vulgò *Rupffer-Hammerschlag* partem unam: his addi Smalti sive Amausi aut Encausti, aliàs dicti *Schmelzglas* partes tres. Omnia hæc simul tere cum aquâ limpida communi super tabulam marmoream, vel laminam æream aut ferream per duos aut tres dies, quam potes minutissimè. Hac deinde mixtura præparata, si vitra quæcunque optimè deterferis, innoxia perspicuitate evadent scabra, ut facile qualescunque figuræ inscribi, & quæcunq; imagines appingi queant. Colores porrò, quibus vitra sic aptata pingi debent, vult præfatus Author aquâ Borracis Aurifabris usitatæ attemperari. Plura alia Artificia qualescunque colores & imagines quomodocunque coloratas vitris inurendi, videri possunt ad eundem loco citato.

Quomodo imagines vitris planis appingi possint.

Technasma III.

Mirabilem congeriem variorum Animalium sese moventium, item, serpentum & similium in albo pariete ad stuporem omnium intuentium curiosissimè exhibere.

Cum in Lucernâ megalographica veri microscopii speciem habeamus, in quâ etiam minima reposita, plurimum tamen aucta in trajectâ imagine repræsentari possint, haud aliter ac imagines objectorum minorum adhibitis aliis microscopiis in oculum trajectæ multò majores ipsis objectis ibidem depingi solent, ut in fund. 2. demonstravimus: sic etiam in Lucernâ Magica, si minutissima animalcula in loco vitri plani reponantur, eadem mirificè aucta in pariete vel quocunq; plano dealbato repræsentari poterunt. Nihil autem curiosius videri poterit, quàm si istorum animalculorum imagines ita projectæ huc illucque sese motitent, & quaquaversus progrediantur aut discurrant: sic enim jucundissima & valdè ludicra parastasis curiosis specta-

Lucerna magica est species Microscopii.

ſpectatoribus cum ſumma admiratione, imò maximo ſtupore exhiberi poterit. Reſtat igitur, ut praxin, quâ curioſiſſimum hoc ſpectaculum verè Magicum repræſentari queat, paucis indicemus.

Artificii
ſtructura
indicatur.

Fiat itaque oblongior aliqua capſa vitrea planiſſima ad modum aſſerculi plani, qui cum imaginibus per lucernæ crenam traduci ſolet, intus vacua, ut animalcula viva ibidem repoſita, ſicut & aqua cum vermiculis facilè contineri queat. Vel poſſunt etiam duæ vitreæ tabulæ oblongiores valdè tenues, aut duo tantùm folia Selenitidis fortiori aliquo glutino aptè conglutinari ac ita compingi, ut inter duo vitra ſic compacta ſpatium aliquod intercedat, relinquendo ſolùm ſuperius aliquod foramen, per quod viva animalcula (velut eſſe poſſunt minutæ varii generis muſcæ cum alis prælongis, aliaq; inſectæ parva propè diaphana) imponi, ac deinde concludi poſſint. Capſa hæc vitrea ad modum aſſerculi, ut dictum eſt, adaptatâ, impositisq; variis animalculis vivis per apertam lucernæ crenam traducatur ac loco imaginum reponatur, fiet, ut animalcula ibidem repoſita, dum lucis fulgorem unaque calorem lampadis ſenſerint, mirè intra vitra diſcurrant, ac quia multò majora in pariete repræſentantur, ideò cum ſummo ſtupore videri poterunt; jucundiſſimumq; erit in muſcis diaphanarum alarum miras figuras, uncos & hamos cum prælongis pilis in pedibus, item proboscidēs, cornua, criſtas, ſetas, cheles, forſices, ac Indicra alia in iisdem ſpectare. Similiter ſi aquam limpidam variis vermiculis vivis ſcatentem impoſueris, poterunt in pariete grandes & mirabiles ſerpentes diſcurrentes cum admiratione & maximâ oblectatione videri. Totum conclave undiq; innumeris ſerpentibus aliisque animalibus quaquaverſus diſcurrentibus repletum exhibere poteris, ſi Lenti exteriori polyedrum vitrum bene elaboratum præpoſueris.

Annotatio.

Quomodo per radios ſolares ſimiles paraſtaſes fieri queat.

Cum Solis radii idem præſtare poſſint, quod lampadis lumen à ſpeculo reflexum, ſi in Tubum ita duo vitra Lenticularia, prout in Lucernâ Magica fieri debet, reponantur, & quæcunq; minuta objecta, veluti muſcæ aliaque animalcula in loco imaginis collocentur, Tubusq; Soli in obſcurato conclavi ita obvertatur, ut radii ad parietem, vel quodcunq; planum dealbatum trajici poſſint; haberi poterit illius minuti objecti appoſiti imago multò major æquè in pariete albo, prout per Lucernam fieri ſolet. Quod ſi etiam non ſatis commodè Tubus directè Soli obverti queat; poterunt debite prætento ſpeculo plano radii intus non obſcurato conclavi ad quemcunq; petitum locum traduci pro imagine ibidem efformandâ.

Technaſma IV.

Lucernæ Magicæ apparatus ad horas in plano albo quocunque tempore exactiſſimè demonſtrandas.

Variimodi
horas opere
lucernæ
magicæ demonſtrandi.
1. Modus.




Plures modi eſſe poſſunt, quibus lucernæ magicæ ſubſidio quocunq; tempore horæ in pariete albo exactiſſimè deſignari & demonſtrari queunt, quos obiter hic paucis Lectori libet indicare.


Primus modus eſſe poteſt, ſi in pariete quodam accommodetur index aliquis horarius Artificio Automatico intra 12. horas ex. gr. pro horis Europæis denotandis (ſi eas denotare libeat) perfectè ac regulariter in orbem mobilis; ipſum tamen horologium ſive horaria figura non apponatur, verùm in vitro plano deſcribatur, ac in lucerna recondatur, ad locum ſcil. ubi imagines pictæ collocari debent, quas trajicere volumus. Facile autem eſt cogitare, ſi index probè ſuo fungatur munere, & regulariter in orbem convertatur, quomodo appoſita figura horaria per Lucernam megalographicam trajecta mox Indici horologium adſcribi poſſit, atque ita etiam Index horam tempori competentem exactè deſignare queat.

2. Modus.

Alter modus eſt, quo in pariete quidem deſignatur aliquis Index immobilis & fixus. Verùm in ipſa Lucernâ figura horaria vitro inſcripta Artificio Automatico efficitur regulariter mobilis, ita ut figura horaria ad Indicem parietis quocunque tempore projecta mox horam competentem Indici apponere queat.

Ter-





Tertius modus esse potest, si horologium aliquod sine Indice pingatur ad aliquem parietem album, Index autem in vitro plano lucernæ delineetur, atque prior modo regulariter convertatur: fiet, ut per lucernam talem mox horologio in pariete descripto Index perfectè horas designans apponi possit. 3. Modus.

Quartus modus erit, si tam Index, quam figura horaria in ipsâ lucernâ aptentur, firmeturque figura horaria in plano quidem vitro notata, index autem eidem debite præfixus ad Tubum, in quo duo Lenticularia vitra collocata sunt, agglutinetur; Tubus porro cum Lentibus & Indice Artificio Chronometrico reddatur mobilis: qui modus est valde præstans; poterit enim ope talis Lucernæ mox ad quodcunque planum album in obscurato conclavi, quocunque etiam tempore horologium una cum Indice horas perfectissimè denotante describi. 4. Modus.

Quintus modus est, si fixo manente Indice unâ cum Tubo, in quo Lenticularia vitra reposita sunt, ipsâ imago sive figura horaria vitro plano inscripta, & in Lucernâ accommodata reddatur Automatico Artificio regulariter mobilis. Verùm duos priores modos hic paucis adhuc pro praxi libet exponere: reliquos mechanicis Artificibus in executionem deducendis relinquimus. 5. Modus.

Primus modus practicè facillè exerceri potest hâc industriâ. Appendatur in pariete albo horologium parvum solum ostensorium Automaticum, qualia passim haberi solent; ac quia figura horaria valde parva est, facillè obtegi potest. Pareretur deinde ex materia levissima, velut tenuissimo ligno arido, aut Arundine levissima Index aliquis prælongior & major, ac ad centrum horariæ figuræ Automatici horologii appensi affigatur, ita ut facillè intra 12. horas in orbem converti queat. Totum etiam horologium levissima charta facile occultari potest. Parato sic Indice in pariete, pingatur in vitro plano figura horaria cum exacta horarum distributione ac numeralibus figuris appositis, & debite recondatur in lucernam. Hac lucerna vitro sic picto instructa quovis tempore facillime horologium parieti adscribi poterit, quod exactissime horas ostendat; si nempe lucerna ad planum Indicis sic accommodetur, ut centrum figuræ horariæ trajectæ centro Indicis volubilis exactè conveniat. Vide figuram Iconismi. Ubi *C* repræsentat Lucernam, *B A* Indicem, *A* centrum Indicis & figuræ horographiæ trajectæ. Primi modi Artificium quomodo practicè exerceri possit. Iconismus XXVII. fig. 1.

Technasma V.

Quovis tempore in obscurato conclavi suspensò gladio vel baculo ad parietem album, horam tempori competentem exactissimè demonstrare.

Valde curiosum & ludicrum potest esse hoc Technasma, ita ut quis cum Amico certare posset, quod solo gladio vel scipione ad parietem appenso velit mox ostendere in eodem perfectissimum horologium, gladiusque debeat horam tempori congruam exactissimè demonstrare, si modò pati velit, ut cortinis obductis, cum de die Artificium instituitur, conclave obscuretur: vel, si de nocte, ut alia omnia luminaria removeantur. Artificium istud est secundi modi paulò ante indicati, ubi in Lucernâ Magicâ imago horodictica vitro plano inscripta per Automatam Chrono-metricam *D E* debite adaptatum fit mobilis aptissimè quidem hoc modo: si nempe imago horodictica probè includatur extremitati Tubi è Lucerna progredientis, in quo vitra Lenticularia disposita sunt: ad extremitatem autem mediî tubi *C* accommodetur rota dentata, quæ intra horas 12. ab Horometro subjecto & in Area *D E* congruenter apparato possit semel converti: fiet enim, ut dum Tubus *C* ita cum horodictica imagine in orbem volvitur & convertitur, semper alia atque alia ratione figuram suam trajicere possit; atque ita gladio

dio in pariete appenso horam congruam apponere queat. Unde patet, quod in huiusmodi Artificio fiat tantum commutatio Indicis & picturæ sive imaginis horodiæ. Nam sicut in ordinariis horometris figura horas monstrans erecta & firma persistit, atque Index congruè mobilis convertitur & monstrat horas: sic hic è contrario gladio *A B* velut Indice erecto & firmiter ita loco suo hærente figura horaria convertitur, ac currens hora gladio velut Indici admovetur, atque ita per eum denotari potest.

Annotatio.

Eiusmodi
Artificium
potest Ma-
gnatibus
esse valde
commo-
dum de
nocte.

Horologia ope lucernæ magicæ ad parietem album trajecta possunt Magnatibus plurimum servire: Nam quia aliundè semper lumen in cubiculis de nocte conclusum habere solent; potest tale Horometrum ita disponi, ut mox, dum è somno evigilant, ex opposito pariete currentem horam addiscere queant. Quod si fumus lampadis putetur noxius, potest is per caminum alio diverti: vel tota machina potest extra cubiculum aptari, ita ut solum Tubus cum Lente exteriori per foramen congruum aptè dispositus intromittatur. Sed hæc paucis indicasse sufficiat: Sagax Artifex plura alia utiliter hinc advertere poterit, quæ longo verborum tractu explicare opus haud arbitramur.

Technasma VI.

Artificium Anemoscopium, quo ope lucernæ Magicæ ventus quocunque tempore spirans in obscurato cubiculo ex suspensio ad parietem gladio vel scipione vel etiam aliâ re quâcunque pendulâ addisci potest.

Jucundissimum ac curiosissimum Artificium esse potest in undique etiam clauso & obscurato cubiculo quocunque tempore ventum extra flantem ex suspensio similiter gladio aut scipione ad parietem, ut in priore Technasmate indicatum est, addiscere. Quod Artificium quia parum differt à priore, quo scilicet horarium tempus addiscere docuimus, solumque ab aliâ adaptatione Lucernæ dependet, hinc eam paucis curioso Lectori nunc libet indicare.

Artificii
constru-
ctio.
figura 3.

Imprimis in vitro plano valde diaphano ac pellucido describatur nitidissimè figura ventorum sive Rosa nautica (ut aliàs vocare solent) unâ cum ventorum nominibus ad limbum exteriorem, sicut communiter depingi consuevit. Figura hæc probè picta applicetur debito loco ante interiorem Lentem convexam Tubi, qui è lucernâ egreditur, firmeturque ibidem: fiat quoque Tubus, in quo vitrum planum cum nauticâ Rosâ collocatum est, in orbem mobilis, ita ut facile circumverti queat: quod etiam ut tanto aptius fiat, habeat Tubus medius *C* affixam rotam dentatam ad extremitatem; supra Tubum autem istum in procurrentis lucernæ planitie accommodetur alia rota dentata *D*, priori in magnitudine & numero dentium planè æqualis, itaque invicem duæ hæ rotæ componantur & implicentur, ut dentes unius dentes alterius præhendant, adeoque si superior rota *D* moveatur quaquaversus, rota *C* similiter verti debeat. Hoc peracto ex centro rotæ *D* erigatur hasta oblonga *E*, quæ tanta esse debet, ut etiam tectum domus aut loci, in quo Artificium exhiberi petitur, egrediatur: Extra tectum verò aptetur ita, ut appposito superius vexillo pro ratione venti flantis, mox converti possit. Fiet ita ut etiam commoveatur rota *D*; hæc autem motâ similiter moveatur & rota *C*: & quia hæc rota ex constructione firmiter adhæret Tubo, in quo Rosa nautica collocata est; etiam hæc commovebitur: atque ita semper pro ratione venti flantis situm alium obtinebit. Quod si itaque hæc figura ventorum à lampade & speculo collustrata, & vi lucis animata per Lentes debite ordinatas ad parietem trajiciatur, valde aucta

aucta & mirum in modum ampliata etiam aliter atque aliter ibidem representari poterit. Sic etiam totum Artificium construi poterit, ut index *A B* siue gladius eo loco pendulus possit jucundissime & curiosissime ventum etiam ex quacunque mundi plagâ spirantem, quocunque tempore demonstrare. Sed hæc cum facile intelligi queant, iis neutiquam immorabor.

Technasina VII.

Lampas Anatomica mirabilis indicatur.

Multa hoc capite mira per lampades exhibenda retulimus. Restat, ut adhuc declaremus, quomodo lampas Magica construi queat, quæ Anatomix Doctoribus usum fortassis haud contemnendum præstare potest, ut etiam suis, quos instituere volunt, Auditoribus figuras Anatomicas mox in pariete cum omni facilitate objicere & explanare possint. Cum enim figuræ illæ in libris Anatomicis sæpe nimis subtiliter sint exaratae, & ob parvitatem pluribus simul bene indicari & explanari nequeant; in tabulâ verò delineare nimis sit operosum, aut ipsi Expositores delineandi praxin non habeant: subsidium afferre poterit lampas megalographica, cujus ope qualescunque figuræ minutæ ad parietem album trajici, ac mirum in modum auctæ representari poterunt. Facillimum autem est, figuras illas vitro aut folio Selenitidis inscribere. Si enim vitrum planissimum valdeque pellucidum retusâ politie aptetur, sicut supra indicatum est, ita ut facile quasvis figuras inscribi permittat; ponatur verò vitrum ita apparatus super figuras Anatomicas in libris expressas; possunt eæ pennâ vel plumbagine facile à quovis imitando exactissime notari & designari. Dum autem sic in vitro plano designatæ deinde lucernæ ad locum trajiciendarum imaginum debite imponuntur, lampasque probè instruitur, poterunt eæ sic ope lucernæ instructæ facillimè in pariete albo multo majores exprimi, itaque expressæ quibuslibet representari.

figuræ Anatomicae
quomodo
vitro in-
scribendæ.

Sed hisce sic breviter indicatis jam ad reliqua properemus.



*Artificium dissipationis imaginum seu quarumlibet figurarum per
vitra polyedra; & dissipatarum recollectionis proponitur
& declaratur.*

QUæ Theoriam attinent vitrorum polygonorum sive polyedrorum ac radio-
rum per eadem profluxum, attulimus & demonstravimus in fund. 2. Synt. 2.
cap. 6. Praxin quoque mechanicam eadem ex vitro vel crystallo perfectè ad qua-
drantem elaborandi, indicavimus supra cap. 11. Synt. 2. fund. huius; varias etiam ob-
servaciones, experimenta & proprietates eorundem ibidem cap. 12. recensuimus.
Nunc reconditiorem quendam eorum usum in dissipationis variarum imaginum &
figurarum, ac recollectionis earundem dissipatarum artificio Magico-dioptrico pro-
feremus, ne quicquam eorum, quæ curiosus Artifex in hoc opere nostro desiderare
possit, omisisse videamur.


Technasma I.


*Vitro polyedro imagines seu picturas variè dissipare, & dissi-
patas recolligere.*

Constru-
tio ma-
chinæ.


Quomo-
do imago
practice
dissipan-
da.

Ut artificium dissipationis imaginum per vitra polyedra, earumque recollec-
tionis in exemplo declaremus, paretur in hunc finem machina, sicut in figurâ hic
repræsentatur; ubi supra planam tabulam horizontaliter collocatam *DEFG* eri-
gatur verticaliter alia tabula *DIHG*; ambo verò tabulæ istæ ad extremitates con-
cludantur & contineantur conformibus regulis, quæ habeant competentes incisuras
sive crenas oblongas, eo quidem fine apparatus, ut intra regulas *DE* & *GF* pos-
sit fulcrum *B* quocunque promoveri; ita tamen retineri, ne ulterius quam par sit,
versus quodcunque latus oberrare queat: intra regulas verò *ID* & *GH* possit ta-
bella *abcd*, in quâ imago dissipari debet, aptè contineri. Circa medium tabu-
læ horizontalis *EF* loco *C* verticaliter erigatur fulcrum *CB* mobile pro sustinen-
do Tubo *BA*. Debet autem Tubus *BA* ita ad fulcrum *BC* accommodari, ut
exactè respondeat puncto *L* tanquam centro tabellæ *abcd*. Instruatur deinde
Tubus *AB* ad extremitatem *B* Lentè polyedrâ; alia verò extremitas *A* habeat se-
ptum in medio perforatum ad modum dioptræ, ut ibidem oculus fixè perspicer
possit. Sit autem distantia Lentis polyedræ *B* tam à tabellâ *abcd*, quam à se-
pto *A* major, quàm sit distantia foci Lentis polyedræ. His omnibus bene con-
structis, cum imaginis dissipandæ loca determinare cupis, ita procede. Ante m-
nutum foramen *A* statue lumen *K* lucernæ (potius quam candelæ, quæ decre-
scendo luminis apppositi puncta seu discos lucidos per Lentem polyedram trajecto
variat in oppositâ tabellâ) quod radios per Tubum & Lentem polyedram *B* traj-
ciet: radii verò in dictâ Lentè variè refracti dispergentur & in varias abibunt vi-
pro Lentis polyedræ superficierum numero ac situ, atque in oppositam tabellam
projicient luminosas arcolas, seu discos lucidos multiplices juxta figuram & n-
merum planorum Lentis polyedræ *B*. Dictas ergò arcolas nora, ac faciliè delet
li colore aliquo designa. Sublato deinde lumine pinge in spatiis arcolarum, qu-
lubita sunt, & tamen connexionem aliquam inter se habent; picturasque inter
etis parergis inter se uni. His peractis, si extra Tubum inspiciatur pictura, mu-
tiformis ea apparebit propter partes dispersas & parerga interposita: At si Tub-
eodem situ & loco, quo imago dissipata fuit, restituatur, & per eum pictura i-
spiciatur, formosa atque collecta apparebit, quia tantum videbuntur, quæ
areolæ





Ingenij lusus curas atque Otia poscit.



areolis depicta fuerunt: Quæ verò extra areolas cadunt, ab oculo eodem loco appposito videri haud poterunt. Ut tamen Artifex hoc dissipationis & reollectionis Artificium successu optimo in effectum deducere queat; visum est, documenta quædam practica adhuc hoc loco subijcere.

Documenta practica pro aptius perficiendo artificio dissipationis imaginum, & dissipatarum reollectionis per vitra polyedra.

1. Vitrum polyedrum adhibendum (quod debet esse plano - convexum ad parabolam magis quam sphaeram in convexitate accedens) quò fuerit ordinatioris figuræ, & perfectius ad quadrantem elaboratum, eò magis conveniet. Probatur præ cæteris, si constet ex meris areolis triangularibus æqualibus. Quo verò & plures tales areolas habuerit, eò cæteris paribus amplior & major figura dissipata recolligi poterit. Optimum erit, si constet planis hujusmodi superficiebus 24.

Vitri polyedri apta selectio.

2. Quo majores superficies planas polyedrum habuerit, eò majores areolæ dissipatæ, in quibus imago depingi debet, exhiberi poterunt: sed tunc vix picturæ aliæ, quæ totum aliquod efficere debent, ita facile conjungi possunt, ut omnis in picturâ inconcinnitas evitetur. Præstat igitur vitrum non adeò magnarum areolarum adhibere.

3. Quod si vitrum polyedrum adhibeatur convexo-concavum, ita ut multiplices planæ superficies sint ex parte protuberante dispositæ, ex alterâ verò parte sit una cavitas continua; imago collecta jucundè minor exhiberi poterit, & tanto quidem minor, quanto cavitas minoris diametri fuerit. Quod si verò polyedrum in aversâ parte multiplicium superficierum fuerit convexum, itaque ante tabellam disponatur, ut pictura existat adhuc intra focum ejusdem convexitatis; quo minoris diametri fuerit convexitas, eò pictura collecta major justâ videri poterit. Quod si verò polyedrum adhibitum sit plano-convexum, ut ordinariè solent esse, pictura collecta in verâ magnitudine, quâ depicta est, comparebit.

Vitri po-
lyedri col-
locatio.

4. Quò propinquius tabulæ vitrum polyedrum opponitur, eò figuræ areolarum fiunt minores & ad se invicem viciniore: quò vetò magis removetur vitrum; eò figuræ areolarum fiunt majores, & à se invicem distractiores ac remotiores.

Tubi con-
tractio
vel edu-
ctio quid
præstet.

5. Quò Tubus etiam in eadem collocaione Lentis polyedræ à tabellâ fuerit contractior, ita ut foramen in *A* minus distet à Lentē *B*, eò majores areolæ formantur, sicque majores figuræ integræ indè recolligi poterunt. Quò verò Tubus productior fuerit, eò minores areolæ videri poterunt; unde & eò minor aliqua figura tota per istam Tubi ordinationem recolligi poterit. Quod si igitur in tabellâ libeat minores areolas habere, oportet Tubum productiorem efficere, & vitrum polyedrum magis ad tabellam admove. Si verò easdem areolas majores efformare libeat, Tubus fieri debet productior, & vitrum magis à tabellâ removeri.

Aptatio
Tubi cum
pluribus
foramini-
bus.

6. Si Tubus non cylindricus, sed conicus adhibeatur, ita ut basis ad *A*, ubi inspectio fieri debet, fiat amplior, ac quidem plurium foraminum capax; poterunt per diversa foramina omnino diversæ etiam imagines spectari. Quod etiam præstari potest vario motu ipsius Tubi, si tantisper aut detorqueatur, aut in orbem moveatur; fiet enim, ut etiam alia atque alia imago videri possit. Prior tamen modus est melior & securior.

Quomo-
do melius
imago dis-
sipari
queat.

7. Licet ope lampadis areolæ modo supra indicato satis bene per facile designari possint; absolute tamen melius est, oculari observatione easdem in tabellâ advertere manuque ad tabellam protensâ accuratè designare. Quocirca etiam, ut figuræ satis nitide conjunctæ comparere queant, magna diligentia cum oculari semper observatione adhibenda est.

Cautelæ,
dum du-
plicatum
objectum
repræsen-
tatur.

8. Cum item accidere possit, ut aliquando areolæ aliqua se invicem ingrediantur, indeque objectum duplicatum ibidem repræsentari possit; Ideo ne inconvenientia aliqua in picturâ contingat, potest in tanto spatio, quo una areola alteram invadit & occupat, in unâ aliquâ ex iis picturâ negligi & caveri, ne quicquam ibidem pingatur, unde inconvenientia quædam emergat, quæ ordinatam alias & recollectam picturam turbare possit.

Quomo-
do scriptu-
ræ diffi-
pandæ.

9. Cum scriptura aliqua, quæ ex dissipatis & varie dispersis pluribus literis aut verbis recolligenda est, in tabella notatur: debent illæ literæ prius observatione oculari probe denotari; deinde a motâ tabellâ possunt alia verba, vel aliæ literæ sic apponi, ut alium sensum continuum optimè efforment, nec adverti queat differentia inter eas literas, quæ ope polyedri videntur, & eas, quæ non videntur.

Quomo-
do practice
aliæ ima-
gines
aptius dis-
sipandæ.

10. Similiter ut imago quædam velut hominis bene ordinata per polyedrum videri queat: possunt partes ita imprimis dispersim in variis areolis ordinari, ut illæ recollectæ nitidissime imaginem peritam efforment. Unde picto imprimis capite in unâ aliquâ congruâ areolâ, brachiis in aliâ, pectore rursus in aliâ, item pedibus iterum in aliâ &c. partes quidem hæc in tabella dispersim pictæ existent, quæ tamen per vitrum polyedrum recollectæ inspectori ordinatissimam hominis effigiem exhibebunt. Quo obtento debent deinde partes ita divisim & dispersim in tabellâ additis aliis partibus humanis compleri, ut inde plures homines cum variis figuris, vestibus, sitibus, aliisque parergis efformentur, atque ita integra aliqua continua & tota imago proveniat. Ac licet recollecta imago caput ab ista imagine, pedes ab alia habeat; adverti tamen minimè ex ipsa tota & completa imagine queat, quænam partes ad recollectam à vitro polyedro imaginem concurrant. Unde patet, quod artificium hoc requirât ingeniosum Artificem: & quò occultius & tectius hoc efficere potest, ita ut nulla inconcinnitas aut qualiscunque inconvenientia advertatur, eò mirabilius & excellentius opus perficiet. Omnium facillime potest palatium aliquod Principis aut fortalitiū hoc artificio curiosissime repræsentari, licet in tabellâ integra civitas ornatisimè depicta existat. Quia potest alicubi ab una domo assumi tectum; ab alia domo frontispiciū cum fenestris; ab alio loco civitatis assumi turris &c. quæ partes quidem singulæ separatim & dispersim in civitate illâ existunt; per vitrum tamen polyedrum inspectæ ordinatissimam alicujus palatii figuram exhibere possunt.

II. Tandem possunt in unâ aliquâ machinâ plures tabellæ sic ordinari, ut unâ sublatâ mox alia præsentetur, sicque successive inspectori in eodem loco per eandem Tubi ordinationem plures imagines jucundissime repræsentari queant. Quæ omnia ingeniosi Artificis industriæ relinquimus. Datis enim principiis facile est innumera alia excogitare.

Technasma II.

Horoscopium Magico-dioptricum eo Artificio describere, ut in infinita linearum confusarum multitudine, stylorumque & utcunque positorum situ hoc tamen confusum rerum chaos ex certo puncto horologium ordinatum & exactè horas demonstrans exhibeat.

Artificium hoc est *Kircheri*, quod tradit in Art. Mag. Luc. & umb. lib. 10. par. 1. cap. 2. prob. 13. Et quia exinde praxis dissipationis imaginum quarumlibet, earumque recollectionis ad plura alia nova artificia hinc eruenda addisci facile potest, placuit ipsismet *Kircheri* verbis huc transferre.


Fiat primò, ait, machina *CEFD*, cujus Tubulus *AB* vitrum polyedrum contineat: quo peracto horologium ita delineabis, ut figura apposita docet, quod deinde in quotlibet partes secabis unicuique lineæ numero horæ, quam designat ad confusionem vitandam adscripto. Hoc peracto accipe primò particulas horæ 12. quas applicato oculo ad Tubum *A*, altera manu in tabula *CEDF* ita dispones, ut per vitrum aspicientibus sub recta lineâ horæ 12. appareant. Deinde pari ratione accipies particulas horæ primæ, quas ita applicabis tabulæ *CEFD*, ut illa ex centro deducta debitam distantiam ab hora 12. habeat; quam obtinebit, si extremitas horologii quadrangula sibi rite constet, & partes partibus recte fuerint adaptatæ. Non secus de cæteris horarum lineis plano *CEDF* inscribendis operaberis, donec totum horologium construxeris. Signum autem, te recte operatum esse, hoc erit, si per Tubulum *A* respicientibus horologium, eam figuram exhibuerit, quam antequam partes secarentur, habebat, videlicet quadrangulam.

Horosco-
pii stru-
ctura.

Delineato verò horologio stylum ita accommodabis. Soli exposita situataque machinâ eâ industria, ut planum *CDEF* in plano sit verticalis primarii: deinde applicato oculo ad Tubulum *A*, altera manu alicubi in plano huc illuc tam diu torquebis gnomonem, donec umbra apicis in commune punctum intersectionis horæ & paralleli Solis incidat: ibi enim firmatus gnomon suum semper exacte exequetur munus.

Hac industriâ conficies horologium magicum, quod extra Tubum nihil, nisi infinitum linearum aliarumque picturarum confuse insertarum chaos referet. Nam cum lineæ horariæ extra punctum *A* visæ nihil certi referant, & dispersæ omninò jaceant, quodlibet inter eas depingere, quaslibet formare figuras, quoslibet stylos *A* gnomones delineare poteris, perinde est: Nihil enim hæc omnia obsunt horologio per vitrum refracto: nam si horam determinatam contemplari tibi animus fuerit, applicabis oculum ad punctum *A* tubi *AB*: & ecce repente tota illa linearum multitudine evanescente, nihil præter horologium, in quo apex gnomonis umbrâ suâ horam perfecte ostender, obtutui sese offeret. Quæ res, si occulte tractetur, dici vix potest, quantam in intuentibus admirationem excitet, dum capere non possint, quo tanta stylorum & linearum multitudo extra aspecta devenerit; maximum fane oculorum ludibrium. Hæc *Kircherus*.

Usus ho-
roscopii.

*Annotatio.*

Cum in Horoscopio jam adducto difficile sit practice stylum, sicut Author indicat, detorquere & incurvare, ut umbra continua projecta exactè munus suum exequi valeat; poterit saltem Horoscopium istud facilius construi, aptando nempe unam areolam, quæ centrum continet, ut linea horæ 12. è centro egrediens sit plano Horizontis vere ac perfecte perpendicularis. Deinde possunt ex centro initia omnium linearum horariarum deduci; ac ibidem etiam in prædicta linea horæ 12. gnomon vulgari modo accommodari cum angulo scilicet graduum elevationis Æquatoris, ut alias in ejusmodi horologiis verticalibus primariis fieri solet, aptarique ita, ut saltem eo usque, quò scilicet areola hæc primaria sese extendit, perfecte horas monstrare possit: unde deinde sufficienter hora tempori competens addisci facile potest.

Technasma III.


Mira & jucunda parastasi rem unam per vitrum polyedrum curiose multiplicem repræsentare.

Ostendimus modò praxin, qua ope vitri polyedri imago aliqua varie dissipari, ab oculo tamen sic dissipata optimè recolligi & una integra & simplex videri possit; superest, ut etiam paucis reconditiorem aliquam praxin indicemus, qua una eademque res ita dissipando multiplicari queat, ut tamen in continuatione & multiplicatione ordinem aliquem servet, sicque pro uno eodemque objecto majori integro & completo videri possit. Ex. gr. quomodò artificio aliquo Lens polyedra ordinari debeat, ut in plano aliquo formata una areola appareat integer hortus, pictum unum alterumve ædificium, integra ferme civitas; unum alterumve tentorium militare castra cum pluribus tentoriis spectari queant: ac quidem per eandem Lentem polyedram in eodem situ & loco, modò hortus, modò civitas, modò castra, modò pugna militum, modò chorea, modo alia ludicra curiosissime spectanda obijci possunt.

possint. Pro quo Artificio melius expediendo recolligi debent, quæ supra in fund. 2. Synt. 2. cap. 6. prop. 28. demonstravimus: nempe quod oculus post Lentem polygonam constitutus possit idem objectum multiplex semper erectum in diversis locis videre. Et quidem, si constituatur oculus in foco Lentis polygonæ, quod toties objectum idem videre queat multiplicatum, quot facies aut superficies planas habet Lens polygonæ. Deinde scire convenit, quod Lens polygonæ quanto amplius ab objecto removetur, tantò majus spatium circa quamcunque objecti apparentiam, ac ita in ampliori loco multiplices omnes representationes exhibeat. His ita suppositis, ut Artificium in exemplo declaremus.

Erigatur in planâ aliquâ tabulâ *B D* fulcrum *B* sustentans superius vitrum polygonum *A*. paulò remotius ab ipso vitro polygono aptetur compacta durior charta vel lamella ærea rotunda cum pertusis aliquot minutis foraminibus, ita ut oculus ad centrum seu focum vitri polygoni positus ibidem queat modò per hoc, modò per aliud foramen commodè transpicere. Hoc factò accommodetur è regione vitri polygoni *A* tabula aliqua *C D*, atque observatione oculari notetur ex. gr. locus *a*, in quo è regione vitri per superius foramen possit objectum multiplicatum videri. Similiter procedatur in singulis foraminibus applicando debitè oculum, ac observando simul in tabulâ *C D* locum qui respondet cuicunque foramini, ut objectum aliquod ibidem possit multiplicatum apparere. His omnibus locis observatis construatur una ordinata imago, velut in exemplo potest esse talis. In *a* parte altiori ut monte pingatur unum alterumve ædificium, vel Arx aliqua: apparebit per competens superius foramen multiplex quasi civitas: in *b* pingantur milites aut equites, qui comparere poterunt per conveniens foramen, integra cohors: in *c* pingatur una vel altera areola; apparebit hortus integer & magnus ibidem: in *d* delineari poterunt duo saltantes; apparebunt plurimi choream agentes: in *e* exarari potest unum vel alterum tentorium militare; vitrum repræsentabit integra castra cum plurimis tentoriis. His ritè factis omnia hæc in tabulâ delineata sic ordinari ac conjungi possunt, ut una continua pictura curiosa

Constru-
tio Artifi-
cii in
exemplo.



cum variis parergis existat. Eritque sic Artificium paratum, quo jucundè diversæ res per idem vitrum polygonum, nec unquam tota pictura in tabulâ efformata, repræsentari poterunt; sed nunc hoc, nunc illud pro ratione inspectionis, & quidem in tali extensione & amplitudine, quasi singulæ repræsentationes totam tabulam occuparent. Simili Artificio possunt in machinâ quâdam etiam variæ imagines ex cerâ efformatæ jucundissimè exhiberi. Curiosius nihil repræsentari potest, quam clades & strages cruenta militum: quia cum sæpe per vitra polyedra res non appareant integræ; repræsentari poterunt corpora diversimodè mutilata, & partes ab iisdem resectæ, quorum nihil omnino extra vitrum in tabulâ adverti potest. Verùm qui hæc bene perceperit, nullo negotio innumera alia proprio Marte excogitare poterit.

Annotatio.

Vitra polygona majora cum pluribus faciebus aptiora sunt, & quidem si magis ad sphaeram sint accommodata. Similiter possunt plura minora polygona ad fulcrum aliquod aptari, & variæ res per ea ex eadem tabulâ jucundissimè repræsentari. Vitra etiam polygona, quæ plures facies tantum in unâ serie secundum lineam curvam dispositas habent, usui miro esse possunt ad parastases valdè curiosas exhibendas, præsertim si ad machinam specularem adhibeantur: quæ paucis indicasse sufficiat.

Technasma IV.

Microscopia valdè mira & ludicra adhibitis vitris polyedris artificiosè conficere.


Ad calcem supra cap. 4. Synt. 3. hujus fund. mentionem feci de microscopiis ludicris, quæ etiam ope Lentis polyoptræ artificiosè construi possunt: Hic nunc opportunè eorum quædam paucis curioso Lectori libet indicare.

Microscopia simpliciora.

Imprimis simplicissimè effici possunt in vitris communibus cylindricis aut sphaericis; sicut in figurâ I. hic exhibentur, & supra etiam in cit. cap. 4. probl. 3. melius explicavi. Intus enim in *B* reponuntur res, quæ majores spectari debent: In *A* verò applicetur Lens polyoptra cum aliâ Lente microscopa sive minoris sphaeræ, cujus focus pertingit ad res ipsas in vitro *B* collocatas. Unde non est discrimen inter hujusmodi microscopia, & ea quæ in citat. cap. 4. prob. 3. indicavi, nisi quod hic adhibitâ adhuc Lente polyoptra fiat, ut res non tantum magnæ, sed etiam in pluribus locis, vel ampliori simul spatio dislocatæ & multiplicatæ exhiberi queant.

Microscopia magis artificiosa.

Possunt deindè & alia ludicra Microscopia effici ad eum planè modum, qui indicatus est in probl. 4. ejusdem cap. solummodò Lenti convexæ microscopæ addendo adhuc & conjungendo Lentem polyoptram plano-convexam: Vel etiam potest unica Lens polyoptra adhiberi, quæ ex unâ quidem parte habeat plures superficies planas; ex aliâ tamen parte sphaericè convexa ex minori diametro, ita ut focus ejus sphaericitatis se possit extendere ad res minutas, quas ibidem mirè auctas & simul multiplicatas aspicere volumus.



Aptissimæ figuræ capsarum possunt esse, sicut in fig. 2. 3. & 4. hic repræsentantur: capsâ equidem fig. 2. potest fieri cum septo intermedio *B C*, ita ut duæ parastases curiosæ in duobus loculamentis possint ibidem adornari. E regione autem cujusvis lateris in septo intermedio, ubi res videndæ ordinantur, potest aptari (velut in *A* patet) Lens polyoptra cum aliâ simul lente convexa auctoria, per quas ita conjunctas oculus in capsam spectare debet: ad latera verò, velut in *D* & *E* possunt effici duo foramina paulò majora, quæ vitro obscurato, & intus dilutis coloribus curiosè picto occludi queunt, ut quidem lux ibidem subintrans res sufficienter collustrare possit, oculus tamen distinctè res ibidem positas discernere non valeat. Simili vitro potest & supra in *B C* capsâ obtegi ob eandem causam.

Figura 3. exhibet capsam cum quatuor loculamentis, ut ibidem totidem distinctæ parastases exhiberi queant: ad medium singulorum laterum externorum (vel ut in *C* & *D* patet) aptè imponuntur Lentes polyedræ & convexæ auctoriæ, supra autem obtegitur capsâ vel chartâ tenui pergamenâ, vel vitro obscurato, sic ut modò indicatum. Optimæ sunt capsæ sive arculæ trigonæ vel pentagonæ imparium laterum, aut etiam rotundæ intus excavatæ cum tribus inspectoriiis foraminibus ad modum perfecti trianguli æquilateri circumpositis, ut in fig.

4. videre licet: sic enim aptari possunt Lentes polyoptræ cum convexis auctoriis ad medium singulorum angulorum solidorum, è regione ad latera angulis opposita possunt res videndæ accommodari; capsæ deinde supra vitro vel membranâ tenui occludi ad lumen sufficiens ibidem permittendum.

Ludicrum
poculum
potorium.

Figura 5. exhibet valde mirum & ludicrum poculum potorium, ubi nempe supra in $ABCD$ cuppa potoria accommodata est cum fundo è vitro nostro obscurato debite ita coagmentato, ne quemcunque humorem impositum dilabi sinat. Intra verò in capsâ $CDEF$, quæ appositè etiam superiori cuppæ conjuncta est, ordinantur tria foramina inspectoria ad modum trianguli æquilateri circumposita, & in singulis hisce foraminibus ponitur inprimis Lens aliqua convexa auctoria competens: extra verò eidem apponitur Lens polyoptra, ut velut lapillus pretiosus diversimodè sectus ibidem repositus concipi queat. Intus autem in ipsâ capsâ è regione singulorum foraminum ubi vitra imposita sunt, ordinantur res minutæ curiosissimæ, quas jucundè magnas & multiplicatas exhibere volumus. Hujusmodi poculum, si à perita manu debite appareatur, mirè ludicrum & jucundum effici potest, quod in mensâ hospites plurimum oblectare & recreare valet.

Constru-
ctio cistu-
læ micro-
scopico-
polyoptræ
mirabilis.

In figurâ 6. exhibetur constructio cistulæ mirabilis cum suis partibus artificiosè construendæ ad modum ejus, quæ in probl. 6. cap. 4. supra cit. indicata est: ubi scilicet intus supra regulas ordinatas, velut in H representantur, accommodatur orbis volubilis F , ut ibidem icones & curiosæ variæ imagines impositæ circumverti queant. Deinde supra orbem hunc volubilem accommodantur duo tenues asserculi curiosè picti, vel etiam tantum ex chartâ crassiori & duriori duo velamina, ne scilicet oculus in circumvolutione orbis ad latera prospiciens, imagines ibidem advertere queat. His omnibus debite in Arcâ CD apparatus formatur circa A foramen inspectorium cum Lente polyoptrâ, item & auctoriâ ibidem reposita, quæ duæ Lentes ita conjungi debent, ut imagines circumeuntes mirè auctas & multiplicatas exhibere possint. Ut quoque etiam res intus aptatæ congruè illustrari queant, in cistulæ operculo EB formatur foramen amplum, prout Arca permittit, illudque occluditur membranâ tenui, aut vitro ad morem sæpè indicatum obscurato, & curiosâ aliquâ picturâ exornato: Eritque sic cistula mirabilis microscopico-polyoptra parata, in quâ spectatori per A miræ parastases jucundissimè exhiberi poterunt. Plura alia hoc loco afferri possent; sed hæc omnia Artificis sagacis industriæ relinquimus. Datis enim principiis facile est innumera alia excogitare.



CAPUT VII.

*De Panscopiis Artificiosis, eorumque constructione
& fabrica.*

Panscopia hoc loco dicimus machinas artificialiter ita in compendio constructas & ordinatas, ut plurimum, vel etiam cujusvis generis optidorum instrumentorum effectus percommode ac jucunde præstare possint. Ad ingenium autem artificis possunt diversimode apparari. Pro exemplis sequentes machinas producimus, & paucis declaramus.


Technasma I.

Panscopium Teledioptricum, quod una Telescopium, Microscopium, Polemoscopium, Helioscopium, cameram obscuram, & plura alia complectitur, artificiose construere.

1. Paretur machina, velut in figura 1. hic apparet, cujus pars *ABCD* fig. 1. *EF* ad modum arcule quadratæ formetur, intusque latera erecta obtegantur quatuor speculis planis conformibus, ita ut sibi invicem specula opposita sint perfecte parallela, prout supra cap. 4. hujus Synt. technas. 1. cistulam specularem construere docuimus. Ad *g* quoque immediate supra speculum eo loco repositum fiat foramen oblongum, ut ibidem percommode machina inspicere possit. Habeat quoque hoc foramen contextoriam suam partem, qua dum necesse fuerit, occludi & muniri queat.

2. Ad fundum *BCF* ex tenui ligno accommodetur tabella quadrata conformis *M*, quæ inter crenas incisas huc illucque duci, adeoque extrahi ad libitum, & denuò quavis facie reponi queat. Sit autem tabella hæc ex unâ parte chartâ candidissimâ obtecta, vel candidissimo colore æqualissimè picta; ex alterâ verò parte eidem vivacioribus coloribus figura aliqua curiosa sit apicta.

Porro supra arcam hanc specularem inter quatuor regulas debite invicem compactas accommodetur vitrum planum parastaticum, sive tabula vitrea ex unâ parte tersissime quidem expolita, ex alterâ verò impolita: vel obtegantur hæ regulæ tenui membranâ, aut chartâ oleo inunctâ, ut ita pro tecto vel alio transepto *N* servire queat: ita verò aptetur, ut inter congruas incisuras pro libitu etiam extrahi (sicut in *N* videre licet) iterumque immitti & abscondi possit.



3. Hæc infimâ parte apparatus, compingantur quatuor trapezia ad modum tecti, sicut in *AG*, *DH*, *EI* exhibetur, possitque hoc tectum debite arcæ inferiori committi. Quocirca convenit in duobus lateribus oppositis ad commissuras unculas vel retinacula apponere, velut in *I* & *K* apparêt, ut tectum superius cum inferiori arcâ firmiter in dato quocunque situ retineri; retractis autem retinaculis, cum necesse fuerit, etiam removeri possit. In tribus trapeziis autem, velut *AH*, *DI*, & huic alterâ ex parte opposito circa medium fiant foramina, qualia in *ef*, & *cd* fig. 1. apparent; & quidem horum uni imponatur vitrum planum, ut per illud oculus extractâ parte *N* possit in machinæ fundum *BCFM* commodè transpicere: in alio foramine accommodetur similiter vitrum Lenticulare convexum, cuius focus pertingat ad ipsam fundi distantiam, ut ita oculus perspicuens res in fundo collocatas aut depictas possit multo maiores conspiciere. In tertio denique foramine accommodetur vitrum polyedrum, quo intus res una multipliciter in diversis locis spectari queat. Omnia autem hæc foramina

reina

mina habeant sua opercula cochleato opere aptata, quibus debite occludi possint.

4. Supra inclinata hæc trapezia paretur cubica pars GH , IK habens circa medium amplum foramen excavatum, ut Tubus LQ sive extractus, ut in figura 1. apparet; sive contractus, ut in figura 2. ibidem immixtus justè illud expleat; & quomodocunque commissus & impositus firmiter contineri queat. Dum autem Tubus omninò contractus ibidem immixtus est, ad ipsum vitrum parastaticum descendere possit.

5. Porro Tubus immittendus constet pluribus arundinibus, ut extra-fig. 6. ctione satis longus prout requiritur, effici possit: ultima autem & maxima arundo longior fiat reliquis arundinibus, ut eidem etiam adhuc aliæ minores arundines, prout videre licet in Figura 6. ex alia similiter parte imponi queant.

6. Minores istæ arundines Figura 6. ita coordinentur, ut tria vitra ocularia convexa apte ibidem collocari & ordinari possint, prout Tubus convexo-convexus melioris notæ requirit. Unde ad c Figura 6. collocetur primum vitrum oculare, ad d secundum, ad f tertium: arundo verò ab fiat ductitia pro ratione visus. Ita quoque accommodentur omnes arundines minores, ut cum Tubus seponitur, congruè invicem componi atque committi possint, sicque totus Tubus contractior effici queat.

7. Ad extremitatem O minoris arundinis in Tubo extracto OL applicetur cubica quædam arcuola minima RS , cui intus speculum planum optimæ notæ ab ad angulum 45. grad. inclinatum accommodetur: ita autem paretur hæc arcuola, ut ad O quidem ope cochleæ ad arundinem minorem apponi possit, & firmiter ibidem retineri: remotâ tamen hæc ipsâ arcuolâ pars aliqua arundinis PQ loco istius arcuolæ similiter apponi queat, ut ita unus continuus Tubus directus efformari & ordinari optime possit, sicut in Figura 4. apparet. Quando autem arcuola cubica RS apponitur, tunc debet pars arundinea PQ transferri in locum S , ibique ope cochleæ similiter planè apponi, ut Tubus recurvus efficiatur, sicut in Fig. 5. vi-fig. 5. deri potest.

8. Denique in arundineâ particula PQ ad Q duæ capsæ plane conformes & congruæ invicem apparentur, ut ibidem duæ Lentes objectivæ propè ad se invicem (quarum effectus æquivalet uni Lenti ad minorem aliquam distantiam focus sive imaginem ordinanti) componi possunt. Fit autem hoc ideò, ut unâ Lente remotâ Tubus quidem extractior & longior cum additis Lentibus aliis convexis ocularibus formari possit: alterâ verò additâ Lente objectivâ Tubus communis minor in longitudine cum appositâ Lente concavâ ordinari possit pro construendo non tantum Tubo communi Hollandico, sed etiam Helioscopio, ut ita per debitam coaptationem radii solares vel ad hoc vitrum parastaticum N , vel ad chartam albam in tabellâ M pro Solis imagine ibidem exprimendâ trajici possint. Deinde duæ Lentes objectivæ ita invicem compositæ possunt etiam non adhibito simul specillo concavo species visibiles vivaciores quorumlibet objectorum vel ad vitrum parastaticum, vel ad chartam albam in fundo machinæ transmittere, sicut postea melius indicabimus. His omnibus ita debite coordinatis habetur Panscopium, quo plurium instrumentorum Teledioptricum effectus commodissime obtineri possunt, eo modo, ut jam venit declarandum.

Usus Panscopii declaratur.

1. Si Panscopium ita collocetur, ut in Fig. 7. vides, remotisque vitris ocularibus Fig. 6. cum duabus Lentibus objectivis adhibitis Tubus ordinetur directus, ita ut ad vitrum parastaticum species directè ab objectis inducantur; remoto fundo ma-

Artificium
multipli-
catum
imaginum
per species
trajectas.
chinæ

chinæ, ibidemque factâ inspectione habetur Artificium immiſſionis ſpecierum cap. 1. techn. 1. Synt. 5. huius indicatum: Adhibito verò recurvo Tubo cum iisdem Lentibus objectivis poterunt ſpecies à quocunque latere ſimiliter induci, & imagines diverſimode multiplicatæ exhiberi.

Camera
obscura.

2. Quod ſi in ſimili ſitu tabella fundi cum chartâ candidâ adducatur & machina concludatur; è contra vitrum paraſtaticum retrahatur, Tubusque vel directus, vel recurvus applicatus magis contrahatur, ita ut imago ordinata ad chartam albam transferatur: habetur camera obscura, in quâ per foramina in trapeziis nunc imagines projectæ nitidiſſime minores, nunc paulò majores per Lentem convexam auctoriam, nunc multiplices quaquaverſus diſperſæ per Lentem polyedram ſpectari poſſunt.

Helioſco-
pium.

3. Helioſcopium Sheinerianum haberi poterit, ſi adhibito ſpecillo concavo & duabus Lentibus convexis objectivis, uti jam indicatum, efficiatur Tubus communis directus, & in diſtantiâ convenienti, prout alibi docuimus, ordinatus ita præponatur, ut imago Solis ad albam chartam in fundo deferatur: poterunt maculæ ſolares, & earum mutatio facile annotari. Elongata etiam paulò magis Tubi communis aptâ ordinatione poterit imago Solis ad vitrum paraſtaticum transferri, & aperto machinæ fundo optime ſpectari & obſervari.

Camera
obscura
alio modo
ordinata.

4. Quod ſi machina Panſcopica erigatur, ut in Fig. 1. apparet, & remoto rurſum ſpecillo cavo Tubus recurvus cum duabus Lentibus objectivis aptetur, ac roſtrum illius verſus objectum terreſtre quocunque loco conſtitutum dirigatur; haberi rurſum poterit camera obscura, in quâ ſpecies ad albam chartam in fundo machinæ translatae pro ratione inspectionis videri poterunt, nunc everſæ, nunc erectæ, nunc nitide ac valde vivaciter minores, nunc majores, nunc etiam diverſimode diſperſæ & multiplicatæ. Si una tantum Lens objectiva ſuperius accommodetur, imago trajecta major quidem comparere poterit, at paulo obſcurior.

Microſco-
pium me-
lioris notæ

5. Microſcopium compositum melioris notæ ordinari poterit ex Lentibus ocularibus fig. 6. ſi nempe Tubulus *ab* immediate ad Lentem ocularem *c* paulò minoris diametri, quàm ſunt diametri reliquarum duarum Lentium ocularium promoveatur, ut ita minus aperiatur: Lens autem *d* cum ſuo Tubulo convertatur & removeatur magis ad Lentem *f*, ita ut imago à Lente *c* in Tubum trajecta longius removeatur propè ad ipſam Lentem *d*, indeque per duas reliquas Lentes oculares debite coordinatas trajiciatur ad oculum eo modo, ut in fund. 2. Synt. 3. cap. 3. prop. 7. indicatum eſt; habebitur Microſcopium petitum, quod res minutæ in debitâ diſtantiâ, ut ibidem indicatum, ante Lentem *c* collocatas multò majores repræſentabit.

Aſtroſco-
pium.

6. Aſtroſcopium ſive Tubus Aſtronomicus, qui objecta ſcilicet everſa repræſentare ſolet, ordinari poterit; ſi adhibita unicâ Lente oculari vel *c* vel *f* Tubus longius extractus fiat directus cum unâ Lente objectivâ longioris diametri, debite adaptetur, eo nempe modo, quo ſupra Tubos Aſtronicos ordinare docuimus.

Teleſco-
pium con-
vexo-con-
vexum.

7. Teleſcopium melioris notæ cum quatuor Lentibus convexis ordinari poterit, ſi ad unam Lentem objectivam in Tubo directo adhibitam applicetur ordinatione ocularium competens, ut in fig. 6. repræſentatur: fiatque Tubus integer, ſicut fig. 4. exhibet.

Teleſco-
piū com-
mune, ſive
concavo-
conve-
xum.

8. Tubus communis Hollandicus effici poterit ſeorſim è machinâ, ſi apponatur in Tubo minùs protracto ſpecillum concavum duabus Lentibus convexis objectivis, quæ æquivalent uni Lenti, breviori diſtantiâ focum vel imaginem removeanti, in eâ ordinatione, quæ ſupra pro Tubis communibus ordinandis indicata eſt.

Polemo-
ſcopium.

9. Polemoſcopium ordinatur efficiendo recurvum, vel Tubum Hollandicum vel convexo-convexum melioris notæ, appoſito ſcilicet ſpeculo, ut in fig. 5. exhibetur.

10. Tandem ſi removeantur omnes partes ſuperiores Panſcopii, & ſolùm inferior pars, ſicut in fig. 3. apparet, aptetur: habetur ciſtula ſpecularis ſupra. cap. 4. techn. 1. Synt. 5. huius explicata. Undè ſi ad fundum in converſâ tabulâ *M* pictura quædam curioſa depicta diſponatur, videbitur ea per foramen *g* mirè ampla & multipliciter diſper-


disperſa. Si fructus vel quæcunque alia ad fundum imponantur, ingens eorum copia quaquaverſus ſpectari poterit. Si penitus extractâ tabulâ *M* ciſtula hæc in Menſâ ſuper lancem aut patinam bellariis refertam collocetur; integra menſa quaquaverſus ampliffima innumeris lancibus & patinis cum bellariis ſimilibus impositis plena per foramen *g* ſpectatori exhiberi poterit. Sed hæc de Panſcopicâ hæc machinâ noſtrâ indicâſſe ſufficiat: plura alia, quæ ad aptiorem apparatus & ordinationem, ac potiſſimum proportionem partium huius Panſcopii faciunt, Artificis ingenio relinquuntur: omnia enim omninò exactè & præciſè declarare nimis operoſum videtur.

Technaſma II.

Panſcopium catoptrico-Magicum, ejusque fabrica.

Aliud Panſcopium catoptrico-Magicum valdè curioſum & Artificioſum, uti aliquando ex ſpeculis diverſimodè coordinatis apparavi, quo omnis generis Artificia catoptrica in unâ aliquâ machinâ compendioſè concluſa, cum ſummâ intuentium oblectatione, nec minori etiam per ſupra in membranis appictas figuras eruditione exhiberi poſſunt, hoc loco paucis adhuc Lectori indicare libet. Eſt tamen hoc ipſum Panſcopium ex parte ſupra cap. 5. techn. 4. Synt. huius ſufficienter indicatum: ſolùm hic ejuſdem in ſchemate partium diſpoſitionem atque ordinationem unâ cum accuratâ appictarum figurarum exhibitione paulò clariùs exponendam duxi.

Imprimis itaque, ſi Panſcopium hoc parare libeat, conſtrui poterit ad modum figuræ hic appoſitæ, ubi quinque hæ partes *AB*, *BC*, *DE*, *GH*, & *IK* ſunt à *K* invicem ſeparabiles, ut ſeorſim ſingulæ exponi & tractari commodè poſſint. Sed nunc ſingularum partium internam ſtructuram aperiamus.




Mm

Partis

Partis primæ superioris in Panscopio internus apparatus.

In superiori primâ conica parte *AB* poterit profundus aliquis descensus per gradus plurimos mirè inter se coordinatos ad longissimam distantiam continuatus exhiberi; ita quidem, ut quantò altior est conus *AB*, tantò magis elongatus & protensus videri possit, si requisita ad eundem exhibendum interius probè apparentur: quæ videlicet sunt, speculum concavum longioris diametri suæ concavitatis, vel Lens plano-convexa obtusioris sphericitatis supra speculum planum immediatè collocata, ut sic combinatio ista æquivaleat speculo concavo, sicut supra indicatum est. Deindè Helix aut spira conica ex chartâ crassiusculâ cum gradibus utrinque appictis efformata, velut hic in *hfg* exhibetur, quæ ita intra conum alium chartaceum supra speculum *fg* accommodari debet, eoque concludi, ut oculus *L* per foramen *A* in conum *AB* inspiciens probè in speculum prospicere possit. Prodest tamen, foramen inspectorium *A* paulò longius à speculo remove, quàm sit ejus centrum, ne oculus inspiciendo seipsum distinctè videat. Item possunt in cono *ABC* minuta aliqua foramina effici, ut ita conus interius à subeunte luce illustrari queat. Ne verò pulvis facilè ibidem incidere possit, prodest adhuc alium conum versatilem priori omninò conformem cum excisa aliqua parte *bcd* exterius apponere, quo minuta illa foramina facilè obtegi, aut retegadi libitum possint. Imò etiam in aliquo



simplici cono adhibito possunt aliquæ partes velut in *bcd* videre licet, excindi, ac ibidem indi vitrum ex una parte obscuratum cum curiosa aliqua figura appicta: vel potest ex pluribus longioribus tabellis vitreis (quæ sint interius tenera attritione obscuratæ, exterius verò tersissimè expolitæ) loco coni pyramis, aut obeliscus efformari.

Omnibus debite apparatis, si oculus *L* ad foramen *A* applicetur, luxque sufficiens ad internam compagem illustrandam immittatur, videbit testudinem mirè protensam & profundam. Nam quia speculum concavum objectum ante se positum semper magis ac magis auget usque ad focus, in quo clarissimè valdè magnum repræsentat; inde verò, licet quidem adhuc majus exhibeat, obscurius tamen tandem disparere faciat; fit indè, ut oculus inspiciens conum ita artificiosè constructum, gradus etiam æquali tractu procedere videat, licet superius minores effor-

mati

mati sint. Plura alia sagax Artifex ex descriptione hac advertet, quàm opus sit uberius declarare.

Secundæ partis in Panscopio structura exponitur.

Secunda hæc pars intra capsam recondita tenetur, sicut in figura prima hic apparet, ita quidem ut complicata quasi in scatula rotunda infra conum præcedentem deliteat: quando verò è capsâ eximitur, prolongari in cylindrum potest, sicut hic in fig. 2. apparet. Pars plicatilis est ex membrana tenui diversimodè dilutis aqueis coloribus picta ad modum lucernarum chartacearum vulgarium complicatiliū effecta, ita ut lux sufficiens ibidem subire possit, Artificium tamen interius penetrari nequeat. Duo plana orbicularia opposita *C* & *M* intus obteguntur speculis planis similiter in orbiculos exesis: Superius autem speculum *M* circa medium habet ex subraso folio ibidem minutum aliquod foramen, ut oculus transpicere eodem loco commodè possit. Ne verò in altero speculo opposito *C* oculus seipsum, aut foramen inspectorium videat, poterit minor aliquis dimidiatus orbiculus inauratus, vel alia figura ad medium sive ad centrum ejusdem rotundi speculi cerâ piceatâ coagmentari. Quibus omnibus bene aptatis, si oculus supra per foramen in *N* plicatilem tunc cylindrum inspiciat: videbit abyssum mirabilem & in libero quasi æ-rependentem deauratum globulum, vel si paululum agitetur cylinder, plures tales globulos semper ab invicem magis remotos; quod spectaculum visu jucundissimum est.




Tertiæ partis in Panscopio structura & fabrica.

Hujus partis Panscopicæ structura ita perfici potest; Secentur vitra specularia in formam, quam exhibet figura *O*, frustra omnia partim quadrata, partim triangularia jungantur inter se ita, ut specula introrsum vergant, & constituent corpus polyedrum, quale in *D N E* hic repræsentatur. Fiat autem planum quadratum superius *N* lumini pervium, posito nempe loco speculi ibidè solum vitro plano transparente; relinquatur etiam à latere aliquo ex quadratis ostiolū *F*, per quod in corpus hoc catoptricum spectari queat. Intus deinde in medio ponatur columna, in quâ res repræsentanda


situatur. Hisce probe peractis tanta spectacula in hoc corpore catoptrico, quanta vix in ullo alio videre poteris; præter innumerabilem enim speciei multiplicationem incredibilem Metamorphoseon varietatem, ceu in amplissimo Morphei theatro constitutus reperies.

Arcanius adhuc catoptricum hoc Artificium institues, si planum vitrum supra in *N* ex parte illâ introrsum vergente tenerâ attritione nonnihil obscuratum adhibeas, ut luci quidem ibidem transitus permittatur, visus tamen, ne distinctè interiorum structuram discernere queat, ab obscuracione illâ præpediatur: ex cerâ etiam aptè coloratâ deinde ramusculos cum foliis nonnullis minutis efformes, & ad speculorum commissuras applices. In medio porrò pomum aliquod aureum vel alium fructum aut florem super ramusculum è corporis fundo egredientem constituas: totum denique corpus hoc polyedrum occludas, ut non nisi per minutum foramen *F* oculus illud inspicere queat: videbit is arborem plurimis ejusmodi fructibus aut floribus impositis plenam, mirèque amplam, quæ ad ingens spatium sese extendat.



Quarta Partis hexagonæ in Panscopicâ machina apparatus.

Quomodò hæc quarta pars machinæ Panscopicæ apparanda sit, cum supra in Technasm. 3. & 4. cap. 5. Synt. hujus satis indicatum sit, non videtur necessarium, ut pluribus hoc loco declaretur. Solùm amplius videtur intimandum pro meliori adaptatione; superius nempe paulò infra membranam, quæ obtenditur, tenues aliquas regulas eo modo, ut in figurâ *P* videre licet, accommodari posse, ne oculus per quodcunque foramen inspectorium perspicere possit reliqua foramina in reliquis lateribus, & si plures unâ simul inspiciant, oculos eorundem ibidem videre.



Machina hæc, si bene eo modo, ut aliquando construxi, apparetur, valde curiosa est, jucunda ac eruditione plena: innumeræ enim choreæ sive circuli hominum omnis Nationis & statûs quaquaversus saltantium, cum vestimentis conformibus effigiatorum in eâdem exhiberi jucundissimè possunt. Ac quia quasi innatum videtur esse cujusvis Nationis & statûs hominibus, ut in Animarum relaxatione nescio quâ occultâ vi Naturæ, ad choreas & saltus cyclicos stimulentur: idcirco opportunè eruditionis Ethicæ causâ supra membranam obtensam Panscopium Encyclicum descripsi, prout in Iconismo apposito videre licet, quo mira rerum omnium mundanarum pericyclois in schemate exhibetur, indeque spectatori curioso tacitè objicitur & instillatur, sæpè reminisci debere, RERUM OMNIUM CIRCULUM esse. Vocare autem libuit *Panscopium Encyclicum*, quia indagatori curioso omnis Naturæ ordinem ac seriem circulari quodam motu in se redeunte præditum, atque omnium rerum mundanarum cyclicè obeuntium circa centrum suum, ipsum scilicet Deum Optimum, Maximum, qui est verè omnia in omnibus, clarè ob oculos ponit. Sicut etiam in productione circuli unicum solum punctum, quod est in medio, vocaturque centrum, quiescere solet, illudque unicum centrum omnes circuli partes in productione respiciunt, undè & producuntur: ita & Deus universitatis conditor solum unicum centrum ejusdem est, ad quem omnia in amplissimâ hâc Universitatis productione & conversatione respiciunt, qui solus est centrum, quies, meta & scopus omnium, nec extra eundem ulla quies aut stabilitas obtineri potest: à quo omnia cyclica mundi corpora ortum trahunt, & suum quæque ordinem immutabili lege percurrunt, ut non inconcinne *Philothæus* ille in Symbolis Christianis cecinisse putandus sit, dum verus istos protulit;

Iconismus
XXVIII.

Qui cœlum & terras & totum condidit orbem
Atque unus complet Numine quæque suo.
Quem circum mundi vastum versatur inane,
Omnia qui secum maximus Axis agit.
Dixeris hunc meritò punctum centrumque salutis,
Ad quod quisque suas fertque refertque vices.
Res mea, spes mea, lux mea, crux mea pendet ab uno:
Pro lubitu faciat quælibet ille suo.

Philoth.
Symb. 56.

Quare etiam Seraphicus ille *Franciscus* hoc unicum semper in ore & corde circumferebat: *Deus meus & omnia*, quo testabatur, se unicum hoc centrum indefinenter appetere, dumque hoc obtineret & possideret, omnia se obtinere & possidere. Cum itaque omnia extra Deum irrequieta sint, ac in continuo motu circulari fluxa, vana, & vaga, ac in seipsa denuò redeuntia: habet hinc, quod discat homo magnus ille Naturæ colonus, in nullo alio, quàm in Deo suo velut centro ac fine ultimato firmum veluti similiter pedem figere, aut ad alium scopum, quàm ad hunc ipsum in omnibus actionibus collimare, si optatâ quiete perfrui desideret. Ac sicut Deus ratione suæ immensitatis etiam est veluti *circulus, cujus centrum ubique, circumferentia nusquam*: ita quoque hinc intimatur, quod homo Deum suum quovis loco reperire, colere, venerari, & venerando promereri, ac adipisci possit.

Porrò quod pericycloin Microcosmi, hoc est, Hominis in Iconismo indicatam concernit: sicut Homo microcosmicâ illâ ideâ, cujus intuitu Megacosmi structura à Ter-Optimo Deo fabricata est, ab ingressu in Megacosmum, nunquam in eodem statu permanet, sed continuâ mutatione in principium suum regreditur; testante hoc sacro eloquio Eccles. 12. vers. 7. *Revertatur pulvis in terram suam, unde erat, & spiritus redeat ad Deum, qui dedit illum*: hoc ipso inquam denuò commonetur, manentem civitatem, ut ait Apostolus, hic non habere, sed futuram inquirere; hoc est ipsum, quod jam diximus, cyclicâ reversione ad eum

Micro-
cosmi pe-
ricyclois.


spiritum dirigere, qui dedit illum. Deindè cum Homo *imbecillitatis exemplum*, *fortune lusus*, *inconstantia imago*, ut eum appellavit aliquandò Princeps Philosophorum *Aristoteles*, in seipso videt miram illam statum sui & Naturæ, rerumque, quibus in mundano hoc suo domicilio occupatur, continuam permutationem, in seipsum reversus fortunam semper vereatur, & metu verecundo subdat se fortunæ Moderatori. Quocircà bene aliquandò respondit *Cræsus* consultus à *Cyro* de bello suscipiendo contra *Tomyrin* Reginam, à quâ tandem occisus est: *Si tibi, aiebat, esse videris immortalis, nihil est opus, ut meam tibi sententiam dicam. Si verò te quoque agnoscis hominem, illud inprimis discito, talem humanarum rerum circulum esse, qui rotatus eosdem semper fortunatos esse non sinat.* Cæterum plura alia, quæ in Schemate expressa videntur; cum satis clare pericyclicam mutationem Megacosmi Lectori exhibeant, ne filum orationis in re perspicuâ longius quàm par sit, pertexam: Sufficit paucis ita omnia perstringere, ac solum ingerere, videri miram istam rerum omnium mundanarum pericyclosin alio haud fine à supremo Conditore ita ordinatam, quàm ut encyclica fugâ suâ ac inquietâ revolutione omnem in Megacosmicâ hâc machinâ figendum amorem abludant; ostendantque, ipsum solum inquirendum, qui est verè beata quies, centrum, meta, finis & scopus Naturæ universæ.

Brußlib. 2.
cap. 37. ex
Herodot.

Infima partis in Panscopio apparatus.

Cum infimæ hujus partis quadrilateræ structura una cum interno apparatu pro 4. Anni Temporibus Artificio catoptrico curiosissime exhibendis sufficienter supra Techn. 4. cap. 4. Synt. hujus sit indicata, & in apposita figurâ *IK* bene etiam expressa cerni queat; necesse haud erit, amplius quid ratione structuræ Lectorem commonere. Solum hoc loco paucis adhuc libet explanare *Chronoscopium Encyclicum*, quod supra partem hanc in tenui membrana obtensa ita delineavi, ut in Iconismo apposito repræsentatur, cum utiliter pro quovis tempore horario, diurno & annuo indagando etiam extra Machinam hanc ab Artifice describi, & bene descripta plurimum servire possit.

Iconismus
XXIX.



Chronoscopii Encyclici brevis expositio & usus.

Imprimis ad centrum figuræ hujus Chronoscopice exhibentur Quadræ Medicæ, unde per extensum à centro filum ad horas Europæas, vel quascunque alias in Horoscopio generali signatas facile addisci potest tempus, quo juxta Medicos humor aliquis in corpore humano prædominari solet. Quadræ Medicæ.

Limbus proximus has quadras Medicas sequens exhibet tempus regiminis Planetarum in singulis horis planetariis, tam diurnis, quàm nocturnis, secundum ferias & dies hebdomadæ ibidem signatas, prout à plurimum superstitiosis Babylonis, & antiquis plerisque Astrologis vanissime observatum fuit. Regimen Planetarum. Usus autem talis est. Cognitâ horâ Planetariâ, quæ per lineas horarias recurvas pluribus punctulis paulò crassioribus signatas in Horoscopio generali mox explicando denotatur, & propè limbum regiminis Planetarum etiam per notas numerales antiquas indicatur; si in plano circulari competente scilicet feriæ sive diei hebdomadæ observetur Planeta respondens horæ Planetariæ prius inventæ, erit is qui tunc juxta antiquos Astrologos regere censetur.

Post limbum regiminis Planetarum exhibetur in Iconismo Horoscopium generale ostendens omnis generis horas, in quas tempus diurnum dividi consuevit, ut Astronomicas, Europæas, Italicas, Babylonicas, Planetarias sive inæquales, Antiquas, aut Judaicas. Horoscopium Generale. Eo autem artificio Horoscopium pro latitud. 50. grad. delineatum est; ut primò spatium albicans ostendat tempus diurnum, nigricans verò nocturnum: Integri circuli invicem paralleli & concentrici eidem inscripti denotant parallelos Solis, ac signa cœlestia, sicut & ibidem notis suis expressa cerni possunt. Lineæ curvæ ab ortivo Horizonte computatæ denotant horas ab ortu sive Babylonicas: Lineæ verò similiter curvæ ab occiduo Horizonte computatæ demonstrant horas Italicas, sive ab occasu Solis: Lineæ porro curvæ punctulatæ horas planetarias aut antiquas denotant; quæ verò rectæ ad exteriorem limbum horarium producuntur, ostendunt horas Europæas à meridie ad mediam noctem, & inde rursus à mediâ nocte ad meridiem computatæ; Item, Astronomicas à meridie continuâ serie ad meridiem denuo regredientes. Quomodo autem practice pro quovis Horizonte tale Horoscopium generale construi debeat, videri potest *Kircherus* Art. Magnët. part. 3. cap. 3.

Usus hujus Horoscopii est: Applicato ad centrum figuræ Chronoscopice filo cum gemmulâ, vel factò tantum nodulo in eodem filo extende filum vel nodulum, ita ut gemmula vel nodulus parallelo Solis, in quo pro tempore illo Sol existet, exacte conveniat: duc deinde filum per circuitum, & demonstrabit gemmula pro eodem tempore diurno omnis generis horas & horarum initia, quando verè incipiunt; item & ortum ac occasum Solis, unde ex morâ Solis parallelum aliquem percurrentis supra vel infra Horizontem, longitudo diei vel noctis pro quovis dato tempore facile etiam cognosci potest. Verum hæc eadem expeditius è sequentibus cyclis addisci poterunt, ut mox indicabitur. Usus Horoscopii.

Quomodo autem sciri queat, dato quovis die, in quo parallelo sive signo & gradu Zodiaci Sol existat: docet Calendarium una cum Zodiaco in medio figuræ hujus Chronoscopice delineatum; quod quidem Calendarium juxta medium motum Solis ex tabulis *Dechales* in Astron. pro Anno 1680. completo descriptum est, statuiturque locus Solis ad initium cujusvis mensis, ut sequitur. Usus Calendarii inscripti.

<i>Menses</i>	<i>Dierum</i>	<i>Sig.</i>	<i>Grad.</i>	<i>Min.</i>	<i>Sec.</i>
Januarius.	31.	9.	10.	42.	35.
Februarius.	28.	10.	11.	15.	53.
Martius.	31.	11.	8.	51.	46.
Aprilis.	30.	0.	9.	25.	5.
Majus.	31.	1.	8.	59.	15.
Junius.	30.	2.	9.	32.	33.
Julius.	31.	3.	9.	6.	43.
Augustus.	31.	4.	8.	59.	16.
September.	30.	5.	10.	13.	19.
October.	31.	6.	10.	23.	27.
November.	30.	7.	10.	20.	47.
December.	31.	8.	9.	54.	50.
<i>Anuus motus.</i>		9.	10.	28.	16.

Ad hoc Calendarium & signa cœlestia Zodiaci circumscripta reliqua omnia in Chronoscopica figurâ ordinata sunt ita, ut si inprimis dato quocunque Anni die velis diei vel noctis longitudinem, item, Solis ortum vel occasum indagare: tantum è centro Chronoscopii protende filum ad diem datum Mensis in Calendario, & mox filum in cyclis longitudinis dierum vel noctium, item, ortus vel occasus Solis denotabit tempus in horis & horarum quadrantibus petitum. Quod si dato quovis Anni die scire velis, in quo signo cœlesti, ejusque gradu tunc Sol existat: similiter è centro Chronoscopii extende filum ultra diem datum Mensis in Calendario repertum ad Zodiacum; & mox patebit signum, ejusque gradus respondens. Invento porrò signo cœlesti mox succedit cujusvis signi Natura cum iis, quæ vani Astrologi cuique signo attribuere solent, ut melius in figura spectare licet. Si scito die Nativitatis alicujus scire velis juxta vanissimorum Ægyptiorum, aliorumque leviculorum ex Astris nugantium hominum commenta, quos natus eodem die Annos climactericos sive vitæ præ aliis magis periculosos timere possit: vide inter signa Decanum, & in eodem numeros, qui diei Nativitatis respondent: denotabunt hi numeri dictos Annos gradarios ac climactericos quæsitos.

Planetarum figuræ scriptæ super certas corporis humani partes & membra in subsequente limbo figuræ Chronoscopice indicant, datâ horâ planetaria sive regiminis alicujus Planetæ (quam supra in Horoscopio generali, & ex limbo regiminis Planetarum addiscere docuimus) quas partes Sol in eodem signo existens respicere, & comprimis influere ab Astrologis asseratur.

Reliqua in Iconismo expressa, cum per se facillima sint, & ex ipsa figura facile colligi possint, iis ulterius exponendis neutiquam immorabor. Atque hoc est Panscopium Magico-catoptricum, cum structura & apparatu suo tam interno quam externo, quod Artifex sagax facile imitari, aut amplius perficere poterit: cum datis principiis facillimum sit innumera alia excogitare.

Conclusio Operis.

Volebam hic Appendicis loco per integrum adhuc Syntagma appositum adnectere Pan scopium Naturæ curiosum, quo docere volui, quomodò per ocularem inspectionem & observationem abdita quamplurima & Arcana in Regno Naturæ detegi possint. Verum quia materiam continet amplissimam, quæ ob instantes nundinas haud absolvi, multò minus typis imprimi potest, urgetque Librarius nimium ad sua properus & festinus operis conclusionem, ne in librariâ negotiaturâ damnum patiatur: ideò promissa ad aliud opus transferre cogor; & vel invitus hic sisto calamum, unicumque hoc Lectorem rogare volo, ut ob graviora menda, quæ præter spem irrepsert, non mihi, sed his, quibus præsens opus nimis fidenter ad libitum, ac comprimis ejus Fundamentum primum commissum est, succenseat: quæ ipse etiam correctâ hic, ut decet, subnecterem, si non continuò hic ultimus error subreperet ab iis, qui ad accidentia locularia magis, quam substantiam in re libraria attendunt, ingestus, dum dicunt; Menda Typis cognata, & in ejusmodi libris minus reputari.

Ad Zoilum.

Zoile ne rodas, DENTEM pro Dente repono:
 Unus enim est major Dens mihi, præ reliquis.
 Omnia dicendo te scire hæc: non bene Verum
 Dicis; cum retices *carpere*, quæ male scis.
 Si sapis, hoc dicis: quæ solus scire putavi,
 Invideo, ut plures jam mea scire scio.

F I N I S.



